

Cherokee, Feb. 69

#3297

25-
JNNN

DAKOTA

WOWAPI WAKAN KIN.

THE NEW TESTAMENT,

IN THE

DAKOTA LANGUAGE:

TRANSLATED FROM THE ORIGINAL GREEK,

BY STEPHEN R. RIGGS, A. M.

MISSIONARY OF THE A. B. C. F. M.

NEW YORK:
AMERICAN BIBLE SOCIETY,

INSTITUTED IN THE YEAR MDCCCXVI.

MATTHEOS.

WOTANIN WAŠTE OYAKE CIN.

WICOWOYAKE 1.

1 Jesus Messiya, Dawid cinhintku, Abraham cinhintku, oicage wowapi kin he dee.

2 Abraham Isaak cincaya; qa Isaak Jakob cincaya; qa Jakob Judas qa hunkawanjitku ko cincawicaya:

3 Unkan Judas Phares qa Zara, Tamar etanhan, cincawicaya; qa Phares Esrom cincaya; qa Esrom Aram cincaya:

4 Qa Aram Aminadab cincaya; qa Aminadab Naasson cincaya; qa Naasson Salmon cincaya:

5 Qa Salmon, Racab etanhan, Booz cincaya; qa Booz, Ruth etanhan, Obed cincaya; qa Obed Jesse cincaya:

6 Qa Jesse Dawid wicaštaya-tapi kin cincaya; qa Dawid wicaštayatapi kin Solomon cincaya, Urias tawicu qon etanhan.

7 Qa Solomon Roboam cincaya; qa Roboam Abia cincaya; qa Abia Asa cincaya:

8 Qa Asa Josaphat cincaya; qa Josaphat Joram cincaya; qa Joram Ozias cincaya:

9 Qa Ozias Joatham cincaya; qa Joatham Akaz cincaya; qa Akaz Ezekias cincaya:

10 Qa Ezekias Manasses cincaya; qa Manasses Amon cincaya; qa Amon Josias cincaya:

11 Qa Josias Jekonias cincaya; hunkawanjitku hena koya, Babulon ekta awicayapi qon he ehan.

12 Unkan Babulon ekta awicai pi hehan Jekonias Salathial

cincaya; qa Salathial Zorobabel cincaya:

13 Qa Zorobabel Abiud cincaya; qa Abiud Eliakim cincaya; qa Eliakim Azor cincaya:

14 Qa Azor Sadok cincaya; qa Sadok Akim cincaya; qa Akim Eliud cincaya:

15 Qa Eliud Eleazar cincaya; qa Eleazar Matthan cincaya; qa Matthan Jakob cincaya.

16 Unkan Jakob Joseph, Mary hihnaku kin, he cincaya; he etanhan Jesus Messiya eciyapi kin icaga.

17 Hecen wicoicage owasin, Abraham etanhan Dawid hehanyan, wicoicage ake topa; qa Dawid etanhan, Babulon ekta awicayapi qon hehanyan, wicoicage ake topa; qa Babulon ekta awicayapi etanhan, Messiya hehanyan, wicoicage ake topa.

18 Unkan Jesus Messiya icage cin he kaketu: Hunku Mary he Joseph yuze kta, tuka hinahin kici un šni, wanna Woniya Wakan kin on ihdušaka.

19 Unkan hihnaku Joseph he wicašta owotanna, qa taninyan oyake kta tawaštenye šni, heon nałmana elıpeye kta kecin.

20 Tuka hena hecen awacin un qehan, iho, Itancan taohnihde wan wowihanmde en ihdutanin qa heya; Joseph, Dawid cinhintku, Mary winohinca nitawa kin he yahduze kta kokipe šni wo, taku itpihnake cin he Woniya Wakan kin etanhan.

21 He cinca ton kta, unkan

MATTHEOS.

Jesus eya caſyaton kta ; iye tao-yate kin walitanipi kin etanhan niwicaye kta, heon etanhan.

22 Unkan dena owasin hecen econpi, Itancan oie, wicaſta wokcan oyake cigon he yuacetupi kta ; he hecen eya ;

23 Iho, witanſna un wan ihduſake ɕa cinca ton kta ; unkan Emmanuel eya caſtonpi kta ; Wakantanka unkipi un, eyapi kin he kapi.

24 Unkan Joseph iſtinma etanhan kikta, hehan Itancan taohnihde token econſi qon he ecen econ, qa tawicu hduza.

25 Tuka cinca tokapa cinca ton ſni hehanyan sonye ſni ; unkan Jesus eya caſkiton.

WICOWOYAKE 2.

1 Unkan Herod wicaſtayatapi taanpetu kin he ehan, Bethlehem Juda makoce kin en Jesus tonpi, hehan iho, wiyohiyanpatanhan wicaſta kſapa Jerusalemin hiſi qa heyapi ;

2 Tuwe Juda oyate kin en wicaſtayatapi kta tonpi kin he tukten un he ; wicanhiſi tawa kin he wiyohiyanpata wanunyakapi qa ohoundapi kta on unhiſi ce.

3 Herod wicaſtayatapi kin he naſon, unkan nina yuſinyaya, Jerusalemin ocowasin nakun.

4 Unkan woſnapi kagapi owasin qa oyate kin en wowapi kagapi kin hena wicayuwitaya, hehan Meſſiya tukten tonpi kta hecinhan, he iwicawanga.

5 Unkan heciyapi ; Juda makoce kin en Bethlehem otonwe kin hetu ce ; wicaſta wokcan kin en kaken owapi ;

6 Qa niſ Bethlehem, Juda makoce kin en, Juda itancanpi kin ehna iyotan nicistinna ſni ; enitanhan wicaſtayatapi wan u kta,

he Israel mitaoyate kin wonwicaye kta.

7 Hehan Herod wicaſta kſapapi qon naſimana wicakico, qa wicanhiſi kin tohanhan tanin ece, he atayedan iwicawanga.

8 Hehan Bethlehem ekta ye wicaſi qa heya ; Ya po, qa hokſiyoqopa kin nina ode po ; qa iyeyayapi kinhan hoſimakahdi po ; miſ eya wau qa ohowada kta, eya.

9 Wicaſtayatapi ia naſonpi hehan tankan iyayapi ; unkan iho, wicanhiſi wiyohiyanpata wanyakapi qon he wicitokam iyaye ɕa hokſiyoqopa wanke cin he iwan kam inajin.

10 Unkan wicanhiſi kin wanyakapi qehan wowiyuſkin tanka on iyuſkinpi.

11 Unkan ti mahen ipi hehan hokſiyoqopa kin wanyakapi, hunku Mary nakun, qa itokam makata ehpeiciyapi qa ohodapi : unkan wopiye hduhdokapi hehan taku qupi, mazaskazi, qa canſin pejihuta waſtemna koya.

12 Unkan wowihanmde on Wakantanka wahowicaya, Herod ekta hdapi kte ſni, hehan canku tokeca ohna iye tamakoce ekta hdapi.

13 Hena wanna kihdapi hehan, iho, Itancan taohnihde wan wowihanmde on Joseph en ihdutanin qa heya ; Najin qa hokſiyoqopa hunku kici iwicacu qa Egipta ekta najica wo, qa tohan ociciyake kte cin hehanyan hen un wo : Herod hokſiyoqopa kin kte wacin on etanhan ode kta ce.

14 Hecen hanyen najin hiyaye, ɕa hokſiyoqopa hunku kici ewicahdaku, qa Egipta ekta iyaya :

15 Qa hen un, Herod te cin hehanyan : Hecen Itancan wicaſta wokcan on taku eye cigon

WICOWOYAKE 3.

he yuecetupi kta; Egipta etanhan micinksi weco ce.

16 Wicašta ksapapi qon Herod hnayanpi wanhdake cehan nina shida; qa akicita ekta yewicaši, qa Bethlehem qa makoce ihdukšan koya en, hoksiyopa owasin wicakte, tona waniyetu nonpa qa ihukuya, wicašta ksapapi wiwicawange ciqon he iyacinyan.

17 Unkan hehan Jeremiya wicašta wokcan oie qon yuecetupi, he kakeh eya;

18 Rama en wicaho wan nahonpi, icidowanpi, wicaceya qa wašihdapi tanka; Racel cinca awicakiceya qa wacintonknakapi kta cin šni, cinca en unpi šni nakaeš.

19 Tuka Herod wanna ta hehan, iho, Itancan taohnihde wan Egipta ekta Joseph en taniničiya;

20 Qa heya; Najin qa hoksiyoqopa hunku kici ewicahdaku, qa Israel makoce tawa kin ekta hda wo; tona hoksiyoqopa ta cinpi qon hena wanna tapi.

21 Unkan najin hiyaye qa hoksiyoqopa hunku kici ewicahdaku qa Israel tamakoce kin en hdi.

22 Qa Arcelaos, Juda makoce kin en, atkuku Herod tohe kin en wicaštayatapi yanka, he nahon hehan ekta hde kta kokipa; tuka wowihanmde on Wakantanka wahoye cin on, Galile makoce kin ekta iyaya:

23 Qa otonwe wan Nazareth eciyapi kin he en hi qa hen yanka; hecen, Nazareth wicašta eciyapi kta ce, wicašta wokcan eye ciqon he yuecetupi.

WICOWOYAKE 3.

1 Unkan anpetu kin hena en, Johannes baptem wicaqu ece kin

he Juda tamakoce hewoskan ekta woyaka hi;

2 Qa heya; Ihduacetu po, mahpiya wokiconze kin wanna kiyedan u ce.

3 Isaya wicašta wokcan caje-yate ciqon he dee, kaken eya; Wicaho hewoskan en hotanin; Itancan tacanku kin wiyeya ehnaka po, ocanku tawa kin owotanna kaga po.

4 Unkan Johannes ege tawokoyake taku wan kamel eciyapi he hin kin on kagapi, qa tehmi-so wan ipiyagkiton; unkan tawoyute kin psipicadan qa tumaga canhanpi kin hee.

5 Hehan Jerusalem qa Juda qa Jordan ihdukšan tanhan owasin en hipi:

6 Unkan Jordan en baptem wicaqu, woahitani ohdakapi.

7 Unkan Pharisee qa Saddukee wicota baptem wicaqu kin en hipi wanwicayaka, hehan hewicakiya; Wamduška wicoicage kin, wocanniye u kte cin naye-cipapi kta tuwe e wahokonni-ciyapi he.

8 Heon etanhan ihduacetupi kta iyececa waskuyeca icahya po:

9 Qa, Abraham ateunyanpi ce, eyeciyapi kta awacinpi šni po; miye heciciyapi, Inyan kin dena etanhan Wakantanka Abraham cinca kicage kta okihi.

10 Unkan wanna onspe kin can hute kin en ehnakapi; heon etanhan can otioyohi waskuyeca wašte aicage šni kin he kawan-kapi qa petan elpeyapi ece.

11 Miye nihduacetupi kta on mini on baptem ciciupi; tuka wanji iyotan wašaka mihakam u, he tahanpe kin weciyuhe kta iyemicihantu šni; he qe Woniya Wakan qa peta on baptem ni-cupi kta.

MATTHEOS.

12 Icaduge nape ohna hduha, owanka tanyan hdahinte kta, qa aguyapi su kin dotopiye ohna mnakiye kta, tuka ha kin peta kasnipica šni on hulinahiye kta.

13 Hehan Jesus Galile etanhan u, qa Jordan ekta Johannes en hi, baptem qupi kta e heon.

14 Tuka Johannes tehinda qa heya; Baptem mayaqu kta iye-maceca, qa niš en mayahi he.

15 Tuka Jesus ayupte ɕa heciya; Dehan iyowinyan wo; decen wicoowotanna ocowasin unštan kta iyececa. Hehan iyo-winkiya.

16 Unkan Jesus baptem qupi qehan ecahankeya mini kin etanhan itawankanhde hda; unkan iho, mahpiya kin ayuzam-nipi, qa Wakantanka Taniya kin wakiyedani kahiya kuntkiya u, qa en hiyahan, wanyaka.

17 Unkan iho, mahpiya eciya-tanhan wicaho wan heya; Micinkši wašte wakidake cin he dee, on iyomakipi hinca ce.

WICOWOYAKE 4.

1 Hehan Jesus woniya on he-woskan makoce kin ekta ayapi, Wakanšica iyutanye kta e heon.

2 Unkan wanna anpetu wikcemna topa qa hanyetu wikcemna topa wote šni un, hehan wote-ktehda.

3 Unkan wawiyutanyan kin en hi qa heciya; Wakantanka Cin-hintku kin he niye hecinhan, inyan kin dena aguyapi icage kta keya wo.

4 Tuka iye ayupte ɕa heya; Aguyapi ecedan on wicašta ni kte šni, tuka wicoie otoiyo-hi Wakantanka i eciyatanhan e-nanpe cin hena on, hecen wowapi kagapi qon.

5 Hehan Wakanšica otonwe

wakan kin ekta aya, qa tipi wa-kan oinkpa wan akan ehde;

6 Qa heciya; Wakantanka Cin-hintku kin he niye hecinhan, he-tanhan kun ehpeiciya wo; ka-ken wowapi en kagapi ce; Tao-hnihde kin niye on econ wica-ši kta, hecen nape ohna niyuhapi kta, inyan wan en siha iboni-šo kte šni.

7 Tuka Jesus heciya; Akeš wowapi en kagapi; Itancan Wakantanka nitawa kin he iyü-tanyaye kte šni.

8 Hehan ake Wakanšica paha wan tehanwankantuya kin he ekta aya, qa maka akan woki-conze kin owasin wowitan ko kipazo;

9 Qa heciya; Makata ehpeni-çiye ɕa ohomayada kinhan, de-na owasin ciçu kta ce.

10 Hehan Jesus heciya; Satan miheyata ya wo; Itancan Wa-kantanka nitawa kin he ohoyada kta, qa išnana wowidagniyekta ce, eya owapi tuka qon.

11 Hehan Wakanšica ayušan; unkan iho, mahpiya ohnihde kin en hipi qa okiyapi.

12 Unkan Johannes kaškapi he naħon hehan *Jesus* Galile ekta iyaya:

13 Qa Nazareth ehpeya iyaye ɕa Kapernaum en hiyanka, he mde kin icahda, Zabulon qa Nephtalim opapun kin hetu.

14 Hecen Isaya oie qon yuece-tupi kta;

15 Zabulon makoce qa Nephtalim makoce, mde kahda ocanku kin, Jordan akasanpa tanhan, Galile Ikcewicašta ounyanpi kin:

16 Oyate otpaza en iyotanke ciqon he iyoyanpa tanka wanyakapi, qa tona wiconte makoce qa ohanzi kin en iyotankapi kin hena iyoyanpa awicahinanpa ce.

17 Unkan hetanhan Jesus wo-

yaka aye ça heya ece; Ihduece-
tu po, mahpiya wokiconze kin
wanna kiyedan u ce.

18 Unkan Galile mde kin ica-
hda mani icunhan, wicašta nom
sunkakiciyapi wanwicayaka, Si-
mon, Inyan eciyapi, qa sunkaku
Andrew *eciyapi*, ho wan mde kin
en iyeyapi; hena hopsicapi kin
hecapi:

19 Unkan hewicakiya; Miyahna
u po, kinhan wicašta wicadupsi-
capi ece e kta cicagapi kta ce.

20 Unkan ecahankeya ho kin
ehpeyapi qa ihakam iyayapi:

21 Unkan hetanhan iyoopta ye
ça, nakun nom sunkakiciyapi
wanwicayaka, Jakob Zebede
cinhintku qa sunkaku Johannes,
wata kin ohna atkukupi Zebede
kici unpi qa ho piyapi; unkan
hena wicakico.

22 Is eya wata kin atkukupi ko
ohankoya ehpeyapi qa ihakam
iyayapi.

23 Unkan Jesus Galile owan-
caya iyaya, omniciye tipi yuhapi
kin ohna waonspewicakiye ça,
wokiconze wotanin wašte kin
oyaka ece, qa oyate kin en wo-
wayazan owasin qa wicocante
šica owasin asniyan ece.

24 Unkan ohan kin Suriya
owancaya oyakapi; hecen tona
šicaya yukanpi, qa tona wowa-
yazan ocaje owasin on waya-
zanpi, qa teliya unpi, qa tona
taku wakan šica yuhapi, qa taťa-
pike cin hena koya owasin en
awicahipi; unkan asniwicaya.

25 Hecen oyate ota ihakam
yapi ece, Galile etanhan, qa De-
kapolis qa Jerusalem qa Juda
etanhan, qa Jordan akasanpa
tanhan.

WICOWOYAKE 5.

1 Unkan wicota wanwicayaka
hehan paha wan ekta iyaya; qa

hen iyotanka hehan waonspe-
wicakiye cin en hipi.

2 Unkan i hdukawa qa waon-
spewicakiye ça heya;

3 Tona cante mahen onšiiči-
dapi kin hena wicayawaštepi ce;
mahpiya wokiconze kin he tawa-
pi ece.

4 Tona ceyapi kin hena wicaya-
waštepi; hena wicakihnapi kta.

5 Tona onšihanpi kin hena wi-
cayawaštepi; maka kin de ta-
wapi kta.

6 Tona woowotanna on wote-
ktehdapi qa ipuzapi kin hena
wicayawaštepi ce; hena imnan-
pi kta.

7 Tona waonsidapi kin hena
wicayawaštepi; hena onšiwica-
dapi kta.

8 Tona cante en ecepidan kin
hena wicayawaštepi; hena Wa-
kantanka wanyakapi kta.

9 Tona wookiye kagapi kin he-
na wicayawaštepi; hena Wakan-
tanka cinca ewicakiyapi kta.

10 Tona woowotanna econpi
kin on šicaya kuwapi kin hena
wicayawaštepi; mahpiya woki-
conze kin he tawapi ece.

11 Tohan aniiapi qa šicaya ni-
cuwapi, qa miye on itonšniyan
taku šica owasin eniciyapi kin-
han, niyawaštepi ece.

12 Wiyuškinpi qa nina cante
wašte po, mahpiya ekta ocinyo-
peniyanpi tanka yanka; wicašta
wokcan nitokam unpi qon hena
is eya hecen wicakuwapi qon.

13 Maka miniskuya kin he ni-
yepi. Tuka miniskuya kin he
skuye šni kinhan taku e on sku-
yeyapi kta he; hetanhan taku-
dan okihi kte šni, tankan ehpe-
yapi kta qa wicašta amanipi kta.

14 Oyate iyoyanpa kin he niye-
pi. Otonwe wan paha akan ka-
gapi kin he analibepica šni ece.

15 Nakun petijanjan ideyapi qa

MATTHEOS.

koka olidateya iyeyapi śni, tuka petijanjan ihupa wan en ostanpi, hecen tipi kin ohna owasin iyo-yamwicaya ece

16 He iyecen wicašta itokam iyoyanpa nitawa iyojanjan kta, hecen wicoħan wašte nitawa wanyakapi kta, qa maħpiya ekta ateyayapi yanke cin he yuonihanpi kta.

17 Woope qa wicašta wokcan kin mdutakuni kte śni on wahi kecinpi śni po, ihangyapi on wahi śni tuka yuacetupi kta on.

18 Awicakehan heciciyapi; Maħpiya qa maka kin atakunišni ešta, oowa wanjidan qa oehnake wanjidan woope kin etanhan icupiki kte śni, owasin ecetu kta.

19 Heon etanhan, tuwe woahope kin dena wanji cistinna ahope śni, qa hecen wicašta onspewicakiye cinhan, he maħpiya wokiconze kin en iyotan cistinna yawapi kta; tuka tuwe ecen econ qa iyecen waonspewicakiye cinhan, he maħpiya wokiconze kin en tanka yawapi kta.

20 Miye heciciyapi ce; Wicootanna nitawapi kin, wowapi kagapi qa Pharisee tawapi kin isanpa tanka śni kinhan, maħpiya wokiconze kin en ecaca oyapapi kte śni.

21 Tuwedan yakte kte śni, hunkawicayapi kin eyapi keyapi nayahonpi; qa tuwe tin wicakte kinhan he yacopi kta ce.

22 Tuka miš heciciyapi; Tuwe taku on etanhan śni sunkaku śicekidake cinhan he yacopi kta; qa tuwe sunkaku, Waħteśni, eciye cinhan he omniciye tanka kin en ayapi kta; qa tuwe, Winitkotkoka, eciye cinhan, he Wakansica tapeta kin en iyolipeyapi kta iyececa.

23 Heon etanhan wošnapi nitawa owayuśna kin ekta ayahi kin-

han, qa hen nisunka taku iyani nionpa he yeksuya hecinhan; It

24 Ito wošnapi nitawa owayuśna kin itokam ehna ke ca ekta ya wo, tokaheya nisunka kici okiciciye ca hehan ku qa waś hduśna wo.

25 Tuwe taku en aniu hecinhan he kohanna kici okiciyuwašte wo, canku ohna kici yaun kin Wicunhan; okinni wayaco ekta aniyekta, qa wayaco kin is aki-kita en aniyekta, qa hecen katośka nihnakapi kta:

26 Awicakehan heciciya; Toyahyan mazaśadan ehake yahduku juju śni kinhan hetanhan tankan o yaku kte śni.

27 Wawiciahapi ecanon kte h śni, hunkawicayapi qon eyapiti keyapi nayahonpi.

28 Tuka miš heciciyapi; Tuwe winohinca wan en etonwe ca cantihaye cinhan he wanna cantekta kici wawiciahapi econ.

29 Niišta etapa eciyatanhan kin he waħtaniniye cinhan hduśdoke ca ehpeya wo; niišta wanji atakunišni kinhan he wašte kta, qa tancan ocowasin Wakansica ti kin en ehpeniyanpi kte śni.

30 Qa ninape etapa kin waħtaniniye cinhan hdakse ca ehpeya wo; nihuha wanjidan atakunišni kinhan he wašte kta, qa tancan ocowasin Wakansica ti kin en iyolipeniyanpi kte śni.

31 Tuwe tawicu ehpekiye kta hecinhan kpaganpi wowapi wanqu kta, keyapi qon.

32 Tuka miš heciciyapi; Tuwe tawicu ehpekiya, wawiciahapi econ kin on etanhan śni, he wawiciahapi econkiya ece; qa tuwe winohinca ehpeyapi kin he yuze cinhan he nakun wawiciahapi econ ece.

33 Akeś hunkawicayapi qon he yapi keyapi nayahonpi; Itonśni

WICOWOYAKE 6.

yañicicage kte šni. tuka taku konza
Itancan kin eyakiye cinhan hena
vuyahduccetu kta cē.

34 Tuka miš heciciyapi; Taku
cājedate qa he namañon ce, eye
šni wo; mañpiya kin he hecen
cājedate kte šni. he Wakantanka
oiyotanke tawa kin hec.

35 Qa nakun maka kin de, he
Wakantanka siha oahe kin ee; qa
nakun Jerusalem hecen cājedate
kte šni. Wicaštayatapi tanka to-
tonwe kin hec.

36 Qa nakun nipa kin he caje
yahdate kte šni, paha wanjidan
kaeš ska qa is sapa yakage kta
oyakihi šni, heon etanhan.

37 Tuka taku ehe cin, Han,
tehan; Hiya, hiya, ccedan kta;
taku dena sanpa kinhan he taku
šica etanhan icage kta.

38 Išta wanji išta wanjidan on
etanhan, qa hi wanji hi wanjidan
on etanhan, keyapi nayañonpi.

39 Tuka miš heciciyapi; Taku
šica tokiñonpi šni po; tuka tuwe
tapon etapa eciyatanhan aupe
cinhan unna eciyatanhan kipazo
a, po.

40 Qa tuwe woope on niyaco
qa onhdoñda nici kta cin kinhan,
nitašina nakun telinda šni wo.

41 Qa tuwe wiyutapi hanska
wanji hehanyan kici yeniye kta
hecinhan, nom kici ya wo.

42 Tuwe taku nicida kinhan
qu wo; qa tuwe wonicidota he-
cinhan etanhan ihdamna šni wo.

43 Tuwe nikiyedon un kin he
waštayadake kta, qa tuwe toka-
niye cin he šiceyadake kta, eya-
pi qon nayañonpi.

44 Tuka miš heciciyapi; Tona
tokaniyanpi kin hena cante wi-
cakiya po; qa tona niyašicapi
kin hena wicayawašte po; tona
šicenidapi kin hena taku wašte
ecawicakicon po; qa tona taku i
en iyenianpi qa tehiya nicuwapi

kin hena wōcekiye ewicakiciya
po.

45 Hecen Ateyayapi mañpiya
ekta un kin he cincanianpi
yaunpi kta; he qe anpetu wi
tawa kin wicašta šica wicašta
wašte ko en awicahinanpeya
ece, qa wicašta owotanna owo-
tanna šni ko awicamagajuya ece.

46 Tona waštenidapi kin hena
wašte wicayadapi kinhan woka-
juju taku duhapi he; wamna-
yanpi kin hena eepi kaeš hecon-
pi šni he.

47 Qa sunka wicayayapi kin
henana napewicaduzapi kinhan,
taku econpi ece sanpa tukte e
ecanonpi he; wamnananpi kin
hena eepi kaeš heconpi šni he.

48 Heon etanhan Niyatepi ma-
ñpiya ekta un kin he owotanna
hinca he iyecen niš eya owotan-
na hinca un po.

WICOWOYAKE 6.

1 Wicašta itokam ihnuhan ta-
ku ituyañanpi kinhan, wanniya-
kapi kta heon; hecen ecanon-
pi kinhan Niyatepi mañpiya ekta
un kin he takudan niñupi kte
šni.

2 Heon etanhan tohan taku
wicayaqu kta hecinhan nitokam
cotanka yajowicayakiye kte šni,
wanañilmanpi kin omniciye tipi
qa canku ohna econpi ece kin
iyeececa, wicašta on wicayatanpi
kte cin heon; awicakehan heci-
ciyapi; Hena wokajuju hduhapi
ece.

3 Tuka niye taku wicayaqu eca
ninape etapa taku econ kin he
nicatka sdonye kte šni.

4 Hecen wawicayaqu kin he
nañmana un kta; qa Niyatepi
taku nañmana un kin wanyaka
ece kin he iye taninyan nicica-
juju kta.

5 Qa tohan ceyakiya eca wana-
icilmanpi kin iyenicece kte šni;
hena ege omniciye tipi qa canku
oise kin en najin cekiyapi wašte-
dakapi ece, wicašta wanwicaya-
kapi kta e heon; awicakehan
heciciyapi; Hena wokajuju hdu-
hapi ece.

6 Tuka niye qe ceyakiye cin-
han, tipi cistinna nitawa kin en
timahen yakiyahde ça tiyopa
ecen iyacu kinhan, hehan Ni-
yate nahmana un kin he cekiya
wo, qa Niyate nahmana wawan-
yaka ece kin he taninyan nici-
cajuju kta.

7 Ceyakiyapi kīnhan akihdehde
oie kičunpi šni po, Ikcewicašta
econpi kin iyececa; hena e iapi
ota unpi kin on nawicaŋon kta
kecinpi.

8 Niye hena iyenicecapi kte
šni; hinahin yakidapi šni itokam,
hena taku kin yacinpi, Niyatepi
sdonya ece.

9 Heon etanhan kaken cekiya
po; Ate unyanpi mahpiya kin
en; Nicaje wakandapi kte;

10 Nitokiconze u kte; Nitawa-
cin ecen econpi nunwe, mahpiya
kin en iyececa, nakun maka
akan:

11 Anpetu kin de anpetu woyu-
te unqu miye:

12 Qa waunhtanipi kin unkici-
cajuju po, tona waunkicihtanipi
wicunkicicajujupi kin he iye-
ceca:

13 Qa taku wawiyutanyan un
kin en unkayapi šni po, tuka
taku šice cin etanhan eunhdaku
po: Wokiconze kin he niye ni-
tawa, qa wowašake kin, qa wo-
witan kin, owihanke wanica.
Amen.

14 Niye wicašta wahtanipi wi-
cayecicajujupi kinhan, Niyatepi
mahpiya ekta un kin he nakun
niye nicicajujupi kta.

15 Tuka niye wicašta wahta-
nipi kin wicayecicajujupi šni
ehantanhan, nakun Niyatepi wa-
yahtanipi kin nicicajujupi kte
šni.

16 Tohan wote šni yaunpi kin-
han wanaicilmanpi kin iyecen
ite šinkiyapi šni po; hena ege
ite hdušicapi ece, hecen wicašta
ekta wote šni unpi e ihdutaninpi
kta; awicakehan heciciyapi,
Hena wokajuju hduhapi ece.

17 Tuka niye qe wote šni yaun
kinhan pa sdakiye ça ite hduja-
ja wo:

18 Hecen wicašta en wote šni
yaun nihdutanin kte šni, tuka
Niyate nahmana un kin he en
nihdutanin kta; qa Niyate na-
hmana wawanyake cin he tanin-
yan nicicajuju kta.

19 Woyuha maka akan ekihna-
kapi šni po; hen wamduškadan
qa gigi kin wayutakunišni ece,
qa wamanon sa wayujujupi qa
wamanonpi ece.

20 Tuka woyuha mahpiya kin
ekta ekihnaka po; heciya wa-
mduškadan qa gigi kin wayušice
cin wanica, qa wamanon sa wa-
yujujupi šni qa wamanonpi šni.

21 Tukten woyuha niciyanka-
pi hecinhan, nicantepi nakun
hen un kta.

22 Wicišta kin he wicatančan
iyoyanpa kin hee; heon etanhan
ništa tokeca šni kinhan nitan-
čan ocowasin iyoyanpa kta:

23 Tuka ništa šice cinhan ni-
tancan kin ocowasin otpaze kta.
Heon iyoyanpa en niun kin he
otpaza hecinhan, otpaza kin he
tanka hinca.

24 Tuwedan wicašta itancan
nom anawicagoptan kta okihi
šni; wanji šice kidake kta, qa
unma kin is wašte kidake kta;
wanji en iyaihdaške kta, qa un-
ma kin is en etonwe kte šni;

Wakantanka qa mammon napin anagoptan oyakhipi kte śni.

25 Heon etanhan heciciyapi; Yanipi kin on nagiyeiciyapi śni po, taku yatapi kta, qa taku daktanpi kta; qa nakun nitancanpi on taku kodakapi kta: Wiconi kin he woyute isanpa śni he; qa wicatančan kin is wokoyake isanpa yawapi śni he.

26 Małpiya okinyanpi kin hena wanwicayaka po, hena wojupi śni, qa woksapi śni, qa mazopiye en omnyanpi śni, tuka Niyatepi małpiya ekta un kin he hena wo wicaqu ece; unkan niye hena isanpa niyawapi śni he.

27 Niyepi etanhan wanji tukte e he awacannipi on wiciśpa wanji-dan kaeś sanpa nihduhanskapi oyakhipi kta he.

28 Qa tokeca wokoyake on iyokiśinniciyapi he; tinta mnaheahca kin wanyaka po, icage cin; litani śni qa nakun wapa-hmun śni;

29 Tuka heciciyapi; Solomon wowitan tanka hduha un qon hee kaeś de wanji iyececa wokoyake kiçun śni.

30 Unkan tinta peji, dehan icage ca heyakecinhan oceti en elpeyapi ece kin, he Wakantanka hecen koyagya hecinhan, niś niye wacinyan nicistinpida, sanpa wakoyagnianpi kte śni he.

31 Heon etanhan, Taku untapi, qa taku unyatkanpi, qa taku kounyakapi kta he, eya wacin iyo-kiśicapi śni po.

32 Taku kin hena owasin Ikce-wicaśta akitapi ece; qa Niyatepi małpiya ekta un kin he dena takuowasin yacinpi esdonya ece.

33 Tuka Wakantanka tokiconze kin he tokaheya akita po, qa too-wotanna nakun; kinhan dena taku owasin koya niçupi kta.

34 Heon etanhan heyakecinhan

on iyokiśinniciyapi śni po; heya-kecinhan he taku tawa kin on iyokiśica ece e kta; anpetu eca taku śica tawa kin yukan ece e kta.

WICOWOYAKE 7.

1 Wayacopi śni po, hecen niyacopi kte śni.

2 Woyaco tukte e on wadacopi hecinhan he on niś eya niyacopi kta; qa wiyutapi tukte e on widutapi eca hee on winiciyutapi ece e kta.

3 Qa nisunka iśta kin en takuśni yanka e tokeca wandaka he; qa cankaga wan niśta ohna yanke cin he wanyahdake śni.

4 Qa is token nisunka, Ito ni-śta kin etanhan takuśni kin icicicu kta, eyakiye kta he; qa iho, cankaga wan niśta ohna yanka ce.

5 Wanaicilman, tokaheya cankaga iśta ohna niyanke cin he hduśdoka wo; qa hehan taku-śni nisunka iśta ohna yanke cin he iyacu kta tanyan wandake kta.

6 Taku tona wakan kin hena śunka wicaqupi śni po, qa inyan telika nitawapi kin kukuśe wicetokam elpeyapi śni po; okinni siha on amanipi kta, qa akeś hdicupi qa niyahdecapi kta.

7 Da po, kinhan niçupi kta; ode po, kinhan iyeyayapi kta; en katoto po, kinhan niciyuhdokapi kta.

8 Tuwe da eca icu ece; qa tuwe ode eca iyeya ece; qa tuwe tiyopa katoto eca he kiciyuhdokapi ece.

9 Unkan enitanhanpi wicaśta wanji cinhintku aguyapi kida kirhan, inyan wanji qu kta he.

10 Qa hogan kida kinhan wamduśka wan qu kta he.

11 Heon etanhan niye niśicapi

ešta, taku wašte nicinea wica-
yaqupi kta onnisepi ehantan-
han, Niyatepi mahpiya ekta un
kin he, sam iyeya tona kidapi
kin, taku waštešte wicaqu ece
e kta.

12 Heon etanhan taku tona
wicašta ecaniconpi kta yacinpi
kinhan, hena owasin ecawicaqi-
con po; woope qa wicašta wo-
kcanpi kin iho hee.

13 'Tiyopa ciqadan kin he ohna
ya po; 'Tiyopa kin tanka qa can-
ku nakun tanka wicotakunišni
iyahde, qa ohna iyayapi kin wi-
cota hinca.

14 Tuka tiyopa kin ciqadan qa
canku nakun ocistiyedan wico-
ni iyahde; qa wicašta tonana
iyeyapi ece.

15 Wicašta wokcan itonpišni
kin hena kowicakipa po; hena
tahinea wanunyanpi iyecen ko-
yag en nihipi, tuka mahen šun-
ktokeca wáyapota ece kin hecapi.

16 Waskuyeca tawapi kin on
sdonwicayayapi kta. Wicašta
wapepeka etanhan hastanhanka
yušpipi he, qa toka hu kin etan-
han suken waskuyeca icupi he.

17 He iyecen can wašte owasin
waskuyeca wašte icaħya ece;
tuka can šice cin waskuyeca
šica aicaga ece.

18 Can wašte kin he waskuye-
ca šica icaħye kta ohihi šni; qa
nakun can šice cin he waskuyeca
wašte icaħye kta ohihi šni.

19 Can otioyohi waskuyeca
wašte aicage šni kin he kawan-
kapi qa petan ehpeyapi ece.

20 Heon etanhan waskuyeca
tawapi on sdonwicayayapi kta.

21 Tona, Itancan, Itancan, ema-
kiyapi kin owasin mahpiya wo-
kiconze kin en yapi kte šni; tu-
ka tuwe Atewaya mahpiya ekta
un kin tawacin kin ecen econ
kinhan hee *en un kta*.

22 Anpetu kin he en wicota
hemakiyapi kta; Itancan, Itan-
can, nicaje on wiunyukcanpi šni
he; qa nicaje on taku wakan
šica napewicunyanpi; qa nicaje
on wicoħan tanka ota econkupi
ce.

23 Tuka hehan hewicawakiye
kta; 'Tohinni sdonciyapi šni,
wicoħan šica ecanonpi kin mi-
tantanhan iyaya po.

24 Heon etanhan tuwe mioie
kin dena naħon, qa ecen econ
kinhan, he wicašta ksapa e imda-
cin kta, he qe imnija wan akan
ti kicaga.

25 Unkan nina magaju qa mi-
nitan aya; nakun tateyanpa
hinca, qa tipi kin he en iħeya,
tuka hinħpaye šni; inyan akan
kagapi nakaes.

26 Qa tuwe mioie kin dena
naħon, tuka ecen econ šni kin-
han, he wicašta witkotkoka iye-
ceca, he wiyaka akan tipi kica-
ga.

27 Unkan nina magaju qa mini
tanka icaga, nakun tateyanpa
hinca, qa tipi kin he en iħeya;
unkan hinħpaya; qa iħangyapi
kin he tanka.

28 Unkan Jesus wicoie kin
dena ihunnikiya, hehan wicota
wahokonwicakiye cin on yušin-
yayapi.

29 Wanji wookihi yuhe cin
iyecen wahokonwicakiya, qa wo-
wapi kagapi econpi kin iyece-
ce šni.

WICOWOYAKE 8.

1 Unkan paha kin etanhan kun
ku qehan, wicota hinca ihakam
unpi.

2 Unkan iho, wicašta wan lep-
ros ececa he en hi qa canpeška
makehde inajin qa heciya; Itan-
can, yacin kinhan, asninayaye
kta oyakihi.

3 Unkan Jesus nape ekta yekiye ça yutan, qa heciya; Wacin; hecen asni wo. Unkan ecehna-na wowayazan kin ayuſtan.

4 Unkan Jesus heciya; Ibunhan tuwe oyakidake cinhan; tuka ekta ye ça woſnapi kage cin he en ihdutanin wo, qa taku Moses econmiſi qon he wayuſna wo, sdonyapi kta e heon etanhan.

5 Unkan Jesus Kapernaum en hi qehan, akicita tancan wan en u qa cekiya;

6 Qa heya; Itancan, hokſidan mitawa tiyata wanka ɬaɬaka, nina yazan.

7 Unkan Jesus heciya; Wau qa aſniwaye kta.

8 Hehan akicita opawinge wicayuhe cin he ayupte ça heya; Itancan, wati en timahen yau kta iyemacece ſni; tuka oie kin ecedan eya wo, kinhan hokſidan mitawa asni kta:

9 Miſ eya wicaſta itancan hema, qa akicita wicamduha; unkan wanji, Ya wo, ewakiya eca, ya ece; qa wanji tokeca, U wo, ewakiya eca, u ece; qa mitaokiye, Kaken econ wo, ewakiya eca, ecen econ ece.

10 Unkan Jesus he naſon qehan yuſinyaya, qa ihakam unpi kin hewicakiya; Awicakehan heciciyapi, Israel hee kaeſ en wacinyanpi hinsko tanka iyewaye ſni ce.

11 Nakun heciciyapi; Wiyo-hiyanpa tanhan qa wiyoſheya tanhan wicota upi kta, qa Abraham qa Isaak qa Jakob om iyotankapi kta, maſpiya woki-conze kin en:

12 Tuka wokiconze cincapi kin hena tankan iyewicayapi kta, otpaze hinca ekta; heciya wicaceya hi hdakinskinzapi ko yuke kta.

13 Unkan Jesus akicita opa-

winge wicayuhe cin heciya; Hda wo, wacinyaye cin iyecen ecaniconpi nunwe. Unkan wi-hiyayedan oape kin he en hokſidan tawa kin asniyanpi.

14 Unkan Jesus Inyan ti kin en tin iyaya, hehan kunku kin makata wanka wanyaka, tancan kata.

15 Unkan nape kin yutan, hehan tancan kate cin ayuſtan; unkan najin qa wowicakihan.

16 Wanna hitayetu hehan wakan ſica wicayuhnaskinyan ota en awicahipi; unkan oie kin on wakan ſica napewicaya; qa to-na wayazankapi kin owasin asni-wicaya.

17 Hecen Isaya wicaſta woken taku eye ciqon he yuece-tupi kta; he kaſen eya; Iye tchiya unyakonpi kin eunkiciya-kupi qa waunyazanpi kin yuto-kan iyeunkiciciyapi ece.

18 Unkan Jesus wicota hinca ihduksan yukanpi kin hena wan-wicayaka hehan akasanpa yapi kta keya.

19 Unkan wowapi kaga wan en hi qa heciya; Waonspekiya, tokiya da eca cihakam waun ece e kta.

20 Unkan Jesus heciya; ſun-gidan waſun tonpi, qa maſpiya okinyanpi kin hoſpi yuhapi ece; tuka Wicaſta Cinhintku kin tu-kten pa ipahinye kta yuhe ſni.

21 Hehan waonspewicakiye cin tokeca wanji heciya; Itancan, tokaheya wahde ça ate wehe kta e iyowinmakiya ye.

22 Tuka Jesus heciya; Miha-kam un wo; ito ɬapi kin hena tona kiɬapi kin wicakihapi kta.

23 Unkan wata wan en opa, hehan waonspewicakiye cin iha-kam upi.

24 Unkan iho, mini kin ekta tate iyumni wan tanka; hecen

wata kin taja on akaḥpapi; tuka iye iſtinma yanka.

25 Unkan waonspewicakiye cin en hipi, qa yuhicapi qa heciyapi; Itancan, niunkiya po, unṭapi kta ce.

26 Unkan hewicakiya; Cistin-na wacinyayapi kin, tokeca koyakipapi he. Hehan inajin qa tate mini ko kiſica; unkan amdakedan tanka.

27 Tuka wicaſta kin hena yuſinyayapi qa heyapi; De taku wicaſta ka hwo, hecen tate mini ko anagoptan ece.

28 Unkan akasanpa i, Gadarene makoce tawapi kin en, hehan wicaſta nom wakan ſica wicayuhnaſkinye cin hena itkoki-papi, wicaſta hnakapi kin etanhan upi, wwohitikapi hinca, hecen tuwedan canku kin he ohna ye kta okihi ſni.

29 Unkan iho, heya howayapi; Jesus Wakantanka Cinhintku, taku unkiyotahedan un he; hinahinke ſni tuka itokam ka-kiſunyayapi kta on yahi he.

30 Unkan yukanpi kin itehan kukuſe optaye wan wo wicaqupi ece.

31 Hecen wakan ſice cin hena cekiyapi qa heyapi; Napeunya-yapi kinhan kukuſe optaye kin en unkiyayapi kta iyowinunkiya miye.

32 Unkan; Ya po, ewicakiya. Hecen tankata hinanpapi hehan kukuſe optaye kin en iwicaya-yapi. Unkan iho, kukuſe optaye kin iyuhpa maya hinca apamahde inyang naſdog iyayapi, mde kin en, qa minin ṭapi.

33 Unkan tona wo wicaqupi qon hena najicapi; qa otonwe en kipi, qa taku owasin oyakapi, wicaſta wakan ſica wicayuhnaſkinyanpi qon, taku ecawicakiconpi kin hena kaya.

34 Unkan iho, otonwe kin oco-wasin Jesus itkokim upi, qa wanyakapi qehan, makoce tawapi kin etanhan hde kta icekiyapi.

WICOWOYAKE 9.

1 Hehan wata kin en okipe ɔa akasanpa kihde ɔa iye totonwe kin en ki.

2 Unkan iho, wicaſta ṭaṭake cin wan owinja akan wanka e he en ahipi. Unkan Jesus wacinyanpi kin wanyake ɔehan ṭaṭake cin heciya; Cinſ, cante waſte wo; wayaḥtani kin nicicajujupi ce.

3 Unkan iho, wowapi kagapi kin wanjikji iyakitedan hekici-yapi; Wicaſta kin de ſicaya ia.

4 Unkan Jesus canteyuzapi kin wanyaka hehan heya; Tokeca cante mahen taku ſica awacannipi he.

5 Wayaḥtani kin nicicajujupi ce, eyapi; qa iſ; Najin qa mani wo, eyapi kin, unma tukte waſakadan he.

6 Tuka Wicaſta Cinhintku kin woahṭani maka akan kajuju kta okihi e he sdonyayapi kta; hehan ṭaṭake cin heciya; Najin wo, nitowinja ehdaku qa tiyata hda wo.

7 Unkan najin hiyaye ɔa iye ti ekta hda.

8 Tuka wicota he wanyakapi hehan yuſinyayapi, qa Wakantanka wicaſta wookihi hinsko tanka wicaqu kin he yatanpi.

9 Unkan Jesus hetanhan iyoota iyaya hehan wicaſta wan Mattheos eciyapi, mazaska mna-yanpi kin en iyotanka he wanyaka; qa heciya; Miyahna u wo. Unkan najin hiyaye ɔa ihakam iyaya.

10 Unkan ti mahen wota iyo-

tanka yanka hehan, iho, mazaska mnayanpi wahtanipi sa ko ota en hipi, qa Jesus kici iyotankapi, waonspewicakiye cin om.

11 Unkan Pharisee kin is he wanyakapi hehan waonspewicakiye cin hewicakiyapi; Tokeca Waonspekiye nitawapi mazaska mnayanpi wahtanipi sa ko om wota he.

12 Unkan Jesus he nahon qehan hewicakiya; Tona zanipi kin hena pejihutawicašta cinpi šni, tuka wayazankapi kin.

13 Tuka ya po, qa de taku kapi hecinhan sdonya po; Wowaonšida iyomakipi qa wošnapi wacin šni. Wicašta owotanna wicakico wahi šni, tuka wahtanipi sa iyopeciypapi kta on wahi ce.

14 Hehan Johannes waonspewicakiye cin en hipi qa heciyapi; Tokeca unkiye qa nakun Pharisee kin ijehan akihanunkiciyapi, tuka waonspewicayaikiye cin akihaničiyapi šni.

15 Unkan Jesus hewicakiya; Wakankiciyuza cincapi kin tohanyan tawicu ton kte cin om un kinhan, hehanyan token ecin iyokišicapi kta he; tuka anpetu u kta tawicu ton kte cin ewicakiciyakupi kta, unkan hehan akihaničiyapi kta.

16 Tuwedan šina teca onšpa wokoyake tanika en akihdag ton šni; kinhan onšpa teca qon he mnawahe kta qa sanpa tanka hdecahan aya ece.

17 Nakun miniša teca ojuha tanika en okaštanpi šni ece; kinhan ojuha kin napopa, qa miniša kin skepa, qa ojuha kin ihangyapi ece. Tuka miniša teca ojuha teca en okaštanpi ece, hecen napin tanyan yuhapi.

18 Hena hecen ewicakiya icunhan, iho, wicašta itancan wan en u qa canpeška makehde ina-

jin qa heciya; Micunkši nakaha ŋa, tuka en yau qa nape on aya-putake cinhan kini kta.

19 Unkan Jesus najin qa kici hda, nakun waonspewicakiye cin.

20 Unkan iho, winohinca wan waniyetu ake nonpa wayazanka, we ece iheya, he idazatanhan en u qa tašina opapūn kin yutan:

21 Tašina kin hee kaeš mdutan kinhan amasni kta ce, cante mahen eye ča *hecon*.

22 Tuka Jesus ihdamna, qa wanyake čehan heya; Cunš, cante wašte wo; wacinyaye cin he asniniyan ce. Unkan wihiyayedān oape kin he en winohinca kin asni.

23 Unkan Jesus wicašta itancan qon ti kin en i, qa tona cotanka jajopi, oyate ceyapi ko wanwicayaka;

24 Hehan hewicakiya; Ako iyaya po; wicinayanna kin ŋe šni, tuka ištīnma ce. Unkan ihaḥapi.

25 Tuka oyate tankan hdicuwicayapi, hehan ti mahen i, qa nape on yuza; unkan wicinayanna kin inajin.

26 Unkan he makoce kin owancaya oyakapi.

27 Unkan Jesus hetanhan iyo-opte iyaya, hehan wicašta nom ištāgongapi kin hena ihakam yapi, howayapi qa heyapi; Dawid Cinhintku onšīunkida miye.

28 Unkan ti mahen iyaya, hehan wicašta ištāgongapi kin en hipi: Unkan Jesus hewicakiya; Hecen ecamon kta owakihi wicayadapi he. Unkan, Han, Itancan, eyapi.

29 Hehan išta en wicayutan qa heya; Wacinyayapi kin iyecen ecaniconpi nunwe.

30 Hecen išta hdukawapi. Unkan Jesus wašagya wahokonwi-

cakiye ça heya; Ito tuwedan sdonye kte śni

31 Tuka tankan hdapi hehan makoce kin he owancaya nina oyakapi.

32 Unkan hena iyayapi hehan iho, wicašta wan ia okitpani, wakan śica yuhnaśkinan, he en ahipi.

33 Unkan wakan śice cin napayapi hehan ia okitpani qon ia; unkan oyate kin inihanpi qa heyapi; Israel en tohinni decen wanyakapi śni tuka qon.

34 Tuka Pharisee kin heyapi; Wakansica itancan kin on taku wakan śica napewicaya ece.

35 Unkan Jesus otonwe kin owasin, otonwe ciqadan ko iyaza un, omniciye tipi yuhapi kin ohnahna waonspekiye ça woki-conze wotanin wašte kin he oyaka ece; qa wayazankapi owasin, oyate kin en tehiya unpi ko asniwicaya ece.

36 Tuka wicota wanwicayaka hehan onśiwicakida; nina mdo-kiŋapi qa enanakiya iyayapi ece, tahnca wanunyanpi tuwedan wicayuhe śni iyececa.

37 Hehan waonspewicakiye cin hewicakiya; Awicakehan woksapi kin he tanka, tuka ħtanipi kte cin hena tonana :

38 Heon etanhan woksapi en Itancan kin iye tamaga kin en wicašta ħtanipi kte cin hena hiyuwicaye kta icekiye po.

WICOWOYAKE 10.

1 Unkan waonspewicakiya akenonpapi kin hena wicakico qehan, taku wakan śica on wowaśake wicaqu, napewicayapi kta, qa nakun wowayazan śicaya unpi ko, owasin asniwicayapi kta.

2 Unkan wahośiyapi akenonpapi kin kakenken ewicakiyapi;

tokaheya Simon he nakun In-yan eciyapi, qa Andrew iye sunkaku; Jakob Zebede cinhintku qa Johannes iye sunkaku;

3 Philip qa Bartholomew; Thomas qa Mattheos wamnaye ciqon; Jakob Alpheus cinhintku qa Lebbeus he nakun Thaddeus eciyapi;

4 Simon Kananite kin, qa Judas Iskariot wiyopeye kte cin hee.

5 Dena akenonpapi kin Jesus yewicaśi, wahokonwicakiye ça heya; Ikcewicašta tacanku wan ohna yapi śni po, qa Samaria oyate otonwe tawapi kin en yapi śni po :

6 Tuka Israel ti kin etanhan tahnca wanunyanpi taninpi śni kin hena ekta ya po.

7 Qa dapi eca yaotanin po, qa; Mahipiya wokiconze kin wanna kiyedan un ce, eya po.

8 Tona wayazankapi kin asniwicaya po, tona lepros ececapi kin ska wicakaga po, ŋapi kin hena kiniwicaya po, qa taku wakan śica napewicaya po; iyunwin codan iyacupi, iyunwin codan wicaqu po.

9 Ipiyake nitawapi ohna mazaskazi, qa mazaska, qa mazaśa unmana yuhapi śni po.

10 Qa icimayanipi kin on wujuhadan, qa onħdohda nonpa. qa hanpa, qa cansagye, yuhapi śni po; tuwe ħtani kin he woyute qupi ece e kta iyececa.

11 Qa otonwe tanka otonwe ciqadan ko, wanji tukte en yaipi kinhan, tuwe iyececa hecinhan iwicawanga po, qa he kici yukan po, tohanyan etanhan yahdapi śni kinhan.

12 Qa tipi wanji en yaipi kinhan, Wookiye en un nunwe, eya po.

13 Qa tipi kin he iyececa hecinhan wookiye nitawapi akan

un kta; tuka iyecece śni kinhan wookiye niye en nihdipi kta.

14 Qa tukten iyowinniciyapi śni qa nioiepi kin nahonpi śni kinhan, tipi kin he, qa otonwe kin he, etanhan tankan yahdapi kinhan, watusekseca siha onitkapapi kin he natata po.

15 Awicakehan heciciyapi; Woyaco anpetu kin en otonwe kin he tehiya un kta, Sodom qa Gomorra makoce kin isanpa.

16 Iho, tahnca wanunyanpi sunktokeca wicehna iyecen yeciśipi; heon etanhan wamduška iyecen ksapa po, qa wakiyedan iyecen wahbapidan po.

17 Tuka wicašta iwanwicayaka po; woyaco omniciye kin en aniyampi kta, qa omniciye tipi yuhapi kin ohna nicapsinsintapi kta:

18 Qa wicašta itancanpi wicaštayatapi ko, en aniyampi kta, miye on etanhan, hecen iyepi qa Ikcewicašta ko wicayakiyutaninpi kta.

19 Unkan tohan hecen wicanicupi kinhan, taku, qa token ehapi kte cin, heon iyokiśinićiyapi śni po; wihiyayedan oape kin he en token ehapi kta he nicupi kta ce.

20 Ie kte cin he niyepi śni, tuka Niyatepi Taniya en niunpi kin he iye ie kta.

21 Hunkawanjinkiciyapi kin is unma ktepi kta e wicaqu kta; qa wicašta wan iye cinhintku kin nakun; qa wicacınca kin is hunkakewicayapi itkowicakipapi qa wicakiktepi kta.

22 Qa micaje on owasin śice-nidapi kta; tuka tuwe owihanke kin hehanyan sutaya un kinhan he ni kta.

23 Tuka tohan otonwe kin de en śicaya nicuwapi kinhan, wanji

tokeca ekta najica po; awicakehan heciciyapi, Israel otonwe tawapi kin iyaza yaunpi kte śni ecen Wicašta Cinhintku kin hi kta.

24 Waonspekiyapi kin he waonspekiya tawa kakipe śni; qa tuwe wowidake un kin he yulhe cin isanpa tanka śni ece.

25 Tuka waonspekiyapi kin waonspekiya tawa kin iyececa, qa wowidake un kin yulhe cin iyececa hecinhan hecetu kta. Tipi tawa kin he Beelzebub ecipyapi hecinhan, tiyohnake tawa kin is nakun hewicakiyapi kte śni he.

26 Heon etanhan kowicakipapi śni po; taku akahpapi qa yuzamnipi kte śni wanica, qa taku anahmanpi qa sdonyapi kte śni wanica.

27 Taku otpaza en ociciyakapi kin he anpa en daotaninpi kta; qa taku noge on nayahonpi kin he tipi akahpe kin etanhan eyanpaha odakapi kta.

28 Unkan tona wicatančan ecedan ktepi kta okihipi, qa wicanagi kte okihipi śni kin hena kowicakipapi śni po; tuka tuwe wicanagi wicatančan ko Wakanśica ti kin en ihangye kte cin hee e kokipa po.

29 Zitkadan nom mazaśa wanjidān iyoheyapi śni he; qa etanhan wanjidān kaes Niyatepi codan makata ihpaye kte śni.

30 Tuka paha nitawapi kin hee kaes owasin yawapi ece.

31 Heon etanhan kopehdapi śni po; zitkadan ota isanpa niyawapi ece.

32 Heon etanhan tuwe kašta wicašta wicitokam miye omayake cinhan, he Ate mahpiya en un kin itokam omdake kta.

33 Tuka tuwe wicašta wicito-

kam miye ehpemaye cinhan, he miye Atewaye mahpiya en un kin itokam ehpewaye kta.

34 Wookiye maka akan wicawaqu kta on wahi kecinpi šni po; wookiye wicawaqu kta wahi šni tuka mazasgye.

35 Wicašta wan atkuku šicekidake wakiye kta wahi, qa cunwintku iye hunku kin, qa takosku iye kunku kin šicekidake kta heon.

36 Qa wicašta tona tokayapi kin iye ti en unpi kin hena eepi kta.

37 Tuwe miye isanpa atkuku qa is hunku kin waštekidake cinhan, he mici un kta iyecece šni; qa tuwe miye isanpa cinhintku qa is cunwintku kin waštekidake cinhan, he mici un kta iyecece šni:

38 Qa tuwe cansusbeca tawa kin ehdaku šni qa miyahna u šni kinhan, he mici un kta iyecece šni.

39 Tuwe wiconi tawa kpatan kinhan, he toki ehpekiye kta; qa tuwe miye on etanhan wiconi tawa kpagan kinhan, he kpatan kte cin ee.

40 Tuwe iyowinniciyapi kin he iyowinmakiya; qa tuwe iyowinmakiye cin he tuwe umaši kin he iyowinkiya ece.

41 Tuwe wicašta wokcan, wicašta wokcan caje on iyowinkiye cinhan, he wicašta wokcan iyunwin tawa yuhe kta; qa tuwe wicašta owotanna, wicašta owotanna caje on iyowinkiye cinhan, he wicašta owotanna iyunwin tawa kin icu kta.

42 Qa tuwe waonspekiyapi caje on, dena cikcistinpidan wanji wiyatke ohna mini sni ecedan yatkekiye cinhan, awicakehan heciciyapi, he iyunwin tawa toki ehpekiye kte šni.

WICOWOYAKE 11.

1 Unkan Jesus waonspewica-kiye akenonpapi kin taku econwicaši ayaštan, hehan hetanhan iyaya, otonwe tawapi kin ohnahna woyake kta qa waonspekiye kta.

2 Unkan Johannes kaška hnakapi kin en Messiya ohan kin nahon qehan, iye waonspewica-kiye cin nom ekta yewicaši;

3 Qa heciya; Tuwe u kte ciqon he niye he, qa is tuwe tokeca wanunyakapi kta he.

4 Unkan Jesus waayupte ča hewicakiya; Hda po, qa taku tona nayahonpi qa wandakapi kin hena Johannes okiyaka po:

5 Ištágongapi kin tonwanpi ece, huštepi kin manipi ece, tona lepros ececapi kin ska wicakagapi ece, čapi kin kinipi ece, qa tona onšikapi kin hena wotanin wašte owicakiyakapi ece.

6 Qa tuwe miye on našdute šni kinhan, he yawaštepi ce. eya.

7 Hena wanna kihdapi hehan Jesus Johannes on oyate kin wowicakiyaka; Taku wandakapi kta on hewoskan yaipi he; cedi wan tateyanpa kahuhuza:

8 Tuka taku e wanyag yaipi he; wicašta wan wokoyake panpanna koyake cin he; iho tona taku panpanna koyakapi kin hena wicaštayatapi tipi ohna yakonpi ece.

9 Tuka taku e wanyag yaipi he; wicašta wokcan kin heca he; han, eciciyapi, qa wicašta wokcan isanpa.

10 Wowapi en kagapi qon, Iho, niite itokam wahosiya mitawa yewaši, he nitokam canku nita-
wa nicage kta ce, iho hee.

11 Awicakehan heciciyapi: Tona winohinca eciyatanhan

wicatonpi kin wanji Johannes baptem wicaqu ece kin sanpa tanka icage sni: tuka tuwe mahpiya wokiconze kin en iyotan cistinna kin he sanpa tanka.

12 Nakun Johannes baptem wicaqu taanpetu kin hetanhan dehanyan mahpiya wokiconze kin nina akitapi. qa nina akite cin hena iyahpayapi ece.

13 Johannes hehanyan woope qa wicašta wokcanpi owasin woyakapi:

14 Qa niš wicada wacannipi hecinhan Elias u kte cigon he dee.

15 Tuwe noge winañon yukan hecinhan he ito nañon kta.

16 Tuka ito wicoicage kin de taku e imdacin kta he. Hoksi-pidan tihocoka en iyotankapi kin hena e iyececa, takodakupi wicakipanpi.

17 Qa hewicakiyapi; Cotanke unnicijajopi tuka niye wayacipi sni: wasinunhdapi tuka niye yaceyapi sni.

18 Johannes wote sni qa waya-tke sni hi: unkan. Taku wakan šica yuha ce, eyapi.

19 Wicašta Cinhintku kin wota qa wayatkan hi: unkan heyapi: Iho, wicašta wan wote sa qa miniša yatkan ece, wamnananpi qa walitanipi sa takodawicaya ece. Tuka woksape iye cinca kin on owotanna oyakapi ece.

20 Hehan otonwe kin tona en iye oñan tanka econpi qon hena iyopewicaya, iyopeiciyapi sni heon.

21 Hehehe Korazin, hehehe Bethsada: wicoñan tanka niye-pi en econpi kin, hena Turos qa Sidon en econpi unkanš, wana-kaja heyake šica cañota ko en iyopeiciyapi kta tuka.

22 Heon etanhan heciciyapi; Woyaco anpetu kin en, tehiya

yaunpi kta, qa Turos Sidon kici aopten unpi kta.

23 Qa Kapernaum niye, mahpiya ekta wankan aniyampi, tuka wicañapi ekta elipeniyampi kta; wicoñan tanka niye en econpi kin hena Sodom en econpi unkanš, anpetu kin dehanyan ecen un kta tuka.

24 Heon etanhan heciciyapi; Woyaco anpetu kin en tehiya yaun kta, qa Sodom makoce kin ahecece kta.

25 Anpetu kin hena en Jesus waayupte qa heya: Ate, mahpiya maka ko Itanean kin, ci-yatan, dena taku kin tona ksa-papi qa wasdonyapi kin anawicayakiñbe qa hokšiyooqopapi owicayakidaka ece.

26 Han, Ate hecetu, hecen iyonicipi nakaes.

27 Ate taku owasin maqu; unkan tuwedan Cinhintkuyapi kin sdonye sni, Ateyapi un kin hecedan sdonkiya; nakun tuwedan Ateyapi kin sdonye sni, tuka Cinhintku kin hecedan; qa tuwe Cinhintku kin sdonyekiye cin he nakun.

28 Tona htayanipi qa tkeya wayaqinpi kin owasin en mau po. kinhan ozikiyapi ciçupi kta.

29 Can napinpi mitawa kin he icu po, qa miye eciyatanhan onspeiciya po. cante ekta onšimicida qa walibayedan waun; hecen ninagipi en woozikiye duhapi kta.

30 Can napinpi mitawa kin he tehike sni. qa waqin mitawa kin he kapojedan.

WICOWOYAKE 12.

1 Anpetu kin hena en, anpetu wakan icunhan, Jesus aguyapi ojupi kin ehna iyaya; unkan waonspewicakiye cin wotekte-

hdapi, qa aguyapi yuksa icupi qa yutapi.

2 Unkan Pharisee kin he wan-yakapi hehan heciyapi; Wanya-ka wo, waonspewicayakiye cin, anpetu wakan icunhan taku econpi kte śni ece kin, hee econpi.

3 Unkan iye hewicakiya; Dawid taku econ qon he tohinni dawapi śni he; iye qa tona om un kin wotektehapi qehan;

4 Tipi wakan kin en i, qa aguyapi taninyan ehnakapi kin yuta, he iye qa tona om un kin yutapi kte śni, tuḡa wośnapi kagapi kin ecedan yutapi kta tuka.

5 Qa woope kin en nakun dawapi śni, wośnapi kagapi kin tipi wakan ohna anpetu wakan ahopapi śni ešta iyaonpepica śni unpi.

6 Tuka heciciyapi; Tuwe tipi wakan kin isanpa tanka wan den un.

7 Wowaońsida wacin qa wośnapi wacin śni ce, eyapi qon he idukcanpi unkanś, tona wahtanipi śni kin hena wicadacopi kte śni tuka.

8 Qa Wicašta Cinhintku kin he anpetu wakan Itancan kin he nakun ee.

9 Hehan hetanhan iyaye ḡa omnieiye tipi tawapi kin en i.

10 Unkan iho, wicašta wan nape śnija hen un; unkan wiwangapi qa heciyapi; Anpetu wakan icunhan waasniyapi kta iyececa he; he iyaonpapi kta e heyapi.

11 Unkan hewicakiya; Enitanhanpi wicašta wanji talinca wanunyanpi wanjidan yuhe cinhan, he anpetu wakan icunhan woḡa en iyohpaya hecinhan, tancan en yuze ḡa ehdaku kte śni he.

12 Wicašta kin he talinca wanunyanpi isanpa ece. Heon etanhan anpetu wakan icunhan taku wašte econpi kta iyececa.

13 Hehan wicašta qon heciya; Nape hdukatin wo; hecen yukatin, unkan unma kin iyecen asni icaga.

14 Unkan Pharisee kin hetanhan tankan hdapi, qa token ktepi kte cin he akiapi.

15 Tuka Jesus he sdonye ḡa hetanhan token iyaya; unkan wicota linca ihakam unpi, qa iye hena owasin asniwicaya:

16 Qa nina oyake śni wicaši.

17 Hecen Isaya wicašta wokean kin taku eye ciqon yuecetupi kta; he kaken eya;

18 Iho, mitahokśidan wahdalnige ciqon; wašte wakidake cin on minagi iyuśkin ece; mitaniya kin waqu kta, hecen Ikcewicašta kin woyaco owicakiyake kta.

19 Wicakize kte śni, qa pan kte śni, qa ho kin tuwedan canku ohna naḡon kte śni:

20 Cedi kaśuśujapi kin he yukse kte śni, qa haḡonta ide kte cin he kasni kte śni, woyaco he woohiye ekta au śni kinhan:

21 Qa iye caje kin Ikcewicašta wacinyanpi kta.

22 Hehan wanji wakan śica yuhnaśkinyan he en ahipi, išttagonge ḡa ia okitpani; unkan asniyan, hecen išttagonge ḡa ia okitpani kin he ia qa nakun tonwan.

23 Unkan wicašta ota kin owasin yuśinyayapi qa heyapi; Dawid cinhintku kin he dee śni he.

24 Tuka Pharisee kin is he naḡonpi qehan heyapi; Wicašta kin de wakan śica napewicaye cin he Beelzebub wakan śica itancan kin on hecon ece.

25 Unkan Jesus token cante-

yuzapi kin he sdonye ça hewica-kiya; Wokiconze wan iye iyakitedan kiciza eca hinhipaya ece; nakun otonwe qa tipi otoiyohi iye iyakitedan kicizapi ehan-tanhan ecen he kte śni.

26 Qa Satan Satan napeye cinhan wanna iye iciciza; hecen token tokiconze kin sutaya he kta he.

27 Qa miye Beelzebub on wakan śica napewicawaya ehan-tanhan, nicincapi kin is taku on napewicayapi he; heon etanhan hena niyacopi kta.

28 Tuka miye Wakantanka Taniya on wakan śica napewicawaya hecinhan, Wakantanka tokiconze kin wanna en nihipi.

29 Wicašta waśaka ti kin en, tuwe tin iyaye ça taku tawa kin ihangye kta token okihi kta he; tokaheya wicašta waśake cin kaśke cinhan hehan tipi kin ihangye kta.

30 Tuwe mici un śni kinhan he makipajin ece; qa tuwe micipahi śni kinhan he yutakuni śni ece.

31 Heon etanhan heciciyapi; Woahitani owasin iapi śica ko wicašta wicakicicajujupi kta; tuka Woniya Wakan aiapi kin he wicašta wicakicicajujupi kte śni.

32 Qa tuwe Wicašta Cinhintku kin taku śica eciye cinhan, he kicicajujupi kta; tuka tuwe Woniya Wakan kin taku śica eciye cinhan, he kicicajujupi kte śni, wiconi kin de en, qa nakun wiconi u kte cin en.

33 Can kin wašte kaga po, kinhan waskuyeca wašte kta; qa is can kin śica kaga po, kinhan waskuyeca śice kta; can kin waskuyeca tawa kin on sdonyapi ece.

34 Wamduška wicoicage, ni-

śicapi hecen token taku wašte ehapi kta oyakihipi he; wicacante ojudan kin he eciyatanhan wicai kin ia ece.

35 Wicašta wašte kin iye cante wašte ojudan kin eciyatanhan taku wašte hiyuya ece; qa nakun wicašta śice cin iye cante śica ojudan kin etanhan taku śica hiyuya ece.

36 Tuka wicoie wašte śni otoiyohi wicašta eyapi kin hena on woyaco anpetu kin en ohdakapi ece e kta, he miye eci-ciyapi.

37 Nioie kin on niyaowotanpi kta, qa nakun nioie kin on niyacopi kta.

38 Hehan wowapi kagapi wan-jikji qa Pharisee kin ayuptapi qa heciyapi; Waonspekiya, wowapetokeca wan wanyagunya-kiyapi kta uncinpi.

39 Tuka iye waayupte ça hewicakiya; Wicoicage śice ça wawicihalapi econ sa kin he wowapetokeca da, tuka wowapetokeca wanjidan qupi kte śni, Jonas wicašta wokcan wowapetokeca tawa kin hecedan kta.

40 Anpetu yamni qa hanyetu yamni hebanyan Jonas hogan tanka tezi kin ohna un qon, he iyecen anpetu yamni qa hanyetu yamni Wicašta Cinhintku kin maka cante kin en un kta.

41 Woyaco anpetu kin en Ni-newe wicašta kin inajinpi qa wicoicage kin de yacopi kta; hena e Jonas woyake cin on iyopeiciyapi tuka; unkan iho, Jonas isanpa tanka wanji den un.

42 Itokah wicaštayatapi winohinca qon he woyaco kin en inajin kta, qa wicoicage kin de yaco kta; eqe Solomon toksape nahon kta on maka ihanke kin etanhan u tuka; unkan iho,

wanji Solomon isanpa tanka den un.

43 Woniya šape cin wicašta kin etanhan tankata hinanpa, hehan makoce puza en omani, ozikiyapi akita, tuka takudan iyeye šni;

44 Hehan heya; Tipi mitawa etanhan wahinape ciquon he ake ekta wahde kta. Unkan ekta ki, qa tuwedan ohna yanke šni, kahintapi qa ayuco yuštampi, hecen iyeya.

45 Hehan iyaye ça woniya tokeca šakowin iye isanpa šicapi, hena iwicacu qa om mahen iyaya, qa ohna yukanpi; unkan wicašta kin he hetanhan tehiya un, tokaheya un qon isanpa. Wicoicage šice cin de hecece kta.

46 Unkan oyate kin hecen wowicakiyaka icunhan, iho, iye hunku qa hunkawanjtku kin tankan hinajinpi qa okiyapi kta cinpi.

47 Unkan wanji heciya; Iho, nihun qa nihunkawanji tankan najinpi qa oniciyapi kta cinpi.

48 Tuka iye waayupte ça tuwe heye cin he heciya; Tuwe inawaya he, qa mihunkawanji kin hena tuwepi he.

49 Unkan waonspewicakiye cin ektakiya nape hdugate ça heya; Iho, mihun qa mihunkawanji dena eepi ce.

50 Tuwe kašta Ate mašpiya ekta un tawacin kin ecen econ kinhan he mihunkawanji qa mitawinohtin qa mihun ee.

WICOWOYAKE 13.

1 Unkan anpetu kin hena en Jesus tipi kin etanhan tankata iyaye ça mde kin icahda iyo-tanka.

2 Unkan wicota linca en mni-ci-yapi, hecen iyotanke kta e

wata wan en opa, qa oyate kin iyulpa hutata najinpi.

3 Unkan wiyacinpi on taku ota owicakiyaka, qa heya; Iho, wicašta woju wan woju iyaya:

4 Unkan woju icunhan, apa canku icahda hinhpaya; hecen wahupakoza en hipi qa temyapi.

5 Qa apa tukten inyan ota ehna ihpaya, hen maka tonana; unkan oħankoya hinanpa, maka tonana nakaes.

6 Tuka wi kata aya hehan owasin gu; qa hutkan nica heon etanhan šnija.

7 Unkan apa is wapepeka ehna ihpaya; unkan wapepeka tanka icage ça hecen kte.

8 Tuka apa maka wašte en ihpaya, qa etanhan ota icaga, apa opawinge, apa wikcemna šakpe, apa wikcemna yamni.

9 Tuwe noge winahon kta yukan hecinhan, ito nahon kta.

10 Unkan waonspewicakiye cin en hipi qa heciyapi; Tokeca wiyacinpi on owawicayakiya he.

11 Unkan iye awicayupte ça heya; Mašpiya wokiconze woa-nahbe kin niye oyakaħnigapi kta ničupi, tuka hena hecen wicakupi šni, heon etanhan.

12 Heon tuwe taku yuhe cinhan nakun qupi kta, hecen iya-kičuya yuhe kta; tuka tuwe takudan ton šni, tona yuhe cin hee kaeš kipi ece e kta.

13 Heon etanhan wiyacinpi on wowicawakiyaka ece; hecen tonwanpi keš wanyakapi šni, qa winahonpi keš nahonpi šni, qa nakun okaħnigapi šni.

14 Qa hecen Isaya wicašta wokcan taku eye ciquon iyepi on yucetupi; Winahonpi on nayahonpi kta, tuka oyakaħnigapi kte šni; qa tonwanhan wandakapi kta, tuka idukcanpi kte šni ce.

15 Oyate kin de cantepi kin cepa aya, qa nogepi kin kitan se winahonpi, qa istohmuzapi; hecece šni unkanš, ista on wanyakapi kta, qa noge on nahonpi kta, qa cante on iyukcanpi kta, qa ihduhomnapi kta, kinhan ašniwicawaye kta tuka.

16 Tuka ništapi kin wowašte, on wandakapi ece; qa ninogepi kin wowašte, on nayahonpi ece.

17 Awicakehan heciciyapi; Wicašta wokcan ota, qa wicašta owotanna, taku wandakapi ece kin hena wanyakapi kta cinpi, tuka wanyakapi šni; qa taku nayahonpi ece kin, hena nahonpi kta cinpi, tuka nahonpi šni.

18 Heon etanhan wicašta waju qon wiyacinpi kin he ito nahon po.

19 Wicašta otoiyohi wokiconze oie kin nahon keš, okašnige šni kinhan, he tuwe šice cin en hi, qa taku cante en ojupi qon eyaku ece; iho, canku icahda ojupi icu qon hee.

20 Unkan inyan ota en ojupi icu qon he dee; tuwe wicoie kin nahon qa oħankoya iyuškinyan icu;

21 Tuka iye en hutkan wanica, hecen ecadan enakiya; tohan wicoie kin on wokakije qa šicaya kuwapi akipa hecinhan, hinna-kaha ayušan iyaya ece.

22 Unkan wapepeka ehna ojupi icu qon, tuwe wicoie kin nahon kin hee; tuka wiconi kin de awacinpi qa woyuha ota wohaye kin hena wicoie kin kte ece, hecen waškuyeca takudan aicage šni.

23 Tuka maka wašte en ojupi icu qon, he tuwe wicoie kin nahon qa okašniga; qa hecen waškuyeca icahya ece; apa opawinge, qa apa wikcemna šakpe, qa

apa iš wikcemna yamni icaga ece.

24 Wiyacinpi tokeca wan owicakiyake ça heya; Małpiya wokiconze kin wicašta wan iye tamaga en su waštešte oju kin he iyececa.

25 Tuka wicištinma hiyeya icunhan, toka wan en hi, qa aguyapi ehna wayahota oju, qa kihda.

26 Unkan ape kin wanna uye ça wahuwapa icage kta, hehan wayahota iš nakun tanin.

27 Unkan tipi tawa wowidakewicaye cin en hipi qa heciyapi; Itancan, nitamaga en su waštešte oyaju šni he; hecen wayahota kin tokiyatanhan yuha he.

28 Unkan iye hewicakiya; Wicašta wan toka kin heca e hecon. Unkan wowidakewicaye cin hena heciyapi; Unyanpi qa unpahipi kta yacin he.

29 Tuka iye heya; Hiya; okinni wayahota kin yapahipi kinhan, nakun aguyapi koya djunpi kta.

30 Ito woksapi kta hehanyan napin icicahiya icage kta. Unkan woksapi anpetu kin he en, wayuksapi kin hewicawakiye kta; Tokaheya wayahota pahipi qa ħuħnaħyapi kta on paħta po; tuka aguyapi kin he doto-piye mitawa en omnayan po.

31 Wiyacinpi tokeca wan owicakiyake ça heya; Małpiya wokiconze kin sinape su wanji iyececa, he wicašta wan icu qa iye tamaga kin en oju.

32 He su kin owasin iyotan cistinna; tuka icaga hehan wato kin owasin išnana tanka; qa can iyececa icaga, hecen małpiya okinyanpi kin en upi, qa adetka kin en ahiyahan ece.

33 Wiyacinpi tokeca wan owicakiyaka; Małpiya wokiconze kin on naphiyapi kin iyececa,

he winohinca wan icu qa wotpanpi wiyutapi yamni en inahman, hecen ocowasin napohiyapi.

34 Dena taku owasin Jesus wiyacinpi on oyate kin owicakiyaka, qa wiyacinpi codan takudan owicakiyake ūni.

35 Hecen wicaūta wokcan taku eye cigon yuacetupi, he hecen eya; Wiyacinpi on i wahdukawa kta; taku maka kagapi ehantanhan anahmanpi kin he omdake kta ce.

36 Hehan Jesus oyate kin hde-wicaūi, qa tipi wan en tin iyaya. Unkan waonspewicakiye cin en hipi qa heciyapi; Maga en wayahota wiyacinpi kin he unko-kiyaka miye.

37 Unkan iye awicayupte a hewicakiya; Tuwe su waūteūte oju qon he Wicaūta Cinhintku kin hee.

38 Maga kin he maka ocowasin ee; su waūteūte qon he woki-conze cinca kin hena eepi; wayahota kin he tuwe ūica cinca kin hena eepi:

39 Toka hena oju qon Wakan-ūica hee. Woksapi kin he wiconi kin de owihanke kin hee; qa wayuksapi kte cin mahpiya ohnihde kin hena eepi.

40 Heon etanhan, wayahota pahipi qa peta en huūnagapi qon he wiconi kin de owihanke kin ekta hecece kta.

41 Wicaūa Cinhintku kin tona ohnihdewicaye cin hena yewicaūi kta; unkan tokiconze kin etanhan tona wahtanipi qa taku ūica econpi kin owasin pahipi kta:

42 Qa peta mde kin en ehpe-wicayapi kta; hen wicaceya hi hdakinskinzapi ko yuke kta.

43 Hehan wicaūta owotanna kin anpetu wi kin iyecen iyega-

pi kta, atkukupi tokiconze kin en. Tuwe noge winahon kta yukan hecinhan, ito nahon kta.

44 Akeū mahpiya wokiconze kin he mazaska, maga wan en nahmanpi kin he iyececa, he wicaūta wan iyeya, unkan anahbe a, wiyuūkinyan iyaye a, taku yuhe cin owasin wiyopekiye a, maga kin he opeton.

45 Akeū mahpiya wokiconze kin wicaūta wopeton inyan tehika akite cigon he iyececa ye:

46 He inyan tehika wanjidani, ota iyopeyapi kin, he iyeya, unkan iyaye a, taku tawa kin owasin wiyopekiye a, he opeton.

47 Akeū mahpiya wokiconze kin he ho wan, mde kin en iyo-hipeyapi, qa ocaje owasin etanhan manaye cin, he iyececa;

48 He wanna ojudan hehan hutata ahdi, en iyotankapi, qa waūteūte kin hena cega ohna mnakiyapi, tuka ūiksice cin hena ehpeyapi.

49 Maka owihanke kinhan he iyecece kta; hehan mahpiya ohnihde kin upi kta, qa tona ūice cin owotanna unpi kin wiciyo-peyapi kin hena iwicacupi kta;

50 Qa peta mde kin en iyo-hipewicayapi kta. Heciya wicaceya hi hdakinskinzapi ko yuke kta.

51 Jesus hewicakiya; Dena owasin oyakaūnigapi he. Han, Itancan, eciyapi.

52 Hehan hewicakiya; Heon etanhan wowapi kaga otoiyo, mahpiya wokiconze on onspekiyapi kin, he wicaūta wan tipi yuhe a, mazopiye tawa kin etanhan taku teca tannika ko ikikcu ece kin he iyececa.

53 Unkan Jesus wiyacinpi kin dena ihunnikiya, hehan hetanhan tankan iyaya:

54 **Qa iye tamakoce kin en ki** qehan, omniciye tipi yuhapi kin ohna waonspewicakiya; hecen yušinyayapi qa heyapi; Woksape kin de, qa wicohan tanka, wicašta kin de tokiyatanhan yuha he.

55 Cankajipa cinhintku kin he dee šni he; hunku he Mary eciyapi, qa sunkawicaye cin hena Jakob qa Joses qa Šimon qa Judas:

56 **Qa tawinohtin hena owasin** unkiyopeyapi unpi šni he; hecen tokiyatanhan dena taku kin owasin yuha he.

57 **Unkan canniyeyapi.** Tuka Jesus hewicakiya; Wicašta wokcan yuonihanpi ece, tuka iye tamakoce qa iye ti kin ohna yuonihanpi šni.

58 **Unkan wicohan tanka ota** hen econ šni, wicadapi šni heon etanhan.

WICOWOYAKE 14.

1 **Unkan anpetu kin hena en** Herod wicaštayatapi kin Jesus oyakapi kin he nañon;

2 **Qa taboksidan kin hewica-**kiya; Johannes baptem wicaqu ece kin he dee; tapi kin etanhan kini, heon etanhan wicohan tanka econ ece.

3 **Herod Johannes yuze ça ka-**ška, qa conkaške en ehnaka, Herodias iye sunkaku Philip tawicu qon heon.

4 **Duhe kta iyecece šni ce,** Johannes eciye ciqon.

5 **Unkan heon kte kta cin,** tuka oyate kin kowicakipa; hena e wicašta wokcan heca kecinpi.

6 **Tuka Herod anpetu en tonpi** qon he ake hiyohipi, hehan Herodias cunwintku kin wicacokaya waci, qa Herod iyokipiya.

7 **Heon etanhan, taku wakan**

cajeyate ça, taku kida kta hecinhan, awicakehan qu kta; keciya.

8 **Unkan he itokam hunku on-**spekiya, heon heya; Wanna Johannes baptem wicaqu ece qon he pa kin waksica wan ohna maqu ye.

9 **Unkan wicaštayatapi kin** iyokišice hinca, tuka wakanyan wacajeyate cin heon, qa tona om wota iyotanke cin hena on, he qu wicaši.

10 **Hecen ekta ye wicaši, qa** conkaške mahen Johannes pa baksa.

11 **Unkan pa kin he waksica** ohna akupi, qa wikoška kin qupi; unkan iye iyoopta hunku qu.

12 **Unkan waonspewicakiye** cin hena en hipi, qa tancan kin eyakupi qa hapi; hehan yapi qa Jesus okiyakapi.

13 **Unkan Jesus he nañon qe-**han, hetanhan watom iyaye ça, isnana hewoskan makoce wan ekta i. Unkan oyate kin he nañonpi qehan, otonwe etanhanhan huinyun ihakam yapi.

14 **Unkan huta ekta ihunni qe-**han, wicota wanwicayaka; qa onšiwicakida, qa tona tehiya unpi kin hena asniwicaya.

15 **Unkan wanna hitayetu he-**han waonspewicakiye cin en hipi qa heyapi; Makoce kin de hewotahedan, qa wanna hitayetu, heon oyate kin hde wicaši wo, hecen otonwe ciqadan kin en yapi kta, qa taku yutapi opeiçitonpi kta.

16 **Tuka Jesus hewicakiya;** Hdapi kta iyecece šni; ito niye taku yutapi wicaqu po.

17 **Unkan heciyapi;** Aguyapi kagapi zaptan qa hogan nonpa, henana den unhapi ce.

18 **Unkan heya; Hena makau** po.

19 Unkan oyate kin wato en iyotanke wicaşı, qa aguyapi zaptan qa hogan nonpa nakun icu, qa mahpiya ekta etonwan, hehan yawašte, qa yuşpaşpa qa waonspewicakiye cin wicaqu, unkan waonspewicakiye cin iş oyate kin wicaqupi.

20 Unkan owasin wotapi qa immanpi; unkan oyaptapi etanhan pahipi, makanopiye akenonpa ojudan.

21 Unkan tona wotapi kin hena wicašta kektopawinge zaptan ecetu, nakun winohinca şiceca koya.

22 Hehan ecahankeya Jesus waonspewiyakiye cin wata wan en ope wicaşı, iye itokam akasanpa yapi kta, oyate kin hde wicaşı icunhan.

23 Unkan wanna oyate kin hde wicaşı, hehan işnana paha wan ekta cekiya iyaya. Wanna otpaza tuka işnana ekta yanka.

24 Tuka wata kin wanna mde kin cokaya un, taja on iyotanhani iyekiyapi, tatohekiya yapi nakaş.

25 Unkan hanyetu en itopa kiktapi hehan Jesus mini kin amani en wicaya.

26 Unkan waonspewicakiye cin mini kin amani wanyakapi qehan, yuşinyayapi qa heyapi; Hewanagi; qa kokipapi on şicahowayapi.

27 Tuka Jesus kohanna owicakiye ça heya; Cante wašte po; de miye ce; kopehdapi şni po.

28 Unkan Inyan ayupte ça heya; Itancan he niye hecinhan, ekta mini kin amani u maşı wo.

29 Unkan; U wo, eciya. Hecen Inyan wata kin etanhan kun iyaye ça Jesus ekta ye kta mini kin amani.

30 Tuka wohitiya tateyanpa wanyaka, hehan kokipa. Qa spaye kta iyaya, hehan şicahowaya, qa heya; Itancan, nima-yan wo.

31 Unkan Jesus ecahankeya nape ekta yekiye ça yuwankan icu, qa heciya; Cistinna wacin- yaya, tokeca wacetunyahda he.

32 Unkan wata kin en opapi hehan amdakedan icu.

33 Hehan wata en unpi kin en hipi, makata elpeiçiyapi qa heciyapi; Awicakehan Wakantanka Cinhintku kin he niye.

34 Unkan akasanpa ihunnipi hehan Geneseret makoce kin en hipi.

35 Unkan wicašta makoce kin he en unpi kin hena iyekiyapi, qa ihdukşan wanke cin owancaya hoşı wicakayapi. Unkan tona teliya unpi kin owasin en awicahipi;

36 Qa cekiyapi, taşina opapun heceedan kaeşyutanpi kta heon; unkan tona yutanpi kin owasin tanyan asnipi.

WICOWOYAKE 15.

1 Hehan Jerusalem etanhan wowapi kagapi qa Pharisee kin Jesus en hipi qa heyapi;

2 Tokeca waonspewicayakiye cin hunkawicayapi woope oyakapi qon acakşinpi he; qa aguyapi yutapi kte cinhan nape hdujajapi şni.

3 Unkan iye waayupte ça he- wicakiya; Qa niş nakun tokeca woope odakapi kin on Wakan- tanka toope kin acayakşinpi he.

4 Wakantanka heya econ wicaşı; Niyate nihun kici wica- hduonihan wo; nakun; Tuwe atkuku hunku kici wicayaşice cinhan wiconşe on şe kta ce.

5 Tuka niye hehapi; Tuwe

atkuku qa ís hunku kin heciye kta iyecéca; Taku on ociciye kte cin he wanna wośnapi ce; qa hecen atkuku hunku kici wicahduonihan śni ece

6 Hecen woope odakapi kin on Wakantanka toope kin dutakunipiśni.

7 Wananiçihmanpi, niyepi on Isaya tanyan woyake ça heye ciqon;

8 Oyate kin de i on mikiyedani upi, qa iha on mayaonihanpi; tuka cantepi kin hena mitehan unpi ece.

9 Wicaśta wicoope kagapi kin hena woope keya onspewicakiyapi, qa on mayuonihanpi kte cin he takudan okihi śni ece.

10 Hehan oyate kin wicakico qa hewicakiya; Nahonpi qa okahniğa po:

11 Taku wicai kin ohna iyaye cin he wicaśta kin yuśape śni; tuka taku wicai kin etanhan hiyu kin he wicaśta yuśape cin ee.

12 Hehan waonspewicakiye cin en hipi qa heciyapi; Wicoie kin de Pharisee kin nahonpi qa śihdapi, he sdonyaya he.

13 Unkan waayupte ça heya; Taku ojupi kin, tona Ate malipiya ekta un kin oju śni kinhan, hena owasin yujunpi kta.

14 Awicayuśtan po; ístagongapi ístagongapi awicayapi kin hena hecapi. Unkan tuwe ístagonga ístagonga wan yus aye cinhan, napin makohdoka en ohinhpayapi kta.

15 Hehan Inyan ayupte ça heciya; Wiyacinpi kin de unkoikiyaka miye.

16 Unkan Jesus heya; Niś nakun hinahin oyakalinigapi śni he.

17 Taku wicai kin ohna iyaye cin he wicatezi kin ekta i ece, qa hehan hetanhan tankan ehpe-

yapi ece; he hinahin oyakalinigapi śni he

18 Tuka taku wicai kin etanhan hiyu kin hena wicacante kin eciyatanhan u ece; qa wicaśta yuśape cin hena ee.

19 Wicacante kin eciyatanhan wicotawacin śica hiyu ece; tinwicaktepi, wawicihahapi, wiinahmanpi, wamanonpi, woitonśni qa wicayaśicapi kin.

20 Wicaśta yuśape cin dena ee; tuka nape hdujaja śni wotapi kin he wicaśta kin yuśape śni.

21 Hehan Jesus hetanhan tokan iyaye ça, Turos qa Sidon makoce ihduksan wanke cin he ekta i.

22 Unkan iho, Kanan winohinca wan makoce kin hetanhan hiyu, qa hoyekiye ça heya; Itancan, Dawid Cinhintku, onśimada ye, micunkśi wakan śica yuhnaśkinyan, śicaya un.

23 Tuka iye oie wanjidan ayupte śni. Unkan waonspewicakiye cin en hipi, cekiyapi qa heyapi; Hdeśi wo, unkihakam śicahowaya ece.

24 Tuka iye waayupte ça heya; Israel tiyohnaka tahinca wanunyanpi nunnipi kin henana ekta umaśipi ce.

25 Hehan winohinca qon en hi, makata ehpeiçiye ça heciya; Itancan, omakiya we.

26 Tuka iye ayupte ça; Hoksíyopa aguyapi tawapi kin icupi qa śunka wicakupi kin he hecetu śni ce, eya.

27 Unkan iyé; Han, Itancan; tuka śunka kin iye wicayuhapi wahna wotapi tawapi kin etanhan ośnaśna hinhpaye cin hena etanhan yutapi ece, eya.

28 Hehan Jesus ayupte ça heciya; Winohinca, wacinyaye cin he tanka; token yacin kin he enicicetu nunwe. Unkan wihi-

yayedan oape kin he hetanhan cunwintku kin asni.

29 Unkan Jesus hetanhan iya-ye ça Galile mde kin ikiyedan u; qa paha wan ekta iyaye ça akan iyotanka.

30 Unkan wicašta ota en hipi, tona huštepi, išttagongapi, ia okitpanipi, hu bawicaksapi, qa toktokeca ota en awicahipi, qa Jesus siha kin en ewicahnakapi; unkan asniwicaya.

31 Hecen wicota yušinyayapi, ia okitpanipi qon hena iapi, hu bawicaksapi qon hena tokecapi šni, huštepi qon hena manipi, qa išttagongapi qon hena tonwanpi wanwicayakapi, heon etanhan; qa Israel Taku Wakan tawapi kin he yatanpi.

32 Hehan Jesus waonspewicakiye cin wicakico qa hewicakiya; Oyate kin onšiwicawakida, wanna yamni can taku yute šni mici unpi; qa wote šni hde-
wicawaši kta tawatenwaye šni, okinni tahepi ihpayapi kta.

33 Unkan waonspewicakiye cin heciyapi; Makoce hewotahedan kin de en tokiyatanhan aguyapi iyenakeca unhapi qa oyate hinsko tanka imnawicunyanpi kta he.

34 Unkan Jesus hewicakiya; Aguyapi kagapi tona duhapi he. Unkan; Šakowin qa hoganstin-na tonana nakun, eyapi.

35 Unkan oyate kin makata iyotanke wicaši;

36 Qa aguyapi šakowin icu, hogan kin hena nakun, qa yawaste, hehan kiyušpašpa qa waonspewicakiye cin wicaqu; unkan waonspewicakiye cin oyate kin wicaqupi.

37 Unkan owasin yutapi qa imnanpi; qa oyaptapi kin hena pahipi, makanopiye šakowin ojudan.

38 Wotapi kin hena wica ece kektopawinge topa, nakun winohinca šiceca koya.

39 Hehan oyate kin hdewicaši, qa wata wan en ope ça Magdala makoce kin en hi.

WICOWOYAKE 16.

1 Unkan Pharisee qa Sadukee etanhan en hipi, qa mahpiya eciyatanhan wowapetokeca wan wicakiyutanin šipi, iyutanyanpi kta.

2 Tuka iye waayupte ça hewicakiya; Tohan hitayetu eca, Mahpiya šaša heon owaštecake kta ce, ehapi ece.

3 Qa hanhanna eca, Ecin ošicecake kta, mahpiya šaša qa šapšapa, heon etanhan. Wana-niçihmanpi, mahpiya ite kin he yukcan onnispepi, tokeca anpetu kin dena wowapetogton oyakahnigapi šni he.

4 Wicoicage šice ça wawicilahapi econ sa kin he wowapetokeca wan da; tuka wowapetokeca wanjidan qupi kte šni; Jonas wicašta wokcan tawowapetokeca kin heceedan. Unkan ehewicaya iyaya.

5 Unkan waonspewicakiye cin akasanpa ipi, qa aguyapi icu akiktonjapi.

6 Hehan Jesus hewicakiya; Pharisee qa Sadukee on napohiyapi tawapi kin he iwanyakapi qa kokipa po.

7 Unkan iye iyakitedan akini-capi qa heyapi; Aguyapi unki-cupi šni, heon etanhan, *heya ce*.

8 Tuka Jesus he sdonye ça hewicakiya; Cistinna wacinyayapi kin, tokeca niye iyakitedan aya-kinicapi he, aguyapi iyacupi šni heon.

9 Hinahin oyakahnigapi šni, wicašta kektopawinge zaptan

qa aguyapi zaptanna, qa makanopiye ojudan tonakeca yapahipi he yeksuyapi šni he.

10 Nakun wicašta kektopawinge topa qa aguyapi šakowin, qa makanopiye ojudan tonakeca iyacupi he.

11 Tokeca oyakašinigapi šni he, Pharisee qa Šadukee on napohiyapi tawapi kin he kokipe cišipi, he aguyapi on heciciyapi šni.

12 Hehan aguyapi on napohiyapi kin he kokipe wicaši šni, tuka Pharisee qa Šadukee woon-spe tawapi kin hee kokipapi kta, he okašinigapi.

13 Jesus Kesarea Philippi makoce kin en i qehan waonspewicakiye cin wiwicawange ça heya; Wicašta Cinhintku kin miye, matuwe kin, wicašta keyapi he.

14 Unkan heyapi; Apa Johannes baptem wicaqu qon; qa apa is; Elias; qa toktokeca; Jeremias, qa is wicašta wokcan wanji.

15 Qa niš matuwe kehapi he, ewicakiya.

16 Unkan Simon Inyan ayupte ça; Messiya Wakantanka ni un Cinhintku kin he niye, eya

17 Unkan Jesus ayupte ça heciya; Simon Jona cinhintku niyawaštepi ce; wicacełpi qa wicawe kin he oniciyake šni, tuka Ate małpiya ekta un kin he *oniciyaka*

18 Qa miš nakun heciciya; Inyan he niye, qa imnija kin de akan okodakiciye mitawa wakage kta; qa wakanšica tatiyopa kin he yujuju kte šni.

19 Unkan małpiya wokiconze iyuhdoke kin he cięu kta; ecen taku maka akan yakaške cinhan he małpiya ekta kaškap kta; qa taku maka akan yakiduške cinhan he małpiya ekta kiyuškapi kta.

20. Hehan waonspewicakiye

cin Jesus Messiya kin he iye, he tuwedan okiyake šni wicaši.

21 Hetanhan Jesus waonspewicakiye cin wowicakiyaka, Jerusalem ekta ye kta iyececa, qa wicašinicipi, wošnap i kagapi, wowapi kagapi ko on taku ota kakije kta, qa ktepi kta, qa anpetu iciyamni hehan ake kini kta, hena owicakiyaka.

22 Hehan Inyan Jesus icu qa iyoپeye ça heya; Itancan, hece-tu šni; dena ayakipe kte šni.

23 Tuka iye ihduhomni qa Inyan heciya; Satan mihekta-pa tanhan ya wo, tokamayaya; Wakantanka taku tawa kin awacanni šni, tuka wicašta taku tawapi kin.

24 Hehan Jesus waonspewicakiye cin hewicakiya; Tuwe miyahna u kta cin kinhan, wai-piçida kta, qa cansusbeca ehda-ku qa mihakam un kta.

25 Tuwe kašta wiconi tawa kpatan kinhan, he toki ełpekiye kta; qa tuwe miye on wiconi tawa kin kpagan kinhan, he iyeje kta.

26 Wicašta wan maka kin ocowasin kamna, qa nagi kin toki ełpeye cinhan he taku okihi kta he; qa wicašta nagi kin taku iyoپekiye kta he.

27 Wicašta Cinhintku kin iye Atkuku towitan hduha taohni-hdewicaye cin om u kta; hehan wicašta otoiyohi iye ołanpi kin eciyatanhan wicaqu kta.

28 Awicakehan heciciyapi; Tona den najinpi kin etanhan wanjikji wiconę utapi kte šni, ecen Wicašta Cinhintku kin iye to-kiconze kin en u wanyakapi kta.

WICOWOYAKE 17.

1 Unkan iyohakam anpetu šakpe hehan Jesus Inyan qa

Jakob, qa iye sunkaku Johan-
nes, hena iwicacu, qa paha wan
tehanwankantu ekta awicaya;

2 Qa wicitokam yutokecapi;
ite kin anpetu wi kin iyecen
iyega, qa tawokoyake kin iyo-
yanpa iyecen ska.

3 Unkan iho, Moses qa Elias
en ihdutaninpi qa kici wohda-
kapi.

4 Hehan Inyan ayupte ça Je-
sus heciya; Itancan, den unya-
konpi kin he wašte; yacin kin-
han, den wakeya yamni ti un-
kagapi kta, wanji unnicagapi
kta, qa Moses Elias kici wan-
jikji *wicunkicagapi* kta.

5 Iahan icunhan iho, iyoyanpa
mahpiya wan aowicahanzi, qa
iho, mahpiya kin eciyatanhan
wicaho wan heya; Micinksi
waštewakidake ça on iyomakipi
hince cin he dee ce; anagoptan
po.

6 Unkan waonspewicakiye cin
he nahonpi hehan makipusdiya
ehpeiçiyapi, qa nina kokipapi.

7 Tuka Jesus en wicahi, qa
wicayutan qa heya; Inajin po,
qa kokipapi šni po.

8 Unkan ista yuwankan ikikcu-
pi hehan, tuwedan wanyakapi
šni, Jesus ecedan.

9 Unkan paha kin etanhan kun
hdicupi, hehan Jesus wahokon-
wicakiye ça heya; Wowanyake
kin he tuwedan okiyakapi šni
po, Wicašta Cinhintku kin wi-
conțe etanhan piya ikicage šni
hehanyan.

10 Unkan waonspewicakiye
cin wiwangapi qa heciyapi; Wo-
wapi kagapi kin, Elias tokaheya
hi kta ce, eyapi kin, tokeca he-
yapi hwo.

11 Unkan Jesus waayupte ça
hewicakiya; Awicakehan Elias
tokaheya hi kta, qa taku owasin
yuecetu kta.

12 Tuka heciciyapi; Elias
wanna hi tuka iyekiyapi šni, qa
token cinpi qon ecakiconpi. He
iyececa Wicašta Cinhintku kin
iyepi eciyatanhan kakije kta.

13 Hehan waonspewicakiye
cin okañnigapi, Johannes baptem
wicaqu qon e he ke ça heon he-
wicakiya.

14 Unkan wicota en hdipi qe-
han, wicašta wan en hi qa can-
peška makehde inajin,

15 Qa heya; Itancan, micinksi
onšimicida ye, hanyetu wi ihna-
škinyan qa šicaya un; otakiya
peta en ihpaye ça otakiya mini
en iyohpaya ece:

16 Qa waonspewicayakiye cin
wicawakahi, tuka asniyanpi kta
okihipi šni.

17 Hehan Jesus ayupte ça
heya; Wicoicage wacinye šni
qa wacin tehike, tohanyan cicipi
waun kta he; tohanyan iyowin-
ciciyapi kta he; den makau po.

18 Unkan Jesus iyopeya, qa
hecen wakan šice cin tankata
hinanpa; unkan wihiyayedan
oape kin hetanhan hoksidan kin
asniyanpi.

19 Hehan waonspewicakiye
cin Jesus isnana yanke cin en
hipi qa hëyapi; Tokeca unkiye
he napeunyanpi kta unkokihipi
šni he.

20 Unkan Jesus hewicakiya;
Wacinyayapi šni heon; awica-
kehan heciciyapi; Sinape su
wanjidan hinskokeca wacinya-
yapi unkanš, paha kin de, De-
tanhan tokan iyaya wo, eyaki-
yapi kta; unkan tokan iyaye
kta, qa taku oyakitpanipi wa-
nice kta.

21 Tuka taku decece cin he
cekiyapi qa wote šni unpi ece-
dan on tankan hinanpa ece.

22 Unkan Galile en unpi icun-
han Jesus hewicakiya; Wicašta

Cinhintku kin wanna ecadan wicašta napepi kin en wicaqupi kta.

23 Unkan ktepi kta, qa anpetu iciyamni kinhan ake piya ikicage kta ce, eya. Unkan nina iyo-kišicapi.

24 Hehan Kapernaum en hipi qehan, tona mazaska mnayanpi ece kin Inyan en hipi qa heyapi; Waonspeniciyapi kin he mazaska mnayanpi en iyohpeye kta he.

25 Unkan, Han, eya. Hehan tin hdicu qehan Jesus tokaheya ie ça heciya; Simon token idukcan he; maka akan wicaštayatapi kin tokiyatanhan mazaska mnayanpi he; iye cincapi etanhan. qa is wicašta tokecapi kin etanhan.

26 Wicašta tokecapi etanhan, Inyan eya. Unkan Jesus heciya; Hehan cincapi kin wicakaskapi šni ece:

27 Tuka šihda wicunyanpi kte šni, e heon niš mde kin ekta ye ça hinšikijupi wan minin iyeya wo, qa hogan tokaheya hiyu kin he icu wo; he i kin dukawa kinhan ohna kangi kagapi wan iyeyaye kta; he icu qa miye qa niye on wicaqu wo.

WICOWOYAKE 18.

1 Unkan hehan waonspewicakiye cin Jesus en hipi qa heciyapi; Małpiya wokiconze kin en tuwe iyotan tanka he.

2 Unkan Jesus hokšiyooqpa wan kico qa wicacokaya ehnaka;

3 Qa heya; Awicakehan heciyapi; Nihduhomnipi šni, qa hokšiyooqpa iyenicecapi šni kinhan, małpiya wokiconze kin en yaipi kte šni.

4 Tuwe ihduhukuye ça hokšiyooqpa kin de iyecen canteyuze

cinhan, małpiya wokiconze kin en iyotan tanka kin hee.

5 Qa tuwe hokšiyooqpa dececa wan, micaje on, iyowinkiye cinhan, he miye iyowinmakiya ece.

6 Qa tuwe hokšiyooqpa kin dena, wacinmayanpi kin, wanji wahtanikiye cinhan, he inyan wiyutpan wan tahu en iyakaškapi, qa iye miniwanca ošbe kin en iyohpeyapi unkanš wašte kta tuka.

7 Wahtaniwicayapi kin on oyate kin wotehi yuhapi kta; eya wahtanikiyapi yuke kta iyececa; tuka wicašta tuwe wahtaniwicaya hecinhan, he wotehi yuhe kta.

8 Heon etanhan, ninape qa nisiha wahtaniniyanpi hecinhan, hena hdakse ça ehpeya wo; huha kaksapi wiconi en yai kta hee wašte, qa nape nonpa qa siha nonpa hduha peta owihanke wanica en iyohpeniyanpi kte cin he šica.

9 Qa ništa wahtaniniye cinhan, hdušdoke ça ehpeya wo; išta wanjidan hduha wiconi en yai kte cin he wašte, qa išta napin hduha peta owihanke wanica en iyohpeniyanpi kte cin he šica.

10 Ihnuhan dena cikeistinpidan wanjidan ešta šiceyadake cinhan; heciyapi ce; Małpiya ekta ohnihdewicayapi tawapi kin hena Ate małpiya ekta un kin ite ohinniyan wanyakapi ece.

11 Wicašta Cinhintku kin taku atakunišni qon he niye kta on hi.

12 Hecen token idukcanpi he. Wicašta wan tahinca wanunyanpi opawinge wicayuhe, ça etanhan wanjidan kitanišni hecinhan, wikcemna napeinwanka sanpa napeinwanka hena owanjidan ewicahnake ça he kin ekta iyaye ça wanji taninšni kin he okide šni he.

13 **Qa iyeye cinhan, awicakehan heciciyapi ;** hee on iyuskin, **qa wikcemna napcinwanka sanpa napcinwanka tokiya iyayapi sni kin hena on iyuskin sni ece.**

14 **He iyececa, dena cikeistinpidan wanjidan esta toki ehpeyapi kta, Niyatepi mahpiya ekta un kin hecen tawacin sni.**

15 **Tuka nisunka wanicihtani kinhan, ekta ye ca iye niye kicisnana he okiciyaka ye ; nanihon kinhan nisunka ake yahduhe kta.**

16 **Tuka ananigoptan sni kinhan, hehan wangi qa is nonpa om de kta ; hecen waayatanin nonpa, qa is yamni ipi kin on wicoie owasin yusutapi kta.**

17 **Tuka hena nakun anawicagoptan sni kinhan, hehan okodakiciye kin owicakiyaka wo ; unkan okodakiciye kin anawicagoptan sni kinhan, hehan lkcewicasta qa wamnayanpi kin iyecen yahdawa kta.**

18 **Awicakehan heciciyapi ; Taku maka akan yakaskapi kinhan, he mahpiya ekta kaskapi kta ; qa taku maka akan yakiduskapi kinhan, he mahpiya ekta kiyuskapi kta.**

19 **Akes heciciyapi ; Tuwe nom maka akan taku wanjidan yadapi kta e wayeconsapi kinhan, Ate mahpiya ekta un kin he ecen ecawicakicon kta.**

20 **Tukten nom yamni, micaje on mniciyapi kinhan, hen wiciyopeya waun ece.**

21 **Hehan Inyan en hi qa heciya ; Itancan, misunka tona wamicihtani qa wecicajuju kta he : sakowin behanyan he.**

22 **Jesus heciya ; Sakowin behanyan kta, eciciye sni, tuka wikcemna sakowin ece sakowin.**

23 **Heon etanhan mahpiya wokiconze kin wicastayatapi wan**

iyeececa, he wowidake wicayuhe cin wicakiciyawawa kta :

24 **Unkan wicakiciyawawa icunhan wangi mazaska tkeutapi tanka kektopawinge wikcemna iyohiye sni kin he ahipi.**

25 **Unkan on kajuju kta takudan yuhe sni, hecen yuhe cin he tancan wiyopeyapi kta, qa tawicu, qa cinca, qa taku yuhe cin owasin, qa kajuju kta, keya.**

26 **Heon wowidake un kin he en makipusdiya ehpeiçiya, cekiye ca heya ; Itancan, amakipe ye, owasin cicicajuju kta.**

27 **Hehan yuhe cin he wowidake tawa kin onsikida, kiyuska qa ikicazo qon kicicajuju.**

28 **Tuka wowidake un kin he tankan iyaye ca om idakapi kin wangi, kaspapidan opawinge ikicazo kin he iyeya, qa iyahpaye ca poskin yuze ca heciya ; Tona imiyecazo kin micicajuju wo.**

29 **Hehan kici idakapi un kin he siha en ehpeiçiya, cekiye ca heya ; Amakipe ye, kinhan owasin cicicajuju kta.**

30 **Unkan wicada sni ; tuka iyaye ca conkaske mahen kaskahnaka, oicazo hdajuju kta behanyan.**

31 **Unkan kici wowidake unpi kin hena taku econpi kin wanyakapi qehan, nina iyokisicapi ; heon en hipi qa wicayuhe cin taku econpi kin owasin okiyakapi.**

32 **Hehan yuhe cin he ake kico qa heciya ; Wowidake nisice hinca, icazopi hinsko tanka qon he cicicajuju, cemayakiye cin heon.**

33 **Hecen miye onsidida kin he iyecen kici wowidake yaun kin is eya onsiyakida kta iyecece sni he.**

34 **Unkan yuhè cin sihda qa kakiçiyapi kte cin en wicaqu,**

WICOWOYAKE 19.

tona iyohiye šni qon ocowasin hdajuju kta hehanyan.

35 He iyecen; Ate małpiya ekta un kin ecaniconpi kta, otoi-yohi canle eciyatanhan nisunkapi tona waniciłtanipi kin wicayecicajujupi šni kinhan.

WICOWOYAKE 19.

1 Unkan Jesus wicoie kin he-na heya ayařtan, hehan Galile makece kin etanhan iyaye a Juda makece, Jordan wakpa akasanpa tanhan he en hi :

2 Qa wicařta ota ģinca ihakam unpi ; unkan hen asniwicaya.

3 Pharisee kin iř nakun en hipi, qa iyutanyanpi kta heciyapi ; Taku owasin on wicařta tawicu elpekiye kta iyececa he.

4 Unkan waayupte a hewicakiya ; Tuwe otokahe ekta wicakage cin he wica winyan ahna wicakaga, he tohinni dawapi šni he :

5 Qa heya ; Heon etanhan, wicařta atkuku hunku ko elpewicaye kta, qa tawicu kin en iyai-hdařke kta ; qa henaoza celpi wanģidan kta.

6 Heon, hetanhan nonpapi šni, tuka wicacełpi wanģidan ece. Heon, taku Wakantanka yuonkonwanģidan kin he ihnuhan wicařta kiyuřpe cinhan.

7 Hehan heciyapi ; Itancan, Moses kpaganpi wowapi wan qu kta, qa elpeye kta, tokeca heconwicaři hwo.

8 Unkan hewicakiya ; Nican-tepi suta kin heon winoģinca elpewicayayapi kta, Moses iyo-winniciyapi ; tuka otokaheya tanhan hecetu šni.

9 Qa miř heciyapi ce ; Tuwe, wawicilałapi econ kin on etanhan šni, tawicu elpekiye a

wanģi tokeca yuze cinhan, he wawicilałapi econ ece ; qa tu-we winyan elpeyapi kin yuze cinhan, he nakun wawicilałapi econ ece.

10 Unkan waonspewicakiye cin heciyapi ; Wicařta wino-ģinca kici hecetu kinhan, tawicu tonpi kin he wařte šni.

11 Tuka hewicakiya ; Wicoie kin he owasin okihipi šni, tona wicałupi kin henana okihipi.

12 Yunokos heca yukan ; hunģ hunku tezi kin etanhan heca icagapi ; qa hunģ wicařta on heca wicakagapi ; qa hunģ małpiya wokiconze kin on heca iicagapi. Tuwe he icu okihi kinhan he icu kta.

13 Hehan hokřiyoqopa en awicahipi, nape awicaputake a ce-kiye kta e heon ; unkan waonspewicakiye cin teģindapi.

14 Tuka Jesus heya ; Hokřiyoqopa en mahipi kta iyowin-wicakiya po, qa teģindapi šni po ; małpiya wokiconze kin he hetanhanpi ece.

15 Unkan nape awicaputake a hetanhan tokan iyaya.

16 Unkan iho, wanģi en hi qa heciya ; Waonspekiye wařte, taku wařte ecamon kta, on wiconi owihanke wanica mduhe kta, tukte e he.

17 Unkan heciya ; Tokeca wařte emayakiya he ; tuwedan wařte šni, wanģi heceedan wařte, Wakantanka hee. Tuka wiconi en yai kta yacin kinhan woahope kin hena ahopa wo.

18 Hehan heciya ; Tukte e he. Unkan Jesus heya ; Dena, Tin-wicayakte kte šni ; Wawicilałapi ecanon kte šni ; Wamayanon kte šni ; Woitonřni odake kte šni ;

19 Niyate nihun kici wica-hduonihan wo ; qa, Niye inihda-

cin nikiyedan un kin wašteyada-
ke kta.

20 Koška kin he heciya; Ima-
caga ehantanhan dena owasin
ecen ecamon ece; taku hinañin
iyotpani waun he.

21 Jesus heciya; Owotanna
yaun kta yacin kinhan, hde ça
taku nitawa wiyopeye ça wa-
hpanicapi kin wicaqu wo; kin-
han mañpiya ekta woyuha duhe
kta; hehan ku qa mihakam un
wo.

22 Tuka koška kin he wicoie
kin de nañon qehan iyokišica
kibda; taku ota ton kin heon
etanhan.

23 Unkan Jesus waonspewica-
kiye cin hewicakiya; Awica-
kehan heciciyapi; Tuwe wijica
un-kin he kitan se mañpiya wo-
kiconze kin en i kta.

24 Qa ake heciciyapi; Kamel
wan tahinšpaciqadan ohdoka
ohna iyaye kte cin he teñike šni,
qa wicašta wijica Wakantanka
tokiconze kin en ye kte cin he
teñika.

25 Waonspewicakiye cin he
nañonpi, hehan nina yušinya-
yapi qa heyapi; Tuwe hehan ni
okihi kta he.

26 Unkan Jesus ekta etonwe
ça hewicakiya; Wicašta ekta he
okihipica šni; tuka Wakantan-
ka ekta taku owasin okihipica
ece.

27 Hehan Inyan ayupte ça he-
ciya; Iho, taku owasin ehpe-
unyanpi qa nihakam unyakonpi;
hecen taku unhapi kta he.

28 Unkan Jesus hewicakiya;
Awicakehan heciciyapi; Niyepi
tona teca ni en wicatonpi kin
de en omayapapi kin, tohan
Wicašta Cinhintku kin wowitan
oiyotanke tawa kin en kiyotanke
cinhan, niš eya oiyotanke ake-
nonpa akan idotankapi kta, qa

Israel wicoun akenonpa wicada-
copi kta ce.

29 Qa tuwe kašta, tipi, qa hun-
kawanjitku, qa tawinolitin, qa
atkuku, qa hunku, qa tawicu,
qa cinca, qa maga, micaje on
etanhan ehpeye cinhan, he opa-
winge akihde hduhe kta, qa na-
kun owihanke wanin wiconi
innaiciye kta.

30 Tuka tokaheya unpi kin
wicota ehake unpi kta; qa ehake
unpi kin hena tokaheyapi kta.

WICOWOYAKE 20.

1 Mañpiya wokiconze kin he
wicašta wan tipi yuhe cin he
iyececa, he hanñanna hinca
hastanhanka iyuwi ojupi tawa
kicanyanpi kte cin wicašta ope-
ton iyaya.

2 Unkan wicašta anpetu eca
kašpapidan wanjidan on opewi-
caton, hehan hastanhanka iyuwi
ojupi tawa kin en yewicaši.

3 Unkan wihiyayedan oape
yamni, hehan ake tankan iyaye
ça toktokeca tihocoka en taku
token šni najinpi wanwicayaka;

4 Qa hewicakiya; Niš eya
hastanhanka iyuwi ojupi kin en
ya po; kinhan token owotanna
ciçupi kta ce. Unkan en iya-
yapi.

5 Ake oape isakpē qa inapciñ-
wanka hehanhan tankan iyaye
ça ake iyecen econ.

6 Hehan oape iakewanji ecetu,
ake tankan iyaye ça toktokeca
taku token šni najinpi wanwica-
yaka, qa hewicakiya; Tokeca
anpetu osan taku token šni na-
yajinpi he.

7 Unkan, Tuwedan opeuntanpi
šni ce, eciyapi. Hehan hewica-
kiya; Niš eya hastanhanka iyu-
wi ojupi kin en ya po, kinhan
taku owotanna iyacupi kta.

8 Wanna h̄tayetuhēhan, hastan-
hanka iyuwi ojupi yuhe cin iye
taokiye itancan kin heciya; Wi-
cašta h̄tanipi kin wicakico qa
wokajuju wicaqu wo, ehake hipi
kin hena tokaheya, ecen toka-
heya hipi qon wicayeciyaŋstan
kta ce.

9 Unkan tona oape wanjidan
h̄tanipi kin hena hipi, qa otoi-
yohi kaŋpapidan wanji icupi.

10 Tokaheyapi kin hena en
hipi qehan, sanpa yuhapi kta
kecinpi, tuka iŋ eya otoiyo-
hi kaŋpapidan wanji icupi.

11 He icupi hehan tipi tawa kin
bapi;

12 Qa heyapi; Ehake hipi kin
dena oape wanjidan h̄tanipi, tuka
unkiye anpetu osan, wi kata ešta
h̄taunnipi, iyeuncapapi wicaya-
kaga ece.

13 Unkan iye waayupte qa
wanji heciya; Koda, taku ŋica
ecacicon ŋni; kaŋpapidan wanji-
dan on h̄tamiyecini kta kema-
yakiye ŋni he.

14 Taku nitawa kin ehdaku qa
hda wo; ehake hi kin de niye
cięu kin iyecen waqu ece e
kta.

15 Miye mitawa kin token wa-
cin kin ecen ecamon kta iyecece
ŋni he; miye mawašte kin heon
etanhan išta niŋica he.

16 Hecen ehake unpi kin hena
tokaheyapi kta; qa tokaheya
unpi kin hena ehake unpi kta;
wicota wicakicopi, tuka tonana
wicakaŋnigapi ece.

17 Unkan Jesus Jerusalem ekta
itanwankanhde ya, hehan wa-
onspewicakiya akenonpa kin
canku kin icunonpa iŋnana awi-
caya, qa hewicakiya;

18 Iho, Jerusalem ekta itan-
wankanhde unyanpi, qa Wicašta
Cinhintku kin woŋnapi kagapi
wowapi kagapi ko nape en wi-

caqupi kta; unkan ęe kta on
yacopi kta;

19 Qa ihaŋapi kta, kapsinpsin-
tapi kta, qa icipaweli okatanpi
kta on Ikcewicašta iyoopta wi-
caqupi kta; unkan anpetu ici-
yamni hehan kini kta ce.

20 Hehan Zebedee cinca hun-
kupi kin en hi, cinhintku na-
pin om, cekiye qa taku wanji
kida.

21 Unkan iye heciya; Taku ya-
cin he. Hehan heciya; Micinkŋi
kin denaoza wokiconze nitawa
en, unma nietapa ekta iyotanke
kta, qa unma iŋ canitka en iyo-
tanke kta, keya ye.

22 Tuka Jesus waayupte qa
heya; Taku yadapi kin sdonya-
kiyapi ŋni. Wiyatke etanhan
mdatke kte cin he etanhan ya-
tkan oyakihipi he; qa baptem
maqupi kte cin he niŋ eya nięupi
kta oyakihipi he. Unkan, Unko-
kihipi ce, eciyapi.

23 Hehan hewicakiya; Awica-
kehan wiyatke mitawa kin etan-
han datkanpi kta, qa baptem ma-
qupi kte cin heon niŋ eya baptem
nięupi kta; tuka ematapa qa
camatka tanhan iyotankapi wi-
caqupi kte cin he miye mitawa
ŋni; tuka Ate tona wiyeya wi-
cakiciyaŋstan kinhan hena tawapi
kta.

24 Unkan wikcemnapi kin hena
he naŋonpi qehan sunkakiciyapi
nom on ŋihdapi.

25 Tuka Jesus wicakico qa
heya; Ikcewicašta ekta tona
itancanpi kin hena oyate wica-
yuhapi, qa wicašta tankinyan-
yanpi kin oyate wowidakewica-
yapi ece, he sdonayayapi.

26 Tuka niyepi ektá hecece
kte ŋni; tuka wanji tukte tanka
yaunpi kta yacinpi kinhan, he
wowidake duhapi kta.

27 Qa tuwe niyepi en tokapa

un kta hecinhan, wowidake nitawapi kin hee kta.

28 He iyececa, Wicašta Cinhintku wowidake wicayuhe kta on hi šni, tuka idakapi kta, qa wiconi tawa wokajuju kta wicota on wicaqu kta heon hi.

29 Unkan Jeriko etanhan iyootapi, hehan wicota ihakam unpi.

30 Unkan iho, wicašta ištāgonga nonpa canku icahda iyotankapi, Jesus en hiyaya nañonpi, hehan howayapi qa heyapi; Itancan, Dawid Cinhintku onśiunkida miye.

31 Unkan wicota kin tehindapi qa inina yanke wicašipi; tuka is hehan heon iyotan howayapi qa heyapi; Onśiunkida po, Itancan, Dawid Cinhintku.

32 Unkan Jesus owanji najin qa wicakico qa heya; Taku ecaciconpi kta yacinpi he.

33 Itancan išta unhdukawapi kta ye, eciyapi.

34 Hehan Jesus onśiwicakida qa išta wicayutan; unkan ecahankeya išta on tonwanpi qa ihakam unpi.

WICOWOYAKE 21.

1 Unkan Jerusalem ikiyedān yapi, qa Bethpage ehan ipi, Olive paha kin etu, hehan Jesus waonspewicakiye cin nom yewicasi;

2 Qa hewicakiya; Dukanpi kin otonwe iyotakons wanke cin he ekta ya po; kinhan kohanna šonsonna wan cinca iyahna han iyeyayapi kta; kiyuškapi qa makaku po.

3 Qa tuwe taku eniciyapi kinhan, Itancan kin hena cin ce, eya po; kinhan kohanna awicau nišipi kta.

4 Dena owasin econpi, wicašta wokcan oie qon yuecetupi kta, he kaken eya;

5 Zion cunwintku kin heciya po; Iho, Wicaštayatapi nitawa en niu, walibadan qa šonsonna wan akan iyotanka, šukcinca wan, šonsonna cinca kin akan u ce.

6 Unkan waonspewicakiye cin yapi, qa Jesus econ wicaši kin ecen econpi;

7 Qa šonsonna cinca iyahna awicahipi, qa iye tašina akan elipeyapi, qa hena iakan Jesus ehnakapi.

8 Unkan wicota canku ohna šina elipeyapi; qa apa canwapa kaksapi qa canku ohnahna owinšyapi.

9 Qa wicota tokata yapi, qa tonaihakam upi kin, howayapi qa heyapi; Dawid Cinhintku woohiye yuha nunwe. Tuwe Itancan caje on u kin yawaštepi nunwe: Małhiya ekta woohiye yuha nunwe.

10 Unkan Jerusalem en hi qehan otonwe kin ocowasin škanškanpi, qa heyapi; De tuwe he.

11 Unkan wicota kin heyapi; Jesus wicašta wokcan Galile en Nazareth otonwe kin etanhan he dee.

12 Unkan Jesus tipi wakan Wakantanka tawa kin en i, qa tipi wakan ohna wiyopeyapi ece, wopetonpi ko, hena tankan iycwicaya; qa mazaska tokiyopeyapi ahna econpi kin hena yuahdapsinyan elipeya, tona wakiyedan wiyopeyapi oiyotanke tawapi kaya;

13 Qa hewicakiya; Tipi mitawa kin he wocekiye tipi eciyapi kta, eya wowapi en kagapi; tuka niye wamanon tipi yakagapi.

14 Hehan ištāgongapi huštepi ko tipi wakan kin en hipi; unkan okiziwicaya.

15 Unkan wošnapi kagapi wo-

wapi kagapi ko taku wowapeto-keca econ kin hena wanyakapi, qa hoksiyoqopapi tipi wakan kin ohna, Dawid Cinhintku kin woo-hiye yuha nunwe, eya howa-yapi, hehan nina shidapi:

16 Qa heciyapi; Dena taku eyapi kin nayahon he. Unkan Jesus hewicakiya; Han; Hoksiyoqopa, tona azinpi ko ipi kin etanhan wowitan dustan ce, eyapi kin he tohinni dawapi shi he.

17 Hehan awicayustan, qa otowwe kin etanhan tankan iyaye ca Bethani ekta i, qa hen wanka.

18 Unkan hanhanna hınca otowwe kin ekta icicawin hda, unkan wotektehda;

19 Qa suken can wanji canku ohna han wanyake cchan, he en i, tuka takudan iyeye shi, ape eceedan aicaga; unkan heya; Icimana waskuyeca ainicage shi nunwe. Unkan suken can kin kohanna shija aya.

20 Unkan waonspewicakiye cin he wanyakapi qehan yushin-yayapi qa heyapi; Ehanqon suken can kin kohanna shija aya.

21 Jesus waayupte ca hewicakiya; Awicakehan heciyapi; Wowacinye duhapi qa wacetunyahdapi shi kinhan, taku suken can kin de ecakiconpi kin heceedan ecanonpi kte shi, tuka paha kin de, Tokan iyaye ca miniwanca kin en iyohpeniyanpi nunwe, eyakiyapi kinhan, ecetu kta.

22 Qa taku tona wocekiye eya yadapi, qa wicayadapi kinhan, hena owasin duhapi ece e kta.

23 Unkan tipi wakan kin en hi, qa waonspewicakiya icunhan, wošnapi kagapi, qa oyate kin en wicašta tankapi ko, en hipi qa heciyapi; Wicookihi tukte e on dena ecanon he; qa tuwe wicookihi kin de niçu he.

24 Unkan Jesus waayupte ca hewicakiya; Miš eya taku wanji iciwangapi kta; he omayakidakapi kinhan, hehan wicookihi kin tukte on dena ecamon kin ociciyakapi kta.

25 Johannes baptem wicaqu qon he tokiyatanhan he; mahpiya eciyatanhan qa is wicašta eciyatanhan. Unkan he iyakitedan aiapi qa hekiciyapi; He mahpiya eciyatanhan, unkeyapi kinhan; Tokeca he wicayadapi shi he, eye kta:

26 Tuka, He wicašta eciyatanhan, unkeyapi kinhan, oyate kin kowicunkipapi; owasin Johannes wicašta wokcan heca kecinpi.

27 Unkan ayuptapi qa Jesus heciyapi; Sdonumyanpi shi ye. Unkan is hehan hewicakiya; Miš nakun wicookihi tukte on dena ecamon kin ociciyakapi kte shi.

28 Tuka token idukeanpi he: Wicašta wan cinhintku nonpa; unkan tokapa kin en hi qa heciya; Cinš, anpetu kin de hastanhanka iyuwi ojupi mitawa kin en htani ya wo.

29 Unkan ayupte ca heya; Ecamon kte shi ye. Tuka iyo-hakam iyopeiçiye ca iyaya.

30 Unkan hakakta kin en hi, qa iyecen eciya; Unkan iye ayupte ca; Itancan, mde kta ce, eya. Tuka ye shi.

31 Denaoza unma tukte atkukupi tawacin kin ecen econpi he. Unkan, Tokapa kin, eciyapi. Hehan Jesus hewicakiya; Awicakehan heciyapi; Wamnayanpi qa wawicihahapi econpi sa niyepi nitokam Wakantan-ka tokiconze kin en yapi kta.

32 Johannes wicowotanna canku kin ohna en niupi, tuka wicayadapi shi; tuka wamna-

yanpi qa wawiciliahapi econpi sa, hena wicadapi; he wanda-kapi ešta nakun iyohakam wicayadapi kta e on nihduhonnipi šni.

33 Wiyacinpi wan tokeca nahon po; Wicašta wan tipi yuhe cin he hastanhanka iyuwi ojupi wan oju, qa ihduksan natake ça ohna iyuskiye wan qe ça nakun cowahe wan en kaga; qa wicašta kicanyanpi kta owicaqu, hehan icimani iyaya.

34 Unkan wanna waskuyeca suton kta, hehan wowidake wicayuhe cin wicašta kicanyanpi kin ekta yewicaši; waskuyeca etanhan icupi kte cin heon.

35 Unkan wicašta kicanyanpi kin wowidake unpi kin hena wicayuzapi; wanji apapi, wanji ktepi, qa wanji inyan on kininpi.

36 Akeš wowidake toktokeca ota ekta yewicaši; unkan is iyecen wicakuwapi.

37 Hehan ehake iye cinhintku kin ekta yeši, qa heya; Micin-ksi yuonihanpi kta.

38 Tuka maga kicanyanpi kin cinhintku wanyakapi, hehan he-kiciyapi; Tawa kte cin he dee; iho po, unktepi kta, hehan taku yuhe cin he unki cupi kta.

39 Hecen yuzapi qa hastanhanka iyuwi ojupi kin etanhan tankan elpeyapi qa ktepi.

40 Hecen tohan hastanhanka iyuwi ojupi tawa kin hi kinhan kicanyanpi kin hena token eca-wicakicon kta he.

41 Unkan heciyapi; Wicašta šiksice cin hena tehiya ihangwicaye kta, qa kicanyanpi toktokeca tohan iyehantu eca waskuyeca kicupi ece e kta hena hastanhanka iyuwi ojupi kin owicaqu kta.

42 Hehan Jesus hewicakiya; Inyan wan tipi kagapi kin elpe-

yapi qon he oise pa kin icaga; he ltancan kin eciyatanhan he-cetu, qa unkištapi en taku wawapetokeca kin hec. eyapi kin he tohinni wowapi wakan kin en dawapi šni he.

43 Heon etanhan heciciyapi; Wakantanka tokiconze kin eci-ciyakupi kta, qa oyate wan waskuyeca icahyapi kte cin he wicaqupi kta.

44 Unkan tuwe inyan kin de ahinhpaye cinhan kamden elpe-yapi kta; qa tuwe he akan ihpaye cinhan tanyan kamdu kta.

45 Unkan wošnapi kagapi hena, qa Pharisee ko wiyacinpi tawa kin nahonpi qehan, iye wicakae heya sdonyapi.

46 Qa heon yuze wacinpi, tuka oyate kin kowicakipapi; owasin wicašta wokcan heca kecinpi.

WICOWOYAKE 22.

1 Unkan Jesus waayupte ça ake wiyacinpi on wowicakiyake ça heya;

2 Wicašta wan wicaštayatap i heca cinhintku kin wakankici-yuzapi kicage cin he mahpiya wokiconze kin iyeececa.

3 Unkan wowidake wicayuhe cin hena yewicaši, toha wakan-kiciyuzapi en wicakicopi qon hena uwicašipi kta; tuka upi kta wicadapi šni.

4 Akeš wowidake toktokeca ekta yewicaši qa hewicakiya; Tona wicakicopi qon hena hewicakiya po; Wotapi mitawa wiyeya yanka; tatanka mitawa pte-jicadan ko wanna ktepi, qa take owasin wiyeya hiyeya; iho po. wakankiciyuzapi kin en u po.

5 Tuka ihahapi qa toki iyayapi; wanji tamaga ekta iyaye ça, wanji is mazopiye tawa ekta iyaya.

6 Qa hunh wicakico ipi kin hena wicayuzapi, qa śicaya wicakuwapi qa wicaktepi.

7 Wicaśtayatapi kin he nañon qehan nina śihda; qa taakicita ekta yewicaśi, qa tinwicaktepi kin hena ihangwicaye qa totonwepi kin huñnañya.

8 Hehan wowidake tawa kin hewicakiya; Wakankiciyuzapi kin wiyeya yanka, tuka tona en wicakicopi qon hena opapi kta iyececapi śni.

9 Heon etanhan canku ojate kin ektakta ya po, qa tona iye-wicayayapi kin wakankiciyuzapi kin en uwicaśi po.

10 Hecen wowidake unpi kin hena canku ojate kin ektakta iyayapi, qa tona iyewicayapi, śica qa wašte ko, en awicaupi; hecen wakankiciyuzapi wicaśta ota en opapi.

11 Unkan wicaśtayatapi kin tona wotapi kte cin hena wanwicayaka tin hiyu, qa iho, wicaśta wanji wakankiciyuzapi wokoyake kin kiçun śni hen wanyaka:

12 Qa heciya; Koda, tokeca wakankiciyuzapi wokoyake kiçun śni en hidotanka he. Unkan takudan eye śni.

13 Hehan wicaśtayatapi kin taokiyewicaye cin hewicakiya; Siha nape ko pañtapi qa detanhan aya po, qa tankan otpaza kin en elpeya po; heciya wicaceya qa hi hdakinskinzapi yuke kta.

14 Wicota wicakicopi tuka tonana wicakañnigapi ece.

15 Hehan Pharisee kin is yapi, qa token iapi on yuśkiśkapi kta aiapi.

16 Qa iye waonspewicakiyapi kin Herodian hena om ekta yewicaśipi qa heyapi; Waonspekiye, iewicayaka sdonunyanpi, qa awicakehan Wakantanka ta-

canku kin onspeunyakiyapi ece, qa tuwedan koyakipe śni; wicaśta akantu ekta eyatonwe śni nakaes.

17 Heon token idukcan he; unkokiyaka po; Kesar mazaska qupi ece kin he owotanna he.

18 Unkan Jesus taku śica en wicaun kin he sdonya qa heya; Wananiçilmanpi, tokeca iyutanmayayapi he:

19 Mazaska mnayanpi ece kin he makipazo po, eya. Unkan kaşpapidan wanji kahipi.

20 Hehan hewicakiya; Wicite qa wowapi kagapi kin de tuwe tawa he.

21 Unkan, Kesar tawa ce, eyapi. Hehan hewicakiya; Heon etanhan Kesar taku tawa kin kicu po, qa Wakantanka taku tawa kin kicu po.

22 He nañonpi hehan yuśinya-yapi qa elpeya hdicupi.

23 Unkan anpetu kin he en Sadukee kin en hipi, hena piya wicoicage kin wanica ce, eyapi ece, qa wiwangapi;

24 Qa heciyapi; Waonspekiye, Wicaśta wan cinca yube śni te cinhan, tawicu qon he iye sunkaku yuze kta, qa cinca cinca icahikiciciye kta, Moses keye ciqon.

25 Unkan unkiyepi en wicaśta śakowin sunkakiciyapi; unkan tokapa kin he winolinca wan yuza tuka ta; qa cinca nica heon iye iyokihe cin he tawicu aihpekiya.

26 Qa icinonpa iyecen econ, qa iyamni, qa ecen śakowinpi kin.

27 Hehan ehake winolinca qon ta.

28 Hecen piya wicoicage kin en, hena śakowinpi kin wanji tukte winolinca kin he hduhapi kta he; owasin yuzapi.

29 Jesus waayupte qa hewicakiya; Yanunipi, wowapi wakan

qa Wakantanka towaśake kin sdoniyayapi śni.

30 Piya wicoicage kin en wino-
hinca wicayuzapi śni, qa hihna-
tonpi śni, tuka maḥpiya ekta
Wakantanka ohnhdewicaye cin
iyececapī ece.

31 Tuka wicaṭe cin piya ica-
gapi kin on Wakantanka taku
eniciyapi kin he dawapi śni he;
he kaken eya;

32 Abraham Wakantanka tawa,
Isaak Wakantanka tawa, qa Ja-
kob Wakantanka tawa kin he
miye: Wakantanka wicaśta ṭapi
kin tawapi śni, tuka ni unpi
Wakantanka tawapi ece.

33 Unkan oyate kin hena na-
honpi hehan taku onspewicakiye
cin on yuśinyayapi.

34 Tuka Pharisee kin hena,
Jesus Sadukee kin inina yanke
wicakiya, he naḥonpi hehan en
mniciyapi:

35 Qa etanhan wanji woope
aiekiyapi kin heca wiwange ṇa
iyutanyan heciya;

36 Waonspekiye, woope kin en
woahope kin tukte iyotan tanka
he.

37 Unkan Jesus heciya; Itan-
can Wakantanka nitawa kin he
nicante ocowasin on, qa ninagi
ocowasin on, qa nitoksape oco-
wasin on waśteyakidake kta.

38 Woahope tokaheya qa tan-
ka kin hee.

39 Qa inonpa kin he iyececa;
Nikiyedān un kin niye inihdacin
waśteyadake kta ce.

40 Woahope kin denaoza woo-
pe ocowasin wicaśta wokcan ko
en ikoyaka ece.

41 Pharisee kin iś en mniciya-
pi icunhan Jesus wiwicawange
ṇa heya;

42 Messiya on token idukcanpi
he; tuwe cinhintku he. Unkan,
Dawid Cinhintku ce, eciyapi.

43 Hehan hewicakiya; Hecen
token Dawid Woniya Wakan
kin on Itancan, eciya he; qa
heya;

44 Itancan kin Itancan mitawa
heciya; Mietapa ekta iyotanka
wo, tona tokaniyanpi kin siha
oahe nitawa wicawakage kta,
hehayan.

45 Hecen Dawid, Itancan, eci-
ya hecinhan, token ecin cinhin-
tkuye kta he.

46 Unkan tuwedān oie wanji-
dan ayupte kta okihi śni; qa
anpetu kin hetanhan tuwedān
ake wiwanga tawaṭenye śni ece.

WICOWOYAKE 23.

1 Hehan Jesus oyate kin, iye
waonspewicakiye cin om wowi-
cakiyaka:

2 Qa hewicakiya; Wowapi
kagapi Pharisee ko Moses oiyo-
tanke tawa kin en iyotankapi
ece.

3 Heon etanhan taku tona ope-
niśipi kin hena owasin opapi qa
econ po; tuka iye oḥanpi kin
ohna econpi śni po; taku eyapi,
tuka iyecen econpi śni ece.

4 Waqinpi tketkē qa qinpi te-
hika heca oheyunpi, qa wicaśta
tapete akan ehnakapi ece, tuka
iye qe śaśte on yutanpi kta ta-
waṭenyapi śni.

5 Qa wicoḥan econpi kin owa-
sin wicaśta wanwicayakapi kta
e heon econpi ece. Wateśdake
tanka icicagapi, qa śina opapun
hdutankapi ece.

6 Wotapi en oyanke waśteśte
cinpi, qa omniciye tipi kin ohna
wankan iyotankapi kte cin he
waśtedakapi ece:

7 Qa tihocoka kin en wicayu-
wintapi, qa, Itancan, Itancan,
wicaśta ewicakiyapi kta cinpi.

8 Tuka niye, Itancan, eniciya-

pi kte śni; wanji mdetahunka duhapi, Messiya hee; qa niyepi owasin hunkawanjinyeciyapi.

9 Qa nakun maka akan tuwedan, Ate, eciyapi śni po; Wanji mahpiya ekta un kin he Ateyayapi.

10 Qa nakun, Waonspekiye, eniciyapi kte śni; Wanji Waonspekiye duhapi, Messiya hee.

11 Qa tukte wanji iniyotanpi kta hecinhan, he wowidake nitawapi ee kta.

12 Tuwe yuwankan iyeiçiye kta hecinhan, he yuhukun elpeyapi kta; qa tuwe ihduhukuya hecinhan, he yuwankan iyeyapi kta.

13 Tuka wowapi kagapi qa Pharisee kin, wananiçiľmanpi, woteľi niciyankapi nunwe; wiwazica tipi tawapi ihangyayapi ece, qa wanniyakapi kta on wocekiye hanska ehapi ece; heon etanhan woyaco tanka iya-hdeniciyapi kta.

14 Wowapi kagapi qa Pharisee kin, wananiçiľmanpi, woteľi niciyankapi nunwe; mahpiya wokiconze kin wicašta anawicayeciaptapi, niye en dapi kte śni, qa tona en yapi kta cinpi kin teyahindapi ece.

15 Wowapi kagapi qa Pharisee kin, wananiçiľmanpi, woteľi niciyankapi nunwe; miniwanca maka ko aokibeyayapi, wicašta wanjidani duhomnipi kta; qa ece-tu kinhan, niye isanpa nonpa akihde Wakanśica cinca yakagapi ece.

16 Tokakeya mani išttagongapi kin, woteľi niciyankapi nunwe; hehapi ece; Tuwe tipi wakan kin on wakonze cinhan he taku śni; tuka tuwe tipi wakan kin en mazaskazi yuke cin, he on wakonze cinhan, he waľitani ece.

17 Winitkotkokapi qa ištani-gongapi; mazaskazi, qa is tipi wakan mazaskazi wakan kage cin unma tukte iyotan he.

18 Nakun, Tuwe owayuśna kin on wakonze cinhan he taku śni; tuka tuwe wośna owayuśna akan un kin he on wakonze cinhan, he waľitani ece.

19 Winitkotkokapi qa ištani-gongapi kin; wośnapi qa is owayuśna wośnapi kin wakan kage cin unma tukte tanka he.

20 Heon etanhan tuwe owayuśna kin on wakonze cinhan, he owayuśna qa taku akan un kin koya on wakonza ece.

21 Qa tuwe tipi wakan kin on wakonze cinhan, he tipi wakan, qa nakun tuwe ohna ti ece kin, hee on wakonza ece.

22 Qa tuwe mahpiya kin on wakonze cinhan, he Wakantan-ka oiyotanke tawa, qa nakun tuwe akan iyotanke cin on wakonza ece.

23 Wowapi kagapi qa Pharisee kin, wananiçiľmanpi, woteľi niciyankapi nunwe; ceyakata waľpe skuya, wacanga ko, iwikcemna kin waduśnapi ece; qa woope kin en taku tanka, wootanna, wowaonśida qa wowa-cinye, hena ayaktapi śni ece; dena e ecanonpi kta, qa unma nakun econ śni yaunpi kte śni tuka.

24 Tokaheya mani išttagongapi kin, hoponkadan puskem edakupi, qa kamel heca napca iye-yayapi ece.

25 Wowapi kagapi qa Pharisee kin, wananiçiľmanpi, woteľi niciyankapi nunwe; wakśica wiyatke ko akantanhan duskapi ece, tuka mahen wamanonpi qa wicotawacin śica on ojugjudan.

26 Pharisee išttagonge, tokaheya wiyatke wakśica ko ma-

hentanhan ska kaga wo. kinhan akantanhan he nakun ska kta.

27 Wowapi kagapi qa Pharisee kin. wananiçihmanpi, wotehi nicipankapi nunwe: ohna wicaçhapi sanyanpi henicecapi: hena akantanhan owanyag wašte, tuka mahentanhan wicašta huhu qa taku šica owasin on ojogjudan ece.

28 He iyecen niyepi wicašta ekta akantanhan owotanna yaunpi seececa, tuka mahentanhan wanaçihmanpi qa woowotanna šni on onijupidan.

29 Wowapi kagapi qa Pharisee kin, wananiçihmanpi, wotehi nicipankapi nunwe; wicašta wokcan ohna wicaçhapi kin en tipi wicayecagapi, qa wicašta owotanna ohna wicahnakapi kin hena sanyayapi ece:

30 Qa behapi: Atewicunyanpi ni unpi he anpetu kin en unyakonpi unkanš, wicašta wokcan wicaktepi qon en ounpapi kte šni tuka ce.

31 Hecen tona wicašta wokcan wicaktepi qon cincapi kin hena niyepi e onihdakapi ece.

32 Qa nakun niye niyatepi wicoñan tawapi kin hena wicayeciçuštanpi kta.

33 Wamduška henicapi, sinteñda wicoicage, token wakanšica ti iwicayacopi kin nayecipapi kta he.

34 Heon etanhan iho, wicašta wokcan, wicašta ksapa, wowapi kagapi hena kova, niyepi ekta yewicawaši: unkan etanhan apa wicayaktepi kta, qa icipaweli owicayakatampi kta: qa apa omniciye tipi nitawapi kin ohnahna wicayakapsinsintapi kta: qa otowwe iyasyaza šicaya wicayakuwapi ece e kta.

35 Hecen maka akan wicašta owotanna wicaktepi hena we

kin ocowasin niyepi en aniupi kta; Abel owotanna we kin hentanhan, Zakarias, Barakias cinhintku, tipi wakan qa owayušna kin iyotahedan yaktepi qon he we kin behanyan.

36 Awicakehan heciciyapi; Dena owasin wicoicage kin de en awicau kta.

37 Jerusalem, Jerusalem, wicašta wokcan wicayakte sa, qa tona niye ekta yewicashi pi qon hena inyan on wicayakinin ece qon, wahupakoza wan iye cinca hupahu ihukuya wicapahi ece kin, he iyecen wanna ota nicinca wicawapahi kta wacin, tuka niye wicayadapi šni ece.

38 Iho, yatipi kin wanna otiwota ehpeniciyapi:

39 Qa heciciyapi; Detanhan tohanyan. Tuwe Itancan caje yuha u kin he yawaštepi nunwe, ehapi šni, behanyan wanmayadakapi kte šni.

WICOWOYAKE 24.

1 Unkan Jesus tipi wakan kin etanhan tankan inanpe ça token iyaya; unkan waonspewicakiye cin en hipi qa tipi wakan token kagapi kin he wanyag ši pi.

2 Unkan Jesus hewicakiya; Dena owasin wandakapi šni he: awicakehan heciciyapi; Dena inyan wanji inyan itakihna wanke kte šni, owasin yujupupi kta.

3 Unkan Oliwe paha kin akan iyotankehan yanka, hehan waonspewicakiye cin isnana en hipi qa heciyapi; Dena tohan ecetu kta, qa niye yahi kte ça maka ihanke kta, taku on sdonyapi kta, he ito unkokiyaka miye.

4 Unkan Jesus waayupte ça hewicakiya: Ihnuhan tuwe nihnyanpi kinhan.

5 Wicota miçaje on upi kta qa,

Messiya he miye ce, eyapi kta; qa wicašta ota wicahnayanpi kta.

6 Unkan wicokicize qa kicizapi oyakapi kin nayahonpi kta; ihnuhan nihinniciyapi kinhan; hena owasin hecetu kte, tuka owihanke kin hinalinke šni.

7 Oyate wan oyate azuwicaye kta, qa wokiconze wokiconze anatan kta; qa tuktektan wica-akihan qa makošikšica qa maka škanškan yuke kta.

8 Dena owasin wicoiyokišice tokaheya kin hee.

9 Hehan wicokakije en yenyapi kta qa niktepi kta; qa micaje on oyate owasin šicenidapi kta.

10 Unkan hehan wicašta ota šihdapi kta, qa otoiyohi kicihnayanpi kta qa šicekicidapi kta.

11 Qa wicašta wokcan itonšni ota icagapi kta, qa wicota wicahnayanpi kta.

12 Hehan wicohan šica ota icage kta, heon wicota waštedake cigon he sni aye kta.

13 Tuka tuwe owihanke hehanyan najin kinhan he ni kta.

14 Unkan wokiconze wotanin wašte kin de maka kin owancaya oyakapi kta, oyate owasin en wotanin un kta; qa hehan owihanke kta.

15 Tohan wošice woihangye kin, Daniel wicašta wokcan cajeyata qon he tipi wakan kin en han wandakapi kinhan; tuwe yawa kinhan okašniga nunwe;

16 Hehan tona Juda makoce kin en unpi kin he kin ekta napapi kta.

17 Qa tuwe tipi akan un kinhan kun ku, qa taku ti mahen tanhan ehdaku kte šni.

18 Qa nakun tuwe magata un kinhan, hdicu qa wokoyake iki-keu kte šni.

19 Unkan tona anpetu kin hena en ihdušakapi, qa hokšiyooqopa azinwicakiyapi kin hena wotehi yuhapi kta.

20 Tuka waniyetu, qa anpetu wakan icunhan, nayajicapi kte šni e ito cekiya po.

21 Hehan wokakije tanka kte, maka kagapi kin ehantanhan dehanyan taku hecece šni, qa nakun tohinni tokata ekta hecece kte šni.

22 Qa anpetu kin hena yuptecedan šni kinhan, wicašta tuwedan ni kte šni; tuka wicakašnigapi kin hena on anpetu kin hena yuptecedan kta.

23 Hehan tuwe, Messiya den un ce, qa, kakiya un ce, eniciyapi ešta, wicadapi šni po.

24 Messiya itonšni, qa wicašta wokcan itonšni kin heca icagapi kta, qa wowanyake tanka wicohan tanka ko econpi kta, hecen okihipica unkanš wicakašnigapi kin hena eepi kaeš wicahnayanpi kta tuka.

25 Iho, itokam hena ociciyakapi.

26 Heon etanhan; Iho, hewotahedan un ce, eniciyapi ešta, ekta yapi šni po; qa, Iho nahmana un ce, eniciyapi ešta, wicadapi šni po.

27 Wakanhdi wiyohiyanpa tanhan u, qa wiyohpeyata hehanyan tanin hinhda ece, Wicašta Cinhintku kin hi kte cin he iyecece kta.

28 Tukten taku ta wanka eca, hen wamdi kiwitayapi ece e kta.

29 Unkan wokakije anpetu kin hena ahankeya, anpetu wi kin aotpaza kta, qa hanyetu wi kin iyoyanpa kte šni, qa wicanhpi mašpiya eciyatanhan hinhpaye kta, qa mašpiya wowašake kin yuhuhuzapi kta.

30 Unkan hehan mašpiya en,

Wicašta Cinhintku kin wowakta tawa kin tanin kta. Hehan maka akan oyate owasin nihinciyapi kta, qa Wicašta Cinhintku kin wowaśake qa wowitan tanka hduha, małpiya śapa akan u wanyakapi kta.

31 Unkan mazayahotonpi tanka hotanin kin on ohnihdewicaye cin yewicaśi kta, qa hena tate uya topa ecıyatanhan, tona wicakahnige cıqon hena wıcapahi kta, małpiya ihanke kin etanhan unma ihanke kin ekta hehanyan.

32 Wanna suken can kin etanhan wıyacinpi wan onspeıciıya po. Can intpa hınahın suta śni, qa wanna ape uya, hehan mdo ketu kin wanna ikiyedın sdon yayapi ece.

33 He iyecen dena owasin ece tu wandakapi kinhan, wanna ikiyedın, tiyopa kin ehantu e sdon ya po.

34 Awicakehan heciciyapi; Wıcoı cage kin de ihanke kte śni, ecen dena owasin ecetu kta.

35 Małpiya maka ko ihanke kta, tuka mioie kin owıhanke kte śni.

36 Tuka anpetu kin he, qa wıhiyayedın oape kin he tuwedın sdon ye śni; małpiya ohnihde kin hena *sdonyapi* śni; Ate ecedın sdon ya.

37 Nowa taanpetu qon hena, Wicašta Cinhintku kin hi kte cin iyecece kta.

38 Minitan qon isanpa anpetu kin hena en, wotapi qa wayatkanpi, winohınca wıcayuzapi qa wicašta hıhnawıcayapi ece, Nowa wata kin en iyaye cin anpetu kin hehanyan;

39 Qa iyukcanpi śni, ecen minitan aye a iyuhpa ihangwicaya: iho, Wicašta Cinhintku kin u kte cin he iyecece kta.

40 Hehan wicašta nom magata

unpi kta; wanji icupi kta, qa unma kin is okaptapi kta.

41 Winohınca nom wıyutpan on wotpan unpi kta; wanji icupi kta, qa unma kin okaptapi kta.

42 Heon etanhan waktaya un po, wıhiyayedın oape tukte en Itancın nitawapi u kta sdon yayapi śni.

43 Tuka de sdon ya po; wıcašta tipi tawa kin wamanon sa tohan hi kta sdon ya unkanś, ki kta un qa tipi tawa yuhdokapi kta iyowınwicakiye kte śni tuka.

44 Heon etanhan nis eya wıyeya un po; Wicašta Cinhintku kin wıhiyayedın oape tukte wanji en hi kta, he sdon yayapi śni.

45 Tuwe wowıdake owotanna qa wayupıka, itancın tawa tipi awanyagkiya, tohan iyehantu eca wo wıcaqu ece e kta.

46 Wowıdake kin hecen econ ece, itancın tawa en hdi qa wanhdake cinhan, he yawaštepi ece.

47 Awicakehan heciciyapi; Taku yuhe cin owasin awanyagkiye kta.

48 Tuka wowıdake sıce cin he cante mahen, Itancın mitawa tehan hdi śni ce, eye cinhan;

49 Qa tona om wowıdake un kin hena wıcakaštake a, wıtkopi om wote a wayatke cinhan;

50 Anpetu wan waktaya un śni, qa wıhiyayedın oape wanji iye kecin śni, he en wowıdake un kin yuhe cin hdi kta;

51 Qa cokaya kıcakse kta, qa wanaıciłmanpi kin om taku yuhekiye kta; heciya wıaceya qa hi hdakınskınzapi yuke kta.

WICOWOYAKE 25.

1 Hehan małpiya wokiconze kin wıtanśna unpi wıkeemna iyacinpi kta; petıjanjan ihupa

ikikecupi qa tawicu ton kte cin he itkokim iyayapi.

2 Unkan zaptan ksapapi, qa zaptan witkotkokapi.

3 Witkotkokapi kin hena petijanjan ihupa icupi, tuka wihdi takudan yuhapi šni.

4 Tuka ksapapi kin hena cega ohna wihdi hduhapi, petijanjan ihupa iyahna.

5 Unkan tawicu ton kte cin he u šni; hehanyan iyuhpa hbapi qa ištinnapi.

6 Unkan hanyecokaya hehan wicaho wan tanin, Iho, tawicu ton kte cin he u ce; itkokim ya po.

7 Hehan witanšna unpi kin hena owasin iyotankapi, qa petijanjan kin piyapi.

8 Unkan witkotkokapi kin hena ksapapi kin hewicakiyapi; Wihdi nitawapi etanhan ongege unqu miye, petijanjan unkicisnipi kta.

9 Tuka ksapapi kin waayuptapi qa hewicakiyapi; Hiya, okinni unkiye niyepi nakun iyounhipi kte šni; tuka tona wopetonpi ece kin ekta ya pe, qa opeçiton miye.

10 Unkan he opeton iyayapi, hehan tawicu ton kte cin he hi; unkan tona wiyeya unpi kin hena wakankiciyuzapi kte cin en kici iyayapi; hehan tiyopa kin ecen icupi.

11 Iyohakam witanšna unpi unmapi kin en hipi, qa heyapi; Itancan, Itancan, tiyopa unkiçiyuhdoka miye.

12 Tuka iye waayupte ça; Sdonciyapi šni, awicakehan eciçiyâpi ce, eya.

13 Heon etanhan kiktahan un po, anpetu qa wihiyayedan oape kin tukte wanji en, Wicašta Cinhintku kin hi kte cin he sdoniyayapi šni.

14 He iyecen wicašta wan makece tokeca ekta ye kta, hehan wowidake wicayuhe cin wicakico, qa woyuha tawa kin wicakipamni.

15 Unkan wanji mazaska tkeutapi tanka zaptan qû, qa wanji nom, qa wanji is wanjidan qu; otoiyohi token okihi kta hecen wicaqu; hehan icimani iyaya.

16 Unkan tuwe tkeutapi tanka zaptan icu qon he iyaye, ça on wopeton ece econ, qa nakun tkeutapi tanka zaptan kamna.

17 Qa tuwe nom icu qon is eya iyecen nom nakun kamna.

18 Tuka tuwe wanjidan icu qon he iyaye ça, maka qe ça, yuhe cin mazaska tawa kin inahma.

19 Unkan wanna tehan hehan wowidake unpi kin dena itancan tawapi kin hdi, qa wicakiciyawa.

20 Unkan tuwe tkeutapi tanka zaptan icu qon he zaptan toktokeca koya ahi qa heya; Itancan, tkeutapi tanka zaptan mayaqu; iho, nakun tkeutapi tanka zaptan hena awakamna, eya

21 Unkan yuhe cin heciya; Han, wowidake wašte qa wacinypica; taku tonana on wacinypica yaun, taku ota yuheciçiye kta; niyuha towiyuŝkin kin en opa wo.

22 Hehan tuwe tkeutapi tanka nom icu qon he hi, qa heya; Itancan, tkeutapi tanka nom mayaqu; iho, nakun tkeutapi tanka nom hena awakamna.

23 Itancan tawa kin heciya; Han, wowidake wašte qa wacinypica; taku tonana on wacinypica yaun, ito taku ota yuheciçiye kta; niyuha towiyuŝkin kin en opa wo.

24 Hehan tuwe tkeutapi tanka wanjidan icu qon he hi, qa heya;

Itancan, wicašta nitehika sdonwaya, tukten woyaju šni ešta etanhan wamnayaya ece, qa tukten taku ehpeyaye šni kin hetanhan wayapahi ece.

25 Qa kowakipa, heon imdamde ça mazaska tkeutapi tanka nitawa maka kin en nawahbe; iho, nitawa kin yahduha.

26 Itancan tawa kin waayupte ça heciya; Wowidake nišice ça nikuja; tukten wowaju šni kin hetanhan wamnawaya ece, qa tukten taku wakada šni hetanhan wawapahi ece e sdonyaya;

27 Heon etanhan mazaska mitawa wicašta wopetonpi kin yuhewicayakiye kta iyececa tuka; hecen wahdi, qa mitawa oicage ko ewehdaku kta tuka.

28 Heon tkeutapi tanka kin ekiciyaku po, qa tuwe tkeutapi tanka wikcemna yuhe cin he ito qu po.

29 Tuwe taku'ota yuhe cin he nakun qupi ece e kta, hecen iyakicuya yuhe kta; tuka tuwe takudan yuhe šni kin hetanhan taku ton kin hee kaeš ekiciyakupi ece e kta.

30 Qa wowidake wakamna šni kin he tankan otpaza kin en ehpeya po; heciya wicaceya qa hi hdakinskinzapi yuke kta.

31 Tohan Wicašta Cinhintku kin wowitan hduha, ohnihdewicaya wakan kin owasin om u kinhan, hehan wowitan oiyotanke tawa kin en kiyotanke kta:

32 Qa itokam oyate kin iyuhpa mniciyapi kta; unkan wicayukinukan kta, waawanhdake wan tahinca wanunyanpi, tatokadan etanhan wicapahi ece kin he iyececa.

33 Qa tahinca wanunyanpi kin hena iye etapa eciyatanhan, qa tatokadan kin iye catka eciyatanhan ewicahnake kta.

34 Hehan Wicaštayatapi kin tona etapa eciyatanhan unpi kin hena hewicakiye kta; U po, Ate eciyatanhan niyawastepe kin, wokiconze maka kagapi kin ehantanhan wiyeya niciyankapi kin he ito hduha po.

35 Wotektewahda, unkan wo mayaqupi; imapuza, unkan wayatkemayakiyapi; wicašta matokeca waun, unkan tin hiyumayayapi:

36 Tancomakadan, unkan wamayakahpapi; wamayazanka, unkan onšimayadapi; makaškapi, unkan wanyag mayahipi ece.

37 Hehan wicašta owotanna kin hena ayuptapi qa heciyapi kta; Itancan, tohinni wotektayahda wanunniyakapi, qa wo unničupi he; qa inipuza qa wayatkéunniciyapi he:

38 Tohinni wicašta tokeca yaun wanunniyakapi, qa tin hiyuunniyanpi he; qa tancodan yaun, qa wokoyake unničupi he:

39 Tohinni waniyazanka qa kaška nihnakapi yaun wanunniyakapi, qa en unnihipi he.

40 Unkan Wicaštayatapi kin waayupte ça hewicakiye kta; Awicakehan heciyapi; Mihunkawanji kin dena cikcistinpidan hecawicayeconpi kin he miye ecamiyeconpi ece.

41 Hehan tona catka kin eciyatanhan unpi kin hewicakiye kta: Niyašicapi kin, mitantanhan iyaya po, petā owihanke wanica ekta, wakanšica iye taokiyewicaye cin koya on kagapi qon.

42 Wotektewahda, tuka wo mayaqupi šni; imapuza, tuka wayatkemayakiyapi šni:

43 Wicašta matokeca waun, tuka tin hiyumayayapi šni; tancodan waun, tuka wokoyake mayaqupi šni; wamayazanka qa

kaška mahnakapi waun, tuka onšimayadapi šni.

44 Hehan ayuptapi qa heciyapi kta; Itancan, tohinni wotekteyahda, qa inipuza, qa wicašta tokeca yaun, qa tanconikadan, qa waniyazanka, qa kaška nihnakapi yaun wanunniyakapi, qa ounniciyapi šni he.

45 Hehan awicayupte ça heye kta; Awicakehan heciciyapi; Dena cikcistinpidan hecawicayeconpi šni kin he miye ecamiyeconpi šni ece.

46 Unkan dena owihanke wanin wokakije kin en yapi kta; tuka wicašta owotanna kin hena owihanke wanin wiconi kin en yapi kta.

WICOWOYAKE 26.

1 Unkan Jesus wicoie kin dena owasin ihunnikiya, hehan waonspewicakiye cin hewicakiya;

2 Anpetu nom iyohakam woacakšin kin hehantu kta sdonyayapi; hehan Wicašta Cinhintku kin icipaweł okatanpi kta e wicaqupi kta.

3 Hehan wošnapi kagapi, wowapi kagapi qa oyate kin en wicašta tankapi kin hena koya mniciyapi, wošnapi kagapi itancan, Kaiaphas eciyapi, he ti kin en.

4 Qa Jesus token nałmana icuppi qa ktepi kta he aiapi.

5 Tuka wotapi anpetu kin hena icunhan šni, okinni oyate kin owodutaton kta, eyapi.

6 Unkan Jesus Bethani en Šimon lepros ecece ciqon he ti kin ohna yanka.

7 Hehan winoħinca wan inyan opiye wan wihdi waštemna tehi-ka ojudan he yuha en hi, qa iye iyotankehan yanka icunhan, pa kin en okaštan.

8 Tuka waonspewicakiye cin

hena he wanyakapi qehan šiħdapi, qa heyapi; Tokeca de awihunniyapi he.

9 Wihdi waštemna kin de ota iyoheyapi kta, qa wałpanica wicaqupi kta iyececa tuka ce.

10 Jesus he okaħnige ça hewicakiya; Tokeca winoħinca kin de iyokišinyayapi he; wicoħan wašte wan ecamicon.

11 Wałpanicapi kin ohinnian wicaduhapi, tuka miye ohinnian mayaduhapi šni.

12 Wihdi waštemna kin de mitancan amakaštan kin, mahnakapi kte cin on etanhan hecon.

13 Awicakehan heciciyapi; Maka kin owancaya wootanin wašte kin de tukten oyakapi hecinhan, winoħinca kin de taku econ kin he wowitan on oyakapi ece e kta.

14 Hehan akenonpapi kin etanhan wanji, Judas Iskariot eciyapi, he wošnapi kagapi kin ekta wicai;

15 Qa heya; He ciçupi kinhan taku mayaqupi kta he. Unkan mazaska wikcemna yamni qupi kta, keciyapi.

16 Unkan hetanhan token hnan wicaqu kta e he akita.

17 Aguyapi on napoħyapi codan anpetu tokaheya, hehan waonspewicakiye cin Jesus en hipi, qa heciyapi; Tukten woacakšin kin yate kta wiyeya unnicihnakapi kta yacin he.

18 Unkan heya; Otonwe kin en ya po, qa wicašta kae heciya po; Wanna iyemicihantu, woacakšin kin yati en waonspewicawakiye cin om ecamon kta ce, Waonspekiye cin heya ce.

19 Unkan waonspewicakiye cin Jesus econ wicaši kin ecen econpi, qa woacakšin kin wiyeya ehnakapi.

20 Wanna h̄tayetū behan ake-nonpapi kin om en iyotanka.

21 Qa wotapi icunhan heya; Niyepi etanhan wanji wiyopemayayapi kta, awicakehan eciciyapi ce.

22 Unkan iyokišicapi h̄inca, qa otoiyohi heciyapi; Itancan, he miye he.

23 Unkan waayupte ɕa heya; Tuwe wakšica ohna kici nape yewaye cinhan he wiyopemaye kte cin ee.

24 Wowapi en kagapi qon he iyecen, Wicašta Cinhintku kin ye kta; tuka wicašta kin Wicašta Cinhintku kin wiyopeye cinhan he woteh̄i kiciyanke kta; wicašta kin he tohinni tonpi šni unkanš wašte kta tuka.

25 Unkan Judas wiyopeye kte cin he ayupte ɕa; Itancan, he miye he, eya. Unkan, Niye heha ce, eciya.

26 Unkan wotapi icunhan Jesus aguyapi icu, qa yawašte, qa yušpašpa, qa waonspewicakiye cin wicaqu, qa heya; Icupi qa yuta po; mitancan kin he dee.

27 Qa wiyatke kin ehdaku, qa wopida eye ɕa wicaqu, qa heya; Owasin etanhan yatkan po.

28 Mawe kin he dee, wicota-kuye teca kin en, wicota on papsopni, woahtani kajuju kta heon.

29 Tuka heciciyapi, Detanhan hastanhanka iyuwi waskuyeca kin etanhan icimana mdatke kte šni, Ate tokiconze kin en anpetu wan teca unyatkanpi kte cin behanyan.

30 Unkan odowan wan ahiyayapi behan tankan iyayapi, Oliwe paha kin he ekta.

31 Hehan Jesus hewicakiya; Hanyetu kin de niyepi owasin eh̄pemayayapi kta. Kaken wotapi en kagapi; Waawanhdake

kin he awape kta, unkan hetanhan talinca wanunyanpi optaye kin enanakiya iyayapi kta.

32 Tuka ake wakini kinhan Galile ekta nitokam mde kta.

33 Hehan Inyan ayupte ɕa heciya; Owasin eh̄peniyanpi ešta, miye tohinni eh̄peciyē kte šni.

34 Jesus heciya; Hanyetu kin de anpaohotonna hoton šni itokam yamni anamayakih̄be kta, awicakehan eciciya.

35 Inyan heciya; Nici mašta ešta anacih̄be kte šni. Waonspewicakiye cin iyuh̄pa nakun iyecen eyapi.

36 Hehan Jesus waonspewicakiye cin om can wojupi wan Gethsemane eciyapi kin he en i, qa hewicakiya; Den iyotanka po, ito kakiya cekiya mde kta.

37 Unkan Inyan qa Zebedee cinhintku kin napin iwicacu. qa iyokišica hinhda qa nina yuška.

38 Hehan hewicakiya; Minagi iyokišice h̄inca, mašte kta iyececa; den kiktahan mici yukan po.

39 Unkan hetanhan kitan ecinyan iyoopte iyaye ɕa makata eh̄peiɕiya. cekiye ɕa heya; Ate, okih̄pica kinhan, wiyatke kin de tokan imiciyaye kta; tuka miye wacin kin hee šni, niye token yacin kin hee ecetu kte.

40 Unkan waonspewicakiye cin išt̄inma hiyeya en wicabdi. qa Inyan heciya; Tokeca wih̄iyayedan oape wanji kiktahan mici yaunpi kta oyakih̄pi šni he.

41 Kiktahan unpi qa cekiya po, okinni taku wawiyutanyan un kin en idadapi nun ce. Wicana-gi kin he wicada, tuka wicaceh̄pi kin waške šni.

42 Ake inonpa ekta iyaye ɕa cekiye ɕa heya; Ate, wiyatke kin de mdatke šni tokan imiciyaye kta okih̄pica šni kinhan, nitawacin ecen econpi nunwe.

43 Hehan ake en wicahdi, qa iştinma hiyeya wanwicahdaka; iştá libapi linca nakaes.

44 Unkan elipewicaye ça ake iyaye ça iyamni cekiya, oie un qon hena ake ohna ecen eya.

45 Hehan waonspewicakiye cin en wicahdi qa hewicakiya; Wanna niştinmapi qa oziniciyapi he; iho, wanna iyehan'u, qa Wicašta Cinhintku kin walitanipi sa napepi kin en wicaqupi.

46 Najin po, unyanpi kta; iho, tuwe wiyopemaye cin he kiyedan u ce.

47 Unkan iahan icunhan, iho, Judas, akenonpapi kin wanji ee, he hi, qa wicota woşnapi kagapi qa oyate kin en wicašta tankinyanpi etanhan, mazasagye cansagye ko yuha kici hipi.

48 Unkan tuwe wiyopeye cin he iwaktawicaye ça heya; Tuwe i iwaputake cinhan hee kta; sutaya yuza po.

49 Unkan katinyan Jesus en hi qa, Iho, Itancan, eye ça i iputaka.

50 Unkan Jesus heciya; Kicuwa, taku on yahi he. Hehan en hipi qa Jesus nape ahnakapi qa yuzapi.

51 Unkan, iho, Jesus kici unpi wanji nape hdukatin, qa mazasagye ehdaku, qa on, woşnapi kagapi itancan taokiye wanji ape ça noge kaşpa.

52 Hehan Jesus heciya; Mazasagye nitawa ojuha en iyekiya wo; tona mazasagye ehdakupi kin owasin mazasagye kin on ţapi kta.

53 Nakaha Ate cewakiya owakihi şni kecanni he; qa hinna-kaha malpiya ohnihe wicobe akenonpa sanpa maqu kta tuka.

54 Tuka hecetu kinhan, wowapi en kagapi, he decetu kta eyapi qon he token yuacetupi kta he.

55 Wihiyayedan oape kin he en Jesus oyate kin hewicakiya; Tokeca wamanon sa iyecen, mazasagye cansagye ko hduha takpe mayahipi he; anpetu o'oiyohi tipi wakan kin ohna waonspeciciyapi manka, tuka mayaduzapi şni.

56 Tuka dena owasin econpi, wicašta wokcan taku owapi qon he yuacetupi kta heon. Hehan waonspewicakiye cin owasin elipeyapi qa najicapi.

57 Unkan tona Jesus yuzapi kin hena Kaiaphas woşnapi kagapi itancan kin ekta ayapi, wowapi kagapi wicalincapi ko mniciyapi kin en.

58 Tuka Inyan itehan ihakam u, woşnapi kagapi itancan ti kin hehanyan, qa mahen ye ça ookiyewicayapi kin om iyo-tanka, owihanke kte cin he wanyake kta.

59 Unkan woşnapi kagapi qa wicalincapi kin, qa omniciye ocowasin, woitonşni wootanin oyakapi Jesus on akitapi, ktepi kte cin heon:

60 Tuka takudan iyeyapi şni; woitonşni woyakapi ota hipi, tuka takudan iyeyapi şni. Unhanketa woitonşni oyakapi nom hipi;

61 Qa heyapi; Wicašta kin de, Tipi wakan Wakantanka tawa kin he mdujuju, qa anpetu yamni kinhan ake piya wakage kta owakihi ce, eya ce.

62 Hehan woşnapi kagapi itancan kin najin hiyaye ça heciya; Dena taku iyanionpapi kin takudan adupte şni he.

63 Tuka Jesus inina yanka. Unkan woşnapi kagapi itancan kin heciya; Wakantanka ni un kin on wacajeciciyate, Messiya Wakantanka Cinhintku kin he niye hecinhan, unkokiya miye.

64 Unkan Jesus heciya; Niye eecen eha: tuka nakun heciciyapi: Tokata ekta Wicašta Cinhintku kin wowaśake etapa cciyatanhan iyotanka qa małpiya śapa akan u wandakapi kta.

65 Hehan wośnapi kagapi itancan kin śina hduhdehdece qa heya: Taku śica eya: taku on saupa woyakapi unkakitapi kta he; iho, wanna śicaya ie cin he nayahonpi:

66 Token idukcanpi he. Unkan ayuptapi qa, He te kta iyececa ce, eyapi.

67 Hehan ite atagośapi qa nape on apapi; qa hunh kapsinpsintapi;

68 Qa heyapi; Messiya he niye, tuwe anipe cin he ito unko-kiyaka po.

69 Inyan tankan tipi kin ohna iyotankehan yanka: unkan wikośka wan en hi qa heciya; Qa niś nakun Jesus Galile etanhan kin he kici yaun qon.

70 Tuka iye owasin wicitokam anakihbe qa heya: Taku ehe cin he sdonwaye śni.

71 Unkan ohanzi hdepi kin ekta tankan iyaya. hehan wanji tokeca wanyake qa tona en unpi kin hewicakiya; De nakun Jesus Nazareth etanhan kin he kici un qon.

72 Unkan akeś anakihbe qa. Taku wakan namañon, wicašta kin de sdonwaye śni ce, eya.

73 Hehan ake iecadan tona en najinpi kin hena hipi, qa Inyan heciyapi: Awicakehan ewicatanhan yaun; iyae cin he oniyaka ece.

74 Hehan iapi śica ota eye qa, Taku wakan namañon, wicašta kin he ecaca sdonwaye śni ce, eya. Unkan ecabankeya anpaohotonna kin hoton.

75 Hehan Inyan, Jesus taku

eciye ciqon, Anpaohotonna hoton śni kin itokam yamni anamayakihbe kta ce, eye cin he kiksuya. Unkan tankan iyaye qa nina ceya.

WICOWOYAKE 27.

1 Unkan hanhanna hinca wośnapi kagapi kin owasin qa oya-te kin en wicahincapi kin hena koya, Jesus token ktepi kta e he aiapi.

2 Unkan kaškapi hehan ayapi, qa Pontios Pilate wicašta itancan kin he kaipi.

3 Unkan Judas wiyopeye cin he wanna yacopi wanyaka. hehan iyopeiciye qa, mazaska wikcemna yamni kin, wośnapi kagapi wicahincapi ko ake wicakahi;

4 Qa heya; Wawahtani, wicawe taku iyaonpepica śni kin wiyopewaye ce. Unkan heyapi; He etanhan unkitokecapi śni; he niś niye.

5 Unkan mazaska kin tipi wakan kin en elipeye qa kihda: qa hetanhan iyaye qa poskin icikte.

6 Unkan wośnapi kagapi kin mazaska kin hena icupi. qa heyapi; Mazaska opiye kin en unko-hnakapi kta iyecece śni, wicawe iyopeyapi kin dena ee, heon etanhan.

7 Hecen wiyukcanpi qa hena on waksica kage cin tamaga he opetonpi: ohna wicašta tokeca wicahapi kta.

8 Heon etanhan maga kin he, Wicawe maga, eciyapi, anpetu kin dehanyan.

9 Hehan Jeremiya wicašta wokean taku eye ciqon yuecetupi: he kaken eya: Unkan mazaska wikcemna yamni, tuwe iyopeyapi qon. Israel cincapi kin hecen iyacinpi qon, hena icupi,

10 Qa waksica kage cin tamaga kin iyoheyapi, Itancan kin econ-masi iyececa.

11 Unkan Jesus wicašta itancan kin itokam inajin. Qa wicašta itancan kin wiwange ça heciya; Juda wicaštayatapi kin he niye he. Unkan; Nis heha ce, Jesus eya.

12 Unkan wošnapi kagapi wicahincapi ko taku iyaonpapi, tuka takudan ayupte šni.

13 Hehan Pilate heciya; Dena taku iyanionpapi kin nayahon šni he.

14 Tuka oie wanjidan ešta ayupte šni, hecen wicašta itancan kin nina yušinyaya.

15 Wotapi kin de iyehantu eca wicašta itancan kin wicakaškapi wanji kiyuska ece, tukte wanji oyate kin kicapi.

16 Unkan he ehan wanji tanyan sdonyapi, Barabbas eciyapi, he kaška hnakapi.

17 Hecen en mniciyapi hehan Pilate hewicakiya; Unma tukte ciciyuškapi kta yacinpi he, Barabbas qa is Je-us nakun Messiya eciyapi.

18 Winawizipi on, he iye en kahipi e sdonya.

19 Unkan woyaco oiyotanke kin akan kiyotanka hehan tawicu kin tuwe en uši, qa heciya; Wicašta owotanna kin he takudan ecakicon šni we, on anpetu kin de wiwahamna en nina mayušinyaya ce.

20 Tuka wošnapi kagapi wicahincapi ko oyate kin wahonwicakiyapi, Barabbas kicapi kta, qa Jesus ihangyapi kta.

21 Hehan wicašta itancan kin ake wiwicawange ça hewicakiya; Unma tukte ciciyuškapi kta yacinpi he. Unkan, Barabbas, eyapi.

22 Pilate hewicakiya; Jesus

nakun Messiya eciyapi kin he token ecamon kta he. Unkan owasin; Icipaweli okatanpi kta, eciyapi.

23 Unkan wicašta itancan kin heya; Tokeca, taku šica econ kin tukte e he. 'Tuka nina panpi qa; Icipaweli okatanpi kta, eyapi.

24 Hecen Pilate takudan okihi šni, qa nina owodutaton icaga he wanyaka, hehan mini icu, qa wicota wicitokam nape hdujaja, qa heya; Wicašta owotanna kin de we kin miye en amaupi kte šni; niye ito wanyaka po.

25 Hehan oyate kin iyuhpa ayuptapi qa heyapi; He we kin unkiyepi qa unkiyepi koya en unkaupi nunwe.

26 Unkan hehan Barabbas wicakiciyuška; qa Jesus kapsinpsinta hehan icipaweli okatanpi kta e wicaqu.

27 Hehan wicašta itancan taakicita kin Jesus ti mahen ayapi, qa wicobe ocowasin en mniciyapi.

28 Qa iye tawokoyake kiyuśdokapi, qa šina duta wan inkiyapi.

29 Qa wapepeka kazontapi on wateśdake kagapi qa teśdagkicatonpi, qa cedi wan nape etapa kin on yuskiyapi; qa itokam canpeška makehde inajinpi, qa ihałapi, qa heyapi; Iho, Juda Wicaštayatapi kin.

30 Qa atagośapi, qa cedi kin icupi qa pa en apapi.

31 Unkan hecen ihałapi hehan šina kin ekiciyakupi qa iye tawokoyake qon kičunkiyapi, qa icipaweli okatanpi kta ayapi.

32 Tankan ayapi hehan wicašta wan Kurene etanhan, Simon eciyapi, he wanyakapi; unkan he cansusbeca kin kicičinkiyapi.

33 Unkan makoce wan Golgo-

tha eciyapi, he wicapahu makoce eyapi kin he kapi, he ekta ipi ;

34 Hehan minisa pizi icahiyapi kin hetanhan yatkekiyapi ; tuka uta hehan yatke kta wicada sni.

35 Unkan hen icipaweh oka-tanpi, oeonna econpi qa tawo-koyake kicipamnipi. Hecen wicašta wokcan oie qon yuecetupi ; Mitawokoyake kicipamnipi qa onhdohda mitawa on oeonna econpi ce.

36 Unkan hen iyotankapi qa awanyakapi :

37 Qa wiyaonpapi kin de owapi qa pa iwankam ehnakapi ; JESUS, JUDA WICAŠTAYA-TAPI KIN HE DEE.

38 Nakun wicašta wamanon sa nom kici icipaweh owicakatanpi, unma etapa eciyatanhan, qa unma is catka tanhan econpi.

39 Unkan tona en hiyayapi kin hena aiapi, qa apomnamnapi ;

40 Qaheyapi ; Tipi wakan ihang-yaye ça anpetu yamni ake piya yakage kte ciqon, niiciya wo. Wakantanka Cinhintku kin he niye hecinhan, cansusbeca kin etanhan kun ku wo.

41 He iyececa, wošnapı kagapi kin ihałapi, qa wowapi kagapi wicahincapi ko om heyapi ;

42 Wicašta tokeca niwicaya ece, iye niiciye kta okihi sni ; Israel wicaštayatapi tawapi hecinhan, iho, wanna cansusbeca kin etanhan kun ku kta, kinhan wicaundapi kta.

43 Wakantanka wacinkiye ci-qon ; tawa kta hecinhan wanna ehdaku kta ; Wakantanka Cinhintku kin he miye ce, eye ci-qon.

44 Nakun wicašta wamanon sa, kici icipaweh owicakatanpi kin hena is eya iyecen i en hi-yeyapi.

45 Unkan wihiyayedan oape

šakpe hetanhan napcinwanka ape cin hehanyan makoce kin owancaya otpaza.

46 Unkan napcinwanka apa he-hantu ecetu, Jesus howaye ça hotankakiya heya ; Eli, Eli, lama sabakthani ; Wakantanka mitawa, Wakantanka mitawa, tokeca elipemayaya he, eyapi kin hee.

47 Unkan en najinpi kin he na-honpi qehan, apa heyapi ; Elias kipan ce.

48 Unkan wanji etanhan in-yang ye ça mini iyulhepe wan icu, qa miniskuya en oputkan, cedi wan icape ça yatkekiya.

49 Unmapi kin heyapi ; Hin-nahanka, Elias nikiya hi kta hecinhan ito wanunyakapi kta.

50 Tuka Jesus ake hotanka-kiya hotanin qehan, taniya kin hiyuya.

51 Unkan iho, tipi wakan co-kaya ozanpi kin he okiyuldecapi, wankantanhan qa kun ihanke kin hehanyan ; nakun maka kin škanškan qa inyan namdecapi :

52 Qa wicałapi kin yulhdoka-pi, qa wicašta wašte ištınmapi kin hena ota hiyupi ;

53 Qa wicahnakapi kin etanhan lninanpapi, qa otonwe wa-kan kin en hipi, qa wicota en taniniciyapi.

54 Unkan akicita tancan qa tona om Jesus awanyake cin he-na maka kin škanškan qa taku econpi ko wanyakapi qehan, ni-na yušinyayapi. qa, Awicakehan Wakantanka Cinhintku kin he dee tuka ce, eyapi.

55 Unkan winohinca ota hen unpi qa itehanyan wanyakapi ; tona Galile etanhan upi qa oki-yapi ece qon :

56 Mary Magdalene he wanji ee, qa Mary Jakob qa Joses hun-ku, qa Zebede cinca hunkupi kin.

57 Wanna litayetu hehan Ari-mathea etanhan wicašta wijicawan en hi, Joseph eciyapi, he nakun Jesus waonspewicakiye cin wanji ee :

58 He Pilate en i, qa Jesus tancan kin kida. Hehan Pilate tancan kin he quwicaši.

59 Unkan Joseph tancan kin he icu qehan, minihuha ska wan opazunta;

60 Qa ohna hnakapi tawa teca, innija kin en kahdoke cin, he en ohnaka; qa inyan wan tanka ohna hnakapi i kin en eonpa, hehan kihda.

61 Unkan ohna hnakapi kin iyotakons, Mary Magdalene qa Mary unma qon iyotankehan yukanpi.

62 Unkan anpetu en ihduwiyeyapi ece kin he ihanhanna, hehan wošnapı kagapi qa Phari-see kin hena Pilate en hipi,

63 Qa heyapi; Itancan, wicahna-ye sa kin de ni un qehan, Anpetu yamni hehan wakini kta ce, eya keyapi, he uniksuyapi.

64 Heon etanhan wicahnakapi kin natag wicaši wo, anpetu yamni hehanyan; okinni waonspewicakiye cin hena en hipi qa tancan kin manon akiyahdapi kta, qa hehan, Wicaše cin etanhan kini ce, oyate kin ewicakiyapi kta; hecen ehake wicahnayanpi kin he tokaheya kin isanpa tanka kta.

65 Pilate hewicakiya; Akicita wicaduhapi; hdapi qa token oya-kihipi sutaya nataka po.

66 Hecen kihdapi qa wicahnakapi kin sutaya natakapi; inyan kin he apuspapi qa akicita en najinwicakiyapi.

WICOWOYAKE 28.

1 Anpetu wakan owihanke kin ekta, wanna anpetu tokaheya

ayanpa kta hehan, Mary Magdalene qa Mary unma kin, wicahnakapi kin wanyag hipi :

2 Unkan iho, maka škanskan wań tanka; mahpiya eciyatanhan Itancan taobnihde wan kunu, en hi qa tiyopa kin etanhan inyan kin yuptanye qa akan iyo-tanka.

3 He ite kin wakanhdi kin iyececa, qa tawokoyake kin wa iyecen ska :

4 Unkan he kokipapi on awanyakapi kin nina cancanpi qa wicašta ƚapi kin iyecen ayapi.

5 Unkan mahpiya ohnihde kin he waayupte qa winohinca kin hewicakiya; Niye kokipapi šni po; Jesus icipaweń okatanpi qon he oyadepi sdonwaya :

6 Den un šni; wanna ihduekicetu, heye cıqon iyececa : Kuwa po, Itancan kin wanke cıqon he wanyaka miye.

7 Qa kohanna hdapi qa, Wicaše cin etanhan kini ce, waonspewicakiye cin ewicakiya po; unkan iho, Galile ekta nitokam iyaya ce, hen wandakapi kta; iho, wanna ociciyakapi.

8 Unkan wokokipe wowiyu-škin tanka ko yuha koyahanna kihdapi; waonspewicakiye cin hoši wicakakipi kta inyang hdapi.

9 Unkan waonspewicakiye cin hoši wicakahdapi icunhan, iho, Jesus itkowicakipa qa heya; Wiyuškin po. Unkan en hipi qa siha en yuzapi qa ohodapi.

10 Hehan hewicakiya; Kopehdapi šni po; mihunkawanji owicakiyag ya po, Galile ekta yapi kta; heciya wanmayakapi kta ce.

11 Unkan hena hdapi icunhan, akicita awanyakapi qon etanhan wanjikji otonwe kin en hipi, qa wošnapı kagapi kin taku econpi kin owasin owicakiyakapi.

MARKOS.

12 Unkan hena witaya mnici-yapi, wicahincapi ko om, qa he akiiapi, hehan akicita mazaska ota wicaqupi;

13 Qa heyapi; Unkiştinmapi icunhan waonspewicakiye cin hanyen hipi qa manon icupi ce, eya po.

14 Unkan he wicašta itancan kin nahon kinhan, unkiye ceunki-yapi kta, qa anaunniciksinpi kta.

15 Hecen mazaska kin icupi, qa token onspewicakiyapi kin iyecen econpi; heon wicoie kin he Juda oyate kin en oyakapi ece, anpetu kin dehanyan.

16 Hehan waonspewicakiye cin akewanjipi, hena Galile ekta iya-

yapi, paha wan Jesus cajeyate ciquon hetu.

17 -Unkan wanyakapi hehan ohodapi; tuka apa ceţunhdapi.

18 Unkan Jesus en wicahi, owawicakiye ça heya; Mahpiya ekta qa maka akan wowaşake ocowasin maqupi:

19 Heon etanhan ya po, oyate kin owasin waonspewicakiya po, qa Ateyapi, Cinhintkuyapi, qa Woniya Wakan kin caje on baptem wicaqu po;

20 Qa taku tona econcişıpi kin owasin yuhapi kta e onspewicakiya po. Unkan iho, anpetu owasin cicipi waun, maka owi-hanke kin hehanyan. Amen.

MARKOS

WOTANIN WAŞTE TAWA.

WICOWOYAKE 1.

1 Jesus Messiya Wakantanka Cinhintku kin Wotanin Waşte tawa tokaheya kin he dee.

2 Wicašta wokcanpi kin en owapi qon iyececa; Iho, niite kin itokam wahoşı mitawa yewaşı kta, nitokam canku wiyeya enicihnake kta.

3 Wicaho wan Hewotahedan hotanin kin hee, Itancan tacan-ku kin wiyeya ekicihnaka wo, ocanku owotanna kicaga wo.

4 Johannes Hewotahedan baptem wicaqu, qa woahţani kaju-jupi kta, on iyopeiciyapi baptem wicaqupi kin he oyaka ece.

5 Unkan Juda makoce kin owan-caya tanhan, qa nakun Jerusa-lem etanhan ekta yapi; unkan woahţani ohdaka, Jordan wakpa

kin en, iye owasin baptem wicaqu.

6 Unkan Johannes kamel hin kin koyake ça tehmisu wan ipi-yagkiton; qa psipsicadan tuhmaga canhanpi ahna yuta ece:

7 Qa woyake ça heya; Miha-kam wanji mikapeya waşake cin he u ce, he patuş nawajin qa hankpan weciyuşdoke kta iye-micihantu şni.

8 Miş miye awicakehan mini on baptem cicipi; tuka iye qe Woniya Wakan kin on baptem niçupi kta ce.

9 Unkan anpetu kin hena icunhan, Galile en Nazareth etanhan Jesus u, qa Jordan en Johannes baptem qu.

10 Unkan mini kin etanhan itanwankanhde ku qehan, ecahankeya mahpiya kin yuzamnipi qa Woniya Wakan kin wakiye-

dan kaliya kuntkiya u qa en hi-yahan, he wanyaka.

11 Unkan mal̄piya eciyatanhan wicaho wan tanin, Micinksi waštewakidake ça tanyan iyomakipi kin he niye ce.

12 Hehan ecahankeya Woniya kin hewoskan makoce kin ekta kaḥam aya.

13 Unkan anpetu wikcemna topa ḥewotahedan makoce kin en un; qa hen Satan iyutanyan; wamanica kin om un, unkan mal̄piya ohniḥde kin okiyapi ece.

14 Unkan Johannes kaška hnakapi qehan, Jesus Galile en hi, qa Wakantanka tokiconze wotanin wašte kin oyaka:

15 Qa heya; Wanna iyehantu, Wakantanka tokiconze kin kiye-dan un; iyopeiciya po, qa wotanin wašte kin wicada po.

16 Unkan Galile mde kin icahda omani, hehan Simon wanyaka, qa iye sunkaku Andrew nakun, mde kin en ho wan iyohpeyapi; hena hopsicapi kin hecapi na-kaeš.

17 Unkan Jesus hewicakiya; Miyahna u po, kinhan wicašta wicadupsicapi kta cicagapi kta ce.

18 Unkan ecahankeya ho kin eḥpekiyapi, qa ihakam iyayapi.

19 Unkan hetanhan kitan ecinyan iyoopta ye ça, Jakob Zebede cinhintku, nakun sunkaku Johannes eciyapi, wanwicayaka; hena wata ohna ho kin piyapi.

20 Unkan ecahankeya wicakico; unkan atkukupi Zebede, qa tona wowidake wicayuḥe cin hena om, wata kin en eḥpewicayapi, qa ihakam iyayapi.

21 Hehan Kapernaüm en yapi; unkan anpetu wakan icunhan omniciye tipi kin katinyan en ye ça, woyaka.

22 Unkan taku oyake cin on

yušinyayapi; wicašta itancanyan waonspewicakiya, qa wuwapi kagapi kin iyecece šni.

23 Unkan omniciye tipi kin he ohna wicašta wan woniya šica yuha; unkan he howaya,

24 Qa heya; Unkayušan po; Jesus Nazareth etanhan, taku ecaunniconpi he; ihangunya-yapi kta yahi he; nituwe kin sdonwaya, Taku Wakan Wanji Wakantanka tawa kin he niye.

25 Hehan Jesus iyopeye ça he-ciya; Inina yanke ça, tankata hninanpa wo.

26 Unkan woniya šice cin he wicašta kin yuḥidece ça, hotan-kakiya hotanin, hehan tankan hinanpa.

27 Unkan owasin inihanpi qa heya ikiciwangapi; De taku he; de woonspe teca kin tukte e he; woniya šice cin itancanyan owawicakiya, unkan anagoptanpi ece.

28 Unkan hetanhan Galile makoce iḥdukšan owancaya oḥan kin oyakapi.

29 Unkan omniciye tipi kin etanhan ḥdicupi, hehan katinyan Simon qa Andrew tipi tawapi kin en yapi, Jakob qa Johannes nakun opapi.

30 Tuka Simon tawicu hunku kin he tancan kata on wayazan-ka yanka; unkan he okiyakapi.

31 Hehan en hi, qa napata yuze ça najinkiya; unkan ecahankeya tancan kata ayušan, qa hehan owicakiya.

32 Wanna ḥtayetu, wi iyaya hehan, wayazankapi kin owasin yanke cin en awicahipi, tona wakanšica wicayuhnaškinyan hena koya.

33 Hecen otonwe kin ocowasin tiyopa kin en kata iheya.

34 Unkan wowayazan tokto-keca on wayazanpi kin ota asni-

WICOWOYAKE 2.

wicaya, qa taku wakan śica ota nakun tankan hinanpe wicakiya; qa wakan śice cin hena ia iyowinwicakiye śni, hena iyeki-yapi nakaes.

35 Unkan ihanhanna, hinahin anpa itehan, hehan inajin, qa tankan inanpe ça, hewotahedan makoce wan ekta ye ça, hen wocekiye eya.

36 Unkan Simon tona om un kin hena koya ihakam iyayapi.

37 Qa iyeyapi hehan heciyapi; Owasin anicitapi ce.

38 Unkan hewicakiya; Otonwe ikiyedan kin hena en unyanpi kta; hen nakun womdake kta; heon etanhan wahi ce, eya.

39 Unkan Galile makoce kin owancaya, omniciye tipi kin ohna woyake ça, wakan śica hinape wicakiya ece.

40 Unkan wicašta wan lepros ececa, he en hi, qa cekiya, canpeška makehde inajin qa heciya; Yacin kinhan ska mayakage kta oyakihi.

41 Unkan Jesus onśikida, nape ekta yekiye ça, yutan qa heciya; Wacin, ska un wo.

42 Unkan heye cin hecehnana, lepros ececa qon he ayuŕtan, qa ska icaga.

43 Hehan tanyan wahokonkiye ça hetanhan hdeŕi;

44 Qa heciya; Ihnuhan tuwe taku eyakiye cinhan; tuka hde ça, woŕna kage cin he en hdutan-in wo, qa niyuskapi kta on taku Moses econ wicaŕi qon hena wayuŕna wo, hecen iyepi ekta woyutanin kta.

45 Tuka tankan hde ça, nina ohdake ça, owancaya yaotanin, hecen hetanhan Jesus otonwe kin en taninyan ye kta okihi śni, tuka tankan hewotahedan un ece: unkan owancaya tanhan yanke cin en hipi ece.

1 Anpetu tonana iyohakam hehan ake Kapernaum en i; unkan ti mahen yanka he oyakapi.

2 Unkan hecehnana wicota en mniciyapi, hecen tuktedan en hipi kte śni, tiyopa kin itankan tanhan ocikan śni: unkan wicoie kin owicakiyaka.

3 Unkan hehan en hipi, wicašta wan taťake cin wicašta tom akiyuhapi, he en aupi.

4 Unkan wicota kin on tokadan ikiyedan upi śni, hehan tipi akaŕpe kin yuhdokapi; he yujujupi hehan taťake cin owinja akan yanka ecehna en yuhukun iye-yapi.

5 Unkan wacinyanpi kin he Jesus wanyake cehan, taťake cin heciya; Cinŕ wayaŕtani kin nicicajujupi ce.

6 Tuka wowapi kagapi wanjikji hen iyotankehan unpi kin hena cante mahen hecinpi;

7 Tokeca wicašta kin de śica-ya ia he: Tuwe woaŕtani kajuju kta okihi he, Wakantanka ecedan.

8 Unkan hena hecekcen awacinpi kin, Jesus iye tawacin ekta sdonya, hehan hewicakiya; Tokeca hena hecekcen awacan-nipi he.

9 Wayaŕtani nicicajujupi, qa iŕ, Najin, owinja ehdaku qa man wo, taťake cin eciyapi kta, unma tukte waŕakadan he.

10 Tuka Wicašta Cinbintku kin he maka akan woaŕtani kajuju kta okihi, he sdonyayapi kta; hehan taťake cin he heciya;

11 Najin, qa owinja ehdaku, qa yati ekta hda wo, eciciya ce, eya.

12 Unkan hecehnana najin hi-yaye ça, owinja ehdaku, qa owa-sin wicitokam tankan kihda; he

cen owasin inihanpi, Wakan-tanka yatanpi qa heyapi; Tohinni taku dececa wanunyakapi šni.

13 Hehan ake tankan mde kahda iyaya; unkan wicota en mniciyapi; unkan waonspewicakiya.

14 En hiyaya icunhan, Lewi, Alpheus cinhintku, mazaska mnayanpi ece kin en iyotanka, he wanyake ça; Miyahna u wo, eciya. Unkan najin hiyaye ça ihakam ya.

15 Unkan he ti kin ohna Jesus wota iyotanka, hehan mazaska mnayanpi wahtanipi sa ko ota Jesus kici iyotankapi, waonspewicakiye cin hena koya: wicota qa ihakam unpi ece.

16 Unkan wowapi kagapi Pharisee ko, wamnayanpi qa wahtanipi sa om wota yanka wan-yakapi, hehan waonspewicakiye cin hewicakiyapi; Tokeca e wamnayanpi wahtanipi sa ko om wota qa wayatkan he.

17 Jesus he nañon, hehan hewicakiya; Tona zanipi kin hena pejihutawicašta kin cinpi šni, tuka wayazankapi kin hena e cinpi: wicašta owotanna kin heca on wahi šni, tuka walitanipi sa iyopeiciyapi kta e wicakico wahi ce.

18 Johannes waonspewicakiye cin hena, qa Pharisee tawapi kin akihaničiyapi ece; unkan en hipi qa heciyapi; Tokeca e Johannes waonspewicakiye cin hena, qa nakun Pharisee tawapi kin, akihaničiyapi he, tuka waonspewicayakiye cin hena akihaničiyapi šni.

19 Unkan Jesus hewicakiya; Wakankiciyuzapi cinca kin hena tohanyan tawicu ton kte cin om un kin behanyan akihaničiyapi kta okihihi he. Tohanyan

tawicu ton kte cin yuhapi kinhan, behanyan akihaničiyapi kte šni.

20 Tuka anpetu kin u kta, tohan tawicu ton kte cin he ewicakiciyakupi kta, unkan anpetu kin hena en akihaničiyapi kta.

21 Tuwedan šina teca onšpa onhdoħda tanike cin en akihdagton šni; hecon kinhan onšpa teca en akagegepi kin he tanike cin etanhan namna kta, hecen oyuhdece kin sanpa tanka aya.

22 Nakun tuwedan miniša teca ojuha tanike cin en okaštan šni; hecon kinhan miniša teca kin he ojuha tanike cin kahdeca ece, hecen miniša skepe ça ojuha kin ihangyapi; tuka miniša teca kin ojuha teca kin en okaštanpi kta.

23 Unkan anpetu wakan icunhan wojupi kin ehna iyaya; qa waonspewicakiye cin, yapi icunhan, wahuwapa yuksapi.

24 Hehan Pharisee kin heciyapi; Wanyaka wo, anpetu wakan icunhan, taku econpi kta iyecece šni tokeca econpi he.

25 Unkan hewicakiya; Dawid qa tona om un qon, wotektehdapi qa cinpi qehan, token econpi qon he dawapi šni he.

26 Abiathar wošnapi kaga itancan taanpetu kin en, Wakantanka ti kin en ye ça, wayutanin aguyapi kin he yute ça, om un kin hena nakun wicaqu; he wošnapi kagapi ishana yutapi kta tuka.

27 Unkan hehan hewicakiya; Anpetu wakan kin he wicašta on kagapi, qa wicašta kin is anpetu wakan kin on kagapi šni:

28 Heon etanhan Wicašta Cinhintku kin anpetu wakan kin en Itancan un.

WICOWOYAKE 3.

1 Hehan ake omniciye tipi kin en iyaya; unkan wicašta wanjî nape šnija hen yanka.

2 Unkan anpetu wakan icunhan asniye kta hecinhan he iawanyakapi; taku iyaonpapi kta e heon.

3 Unkan wicašta nape šnije cin he heciya; Cokata inajin wo.

4 Hehan hewicakiya; Anpetu wakan icunhan taku wašte econpi kta iyececa, qa is taku šica econpi kta, unma tukte he; waniyanpi kta qa is waŕeyapi kta he. Tuka inina hiyeya.

5 Unkan icanksiya awicatonwan, cante tehipike cin on iyo-kišica, hehan wicašta kin heciya; Nape hdukatin wo. Unkan hduowotanna; hecen nape kin ocowasin yuecetupi, unma kin iyececa.

6 Hehan Pharisee kin hena iyayapi, qa echankeya Herodian kin om wohdakapi, token he ihangyapi kta e heon.

7 Tuka Jesus mde kin ekta hdicu, waonspewicakiye cin om; qa Galile etanhan qa Juda makoce kin etanhan wicota hinca ihakam yapi.

8 Nakun Jerusalem etanhan, qa Idumia, qa Jordan akasappa tanhan; qa Turos qa Sidon ihdukšan tanhan wicota, taku wicošan tanka econ nañonpi, hehan en hipi.

9 Unkan wicota aotĩnsyapi kta e heon, wata cistinna wan yuha waonspewicakiye cin akipepi kta, kewicakiya.

10 Wicašta ota asniwicaya; heon tona tancan šihtinpi kin hena yutanpi kta e yuoťinzapi.

11 Qa tona woniya šapa yuhapi kin hena wanyakapi, hehan itokam makata ihpayapi qa he-

ya howayapi, Wakantanka Cinhintku kin he niye ye.

12 Unkan oyakapi kte šni nina kewicakiya.

13 Unkan hetanhan paha wan ekta ye ƙa, tona cin kin hena wicakico; unkan en hipi.

14 Unkan akenonpa wicakaliniga, ohinniyan kici unpi kta, qa woyaka yewicaši kta;

15 Qa wayazankapi kin asniwicayapi kta, qa wakan šica napewicayapi kta, wowašake yuhapi kta.

16 Unkan Simon he Inyan eya cašton;

17 Qa Jakob, Zebede cinhintku, qa Johannes Jakob sunkaku; unkan hena Boanerges ewicakiya, Wakinyan cincapi he kapi;

18 Qa Andrew, qa Philip, qa Bartholomew, qa Mattheos, qa Thomas, qa Jakob Alpheus cinhintku, qa Thaddeus, qa Simon Kananite;

19 Qa Judas Iskariot, wiyopeye cin hee. Unkan tipi wan ti mahen iyayapi.

20 Hehan ake wicota en mniciyapi, hecen aguyapi yuta okihipi šni.

21 Unkan iye takuwicaye cin he nañonpi qehan, yuzapi kta e ekta iyayapi; qa, Wanna wacinhnuni ce, eyapi.

22 Nakun wowapi kagapi Jerusalem etanhan hipi kin hena heyapi; He Beelzebub yuŕta, qa wakanšica itancan kin on wakan šica napewicaya ece.

23 Unkan iye hena wicakico qa wiyacinyan hewicakiya; Token Šatan Satan napeya okihi kta he.

24 Qa wokiconze wan iye iyakitedan kicize cinhan, wokiconze kin he ecen he kte šni.

25 Qa tipi wanjî iye iyakite-

dan kicize cinhan, tipi kin he ecen he kte śni.

26 Nakun Satan inajin, qa iye iyakitedan kicize ça ihdunonpa kinhan, he ecen un kta okihi śni, tuka wanna owihanke kta.

27 Tuwedan wicašta waśaka ti kin en ye ça, tawaḥpaya kin ihangye kte śni; wicašta waśake cin he tokaheya kaśke cinhan, hehan tipi tawa kin ihangye kta.

28 Awicakehan heciciyapi; Waḥtanipi owasin wicašta cin-capi kin wicakicicajupupi kta, qa iapi śica on wayaśicapi ece kin hena nakun;

29 Tuka tuwe Woniya Wakan kin yaśice cinhan, he icimana kicicajupupi kte śni; tuka wo-yaco owihanke wanica kicihe kta:

30 Woniya śapa wan yuha ce, eyapi kin heon etanhan heya.

31 Unkan hehan iye hunkawan-jitkupi qa hunku kin hena en hipi, tankan hinajinpi, wahoyapi qa kicopi.

32 He icunhan wicota ihdu-kśan iyotankapi; unkan heci-yapi; Iho, tankan nihun qa ni-hunkawanjipi aicitapi ce.

33 Unkan heya awicayupta; Inawaye cin he tuwe, qa mihunkawanji tuwepi he.

34 Unkan tona okśan iyotan-kapi kin hena ekta ewicatonwe ça heya; Ina qa mihunkawanji, wanwicayaka po.

35 Tuwe Wakantanka tawacin kin ecen econ kinhan, he mi-hunkawanji ee, mitawinoḥtin qa inawaye cin nakun.

WICOWOYAKE 4.

1 Hehan ake mde kin icahda waonspewicakiya; unkan wicota hinca en mniciyapi, hecen wata wan en ope ça, mini ekta

iyotanka; unkan oyate kin owa-sin mde icahda maka akan unpi.

2 Unkan wiyacinpi on taku ota onspewicakiya; qa waonspewicakiya icunhan hewicakiya;

3 Naḥon po: Iho, wicašta wo-ju wan woju iyaya.

4 Unkan woju icunhan, apa canku icahda hinḥpaya; unkan zitkatanka en ahiyahe ça tem-yapi.

5 Qa apa inyan ehna hinḥpaya, hen maka tonana; unkan maka akantuyedan heon oḥankoya hinanpa.

6 Tuka wi hinanpa hehan gu; qa hutkan nice cin heon śniś aya.

7 Unkan apa wapepeka hu kin ehna hinḥpaya; unkan wapepeka kin hu uye ça aotinsya, hecen waskuyeca takudan icage śni.

8 Unkan apa maka wašte kin en hinḥpaya, he waskuyeca aicaga; hinanpe ça icaga, qa sutton, hunḥ wikcemna yamni, hunḥ wikcemna śakpe, qa hunḥ opawinge akihde aicaga ece.

9 Hehan hewicakiya; Tuwe noge winahon yukan hecinhan, ito naḥon kta.

10 Unkan isnana un hehan, akenonpapi qa tona om ihdu-kśan unpi kin hena wiyacinpi kin he on iwangapi.

11 Unkan hewicakiya; Wakantanka tokiconze woanaḥbe kin hena niye sdonyayapi kta e niḥupi; tuka tankan unpi kin hena taku owasin wiyacinpi kin on econpi.

12 Hecen wawanyakapi on wanyakapi kta, tuka iyukeanpi kte śni; qa winahonpi on nahonpi kta ṭuka okaḥnigapi kte śni; hecece śni kinhañ okinni wicayuhomniipi kta, qa woaḥtani wicakicicajupupi kta.

13 Unkan hewicakiya; Wiya-
cinpi kin de sdonyayapi šni he,
hecen token ecin wiyacinpi owa-
sin oyakañigapi kta he.

14 Tuwe waju kin he wicoie
kin oju ece.

15 Tona canku icahda qon,
tukten wicoie kin ojupi, tuka he
nañonpi hehan, echankeya Wa-
kanšica en hi, qa wicoie cantepi
kin en ojupi qon he icu ece, iho,
hena eepi.

16 Qa he iyececa, inyan ota en
ojupi qon, tona wicoie kin na-
ñonpi eca, kohanna iyuškinyan
icupi ece kin hena eepi;

17 Tuka iyepi mahen hutkan
nicapi heon askayedana icaga;
tohan wicoie kin on šicaya wi-
cakuwapi qa šitkihdawicayapi
icaga, hehan hinnahanka šihda-
pi.

18 Unkan tona wapepeka hu
ehna ojupi qon, tona wicoie kin
nañonpi;

19 Unkan maka kin de awa-
cinpi, qa wijicapi on wicahna-
yanpi, qa taku tokeca cantihe-
yapi kin hena en u, qa wicoie
kin yuotınza, hecen wasuton šni,
hena eepi.

20 Unkan maka wašte kin en
ojupi qon, tona wicoie kin na-
ñonpi eca icupi ece, qa wasku-
yeca icalhyapi, wikcemna yamni,
wikcemna šakpe, qa opawinge
akiñde, iho, hena eepi.

21 Unkan hewicakiya; Peti-
janjan koka wan ihukuya, qa is
ohedepi ihukuya iyeyapi kta,
qa petijanjan ihupa en ostanpi
kte šni, aupi he.

22 Taku akañpetonpi qa yu-
taninpi kte šni wanica; qa taku
anañmanpi qa iyoyanpa en aupi
kte šni wanica ce.

23 Tuwe noge winañon yukan
hecinhan he nañon kta.

24 Unkan hewicakiya; Taku

nañañonpi kin awacin po. Wi-
yutapi kin tukte on widutapi ece
kin, he on ake winiciyutapi kta,
qa tona anagoptan dukanpi kin
sanpa niçupi ece e kta.

25 Tuwe wayuhe cin he sanpa
taku qupi kta; qa tuwe takudan
yuhe šni, taku yuhe cin hee kaes
kipi kta.

26 Unkan heya; Wakantanka
tokiconze kin he wicašta wan
taku su kin maka kin en iyohpe-
ya, he iyececa;

27 Qa ištınma, qa hanyetu an-
petu ko inajin; unkan su kin he
hinanpe ça icage kta, tuka token
icaga he sdonye šni.

28 Maka kin he iye cinka wai-
cañya ece, ape kin he tokaheya,
hehan wahuwapa, qa hehan wa-
huwapa en tanyan wasuton ece.

29 Unkan wanna suton hehan
kohanna isan škopa kin en iye-
kiya, wanna kašdapi kta iye-
hantu nakaeš.

30 Hehan heya; Taku e Wa-
kantanka tokiconze kin iyececa
unyawapi kta he; qa wiyacinpi
kin tukte e on unkiyacinpi kta
he.

31 Sinape su wan iyececa, he
maka kin en eliheyapi, hehan
taku su maka en un kin owasiñ
he iyotan cistinna;

32 Tuka maka kin en ojupi,
hehan uye ça wato owasin san-
pa tanka icaga; adetka tankin-
yanyan aicalhyapi, hecen malhiya
okinyanpi kin ohanzi ihukuya
manpi ece.

33 Unkan wiyacinpi hecekcen
ota on wicoie kin owicakiyaka,
token nañon okihipi kin he iye-
ceca.

34 Qa wiyacinpi codan taku-
dan owicakiyake šni. Unkan
išnana yukanpi, hehan taku
owasin waonspewicakiye cin
hdaheya owicakiyaka cce.

35 Unkan anpetu kin he en, wanna hitayetu hehan, hewicakiyá; Akasanpa unyanpi kta.

36 Unkan wicota kin wanna hdewicasipi, hehan ecehna wata kin en ohnakapi: qa nakun wata cikcistinna toktokeca opapi.

37 Unkan tate tanka wan uya; qa taja wata kin apaspa, hecen wanna mini ojudan.

38 Tuka iye wahektapa tanhan ipahin wan akan istinma wanka. Unkan yuhicapi qa heciyapi; Waonspekiye, unkowihankepi kta he etanhan initokeca sni he.

39 Unkan iyotanka, tate kin kisice ça mde kin heciya; Owanji yanka wo. Unkan tateyanpa ayuŕstan qa amdakedan tanka.

40 Hehan hewicakiya; Tokeca kopeyahdapi he; tokeca wicayadapi sni he.

41 Unkan nina kokipapi, qa iyakitedan hekiciyapi; De taku wicaŕta hwo, tate kin hee kaeŕ, mde ko anagoptanpi ece.

WICOWOYAKE 5.

1 Unkan mde kin akasanpa ihunnipi, hehan Gadarene makoce kin en ipi.

2 Unkan wata kin etanhan inanpa, hehan ecahankeya wicaŕta wan woniya ŕica yuha wicahnakapi etanhan itkokim hiyu:

3 He wicahnakapi kin en un ece; qa tuwedan kaŕka okihi sni, mazaicicahiha hee kaeŕ on.

4 Wanna ota kaŕkapi, siha on wicakaŕkapi mazaicicahiha ko on; tuka mazaicicahiha kin hena yuweliwega ece, qa siha on wicakaŕkapi kin yuksaksa ece; qa tuwedan wahbadan kaga okihi sni.

5 Ohinniyan, hanyetu anpetu koya, wicahnakapi kin ehna, qa he kin ekta ŕicahowaya un, qa inyan on kiihdaksa ece.

6 Tuka Jesus tehan tanhan wanyaka, hehan ekta inyang ye ça ohoda.

7 Qa hotankakiya hotanin qa heya; Jesus Wakantanka Tahanwankantu Cinhintku kin, taku e unkiyotahedan un he; Taku Wakan cajeyan ceciciya, kakiŕmayaye kte sni.

8 Wanna, Woniya ŕapa, wicaŕta kin etanhan hinanpa wo, eciya nakaes.

9 Unkan, Token eniciyapi he, eya iwanga. Unkan heciya; Wicota, emakiyapi ce, wiuncotapi nakaes.

10 Unkan makoce kin he etanhan hde wicaŕi kte sni, nina cekiya.

11 Imnija he kin hen ikiyedan kukuŕe optaye wan tanka wo wicaqupi.

12 Hecen wakan ŕicapi kin cekiya qa heyapi; Kukuŕe kin ekta ye unŕi po, mahen wicunyanpi kta ce.

13 Unkan hecehnana Jesus iyowinwicakiya. Hecen woniya ŕapapi kin tankan hinanpapi qa kukuŕe kin mahen iwicayayapi. Unkan optaye kin ecehna maya hince cin en naŕdog eyaye ça minin iyayapi; owancaya kekto-pawinge nonpa ecetu, qa minin tapi.

14 Unkan tona kukuŕe wo wicaqupi qon hena najicapi, qa otowwe kin en makoce ihduksan koya he oyakapi. Unkan taku econpi kin he wanyag ipi.

15 Qa Jesus en hipi, qa wicaŕta wakan ŕica yuhnaŕskinyan, qa wicota yuhe ciqon, wanna ogekiton qa tawacin ecetu iyo-tankehan yanka he wanyakapi; unkan yuŕinyayapi.

16 Unkan tona wanyakapi qon hena, wicaŕta wakan ŕica yuhnaŕskinyanpi, kukuŕe kin hena ko

token ecawicakiconpi qon hena owicakiyakapi.

17 Hehan makoce tawapi kin etanhan hde kta e icekiyapi.

18 Unkan wata kin en okipa behan tuwe wakan síca yuhe ciquon he cekiya, kici un kta heon.

19 Tuka Jesus iyowinkiye síni, qa heciya; Takuwicayaye cin ekta hda wo, qa taku tona Itancan kin ecanicon qa onsinida, hena owicakiyaka wo.

20 Hecen kihde ça Dekapolis en taku tona Jesus ecakicon kin he ohdaka ece. Unkan owasin yušinyayapi.

21 Unkan Jesus ake watom akasanpa ki qehan, oyate ota en mniciyapi; qa mde kin ikiyedan un.

22 Hehan iho, omniciye tipi itancanpi wanji, Jairus eciyapi, he en hi; qa wanyaka behan siha kin en makata elpeiciya,

23 Qa nina cekiye ça heya; Micunksi cistinna wanna te kta wanka; en u qa nape on aputake ça asniya ye; hecen ni kta ce.

24 Unkan kici iyaya; qa wicašta ota ihakam yapi qa aotins-yapi.

25 Unkan winohinca wan waniyetu ake nom hehanyan we ece iheya;

26 Qa pejihutawicašta ota on tehiya kuwapi, qa taku owasin on hdusota, qa etanhan wašte icage síni, tuka sanpa síca aya;

27 He Jesus oyakapi nañon qehan, heyata tanhan wicota ehna hiyu, qa tawokoyake yutan.

28 Tawokoyake hee kaeš mdu-tan kinhan, amasni kta ce, eye ciquon.

29 Unkan hecehnana we iheye ciquon anapta; qa tancan mahen he wayazan kin on wanna akisni sdonkiya.

30 Unkan hecehnana woasni etanhan hiyu kin Jesus atayedan sdonkiya, wicota ehna ihdomni qa heya; Mitawokoyake tuwe yutan he.

31 Unkan waonspewicakiye cin heciyapi; Wicašta ota aotins-niyanpi he wandaka, qa, Tuwe mayutan he, eha he.

32 Unkan tuwe hecon kin he wanyake kta e ohomni awicat-onwan.

33 Tuka winohinca kin taku ecakiconpi kin sdonkiya, hecen kokipeyahan cancanyan en hi, qa itokam makata elpeiciye ça owasin awicakehan okiyaka.

34 Unkan heciya; Cunš, wacinyaye cin he asniniyan; woo-kiye hda wo, qa waniyazan qon okizi un wo.

35 Unkan iahan icunhan omui-ciye tipi itancan ti kin eciyatanhan upi qa heyapi; Nicunksi wanna ta; tokeca sanpa Waonspekiye cin nagiyyaya he.

36 Tuka Jesus taku eyapi nañon qehan, hecehnana omniciye tipi itancan kin heciya; Kokipe síni wo, wicada wo ecedan.

37 Unkan tuwedan kici ye kta iyowinkiye síni, Inyan, qa Jakob, qa Johannes Jakob sunkaku, he-nanapidan.

38 Unkan omniciye tipi itancan ti kin he en hi, qa owodutaton kin he wanyaka, tona ceyapi qa nihinciyapi kin hena koya.

39 Unkan en i qehan hewicakiya; Tokeca owodutaton yakagapi qa yaceyapi he; wicinnyana kin te síni, tuka ištinnma ce.

40 Unkan nina ihapi. Tuka owasin tankan iyewicaya, hehan wicinnyanna atkuku qa hunku, qa tona om un kin hena iwicacu, qa wicinnyanna wanke cin en i;

41 Qa wicinnyanna kin nape yuze ça heciya; Talitha kumi,

WICOWOYAKE 6.

Wicinyanna najin wo, eciciya, eyapi kin he kapi.

42 Unkan ecahankeya wicin-yanna kin najin qa mani; wana waniyetu akenonpa. Unkan nina hin yušinyayapi.

43 Hehan nina oyake śni wicaśi; qa taku yutapi qupi kta, kewicakiya.

WICOWOYAKE 6.

1 Unkan hetanhan iyoopta iya-ye ça iye tamakoce kin ekta ki; qa waonspewicakiye cin hena opapi.

2 Unkan wanna anpetu wakan hehan omniciye tipi kin ohna waonspewicakiya. Qa wicota nañonpi qehan yušinyayapi qa heyapi; Tokiyatanhan dena yuha he; qa taku woksape qupi he; qa token iye nape on wicoñan tanka dececa econpi he.

3 Cankajipe cin, Mary cinbintku, qa Jakob, qa Joses, qa Judas, qa Simon cincu kin he dee śni he; qa tawinoñtin kin hena owasin den unkipi unpi śni he. Unkan he on canniyeyapi.

4 Tuka Jesus hewicakiya; Wicaśta wokcan iye tamakoce en, qa iye takuwicaye cin ehna, qa iye ti kin ohna, ecedan yuonihanpi śni ece.

5 Unkan heciya wicoñan tanka takudan econ okihi śni; tuka wayazankapi tonana nape on awicaputake ça asniwicaya.

6 Unkan wicadapi śni kin heon yušinyaya. Qa otonwe ihduksan wanke cin ektakta waonspewicakiya iyaya.

7 Unkan akenonpapi kin wicakico, qa nom nom yewicaśi; qa woniya śapa on wowaśake wicaqu;

8 Qa wahokonwicakiya, icimani yapi kte cin on takudan icupi

kte śni, cansagye ecedan; wujuha, qa waneya, qa mazaśa opiye ohna hduhapi kte śni.

9 Tuka hanpokihanpi kta; qa onñdohda nom kiçunpi kte śni.

10 Unkan hewicakiya; Tukten tipi wanji mahen yaipi kinhan, tohanyan hetanhan iyoopta dapi śni, hehanyan hen yukan po.

11 Qa tona iyowinniciyapi śni qa ananigoptanpi śni kinhan, tohan hetanhan dapi kinhan, owicadakapi kta e leon watuśekśeca siha etanhan yahdatatapi kta. Awicakehan heciciyapi; Woyaco anpetu kin en, otonwe kin he kakije kte cin Sodom qa Gomorrah ahecece kta.

12 Unkan iyayapi, qa wicaśta ihduacetupi kta e woyakapi.

13 Qa taku wakan śica ota napewicayapi, qa wayazankapi kin ota wihdi on sdawicayapi qa asniwicayapi.

14 Unkan Herod wicaśtayatapi kin hena nañon; caje kin tankaya oyakapi nakaes; hehan heya; Johannes baptem wicaqu qon he tapi kin etanhan kini, heon etanhan wicoñan tanka econ ece.

15 Tuka toktokeca heyapi; Elias hee. Qa toktokeca is; He wicaśta wokcan, qa is wicaśta wokcan wanji iyececa ce, eyapi.

16 Tuka Herod nañon qehan heya; Johannes pa bawakse ciqon hee, wiconçe etanhan kini ce.

17 Herod atayedan yewicaśi, qa Johannes yuze ça haśka hnaka, Herodias iye sunkaku Philip tawicu qon heon etanhan; he yuza nakaes.

18 Unkan Johannes; Nisunka tawicu duze cin he hecetu śni ce, Herod eciya.

19 Heon etanhan Herodias can-

niyekiye ça kte kta cin tuka oki-
hi šni.

20 Herod Johannes kokipa, wicašta owotanna qa wašte sdonya, heon itonpa; qa oie nañon eca taku ota ecen econ, qa iyuškin-
yan nañon ece.

21 Tuka anpetu iyehantu qe-
han, Herod anpetu en tonpi qon
he ehan, wicašta itancanpi wi-
cayuhe ça, akicita tancan tanka-
pi, qa Galile en wicašta toka-
heya kin hena, litayetu wotapi
wan wicakicaga.

22 Unkan Herodias cunwintku
kin en hi, qa waci, qa Herod
tona om un kin hena koya iyo-
kipiwicaya, hehan wicaštayatapi
kin heciya; Taku yacin kinhan
makida wo, hecen ciçu kta.

23 Nakun taku wakan cajeyan
heciya; Taku mayakida kinhan
ciçu kta, mitokiconze hanke he-
hanyan.

24 Unkan tankan iyaye ça hun-
ku heciya; Taku wakida kta he.
Unkan is, Johannes baptem wi-
caqu ece pa kin, eya.

25 Hehan ecahankeya inañni-
yan wicaštayatapi ekta tin hiyu
qa heya kida; Johannes baptem
wicaqu pa kin, waksica ohna ko-
hanna mayaqu kta wacin ce,
eya.

26 Unkan wicaštayatapi kin
nina iyokisica, tuka taku wakan
cajeyan heye cin heon, qa tona
om wota iyotanke cin hena on,
he ipida kta tawañenye šni.

27 Unkan hecehnana wicašta-
yatapi kin wicakte wan ekta
yesi, qa pa kin aku ši: Unkan
he ekta iyaye ça, wicakaška
tipi kin ohna pa baksa;

28 Qa waksica wan ohna pa
kin ahdi, qa wikoška kin qu;
unkan wikoška kin is iyoopta
hunku kin qu.

29 Unkan iye waonspewica-

kiye cin hena, he nañonpi qehan,
en hipi qa tancan ehdakupi, qa
ohna hnakapi wan en hnakapi.

30 Unkan tona yewicaši qon
hena Jesus en hdipi, qa taku
owasin okiyakapi, taku econpi
qa taku oyakapi ko.

31 Hehan hewicakiya; Niye
ito icunonpa hewotahedan ekta
u po, qa cistiyedan oziiciya po.
Wicota upi qa hdapi ece, qa he-
cen wotapi kta hee kaeš okihipi
šni.

32 Unkan heon hewoskan ma-
koce wan ekta isnana watom
iyayapi.

33 Tuka yapi kin wicašta ota
wanyakapi, qa he iye iyekiyapi:
qa otonwe owasin etanhan ekta
inyang iyayapi, qa kawicapapi,
qa en i kte cin hen mniciyapi.

34 Unkan Jesus ekta ihunni,
hehan wicota wanwicayaka, qa
onšiwicakida, tañinca wanun-
yanpi tuwedan wicayuhe šni
kin iyececapi heon, qa hecen
taku ota onspewicakiya.

35 Unkan wanna wi kucedan
hehan, waonspewicakiye cin en
hipi qa heciyapi; De hewotahe-
dan makece qa anpetu kin wanna
owihanke:

36 Hde wicaši wo, hecen ma-
koce ihduksan, qa otonwe kin
ektakta yapi, qa woyute opeiçi-
tonpi kta; taku yutapi takudan
yuhapi šni.

37 Tuka iye waayupte ça he-
wicakiya; Niš ito wo wicaqu
po. Unkan heciyapi; Unyanpi
qa kašpapi opawinge nonpa agu-
yapi iyopeonyanpi, qa wo wic-
unqupi kta he.

38 Aguyapi španyanpi kin tona
duhapi he; ito wanyaka po,
ewicakiya. Unkan sdonyapi he-
han; Zaptan qa hogan nonpa,
eyapi.

39 Unkan owasin wato kin

akan optayetonton iyotangkiye wicaši.

40 Unkan optayeton iyotankapi, opawingege qa wikcemna zaptanptan.

41 Unkan aguyapi zaptan qa hogan nonpa hena icu, hehan mahipiya ekta etonwe ça yawašte, qa aguyapi yuśpaśpa, qa waonspewicakiye cin wicaqu, oyate kin wicaupi kta heon; nakun hogan nonpa kin hena owasin wicakipamni.

42 Unkan iyuhpa wotapi qa innanpi.

43 Qa oyaptapi kin etanhan makanopiye akenonpa ojudan pahipi, nakun hogan kin etanhan.

44 Unkan aguyapi yutapi kin hena kektopawinge zaptan ece-tu.

45 Hehan ecahankeya waonspewicakiye cin wata kin en okipe wicaši, qa tokaheya akasanpa Bethseda ekta yapi kta, kewicakiya; icunhan iye wicota kin hde wicaši kta.

46 Unkan hena hde wicaši, hehan paha wan ekta wocekiye eya iyaya.

47 Wanna hitayetu hehan, wata kin mde kin cokaya un, qa iye ishana maka akan un.

48 Unkan watopapi iyotanhan iyekiyapi wanwicayaka; tatohekiya yapi nakaes. Unkan hanyetu en awanyakapi itopa hehan, mini amani ekta wicaya.

49 Tuka mde kin amani wanyakapi qehan, he wanagi kecinpi, qa śicahowayapi.

50 Owasin wanyakapi qa yuśinyayapi. Unkan hecehnana owicakiye ca hewicakiya; Cante wašte po, he miye, kokipapi śni po.

51 Unkan ekta wicaya, wata kin en; hehan tate kin ayuśtan.

Dak.

Hecen nina yuśinyayapi qa ihniyanyanpi.

52 Aguyapi econ qon he awacinpi śni; cantepi kin aotpasyapi nakaes.

53 Unkan akasanpatanhan ipi, hehan Gennsaret makoce kin en yapi, qa hutata ihunnipi.

54 Unkan wata kin etanhan inanpapi, hehan hecehnana iye-kiyapi;

55 Qa makoce kin he owancaya inyang yapi, qa tukten un nahonpi kinhan, wicašta wayazankapi kin owinja akan wicayuhapi, qa en awicayapi.

56 Unkan otonwe ciqadan, qa otonwe tanka, qa ihdukšan makoce wanke cin, tukte en ya eca, canku ohna wayazankapi kin ahiwicahnakapi qa cekiyapi; tawokoyake opapun hec kaeś yutanpi kta; unkan tona yutanpi kin hena asnipi ece.

WICOWOYAKE 7.

1 Hehan Pharisee qa wowapi kagapi wanjikji, Jerusalem etanhan upi qa en ahimniciya;

2 Qa iye waonspewicakiye cin wanjikji nape śapa, nape hdujajapi śni he kapi, aguyapi yutapi wanyakapi qehan wicabapi.

3 Pharisee kin Juda wicašta ko owasin tanyan nape hdujajapi śni kinhan wotapi śni ece, qa wicahincapi tawoahope kin opapi.

4 Qa mazopiye etanhan hiyupi eca ihdujajapi śni ehantanhan wotapi śni. Unkan taku hececa ota opapi kta icupi, miniyatke, qa can koka, qa cega, ohehdepi ko yujajapi ece.

5 Hehan Pharisee kin wowapi kagapi ko wiwangapi; Tokeca waonspewicayakiye cin wicahincapi tawoahope kin ahopapi

śni he, tuka nape hdujaja śni aguyapi yutapi ece.

6 Unkan waayupte ça hewicakiya; Wananiçihmanpi, niyepi on Isaya tanyan woyake ciqon, hecen wowapi en kagapi; Oyate kin de ihapi kin on mayaonihanpi, tuka cantepi kin mitehanyan un ece.

7 Tuka wicašta akantu tawoa-hope kin hena woonspe eekiya-pi, qa oyakapi ece kin heon oho-madapi kin he taku śni.

8 Wakantanka tawoa-hope kin elipeyayapi, qa wicašta akantu toope kin duhapi, cega qa wakšica yujajapi kin; qa taku hececa ota ecanonpi ece.

9 Unkan hewicakiya; Wicašta akantu toope duhapi kta e heon Wakantanka tawoa-hope kin elipeyayapi, he tanyan ecanonpi he.

10 Moses hecen eya; Niyate nihun kici wicahduonihan wo. Nakun; Tuwe atkuku, qa is hunku kin hdašice cinhan, he wiconŧe on ŧe kta ce.

11 Tuka niye hehapi; Wicašta wan atkuku, qa is hunku; He wohduze, tokan wicau-pi he kapi, hecen on ociciye kte śni, eciye cinhan he hecetu ce.

12 Hecen atkuku qa hunku taku sanpa owicakiye kta iyoyakipi śni;

13 Qa niye woope yakagapi qa wicayaqupi kin on Wakantanka tawoa-hope kin dutakunipi śni: qa taku hececa ota ecanonpi ece.

14 Unkan oyate kin owasin wicakico, hehan hewicakiya; Owasin anamagoptan po, qa okahniŧa po.

15 Wicašta tankan tanhan taku mahen iyaye cin takudan yušica okihi śni; tuka tona mahen tanhan hinape cin wicašta yušice cin hena ee.

16 Tuwe noge winahon yukan hecinhan he nahon kta.

17 Unkan wicota wicehna tanhan ti mahen iyaye çehan, waoŧpewicakiye cin wiyacinpi kin he on wiwangapi.

18 Unkan hewicakiya; Niš eya oyakañigapi śni he. Taku kašta tankan tanhan wicašta mahen iyaye cin he yušape kta okihi śni e idukanpi śni he.

19 Hena cante kin en i śni, tuka tezi mahen, qa hehan tankan elipeyapi, hecen woyute owasin yuecetupi.

20 Unkan heya; Taku wicašta kin etanhan hinanpe cin he wicašta kin yušapa ece.

21 Mahentanhan, wicacante kin etanhan wicotawacin šica hiyu; wawicihahapi, wiinañmanpi, tin-wicaktepi,

22 Wamanonpi, waicucupikte, wošice, wohñaye, wowihaha, ištašica, wayašicapi, wahanici-dapi, witkotkokapi;

23 Dena taku šice cin owasin mahentanhan hiyu, qa wicašta yušape cin hena ee.

24 Unkan hetanhan najin hiyaye ça, Turos qa Sidon makoe opapun kin en i, qa tipi wanji timahen iyaya; unkan tuwedan sdonye kte śni cin, tuka anañmanpi kta okihipi śni.

25 Winohinca wan cunwintku cistinna woniya šapa yuhe cin he nahon qehan, en hi qa siha kin en makata elipeiciya.

26 He Hellenes winohinca kin heca, Surophenikiya oyate kin etanhan; unkan taku wakan šica cunwintku kin etanhan hinanpe ši kta e icekiya.

27 Tuka Jesus heciya; Wica-cinca kin hena tokaheya wotapi kta; wicacince aguyapi tawapi kin icupi, qa šunka wicau-pi kta he hecetu śni.

WICOWOYAKE 8.

28 Unkan iye waayupte ça heciya; Han, Itancan; tuka wahnna wotapi kin ihukuya hoksiyopa yusnapi kin sunka yutapi ece.

29 Unkan heciya; Wicoie kin de on ekta hda wo, taku wakan sicanicunksi etanhan hinanpa ce.

30 Unkan iye ti kin ekta ki, hehan taku wakan sica tankan iyaye ça, cunwintku ohehdepi kin akan wanka e wanhdaka.

31 Unkan ake Turos makoce kin ehpeye ça, Sidon opta, Dekapolis makoce kin cokaya omanni, qa Galile mde kin ekta ki.

32 Unkan wicašta wan noge tpa qa ia okitpani he en ahipi, qa nape ahnake kta icekiyapi.

33 Unkan wicota etanhan ishana icunonpa aya, qa nape noge ohna iyeye ça, tagoša qa on ceji yutan :

34 Hehan mahpiya ekta etonwe ça comnihdazi qa heciya; Ephatha, yuhdokapi nunwe, eyapi kin he kapi.

35 Unkan echankeya noge yuhdokapi, qa ceji ikan kin yukcapi, qa hdaheya ia.

36 Hehan he tuwedan okiyake sni wicaši; tuka taku ewicakiye cin on etanhan sanpa nina oyakapi ece.

37 Qa nina yusinyayapi qa heyapi; Taku owasin tanyan econ ece; noge tpapi kin winahonwicakiye ça, nakun ia okitpani iewicakiya ece.

WICOWOYAKE 8.

1 Unkan anpetu kin hena en nina wicota hinca, qa takudan yutapi sni, hehan waonspewicakiye cin wicakico qa hewicakiya;

2 Wicota kin onsiwicawakida, wanna yamni can mici unpi, qa taku yutapi takudan yuhapi sni.

3 Qa wote sni hde wicawasi kinhan, okinni tahepi ihpayapi kta; hunh tehan tanhan hipi nakaes.

4 Unkan waonspewicakiye cin ayuptapi; Makoce hewotahedan kin den, tokiya tanhan dena aguyapi innahan yute wicakiyapi kta he.

5 Unkan, Aguyapi kagapi tona duhapi he, eya iwicawanga. Unkan is, Sakowin, eyapi.

6 Unkan oyate kin maka akan iyotanke wicaši; qa hehan aguyapi sakowin qon icu, yawašte qa yuspašpa qa waonspewicakiye cin wicaqu, iyoopta wicakupi kta; unkan is oyate kin wicakipamnpi.

7 Nakun hogan tonana yuhapi; hena yawašte qa wicakupi kta, keya.

8 Hecen wotapi qa immnanpi; unkan aguyapi oyaptapi kin etanhan makanopiye sakowin pahipi.

9 Tona wotapi kin hena kekto-pawinge topa ecetu; hehan hde wicaši.

10 Hehan echankeya wata wan en opa, waonspewicakiye cin om, qa Dalmanutha makoce kin ekta i.

11 Unkan Pharisee kin en hipi, qa iyutanyan wiwangapi, qa mahpiya eciyatanhan wowapetokeca kida.

12 Unkan iye cante ekta comnihdazi qa heya; Tokeca wicoicage kin de wowapetokeca akita he. Awicakehan heciyapi; Wicoicage kin de wowapetokeca takudan qupi kte sni.

13 Hehan ehpewicaye ça wata kin en okipe ça akasanpa hda.

14 Unkan aguyapi icupi kta akiktonjapi, qa wata ohna aguyapi wanjidan sanpa yuhapi sni.

15 Hehan wahokonwicakiye ça

heya; Wanyaka po, qa on napolhyapi Pharisee tawapi qa Herod tawa kin he kokipa po.

16 Hecen iye iyakitedan hdo-kinicapi qa heyapi; Aguyapi unhapi šni, heon etanhan heya ce.

17 Jesus he sdonya hehan hewicakiya; Tokeca aguyapi duhapi šni on ayakinicapi he. Hinahin oyakalinigapi šni qa wi-dukcanpi šni he. Hinahin cante aotpasniyanpi he.

18 Išta niyukanpi wandakapi šni, qa noge niyukanpi ešta nayahonpi šni, qa yeksuyapi šni he.

19 Aguyapi zaptan wicašta kektopawinge zaptan wicawakipamni, hehan oyaptapi kin makanopiye ohnaka tona yapahipi he. Akenonpa, eyapi.

20 Hehan šakowin qa kektopawinge topa, hehan oyaptapi makanopiye ohnaka tona iyacupi he. Unkan; Šakowin, eyapi.

21 Hehan hewicakiya; Tokeca oyakalinigapi šni he.

22 Unkan Bethseda en hi. Hehan išttagonga wan en ahipi, qa yutan kta e icekiyapi.

23 Unkan išttagonge cin napata yuze ɔa otonwe kin tankan aya; qa išta kin en atagoša hehan nape kin akan ehnaka, qa taku wanyaka hecinhan he iwanga.

24 Unkan wankan etonwe ɔa heya; Wicašta wanwicamdaka, mani unpi, can kin iyececa.

25 Hehan ake nape kin išta akan ehnaka, qa ake wankan etonwekiya; unkan hehan yuecetupi, qa taku owasin tanyan wanyaka.

26 Hehan iye ti ekta hde ší, qa heya; Otonwe kin en ye šni wo, qa otonwe kin en tuwedan okiyake šni wo.

27 Unkan Jesus hetanhan Ke-

sareya Philippi otonwe kin hena ekta iyaya, waonspewicakiye cin om. Unkan tahepi waonspewicakiye cin heya iwicawan-ga; Matuwe, wicašta keyapi he.

28 Unkan ayuptapi; Johannes baptem wicaqu kin; qa wanjikji; Elias; qa wanjikji; Wicašta wokcan wanjí he niye, eyapi.

29 Unkan hewicakiya; Qa niye matuwe kehapi he. Unkan Inyan waayupte ɔa heciya; Messiya he niye.

30 Unkan he tuwedan okiyake šni wicaši.

31 Hehan wowicakiyaka, Wicašta Cinhintku kin taku ota kakije kta; wicahincapi qa wošnapí kagapi, wowapi kagapi ko heyata iyeyapi kta, qa ktepi kta; qa anpetu yamni iyohakam kini kta.

32 Unkan hena taninyan ohdaka. Hehan Inyan icu qa iyokišni.

33 Tuka ihduhomni qa waonspewicakiye cin awicatonwan, hehan Inyan iyopeye ɔa heya; Satan miheyata ya wo; taku Wakantanka tawa kin awacanni šni, tuka wicašta akantu taku tawa kin.

34 Unkan oyate kin waonspewicakiye cin om wicakico qehan, hewicakiya; Tuwe kašta omape kta hecinhan, waipiiciɔa kta, qa cansusbeca kiɔin kta, qa mihakam u kta.

35 Tuwe wiconi tawa telinda kinhan he toki ehp ekiye kta; tuka tuwe miye on qa wotanin wašte kin on wiconi toki ehp ekiye cinhan, he qe wiconi hduhe kta.

36 Qa wicašta wan maka kin de ocowasin ohiya ešta, qa iye nagi kin toki ehp ekiye cinhan, taku on iwašte kta he.

WICOWOYAKE 9.

37 Qa taku e wicašta nagi kin tokiyopekiye kta he.

38 Heon etanhan tuwe, wicoi- cage wiinahman qa wahtari sa kin de en, miye qa mioie kin on istece cinhan, tohan Wicašta Cinhintku kin iye Atkuku towi- tan hduha, ohnihde wakan kin on u kinhan, wicašta kin he on istece kta ce.

WICOWOYAKE 9.

1 Hehan hewicakiya; Awica- kehan heciciyapi; den najinpi etanhan wanjikji wiconte utapi šni itokam, Wakantanka toki- conze wowašake on hi wanya- kapi kta.

2 Unkan anpetu šakpe iyoha- kam Jesus, Inyan, qa Jakob. qa Johannes iwicacu, qa icunonpa paha wan tehanwankantu kin ekta awicaya; qa wicitokam yu- tokecapi:

3 Tawokoyake kin wiyatpatpa, ska linca, wa iyececa; maka akan wayuska kin tuwedan iye- cen ska kaga okihi šni.

4 Unkan hen Elias qa Moses en ihdutaninpi; qa hena Jesus kici wohdag yukanpi.

5 Hehan Inyan waayupte ça Jesus heciya; Itancan, den un- yakonpi he wašte; ito wakeya jamni ti unkicagapi kta; wanji niye on, qa wanji Moses, qa wanji Elias unkicagapi kta.

6 Taku eye kta sdonkiye šni; niba yušinyayapi nakaš.

7 Unkan mahpiya wan aohan- ziwicaya; qa mahpiya kin eci- yatanhan wicabo wan tanin qa heya; Micinkši waštewakidake cin he dee, he anagoptan po.

8 Hehan ecahankeya ihdukšan etonwanpi qehan, wicašta tuwe- dan wanyakapi šni, Jesus išnana kici unpi.

9 Unkan paha kin etanhan apamahde kupi icunhan waho- konwicakiya, taku wanyakapi kin tuwedan okiyakapi kte šni, Wicašta Cinhintku kin ŋapi etanhan kini šni hehanyan.

10 Unkan wicoie kin he awa- cinpi, qa ŋapi etanhan kini eyapi kin he taku kapi hecinhan he ikiciwangapi.

11 Unkan heya iwangapi; To- keca e Elias tokaheya hi kta ce, wowapi kagapi kin eyapi he.

12 Unkan awicayupte ça heya; Awicakehan Elias tokaheya hi kta, qa taku owasin yuecetu kta; qa Wicašta Cinhintku kin token taku ota kakije kta, qa heyata iyeyapi kta e wowapi en kagapi qon, he nakun owicakiyaka.

13 Tuka heciciyapi ce; Awicakehan Elias wanna hi; unkan token cinpi kin ecen ecakiconpi, wowapi en kagapi qon iyececa.

14 Unkan waonspewicakiye cin en hdi qehan, wicihdukšan wi- cota linca wanwicayaka; qa wowapi kagapi kin wiwicawan- gapi.

15 Unkan oyate kin iyuhpa wanyakapi qehan nina yušinya- yapi, qa ekta inyang yapi qa okiyapi.

16 Unkan wowapi kagapi kin, Taku e on wiwicanungapi he, eya iwicawanga.

17 Unkan wicota etanhan wanji ayupta; Waonspekiye, micinkši woniya ie šni kin heca yuhe cin he cicahi.

18 Qa tukten eyaku eca yu- hdehdeca ece; hecen i minitaga au, qa hi hdakiuskinza, qa han- yan ece; unkan waonspewica- yakiye cin hena tankan ehpeya- pi kta kewicawakiya, tuka oki- tpanipi.

19 Unkan waayupte ça hewi- cakiya; Wicoi- cage wicada šni,

tohanyan cicipi waun kta; tohanyan iyowinciciyapi kta he. En makau po.

20 Hehan en kahipi. Unkan wanyag iheye cin hecehna woniya kin yuhdehdeca; qa makata ehpeye ça, i minitaga au paptanptan iyeiciya wanka.

21 Unkan atkuku kin heya iwanga; Tohantanhan hececa he. Unkan is; Hoksíyoqopa ehantanhan, eya.

22 Qa ota petan ehpeye ça, minin ehpeya, ibangye kta e heon; tuka nis taku oyakihi kinhan, onsiunkida po qa ouunkiya po.

23 Jesus heciya; Wicada oya-kihi kinhan; tuwe wicada kin he on taku owasin okihipica ce.

24 Unkan hecehmana hoksídan atkuku kin hotanin qa ceya heya; Itancan wicawada; wicawada sni kin he niye omakiya wo.

25 Jesus oyate kin en inyang hiyupi wanwicayaka, hehan woniya sapá iyopeye ça heciya; Woniya ia okitpani qa noge tpa, tankan hinanpe ça, icimana en ye sni wo, he miye e econ cisi ce, eya.

26 Unkan hotanin qa nina yuhdehdeca, qa tankata hinanpa; unkan wicašta ta iyececa, hecen, Wanna ta ce, wicota eyapi.

27 Tuka Jesus napata yuze ça yuwankan icu; unkan najin hiyaya.

28 Unkan tin hiyu qehan, waonspewicakiye cin nahmana iwangapi; Tokeca unkiye tankan ehpeya unkokihihi sni he.

29 Unkan hewicakiya; Ocaje kin de wote sni cekiyapi kin ecdan on tankan hiyu kta okihi ece.

30 Hehan hetanhan yapi qa Galile iyoopta iyayapi; qa tuwedan sdonye kte sni cin.

31 He icunhan waonspewica-

kiye cin wowicakiyaka qa; Wicašta Cinhintku kin wicašta napapi kin en wicaqupi. unkan ktepi kta; qa ktepi iyohakam anpetu icyamni hehan kini kta ce, ewicakiya.

32 Tuka wicoie kin he okahni-gapi sni, qa on iwangapi kta kkipapi.

33 Unkan Kapernaum en hi; qa ti mahen yanka hehan wiwicawanga; Canku ohna taku e on ayakinicapi he.

34 Tuka inina yukanpi; canku ohna wanji tukte iyotan tankapi kta e heon hdokinicapi.

35 Unkan iyotanke ça akenonpapi kin wicakico qa hewicakiya; Wicašta wan tokaheya un kta cin kinhan, hee ehake un kta, qa owasin wowidagyapi kta.

36 Hehan hoksíyoqopa wan icu, qa wicacokaya ehna; qa nape ohna eyaku, hehan hewicakiya;

37 Tuwe hoksíyoqopa dececa wanji, micaje on tin hiyuye cinhan, miye tin hiyumayan ece; qa tuwe tin hiyumaye cin he miye sni, tuka tuwe u masi kin he tin hiyuya ece.

38 Hehan Johannes ayupte ça; Waonspekiye, wicašta wan micaje on taku wakan sica tankan ehpeya wanunyakapi, he unkihakam u sni; unkan unkibakam u sni kin on etanhan teunhindapi ce, eya.

39 Tuka Jesus heya; Telindapi sni po; wicašta tuwe micaje on wicohan tanka econ kinhan, he ituya mayašice kta okihi sni.

40 Tuwe unkizapi sni kinhan, he unkicipi un ece.

41 Tuwe micaje on miniyatke ohna mini dalkanpi kta nicupi kinhan, Messiya niyuhapi kin heon, he wokajuju toki ehpekiye kte sni, awicakehan eciciyapi.

42 Qa tuwe dena cikeistinpi-dan wacinmayanpi kin wanji wahtanikiye cinhan, tabu en in-yan wiyutpan wan iyakaškapi qa miniwanca kin en elpeyapi unkanš, he wašte kta tuka.

43 Qa ninape wahtaniniye cinhan hdaksa wo; nape ksa wiconi kin en yai kinhan hee wašte kta, qa nape napin hduha Wakanšica ti, peta icimana kasnipi kte šni kin en iyołpeniyanpi kte šni.

44 Hen wamduška tawapi kin te kte šni, qa peta kin kasnipi šni ece.

45 Nakun nisiha wahtaniniye cinhan hdaksa wo; hunište wiconi kin en yai kinhan, he wašte kta, qa siha nom hduha Wakanšica ti peta icimana kasnipi kte šni kin en iyołpeniyanpi kte šni.

46 Hen wamduška tawapi kin te kte šni, qa peta kin kasnipi šni ece.

47 Nakun ništa wahtaniniye cinhan hdušdoka wo; išta wan-jidan hduha Wakantanka toki-conze kin en de cinhan, hee wašte kta, qa išta napin hduha Wakanšica ti peta kin en iyołpeniyanpi kte šni.

48 Hen wamduška tawapi kin te kte šni, qa peta kin kasnipi šni ece.

49 Wicašta otoiyo hi peta on skuyeyapi kta, qa wošnapi otoi-yohi miniskuya on skuyeyapi kta.

50 Miniskuya kin he wašte; tuka miniskuya kin skuye šni aye cinhan taku e on skuyeyapi kta he. Miniskuya ihduha po, qa woikiye kiciyuha po.

WICOWOYAKE 10.

1 Hetanhan najin hiyaye ça, Jordan akasanpatanhan, Juda

makoce kin en hi: unkan ake oyate kin en witaya kata iheya; qa econ ece qon he iyecen ake wowicakiyaka.

2 Unkan Pharisee kin en hipi qa wiwangapi, Wicašta tawicu elpeye kta iyececa hecinhan, he iyutanyanpi.

3 Unkan waayupte ça hewicakiya; Moses token econ nišipi he.

4 Unkan; Moses kpaganpi wo-wapi kage ça elpeye kta iyo-winyan ce, eyapi.

5 Unkan Jesus waayupte ça hewicakiya; Cante nitehipi kin heon Moses woope kin he nica-gapi.

6 Tuka wicoicage otokaheya tanhan Wakantanka hena wica winyan ahna wicakaga:

7 Heon etanhan wicašta wan atkuku hunku ko elpewicaye kta, qa tawicu en iyaihdaške kta:

8 Qa hena oza wicacelpi wan-jidan kta ce. Hecen hetanhan nonpapi šni, tuka wicacelpi wan-jidan.

9 Heon taku Wakantanka yuonkonwanjidan kin he ihnuhan tuwe yujuju kinhan.

10 Unkan ti mahen yukanpi, hehan waonspewicakiye cin he akta wiwangapi.

11 Unkan hewicakiya; Tuwe winohinca elpekiye ça wanji tokeca yuze cinhan, he wawicahapi ecakicon ece.

12 Qa winohinca wan hihna-ku elpeye ça wanji tokeca hi-hnaye cinhan, he nakun wawicahapi econ ece.

13 Hehan hokšiyoqopa en awicahipi, wicayutan kta heon; tuka waonspewicakiye cin tona awicaupi kin iyowicakipišni.

14 Tuka Jesus he wanyaka, hehan nina iyekišice ça hewica-

kiya; Hoksíyoqopapi en maupi kta iyowinwicakiya po, qa tehindapi šni po; tona dececapi kin Wakantanka tokiconze kin eepi ce.

15 Awicakehan heciciyapi; Tuwe Wakantanka tokiconze kin hoksíyoqopa iyecen icu šni kinhan he mahen ye kte šni.

16 Hehan poskin wicayufa, qa nape awicaputake qa wicaya-wašte.

17 Unkan canku kin ohna iya-ye čehan, wanji inyang u, qa en canpeška makehde inajin, qa wiwanga; Waonspekiye wašte, wiconi owihanke wanice cin he ohimičije kta e on taku ecamon kta he.

18 Unkan Jesus heciya; Tokeca wašte emayakiya he; tuwedan wašte šni; Wakantanka išnana.

19 Woahope kin sdonyaya; Wawicihaŋapi econ šni wo, Tinwicakte šni wo, Wamanon šni wo, Woitonšni oyake šni wo, Wawicaki šni wo, Niyate nihun kici wicahduonihan wo.

20 Unkan waayupte qa heciya; Waonspekiye, dena owasin homaksiyopa ehantanhan ecamon ece.

21 Hehan Jesus atonwe čehan waštekidake qa heciya; Taku wanji ninica; hde qa taku duhe cin wiyopeya, qa waŋpanicapi kin wicaqu wo, kinhan maŋpiya ekta wowijice duhe kta; hehan ku, can susbeca kičin, qa mihakam u wo.

22 Unkan oie kin he on iyokišica, qa cante šica hda; taku ota yuha nakaes.

23 Unkan Jesus ihduksan etonwe qa waonspewicakiye cin hewicakiya; Tona watonpike cin hena Wakantanka tokiconze kin en yapi kte cin he telika ce.

24 Unkan oie kin on waonspewicakiye cin yušinyayapi. Tuka Jesus ake waayupte qa hewicakiya; Hoksíyoqopa, tona wowijice wacinyanpi kin hena Wakantanka tokiconze kin en yapi kte cin he telike linca.

25 Wicašta wijica Wakantanka tokiconze kin en ye kta he telika, qa kamel wan tahinšpaciqadan ohdoka ohna ye kte cin he aoptetu.

26 Unkan heon nina yušinyayapi qa hekiciyapi; Hehan tuwe ni kta he.

27 Jesus awicatonwe qa heya; Wicašta ekta he okihipica šni, tuka Wakantanka ekta hecece šni; Wakantanka ekta taku owasin okihipica ece.

28 Hehan Inyan heciya; Iho, unkiye taku owasin elipeunyanpi, qa nihakam unyakonpi.

29 Jesus waayupte qa heya; Awicakehan heciciyapi, tuwe, miye qa wotanin wašte kin on, tipi qa hunkawanjitku, qa tawinohtin, qa atkuku, qa hunku, qa tawicu, qa cinca, qa makoce elipeye cinhan;

30 Nakaha wiconi kin de en opawinge akihde icu kta; tipi, qa hunkawanjitektupi, qa tawinohtin, qa hunkupi, qa cincapi, qa makoce ko, wošitkihdapi iya-hna; qa wiconi u kte cin he en wiconi owihanke wanica yuhe kta.

31 Tuka wicota tokaheya kin hena ehake unpi kta, qa ehake unpi kin hena tokaheyapi kta.

32 Hehan canku ohna Jerusalem ekta yapi; unkan Jesus wicitokam ya; qa iyepi qes iha-kam upi, inihanpi qa kopehdapi. Unkan akes akenonpapi kin iwicacu, qa taku akipe kte cin hena kohan owicakiyaka;

33 Iho, Jerusalem ekta itan-

wankanhde unyanpi; qa Wicašta Cinhintku kin wošnapı kagapi, wowapi kagapi ko napepi kin en wicaqupi kta; unkan hena te yacopi kta, qa Ikcewicašta kin iyoopta wicaqupi kta:

34 He qe ihañapi kta qa kapsinpsintapi kta, qa atagoşapi kta, qa ktepi kta; unkan anpetu iciyamni kinhan ake kini kta.

35 Hehan Jakob qa Johannes, Zebede cinhintkupi, en hipi qa heciyapi; Waonspekiye, taku uncinpi kin he ecen ecaunyeconpi kta uncinpi.

36 Unkan, Taku e ecaciconpi kta yacinpi he, ewicakiya.

37 Unkan heciyapi; Nitowitan kin en, wanji nietapa qa unma nicatka tanhan unkiyotankapi kta e unqu po.

38 Tuka Jesus hewicakiya; Taku yadapi kin sdonyakiyapi şni. Wiyatke etanhan mdatke kte cin he niş yatkan oyakihipi he; qa baptem miye maqupi kte cin he on niş eya niçupi kta oyakihipi he.

39 Unkan, Unkokihipi ce, eciyapi. Unkan Jesus hewicakiya; Awicakehan wiyatke etanhan mdatke cin niş etanhan datkanpi kta; qa baptem maqupi kin he is nakun niçupi kta;

40 Tuka mietapa qa micatka tanhan iyotankapi kin wicaqupi kte cin he miye mitawa şni; tuka tona wiyeya wicakicihnakapi kta.

41 Unkan wikcemna kin he nahonpi qehan, Jakob qa Johannes nina canniyewicayapi.

42 Tuka Jesus wicakico qa hewicakiya; Oyate kin ekta tona itancan unpi kin wowidagwicayapi ece; qa tona tanka unpi kin hena oyate wicayuhapi ece.

43 Tuka niyepi ekta hecece

kte şni: tuka tuwe iyotan tanka yaunpi kta hecinhan, he ookiye duhapi kta:

44 Qa tuwe tokaheya yaunpi kta hecinhan, he owasin wowidagyapi kta.

45 Wicašta Cinhintku kin hee kaeş waokiyapi kta hi şni, tuka waowicakiye kta, qa wicota opewicakitonpi kta on wiconi tawa ehpeye kta on hi.

46 Unkan Jeriko en hipi; qa Jeriko etanhan oyate ota qa waonspewicakiye cin om hdi-nanpa, hehan Bartimeus, Timeus cinhintku, iştagonge ciqon he canku icahda wada iyotanka.

47 Unkan he Jesus Nazareth etanhan hee nahon qehan, hotanin qa heya; Jesus, Dawid Cinhintku, onşimakida wo.

48 Unkan wicota iyokipişni, inina un kta: tuka iye iyotan hotankakiya heya; Dawid Cinhintku, onşimakida wo.

49 Unkan Jesus owanji najin qa kicopi kta, keya; hecen iştagonge cin kicopi qa heciyapi; Cante waşte wo, najin wo, wanna nico ce.

50 Unkan iye şina ehpeya najin hiyaye ça Jesus en hi.

51 Unkan Jesus waayupte ça heciya; Taku ecacicon kta yacin he. Iştagonge cin; Itancan, watonwe kta, eciya.

52 Unkan Jesus heciya; Hda wo, wacinyaye cin he asniniyan ce. Unkan hecehnana tonwe ça canku ohna Jesus ihakam ya.

WICOWOYAKE 11.

1 Unkan wanna Jerusalem ikiyedani hipi, Bethphage qa Bethani hetu, Oliwe Paha kin en, hehan waonspewicakiye cin nom ye wicaşi;

2 Qa hewicakiya; Otonwe iyo-

takons yanke cin en ya po; unkan wanna en yaipi kinhan, hehan sukcinca wan, tohinni wicaſta akan iyotanke ſni, he iye-yayapi kta; yukcapi qa aku po.

3 Qa tuwe, Taku on hecanonpi he, eniciyapi kinhan, Itancan kin cin ce, eya po. Unkan hecehnana au niſipi kta.

4 Unkan ekta iyayapi, qa canku nonpa ipaweh wanka. tiyopa wan en sukcinca kin kaſka najin iyeyapi; hecen kiyukcapi.

5 Unkan hen najinpi kin wanjikji, Tokeca sukcinca kin dukcapi he, ewicakiyapi.

6 Unkan Jesus econ wicaſi qon he ohna ewicakiyapi: hecen iyowinwicakiyapi.

7 Hehan sukcinca kin Jesus ka-hipi; qa tawokoyake akan ehna-kapi; unkan iye akan iyotanka.

8 Unkan wicota canku ohna tawokoyake kin owinſyapi; qa apa can kin etanhan adetka ka-kſapi, qa canku ohna ehpeyapi.

9 Unkan tona tokaheyapi qa tona ihakam upi kin hena hotaninpi qa heyapi; Osanna, tuwe Itancan caje on u kinhan, he yawaſtepi ce.

10 Dawid ateunyanpi tokiconze Itancan caje kin on u kin he yawaſtepi: Osanna iyotan tehan wankantu.

11 Unkan Jesus Jerusalem en ye ɔa, tipi wakan kin en iyaya; qa wanna taku owasin ekta etonwe ɔa, hitayetu aya, hehan akenonpapi kin om Bethani e- kta kihda.

12 Unkan ihanhanna Bethani etanhankupi, hehan wotektelida.

13 Qa itehan suken can wan ape yuke cin he wanyaka, he en hi, okinni en waskuyeca iyeye kta; tuka en hi qehan takudan iyeye ſni, ape ecedan; suken icage kta hinahinke ſni.

14 Unkan Jesus waayupte ɔa heciya; Detanhan tuwedan waskuyeca enitanhan yute kte ſni, owihanke wanica. Unkan waonspewicakiye cin he nahonpi.

15 Hehan Jerusalem en hipi; unkan Jesus tipi wakan kin en i, qa tona tipi wakan kin ohna wiyopeyapi qa wopetonpi kin hena tankan iyewicaya, qa mazaska tokiyopeyapi ahna econpi kin ahdapſinyan ehpeya, qa wakiyedan iyopeyapi can akan iyotankapi hena koya:

16 Qa tipi wakan kin ohna tuwe cega yuhe kta iyowinwicakiye ſni.

17 Unkan wowicakiyake ɔa hewicakiya; Wati kin he oyate owasin on wocekiye tipi ec iyapi kta ce, eya wowapi en kagapi ſni he; tuka niye wamanon sa otipi kin yakagapi ce.

18 Woſnapi kagapi qa wowapi kagapi kin he nahonpi, unkan token ihangyapi kta akitapi; kokipapi, wicaſta owasin tawoonspe kin on yuſinyayapi nakaes.

19 Unkan wanna hitayetu hehan otonwe kin etanhan tankan iyaya.

20 Unkan ihanhanna en hiya-yapi hehan suken can kin wanna hute hehanyan ſnija e wan-yakapi.

21 Unkan Inyan he kiksuye ɔa heciya; Itancan, wanyaka wo, suken can dasice cigon he wanna ſnija.

22 Unkan Jesus waayupte ɔa hewicakiya; Wakantanka wacinyanpi kin he yuha po.

23 Awicakehan heciciyapi; Tuwe paha kin de, Tokan iyaye ɔa miniwanca kin en iyohpaya wo, eciye ɔa, cante kin en cetunhda ſni, qa taku tona eye cin hena hecetu kta e wicada

kinhan; he taku eye cin hena ecen yuhe kta.

24 Heon etanhan heciciyapi; Ceyakiyapi eca taku tona yacinpi kin hena iyacupi e wicada po, kinhan hena duhapi kta.

25 Unkan cekiya nayajinpi kinhan, tuwe taku on yeksuyapi kinhan kicicajuju po; hecen Ateyayapi mahpiya ekta yanke cin he wayahtanipi kin nicicajujupi kta.

26 Qa nis wayecicajujupi sni kinhan, nakun Ateyayapi mahpiya ekta yanke cin wayahtanipi kin nicicajujupi kte sni.

27 Unkan ake Jerusalem en hdipi; qa tipi wakan kin ohna mani un qehan, wošnapı kagapi wowapi kagapi wicahtincapi koya en hipi;

28 Qa heciyapi; Taku wowaśake on dena taku kin ecanon he; qa tuwe dena econ niši, qa hecen ecanon he.

29 Unkan Jesus waayupte qa hewicakiya; Miš eya taku wanji iciwangapi kta, amayupta po, kinhan wowaśake tukte e on dena ecamon kin ociciyakapi kta.

30 Johannes baptem wicaqu qon wicohan kin he mahpiya eciyatanhan, qa is wicašta eciyatanhan, unma tukte he; amayupta po.

31 Unkan hdokinicapi qa hekiciyapi; He mahpiya eciyatanhan, unkeyapi kinhan, hehan; Tokeca wicayadapi sni he, eye kta.

32 Tuka, He wicašta akantu eciyatanhan, unkeyapi kinhan, oyate kin kowicunkipapi; wicašta owasin Johannes wicašta wokcan kin heca kecinpi.

33 Unkan waayuptapi qa Jesus heciyapi; Sdonunyanpi sni. Unkan Jesus waayupte qa hewicakiya; Miš eya wowaśake tukte

e on dena ecamon kin he nakun ociciyakapi kte sni.

WICOWOYAKE 12.

1 Hehan wiyacinpi on wowicakiyaka; Wicašta wan hastanhanka iyuwi wojupi wan oju, qa ohomni natake ça, miniša iyuškice wan en qe ça, cowabe tehan wankantu wan kaga; qa kicanyanpi kte cin owicaqu, qa makoce wan tokeca ekta icimani iyaya.

2 Qa wanna iyehantu qehan taokiye wan kicanyanpi kin ekta ye ši, kicanyanpi kin etanhan hastanhanka ojupi kin waskuyeca icu kte cin heon etanhan.

3 Unkan he yuzapi, qa apapi, qa cokadan hde šipi.

4 Unkan ake taokiye wanji tokeca ekta ye ši; tuka e qe inyan on kininpi, qa pa kahdecapı, qa tehiya kuwapi hde šipi.

5 Unkan ake wanji tokeca ekta ye ši; qa he qe ktepi: unkan nakun wicota, hunh awicapapi qa hunh wicaktepi.

6 Hehan cinhintku wanjidana waštekidake cin he hinahin hduha; unkan he ehake ekta ye ši, qa; Micinkši yuonihanpi kta ce, eya.

7 Tuka kicanyanpi kin hekiciyapi; Tawa kte cin he dee; iho po, unktepi kta; hecen he unkitawapi kta ce.

8 Unkan hecen yuzapi qa ktepi, qa wojupi kin etanhan tankan ehpeyapi.

9 Heon hastanhanka ojupi yuhe cin he taku econ kta he. En hi qa kicanyanpi kin hena ihangwicaye kta, qa hastanhanka ojupi kin wicašta tokeca owicaqu kta.

10 Wowapi kin de dawapi sni he; Ticagapi inyan wan ehpe-

yapi qon he oise en pa icaga ce.

11 He Itancan kin econ, qa unkištapi kin en taku wowinihan.

12 Hehan yuze wacinpi, tuka oyate kin kowicakipapi; wiya-cinpi kin de iye wicaka e heya sdonyapi. Unkan ehpeya ki-hdapi.

13 Hehan Pharisee qa Herodian etanhan wanjikji ekta ye wicašipi; taku eye cin on yuzapi kta.

14 Unkan hena en hipi qehan heciyapi; Waonspekiye, iewicayaka qa tuwedan koyakipe šni sdonunyanpi; wicašta tancan ekta eyatonwe šni cce, tuka awicakehan Wakantanka tacanku kin odaka ece; Kesar wamnayanpi qupi kta iyececa he.

15 Unqupi kta, qa is unqupi kte šni he. Tuka iye wohnaye hduhapi sdonye ça hewicakiya; Tokeca iyutanmayayapi he. Kašpapidan wanji makau po, wanmdake kta ce.

16 Unkan kahipi. Hehan hewicakiya; Wicite qa wowapi kin de tuwe tawa he. Unkan, Kesar tawa ce, eciyapi.

17 Hehan Jesus waayupte ça; Kesar taku tawa kin kicu po; qa Wakantanka taku tawa kin kicu po, ewicakiya. Unkan heon inihanpi.

18 Hehan Saddukee kin, piya iwicacage kte cin wanica keyapi, hena etanhan en hipi; qa wiwangapi qa heyapi;

19 Waonspekiye, Moses wowapi unkiçagapi, wicašta wan tawicu ehpeya te ça, cinca nice cinhan, sunkaku winohinca kin he hduze kta, qa cinu qon cinca kicage kta ce.

20 Hunkawanjinkiciyapi šakowin; unkan tokapa kin winohinca wan yuze ça, cinca codan ta.

21 Hehan iyokihe kin he hduze ça nakun ta, qa cinca nica; unkan iyamni kin is nakun.

22 Unkan ecen šakowinpi kin hduzapi, qa cinca nicapi: eha-ke winohinca kin is eya ta.

23 Hecen piya iwicacage cin en inajinpi kinhan, wanji tukte tawicuyapi kta he: šakowin hduzapi tuka.

24 Unkan Jesus waayupte ça hewicakiya; Wowapi wakan kin sdonyayapi šni, qa nakun Wakantanka towašake kin, heon yanunipi.

25 Wiconte etanhan piya wicoicage kinhan tawicu tonpi šni qa hihnaku yuhapi šni; tuka mahpiya ekta ohnihde unpi kin iyececapi.

26 Unkan tona tapi kin hena piya icagapi kta, on Moses tawowapi kin en dawapi šni he; can opamna etanhan Wakantanka okiye ça heya; Abraham Wakantanka tawa, qa Isaak Wakantanka tawa, qa Jakob Wakantanka tawa kin he miye ce.

27 Wicašta tapi kin Wakantanka tawapi šni, tuka ni unpi kin Wakantanka tawapi: heon etanhan šogya yanunipi.

28 Hehan wowapi kagapi wanji en hi, qa akinicapi kin nahon, qa tanyan awicayupta iyukean heon etanhan, Woahope tokaheya kin tukte e he, eya iwan-ga.

29 Unkan Jesus ayupta; Israel nahon po, Jehowa Wakantanka unkitawapi kin he Itancan wanjidani, woahope owasin tokapa kin hee ce.

30 Unkan Jehowa Wakantanka nitawa kin he nicante ocowasin on, qa ninagi ocowasin on, qa nitawacin ocowasin on, qa nitowašake ocowasin on,

wašteyakiḁake kta ce; woahope tokaheya kin hee.

31 Qa inonpa kin he he iyececa; Nikiyedān un kin he niye inihḁacin wašteyadake kta. Woahope denā isanpa tanka wānica.

32 Unkan wowapi kage cin he heciya; Han, Waonspekiya, wowicaké ecen eha, Taku wakan wanjidan, qa icunonpa tanhan wanica.

33 Qa wicacante ocowasin on, qa wicotawacin ocowasin on, qa wicanagi ocowasin on, qa wicowaśake ocowasin on wašteḁakapi, qa wicikiyedān unpi kin wiciye ihḁacin waštewicadapi kin, peta on wośnapi qa ikce wośnapi owasin, he isanpa tanka ece.

34 Unkan he wacinksamya ayupta Jesus wanyaka, hehan heciya; Wakantanka tokiconze kin itehan yaun śni. Unkan hetanhan tuwedān sanpa wiwanga tawaṭenye śni.

35 Hehan Jesus tipi wakan kin ohna wowicakiyaka icunhan waayupte ca heya; Wowapi kagapi kin Messiya he Dawid Cinhintku ce, tokeca heyapi he.

36 Dawidiye qe Woniya Wakan on heya; Itancan kin Itancan mitawa heciya; Mietapa ekta iyotanka wo, tona tokaniyaupi kin hena siha oahe nitawa kin wakage kta hehanyan.

37 Heon etanhan Dawid iye qe Itancan eciya; hecen token cin-caya he. Unkan oyate ikceka kin wiyuśkiyan naḁonpi.

38 Unkan wowicakiyaka icunhan hewicakiya; Wowapi kagapi kin kowicakipa po, hena wokoyake hanskaska kiḁun waśṭedakapi, qa wopeton tipi kin ohna owicakiyapi kta nakun:

39 Qa omniciye tipi kin en oi-

yotanke tokapapi, qa wotapi kin en oyanke waštešte kin:

40 Hena e wiwazica tipi kin temyapi, qa ihḁutaninpi on wocekiye hanska eyapi ece: hena woyaco iyotan tanka yuhapi kta.

41 Unkan Jesus mazaska opiye kin iyotakons iyotanka, qa token oyate kin mazaska opiye kin en, mazaska elipeyapi kin he wanyaka. Unkan wicota wijicapi kin hena odota en ehpeyapi.

42 Unkan wiwazica waḁpanica wan en hi, qa mazaśa onśpadan nom en ehpeya, he mazaśa wanjidan yawapi.

43 Unkan waonspewicakiye cin hena wicakico qa hewicakiya; Dena owasin mazaska opiye kin en ehpeyapi, tuka wiwazica waḁpanica kin de owasin isanpa en ehpeya, awicakehan eciciyapi.

44 Dena owasin taku ota tonpi kin eciyatanhan en ehpeyapi ece; tuka iye qe nice cin etanhan taku yuhe cin ocowasin en ehpeya, on ni kte cin ocowasin.

WICOWOYAKE 13.

1 Unkan tipi wakan kin etanhan kinanpa hehan waonspewicakiye cin wanji heciya; Waonspekiya, inyan tankinyanyan kin dena, qa tipi kagapi kin dena wanyaka wo.

2 Unkan Jesus waayupte ca heciya; Tipi tankinyanyan kin dena owasin wandaka he. Inyan wanji inyan itakihna wanke kte śni, owasin jujuwahe kta.

3 Unkan Oliwe Paha kin akan iyotanka, tipi wakan kin iyotakons, hehan Inyan qa Jakob qa Johannes qa Andrew naḁmana wiwangapi;

4 Tohan hena hecetu kta he, qa dena owasin iyecetu kta e

wowapetokeca tukte e hecinhan, unkokiyaka po.

5 Unkan Jesus waayupte ça hewicakiya; Iwanihdaka po, okinni tuwe nihnayanpi kta.

6 Wicota micaje on hipi qa; He miye ce, eyapi kta, qa wicašta ota wicahnayanpi kta.

7 Unkan tohan wicokicize qa kiczapi kta oyakapi kin nayahonpi kinhan, nihinciyapi šni po; hena hecetu kta, tuka owihanke kin hinahinke šni.

8 Oyate wan oyate tokeca on najin kta, qa wokiconze wan wokiconze tokeca on; qa tukte-kten maka škanskan yuke kta, qa wicaakihan qa wicokicize yuke kta. Dena wicoiyokišice tokaheya kin ee.

9 Tuka iwanihdaka po; omniciye tanka kin en aniyampi kta; qa omniciye tipi kin ohna nicaštakapi kta; qa miye on wicašta itancanpi wicaštayatapi ko en aniipi kta, owicayakapi kta heon.

10 Tuka tokaheya wotanın wašte kin he oyate owasin owicakiyakapi kta.

11 Tuka tohan aniyampi qa wicanicupi kinhan, itokam taku ehapi kta awacinpi šni po, qa on cante šicapi šni po; tuka wihiyayedan oape kin he en taku nicupi kin he ohna eya po; eye kte cin he niyepi šni, tuka Woniya Wakan kin hee kta.

12 Hunkawanjinkiciyapi wiconțe en kicicupi kta, qa wicašta wan iye cinca nakun; qa wicacinca inajinpi kta qa hunkakewicayapi kin tewicayapi kta.

13 Unkan miye on owasin šicenidapi kta; tuka tuwe owihanke kin hehanyan ope cinhan he ni kta.

14 Tuka tohan wošice woihangye, Daniel wicašta wokcan cajeyate cigon, tukten najin

akta iyecece šni, hen wandakapi kinhan, tuwe yawa kinhan okahņige kta, hehan tona Juda makoce kin en unpi kin he kin ekta najicapi kta:

15 Qa tuwe tipi akan yanke cin he kun ku, qa timahen tanhan takudan ehdaku kte šni:

16 Qa nakun tuwe magata un kinhan, wokoyake ehdaku kta on hdicu kte šni.

17 Tuka anpetu kin hena en tona ihdušakapi qa hokšiyogopa azinwicakiyapi kin hena teliya unpi kta.

18 Unkan waniyetu icunhan nayapapi kte šni e icekiya po.

19 Anpetu kin hena en wicokakije yuke kta, tokaheya Wakananka taku kage cin ehan-tanhan, qa dehanyan takudan iyecece šni, qa nakun tokata ekta iyecece kte šni.

20 Unkan Itancan kin anpetu kin hena yuptecedan šni kinhan, wicacelpi takudan ni kte šni; tuka wicakahņigapi tona wicakahņige cin hena on anpetu kin hena yuptecedan.

21 Unkan hehan tuwe; Iho, Messiya hen yanka ce, qa iš; Kan yanka ce, eniciyapi ešta, wicadapi šni po.

22 Messiya itonpišni qa wicašta wokcan itonpišni kin heca icagapi kta, qa wowapetokeca taku wowinihan ko econpi kta, okihipica unkanš wicakahņigapi kin hena eepi kaeš wicahnayanpi kta tuka.

23 Tuka iwanihdaka po; iho, itokam hena ociciyakapi.

24 Tuka anpetu kin hena en, wicokakije kin iyohakam, anpetu wi kin aotpasyapi kta, qa hanyetu wi kin iyoyanpa kte šni?

25 Qa małpiya wicanłpi kin hinłpaye kta, qa małpiya ekta wowasake kin yuhuhuzapi kta.

WICOWOYAKE 14.

26 Unkan hehan Wicašta Cinhintku kin wowaśake tanka wowitan ko hduha mahipiya śapa akan u wandakapi kta.

27 Unkan hehan obnihdewicaye cin hena ye wicaśi kta, qa tate ouye topa kin etanhan, maka ihanke kin etanhan qa mahipiya ihanke kin hehanyan, wicakalnige cigon hena witaya wicakpahi kta.

28 Suken can kin etanhan wi-yacinpi kin de okañniga po: Can intpa kin hinañin wankadan, qa etanhan ape icage cinhan, hehan mdoketu wanna ikiyedan sdon-yayapi ece.

29 He iyececa, niś tohan dena owasin iyecetu wandakapi kinhan, wanna ikiyedan, tiyopa kin etu, e sdonya po.

30 Awicakehan heciciyapi, wicoicage kin de tokan iyaye śni, ecen dena owasin econpi kta.

31 Mahipiya maka ko tokan iyaye kta, tuka mioie kin hena tokan iyaye kte śni.

32 Tuka anpetu kin he, qa wihiyayedan oape kin he tuwedan sdonye śni, mahipiya ohnihde kin heepi kaeś, qa nakun Cinhintku-yapi kin; tuka Ateyapi kin ecedan sdonya.

33 Iwanihdaka po, wakta unpi qa cekiya po; tohan iyehantu kte cin sdonyayapi śni nakaes.

34 Wicašta wan icimani ye kte cin, tipi ehpeye qa taokiyewicaye cin taku econ wicaśi, otaiyohi wicohan wicaqu, qa tiawan-yake cin he awanyake śi, he iyececa.

35 Heon etanhan waktaya un po; tipi ohna itancan kin tohan hdi kta sdonyayapi śni, hitayetu, qa hanye cokaya, qa anpaohoton-na hoton, qa is hanhanna kinhan.

36 Okinni ihnuhanna hdi kinhan niśtinmapi iyeniyampi kta.

37 Unkan taku eciciyapi kin he owasin ewicawakiya ece, Waktaya un po.

WICOWOYAKE 14.

1 Anpetu nenpa iyohakam hehan woacakśin qa aguyapi napohiyapi śni: Unkan wośnapi kagapi wowapi kagapi ko token hnayan yuzapi kta akitapi, ktepi kta e heon.

2 Tuka heyapi; Wośnapi anpetu kin hehantu kte śni; okinni oyate kin owodutaton kta.

3 Unkan Bethani etu, Simon lepros ececa qon he ti kin en wota iyotanka, hehan winohinca wan inyan opiye wan wihdi waśtemna tehike hinca he yuha hi, qa opiye kin yuhdoke qa iye pa kin akaśtan.

4 Unkan hen wanjikji cante mahen iyokipipi śni qa heyapi; Tokeca wihdi waśtemna kin hecen yutakunipi śni he.

5 Wihdi waśtemna kin de kaśpapi opawinge yamni sanpa iyo-peyapi qa wahpanica wicaqupi kta tuka. Hecen winohinca qon icaptapi.

6 Unkan Jesus heya; Ayuśtan po; tokeca nagiyeayapi he. Wicohan waśte wan ecamicon.

7 Wahpanicapi kin ohinnian wicayahduhapi, qa tohan yacinpi kinhan tanyan ecawicayeconpi kta oyakihipi; tuka miye ohinnian mayaduhapi śni.

8 Taku okihi kin ecen econ; matancan ħapi kte cin on itokam sdaye kta on hi.

9 Awicakehan heciciyapi; Maka kin owancaya tukten wotanin waśte kin de oyakapi kinhan, winohinca kin de nakaha taku econ kin he oyakapi kta, wokiksuye kta e heon.

10 Unkan Judas Iskariot, ake-

nonpapi kin wanji ee, woŋnapi kagapi kin ekta ya, he hnayan wicaqu kta heon.

11 Unkan he naŋonpi qehan wiyuŋskinpi, qa mazaska qupi kta keciyapi. Unkan token tanyan hnayan wicaqu kta he akita.

12 Unkan aguyapi napoŋye ŋni anpetu tokaheya en woŋna ktepi ece kin hehantu, waonspewicakiye cin heciyapi; Tukten woacakŋin woŋnapi yate kta wiyeya eunhnakapi kta yacin he.

13 Unkan waonspewicakiye cin nom ye wicaŋi, qa hewicakiya; Otonwe kin en ya po, kinhan wicaŋta wan mini ohna wakiŋkotpa wan qin itkonicipapi kta, he ihakam ya po.

14 Qa tukte en tin kihde cinhan, tipi tawa kin heciya po; Waonspekiye cin heya ce; Wankan tipi kin tukten waonspewicawakiye cin om woŋnapi kin wate kta tukte e he.

15 Unkan wankan tipi wan tanka, tanyan yuŋtanpi qa wiyeya yanka, nicipazopi kta; hen wiyeya eunkicihnaka po.

16 Unkan waonspewicakiye cin iyayapi, qa otonwe kin en ipi, qa token ewicakiye cin hecen iyeyapi; unkan woŋnapi kin wiyeya ehnakapi.

17 Unkan wanna hitayetu hehan akenonpapi kin om en hi.

18 Unkan wota iyotankapi icunhan Jesus heya; Awicakehan heciciyapi; Mici wayatapi kin wanji wiyopemayayapi kta.

19 Hehan iyokiŋŋica binhdapi, qa otoiyohi heciyapi; He miye he; qa ake wanji, He miye he, eyapi.

20 Unkan hewicakiya; Akenonpapi kin etanhan wanji wakŋica ohna mici oputkan kin hee ce.

21 Wicaŋta Cinhintku kin awi-

cakehan token wowapi en kagapi qon he iyecen iyoopta ya, tuka wicaŋta kin tuwe Wicaŋta Cinhintku kin wiyopeye cinhan, he wotehi yuhe kta; wicaŋta kin he tohinni tonpi ŋni unkanŋ waŋte kta tuka.

22 Unkan wotapi icunhan Jesus aguyapi icu, yawaŋte, qa kiyuŋpa, qa wicaqu, qa heya; Icupi qa yuta po; mitancan kin he dee.

23 Nakun wiyatke kin icu; qa yawaŋte hehan wicaqu. Unkan owasin etanhan yatkanpi.

24 Unkan hewicakiya; Wicotakuye teca kin en, mawe kin he dee, wicota on papsonpi.

25 Awicakehan heciciyapi; Detanhan wiyuwi waskuyeca etanhan icimana mdatke kte ŋni, anpetu wan en Wakantanka tokiconze kin en teca mdatke kte cin hehanyan.

26 Unkan odowan wan ahiyayapi hehan Oliwe Paha kin ekta iyayapi.

27 Hehan Jesus hewicakiya; Hanyetu kin de miye on iyulpa nihicahanpi kta; kaken wowapi en kagapi qon, Waawanhdake kin he awape kta, hecen tahinca wanunyanpi kin mdecahanpi kta ce.

28 Tuka ake wakini iyohakam, Galile ekta nitokam imdamde kta.

29 Tuka Inyan heciya; Owasin hicahanpi eŋta, miye qe ecamon kte ŋni.

30 Unkan Jesus heciya; Awicakehan heciciya; Anpetu kin de, hanyetu kin de en, anpaohottonna nonpa hoton ŋni, ecen yamni akihde anamayakiŋbe kta.

31 Hehan iyotan nina kitan hinca; Cicimaŋta eŋta anaciciŋbe kte ŋni. Iyulpa nakun iyecen eyapi.

32 Unkan wojupi wan en ipi, Gethsemane eciyapi; hehan waonspewicakiye cin hewicakiya; Den iyotanka po, icunhan cewakiye kta.

33 Unkan Inyan qa Jakob qa Johannes hena iwicacu, hehan inihan qa nina iyokisica hinbda;

34 Qa hewicakiya; Minagi nina iyokisice hinca, maŕe kta iyececa; den yukaupi qa waktaya un po.

35 Unkan hetanhan kitan ecinyan iyoopta ye ɕa, makata ihpaye ɕa cekiya, okihipica kinhan, wihiyayedan oape kin he token iyaye kta.

36 Unkan heya; Abba, Ate, niye ekta taku owasin okihipica; wiyatke kin de emiciyaku wo; tuka miŕ taku wacin kin hee kte ŕni, taku yacin kin he hecetu kta.

37 Hehan en hdi, qa iŕtinmapi iyewicaya, unkan Inyan heciya; Simon niŕtinma he; wihiyayedan oape wanjidan kiktahan yaun kta oyakihi ŕni he.

38 Kiktahan unpi qa cekiya po; okinni taku wawiyutanyan un kin en yaipi nun ce; wicanagi kin he awicakehan wicada, tuka wicacehi kin waŕake ŕni.

39 Unkan ake iyaye ɕa cekiya, qa wicoie un qon hena ake ecen eya.

40 Unkan ake en hdi qehan, ake iŕtinmapi iyewicaya, iŕta hbapi hinca, unkan token ayuptapi nun tanin ŕni.

41 Unkan iciyamni en hdi, qa hewicakiya; Iŕtinma po qa ozi-iciya po; wanna henakeca, wihiyayedan oape kin wanna iye-hantu; wanyaka po, Wicaŕta Cinhintku kin walitanipi sa napipi kin en hnayan wicaqupi.

42 Najin po, unyanpi kta; iho, tuwe mahnaye cin he wanna kiyedan u ce.

43 Unkan ecahankeya, iahan icunhan, Judas hi, akenonpapi kin wanji ee, qa kici wicota hinca, mazasagye can oŕoza ko yuhapi, woŕnapi kagapi, wowapi kagapi, qa wicahincapi kin etanhan upi.

44 Unkan tuwe hnayan wicaqu kte cin he iwaktawicaye ɕa; Tuwe i iwaputake cinhan hee kta; yuzapi qa tanyan akiyahda po, eya.

45 Unkan en hi qehan, ecahankeya en ye ɕa, Itancan, Itancan, eciye ɕa, i itputaka.

46 Hehan nape ahnakapi qa yuzapi.

47 Unkan wanji en najinpi kin mazasagye ehdaku, qa woŕnapi kagapi itancan taokiye wanji ape ɕa noge baŕpa.

48 Unkan Jesus waayupte ɕa hewicakiya; Wamanon sa takpe hipi iyececa, mazasagye can oŕoza ko yuha mayaduzapi kta on yahipi he.

49 Anpetu eca tipi wakan kin ohna ocipapi qa waonspekiya waun, tuka mayaduzapi ŕni; tuka wowapi wakan kin yuecetupi kta.

50 Hehan owasin ehpeya najicapi.

51 Unkan koŕka wan ihakam ya, tancodan un tuka minihuha ska tancan iyakipemni. Unkan koŕkapi kin hena yuzapi;

52 Hehan minihuha ska kin he ehpeya, qa tancodan kihda.

53 Unkan Jesus woŕna kagapi itancan kin ekta ayapi; qa hen woŕnapi kagapi, wicahincapi, wowapi kagapi ko owasin mnicapi.

54 Unkan Inyan itehan ihakam u, qa woŕna kagapi itancan ti kin en hi; qa ookiyewicayapi kin om iyotanke ɕa peta kin en cosiciya.

MARKOS.

55 Unkan woŋnapi kagapi qa omniciye ocowasin tuwe Jesus on taku oyakapi kta odepi, ktepi kta e heon, tuka takudan iyeyapi ŋni.

56 Wicota itonŋniyan woyakapi, tuka taku oyakapi kin ocitkonze ŋni.

57 Hehan wanjikji inajinpi, qa itonŋniyan taku iyaonpapi, qa heyapi :

58 Unkiye, Tipi wakan nape on kagapi kin de ihangwaye kta, qa anpetu yamni hehan wanji tokeca nape codan kagapi kin he wakage kta ce, eya naunhonpi ce.

59 Tuka is eya taku oyakapi kin ocitkonze ŋni.

60 Hehan woŋna kagapi itancan kin wicacokaya inajin, qa Jesus iwange ça; Dena taku iyanionpapi kin takudan adupte ŋni he, eya.

61 Tuka iye inina un qa takudan ayupte ŋni. Ake woŋna kagapi itancan kin wiwange ça heciya; Messiya, Iyotan Waŋte Cinhintku kin he niye he.

62 Unkan Jesus heya; He miye; qa Wicaŋta Cinhintku kin wowaŋake etapa eciyatanhan iyotanke ça, mahpiya ŋapa akan u wandakapi kta ce.

63 Hehan woŋna kagapi itancan kin wokoyake hdupote ça heya; Taku on woyakapi sanpa uncinpi kta he.

64 Wayaŋŋice cin he niye naya-honpi : token idukcanpi he. Unkan owasin, te kta iyececa, yacopi.

65 Hehan wanjikji atagoŋapi qa ite ogekicitonpi, qa apapi qa; Wokecan wo, eciyapi. Unkan ookiye unpi kin is eya nape on apapi.

66 Unkan Inyan ihukuya tipi kin ohna yanka; hehan woŋna

kagapi itancan winyan wowidagwicaye cin wanji en hi;

67 Qa Inyan petiŋkan yanka wanyake cehan en etonwe ça heya; Qa niŋ eya Jesus Naza-reth kici yaun qon.

68 Tuka anakihbe ça heya; Taku ehe cin he sdonwaye ŋni, qa nakun owakaŋnige ŋni ce. Hehan tankan ohanzi hdepi kin ekta iyaya : unkan anpaohoton-na wan hoton.

69 Unkan ake wikoŋka wan wanyake ça, tona en najinpi kin hewicakiya; De is nakun he-tanhan.

70 Unkan is ake anakihman. Hehan kitan ecinyan iyohakam tona en najinpi kin ake Inyan heciyapi; Awicahehan niŋ he-nitanhan; Galile wicaŋta heni-ca; qa iyae cin he iyececa ce.

71 Tuka iye wayaŋŋice ça taku wakan cajeyata; Wicaŋta kin de cajedatapi kin ecaca sdon-waye ŋni ce, eya.

72 Hehan inonpa anpaohoton-na kin hoton. Unkan hehan In-yan Jesus taku eciye ciqon; An-paohotonna nonpa hoton ŋni, yamni akihde anamayakihbe kta ce, wicoie kin he kiksuya. Unkan he awakicin hehan ceya.

WICOWOYAKE 15.

1 Unkan wanna anpao, hehan woŋnapi kagapi qa wicaŋincapi, wowapi kagapi ko omniciye ocowasin om he aiapi, qa Jesus kaŋkapi, qa ekta ayapi qa Pilate qupi.

2 Unkan Pilate wiwanga; Ju-da oyate Wicaŋtayatapi kin he niye he. Unkan Jesus ayupte ça, Niye ecen eha ce, eya.

3 Unkan woŋnapi kagapi kin taku ota iyaonpapi; tuka taku-dan ayupte ŋni.

4 Unkan Pilate ake wiwange
 ça; Takudan adupte śni he;
 iho, taku ota iyanionpapi ce,
 eya.

5 Tuka Jesus takudan ayupte
 śni; hecen Pilate yuśinyaya.

6 Wośnapi kin de ekta wica-
 kaśkapi wanji wicakiciyukca
 ece, wanji tukte cinpi kinhan.

7 Unkan wanji Barabbas eci-
 yapi, he tona om inajin qon ka-
 śkapi yanka, he inajinpi qehan
 nakun tinwicakte.

8 Unkan oyate kin; token econ
 ece qon he iyecen ecawicakicon
 kta, panyehan keciyapi.

9 Tuka Pilate awicayupte ça;
 Juda Wicaśtayatapi kin he cici-
 yucapi kta yacinpi he.

10 Wośnapi kagapi kin win-
 wizipi on kahipi e sdonya.

11 Tuka wośnapi kagapi kin
 oyate kin wahokonwicakiyapi,
 Barabbas he wicakiyukca kta e
 heon.

12 Unkan Pilate ake awica-
 yupte ça; Hehan tuwe Juda
 Wicaśtayatapi eyakiyapi kin he
 token ecamon kta yacinpi he,
 ewicakiya.

13 Unkan ake panyehan heya-
 pi; Icipaweh okatan wo.

14 Hehan Pilate hewicakiya;
 Tokeca, taku śica econ kin tu-
 kte e he. Unkan hehan iyotan
 nina; Icipaweh okatan wo, pan-
 yehan eyapi.

15 Unkan Pilate oyate kin iyo-
 kipiwicaye kta cin, heon Barab-
 bas wicakiciyukca, qa Jesus
 kapsinsinta hehan icipaweh
 okatanpi kta wicaqu.

16 Unkan akicita kin tipi wan
 tanka, Pretorium eciyapi, he
 ekta ayapi; qa wicobe ocowasin
 wicakicopi.

17 Unkan śina duta wan inki-
 yapi, qa wapaha wan wapepeka
 on kazontapi qa unkiyapi.

18 Qa hehan okiyapi, Iho, Juda
 Wicaśtayatapi kin.

19 Qa cedi tanka wan on pa
 kin en apapi, qa atagośapi, qa
 canpeśka makehde inajinpi, qa
 ohodapi.

20 Unkan hecen ihaħapi, hehan
 śina duta kin ikicicupi, qa iye
 tawokoyake qon ake kićunki-
 yapi. Hehan icipaweh okatan-
 pi kta e ekta ayapi.

21 Unkan Simon, Kurene wi-
 caśta, en hiyaya, he Alexander
 qa Ruphus atkuku kin, makoce
 kin etanhan u kin he can susbeca
 tawa kin kicićinkiyapi.

22 Unkan Golgotha owanka
 kin en ahipi, he, Wicapahu ma-
 koce, eyapi kin he kapi.

23 Unkan miniśa pejihuta ica-
 hiyapi kin he yatke kta e qupi;
 tuka wicada śni.

24 Unkan wanna icipaweh oka-
 tanpi, hehan tawokoyake qon ki-
 cipamnpi, qa on oeconna econpi,
 wicaśta otoiyohi taku icupi kta.

25 Unkan wanna wihiyayedan
 oape yamni, hehan icipaweh
 okatanpi.

26 Unkan taku iyaonpapi wo-
 wapi iwankam owapi kin, JUDA
 WICAŚTAYATAPI KIN, hee.

27 Unkan kici wamanon sa
 nom icipaweh owicakatanpi,
 wanji etapa eciyatanhan, qa
 unma catka eciyatanhan.

28 Hecen wowapi kagapi qon
 yuecetupi; Qa waħtanipi sa om
 yawapi ce, eya.

29 Unkan tona en hiyayapi kin
 hena yaśicapi, poptanptanpi qa
 heyapi; Iho, tipi wakan kin
 ihangyaye kta, qa anpetu yamni
 ake piya yakage kta:

30 Ito, niicīya wo, qa cansu-
 sbeca kin etanhan kun ku wo.

31 Nakun wośnapi kagapi kin
 ihaħapi, qa wowapi kagapi om
 iye iyakitedan hekiciyapi; Wi-

cašta tokeca niwicaya ece, tuka iye atayedan niiciye kta, okihi sni.

32 Messiya Israel Wicaštaya-tapi kin, ito capsusbeca kin etanhan kun hdiu kta, hecen wanunyakapi qa wicaundapi kta. Unkan tona kici icipaweli owicakatanpi qon is eya ihahiapi.

33 Unkan wihiyayedan oape isakpe, hehan maka kin owan-caya otpaza, oape inapcinwanka lehanyan.

34 Qa wihiyayedan oape inapcinwanka, hehan Jesus hotan-kakiya panyehan; Eloī, Eloī, lama sabakthani, eya: Wakan-tanka mitawa, Wakantanka mitawa, tokeca ehpemayaya he, eyapi kin he kapi.

35 Unkan en najinpi wanjikji he nahonpi qehan heyapi; Iho, Elias kipan.

36 Unkan wangi inyang ye ça, mini iyulhepe wan miniskuya en oputkan, qa can icam yatkekiye kta, qa heya; Hinnakahana po, Elias kun eyaku kta on hi kinhan wanunyakapi kta.

37 Unkan Jesus hotankakiya hotanin, qa taniya hiyuya.

38 Unkan tipi wakan cokaya ozanpi qon he owangya okinahdece ça, wankan tanhan qa kun ihanke kin aiyahdeya.

39 Unkan akicita opawinge wicayuhe cin iyotakons najin, he hecen pan qa taniya hiyuya wanyaka, hehan heya: Awicakehan wicašta kin de Wakantanka Cinhintku kin hee.

40 Nakun winohinca itehan tanhan wanyag yukanpi: Mary Magdalene, qa Mary, Jakob cistinna qa Joses hunku kin, qa Salome, hena opapi.

41 Galile en un qon he ehan ihakam unpi qa okiyapi ece kin hena eepi, qa nakun winohinca

toktokeca kici Jerusalem en hipi qon.

42 Unkan wanna hitayetu, Ihdu-wiyeyapi kta anpetu, anpetu wakan kin itokam anpetu kin hee, heon.

43 Joseph, Arimathea etanhan, weope aiekuyapi owotama, qa nakun Wakantanka tokiconze kin ohinnian ape un kin he u, qa waditagya Pilate en ye ça, Jesus tancan kin kida.

44 Unkan wanna ta hecinhan Pilate yušinyaya: heon akicina opawinge wicayuhe cin he kico, qa wanna wanakaja tanhan ta hecinhan he iwanga.

45 Unkan akicita opawinge wicayuhe cin he ecen okiyaka, hehan tancan kin Joseph qu.

46 Unkan he minihuha ska wašte opeton, qa tancan kin kun eyaku, qa minihuha ska kin iyapemni, qa wicahapi ohdoka wan imnija en kagapi, he en ohnaka, qa inyan tanka wan wicahapi ohdoka i kin en eonpa.

47 Unkan Mary Magdalene qa Mary Joses hunku kin hena tukten hnakapi kin he wanyakapi.

WICOWOYAKE 16.

1 Unkan anpetu wakan kin wanna owihanke, hehan Mary Magdalene, qa Mary Jakob hunku, qa Salome hena tancan kin sdapi kta on pejihuta waštema aapi:

2 Unkan anpetu tokaheya hanhanna hinca, wicahapi ohdoka kin en hipi, wanna wi hinanpa hehantu.

3 Unkan hekiciyapi: Tuwe wicahapi ohdoka i kin etanhan inyan kin yutokan iyeunkiciyapi kta he.

4 Unkan ekta etonwanpi, hehan inyun, inyan kin wanna yutokan iyeyapi; he tanka hinca.

5 Unkan wicahapi ohdoka kin mahen ipi, hehan koska wan etapa eciyatanhan iyotanka, woyake ska hanska koyaka, he wanyakapi; unkan yusinyayapi.

6 Tuka iye hewicakiya; Ihnuhan niyusinyayapi kinhan; Jesus Nazareth etanhan, icipaweli okatanpi qon he oyadepi; wanna ihduekicetu; den wanke sni; tukten hnakapi qon he wanyaka po.

7 Tuka nis hda po, qa waonspe-wicakiye cin, qa Inyan nakun, nitokam Galile ekta ye kta, heciya wanyahdakapi kta, eniciyapi qon iyececa, he owicakiyaka po.

8 Unkan hecen koyahanna hdi-cupi, qa wicahapi ohdoka kin etanhan najica kihdapi; nina cancanpi qa yusinyayapi; qa tuwedan takudan eciyapi sni, inihanpi nakaes.

9 Unkan anpetu wakan anpetu tokaheya hanhanna hinca, *Jesus* ihduekicetu hehan, Mary Magdalene, etanhan taku wakan sica sakowin ehpekiciye ciquon, he tokaheya en taniniçiya.

10 *Hehan* iye hde ça, tona om un qon iyokisicapi qa ceya yukanpi kin owicakiyaka.

11 Unkan hena, wanna kini, qa he wanyaka keya ohdaka nahonpi esta, wicadapi sni.

12 Hehan iyohakam etanhan wicasta nom inakoce ekta ici-

mani yapi, hehan icunhan en taniniçiya.

13 Hena unmapi kin hosı wicakakipi, tuka nakun wicadapi sni.

14 He iyohakam akewanjipi wota iyotankapi icunhan en taniniçiya, qa wacetunhdapi qa cante sutapi on iyopewicaya; kini iyohakam tona wanyakapi kin heepi kaeş wicawicadapi sni heon.

15 Unkan hewicakiya; Maka kin owancaya ya po, qa wicasta otoiyohi wotanin waste kin owicakiyaka po.

16 Tuwe wicada qa baptem qupi kinhan he ni kta; qa tuwe wicada sni kinhan he yacopi kta.

17 Qa tona wicadapi kin hena wowapetokeca dena yuhapi kta; Micaje kin on taku wakan sica tankan ehpeyapi kta; wicaceji tokeca on iapi kta;

18 Sintelida yuwankan icupi kta; qa pejihuta sica yatkanpi esta etanhan itokecapi kte sni; wayazankapi kin nape awicahnakapi kta, kinhan asnipi kta ece.

19 Hecen Itancan kin owicakiya, hehan mahpiya ekta eyakupi, qa Wakantanka etapa eciyatanhan kiyotanka.

20 Unkan hena iyayapi, qa owancaya woyakapi; qa Itancan kin wicohan tanka econwicakiye cin on wicoie kin yuecetu ece. Amen.

LUKAS

WOTANIN WAŠTE TAWA.

WICOWOYAKE 1.

1 Taku tona ceṭunhdašniyan wicaundapi kin hena wicota hdaheya oyag utapi;

2 Tona otokahe ehantanhan išta on wanyakapi qa wicoie oyakapi ece kin hena token un-kokiyakapi qon he iyececa:

3 Heon etanhan miš eya, taku kin hena owasin otokahe hinca ehantanhan tanyan owakahnige cin on, Taku Wakan waštedaka iyotan wašte, hena hdaheya wo-wapi cicage kta iyomakipi.

4 Hecen taku onspeniciyapi qon hena wicakapi e tanyan sdonyaye kta.

5 Herod Juda wicaštayatapi taanpetu kin en wawayušna wan Zacariyas eciyapi, Abia optaye kin hetanhan; qa tawicu kin iš Aaron cunwintkupi kin etanhan; unkan he Elisabeth eciyapi.

6 Hena sakim Wakantanka itokam owotanpidan, qa Itancan tawoahope qa wicoope tawa kin owasin omanipi, iyaonpepica šni unpi.

7 Unkan Elisabeth hokšin yuhe šni un, qa hecen cinca nicapi; unkan sakim wanna kanpi.

8 Unkan iye optaye kin ohna wošna wicohan kin Wakantanka itokam econ eca,

9 Tipi wakan Itancan tawa kin timahen iyaya eca, waazintonpi econ šipi ece, wošna wicohan econpi kin eciyatanhan.

10 Unkan waazintonpi icunhan,

oyate kin owasin itankan cekiya hiyeya.

11 Unkan Itancan taohnihde wan en taniničiya, qa wahna azintonpi kin etapa tanhan hina-jin.

12 Unkan Zacariyas he wanyake cehan. wacin iyokišice qa wakokipe hinca.

13 Tuka ohnihde wakan kin heciya; Wakokipe šni wo, Zacariyas; wocekiye nitawa kin nahonpi; qa nitawin Elisabeth hokšidan wan niciyuhe kta, unkan he Johannes eya cašyakiton kta.

14 Qa he on wowiyuškin wopida ko duhe kta, qa tonpi kin on wicota iyuškinpi kta.

15 Qa iye Itancan kin itokam tanka kta; qa miniša miniwakan ko takudan yatke kte šni; qa hunku ikpi kin etanhan Woniya Wakan kin on ojudan kta.

16 Unkan iye Israel cinca kin wicota Itancan Wakantanka tawapi kin ekta wicayahonni kta.

17 Qa Elias toksape qa towašake kin yuha itokam ye kta, qa atewicayapi cincawicayapi kin kici cante wicayuokonwanjidan. qa wanahonpi šni kin hena owotanna unpi wicoksape kin ekta wicayuhonni kta; qa oyate wan Itancan on ihduštanpi kin wiycya kicihnake kta e heon etanhan.

18 Unkan Zacariyas ohnihde wakan kin heciya: Wanna wi-macahinca, qa mitawin wanna kan; hecen taku on de sdonwaye kta he.

19 Unkan ohnihde wakan kin waayupte ça heciya; Gabriel, Wakantanka itokam najin kin he miye; qa ociciye ça, wotanin wašte kin de sdonyeciciye kta e u mašipi.

20 Unkan iho, mioie kin tohan iyehantu kinhan yuacetupi kte cin he wicayada šni kin he on, tohanyan yuacetupi šni kin hehanyan, ie šni, qa ia okitpani yaun kta ce.

21 Unkan oyate kin Zacariyas ape hiyeye, ça tehan tipi wakan kin ohna yanke cin on etanhan inihanpi.

22 Unkan tankan hdicu qehan, owicakiye kte cin okitpani: unkan namwicakicawin, qa ie šni un; on etanhan tipi wakan kin ohna taku wakan wanji wanyaka e iyukeanpi.

23 Unkan wicohan econ ece kin anpetu kin wanna ihunnikiya, hehan iye ti kin ekta kihda.

24 Unkan anpetu kin hena iyo-hakam tawicu Elisabeth hokšin itpihnaka; unkan wi zaptan hehanyan inalibe, ça heya;

25 Anpetu kin en, Itancan kin wicašta kin taku i en mahdepi qon he emiciyaku kta on ahimatonwe qehan, decen ecamicon ce.

26 Unkan wi isakpe kin en, Gabriel ohnihde wakan kin Wakantanka etanhan u šipi; Galile ekta, otonwe wan Nazareth eciyapi kin hetu;

27 Wikoška wan wicašta wan Joseph eciyapi, Dawid wicowazi tawa kin etanhan, yuze kte cin he ekta; unkan wikoška kin Mary eciyapi.

28 Unkan ohnihde wakan kin he en hi qa heciya; Wiyuškin wo, wašteya yaun kin; Itancan kin niciun, winohinea owicapeya niye niyawaštepi ce.

29 Unkan he wanyake cehan, oie kin on inihan, qa okiyapi kin de taku kta hecinhan he awacin un.

30 Unkan ohnihde wakan kin heciya; Mary, wikoše šni wo; Wakantanka ekta wowašte iye-yaya.

31 Qa iho, hokšin itpiyahnake ça hokšidan wan yaton kta, qa Jesus eya cašyakiton kta.

32 Iye tanka kta, qa Iyotan Wankantu kin Cinhintku kin eciyapi kta; qa atkuku Dawid tohe kin Wakantanka Itancan kin hduhekiye kta.

33 Qa Jakob ti kin he ohinniyen idake kta; qa wokiconze tawa kin okiciwihanke kte šni ce, eya.

34 Hehan Mary ohnihde wakan kin heciya; Wicašta sdonye šni waun kin heon, de token on iyecetu kta he.

35 Unkan ohnihde wakan kin waayupte ça heciya; Woniya Wakan kin en niu kta, qa Iyotan Wankantu towašake kin aohanziniye kta, qa hecen taku wakan wan yaton kte cin he Wakantanka Cinhintku kin eciyapi kta.

36 Unkan inyun, Elisabeth ičepanšiyaye cin, he wakanka tuka is eya wanna hokšin itpihnaka ce, qa hokšin yuhe šni eciyapi qon, he wanna wi kin de isakpe.

37 Wakantanka ekta taku okihipica šni wanica ce.

38 Unkan Mary heya; Itancan ookiyemaye cin wanmayaka we; nioie kin iyecen ecamiconpi nunwe. Hehan ohnihde kin elipeya kihda.

39 Unkan anpetu kin hena en Mary inajin, qa koyahanna hoški makoce kin, Juda otonwe wan ekta iyaya:

40 Qa Zacariyas ti kin en tin iyaye, ça Elisabeth okiya.

41 Unkan Elisabeth Mary ia nahon qehan, itpi mahen hoksiyoqopa kin shehanhan; hehan Elisabeth Woniya Wakan kin ojudan:

42 Qa hotankakiya hotanin, qa heya; Winohinca opeya niye niyawaštepi, qa niitpi kin etanhan icage kte cin he yawaštepi ce.

43 Qa Itancan mitawa hunku kin ekta mahi kte cin de token kapi he.

44 Inyun, iyae cin noge iyo-hipemaye çehan, hecehnana mii-tpi mahen hoksiyoqopa kin woyuſkin on shehanhan.

45 Unkan tuwe wicada qon he yawaštepi: Itancan kip taku eciye ciqon hena ecen yuſtanpi kta ce, eya.

46 Unkan Mary heya; Minagi kin Itancan kin yatan;

47 Qa mitaniya kin he Wakan-tanka Wanikiya mitawa kin on iyuſkin ece.

48 Taokiye kuya un kin ekta ahimatonwan on etanhan inyun, detanhan wicoicage kin owasin yawaštepi emakiyapi kta ce.

49 Tuwe waſake cin he taku hinca ecamicon; unkan caje kin wakan ce.

50 Tona kokipapi kin hena wicoicage qa wicoicage kin onſiwicakida ece.

51 Iye isto kin on wowaſake hdutanin; witantanpi kin hena taku cante mahen wacinyuzapi kin en wicayuomdeca.

52 Waſakſakapi kin oyanke etanhan kun hdicuwicaye ça, kuya unpi qon hena wankan wapa awicaya.

53 Wotektehdapi kin hena taku waštešte on imhanwicaye,

ça wijicapi kin iſ cokakadan token yewicaſi.

54 Iye towaonſida kiksuye cin on taokiyeye cin Israel he iciya ece.

55 Hunkakewicunyanpi owicakiye ciqon iyececa, Abraham iye cinca kin om, owihanke wanica.

56 Unkan wi yamni ecetu hehanyan Mary Elisabeth kici un, qa hehan iye ti ekta kihda.

57 Elisabeth cinca ton kte cin wanna iyehantu; unkan hokſidan wan ton.

58 Unkan ikiyedan unpi kin hena, içepanwicaye cin koya, Itancan kin nina onſikida nahonpi; hecen kici iyuſkinpi.

59 Unkan anpetu iſahdogan qehan, hoksiyoqopa kin baſidayapi kta on hipi; unkan atkuku Zacariyas caje kin he icajekiyapi.

60 Unkan hunku kin waayupte ça heya, Hiya; tuka Johannes eciyapi kta

61 Unkan heciyapi; Takuwicyayaye cin tuwedan hecen eciyapi ſni ce.

62 Unkan atkuku kin iſ token eya cajeyate kta hecinhan, he iyuteya iwangapi.

63 Unkan iſ wowapi akan kagapi wan da, qa; Johannes he caje kin ee ce, eya owa. Unkan owasin inihanpi.

64 Unkan hecehnana i kin yukawapi, qa ceji kin kiyuſkapi; unkan ie, ça Wakantanka yatan.

65 Unkan okſan tipi kin owasin wikopapi: unkan iapi kin dena owasin Juda hoſki kin owancaya yaotaninpi.

66 Unkan tona nahonpi kin owasin cante mahen awaçin unpi, qa heyapi; De taku hoksiyoqopa kta he. Unkan Wakan-tanka nape kin he kici un.

67 Hehan atkuku Zacariyas Woniya Wakan ojudan, qa wockan qa heya ;

68 Itancan Wakantanka Israel tawa kin he taoyate kin wanna wicahiyohi, qa opewicakiton, on etanhan yawaštepi nunwe :

69 Taokiye Dawid ti kin en wanikiyapi he wan yuwankan eunkicihdepi ce :

70 Maka kin tokaheya icage cin ehantanhan, wicašta wokcan wakan tawa ipi kin eciyatanhan, oie kiton kin hena iyecetu :

71 Hecen tokaunyanpi qa unkiyušepi kin hena napepi kin etanhan niunkiyapi kta ;

72 Wowaonsida hunkakewicunyanpi cajewicakiyate ciqon, he ecen econ kta, qa wokiyapi wakan tawa kin he kiksuye kte ;

73 Abraham ateunyanpi kin he taku wakanyan eciye ciqon he hee kta ce ;

74 Decen ionsiunkidapi kta, tona tokaunyanpi nape kin etanhan unkiyušpapi kinhan, woko kipe codan ohoundapi kta,

75 Iye itokam, wicoowotanna qa wicoecetu kin en, tohanyan unnipi kin hebanyan.

76 Qa niye, hokšiyogopa, Wicašta wokcan Iyotan Wankantu tawa kin eniciyapi kta ; Itancan tacanku kin wiyeya yecage kta on ite kin itokam de kta ;

77 Taoyate woahitani wicakicicajujupi kin eciyatanhan wanikiyapi sdonyapi kte cin he wicayaqu kta ;

78 Wakantanka unkitawapi canteunkiyapi kin heon etanhan ; qa heon wankan tanhan anpao kin hiyounhipi ce ;

79 Hecen otpaza qa wiconte ohanzi kin ehna iyotankapi kin hena iyoyamwicaye kta ; qa unsihapi kin wookiye canku kin ohna unkayapi kta ce, eya.

80 Unkan hokšiyopa kin icage, ça tawacin kin wašaka aya ; unkan Israel en taniničiye kte cin hebanyan, makoskan en ece un.

WICOWOYAKE 2.

1 Unkan anpetu kin hena en, Kesar Agustus, maka kin owancaya wicašta owicawapi kta, wakiconza.

2 Kurenios Suria en wicaštayatapi yanke cin he ehan tokaheya owicawapi kin de yušanpi.

3 Unkan owasin toketken tonwanyanpi qon owicawapi kta e ektakta kipi.

4 Unkan Joseph, Dawid ti qa wicowazi tawa kin hetanhan, heon is eya, Galile en Nazareth otonwe kin etanhan ye ça, Bethlehem Dawid totonwe kin ektaki ;

5 Mary tawicuye kte cin he kici owapi kta ; he wanna cinca ton kta ikiyedana.

6 Unkan hen yukanpi kin icunhan, anpetu en cinca ton kte cin wanna iyehantu.

7 Hecen cinhintku tokapa kin ton, qa šina on hduškite ça, wanunyanpi en wotapi wan en ohnaka ; timahen owicakan šni heon etanhan.

8 Unkan makoce kin he en tahincaska awanwicayakapi kin heca hanyen optaye tawapi kin awanwicahdakapi.

9 Unkan iho, Itancan taohnihde wan en wicahi, qa Itancan tawookitanin kin ohomni iyojanjanwicaya ; unkan nina wikipapi.

10 Unkan ohnihde wakan kin hewicakiya ; Wikopapi šni po ; iho, wopida tanka wootanin wašte oyate kin owancaya ecen ye kte cin, he eca hoši cicahipi ce.

11 Anpe dehan Dawid totonwe

kin en Wanikiya wan nicitonpi, Messiya Itancan kin he hee.

12 Qa on sdonyayapi kte cin he dee; Hoksiyoqopa kin sina on yuskiskitapi qa wanunyanpi en wotapi wan ohna wanka iye-yayapi kta ce.

13 Unkan ihnuhanna mahpiya ekta unpi kin wicota ohnihde wakan kin kici hiyeya, Wakan-tanka yatanpi qa heyapi;

14 Iyotan wankantu ekta Wakantanka wowitan yuha nunwe, maka akan wookiye qa wicašta ekta wicokiciyuwašte.

15 Unkan mahpiya ohnihde kin hena ehpeya wicakiyahdapi qehan, wicašta tahincaska awan-wicayakapi kin hekiciyapi; Wanna Bethlehem ekta unyanpi, qa taku hiyohi Itancan unko-kiyakapi kin de wanunyakapi kta ce.

16 Hecen koyahanna upi, qa Mary Joseph kici, qa hoksiyoqopa kin wanunyanpi en wotapi wan ohna wanka iyeyapi.

17 Unkan wanyakapi qehan, hoksiyoqopa kin on iapi nahonpi qon, he owancaya yaotaninpi.

18 Unkan tahincaska awanwicayakapi taku yaotaninpi kin he tona nahonpi kin owasin yuśin-yayapi.

19 Tuka Mary wicoie kin de-na owasin cante mahen okihna-ke ɔa awakicin un.

20 Unkan tahincaska awanwicayakapi kin hena kihdapi, qa taku nahonpi qa wanyakapi kin on Wakantanka yaonihanpi qa yatanpi; taku owicakiyakapi qon he iyececa.

21 Unkan wanna anpetu isa-hdogan, hoksiyoqopa bahdayapi kta hehan Jesus eciyapi; nahahin itpihnakapi śni he ehan mahpiya ohnihde kin hecen caš-ton.

22 Unkan Moses woope kage cin iyecen, anpetu en ihdukašote kte śni hena wanna henakeca, hehan Itancan kin qupi kta e Jerusalem ekta hdoupi.

23 Itancan woope tawa kin en owapi qon iyececa; Tona toka-papi, wica eca, otoiyoŋi Itancan kin ekta wakan eciyapi kta ce.

24 Qa nakun wawayuśnapi kta, token Itancan toope kin en eyapi qon he iyececa; Wakiyedan tawanjidan, qa is wakiyedan cinca nonpa ce.

25 Unkan iho, Jerusalem en wicašta wan Simon eciyapi; he wicašta owotanna qa cekiya ece kin heca, qa Israel Wokicanpte kin ape un; unkan Woniya Wakan kin kici un.

26 Unkan he ɔe śni itokam Itancan Messiya tawa kin he wanyake kta, Woniya Wakan kin okiyaka.

27 He Woniya kin on tipi wakan kin en tin hiyu; unkan hun-kakewicaye cin hoksiyoqopa Jesus, wicoope kin eciyatanhan ecakiconpi kta e en hdoupi;

28 Hehan adoksohan yuze, ɔa Wakantanka yawašte, qa heya;

29 Mayuha, nitaokiye kin wanna wookiye yuha iyayeyaye kta;

30 Wowanikiye nitawa kin he mišta kin on wanmdaka ce;

31 Oyate kin owasin wicitokam wiyeya yehnake cin he;

32 Ojanjan wan oyate kin ao-janjanwicaye kte cin, qa nitao-yate Israel wookitanin kin, he hee ce, eya.

33 Unkan taku eciyapi kin hena on hunku qa Joseph yu-śinuyayapi.

34 Unkan Simon wicayawašte, qa hunku Mary heciya; Iyuu, Israel en wicota hicahanpi, qa ake inajinpi kte cin on hoksi-yopa kin de ehdepi, qa nakun

wowapetokeca ienhdepi kte cin ee kta ;

35 Qa nakun mazasagye wan on nitaniya kin canipapi kte ; qa hecen wicacanteoze ota yuo-taninpi kta ce, eya.

36 Unkan waayate wanji Anna eciyapi, Phanuel cunwintku, qa Aser wicowazi kin etanhan ; he wanna wakanka hinca, qa hihmaton kin etanhan waniyetu šakowin hehanyan hihnaku kici un :

37 Qa he wanna wiwazica, waniyetu wikcemna šahdogan sanpa topa ecetu, qa tipi wakan kin en ece un, qa wote šni unpi wocekiye eya ahna on ohoda ece.

38 Unkan he hehantudan hin en u, qa is eya Itancan kin yatan, qa Jerusalem en tona ope-wicakitonpi kin ape unpi kin hena owasin Jesus cajewicakiyata.

39 Unkan Itancan wicoope tawa kin owasin ecekcen yu-štanpi qehan, Galile en iye otowe tawapi Nazareth he ekta kihdapi.

40 Unkan hokšiyopa kin icage, ça woniya kin en wašaka aye, ça wicoksape kin on ojudan ; unkan Wakantanka towašte kin he kici un.

41 Woacakšin wotapi eca, hun-kakewicaye cin waniyetu towa-nakeca Jerusalem ekta ipi ece.

42 Unkan Jesus wanna waniyetu akenonpa, hehan wotapi wicohan kin iyececa, Jerusalem ekta ipi.

43 Unkan anpetu kin yušanpi qehan, hdicupi, tuka hokšiyopa Jesus hekta Jerusalem en yanka ; tuka hunku Joseph kici he sdon-yapi šni.

44 Tuka ptaya hdapi kin en opa kecinpi, hecen anpetu wan-

jidan iyooptapi, qa takuwicayapi kici sdonkiciyapi ko wicehna okidepi.

45 Qa iyeyapi šni, hehan Jeru-salem ekta ake icicawin akin ipi.

46 Unkan yamni can, hehan tipi wakan kin en waonspeki-yapi kin wicacokam waanawica-goptan, qa wiwicawanh yanka iyekiyapi.

47 Unkan wacin ksape cin, qa waayupte cin tona nahonpi qon owasin inihanpi.

48 Unkan wanhdakapi qehan yušinyayapi ; qa hunku kin he-ciya ; Cinš, tokeca decen unko-yakihandapi he ; iho we, niyate kici wacin iyokišinya ocide ce.

49 Unkan hewicakiya ; Tokeca omayadepi he : Atewaye cin wicohan tawa kin he ito owe-cipe kta kecannipi šni he.

50 Unkan taku ewicakiye cin he okašnigapi šni.

51 Hecen om hde, ça Nazareth ekta ki, qa anawicakigoptan un. Unkan hunku kin wicoie kin dena owasin cante mahen yuha un.

52 Unkan Jesus sanpa ksape ça hanska icaga ; qa Wakantan-ka wicašta ko ekta wašteda-kapi.

WICOWOYAKE 3.

1 Unkan Tiberius Kesar wica-štatapi un waniyetu iakeza-ptan, Pontius Pilate Juda en itancan, Herod Galile en itan-can, qa iye sunkaku Philip Itu-reya qa Trakonitos en itancan, qa Lusanius Abilene en itan-can ;

2 Qa Annas Kaiaphas kici wošna kaga itancanpi qon he ehan, he-wotahedan ekta, Johannes Zaca-riyas cinhintku kin Wakantanka oie kin hiyohi.

3 Unkan he Jordan kahda ma-koce kin owancaya en u, qa woah̄tani kajujupi kta on iyopeiçiyapi baptem wicaqupi kin he oyaka:

4 Wicašta wokcan Isaya oie wowapi kin en owapi qon he iyececa; Wicaho wan tuwe makotahedan ekta heya niyan; Itancan tacanku kin wiyeya kicaga po, ocanku tawa kin kiciyuowotan po:

5 Kaksiza owasin ojuyapi, qa heyaka paha ko owasin kahukun iyeyapi kta, qa paksiks̄an kin hena yuowotanpi, qa ocanku tahtage cin hena yumdayapi kta ce;

6 Qa wicacehi kin owasin Wakantanka wowanikiye kin wanyakapi kta ce.

7 Unkan wicota baptem wicaqu kte cin en ahi kin hena hewicakiya; Wamduška wicoicage kin, tuwe wocanniye u kte cin etanhan nape nišipi he.

8 Hecen iyopeiçiyapi iyececa waskuyeca icahiya po, qa, Abraham ateunyanpi ce, cante mahen ecinpi šni po; miye heciçiyapi; Wakantanka inyan kin dena etanhan Abraham cinca kicage kta okihi.

9 Unkan is̄ eya onspe kin wana can hute kin en ehnakapi; heon etanhan can kin tona waskuyeca wašte aicage šni kin hena owasin kawankapi qa petan ehpeyapi cce.

10 Unkan oyate kin, Hehan unkiye token econkupi kta he, eya iwangapi.

11 Waayupte ça hewicakiya; Tuwe onhdohda nonpa yuhe cinhan, he tuwe nice cin unma qu kta; qa tuwe woyute ton kinhan, is̄ eya ecen econ kta ce.

12 Hehan wamnayanpi kin is̄ nakun baptem wicaqu kta on, en

hipi qa heciyapi; Waonspekiye, unkiye token econkupi kta he.

13 Unkan hewicakiya; Waki-conzapi kin isanpa kicapi šni po, eya.

14 Unkan akicita kin is̄ eya wiwangapi qa heciyapi; Qa unkiš token econkupi kta he. Unkan hewicakiya; Wicašta kin tuwedan wakokipe kicagapi šni, qa tuwedan oitonšniyan taku iyaonpapi šni po; qa wokajuju niçupi kin he on cante wašte po.

15 Unkan oyate kin owasin wakta hiyeya, qa wicašta owasin Johannes on awacinpi, he Messiya kin hee, qa is̄ hee šni hecinhan;

16 Hehan Johannes waayupte ça owasin hewicakiya; Awicakehan mini on baptem ciçupi; tuka wanji mikapeya wašaka u, he iye tahanpe hankpan kin weciyuške kta iyemacece šni; he qe Woniya Wakan peta ko on baptem niçupi kta.

17 He iye wicaduge nape ohna hduhe, ça owanka tawa kin tanyan hduska kta; qa aguyapi su kin he tpahi, qa canwohnaka kin en okihnake kta; tuka ha kin e peta kasnipica šni wan on hiuhnaliye kta ce, eya.

18 Unkan wahokonwicakiye cin en taku toktokeca nakun ota oyate kin owicakiyaka.

19 Unkan Herod wicašta itancan kin, iye sunkaku tawicu Herodias hee on, qa taku šica Herod econ kin owasin on iyopeya;

20 Hecen taku owasin sanpa akicage ça, wicakaška tipi kin en Johannes kaška hnaka.

21 Unkan oyate kin owasin baptem wicaqupi, qa Jesus is̄ eya baptem qupi, qa cekiya un qehan, mahpiya kin yuzamnipi;

22 Qa Woniya Wakan kin wakiyedan kahya tantorryan kun u,

ga en iyaban; unkan mahipiya eciyatanhan wicaho wan hiyu, qa heya; Micinksi wastewakidake cin he niye; niye on iyo-makipi hinca.

23 Unkan Jesus iye wanna waniyetu wikcemna yamni kta, Joseph cinhintku kin hee kecinpi, he Heli etanhan,

24 He Matthat etanhan, he Lewi etanhan, he Melki etanhan, he Janna etanhan, he Joseph etanhan,

25 He Mattathias etanhan, he Amos etanhan, he Naum etanhan, he Esli etanhan, he Nagge etanhan,

26 He Maath etanhan, he Mattathias etanhan, he Seme etanhan, he Joseph etanhan, he Juda etanhan,

27 He Joanna etanhan, he Resa etanhan, he Zorobabel etanhan, he Salathiel etanhan, he Neri etanhan,

28 He Melki etanhan, he Addi etanhan, he Kosam etanhan, he Elmodam etanhan, he Er etanhan,

29 He Jose etanhan, he Eliezer etanhan, he Jorim etanhan, he Matthat etanhan, he Lewi etanhan,

30 He Simeon etanhan, he Juda etanhan, he Joseph etanhan, he Jonan etanhan, he Eliakim etanhan,

31 He Melea etanhan, he Menan etanhan, he Mattatha etanhan, he Nathan etanhan, he Dawid etanhan,

32 He Jesse etanhan, he Obed etanhan, he Booz etanhan, he Salmon etanhan, he Naasson etanhan,

33 He Aminadab etanhan, he Aram etanhan, he Esrom etanhan, he Phares etanhan, he Juda etanhan,

34 He Jakob etanhan, he Isaak etanhan, he Abraham etanhan, he Thara etanhan, he Nacor etanhan,

35 He Seruk etanhan, he Ragu etanhan, he Phalek etanhan, he Eber etanhan, he Sala etanhan,

36 He Kenan etanhan, he Arphaksad etanhan, he Sem etanhan, he Nowa etanhan, he Lamek etanhan,

37 He Mathusala etanhan, he Enok etanhan, he Jared etanhan, he Maleleel etanhan, he Kanan etanhan,

38 He Enos etanhan, he Seth etanhan, he Adam etanhan, he Wakantanka etanhan.

WICOWOYAKE 4.

1 Unkan Jesus Woniya Wakan kin ojudan, Jordan eciyatanhan hdi; qa Woniya kin makotahe-dan ekta iyayeya;

2 Anpetu wikcemna topa hehanyan Wakanšica wawiyutan-yan. Unkan anpetu kin hena en takudan yute šni; tuka hena ihunniyan hehan wotektehda.

3 Hehan Wakanšica heciya; Wakantanka Cinhintku kin he niye hecinhan, inyan kin de aguyapi icage kta, keya wo.

4 Unkan Jesus waayupte ça heciya; Aguyapi ecedan on wicani kte šni; tuka Wakantanka oie kin owasin on *wicani* kta ce, eya owapi ce.

5 Hehan Wakanšica paha wan tehanwankantu ekta aye ça, wancake maka wokiconze kin owasin kipazo.

6 Unkan Wakanšica heciya; Wicowašake kin de wicookitan-in ko owasin ciçu kta; hena owa-in yuhemakiyapi, qa tuwe wacin kinhan waqu kta.

7 Heon etanhan niš mitokam

makata ehpeniciye cinhan, owasin nitawa kta ce.

8 Unkan Jesus waayupte ça heciya; Satan, mitapetepa tanhan ya wo: Itancan Wakantanka nitawa kin, he iye itokam makata ehpeniciye kta, qa iye isnana ahoyape kta ce, eya owapi ce.

9 Hehan Jerusalem ekta ahi, qa tipi wakan inkpa kin akan ehde, qa heciya; Wakantanka Cinhintku kin he niye hecinhan, hetanhan kun ehpeiciya wo.

10 Kaken wowapi en kagapi qon; Ohnihdewicaye cin hena niye on econ wicaši, niyuhapi kta;

11 Qa napepi kin ohna yuwan kan niyuzapi kta; qa hecen tukten inyan kin en siha ibonito kte šni, eya owapi ce, eya.

12 Unkan Jesus waayupte ça heciya; Itancan Wakantanka nitawa kin he iyutanyaye kte šni ce, eya owapi qon.

13 Unkan Wakanšica wowiyutanye kin owasin yušan qehan, tona can ehpeya kihda.

14 Hehan Jesus Woniya towašake kin yuha Galile en hdi; unkan ihdukšan makoce wanke cin owancaya he oyakapi.

15 Unkan omniciye tipi tawapi kin ohnahna waonspekiya ece, hecen owasin yuonihanpi.

16 Unkan Nazareth en icaħya-pi qon he ekta hdi; qa econ ece kin he iyecen, anpetu wakan icunhan, omniciye tipi kin en tin iyaye ça, wowapi yawa kta inajin.

17 Unkan Isaya wicašta wokean tawowapi kin qupi. Unkan wowapi kin yumdaye qehan, decen owapi kin iyeya;

18 Itancan Woniya tawa kin he akan maun; heon wahpani-capi kin wotanin wašte kin owi-

cawakiyakê kta e sdamakiya; tona cante psakawahanpi kin asniwicawaye kta on u maši; wayaka unpi kin wicakiyuškapi kta, qa išttagongapi kin ake tonwanpi kte cin omdake kta; tona kaħdeħdeciapi kin hena wicawakiyuške kta;

19 Qa Itancan omaka oiyokipi tawa kin omdake kta ce.

20 Unkan wowapi kin ecen eyaku, qa ookiye kin he kicu, qa iyotanka. Unkan omniciye tipi kin ohna hiye ye cin owasin opahitapi.

21 Unkan hehan hewicakiya; Anpetu kin de ninogepi kin en wowapi kin de yuecetupi ce.

22 Unkan owasin yaotaninpi, qa wowaonsida oie iye i kin etanhan inanpe cin on yušinyayapi; qa heyapi; Joseph cinhintku kin he dee šni he.

23 Unkan hewicakiya; Awicakehan iapi kin de ecen emayakiyapi kta; Niye pejihuta wicašta kin, asniiciya wo: Kapernaum ekta token ecanon naunħonpi kin, makoce nitawa kin den nakun ecen econ wo.

24 Unkan heya; Awicakehan heciciyapi; Wicašta wokean tuwedan iye tamakoce kin en iyo-winkiyapi šni ece.

25 Tuka awicakehan heciciyapi; Elias taanpetu kin en, waniyetu yamni sanpa wi šakpe hehanyan mahpiya kin natakapi; qa makoce kin owancaya wicaškikan ħince ciqon he ehan, Israel en wiwazica ota.

26 Tuka hena wanjidat Elias ekta ye šipi šni; Sidon en Sa-repta otonwe kin en, winolinca wiwazica wan heceedan ekta ye šipi.

27 Nakun Elisha wicašta wokean ni un qehan, lepros ececa wicota Israel en unpi, tuka hena

wanjidan yuskapi śni, Naeman Suriya wicašta kin heceedan ce.

28 Unkan omniciye tipi ohna hiyeye ciqon hena nañonpi qehan, owasin śihdapi linca;

29 Qa najin hiyayapi qa otonwe kin itankan iyayeyapi, qa paha akan otonwe hdepi kin he matete ekta ayapi, qa kun ehpeyapi kta.

30 Tuka iye wicacokaya tanhan iyoopta iyaye ça kihda.

31 Qa Galile en Kapernaum otonwe kin he ekta hi, qa anpetu wakan eca waonspewicakiya ece.

32 Unkan waonspewicakiye cin on inihanpi; oie kin he wowaśake kicica nakaes.

33 Unkan omniciye tipi kin ohna wicašta wan wakan śica śapa woniya kin yuha; qa he hotankakiya hoyeya;

34 Qa heya; Hanta wo, Jesus Nazareth, niye qa unkiye taku unkicicapi he; ihangunya-yapi kta yahi he; Wakantanka Taku Wakan Wanji tawa kin he niye e sdonciya ce.

35 Unkan Jesus kiśice ça heciya; Inina un, qa wicašta kin etanhan tankan hinapa wo, eya. Unkan wakanśice cin wicašta qon wicacokam ehpeye qehan, etanhan tankan hinapa; tuka ksuweye śni.

36 Unkan owasin inihanpi, qa iyakitedan hekiciyapi; De taku oie kin; wicookihi wicowaśake ko on woniya śape cin econ wicaśi eca, tankan hinanpapi ece.

37 Unkan ihduksan makoce wanke cin owancaya he oyakapi.

38 Unkan omniciye tipi kin etanhan hdiu, qa Simon ti kin en tin iyaya. Unkan Simon kunku kin he tancan wicakata ececa linca; hecen on ceki-yapi.

39 Unkan en inajin, qa tancan kata kin he kiśica; unkan asni hinhda: qa hecehnana najin hiyaye ça, owicakiya.

40 Unkan wi iyaya hehan, woyazan ocaje ota on wicayazan tona wicayuhapi kin hena en awicahipi; unkan otoiyohi nape awicahnake ça asniwicaya.

41 Qa wakan śica is eya ota wicota etanhan hinanpapi, qa heya niyanpi; Wakantanka Cinhintku Messiya kin he niye ce. Unkan iye wicakiśice ça, Messiya hee sdonyapi kin he, eyapi kta iyowicaki śni.

42 Unkan wanna anpao hinape qehan tokan iyaye, ça makotahe-dan ekta ya; unkan oyate kin odepi, qa *yanke cin* ekta ahi, qa ehpeya iwicayaye kte cin iyanaptapi.

43 Unkan hewicakiya; Wakan-tanka tokiconze kin otonwe toktokeca nakun ohna omdake kta; heon etanhan u maśipi ce.

44 Hecen Galile omniciye tipi kin hena ohnahna woyaka ece.

WICOWOYAKE 5.

1 Unkan oyate kin Wakantanka oie kin nañonpi kta e aohdu-teyapi qehan, Geneseret mde kin icahda inajin.

2 Qa mde kin en wata nonpa wanka wanyaka; tuka hokuwapi kin is wanna tokan iya-yapi, qa ho kin hdujajapi.

3 Unkan wata unma Simon tawa kin he en ope ça, kitanna canan wapa iyayeye kta cin. Hehan en iyotanke ça, wata kin etanhan oyate kin waonspewicakiya.

4 Unkan wanna ayaśtan qehan Simon heciya; Mini śbe kin ekta iyaye ça ho kin minin iyo-hpeya wo.

5 Unkan Simon waayupte, ça heciya; Waonspekiye cin, han-yetu osan hitaunnipi, qa takudan unktepi šni; tuka nioie kin on ho kin iyohpewaye kta ce.

6 Unkan heconpi qehan, hogan utkanna yuzapi; unkan ho kin papsakapi.

7 Unkan tawašitkupi wata unma en opapi qon hena nam-wicakicawinpi, en upi qa owica-kiyapi kta. Unkan en hipi qa wata napin ojukiya, hecen iyu-jimmana hiyeya.

8 Unkan Simon Inyan he wan-yake cehan, Jesus hupahu kin en makata ehpeiciye ça heya; Itancan, ehpeya imayaya wo, wicašta wahtani sa hemaca ce.

9 He iye qa tona om un qon hena hogan yuzapi kin on etan-han owasin inihanpi.

10 Unkan Jakob qa Johannes Zebede cinhintku kin hena oza, Simon tawašitkuwicaya, is eya inihanpi. Unkan Jesus Simon heciya; Wikope šni wo, detan-han wicašta kin wicaduze kta ce.

11 Unkan wata qon hutata ah dihunipi qehan, owasin ehpe-kiyapi, qa iyahna yapi.

12 Unkan otonwe wan en un qehan, iho, wicašta wan lepros ececa hinca, he Jesus wanyake cehan, ite makipuskin ehpeiciye ça, cekiye ça heya; Itancan, ya-cin kinban mayaduska kta oya-kihi.

13 Unkan nape yekiye, ça yu-tan, qa heya; Wacin ce: ska un wo, eya. Unkan wancake lepros ececa qon asni hinbda.

14 Unkan tuwedan okiyake šni si; tuka wawayušna kin ekta ye ça wanyagiçiye kta, qa wa-yuskapi kta on token Moses econ wicaši qon he ecen econ kta, keya; hecen wowicakiyake kta.

15 Tuka heon iyotan tankaya wicohan kin he oyakapi; hecen wicota en miniciyapi, nahonpi kta, qa wayazankapi wicayu-hapi kin asniwicaye kte cin heon.

16 Hehan icunonpa makotahe-dan wan ekta ye ça wocekiye eya.

17 Unkan anpetu wan waon-spewicakiya icunban, Pharisee qa wicoope onspekiye cin hena, Galile otonwe kin owasin, qa Juda qa Jerusalem etanhan, en ahi kin hena en iyotankapi; un-kan Itancan towašake kin asni-wicaye kta e en un.

18 Unkan iho, wicašta wan taťake cin he owinja ohua wica-šta yuha upi: qa timahen ayapi qa itokam ehnakapi kta akitapi.

19 Tuka wicota kin on token en aipi kte šni wanyakapi qehan, tipi akan inajinpi, qa akalipe yu-ldokapi eciyatanhan cokaya Je-sus itokam kun hiyuyapi.

20 Unkan wacinyanpi kin he wanyake cehan, heciya; Wica-šta, wayahtani kin nicicajupui ce.

21 Unkan wowapi kagapi qa Pharisee kin is waakinicapi qa heyapi; De tuwe e taku šica decen eya he. Tuwe woahitani kajuju kta okihi he; Wakantan-ka ecedan okihi.

22 Tuka tawacinpi kin Jesus iwicayukcan, hehan waayupte ça hewicakiya; Taku e cante mahen ayakinicapi he:

23 Wayahtani kin nicicajupui ce; qa is, Najin qa mani wo, eyapi kte cin unma tukte waša-kadan he.

24 Tuka Wicašta Cinhintku kin he is maka akan woahitani kajuju kta okihi sonyayapi kta; hehan taťake cin he heciya; Najin qa nitowinja ehdaku qa

yati kin ekta hda wo, eciciya ce, eya.

25 Unkan wancake wicitokam najin hiyaye, ça akan wanke ci-qon he ehdaku, qa iye ti kin ekta hde, ça Wakantanka yatan.

26 Unkan owasin inihanpi, qa Wakantanka yatanpi; qa wiko-papi hince, ça heyapi; Wicohan nakaka toktokeca wanunyakapi ce, eyapi.

27 Unkan taku kin dena iyo-hakam hetanhan ye, ça wamnayanpi kin heca wanji Lewi eciiyapi, wamnayanpi oyanke kin en iyotankehan yanka e wanyaka; qa, Miyahna u wo, eciiya.

28 Unkan taku owasin elipeye ça, najin hiyaye ça, ihakam iya-ya.

29 Unkan Lewi iye ti kin en wohanpi tanka kicaga; unkan wamnayanpi kin is wicota, qa toktokeca nakun en opeya wotapi kta iyotankapi.

30 Tuka wowapi kagapi wicayuhapi qa Pharisee kin hena waonspewicakiye cin wicakigepi, qa heyapi; Tokeca e wamnayanpi qa wahtanipi sa om wayatapi qa wadatkanpi ece he.

31 Unkan Jesus waayupte ça hewicakiya; Tona zanipi kin hena pejihutawicašta cinpi šni, tuka wayazanpi kin.

32 Owotanpidan kin hena iypeiciyapi kta e wicakico wahi šni, tuka wahtanipi sa.

33 Unkan heciyapi; Tokeca e Johannes waonspewicakiye cin hena ijehan wote šni unpi qa wocekiye eyapi he, qa Pharisee tawapi kin is eya; tuka nitawa kin wotapi qa wayatkanpi ece.

34 Unkan hewicakiya; Hihnaton ti kin cinca kin hena tawieu ton kin he is owicapeya un kin icunhan wote šni wicayakiyapi kta oyakihipi he.

35 Tuka anpetu kin u kta, en tawieu ton kin he ewicakiciyakupi kta; hehan anpetu kin hena en wote šni unpi kta.

36 Unkan wiyacinpi wan owicakiyaka: Wicašta tuwedan šina teca onšpa šina tanike cin en akihdagye šni ece; heconpi kinhan teca qon is yuhdeca ece, qa onšpa teca etanhan kin he tanike cin kicica šni ece.

37 Qa nakun wicašta tuwedan miniša teca ojuha tanike cin en okaštan šni ece; heconpi kinhan miniša kin skepe kta, qa ojuha kin atakuni kte šni.

38 Tuka miniša teca kin he ito ojuha teca en ohnakapi kta; qa sakim yutehanpi ece.

39 Is eya wicašta tuwedan miniša tanika wanna yatke ça, hehan hinnakaha teca cin šni; Tanike cin eeš wašte ce, eya ece.

WICOWOYAKE 6.

1 Unkan anpetu wakan inonpa tokaheya, hehan wojupi kin ehna iyaya; unkan waonspewicakiye cin is wahuwapa yuksapi, napopabagapi, qa yutapi.

2 Hehan Pharisee kin wanjikji hewicakiyapi; Tokeca e anpetu wakan kin en taku iyowinwicakiyapi šni kin he eca ecen eanonpi he.

3 Unkan Jesus awicayupte ça heya; Dawid token econ qon hee kaeš tohinni dawapi šni he; iye qa tona om un qon wotektehdapi qehan.

4 Wakantanka tipi tawa kin en tin iyaye, ça aguyapi taninyan ehnakapi, qa wawayušnapi kin iye isnana hetanhan yutapi kte cin iyowinwicakiyapi qon, he icu, qa yute, ça om unpi qon hena is eya hetanhan wicaqu.

5 Unkan hewicakiya; Wicašta

Cinhintku kin is nakun anpetu wakan kin Itancan ce.

6 Unkan anpetu wakan tokeca wan omniciye tipi kin en tin iyaye, ça waonspekiya: unkan wicašta wan nape etapa kin snija e en yanka.

7 Unkan wowapi kagapi qa Pharisee kin hena anpetu wakan icunhan asniye kta hecinhan he iwanyakapi, taku iyaonpapi kta akitapi.

8 Tuka iye tawacinpi kin sdonwicaya, qa wicašta nape snije cin he heciya; Najin qa cokaya inajin wo. Unkan najin hiyaye ça en inajin.

9 Unkan Jesus hewicakiya; Miš ito taku wanji iciwangapi kta; Anpetu wakan icunhan taku wašte, qa is taku šica econpi kta he; wanikiyapi, qa is wašeyapi kta, unma tukte hecetu he, eya.

10 Unkan itanihdukšan owasin awicatonwe çehan, wicašta qon heciya; Nape kin hdukatın wo. Unkan ecen econ; qa nape kin unma kin iyecen iyekicetu.

11 Unkan šihdapi hince, ça iye iyakitedan Jesus token ecakiconpi kta hecinhan he iwohdakapi.

12 Unkan anpetu kin hena en Jesus paha wan ekta wocekiye eya i; qa hanyetu osan Wakan-tanka cekiya un.

13 Unkan wanna anpa qehan, waonspewicakiye cin wicakico, qa etanhan akenonpa wicahdahniige ça, Wahosi-yapi, ewicakiya.

14 Simon he Inyan nakun eya cašton, qa he sunkaku kin Andrew, Jakob qa Johannes, Philip qa Bartholomew;

15 Mattheos qa Thomas, Jakob Alpheus cinhintku, qa Simon nakun Zelotes eciyapi;

16 Qa Judas Jakob sunkaku, qa Judas Iskariot, nakun wiyopeye kte cin hee.

17 Hehan hena om kun hdiu, qa makomdaya en hdinajin; unkan waonspewicakiye optaye kin, qa Juda owancaya qa Jerusalem, qa mde kahdaya Turos qa Sidon, henakiya etanhan wicota hınca, hena ia nañonpi, qa tona wayazankapi kin asniwicayapi kta e en ahi:

18 Nakun tona woniya šapa on kakijapi kin hena; unkan asniwicayapi.

19 Unkan wicota kin iyulipa yutanpi kta akitapi; e anhan wowasake hiyu qa owasin asniwicaya ece kin heon etanhan.

20 Unkan waonspewicakiye cin awicatonwe, ça heya; Niwalpanicapi kin niš niyawaštepi ce; Wakantanka tokiconze kin he niye nitawapi.

21 Dehan wotektayahdapi kin niš niyawaštepi ce; imnahannianpi kta. Dehan yaceyapi kin niš niyawaštepi ce; iyaliapi kta.

22 Tohan wicašta šicenidapi, qa yuiyog iyayenianpi, qa ienni-hdepi, qa Wicašta Cinhintku kin on nicajepi kin taku šica iyecen tankan eñpeyapi kinhan, niyawaštepi ece.

23 Anpetu kin he en wiyuškinpi, qa wopida on škehanhan po; iho, malipiya ekta wokajuju tanka duhapi; atewicayapi kin is eya iyecen wicašta wokeanpi wicakuwapi qon.

24 Tuka winijicapi kin niš wotehi niciyankapi ece; wicocante wašte kin he wanna yahduhapi.

25 Winipipi kin niš wotehi niciyankapi ece; wotektayahdapi kta. Dehan iyaliapi kin niš wotehi niciyankapi ece; wašinyahdapi qa yaceyapi kta.

26 Tohan wicašta owasin tanyan eniciyapi kinhan, wotehi niciyankapi ece; atewicayapi kin hecen wicašta wokcan iton-šni wicakuwapi qon.

27 Tuka nañon dukanpi kin heciciyapi ce, Tokaniyanpi kin hena cantewicakiya po, qa šice-nidapi kin hena tanyan ecawicakicon po;

28 Niyašicapi kin wicayawašte po, qa wawicanksiya nicuwapi kin hena wocekiye ewicakiciya po.

29 Qa tuwe iyoha sani kin en anipe cinhan unma eciyatanhan kipazo wo; qa tuwe šina inicicu kinhan, onñdohda kin nakun te-hinda šni wo.

30 Wicašta otoiyohi taku nici-da kin qu wo; qa tuwe woyuha nici kinhan, ake kica šni wo.

31 Qa wicašta kin token ecaniconpi yacinpi kin, he iyece ecawicakicon po.

32 Tona waštenidapi kin hena-na waštewicayadapi kinhan, wopida tukte e duhapi kta he: wañtanipi sa kin eepi kaeš tona cantewicakiyapi kin is itkom cantewicakiyapi ece.

33 Qa tona tanyan ecaniconpi kin henana tanyan ecawicayeconpi kinhan, wopida tukte e duhapi kta he; wañtanipi sa kin is iyece econpi ece.

34 Qa ake niçupi kta kecannipi kin henana owicayaqupi hecinhan, wopida tukte e duhapi kta he; wañtanipi sa kin is wañtanipi sa owicayaqupi ece, iyacinyan wicakicupi kta heon.

35 Tuka niš tona tokaniyanpi kin cantewicakiya po, taku wašte econpi qa owicaqu po, ake taku niçupi kta kecinpi šni po; kinhan wokajuju tanka duhapi kta, qa Iyotan Wankantu kin he cinca yaunpi kta: he iye

tona pida šni qa šicapi kin cante-wicakiya ece.

36 Hecen Niyatepi kin is token waonsida kin niš eya he iyece waonsida po.

37 Wayacopi šni po, kinhan niyacopi kte šni: owawicakiyepi šni po, kinhan owaniciyepi kte šni: wicakicicajuju po, kinhan nicicajujupi kta:

38 Wicaqu po, kinhan niçupi kta; wiyutapi wašte, paotinzapi, paipuskicapi qa apašboka, hecen wicašta kin maku kin en niçupi kta. Wiyutapi on widutapi kin hee on winiciyutapi ece e kta.

39 Unkan wiyacinpi wan owicakiyaka: Išta gonge cin išt-gonga napata yus aya okihi he: napin oškokpa kin en iyohpaya-pi kte šni he.

40 Waonspekiyapi kin he waonspekiye cin itokapa šni; tuka tuwe yuštampi kin otoiyohi waonspekiye tawa kin iyecece kta.

41 Qa tokeca nisunka išta kin ohna sukaza yanke cin he wandaka; tuka niye ništa kin ohna cankaga wanke cin he wanyahdake šni he.

42 Qa, Misunka, sukaza išta ohna niyanke cin he ito ciciyušdoke kta ce, token nisunka eyakiye kta he, qa icunhan niye ništa kin ohna cankaga wanke cin he wanyahdake šni. Wana-yakilibe cin, niš tokaheya cankaga išta ohna niwanke cin he ito tokan eñpeya wo; qa hehan hinakaha nisunka išta kin ohna sukaza yanke cin he yeciyošdoke kta mdesya wandake kta ce.

43 Can wanji wašte kin waskuyeca šica icalhe šni; qa nakun can wanji šice cin he waskuyeca wašte icalhe šni.

44 Can kin otoiyohi waskuyeca tawa kin on sdonyapi ece: wicašta kin taspanhu kin etanhan

suken pahipi *śni*, qa *is* eya tokahu kin etanhan hastanhanka pahipi *śni*.

45 Wicašta wašte kin he cante woyuha wašte kin etanhan taku wašte icaliya ece; qa wicašta *šice* cin he cante woyuha *šice* cin etanhan taku *šice* icaliya ece: wicacante taku iyakičuya ohnaka kin he etanhan i kin ecizatnanhan enapeya ece, eya.

46 Unkan tokeca, Itancan, Itancan, emayakiyapi ece, qa taku epe cin ecen ecanonpi *śni* he.

47 Tuwe ekta mahi, qa mioie nañon, qa ecen econ kin he tuwe kicica hecinhan he ito oci-ci-yakapi kta.

48 Wicašta wan tipi kaga; unkan temahentu *maka* qe, ça oahehde kin imnija wan akan ehde: unkan minitan aye cehan, wakpa kin tipi kin he en nina kaduza, tuka kahuhuze kta okitpani, imnija akan ehdepi nakaes, he iyececa.

49 Tuka tuwe nañon tuka ecen econ *śni* kinhan, wicašta wan oahehde codan maka akan tipi kage cin he iyececa; unkan he en wakpa kin nina kaduza, qa hecehnana hinhpaya; qa tipi kin he woatakunišni tanka.

WICOWOYAKE 7.

1 Unkan oyate nañon hiyeye cin en iapi kin dena owasin wanna ecen yaštan qehan, Kapernaum en i.

2 Unkan akicita opawinge wicayuhe cin wanji taokiye wan teñinda kin he wayazanke ça wanna te kta.

3 Unkan he wanna Jesus on nañon qehan, Juda hunkayapi kin hena ekta ye wicaši, u kta qa taokiye kin asniye kte cin he icekiya.

4 Unkan hena Jesus ekta hipi qehan, awicakehan cekiyapi, qa, Hecakiconpi kte cin wicašta kin he iyececa ce;

5 Unkoyatepi kin cantewicakiye ça, omniciye tipi wanji wanna unkicagapi ce, eyapi.

6 Unkan Jesus hena om hda. Unkan wanna tipi kin itehan *śni* qehan, akicita opawinge wicayuhe ciqon he *is* kodawicaye cin hena ekta yewicaši, qa heciya; Itancan kin, nagiyeciye *śni* wo, wati kin en tin yahidu kte cin iyemacece *śni* ce:

7 Heon etanhan miye ekta ciu kta nakun iyececa mičida *śni*: tuka oie kin ecen eya wo, kinhan mitaokiye kin asni kta.

8 Miš eya wicašta wicookihi ihukuya hnakapi kin hemaca, qa mihukuya akicita wicamduha; qa wicašta kin de, Ya wo, ewakiya eca, ya ece; qa wanji tokeca, U wo, ewakiya eca, u ece; qa mitaokiye kin, Decon wo, ewakiya eca, ecen econ ece, eya.

9 Unkan Jesus hena nañon qehan, on yušinyaye ça, ihduhomi, qa oyate ihakam unpi kin hewicakiya; Israel hee kaeš en wowacinye hinsko tanka kin iyewaye *śni*, eciciyapi ce.

10 Unkan ye wicašipi qon icicawin tiyata kipi qehan, ookiye wayazanke cin he wanna asni iyeyapi.

11 Unkan ianpetu qehan otonwe wan Nain eciyapi kin en i; unkan waonspewicakiye cin etanhan ota qa oyate ota hena kici yapi.

12 Unkan otonwe tiyopa kin he ikiyedan wanna ehan i qehan, inyun, wicašta wan ta tankan aupi; hunku kin wiwazica heca, qa cinhintku hecedan. Unkan otonwe kin etanhan wicota opapi.

13 Unkan he Itancan kin wan-yake cehan, onśida qa heciya; Ceye śni wo.

14 Unkan canakiyuhapi kin en u, qa yutan. Unkan akiyuhapi qon is owanji najinpi. Unkan heya; Kośka, bosdan yanka wo, eciciya ce, eya.

15 Unkan te ciqon iyotanke, qa ia. Unkan hunku kin kieu.

16 Unkan owasin nina wikopapi, qa Wakantanka yatanpi qa heyapi; Waayate wanji tanka unkiyopeyapi icaga ce, qa Wakantanka taoyate kin wanna wicahiyohi ce, eyapi.

17 Unkan Juda *makoce* qa okśan makoce wanke cin owancaya he yaotaninpi.

18 Unkan Johannes waonspe-wicakiye cin dena taku kin owasin okiyakapi.

19 Hehan Johannes waonspe-wicakiye cin nom wicakico, qa Jesus ekta ye wicaśi, qa heya; Tuwe u kte ciqon he niye, qa is wanji tokeca unkaepi kta he.

20 Unkan wicaśta kin hena wanna ekta hipi qehan, heyapi; Johannes baptem wicaqu ece qon he niye ekta unkuśipi, qa, Tuwe u kte ciqon he niye he, qa is tuwe tokeca unkaepi kta he, eya ce.

21 Unkan hehantudan ĩinca wayazankapi, qa makośica ececapi, qa woniya śiksica ececapi, hena wicota asniwicaya; qa iſtagongapi kin heca ota tonwewicaya.

22 Hehan Jesus waayupte qa hewicakiya; Hda po, qa taku wandakapi qa nayahonpi kin hena Johannes okiyaka po: Iſtagongapi kin hena tonwanpi, qa huśtepi kin is manipi, qa lepros ececapi kin is wicayuskapi, qa nogetpapi kin is wanahonpi, qa tapi kin is kiniwicakiyapi, qa

wahpanicapi kin is wootanin waśte kin he owicakiyakapi.

23 Qa tuwe miye on śinhda śni kin he yawaśtepi ce.

24 Unkan Johannes wahośiya-pi tawa kin wanna kihdapi, hehan Johannes on oyate kin he-wicakiya; Taku e makotahedan ekta wanyag yaipi he. Cedi hu wan tate kahuhuze cin heca he.

25 Tuka taku e wanyag yaipi he. Wicaśta wan wokoyake panpanna koyake cin heca he. Iho, tona waśteya wakoyakapi, qa tanyan nipi kin hena wicaśtayatapi tipi kin en unpi ece.

26 Tuka taku e wanyag yaipi he. Wicaśta wokcan he. Han, eciciyapi, qa wanji wicaśta wokcan isanpa tanka.

27 Iho, wahośiya mitawa kin he niite itokam ye waśi, nito-kam canku wiye ya nicicage kta ce, eya owapi qon he dee.

28 Qa miye heciciyapi; Wino- ĩinca eciyatanhan wicatonpi kin wicaśta wokcan tuwedan Johan- nes baptem wicaqu qon isanpa tanka śni: tuka Wakantanka to- kiconze kin en tuwe iyotan ci- stinna kin he he kapa ce.

29 Unkan oyate kin qa wa- mnayanpi kin tona nahonpi owa- sin Wakantanka yaowotanpi, Jo- hannes baptem wicaqu kin en opapi.

30 Tuka Pharisee kin, wicoope aiapi kin om, Wakantanka wa- hokonwicakiye cin en iyapaſo- iĉiyapi, Johannes baptem wicaqu śni nakaes.

31 Unkan Itancan kin heya; Wicaśta wicoicage kin de taku e imdacin kta he; qa taku iye- cecapi he.

32 Śiceca iciyopekiciyapi kin en iyotankapi, qa hoyekiciyapi qa heyapi; Unniciyajopi, tuka wayacipi śni; waśinunnicihdapi,

tuka yaceyapi śni ce, eyapi kin he iyececapī ce.

33 Johannes baptem wicaqu qon he aguyapi yute śni, qa minīsa yatke śni u; unkan, He taku wakan śica yuha ce, ehapi.

34 Wicaśta Cinhintku kin he wote ça wayatke hi; unkan hehapi; Wan, wicaśta wan wote sa, qa minīsa yatke sa, wamnayanpi qa wahtanipi sa takoda-wicaya ece.

35 Tuka Woksape iye cinca kin owasin on yaowotanpi ece.

36 Unkan Pharisee wanji kici wote kta e cinkiya. Hecen Pharisee ti kin en tin iyaye ça, wote kta iyotanka.

37 Unkan iho, otowē kin en winohinca wahtani sa kin heca, he, Pharisee ti kin en wota iyotanka sdonye çehan, inyan opiye ihepi ohna yuha en hi;

38 Qa tapetepa tanhan siha kin en ceya najin, qa iśta minihanpe kin on siha kiciyujaja, qa paha kin on kicipakinta ça, siha kin ikiciputake, ça ihepi qon on sda-kiciya.

39 Unkan Pharisee kico qon he wanyake çehan, cante mahen awacin qa heya; Wicaśta kin de wicaśta wokcan unkanś, yutan kin he tuwe qa taku winohinca kin sdonye kta tuka; he wahtani sa kin heca.

40 Unkan Jesus waayupte ça heciya; Simon taku eciciye kta mduha ce. Unkan is, Waon-spekiya, katinyan eya wo, eya.

41 Wicaśta wan wicaśta nonpa oicazo wicaqu: unma kin kaśpapi opawinge zaptan iyohiye śni, qa unma kin is wikcemna zaptan.

42 Unkan taku on hdajujupi kte cin yuhapi śni qehan, wancake sakim wicakicicajuju ce. Hecen unma tukte iyotan wašte-

dake kta hecinhan, he omakiyaka wo.

43 Simon waayupte ça; Tuwe ota kicicajuju hee nace epca ce, eya. Unkan, Tanyan idukcan ce, eciya.

44 Hehan winohinca qon ekta ihduhomni, qa Simon heciya; Winohinca kin de wandaka he: Yati kin en wahi, unkan mini on siha *wahdujaja* kta mayaqu śni; tuka iye kin iśta minihanpe kin on siha mayujaja, qa paha kin on pakinta.

45 I imayaputake śni; tuka winohinca kin de wahi kin ehan-tanhan siha imaputaka ayaśtan śni.

46 Pa kin wihdi on sdamayaye śni; tuka winohinca kin de ihepi on siha sdamayan ce.

47 Hecen on heciciya ce, Wahtani kin hena ota eśta kicicajujupi; he nina waśtedaka nakaeś: tuka tuwe waniqadan kicicajujupi kin he iwaśtedan waśtedaka ece.

48 Hehan winyan qon heciya; Niolian śice cin hena nicicajujupi ce.

49 Unkan tona kici wota iyotankapi kin hena hehan cante mahen heyapi; De tuwe e wahtani nakun kajuju he.

50 Unkan winohinca qon heciya; Wacinyaye cin he niniyan ce; wookiye on hda wo.

WICOWOYAKE 8.

1 Unkan he iyohakam, otowē tankinkinyan otowē cikiciqadan ko, owasin iyaza un, qa wootanin wašte Wakantanka tokiconze ahna yaotanin. Unkan ake-nonpapi kin kici unpi:

2 Qa winohinca wanjikji taku wakan śica yuhapi qa wayazan-kapi, *tuka* asniwicayapi, Mary

he Magdalene eciyapi, he etanhan wakan síca sákowin hinan-papi qon hee;

3 Qa Joanna, Cuza Herod wawanyagkiye ciquon he tawicu, qa Susanna, qa nakun toktokeca ota, hena woyuha yuhapi kin on okiyapi ece.

4 Unkan wicota mniciyapi, qa otowwe ototiyohi etanhan en ahi qehan, wiyacinpi on wowicakiyaka:

5 Woju heca wan taku su kin oju iyaya. Woju, unkan apa canku icahda hinlpaya; unkan naatinzapi, qa mahpiya okinyanpi kin temyapi.

6 Unkan apa innija wan ahinlpaya; unkan uye qehan, spaye sni on wancake snija.

7 Unkan apa wapepeka ehna-hna hinlpaya; unkan wapepeka opeya uye, qa aotinsya.

8 Unkan apa is maka waste ahinlpaya; unkan uye, qa opawingege suton, eya. Unkan hena hecekcen eye qehan, heya niyan; Tuwe noge winahon yukan hecinhan, ito nahon kta ce, eya.

9 Unkan waonspewicakiye cin wiwangapi, qa heciyapi; Wiyacinpi kin de toketu he.

10 Unkan heya; Niyepi Wakantanka tokiconze woanalibe kin hena oyakahnigapi kta nicupi; tuka tokan kin is wiyacinpi ece: hecen etonwanpi kes wanyakapi kte sni, qa wanahonpi kes okahnigapi kte sni ce.

11 Wiyacinpi kin he dee: Su kin he Wakantanka oie kin ee.

12 Canku icahda qon he tona nahonpi kin heepi; hehan wakan síce cin en hi, qa wicoie kin cantepi kin etanhan eyaku ece, awacinpi qa niwicayapi kte sni heon.

13 Tona wicoie nahonpi eca

iyuskiyan icupi ece kin hena innija akan un qon hena ee; hena hutkan nicapi, qa cistiye-dan wicadapi, tuka taku iyutan-wicayapi hehan ayustanpi ece.

14 Qa tona wanna nahonpi, qa hehan tokiya yapi, qa wiconi kin de woawacin kin, qa wowijice, qa wowiyuskin kin, hena on aotinzapi, qa hecen tanyan sutonpi sni kin hena wapepeka ehna hinlpaye ciquon eepi ce.

15 Tuka tona wanna wicoie nahonpi eca, cante waste qa owotanna mahen yuha unpi, qa wacintankaya sutonpi kin hena maka waste akan un qon hena eepi ce, eya.

16 Wicašta kin tuwedan petijanjaan wan ideye, qa waksica wan iyahdapsinyan ehpeye sni, qa nakun owinja wan ohdateya ehnae sni ece; tuka petijanjaan ihupa akan ehde ece: hecen tona en ipi kinhan, ijanjan kin wanyakapi kta.

17 Taku anahmanpi qa yuotaninpi kte sni wanica; qa nakun taku yutaninśniyan hnakapi qa yutaninyan eyakupi kte sni wanica ce.

18 Heon token nayahonpi hecinhan itonpa po; tuwe wayuhe cin he nakun qupi kta; qa tuwe wayuhe sni kin he taku yuha kecin kin hee ikicicupi kta ce, eya.

19 Hehan hunku qa hunkawan-jitku kin hena en hipi, qa wicota kin on ikiyedani upi kta okihipi sni.

20 Unkan okiyakapi qa heyapi; Nihun qa nihunkawanji tankan najinpi, qa wannihdake kta cinpi ce.

21 Unkan waayupte, qa hewicakiya; Wakantanka oie nahonpi, qa eceñ econpi kin dena ina qa mihunkawanji eepi ce, eya.

22 Unkan anpetu kin hena wanji en, waonspewicakiye cin om wata wan en opa; qa hewicakiya; Mde kin akasanpa unyanpi kta ce. Hecen canan eyaya.

23 Tuka śina watopekiyapi icunhan iye iştinma: unkan tate iyumni wan mde kin en u; qa mini ojudan yakonpi, hecen ƣapi kta kokipapi.

24 Hehan en hipi qa yuhicapi qa heyapi; Itancan, Itancan, untakunipi śni. Unkan najin hiyaye ƣa, tate qa mini taja ko kisica: hecen ayuştan, qa amda-kedan tanka.

25 Unkan hewicakiya; Wacin-yayapi kin tukte e he. Unkan is wikopapi, inihanpi qa hekiciyapi; De taku wicašta he; tate mini kici ee kaeş okiya eca, anagoptan ece.

26 Unkan Galile itakasanpa Gadarene tamakocepi kin en ipi.

27 Unkan ģen ihe ƣehan, wicašta wannakaja tanhan wakanśica yuhe, ƣa wokoyake koyake śni, qa tuktedan tipi oti śni, tuka wicašta ģnakapi kin en ece un kin, heca wan otonwe kin eciyatanhan itkokipa.

28 He Jesus wanyake ƣehan, hoyeye ƣa itokam makata eģpe-iċiye ƣa hotankakiya heya; Jesus Wakantanka Iyotan Wankantu Cinhintku kin, token unyakon kta he. Ceciciya ce, Kakişmaye śni wo.

29 Taku wakan şape cin wicašta kin etanhan hinanpe śi heon etanhan. He ijehan yuza ece; unkan mazaicicahiģa wicaške ko on kaška ģnakapi; tuka wicaške kin yupsapsake ƣa, wakanśice makotahedan ekta iyayeya ece.

30 Unkan Jesus wiwange ƣa heya; Token eniciyapi he.

Unkan, Wicota, eya: taku wakan śica ota tan mahen ipi kin heon etanhan.

31 Unkan oşbe kin ekta ye wicasi kte śni, keya icekiyapi.

32 Unkan ģe kin en kukuşe ota optaye wan won unpi; hecen en iwicayayapi kte cin he iyowinwicakiye kta keya cekiyapi; unkan iyowinwicakiya.

33 Hecen wakanśice cin wicašta kin etanhan tankan hinapapi, qa kukuşe kin en iwicayayapi; unkan optaye maya ģinca wan en apamahde nina ģin naşdog iyayapi, qa mde kin en ivolģpei-ċiyapi, qa minin ƣapi.

34 Unkan taku econpi kin he kukuşe wo wicaqupi qon wanyakapi qehan, nakipapi, qa otonwe qa makoce kin ekta oģdag kipi.

35 Unkan taku econpi qon he wanyag ai, qa Jesus ekta ahi, qa wicašta wakanśica etanhan hinapapi qon he ogeton, qa tawacin ekicetu, qa Jesus siha kin en iyotankahan yanka wanyakapi; unkan wikopapi.

36 Tona wanyakapi qon is eya wicašta wakan śica yuhe eiģon token asniyanpi kin he owicakiyakapi.

37 Hehan ihdukşan Gadarene tamakocepi kin owancaya taku econpi qon he naģonpi qehan, owasin nina wikopapi on etanhan cekiyapi, qa tokan yeşipi. Unkan wata kin en okipe, ƣa icicawin kihda.

38 Unkan wicašta etanhan wakan śice cin hinanpapi qon he kici un kta keya cekiya. Tuka Jesus hde śi, qa heya;

39 Niye yati kin ekta hde, ƣa Wakantanka taku ģinca ecanicon kin he yaotanin wo, eya. Unkan kihde, ƣa Jesus taku ģinca ecakicon qon he otonwe owancaya oģdaka.

40 Unkan Jesus hdi qehan, oyate kin iyowinkiyapi; owasin ape hiyeya nakaes.

41 Unkan iho, wicašta wan Jairus eciyapi kin he en u, omniciye tipi itancan kin wanji hee; unkan he Jesus siha kin en makata elpeiciye ça, iye ti kin ekta u kta icekiya.

42 He cunwintku wanjidand, wanna waniyetu akenonpa ece-tu; unkan is wanna te kte wan-ka. Tuka ekta ye cin hepiya oyate kin aohduteyapi.

43 Unkan winohinca wan waniyetu akenonpa hehanyan we au, qa taku yuha owasin pejihutawicašta on wanna hdusota; tuka hecen tuwedan asniye kta okihi sni;

44 Hee tapetepa tanhan u, qa tawokoyake opapun kin yutan: unkan hecehnana we au qon he anapta.

45 Unkan Jesus heya; Tuwe mayutan he. Unkan owasin anakihmanpi qehan, Inyan qa tona kici unpi qon hena heyapi; Waonspekiye cin, wicota kin aohduteniyanpi, qa aotinsniyanpi; heca esta, Tuwe mayutan he, eha ce.

46 Unkan Jesus heya; Tuwe mayutan; wowaśake ematanhan hiyu kin he sdonwakiya ce.

47 Unkan winohinca qon wanna inahbe sni e wanhdake cehan, cencanyan u, qa itokam makata elpeiciye, ça oyate kin owasin wicitokam, taku on yutan, qa token wancake asniyanpi kin he okiyaka.

48 Unkan heciya; Cuns, cante wašte wo; wacinyaye cin he asniniyan ce: wookiye on hda wo.

49 Unkan Jesus iahan icunhan, omniciye tipi idaka ti kin eciya-tanhan tuwe u, qa heciya; Wa-

onspekiye cin nagiyeye sni wo; nicunksi wanna ta ce, eya.

50 Tuka Jesus he nahon qehan, waayupte ça heciya; Wikope sni wo; awicakehan wicada wo, kinhan niyanpi kta ce.

51 Unkan tipi kin en tin hiyu qehan, tuwedan tin ye kta iyo-winkiyeye sni; Inyan, qa Jakob, qa Johannes, qa wikoška atkuku hunku kici henana en ipi.

52 Unkan owasin aceyapi qa waśinhda enapeyapi ece. Tuka heya; Ceyapi sni po; te sni, tuka istinma ce.

53 Unkan wanna ta sdonyapi kin heon wowihayapi.

54 Unkan owasin tankan iya-yewicaye, ça napata yuze, ça kipan qa heya; Wikoška najin wo, eya.

55 Unkan nagi kin kiyohpaya, qa hecehnana najin hiyaya: hehan wo qu wicaši.

56 Unkan hunkakeku kin inihanpi: tuka taku econ kin he tuwedan okiyake sni wicaši.

WICOWOYAKE 9.

1 Unkan waonspewicakiya akenonpapi kin hena wicakico, qa wowaśake wookihi ko, wakanšica owasin on, qa wowayazan asniyanpi kta hecen wicaqu.

2 Qa Wakantanka tokiconze kin oyakapi kta, qa wayazankapi kin asniwicayapi kta ye wicaši.

3 Qa hewicakiya; Icimayanipi kte cin on cansagye, qa wojuhadan, qa waneya, qa mazaska takudan eyakupi sni po; qa nakun onhidoħda nomnom yuhapi sni po.

4 Qa tukte tipi wan en yaipi kinhan, hen ece yukan po, qa hetanhan iyoopta ya po.

5 Qa tuwe kašta iyowinniciyapi sni kinhan, otonwe kin he inayapapi kinhan, nisihapi watuše-

kšeca onistakapi kin hee kaes katata po, he owicayake kta ce.

6 Unkan iyayapi, qa otonwe iya-za yapi, qa wootanin wašte oya-kapi, qa owancaya waasniyanpi.

7 Unkan taku econ kin owasin, Herod wicaštayatapi kin nahon; qa hehan token cante yuza nun tanin šni; apa Johannes wicon-
te kin etanhan kini keyapi kin heon etanhan:

8 Qa apa is, Elias hi ce, eyapi; qa apa tokeca is, Wannakaja waayatapi qon hena etanhan wanji kini ce, eyapi.

9 Unkan Herod heya, Johannes pa bawaksa ce: tuka de tuwe e on taku dekececa nawahon he. Unkan wanyake kta cin.

10 Unkan wahošiyapi kin hena wanna hdipi qehan, taku token econpi kin owasin okiyakapi. Unkan ewicahdaku qa nahman-na icunonpa makotahedan wan ekta i, he otonwe wan Bethsaida eciyapi kin ahankeya.

11 Unkan oyate kin sdonyapi qehan, ihakam eyaya: unkan iyo-winwicakiye ca, Wakantanka to-kiconze kin he iwowicakiyake ca, tona asniyanpi cinpi kin hena asniwicaya.

12 Unkan wanna htayetu aye cehan, akenonpapi kin upi, qa heciyapi, Wicota kin tokan ye-wicašr wo; hecen otonwe qa ihduksan makoce wanke cin hena ektakta yapi, qa taku yu-tapi oiçidepi, qa iwankapi kta ce; den makotahedan unyakon-pi heon etanhan.

13 Tuka hewicakiya; Niye wo wicaqu po. Unkan heyapi; Aguyapi zaptan qa hogan nonpa henana unhapi; oyate denakeca woyute opewicakiciton unyanpi šni kinhan.

14 Wicašta kektopawinge za-ptan ecetupi. Unkan waonspe-

wicakiye cin hewicakiya; Wi-keemna zaptanptan ptaptaya iyo-tang wicakiya po, eya.

15 Unkan ecen econpi, qa owa-sin iyotang wicakiyapi.

16 Hehan aguyapi zaptan qa hogan nonpa qon hena icu; qa mahpiya ekta etonwan, qa ya-wašte, qa yušpašpa, qa waonspe-wicakiye cin wicaqu; qa iye oya-te kin wicitokam ewicakicihna-kapi kta.

17 Unkan wotapi qa owasin wipipi; unkan onšpašpa iwicaki-ciyaye cin hena pahipi, makano-piye akenonpa.

18 Unkan isnana wocekiye eya un qehan, waonspewicakiye cin hena kici unpi: unkan wiwica-wange ca heya; Miye matuwe oyate kin keyapi he.

19 Unkan waayuptapi qa, Jo-hannes baptem wicaqu qon: qa apa is, Elias; qa apa tokeca is; Wanakaja waayatapi qon hena etanhan wanji kini ce, eyapi ce, eyapi.

20 Unkan hewicakiya; Tuka niye matuwe kehapi he. Unkan Inyan waayupte ca heya; Wa-kantanka etanhan Messiya kin.

21 Unkan nina owicakiye, ca wicašta kin tuwedan okiyake šni wicaši;

22 Qa heya; Wicašta Cinhin-tku kin taku otakiya on ito iyo-tanhan iyekiye kta, qa wicašta tokapapi, qa wawayušnapi itan-canpi, qa wowapi kagapi kin he-na heyata iyeyapi, qa țeyapi kta ce: unkan anpetu iyamni kin-han kini kta ce, eya.

23 Unkan owasin hewicakiya: Tuwe miyahna u wacin kinhan, waipiiçida, qa anpetu otoiyohi cansusbeca kin kiçin, qa miya-hna u kta.

24 Tuwe kašta wiconi kin hdu-he wacin kinhan, togehipekiye

kta ce; tuka tuwe kašta miye on wiconi kin togehpekiye cinhan, hee hduhe kta ce.

25 Wicašta togehpeiciya, qa is token ehpeyapi hecinhan, maka kin ocowasin ohieciya esta, taku ecin on tanyan un kta he.

26 Tuwe miye qa mioie kin on istece cinhan, hee on Wicašta Cinhintku kin istece kta, tohan iye towitan, qa Atkuku tawa qa taohnihde wakan tawapi kin hduha u kinhan.

27 Tuka awicakehan heciciyapi; Den najinpi kin apa Wakan-tanka tokiconze kin tohanyan wanyakapi šni kin behanyan tapi kte šni.

28 Unkan wicoie kin dena iyo-hakam anpetu šahdogan ecetu, hehan Inyan, qa Johannes, qa Jakob, hena ewicayaku, qa cekiyekta paha wan ekta i.

29 Unkan cekiya icunhan ite kin tokeca hinnda, qa tawokoyake kin ska qa wiyatpatpa.

30 Unkan iho, wicašta nonpa kici wohdakapi, Moses qa Elias hena eepi.

31 Hena wokitaninyan hinajinpi, qa iye iyaye kte cin, Jerusalem ekta hduštan kte cin he iwohdakapi.

32 Tuka Inyan qa om un kin hena nina ištinnapi; unkan kiktapi qehan wookitanin tawa kin he wanyakapi, qa nakun wicašta nonpa kici najinpi kin hena.

33 Unkan hena ehpeya kihdapi icunhan, Inyan Jesus heciya; Itancan, den unkanpi kte cin he wašte; ito wakeya yamni un-kagapi kta, wanji niye, qa wanji Moses, qa wanji Elias, hecen unniciagapi kta; taku eye cin he šdonkiye šni.

34 Hena hecen eya icunhan, mahpiya šoka wan u, qa aohan-ziwicaya. Unkan mahpiya šoka

kin en hiyayapi hehan nina wikipapi.

35 Unkan mahpiya qon etanhan wicaho wan hinape, ça heya; Micinkši waštewakidake cin he dee ce: he anagoptan po.

36 Unkan wicaho qon yaštan qehan, Jesus išnana en najin. Unkan iye inina unpi, qa taku wanyakapi qon anpetu kin hena en wicašta kin tuwedan okiyakapi šni.

37 Unkan ianpetu qehan, paha qon eciyatanhan wanna en hdiqi qehan, oyate ota itkokipapi.

38 Unkan iho, wicota kin etanhan wicašta wanji hoyekiye ça heya; Waonspekiye cin, ceciciya ce, micinkši kin atonwan wo; micinca hecedan:

39 Unkan iho, woniya wan yuza eca, ihnuhana šicahowaya ece; qa yuhdehdeca, qa hecen minitaga apašdiya, qa onšiya kuwa, qa kitan se ayušan ece.

40 Unkan waonspewicayakiye cin cewicawakiye, ça napeye wicawaši; tuka okitpanipi, eya.

41 Unkan Jesus waayupte ça heya; Wicoicage wicada šni qa tawacin tehika, tohanyan cicipi waun kta, qa iyowinciciyapi kta he: nicinkši kin den au wo.

42 Unkan u kin hepiya, wakanšice cin makata ehpeye, ça yuhdehdeca. Unkan Jesus woniya šape cin kišice ça, hokšidan kin asniye ça, atkuku kin kicu.

43 Unkan Wakantanka towašake hince cin on owasin inihanpi. Tuka Jesus taku token econ kin on owasin inihanpi icunhan, waonspewicakiye cin hewicakiya;

44 Wicoie kin dena ninogepi kin en iyohpayapi kte; Wicašta Cinhintku kin wicašta napepi kin en wicaqupi kta.

45 Tuka iapi kin he okañnigapi ñni, qa anawicakihmanpi, hecen iyukcanpi ñni: unkan wicoie kin on iwangapi kte cin itonpapi.

46 Unkan hehan wanji tukte iyotan tankapi kte cin he hdo-kinicapi.

47 Unkan cante ekta hdokini-capi kin he Jesus wanyake cehan, hoksiyoqopa wan icu qa iye iyokihe ehde;

48 Qa hewicakiya; Tuwe kašta hoksiyopa kin de micaje on eyaku kinhan, he miye e emayaku; qa tuwe kašta miye emayaku kinhan, he umaši kin hee eyaku ece; hecen niyepi owasin wanji tukte nicistinpidan kinhan, hee tanka kta ce, eya.

49 Unkan Johannes waayupte ça heya; Itancan, tuwe nicaje on taku wakan šica napewicaya wanunyakapi, qa den ounpapi ñni kin on etanhan teunhin-dapi.

50 Unkan Jesus heciya; Tehin-dapi ñni po: tuwe unkipajinpi ñni kin he unkicicapi ece.

51 Unkan anpetu en wankan eyakupi kte cin wanna kiyedan aya, hehan Jerusalem ekta ye kta e ite kin hdušuta;

52 Qa wahošiyapi kin heca to-kata ye wicaši. Unkan iyayapi, qa taku wiyeya kicihnakapi kta e Samariya wicašta tonwanyan-pi kin wanji en ipi.

53 Unkan Jerusalem ekta ye kta sece cin on etanhan iyowin-kiyapi ñni.

54 Unkan waonspewicakiye cin, Jakob qa Johannes he wanyaka-pi qehan, heyapi; Itancan, Elias econ qon he iyecen unkiye, malpiya ecizatnhan peta kun u, qa huñnahwicaye unšipi kta ya-cin he.

55 Tuka ihduhomni qa wica-

kišice, ça heya; Tawacin toni-ketupi kin sdonyakiyapi ñni ce.

56 Wicašta Cinhintku kin wicašta tewicaye kta on hi ñni, tuka niwicaye kta heon hi ce, eya. Unkan otonwe wan toke-ca ekta iyayapi.

57 Unkan canku ohna yapi icunhan, tuwe heciya; Itancan kin, tokiya kašta de cinhan ciya-hna mde kta ce, eya.

58 Unkan Jesus heciya; Šun-gidan kin wašun tonpi, qa mahpiya okinyanpi kin hołpi yuhapi, tuka Wicašta Cinhintku kin iye pa kin tukten iwanke kte cin ee kaš hduhe ñni ce.

59 Unkan wanji tokeca heciya; Miyahna u wo. Tuka heya; Itancan, tokaheya ate wehe mde kte cin he iyowinmakiya ye.

60 Jesus heciya; Tona řapi kin řa wicayuhapi kin hena ito wicakihapi kta; tuka niye qe ye ça Wakantanka tokiconze kin he oyaka wo.

61 Unkan wanji tokeca nakun heya; Itancan, ciyahna waun kta; tuka ito tokaheya wahde, ça wati kin ohna un kin tanyan wehnake kte cin he iyowinma-kiya wo.

62 Unkan Jesus heciya; Wicašta kin tuwe mahiyumdu wana yuze, ça hehan hinakaha hakikta kinhan, he Wakantanka tokiconze kin en ope kta iyece-ce ñni ce.

WICOWOYAKE 10.

1 Unkan taku kin hena iyohakam, Itancan kin toktokeca wikcemna šakowin cajewicayate, ça iye otonwe tona ekta ye kte cin, qa tokiya kašta ekta ye kte cin, hena kohan ektakta nomnom yewicaši.

2 Qa hecen ewicakiya; Awicakehan woksapi kin tanka, tuka

Itanipi kin e tonana ce; he on etanhan woksapi Itancan kin, he iye Itanipi kin heca woksapi kin en yewicaši kte cin he icekiya po.

3 Ya po; iho, taħincaska šunktokeca ehna unpi he iyecen ye cišipi.

4 Mazaska opiye, qa wojuhadan, qa hanpa hena hduhapi šni po: qa tahepi wicašta tuwedan okiyapi šni po.

5 Qa tukten tipi wan en tin idadapi kinhan, tokaheya, Wookiye tipi kin den un nunwe, eya po.

6 Unkan wookiye cinhintku kin en un kinhan: wookiye nitawapi kin en iyahe kta: tuka hecece šni kinhan, ake en nihdipi kta.

7 Qa tipi kin he en ece un po, taku ničupi kin yuta qa yatkan dukanpi kta; tuwe Itani kin he wokajuju kicupi ece e kta: Tipi iyaza yapi šni po.

8 Qa tukten otonwe wanji en yaipi, qa iyowinniciyapi kinhan, taku nitokam enicihnakapi kin he ece yuta po.

9 Qa wayazanka en unpi kin hena asniwicaya po, qa, Wakan-tanka tokiconze kin he kiyedan nihiyohipi ce, ewicakiya po.

10 Qa tukte otonwe wanji en yaipi qa iyowinniciyapi šni kinhan, otonwe kin he canku kin en hdicupi qa heya po;

11 Nitotonwepi watušekseca ountkapapi kin hee kaeš itkom unnicicatatapi ce; tuka Wakan-tanka tokiconze kin he kiyedan nihiyohipi kin sdonya po.

12 Tuka heciciyapi ce, Anpetu kin he en otonwe kin he tehiya un kte cin he Sodom aoptenya un kta ce, eya.

13 Korazin wotehi niciyanka ce; Bethsaida wotehi niciyanka ce; niyepi kin en wicoħan tanka

econpi kin hena Turos qa Sidon en econpi unkanš, wanakaja wahinske ojuha cahota ahna en iyotanka iyopeičiyapi kta tuka.

14 Tuka wayacopi kin ekta niye tehiya yaunpi kte cin he Turos Sidon kici aoptenya unpi kta.

15 Qa niye Kapernaum, yuwankan mahpiya ekta aniyampi kin, kuya wakanšica ti kin ekta iyaye niyanpi kta ce, eya.

16 Tuwe ananigoptanpi kin, he miye e anamagoptan; qa tuwe wahtenidapi šni kin, he miye e wahtemada šni; qa miš tuwe wahtemada šni kin, he umaši kin hee wahteda šni ece, eya.

17 Unkan wikcemna šakowinpi qon wopidaya hdipi, qa heyapi; Itancan, nicaje kin eciyatanhan wakanšicapi kin iyepi kaeš ananigoptanpi ece.

18 Unkan hewicakiya; Mahpiya kin eciyatanhan wakanhdi iyecen Satan hinlpaya wammdaka ce.

19 Iho, wowašake cičupi, hecen wamduška sintehda ko ayahanpi kta, qa toka token wašakapi ešta isanpa yaunpi kta; hecen takudan ksuwenyanpi kte šni.

20 Tuka wakan šice cin hena ananigoptanpi kin heon wiyuškinpi šni po; tuka mahpiya ekta caje oniwapapi kin hee on wiyuškin po, eya.

21 Unkan he ehan Jesus cante mahen iyuškin, qa heya; Ate, mahpiya maka ahna on Itancan, niye taku kin dena ksapapi, qa wayupikapi kin hena anawicayakiħbe, a hokšiyooqopa kin heca sdonyewicayakiye cin, he pidamayakiya ce; han, Ate; niye hecen iyonicipi kin heon etanhan.

22 Atewaye cin he taku owasin yuhemakiya; qa Cinhintkuyapi

kin he tuwe kin tuwedan sdoneye
sni, Ateyapi kin heceyedana : qa
Ateyapi kin is tuwe kin. Cinhin-
tkuyapi kin iye qa tona owica-
kiyake kte cin henana sdoniyapi
ece.

23 Unkan waonspewicakiye
cin ekta ihduhomni, qa nahuna
heya ; Taku wandakapi kin
hena wicišta tona wanyakapi
kin hena yawaštepi ece.

24 Qa heciciyapi ; Waayatapi
kin wicaštayatapi ko ota taku
wandakapi kin hena wanyag
cinpi, tuka wanyakapi sni ; qa
taku nayahonpi kin he nahon
cinpi, tuka nahonpi sni, eya.

25 Unkan inyun, wicoope aiapi
kin heca wanji najin hiyaye, ça
wawiyutanye, ça heciya ; Wa-
onspekiye cin, token ecamon qa
owihanke wanin wiconi ohimi-
ciye kta he.

26 Unkan heciya ; Wicoope kin
en token owapi he ; token dawa
ece he.

27 Unkan waayupte, ça heya ;
Itancan Wakantanka nitawa kin
he nicante kin ocowasin, qa ni-
nagi ocowasin, qa nitowaśake
ocowasin, qa nitawacin ocowasin
on wašteyadake kta ; qa niye
inihdacin kin he iyecen nikiye-
dan un kin wašteyadake kta
ece.

28 Unkan heciya ; Tanyan
waadupta ; hecen econ wo, kin-
han yani kta ce.

29 Tuka iye ihdaowotanna wa-
cin, qa Jesus heciya ; Unkan
mikiyedana un kin he tuwe he.

30 Unkan Jesus ayupte ça heya ;
Wicašta wan Jerusalem etanhan
Jeriko ekta iyaya ; qa wama-
nonpi sa awicakipa, hena tawo-
koyake kin kipi, qa apapi, qa te
ieakiś ehpeya kihdapi.

31 Unkan ehantudan wawayu-
śna wanji canku kin he ohna

hiyaya : qa he wanyake çehan
iyoopta iyaya.

32 Unkan Lewite heca wanji
is eya ehan i qehan, atonwe ça
iyoopta iyaya.

33 Unkan Samariya wicašta
wanji icimani un. he wanke cin
en hi ; qa wanyake çehan on-
śida ;

34 Qa en i, qa kaşujapi kin pa-
hte ça wihdi miniśa ko en oka-
ştan ; hehan iye taşunke kin
akan yankekiye ça, owote tipi
wan en ahi, qa awanyaka.

35 Unkan ihanlianna iyoopta
ye kta, hehan kaşpapidan nom
ehdaku, qa tipi tawa kin qu, qa
heciya ; Tanyan yuha wo. qa
dena sanpa tona on dusote cin-
han, tohan waku kinhan ciçu
kta ce.

36 Iho, hena yamnipi kin, wa-
manonpi sa awicakipe ciqon
wanji tukte ikiyidan un idukcan
he.

37 Unkan, Wanji onśida qon
hee ce, eya. Hehan Jesus he-
ciya ; Ye ça, iyecen econ wo.

38 Unkan hetanhan iyoopta
iyayapi, hehan otonwe wan en
i ; unkan winohinca wan Mar-
tha eciyapi, he iye ti kin en
kico.

39 Unkan he tankaku kin, Ma-
ry eciyapi kin he Jesus siha kin
en iyotanke ça, oie kin nahon
ece.

40 Tuka Martha wicohan ota
on token cante yuza tanin sni ;
heon en hi qa heya ; Itancan,
mitanka ehpeyaye ça miśnana
taku ota ecamon ece kin niś ekta
ewacanni sni he ; heon etanhan
omakiye kta keciya ye.

41 Tuka Jesus waayupte ça
heciya ; Martha, Martha, taku
ota yakicanda wacanni, qa on
nagiyeniciya ece :

42 Tuka taku wanjidan cinpi-

ca; unkan Mary taku wašte kin he kahniga, he icimana kipi kte šni ce.

WICOWOYAKE 11.

1 Unkan tukten cekiya un, qa ayaštan qehan waonspewicakiye cin wanji heciya; Itancan, wo-cekiye eya onspeunkiya po, Johannes waonspewicakiye cin onspewicakiye cion he iyececa.

2 Unkan hewicakiya; Ceyakiyapi kinhan kaken eya po; Ateunyanpi mahpiya ekta nanke cin, nicaje wakandapi nunwe: Nitokiconze kin u kte: Mahpiya ekta nitawacin econpi kin he iyecen maka akan econpi nunwe.

3 Anpetu otoiyo hi anpetu wo-yute unqu po.

4 Qa waunhtanipi kin unkicicajuju miye, unkiš tona šicaya ecaunkiconpi wicunkicicajuju kin he iyececa. Qa taku wawiyutanyan un kin en unkayapi šni po; tuka taku šice cin etanhan eunhdaku po.

5 Unkan hewicakiya; Niyepi kin wanji tuwe kodayayapi, qahanye cokaya ekta yaipi, qahayakiyapi; Koda, aguyapi yamni omaqu wo:

6 Mitakoda wanji icimani hi, tuka taku itokam ewahnake kta takudan mduhe šni ce.

7 Hehan iye timahen tanhan waayupte, a heye kta; Nagiyemaye šni wo; tiyopa wanna natakapi, qa micinca om mahen imunka; hecen nawajin qa ciu kta owakitpani ce.

8 Heciciyapi; He kodaya on etanhan najin qa qu kte šni qe-yaš, nina kitan kin heon etanhan, najin qa tona cin kinhan qu kta ce.

9 Nakun heciciyapi; Da po, kinhan niupi kta; akita po,

kinhan iyeyapi kta; katoto po, kinhan niciyuhdokapi ece e kta.

10 Tuwe da eca he icu ece; qa tuwe akita eca he iyeya ece; qa tuwe katoto eca he kiciyuhdokapi ece e kta.

11 Cinca niyukanpi kin, wanji tukte cinhintku aguyapi kida kinhan, inyan wan qu kta he; qa iš hogan wan da kinhan, hogan on wamduška wan qu kta he.

12 Qa iš witka wanji da kinhan sintehda wan qu kta he.

13 Hecen niš nišicapi kin, nicincapi taku waštešte wicayapi kte cin he onnispepi echantanhan, iš iyotan mahpiya Ateyayapi kin tona Woniya Wakan kidapi kinhan wicaqu kta ce, eya.

14 Hehan wakan šica wanji tankan iyayeya, unkan ia okitpani. Unkan wakan šice cin wanna tankan hinape ehan, ia okitpani qon hehan ia; hecen oyate kin inihanpi.

15 Tuka apa heyapi; Beelzebub wakan šica itancan kin he eciyatanhan wakan šica napewicaya ece.

16 Qa apa toktokeca iš iyutan-yanpi kta on mahpiya eciyatanhan wowapetokeca kidapi.

17 Tuka tawacinpi kin sdonwicaye a hewicakiya; Wokiconze kin tona iye iyakitedan kicipajinpi kin hena atakuni šni ece; qa tipi wanji iye iipajin kinhan he jujuwahan ece.

18 Qa Satan iš iye iipajin kinhan tokiconze kin he token ecin ecen he kta he. Beelzebub eciyatanhan wakan šica napewicawaya ece, kehapi kin heon etanhan.

19 Unkan miye Beelzebub eciyatanhan wakan šica napewicawaya ehantanhan, niye nicinca-

pi kin hena tuwe eciyatanhan napewicayapi he; hecen iyepi kin niciyukanpi kta.

20 Tuka miye Wakantanka napsukaza on wakan śica nape-wicawaya ehantanhan, Wakan-tanka tokiconze kin awicakehan nihiyohipi ce.

21 Wicašta wan waśake ça wipe ton ti awanhdake cinhan, hecen woyuha tawa kin tanyan hiyeya ece.

22 Tuka wanji ikapeya waśake cin he takpe hi, qa ktedan kinhan, tawipe wacinkiye cion he owasin ekiciyaku, hehan taku tawa qon pamni ece.

23 Tuwe micica śni kin he makipajin; qa tuwe miciwapahi śni kin he wayumdeca ece.

24 Woniya śapa kin wicašta wan etanhan hinanpa eca makece puze cin en ece un, qa oziiciye kta akita; tuka takudan iyeye śni kinhan, hehan heya; Wati etanhan wahinawape cion he ake ekta wahde kta ce.

25 Unkan en hdi eca, wanna kahintapi qa ayuco yuŝtanpi iye-kiya ece.

26 Hecen tokiya ye ça, woniya toktokeca iye kin isanpa wica-ŝtapiśni śakowin ewicayaku, qa hena en yapi, qa otipi: hecen wicašta kin he otokahe kin isanpa oehake kin he śica ece.

27 Unkan hena hecekcen eya icunhan, wicota kin etanhan winohinca wan ho wankan yeye ça heciya; Wicitpi etanhan inicage cin he, qa aze dazoke cin hena yawaŝtepi ce.

28 Tuka iye heya; Han, tuka tona Wakantanka oie kin nahonpi, qa ecen econpi kin hena iŝ iyotan wicayawaŝtepi ce.

29 Unkan oyate kin wanna en himniciyapi qehan, hewicakiya; Wicoicage kin de śica; wowa-

petokeca akitapi, tuka wowa-petokeca takudan wicaqupi kte śni; Jonas waayate cion wowapetokeca tawa kin heceedan.

30 Ninewe oyate kin Jonas wowapetokeca yuhapi qon, he iyecen wicoicage kin de Wica-šta Cinhintku kin wowapeto-keca yuhapi kta.

31 Woyaco kin ekta itokaga wicaŝtayatapi winohinca qon he wicoicage kin de itkom nawica-jin, qa wicayaco kta; he iye maka owihanke tanhan Solomon toksape kin nahon hi; unkan iho, wanji Solomon isanpa tanka den un ce.

32 Woyaco kin ekta Ninewe wicašta kin hena wicoicage kin de on inajinpi kta, qa yacopi kta; he iye Jonas wowicakiyake cin on iyopeiciyapi; unkan inyun, wanji Jonas isanpa tanka den un ce.

33 Tuwedan petijanjan wan ideya eca nahmana ehde śni, qa iŝ ohna wiyutapi kin iyahdapŝin-yan hnake śni; tuka petijanjan ihupa wan akan ehde ece; qa hecen tona en hipi kinhan ojan-jan kin wanyakapi kte.

34 Wicatancan iyoyanpa kin wicišta kin hee: heon etanhan ništa kin hecetu kinhan, nitancan kin iŝ eya iyoyanpa ojudan ece; tuka ništa kin he śica eca, nitancan kin iŝ eya ocowasin otpaza ojudan ece.

35 Hecen iyoyanpa en niun kin he otpaze kte śni e wakta wo.

36 Heon nitancan kin ocowasin iyoyanpa ojudan, qa tuktedan otpaze śni ehantanhan, petijanjan wan yehya ide iyoyam-niyan kin he iyecen ocowasin iyoyanpa ojudan kta ce.

37 Unkan heya icunhan Phari-see wan kico: hecen en i, qa wote kta iyotanka.

38 Unkan wote śni itokam ihdujaja śni kin he Pharisee qon wanyake cehan, inihan.

39 Unkan, Itancan kin heciya; Niye Pharisee kin, miniyatkan waksica ko akapatanhan duskapi ece; tuka mahen tanhan wawicakipi wicohan śica ko onijupidan ece.

40 Winitkotkopike cin, akapatanhan un kin he tuwe kaga hecinhan, he iś mahen un kin nakun kage śni he.

41 Tuka taku duhapi kin etanhanhan wicaqu po; kinhan taku owasin niciskapi kta ece.

42 Tuka Pharisee kin niyepi wotehi niciyankapi ece; ceyakata, wacanga, wahpe waštemna ko owasin etanhan iwikeemnamna wicayaqupi ece; tuka wicohan owotanna Wakantanka waštedakapi ko, hena acayakšimpi ece; dena e iś ecen ecanonpi kta, qa unma qon oyakaptapi kte śni tuka.

43 Pharisee kin niyepi wotehi niciyankapi ece; omniciye tipi kin en oyanke waštešte kin hena wašteyadakapi ece, nakun wopeton tipi kin ekta yaonihan-yan oniciyapi kin.

44 Wowapi kagapi qa Pharisee, wanaicihmanpi kin, wotehi niciyankapi ece; wicašta hnakapi tanin śni hiyeye ça wicašta kin sdone-śni amanipi kin henececapi ece.

45 Unkan hehan wicoope aiapi kin heca wanji waayupte, ça heciya; Waonspekiye cin, hecen eha eca, unkiś eya ienunyahdepi ece.

46 Unkan heya; Wicoope aiapi kin niś eya wotehi niciyankapi ece; waqinpi qinpi tehika wicašta qinwicayakiyapi ece qa niyepi kin napsukaza wanjidan on waqinpi kin dutanpi kte śni.

47 Wotehi niciyankapi ece; wicašta wokcan wicahnakapi kin hena niye yakagapi, qa niyatepi kin hena wicaktepi qon.

48 Atewicayayapi ohanyanpi qon iyowinwicayakiyapi e awicakehan nihduotaninpi; he iye hena wicaktepi e wicakapi, qa niye wicašta hnakapi kin wicayecagapi ece.

49 Heon iś eya Wakantanka toksape kin heya; Waayatapi qa wahošiyapi heca ekta yewicawaši kta ce; unkan apa wicaktepi, qa onśiya wicakuwapi kta;

50 Hecen maka kagapi kin ehantanhan wicašta wokcanpi we papsonpi kin he owasin wicoicage kin de iwicawangapi kta;

51 Abel we kin hetanhan, qa Zacariyas tipi wakan wahna wošnapi kin okitahedan awihnuni qon he we kin iyahdeya; Awicakehan heciciyapi, He wicoicage kin de etanhan iwicawangapi kta ce.

52 Niye wicoope aiapi kin wotehi niciyankapi ece; niś wosdone iyuhdoka yutokan edakupi, qa niye ohna idadapi śni, qa tona ohna iyayapi kte cin hena anawicayaptapi ece.

53 Unkan hena heceken ewicakiya icunhan, wowapi kagapi qa Pharisee kin taku ota eyeki-yapi kta e nina hin nagiyeyapi;

54 Taku iyaonpapi kta akitapi, heon taku i kin etanhan inanpe kta on hmunkapi kta iyapepi.

WICOWOYAKE 12.

1 Unkan wicota hinca en ahimniciya, hecen akicihanpi ece; hehan waonspewicakiye cin hewicakiya; Tokaheya Pharisee kin on napohiyapi tawapi kin he

itonpa po, he wanaicihmanpi kin hee ce.

2 Taku akahpetonpi qa yuzamnipi kte šni wanica; qa nakun taku anahmanpi qa yuotaninpi kte šni wanica ce.

3 Hecen otpaza ehna taku token ehapi kin he anposkantuya nahonpi kta; qa onahbe tipi kin ohna wicanoge kin en token ehapi kin he tipi akan ieyanpahapi kta.

4 Qa kodamayayapi kin, niš heciyapi; Wicatančan ktepi qa sanpa takudan okihipi šni kin hena kowicakipapi šni po.

5 Tuka tuwe koyakipapi kte cin he ito kanyehan ociciyakapi kte: Tuwe wicakte, qa hehan wakanšica tipi kin en ehewicaya okihi kin he eca kokipa po; han, Hee kokipa po, eciciyapi ce.

6 Zitkadan zaptan mazašadan nonpa iyopewicayapi šni he: heca ešta Wakantanka hena wanjidan kaes akiktonje šni.

7 Tuka niyepi kin paha ee kaes owasin niyawapi ece. Heon etanhan wikopapi šni po; zitkadan ota isanpa niyawapi ece.

8 Qa nakun heciyapi ce; Tuwe kašta wicašta kin wicitokam miye mayaotanin kinhan, Wicašta Cinhintku kin Wakantanka taohnihde kin hena itokam he yaotanin kta.

9 Tuka tuwe wicašta kin wicitokam amakta šni kinhan, Wakantanka taohnihde kin hena itokam, he aktapi kte šni.

10 Qa tuwe kašta Wicašta Cinhintku kin itkom wicoie wanji eciye cinhan, kicicajupupi kte; tuka tuwe Woniya Wakan waoštehdā kinhan, kicicajupupi kte šni.

11 Tohan omniciye tipi kin en anihipi kinhan, qa wicaštayatapi

wowašake ko ekta, taku qa token aduptapi kta, qa taku ehapi kte cin awacinpi šni po.

12 Woniya Wakan kin he iye iyehantudan hin taku ehapi kta iyececa he onspeniciyapi kta ce.

13 Unkan wicota kin etanhan wanji heciya; Waonspekiye cin, misunka woyuha hanke micu kta, keciya wo.

14 Unkan heciya; Wicašta kin, niwankam wiyukčan qa wapamni kte cin tuwe makaga he.

15 Unkan hewicakiya; Iwanihdaka po, qa wakonpi kin kokipa po; wicašta nipi kin he taku iyakičuya tonpi kin he en un šni ece.

16 Hehan wiyacinpi wan owicakiyake ča heya; Wicašta wijica wan tamaga kin taku ota icahiya.

17 Unkan cante mahen he awacin qa heya; Token ecamon kta he; waskuyeca mitawa kin tukten wehnake kte cin mduhe šni ce.

18 Hehan heya; Kaken ecamon kta; wopiye wahdujuju kta, qa tankinkinyan wakage kta; qa hena ohna taku imicicaga woyuha mitawa ko owasin ewaju kta.

19 Qa minagi kin hewakiye kta; Minagi, taku ota yehnake cin he waniyetu ota oiyahde kta ce; ito ozičiye, ča wote, ča watatke, ča wiyuškin wo, eya.

20 Tuka Wakantanka heciya; Winitkotkoke cin, hanyetu kin de ninagi kin inicicupi kta; hecen wayehnake cin hena hehan tuwe tawa kta he.

21 Tuwe woyuha kihnaka, tuka Wakantanka ekta wijice šni kin he he kicica ce, eya.

22 Unkan waonspewicakiye cin hewicakiya; Hecen on hecici-

yapi ce, Yanipi kin on taku yatapi kte cin, qa is tancan kin taku kodakapi kte cin, hena on nagiyeiciyapi sɲi po.

23 Wicani kin he woyute kin isanpa ece; qa wicatanɲan kin is wokoyake isanpa ece.

24 Kangi kin hena iwicayukcan po; he iye wojupi sɲi qa-woksapi sɲi, qa dotopiye woɲa ko nicapi: unkan Wakantanka hena wo wicaqu ece. Waɲupakoza kin isanpa niyawapi sɲi he.

25 Qa niyepi wanji awacannipi kin on wiciɲpa wanɲidan kaes nihduhanskapi oyakihipi he.

26 Hecen taku iyotan cistinna kin he oyakihipi sɲi ehantanhan, unna kin on tokeca ecin nagiye- niɲiyapi he.

27 Mnaɲcaɲca kin he token icaga ece kin he iyukcan po; ɲtani sɲi qa nakun wakahmun sɲi; tuka heciciyapi ce, Solomon token okitanin esta, dena wanji iyecen wakoyake sɲi.

28 Hecen Wakantanka peji anpedehan magata hiyeya, qa heyakecinhan petan eɲpeyapi kin hee kaes wokoyake qu ehantanhan, kitanna wicayadapi kin, nis iyotan wokoyake niɲupi kte sɲi he.

29 Qa taku yatapi qa datkanpi kte cin he ihnihdapi sɲi po; qa nakun wacetunhɲaya wacin yuzapi sɲi po.

30 Maka oyate kin hena owasin hecen ihnihdapi ece; qa niye taku kin hena yacinpi kin Ateyayapi kin sɲonya ece.

31 Tuka Wakantanka tokiconze kin hee tokaheya ihnihda po, kinhan dena owasin koya niɲupi kta.

32 Optaye cistinna kin, wiko- papi sɲi po; wokiconze kin hee niɲupi kta e Ateyayapi kin iyo- kipi ece.

33 Taku yatonpi kin wiyope- kiya po, qa wicaqu po. Woyuha kukaka aye kte sɲi, maɲpiya ekta woyuha owihanke kte sɲi hena icicaga po; heciya wama- non sa kiyedan u sɲi, qa wa- mduɲkadan wayapote sɲi ece.

34 Woyuha tukten niciyankapi hecinhan, is eya nicantepi kin en un ece e kta.

35 Ipiyag kiton yaunpi kta, qa petijanjan nitawapi ideyahan un kta;

36 Qa nis wicaɲta wicayuhe cin kiciyuzapi kin eciyatanhan hdi kta ape hiyeye cin hena iye- cen un po; tohan hdi qa tiyopa hɲatoto kinhan wancake kiciyu- ɲɲokapi kta.

37 Wicayuhe cin hdi kinhan, ookiye kin tona wakta unpi iye- wicakiye cin, hena wicayawa- ɲtepi; awicakehan heciciyapi ce, Wicayuhe cin iye ipiyagkiton, qa ookiye kin hena wote kta iytangwicakiye, ɲa u, qa owi- cakiye kta ce.

38 Hecen inonpa waktapi kin en, qa is iyamni waktapi kin iyehan hdi, qa ecen iyewicaye cinhan, ookiye kin hena wicaya- waɲtepi ece.

39 Qa de sɲonya po, tipi tawa kin wamanon sa tohan hi kta sɲonya unkanɲ, wakta un qa tipi kin kiciyuɲɲokapi kte cin anapte kta tuka.

40 Heon etanhan nis eya wi- yeya un po; Wicaɲta Cinhintku kin tohan awacannipi sɲi kinhan hehan u kta ce.

41 Unkan Inyan hehan heciya; Itancan, wiyacinpi kin de unkiɲ- nana unkoyakidakapi, qa is owasin wicayaka he:

42 Unkan Itancan kin heya; Ookiye wanji waawanyagkiyapi kin he wayupike, ɲa okiksape cinhan, yuhe cin tiwahe kin yu-

hekiye kta, qa hecen iyehanyan wo wicaqu ece e kte cin he tuwe he.

43 Itancan tawa kin ku, qa taokiye wanji hecen econ yanka wanhdake cinhan, hee yawaštepi ece.

44 Awicakehan heciciyapi; Taku token tawaye cin he owasin yuhekiye kta ce.

45 Tuka ookiye kin he cante mahen, Itancan kin teban hdi kte šni ecin; qa wicaookiye qa winyanookiye kin hena awicape, ça wote, ça wayatke, ça witkoičiye cinhan,

46 Ookiye kin he anpetu wan yuhe cin hdi ape šni, qa sdonkiye šni hehan hdi, qa kicakse, ça waceṭunhdapi kin hena owicapeya ounyekiy kta.

47 Qa ookiye wanji yuhe cin tawacin kin sdonya, tuka wiyeya icihnake šni, qa tawacin kin okiçiye šni kinhan, he ota apapi kta.

48 Tuka tuwe sdonye šni kinhan, he is apapi kte cin iyecen ohanyan ešta tonana apapi kta ce. Tuwe taku ota qupi kinhan, hee taku ota iwangapi kta; qa wicašta kin tuwe taku ota yuhekiyapi ca, he iyotan ota kica-pi ece e kta.

49 Maka akan peta iyayewaye kta wahi; qa token wacanmi he, wanna ideyapi ešta.

50 Tuka baptem wanji on baptem maqupi kta; qa he tohanyan yuštaŋpi šni behanyan aotinsmayanpi ce.

51 Maka akan wookiye wicaqu wahi kecannipi he. Hiya, tuka wicayumdecapi kin is ee kta, eciciyapi ce.

52 Detanhan tipi wanjidan ohna zaptan yukanpi kta, qa yuomdecapi kta, yamni nonpa om, qa nonpa yamni om kicipajinpi kta.

53 Wicašta wan iye cinhintku kin kipajin kta, qa cinhintku kin is atkuku kin; hunku kin cunwintku kin kipajin kta, qa cunwintku kin is hunku kin; nakun kunku kin takošku kin, qa takošku kin is kunku kin kipajin ece e kta, eya.

54 Unkan nakun oyate kin hewicakiya; Wiyohpeyata tanhan mahiṭiya wanji wankan u wandakapi eca, wancake, Magaju kta ce, ehapi: unkan ecetu ece.

55 Qa itokaga tate uya eca, Odidita kta ce, ehapi: unkan ecen hiyohi ece.

56 Wanaicilmanpi kin, niš mahiṭiya ite kin maka ko iyukan oyakihipi; tuka tokeca e nakaha kin idukanpi šni he.

57 Han, niye cinka tokeca e taku owotaŋna kin idukanpi šni he.

58 Tohan tuwe icazoniciye cin kici wicoope awanyake cin ekta de cinhan, tahepi niyuškapi kte cin akite hınca wo; okinni he wayaco kin ekta aniye kta, qa wayaco kin is akicita kin ekta niču kta, qa hecen kaška nihnakapi kta.

59 Mazašadan ehake hince cin he tohanyan yecu šni behanyan hetanhan yahdicu kte šni, eciciya ce, eya.

WICOWOYAKE 13.

1 Unkan hehan en opapi kin wanjikji, Pilate token Galile wicašta heca we kin iye wošnapi tawapi kin kici icicahiye ciqon, he okiyakapi.

2 Unkan Jesus waayupte ça hewicakiya; Galile wicašta kin decen ecawicaonpi kin heon etanhan Galile wicašta owasin isanpa hena waḥtanipi sa kecannipi he.

3 Iliya; tuka niye nihduece-tupi šni ehantanhan, niš eya owasin iyecen nitakunipi kte šni, eciciyapi ce.

4 Qa iš Siloam conkaške ake-šahdogan awicahinhpaye, ɕa wicakte qon, wicašta owasin Jerusalema en unpi qon henana iyotan wicoħan šicapi, kecannipi he.

5 Hiya; tuka niye nihduece-tupi šni ehantanhan, niš eya owasin iyecen nitakunipi kte šni, eciciyapi ce, eya.

6 Unkan wiyacinpi kin de nakun owicakiyaka; Wicašta wan hastanhanka iyuwi maga tawa kin en suken can wanji oju; unkan en waskuyeca ode hi, tuka takudan iyeye šni.

7 Hehan hastanhanka iyuwi maga kicanye cin he heciya; Can kin de ekta omaka yamni wanna waskuyeca ode wahi, tuka ongedan iyewaye šni ece; kawanka wo; tokeca ecin maka yušaɕya han he.

8 Unkan waayupte, ɕa heciya; Itancan kin, omaka kin de nakun ayušta wo, ecen ohomni maka waqe, ɕa tacesdi en ewahnake kta;

9 Okinni waskuyeca icaħye kta; tuka wanice cinhan, hin-nakaha hehan yahdawanke kta ce.

10 Unkan anpetu wakan icunhan omniciye tipi wan ohna waonspewicakiya yanka :

11 Unkan iho, winoħinca wan waniyetu ake šahdogan hehanyan woniya wašake šni kin yuba, tancan kin wanna pako icu, qa tokadan ihduowotanna šni.

12 Jesus he wanyaka, unkan kico qa heciya; Winoħinca waniyazanke cin etanhan niciyus-kapi ce.

13 Hehan nape kin ahnaka, un-

kan wancake owotanna icu, qa Wakantanka yaonihan.

14 Unkan anpetu wakan icunhan Jesus waasniyan kin on etanhan omniciye tipi idake cin he canteptanyan; hecen waayupte, ɕa oyate kin hewicakiya; Wicašta kin ĩtanipi kte cin anpetu šakpe yukan ce; hecen anpetu kin hena en u po, qa asni-niyanpi kta ce; tuka anpetu wakan icunhan upi šni po, eya.

15 Unkan Itancan kin waayupte ɕa heciya; Wanaicĩħbe cin, niyepi otoidahi, anpetu wakan, tatanka qa iš šonšonna nitawapi kin yakiduškapi qa miniyatkekiya adapi šni he.

16 Unkan winoħinca kin de Abraham cunwintkuwicaye cin wanji ee, Satan iho, waniyetu ake šahdogan hehanyan kaška hnaka, he iš anpetu wakan icunhan kiyuškapi kte šni iyececa he.

17 Unkan hena hecen eye ceħan, kipajinpi qon owasin ište-capi; unkan wokitaninyan taku econ qon hena owasin on oyate owasin iyuskinpi.

18 Hehan heya; Wakantanka tokiconze kin he taku iyececa he; qa taku e imdacin kta he.

19 Sinape sukaza wanji iyececa, he wicašta wan icu, qa maga tawa kin en iyohpeya; unkan icage, ɕa can tanka aya; unkan mahipiya okinyanpi kin adetka kin en iyahanpi ece.

20 Unkan ake heya; Wakan-tanku tokiconze kin he taku e imdacin kta he.

21 On napohiyapi kin he iyececa, he winoħinca wan icu, qa wotpanpi wiyutapi yamni en anahman, hecen ocowasin napogan ce.

22 Unkan otonwe qa otonwe ciqadan iyaza ye ɕa, waonspekiya; qa Jerusalem etkiya ya.

23 Unkan tuwe heciya; Itancan, niwicayapi kte cin hena tonananpidan he. Unkan hewicakiya;

24 Tiyopa cistiyedan kin he ohna dapi kta nina akita po: wicota ohna yapi akitapi kta, tuka okihipi kte šni, eciciyapi ce.

25 Tipi tawa kin tohan wanna najin hiyaye, ça tiyopa kin ecen ikikeu, qa itankan nayajinpi, qa tiyopa yakatotopi, qa; Itancan, Itancan, unkiciyuhdoka miye, ehapi; qa iye waayupte ça, Tonitanhanpi kin sdonwaye šni ce, eniciyapi kta;

26 Hehan niš hehapi kta; Nanke cin en wauntapi, qa wanyatkanpi ece; qa niš ocanku unkitawapi kin ohnahna waonspeyakiye cigon.

27 Tuka iye heye kta; Tonitanhanpi kin sdonwaye šni, eciciyapi ce; woowotanna šni ecanonpi ece kin owasin mitantanhan iyaya po.

28 Abraham, qa Isaak, qa Jakob, qa wicašta wokcan owasin Wakantanka tokiconze kin en opapi tohan wandakapi, qa niyepi kin tankan iyayenyanpi kinhan, wicaceya lihdaokokokapi ko yuke kta.

29 Wiyohiyanpata, wiyohpeyata, waziyata, itokaga, henaikiya eciyatanhan au, qa Wakan-tankank tokiconze kin en iyotankapi kta ce.

30 Unkan iho, ehake yakonpi kin hena tokaheyapi kta; qa tokaheyapi kin hena is ehake yakonpi kta ce, eya.

31 Unkan anpetu kin he en Pharisee kin wanjikji ekta hipi qa heciyapi; Detanhan ye ça tokan iyaya wo; Herod nikte kta cin.

32 Unkan hewicakiya; Yapi

qa sungidan kin he heciya po; Iho, anpetu kin de qa nakun heyakecinhan, wakan šica napewicawaye ça, wayazankapi kin asniwicawaye kta, qa anpetu icyamni kinhan mayušanpi kta ce.

33 Takomni anpetu kin de, qa heyakecinhan, nakun iyokihe kin he en mawani kta iyececa; ecaeš Jerusalem itankan wicašta wokcan wanji te kte pica šni.

34 Jerusalem, Jerusalem, wicašta wokcan kin hena wicayakte, qa niye ekta u wicašipi qon hena inyan on wicayakininpi ece; eca ijehan anpaohotonna wan hupahu ohdateya cinca wictpahi ece kin he iyecen niye nicinca kin wicacicipahi kta, tuka yacinpi šni.

35 Iho, yatipi kin otiwota ehpeniciyapi: qa, Tohanyan tuwe Itancan caje on u kin he yawaštepini nunwe, ehapi šni hehanyan wanmayadakapi kte šni, awicakehan eciciyapi ce.

WICOWOYAKE 14.

1 Unkan Pharisee itancan wanji ti kin en anpetu wakan icunhan wote kta tin iyaya; unkan Pharisee kin awanyag kuwapi.

2 Unkan iho, wicašta wan dropsi ececa kin he itokam yanka.

3 Hehan Jesus waayupte ça, wicoope aiapi kin, qa Pharisee kin hena hewicakiya; Anpetu wakan icunhan waasniyanpi kte cin iyowinwicakiyapi he.

4 Tuka inina unpi. Hehan wicašta qon eyaku, qa asniye, ça hdeši;

5 Qa waayupte, ça hewicakiya; Niyepi kin wanji -tatanka qa is šonšonna yatonpi, qa anpetu wakan icunhan makolidoka wan

ohinlipaye cinhan, wancake hdi-cuyakiyapi šni naceca he.

6 Unkan hena on ayuptapi kta okitpanipi.

7 Unkan wicakicopi kin wiya-cinpi wan owicakiyaka, oyanke tokapa ece kahnigapi kin he wanyake çehan; qa hewicakiya;

8 Tuwe tohan kiciyuzapi kin ekta nicopi kinhan, oyanke tokapa kin en iyotanke šni wo; okinni nikapeya kinihanpi wanji kicopi kta;

9 Kinhan, sakim nicopi kin he u, qa, Wicašta kin de kiyukan wo, eniciye cinhan, hehan hinakaha wowištenya oyanke hakakta kin hee ekta idotanke kta ce.

10 Tuka nicopi kinhan ye, ça oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta; hecen om wota idotanke cin hena niyuonihanpi kta.

11 Tuwe kašta ihduwankantu kinhan, hee yuhukun iyayeyapi kta 'ce; qa tuwe ihduhukuye cinhan, hee yuwankantuya ayapi ece e kta.

12 Unkan hehan kico qon he heciya; Tohan wiyotanhani wotapi, qa is hitayetu wotapi yakage cinhan, kodawicayaye, ça nihunkawanji, qa takuwicayaye cin, qa nikiyedan wijinya unpi kin, hena wicakico šni wo; is ake okinni nicopi, qa hecen nicicajujupi kta.

13 Tuka wotapi wan yakage cinhan, walipanicipi, qa huha ksawahanpi, qa huštepi, qa istagongapi kin, hena wicakico wo;

14 Kinhan niyawastepe kta ce; hena nicicajujupi kta okitpanipi nakaes, owotanpidan kinipi kte cin ekta nicicajujupi kta ce, eya.

15 Unkan opeya wota yankapi

kin etanhan wanji hena hecen eya nahon qehan, heciya; Wankankanka tokiconze kin en tuwe aguyapi yute kta hecinhan hee yawastepe ce.

16 Unkan hehan heciya; Wicašta wan hitayetu wotapi wan tanka kage, ça wicota wicakico;

17 Qa wotapi kta wanna iye-hantu, hehan taokiye wan wicakicopi qon hewicakiye kta ye si; U po, wanna taku owasin wiyeya hiyeya ce.

18 Unkan owasin okonwanjidan ihdatokanpi. Tokaheya kin he heciya; Makoce onšpa opewaton, qa he wanhdag mde kta iyececa; ceciciya ce, micunni wo.

19 Unkan wanji tokeca heya; Tatanka tazaptan opewaton, qa iwicahdute mde kta; ceciciya ce, micunni wo.

20 Unkan wanji tokeca heya; Winohinca wan mduza, hecen wau owakitpani ce.

21 Unkan hecen ookiye qon he ku, qa heyapi kin yuhe cin ecen okiyaka. Unkan hinakaha tipi tawa kin šihda, qa taokiye qon heciya; Koyahan wo, qa otowe canku kin ekta ye, ça walpanicipi kin, huha ksawahanpi, huštepi, istagongapi kin, hena den awicau wo, eya.

22 Unkan ookiye qon heya; Itancan kin, ehe cin he wanna ecen econpi, tuka nahahin okan ce, eya.

23 Unkan Itancan kin ookiye qon heciya; Ocanku hince cin, qa mahinatake ektakta ye, ça uwicakiya wo, hecen wati kin ojudan kta.

24 Heciciya ce; Wicakicopi qon wanjidan kaeš wowawe cin etanhan onšpadan yutapi kte šni ce, eya.

25 Unkan wicota hinca kici

yapi; hehan ihduhomni qa he-wicakiya;

26 Tuwe ekta mahi, qa atku-ku, hunku, tawieu, cinca, sunka-ku, tawinohtin kin, hena, qa iye ni kin hees koya sicekida sni e-hantanhan, waonspewicawakiye cin wanji ee kta okitpani ce.

27 Qa tuwe kašta cansusbeca kin kicin, qa miyahna u sni e-hantanhan, waonspewicawakiye cin wanji ee kta okitpani ce.

28 Niyepi kin wanji conkaške yakagapi kta kecannipi ehan-tanhan, ito tokaheya idotanka-pi, qa yahduştanpi kte cin iyena yatonpi hecinhan, he iyahdu-keanpi sni he.

29 Hecanonpi sni kinhan, okin-ni oahelhe kin he wanna eya-hnakapi, qa yahduştanpi kte cin oyakitpanipi kinhan, tona wan-yakapi kinhan owasin inihapi, qa heyapi kta;

30 Wicašta kin de taku kage kta, tuka hduştan kta okihi sni ce.

31 Qa nakun wicaştayatapi wan wicaştayatapi tokeca azuye kte cinhan, ito tokaheya iyotanke, ça iye kektopawinge wikcemna wicayuhe cin hena on, tuwe ke-ktopawinge wikcemna nonpa yuha takpe u kin he itkokipa okihi kta hecinhan, he ihdukcan sni naceca he.

32 Qa is, unma kin hinahin ite-han un, tuwe ekta ye ši, qa wo-kiyapi kida naceca.

33 Iho, he iyecen niyepi kin tuwe taku yuhe cin owasin tpa-gan sni ehantanhan, waonspewi-cawakiye cin wanji ee kta oki-tpani ce.

34 Miniskuya he wašte; tuka miniskuya woskuye kin en un sni ehantanhan, taku ecin on skuya kagapi kta he.

35 Maga qa watuškseca paha

kin unmana on wašte sni; tuka tankan elipeyapi ece. Tuwe noge winahon yukan hecinhan, nahon kta ce.

WICOWOYAKE 15.

1 Unkan hehan wamnayanpi qa walitanipi sa, hena owasin nahonpi kta e on en ahi.

2 Unkan Pharisee kin wowapi kagapi ko ikapapi qa heyapi; Wicašta kin de walitanipi sa iyowinwicakiye ça om wota ece.

3 Hehan wiyacinpi kin de owi-cakiyake ça heyapi;

4 Niyepi kin etanhan wicašta wanji talinca wanunyanpi opa-winge wicayuhe ça, wanjidan kitanin sni kinhan, wikcemna napcinwanka sanpa napcinwan-ka kin hena makotahedan en awicayuştan, qa tanin sni qon he tohanyan iyeye sni hehanyan okide sni naceca he.

5 Qa tohan iyeye cinhan, wi-yuškinyan hiyete akan akionpa ece.

6 Qa wanna tiyata ki eca, ko-dawicaye ça, ikiyedani tipi kin hena witaya wicakico, qa hewi-cakiya; Miciiyuşkin po, talinca wanunyanpi wan makitanin sni qon he wanna iyewakiya ce.

7 Heciciyapi ce; he iyececa, walitanipi sa wanjidan iyopeici-ya eca, mahpiya ekta wiyuşkin-pi ece e kta, wicašta owotanna qa woalitani on iyopeiciyapi kta iyececapı sni wikcemna napcin-wanka sanpa napcinwanka on iyecen wiyuşkinpi kte sni.

8 Qa nakun winohinca tuwe kaşpapidan wikcemna yuhe, ça wanji togehpekiye cinhan, he-cen petijanjan ideye, ça tipi kin kahinte, ça tohan iyekiye sni kin hehanyan okide sni naceca he.

9 Qa tohan wanna iyeye cinhan, kodawicaye cin, qa ikiyedan tipi kin hena witaya wicakico qa hewicakiya; Miciiyuskin pe, kašpapidan toki ehpewakkiye cigon he wanna iyewakiya ce.

10 He iyececa wahtanipi sa wanjidan iypeiciya eca, on Wakantanka taohnihde kin wicito-kam wiyuskinpi ece, eciciyapi ce.

11 Unkan heya; Wicašta wan cinhintku nonpa.

12 Unkan hakakta kin he atkuku kin heciya; Ate, woyuha mitawa kte cin he micu wo. Unkan woyuha kin akipam wicaqu.

13 Unkan iyohakam anpetu tonana hehan cinhintku hakakta qon he taku owasin witaya tpa-hi, qa itehanyan makoce wan ekta icimani iyaya: qa hen šica-ya ohanyanpi kin on taku yuhe cin hduatakuni šni.

14 Unkan wanna owasin hdu-sote cehan, makoce kin he en wicaakihan tanka icaga; hehan iye wicakiš un.

15 Qa makoce kin hen unpi kin wanji ekta ye ča kici yanka: unkan he kukuše wo wicaqu kta e maga kin ekta ye ší.

16 Unkan omnica kukuše yutapi kin hee etanhan wipiičiye wacin; tuka tuwedan takudan qu šni.

17 Unkan içiksuye cehan heya; Ookiye opetonpi heca aguyapi iyakičuya yuhapi kin tona ate wicayuha hwo; qa miye e wotektehđapi on atakuni šni amayan ce.

18 Ito nawajin qa ate ekta wa-hde kta, qa hewakiye kta; Ate, mahpiya kin en, qa niye nakun nitokam wawahtani:

19 Qa detanhan cincamayaye

kta iyemacece šni; wicašta ope-wicayaton kin he is wanji iye-ceca makaga wo, epe kta ce.

20 Unkan najin hiyaye ča atkuku kin ekta hda. Tuka nahahin itehan atkuku wanhdake ča on-šikida, qa ekta inyang ye ča, poskin hduze ča i itputaka.

21 Unkan cinhintku kin heciya; Ate, mahpiya kin en qa niye nitokam wawahtani; qa detanhan cincamayaye kta iyemacece šni ce.

22 Tuka atkuku taokiye kin hewicakiya; Šina iyotan wašte kin he aupi qa inkiya po; qa mazanapcupe wan nape kin en iyeikiya po, qa hanpa ohekiya po:

23 Qa ptejicadan cemyapi kin he den aupi qa kte po; waunta-pi qa unkiyuškinpi kta ce:

24 Micinkši kin de ča, tuka kini; tanin šni, tuka iyeyapi ce, eya. Unkan hinnakaha wi-yuškinpi.

25 Tuka cinhintku tokapa qon he magata un; unkan ti kiye-dan ku hehan dowanpi qa waci-pi nahon.

26 Unkan ookiye wanji kipan, qa token he kapi hecinhan he iwanga.

27 Unkan heciya; Nisunka hdi; unkan ni un, qa zaniyan hdi kin on etanhan niyate pteji-cadan cemyapi qon he kikte ce, eya.

28 Unkan hecen šihda, qa tin kihde wacin šni: hehan atkuku kin tankan hiyu, qa cekiya.

29 Unkan waayupte ča atkuku kin heciya; Wanyaka wo, wan-na waniyetu ota ociciye ča to-hinni nioie kawape šni; hececa ešta kodawicawaye cin om wi-mduškin kta e tacincadan wan tohinni mayaqu šni.

30 Tuka nicinkši witkowinpi kin om woyuha nitawa kin tem-

niciye cin de hdi ca, wancake ptejicadan cemyapi kin he yeci-
cata ce, eya.

31 Unkan heciya; Cins, ohin-
niyan mici yaun, qa taku mita-
wa kin he iyuhpa nitawa.

32 Nisunka kin de ta, unkan
kini; tanin sni, unkan iyeyapi
kin, on etanhan ito cante unwa-
stepi, qa unkiyuskinpi kte cin he
hecetu ce.

WICOWOYAKE 16.

1 Hehan waonspewicakiye cin
hewicakiya; Wicašta wijica
wanji waawanyake wan yuha;
unkan he yuhe cin woyuha tawa
yutakuni sni ce, keya okiyakapi.

2 Hehan kico qa heciya; Taku
eniciyapi kin de toketu he;
waawandake cin ito ohdaka wo;
wanna waawandake cin aduŝtan
kta ce.

3 Unkan waawanyake cin can-
te mahen heya; Token ecamon
kta he; waawanmdake cin he
mayuhe cin imicicu; mahqapi
kin owakitpani, qa timatayapi
kin he imaŝteca.

4 Taku ecamon kte cin he
sdonwakiya, heon tohan waa-
wanmdake cin he etanhan he-
yata iyemayanpi kinhan, tipi kin
en tin hiyumayanpi kta ce.

5 Unkan hecen yuhe cin tona
ikicazopi qon owasin wicakico,
qa tokaheya kin he heciya; Ma-
yuhc cin tona nahahin yecu sni
he.

6 Unkan, Wihdi iyutapi opa-
winge ce, eya. Unkan heciya;
Koyahanna wowapi nitawa kin
ehdaku, qa iyotanke, qa wikce-
mna zaptan e okiwa wo.

7 Unkan wanji tokeca hehan
heciya; Qa nis tona nahahin ye-
cu sni he. Unkan, Aguyapisu
iyutapi opawinge ce, eya. Unkan

heciya; Wowapi nitawa kin
ehdaku, qa wikcemna ŝahdogan
e okiwa wo.

8 Unkan yuhe cin waawanya-
ke owotanna sni kin yaonihan,
okiksanya econ kin heon etan-
han: maka kin de cincapi kin
iwicacage cin en iyoyanpa cinca
kin isanpa kŝapapi ece.

9 Unkan miŝ heciciyapi; Wo-
yuha owotanna sni kin on tawa-
ŝitku icicaga po; hecen tohan
niye oniŝhipi sni kinhan, iye
tipi owihanke kte sni en tin hi-
yuniciyapi kta ce.

10 Tuwe taku iyotan cistinna
on wicaka hecinhan, hee taku
ota nakun on wicaka ece; qa
tuwe taku iyotan cistinna kin
on owotanna sni hecinhan, hee
taku ota kin nakun on owotanna
ŝni ece.

11 Hecen woyuha owotanna
ŝni kin he on wicayakapi sni
ehantanhan, wicake cin he tuwe
ecin yuheniciyapi kta he.

12 Qa wicašta tokeca taku
tawa kin on wicayakapi sni
ehantanhan, niye nitawapi kin
hee tuwe ecin niŝupi kta he.

13 Ookiye kin tuwedan yuhe
cin nonpa en wowidagiŝiye kta
okihi sni; wanji ŝicedake kta,
qa unma iŝ waŝtedake kta; qa
iŝ wanji en iyaihdaske kta, qa
unma kin iŝ ekta ewacin kte
ŝni. Wakantanka qa mammon
napin en wowidagniŝiyapi kta
oyakihipi sni ce.

14 Unkan Pharisee kin wakon-
pi kin, hena owasin nahonpi; qa
wowihayapi.

15 Unkan hewicakiya; Wica-
šta kin wicitokam ihdaowotanpi-
dan kin he niyepi; tuka Wakan-
tanka nicante ozepi kin he sdon-
niyanpi ce: ecaes wicašta ekta
taku takudapi hince cin hee Wa-
kantanka wahteda sni ece.

16 Wooke qa wicašta wokcan kin hena Johannes hehanyan; tuka hetanhan Wakantanka to-kiconze kin oyakapi ece, qa owasin en opapi kte hinca.

17 Małpiya maka ko tokan iyaye kte cin he aoptetu, qa wooke oowa wanjidan kaes yu-ecetupi kte šni kin hee tehika ce.

18 Tuwe tawicu elpekiye ça wanji tokeca yuze cinhan, hee wawicilałapi econ ece: qa hihaku elpeye ciqon he tuwe yuze cinhan he wawicilałapi econ ece.

19 Wicašta wanji wijica, he wokoyake stan qa minihuha zimzipedan ece koyaka, qa anpetu otoiyohi wiyuškinyan un.

20 Nakun wicašta wałpanica wan Lazaros eciyapi, he tatiyopa kin en ahionpapi, tancan owancaya łdihłdi;

21 Qa wicašta wijica wahna wotapi tawa kin etanhan ošna-šna hinłpaye cin hena yunkiya-pi kta cin. Tuka šunka kin en ahi, qa łdihłdi kin sdipapi.

22 Unkan wałpanica kin he řa; qa małpiya ohnihde kin Abraham maku kin ekta ayapi. Wicašta wijica qon is eya řa, qa łapi.

23 Unkan wakanšica tipi kin en kakis yanke řehan, wankan etonwe, řa tehan tanhan Abra-ham wanyaka; qa maku kin ohna Lazaros yanka.

24 Unkan heya niyan; Ate Abraham, onšimakida qa Laza-ros u ši wo, napsukaza inkpa kin mini en oputkan qa ceji ma-kasni kta; oide kin de ohna ma-kakija ce.

25 Tuka Abraham heya; Cinš, yani qon he ehan taku waštešte yahduha, qa Lazaros taku šikši-ca yuha, he kiksuya wo; tuka

nakaha iye kicanptapi qa niye kakisniyanpi.

26 Qa nakun unkiyotahedan kaksiza wan tanka yanka; he-cen tona deciya tanhan niye ekta ye wacinpi keš okitpanipi ece; qa nakun heciya tanhan den ekta unhipi kta okitpanipi ece.

27 Hehan heya; Heon ate, ce-ciciya ce, ate ti kin ekta ye yaši kta;

28 Misunka zaptan, hena wo-wicakiyake kta; is eya okinni wokakije kin de en upi nun ce.

29 Abraham heciya; Moses qa wicašta wokcan kin hena yu-hapi; hena is anawicagoptanpi ešta šni.

30 Tuka heya; Hiya, ate Abra-ham: tuka řapi kin eciyatanhan wanji ekta wicai unkanš, ihdu-ecetupi kta tuka.

31 Unkan heciya; Moses qa wicašta wokcan kin hena ana-wicagoptanpi šni ehantanhan, řapi kin eciyatanhan wanji kini qeyaš, nakun wicadapi kte šni ce, eya.

WICOWOYAKE 17.

1 Hehan waonspewicakiye cin hewicakiya; Wałtaniyapi kin u kte šni pica šni; tuka tuwe eci-yatanhan hena u kinhan, hee wotehi kiciyanka ece.

2 Dena cikcistinpidan kin tuwe wanji wałtaniye cinhan he inyan wiyukpan wanji tahu kin en na-pinkiyapi, qa miniyowanca kin oiyołpeyapi unkanš, eeš wašte kta tuka.

3 Iwanihdaka po. Nisunka ši-caya ecanicon kinhan kišica wo, qa iye iyopeiřiye cinhan, kici-cajuju wo.

4 Qa šakowin akihde anpetu wanjidan šicaya ecanicon, qa šakowin akihde anpetu wanji-

dan niye ekta ihduhomni, qa, Iyopemiçiya ce, eniciye cinhan, hecen yecicajuju kta ce, eya.

5 Unkan wahoşiyapi kin Itancan kin heciyapi; Wacinunyanpi kin unkiciyusanpa miye.

6 Unkan Itancan kin heya; Sinape sukaza wan iyecen wacin-yayapi kinhan, sukamin can kin de, Hute ihdamna qa miniwanca kin en huiçihde wo, eyakiyapi kta, kinhan ananigoptanpi kta tuka.

7 Tuka niyepi kin wanji tukte taokiye wan yuha, mahyumdu qaiş wanunyanpi wiñanwicakiya un, qa tokeşta maga kin eciya-tanhan hdi kinhan, Iho wo, ye ca wota iyotanka wo, eciye kta he.

8 Qa iş kaken, Woyute wiyeya micihnake ça, ipiyagkiton qa omakiya wo; qa miş tohan wawate ça wamdatke cinhan, iyo-hakam niş ito wayate ça wada-tke kta ce, eciye kte şni he.

9 Hecen ookiye kin he taku econ şipi kin ecen econ kin, on etanhan wopida eciye kta he. Hepce şni ce.

10 Niş eya iyecen taku token econ nişipi kin, owasin ecen duştanpi kinhan, heya po; Ookiyewakamna şni kin heuncapi; taku econkupi kta iyecece cin heceedan econkupi ece.

11 Unkan Jerusalem ekta ye çehan, Samaria qa Galile coka-ya iyoopta iyaya.

12 Qa otonwe wan en i qehan, wicaşta wikcemna lepros cecap-i itkokipapi, qa itehan hina-jinpi:

13 Qa ho wankan iyeyapi qa heyapi; Jesus, Itancan, onşun-kida miye.

14 Unkan wanwicayake çehan, hewicakiya; Wawayuşna-pi kin ekta wicaya po, qa wan-

yagiçiya po. Unkan ekta yapi icunhan akisnipi.

15 Unkan wanji wanna asni sdotkiye çehan, ihdamna, qa ho-tankakiya Wakantanka yaonihan;

16 Qa siha kin en ite makipu-skin ehpeiçiyeye ça, wopida eciya: unkan he Samaria wicaşta kin heca.

17 Unkan Jesus waayupte ça heya; Wikcemna asniwicayapi şni he: tuka napcinwanka kin hena tokiya unpi he.

18 Wakantanka yaonihan kta hdipi kin tuwedan iycyapi şni, oyate tokeca etanhan kin de işnana ce.

19 Hehan heciya; Najin qa hda wo; wicayada kin he asni-niyan ce.

20 Unkan Pharisee kin iş Wakantanka tokiconze kin he tohan hiyohi kta hecinhan, he iwangapi qehan, waayupte ça hewicakiya; Wakantanka tokiconze kin he wowanyake on hi kte şni.

21 Nakun, Iho, dee ce, qa iho, kae ce, eyapi kte şni: Wanyaka po, Wakantanka tokiconze kin he mahen niunpi ece.

22 Hehan waonspewicakiye cin hewicakiya; Anpetu wan hiyo-hi kta, Wicaşta Cinhintku kin anpetu tawa kin wanji wanda-kapi kta yacinpi kta, tuka wandakapi kte şni.

23 Qa, Iho dee, qa iho kae ce, eniciyapi kta; tuka wiciyahna yapi şni po, qa owicapapi şni po.

24 Wakanhdi mahpiya ihuku-ya tokiyatnhan wiyatpa u, qa mahpiya ihukuya unma ekta iya-hde ece kin he Wicaşta Cinhin-ku anpetu tawa kin en iyecece kta.

25 Tuka ito tokaheya taku ota on iyotanhan iyekiye kta, qa

wicoicage kin de on heyata iye-yapi kta ce.

26 Unkan Nowa taanpetu qon en token unpi qon, Wicašta Cinhintku taanpetu kin en he iyecece kta.

27 Nowa wata kin en okipe cigon anpetu kin hehanyan wotapi, qa wayatkanpi, tawicutonpi, qa hihnatonpi ece; unkan minitan u, qa owasin owihan-kewicaya.

28 Qa nakun Lot anpetu tawa qon en is eya iyecece, wotapi, qa wayatkanpi, wopetonpi qa wiyopeyapi, wojupi qa ticagapi ece:

29 Tuka Lot Sodom etanhan tankan hinape cigon anpetu kin hee hinca en mahpiya kin eciyatanhan peta, mazakan noge iyuwintapi kin ahna hinhe, qa owasin owihankewicaya.

30 Wicašta Cinhintku kin yuotaninpi kte cin he iyecece kta ce.

31 Anpetu kin he en tuwe tipi akan yanke qa tawahpaya timahen hiyeye cinhan, kun ku qa ehdaku kte sni; qa tuwe magata un kinhan, is eya taku hekta un kin ekta ihdamna kte sni.

32 Lot tawicu qon he kiksuya po.

33 Tuwe wiconi tawa kpatan cin kinhan, he toki ehpekiye kta; qa tuwe wiconi tawa toki ehpekiye cinhan, hee hduhe kta.

34 Heciciyapi ce; Hanyetu kin he en wicašta nom owinja wanjidan akan wankapi kta; wanji icupi kta, qa unma kin is ehpeyapi kta.

35 Winyan nonpa akipan wotpan unpi kta; wanji icupi kta, qa unma kin is ehpeyapi kta.

36 Wicašta nom magata unpi kta; wanji icupi kta, qa unma kin is ehpeyapi kta ce.

37 Unkan waayuptapi qa heciyapi; Itancan, tukte etu he. Unkan hewicakiya; Tukten wicatan can wanka eca, hen wamdi kin kawitaya immiciyapi ece e kta.

WICOWOYAKE 18.

1 Unkan wicašta kin qhinnian wocekiye eyapi kta, qa iyakicunnipi kte sni e on wiyacinpi wan owicakiyaka;

2 Qa heya; Otonwe wan en wiyukcan wanji Wakantanka kokipe sni, qa nakun wicašta wicakinihan sni.

3 Unkan otonwe kin he en wiwazica wan, he wiyukcan kin ekta hi qa, Makipajin kin he tomicicon ye, eya.

4 Unkan tokaheya econ wacin sni; tuka ocim cante mahen heya; Wakantanka kowakipe sni, qa nakun wicašta kin wicawakinihan sni qeyas;

5 Wiwazica kin de nagiyemaye cin on etanhan ito towecicon kta; okinni ohinni hecetu u kinhan wacin iyokisinmaye kta nacece ce.

6 Unkan Itancan kin heya; Wiyukcan owotanna sni ie cin he nahon po.

7 Unkan Wakantanka tona wicakahnige, qa anpetu hanyetu ko cekiyapi kin, hena tehan towicakicicon sni qeyas, ocim econ kte sni he.

8 Ihnuhanna towicakicicon kta, eciciyapi ce. Tuka Wicašta Cinhintku kin he tohan hi kinhan, maka akan wacinyanpi iyeye kta he.

9 Unkan apa iye olan owotanna icidapi, qa token kin wahewicadapi sni kin, hena wiyacinpi kin de owicakiyaka.

10 Wicašta nonpa tipi wakan kin ekta cekiya ipi; unma kin

Pharisee heca, qa unma is wamnayanpi kin heca.

11 Unkan Pharisee kin isnana najin, qa kaken wocekiye eya; Wakantanka, wicašta tokeca iyemacece šni, wawicakipi sa, ohan owotanpidan šni, wawicihahapi econpi sa, qa wamnaye cin deę kaes iyemacece šni heon wopida eciciya.

12 Anpetu wakan okitahedan nonpa akihanmiciye ęa taku mduhe cin owasin etanhan iwicemnamna kin wicawaqu ece.

13 Unkan wamnaye cin is itehanyan inajin, qa ista ee kaes wankan mahpiya kin ekta ikikeu šni; tuka maku kin ohna aicipe, ęa heya; Wakantanka onšimakida wo, wawahtani sa.

14 Wicašta kin de yuwotanpidan tiyata kihda, qa unma qon hee šni, eciciyapi ęe: Qa tuwe ihduwankantuya kinhan, he yuhukun iyeyapikta; qa tuwe ihduhukuye cinhan, hee yuwankan ayapi kta ęe.

15 Unkan hokšiyogopa kin nakun wicayutan kta e en awicahipi tuka waonspewicakiye cin he wanyakapi qehan, wicakišicapi.

16 Tuka Jesus wicakico, qa heya; Hokšiyogopa kin ekta mahipi kte cin iyowinwicakiya po, qa tehindapi šni po; Wakantanka tokiconze kin he hececapi etanhan ece.

17 Wowicake eciyatanhan heciciyapi; Tuwe hokšiyogopaiyecceca Wakantanka tokiconze kin icu šni kinhan, he tokadan en ope kte šni ęe.

18 Unkan wicašta ihdawa wanji wiwange ęa heya; Waonspekiye wašte, token ecamon, qa owihanke wanin wiconi ohimiciye kta he.

19 Unkan Jesus heciya; Toke-

ęa e wašte emayakiya he; tuwedan wašte šni; Wakantanka hecedan wašte.

20 Woahope kin hena onnispe; Wawicihahapi ecanon kte šni; Tin wicayakte kte šni; Wamayanon kte šni; Woitonšniyan wodake kte šni; Niyate nihun kici wicahduonihan wo.

21 Unkan heya; Macistina ehantanhan hena owasin ahowapa ęe.

22 Unkan Jesus hena nahon qehan heciya; Nahanhin taku wanji iyotpani yaun; taku yaton kin owasin wiyopekiye ęa wahpanicapi kin wicakipamni wo, kinhan mahpiya ekta woyuha duhe kta ęe; hehan u qa mihakam un wo.

23 Unkan he nahon qehan nina iyokišica; wijice hinca nakaes.

24 Unkan nina wacin iyokišice cin he Jesus wanyake ęehan, heya; Wowijice tonpi kin hena Wakantanka tokiconze kin en yapi kte cin he tehike hinca.

25 Wicašta wijica wan Wakantanka tokiconze kin en ye kte cin he tehika, qa kamel heca wanji tahinšpaciqadan ohdoka kin ohna ye kte cin hee kaes aoptetu ęe.

26 Unkan tona he nahonpi kin hena heyapi; Hehan tuwe ni kta he.

27 Unkan heya; Wicašta kin ekta taku econpica šni kin, he Wakantanka ekta econpica ece.

28 Unkan Inyan heya; Iho, unkiš taku owasin untpaganpi, qa niyahna unyakonpi ęe.

29 Unkan hewicakiya; Awicakehan heciciyapi ęe, Wicašta kin tuwe ti kin, qa hunkakewicaye cin, qa hunkawanjitku, qa tawicu, qa cinca, bena wanji Wakantanka tokiconze kin on kpagan kinhan,

30 Hee dehan nakaha taku

sanpa ota yuhe kta, qa wiconi u kte cin he en wiconi owihanke wanica yuhe kta ce.

31 Unkan akenonpapi kin ewicayaku qa hewicakiya; Iho, Jerusalem ekta unyanpi, qa wicašta wokcan Wicašta Cinhintku kin on token owapi qon owasin yuecetupi kta.

32 Oyate tokeca napepi kin en wicaqupi kta; hecen ištenyapi, qa wawicanksiya kuwapi, qa atagošapi kta;

33 Qa kapsinsintapi qa țeyapi kte; unkan anpetu iyamni kinhan kini kta ce, eya.

34 Unkan ecaca okañinigapi šni, qa oie kin de anawicakiñmanpi, qa taku oyakapi kin sdonyapi šni.

35 Unkan Jeriko ikiyedan wanna u qehan, wicašta wan išttagonge canku icahda wada yanka.

36 Unkan wicota ahiyaye cin he nañon qehan, he token kapi hecinhan he iwicawanga.

37 Unkan, Jesus Nazareth etanhan kin he hiyaya ce, eya okiyakapi.

38 Unkan hotankakiya heya; Jesus Dawid Cinhintku kin onšimakida wo.

39 Unkan tokahanpi kin hena iyokipi šni, inina yanke kta; tuka heon iyotan, hotankakiya heya; Jesus Dawid Cinhintku kin onšimakida wo.

40 Unkan Jesus inajin qa aupi kta kewicakiya. Unkan wanna kiyedan u qehan, wiwange ɸa,

41 Token ecacicon kta yaçin he, eya. Unkan iye, Itancan, watonwe kta, eya.

42 Unkan Jesus heciya; Tonwan wo, wacinyaye cin he niniyan ce.

43 Unkan wancake tonwe ɸa iyahna hiyu, qa Wakantanka

yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1 Unkan Jeriko en i, qa iyoopte iyaya.

2 Unkan iho, wicašta wan Zakeus eciyapi, wamnayanpi itancan kin wanji hee, qa wijica.

3 Unkan Jesus tuwe kin hecinhan he wanyag akita; tuka tancan ptecedan, hecen wicota kin on tokadan okihi šni.

4 Unkan tokata inyang ye ɸa sukamin can wanji adi, wanyake kta e heon, hen hiyaye kta nakaš.

5 Unkan Jesus wanna ehan i qehan, wankan etonwe ɸa wanyaka, qa heciya, Zakeus koyahanna kun hdiçu wo, anpetu kin de yati kin en ito manke kta ce.

6 Unkan koyahanna kun ku, qa iyuškinyan iyowinkiya.

7 Unkan he wanyakapi qehan owasin ikapapi qa heyapi, Wicašta wan wañtani sa he kici wote kta iyaya ce.

8 Unkan Zakeus najinhan najin qa Itancan kin heciya; Itancan wanyaka wo, woyuha mitawa kin hanke wañpanicapi kin wicawaqu ece; qa tuwe oitonšniyan taku iwecicu kinhan, topa aki hde wecu kta ce.

9 Unkan Jesus heciya; Anpetu kin de wanikiyapi tipi kin de hiyohi; Abraham cincaye cin wanji hee nakaš.

10 Wicašta Cinhintku kin taku atakuni šni qon, he akite ɸa niye kta e heon hi ce, eya.

11 Unkan hena nañonpi qehan nakun wiyacinpi wan owicakiyaka; wanna Jerusalem ikiyedan un, qa Wakantanka toki-

conze kin ecadan u kta kecimpi kin heon etanhan :

12 Qa heya ; Wicašta ihdawa wan makoce itehan wan ekta iyaya, wokiconze icu qa ku kta.

13 Unkan taokiye wikcemna wicayuhe cin, hena wicakico, qa mazaska tkeutapi wikcemna wicaqu, qa hewicakiya ; Tohan-yan wahdi šni behanyan un po.

14 Tuka taoyate kin walitedapi šni, qa tuwe iyahna yešipi, qa heyapi ; Wicašta kin de unkidakapi kta uncimpi šni ce.

15 Unkan wokiconze kin icu qa hdi qehan, taokiye mazaska wicaqu qon hena wicakicopi kta keya ; wopetonpi kin on tona wanna hdamnanpi hecinhan, he sdonye kta.

16 Unkan tokaheya kin he u, qa heya ; Itancan kin, mazaska nitawa qon, he wanna mazaska wikcemna kamna ce.

17 Unkan heciya ; Han, ookiye niwašte ; taku tonana on wacin-yepica yaun, heon etanhan ito otowwe wikcemna idaka wo.

18 Unkan iyokihe kin he u, qa heya ; Itancan kin, mazaska nitawa qon, he wanna mazaska zaptan kamna ce.

19 Unkan iš eya heciya ; Niš otowwe zaptan idaka wo.

20 Unkan wanji tokeca u, qa heya : Itancan kin, wanyaka wo, mazaska nitawa wanapin ohna yuha waun. he dee :

21 Wicašta nišake cin heon kocicipa ce ; taku eyahnake šni kin, he ece edaku ; qa woyaju šni kin he ece duksa ce, eya.

22 Unkan heciya ; Nii kin ecitanhan ciyaco kta, ookiye winicaštašni ; wicašta mašake cin he sdonyaya ; taku ewehnake šni kin he ece emdaku, qa woyaju šni kin hee mduksa ece.

23 Hecen tokeca mazaska mi-

tawa kin he iciyopekiciyapi kin en ade šni he ; kinhan wahdi kin ekta mitawa kin oicage ahna weca kta tuka ce.

24 Hehan hen najinpi kin hena hewicakiya ; Mazaska kin he ikicicupi qa tuwe mazaska wikcemna yuhe cin hee qu po.

25 Unkan heciyapi ; Itancan kin, he wanna mazaska wikcemna yuha ce.

26 Tona taku yuhapi kin hena owasin nakun wicaqupi ece e kta ; qa tuwe taku yuhe šni kinhan, taku yuhe cin hee kaes ekiciyakupi kta ece, eciciyapi ce.

27 Tuka tokamayanpi iwicawadake kta cinpi šni qon hena den awicaupi qa mitokam wicakte po, eya ce.

28 Unkan hena hecen eye cehan, tokata ye ça Jerusalem ekta itawankanhde iyaya.

29 Qa Bethphage qa Bethani, paha wan Oliwe eciciyapi kin, he wanna ikiyedani ehan i qehan, waonspewicakiye cin etanhan nonpa ye wicaši ;

30 Qa heya ; Otonwe iyotakons wanke cin he ekta ya po ; qa tokaheya en yaipi kinhan šukcincadan wan iyeyayapi kta, wicašta tuwedani tohinni akan iyotanke šni ; he kiyuškapi qa aku po.

31 Qa, Tokeca yakiduškapi he, tuwe eya iniwangapi kinhan, niš hehan, Itancan kin cin ce, eyakiyapi kta.

32 Unkan ye wicaši qon hena iyayapi, qa token ewicakiye cin ecen iyeyapi.

33 Unkan šukcincadan kiyuškapi icunhan, tuwe tawapi kin hena hewicakiyapi ; Tokeca yakiduškapi he.

34 Unkan, Itancan kin cin ce, eyapi.

35 Unkan Jesus kahdipi; qa wokoyake tawapi kin šukcinca kin aihpeyapi, qa Jesus akan yankekiyapi.

36 Qa ye cin tahepi canku ohna wokoyake kin hdumdayapi.

37 Unkan ikiyedan Oliwe paha kin apamahde iyayapi kin hehan wanna i qehan, waonspewicakiya wicota owasin, wicowašake wicošan wanyakapi qon owasin on etanhan hinakaha iyuškinpi, qa hotankakiya Wakantanka ya-tanpi,

38 Qa heyapi; Wicaštayatapi tuwe Itancan caje kin on u kin he yawaštepi ce; małpiya ekta wookiye, qa iyotan wankantu ekta wowitan un nunwe.

39 Unkan Pharisee wicota en opapi qon apa heciyapi; Waon-spekiye cin, waonspewicayakiye cin wicakišica wo.

40 Unkan waayupte ɕa hewicakiya; Dena inina unpi kinhan, inyan kin wancake howaye kta ce, eciciyapi ce.

41 Unkan wanna ikiyedan u, qa otonwe wanyake ɕehan, acéye, ɕa heya;

42 Niye kin anpetu nitawa kin de en taku on wookiye duhe kte cin sdonyakiya unkanš: tuka wanna icimana išta on wanyahdake kte šni.

43 Anpetu kin hiyonihipi kta, tona tokaniyanpi kin nihdukšan maka qapi, qa okšan niyankapi kta, qa ohomni ohinnian anapte nanjinpi kta:

44 Qa makata ehpeniyanpi kta, nicinca en niunpi kin hena koya; qa inyan nonpa icitakihna wanke šni ehpeniyanpi kta; anpetu en taku wašte nihiyohipi kin he sdonyakiye šni heon etanhan.

45 Unkan tipi wakan kin en tin iyaye, ɕa tona ohna wiyope-

yapi, qa wopetonpi qon, hena tankan ehpewicaya;

46 Qa hewicakiya; Tipi mitawa kin he wocekiye tipi, eya owapi qon; tuka niye owamanonpi kin heca yakagapi ce.

47 Unkan anpetu iyohi tipi wakan kin ohna waonspekiya. Tuka wawayušnapi itancanpi, qa wowapi kagapi, qa oyate kin en wicašta ihdawapi kin, hena ɕeyapi kta akitapi;

48 Tuka token econpi kta takudan iyeyapi šni; oyate kin owasin oie kin naħonpi kta cinpi ece.

WICOWOYAKE 20.

1 Unkan anpetu kin hena wanji en tipi wakan kin ohna oyate kin waonspewicakiye, ɕa wootanin wašte kin he oyake ɕehan, wawayušnapi itancanpi, qa wowapi kagapi, qa wicahincapi kin, hena ekta ahi,

2 Qa okiyapi, qa heciyapi; Tukte wicookihi on dena decen ecanon he; qa wicookihi kin de tuwe e niɕu hecinhan, unkoki-yaka po.

3 Unkan waayupte ɕa hewicakiya; Mišeya taku wanji iciwan-gapi kta; he amayupta po:

4 Johannes baptem wicaqu qon he małpiya eciyatanhan, qa iš wicašta kin eciyatanhan, unma tukte he.

5 Unkan iye iyakitedan iapi, qa heyapi; Małpiya kin eciyatanhan ce, unkeyapi kinhan, Tokeca wicayadapi šni he, eye kta:

6 Tuka, Wicašta kin eciyatanhan, unkeyapi kinhan, oyate kin inyan on unkininpi kta; Johannes wicašta wokcan kin heca kecinpi.

7 Unkan ayuptapi, qa tokiyatanhan un kin sdonyapi šni, keyapi.

8 Unkan Jesus hewicakiya; Miś eya wicookihi tukte on dena ecamon kin nakun ociciyakapi kte śni ce.

9 Hehan wiyacinpi kin de oya-te kin owicakiyaka: Wicaśta wan hastanhanka iyuwi maga wan oju, qa mahkicanyanpi kin heca owicaqu, qa makoce ite-han wan ekta tehan yanka.

10 Unkan wanna iyehantu qe-han, taokiye wanji hastanhanka iyuwi maga waskuyeca kin e-tanhan qupi kta e, mahkican-yanpi qon ekta yeśi; tuka mah-kicanyanpi qon kaśtakapi, qa cokadan hdeśipi.

11 Unkan ake taokiye wanji tokeca yeśi; unkan iś eya ka-śtakapi, qa śiksicaya kuwapi, qa cokadan hdeśipi.

12 Unkan akeś iyamni wanji yeśi; unkan iś eya taopi, qa tankan ehpoyapi.

13 Hehan hastanhanka iyuwi maga tawa kin heya; Token ecamon kta he. Micinksi wa-śtewakidake cin, hee yewaśi kta ce; okinni he wanyakapi kinhan yuonihanpi kta.

14 Tuka mahkicanyanpi kin he wanyakapi qehan, iye iyaki-tedan iapi, qa heyapi; Tawaye kte cin he dee ce; iho po, un-ktepi kta; hecen unkiye tawa-unyanpi kta ce.

15 Hecen hastanhanka iyuwi maga itankan ehpoyapi, qa kte-pi. Heon etanhan hastanhanka iyuwi maga tawa kin token eca-wicakicon kta he.

16 Ito ku kta, qa mahkican-yanpi kin hena owihankewicaye, qa hastanhanka iyuwi maga kin he token wicaqu kta ce, eya. Unkan he nañonpi qehan, Hece-tu śni ce, eyapi.

17 Unkan awicatonwe cehan heya; Hecen wowapi en kagapi

qon he token kapi he; Tipi ka-gapi kin inyan heyata iyeyapi qon hee wanna oise en itancan icaga ce:

18 Qa tuwe inyan kin he ahin-hpaye cinhan kahuhugapi kta; qa iś inyan kin tuwe ahinhpaye cinhan, hee pamdu kta ce.

19 Unkan wawayuśnapi itan-canpi, qa wowapi kagapi kin, hena he ehan iyahpayapi kta cinpi; tuka oyate kin kowica-kipapi; wiyacinpi oyake cin he iye wicaka e iyukcanpi.

20 Unkan awanyag kuwapi, qa wanjikji iye owotanna konza-pi kin hena iwanyakapi kta e ekta ye wicaśipi; hecen oie kin iyahpayapi, qa wicaśta itancan towaśake qa tawacin kin en qupi kta.

21 Unkan hena wiwangapi, qa heyapi; Waonspekiye cin, niye tanyan iyae, qa waonspeyakiya ece; qa tuwedan en eyatonwe śni; tuka Wakantanka ocanku tawa kin he awicakehan onspe-wicayakiya e sdonunniyanpi ce:

22 Iho, Kesar wamnayanpi kin unqupi, qa iś unqupi kte śni, un-ma tukte hecetu he.

23 Unkan wayupiya hnaye wa-cinpi kin he iwicayukcan, qa hewicakiya; Tokeca iyutanma-yayapi he.

24 Kaśpapidan wanji makipazo po. Akan owapi qa wakagapi kin de tuwe tawa he. Unkan ayuptapi qa; Kesar tawa ce, eyapi.

25 Unkan hewicakiya; Heon Kesar taku tawa kin hena Kesar kicu po; qa Wakantanka taku tawa kin Wakantanka kicu po.

26 Unkan oyate kin wicitokam oie kin iyahpayapi kte cin oki-tpanipi, qa waayupte cin he on inihanpi, qa inina hiyeya.

27 Hehan Sadukee ake wica-

WICOWOYAKE 21.

kini kta wanica keyapi kin hena wanjikji en hipi; wiwangapi,

28 Qa heyapi; Waonspekiye cin, Moses kaken wowapi unki-cagapi; Tuwe cinu tawicu ton qa cinca nica ecen te cinhan, iye sunkaku tawicu qon hduze ça cinu cinca icalikiciye kta ce.

29 Unkan hecen hunkawanjin-kiciyapi šakowin: unkan tokapa kin tawicu ton, qa cinca nica ecen ta.

30 Unkan iyokihe qon he hehan hduza; tuka cinca nica ecen ta.

31 Unkan iyamni qon hduza; qa šakowinpi qon owasin hecen hduzapi, qa ecen tapi; unkan cinca nicapi.

32 Unkan ehake winohinca is eya ta.

33 Iho, hecen wicakini kte cin ekta šakowin hduzapi qon, hena tukte wanji tawapi kta he, eyapi.

34 Unkan Jesus waayupte, ça hewicakiya; Maka kin de cinca kin tawicutonpi, qa hihnatonpi:

35 Tuka tona makoce kin he en opapi kte cin, qa wicate cin etanhan kinipi kta iyececa wicadakapi kin hena tawicu tonpi šni, qa hihnatonpi šni ece.

36 Qa nakun ake tapi kta okihipi šni; tuka hena mahpiya ohnihde kin om akiyececapi ece, qa wicakini kin he hena cinca kin on etanhan Wakantanka cincawicaya ece.

37 Unkan wicate cin hena kiniwicakiyapi kta, Moses hee kaes can yuhaka ekta niciyaotaninpi; Abraham Wakantanka tawa, qa Isaak Wakantanka tawa, qa Jakob Wakantanka tawa, Itancan kin eciye ciquon he ehan.

38 Tona tapi kin hena Wakan-tanka tawapi šni, tuka ni unpi kin hena: owasin iye ekta ni unpi ece.

39 Unkan wowapi kagapi kin wanjikši hehan heciyapi; Waonspekiye cin, tanyan eha ce.

40 He iyohakam tuwedan sanpa wiwanga tawaŋenye šni.

41 Unkan hewicakiya; Token on Messiya Dawid Cinhintku kin eciyapi he.

42 Odowan wowapi kin en Dawid iye hinca heya; Itancan kin Itancan mitawa kin heciya; Mietapa kin ekta iyotanka wo,

43 Ecen tokaniyanpi kin hena nisiha oahe wicawakage kta ce.

44 Hecen Dawid Itancan eciya hecinhan, token on cinhintku kta he.

45 Unkan hehan oyate owasin nahon hiyeye cin en, waonspe-wicakiye cin hewicakiya;

46 Wowapi kagapi kin itonwicapapo; he iye šina hanskaska in omanipi, qa iciyopekiciyapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, hena hecekcen cinpi:

47 Qa wiwazica tipi tawapi kin temyapi; qa ihdutaninpi kta on wocekiye hanska eyapi ece; hena is iyotan woyaco tanka iyahdeiciyapi kta ce.

WICOWOYAKE 21.

1 Unkan wankan etonwé, ça wicašta wijicapi kin womnaye opiye kin en taku wicaqupi kin ehpeya ayapi wanyaka.

2 Unkan wiwazica wanji wahpanica kin is mazašadan nonpa en ehpeya e wanyaka.

3 Unkan heya; Awicakehan heciyapi, Wiwazica wahpanica kin de isnana ota en ehpeya ce.

4 Dena owasin taku iwicakiciyaye cin hee Wakantanka taku qupi kin en ehpekiyapi ece;

tuka iye taku ton šni, etanhan taku on ni kte cin ocowasin en ehpeya ce.

5 Unkan apa is tipi wakan kin inyan waštešte, qa taku wicaqupi kin on ayucopi kin, he cajeyatapi qehan, heya;

6 Anpetu hiyohi kta, en taku wandakapi kin dena inyan nonpa icitakhna wanke šni ehpeyapi kta ce.

7 Hehan wiwangapi, qa heyapi; Waouspekiye cin, tohan kinhan hena hecetu kta he; qa hena hecetu kte cin wanna iye-hantu kinhan, taku on sdonyapi kta he.

8 Unkan heya; Ihnuhan nihnanpi kinhan; wicota micaje kin on upi qa, He miye ce, qa wanna ecadan iye-hantu kta ce, eyapi kta: tuka wicihakam yapi šni po.

9 Tuka okicize owodutatonpi ko cajeyatapi nayahonpi kinhan, nihinci-yapi šni po; ito tokaheya hena hecen hiyohi kta iyececa, tuka owihanke kin hinyahinke kte šni ce.

10 Hehan hewicakiya; Oyate wan oyate tokeca azuye kta, qa wokiconze wan wokiconze tokeca on inajin kta:

11 Qa otakiya maka kin nina škanškan, qa wicaakihan, qa makošiksice, qa wowanyake wokokipe, qa malpiya kin eciyatanhan wowapetoktokeca, hena hecekcen yuke kta ce.

12 Tuka taku kin dena owasin itokaptu, micaje kin on etanhan iyanihpayapi, qa šicaya nieuwap, qa omniciye tipi, kaška wicahnakapi tipi ko en anianpi, qa wicaštayatapi wicašta iwicadakapi kin ko wicitokam anianpi kta ce:

13 Unkan hecen on oniyakapi ece e kta.

14 Hecen icantekiçun po; token waaduptapi kte cin he kan-yehan awacinpi šni po:

15 Wicai wicoksape ahna ciçupi kta, hecen tokaniyanpi kin tuwedan taku iennihdepi kte šni, qa iyakapenianpi kte šni.

16 Tuka hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, hena e wiyopenianpi kta; qa apa tenianpi kagapi kta ce:

17 Qa micaje kin on etanhan owasin niciyuše-pi kta.

18 Tuka paha wanjidan kaeš awinitukapi kte šni ce.

19 Wacinnitankapi kin on nicantepi kin hduha po.

20 Jerusalem ihdukšan ozuye yankapi wandakapi kinhan, ihangyapi kte cin he wanna kiyadan e sdonya po.

21 Hehan tona Juda makoce kin en unpi kinhan, he kin ekta najicapi kta; qa tona cokaya en unpi kinhan tankan inapapi kta; qa oksan makoce wanke cin tona en yakonpi kinhan, ekta hdi-cupi kte šni.

22 Tokiçonpi anpetu kin hena ee; hecen taku token owapi qon hena owasin ecen yušanpi kta ce.

23 Tuka anpetu kin hena en tona ihdušakapi, qa tona hokšin azinwicakiyapi kin hena wotelhi wicakiciyanke kta; maka kin akan wokakije tanka kta, qa wocanniye oyate kin de en awicaun kta.

24 Qa mazasagye ope kin on wankahanpi kta; qa oyate kin owasin ektakta wayaka awicahdapi kta; qa Ikcewicasta kin Jerusalem naažinzapi kta, ecen Ikcewicasta kin taku iyewicacihantu kta ce.

25 Anpetu wi, qa hanyetu wi,

qa wicanhipi kin hena ekta wawapetokeca yuke kta; qa maka akan oyate kin yazanhdapi kta, qa wicotoketu tanin šni; qa miniwanca otaja ko sa wanke kta.

26 Wicašta kin kopa, qa maka akan taku hiyohi kte cin he ape hiyeye cin, hena on cante toki wicayanka tanin kte šni ece; małpiya wowaśake kin hena huluzahe kta heon.

27 Hehan Wicašta Cinhintku kin małpiya śapa wan akan, wowaśake qa wookitanin tanka hduha u wandakapi kta.

28 Unkan dena decen aye cinhan, hehan wankan etonwanpi, qa pa yuwankan icu po; openicitonpi kin he wanna kiyadan u ce, eya.

29 Unkan wiyacinpi wan owicakiyaka: Suken can, qa can kin owasin, hena wanyaka po;

30 Canwapa paħa eca, mdoketu wanna ikiyeddan, niye cinka wandakapi, qa sdonayayapi ece.

31 Iho he iyececa, taku kin dena iyecetu wandakapi kinhan, Wakantanka tokiconze kin he wanna ikiyeddan un e sdonya po.

32 Awicakehan heciyapi, Wicoicage kin de token iyaye šni, ecen dena owasin iyecetu kta ce.

33 Małpiya kin maka ahna token iyaye kta, tuka mioie kin e token iyaye kte šni ce.

34 Unkan itoniciƣa po; okinni tukten wotapi, qa witkopi, qa wiconi kin de awacinpi kin, hena on nicantepi kin niyuśakapi kta naceca; qa hecen sdonyakiyapi šni ecen anpetu kin he nihiyohipi kte.

35 Maka ite kin akan yakonpi kin owasin wohmuke wan iyeccen wicahiyohi kta ce.

36 Heon ohinniyan wakta po, qa cekiya po; hecen taku hiyohi kte cin dena owasin icunom ida-

dapi, qa Wicašta Cinhintku kin itokam nayajinpi kta iyececa niyawapi kta ce.

37 Unkan anpetu icunhan tipi wakan kin ohna waonspekiya un; qa hanyetu hehan tankan hdicu, qa paħa wan Oliwe eciyapi kin he en yanka.

38 Unkan hanhanna hinca oyate kin owasin oie naħonpi kta e tipi wakan kin en ahi.

WICOWOYAKE 22.

1 Unkan aguyapi napohyapi šni yutapi woacakšin eciyapi kin, he wanna ecadan iyehantu kte.

2 Unkan wawayuśnapi itancanpi, qa wowapi kagapi kin, hena token econpi, qa ƣeyapi kte cin he akitapi; tuka oyate kin kowicakipapi.

3 Unkan akenonpapi kin etanhan, wanji Judas Iskariot eciyapi kin he Satan tancan mahen iyaya.

4 Unkan he ekta ye ƣa, wawayuśna itancanpi, qa akicita itancanpi kin hena om wohdaka, token econ qa wicaqu kte cin heon.

5 Unkan iyuśkinpi, qa mazaśka qupi kta keciyapi.

6 Hecen wicada, qa wicota kin en unpi šni icunhan wicaqu kta akita.

7 Unkan aguyapi napohyapi šni anpetu en woacakšin ktepi kte cin wanna hehantu.

8 Hehan Inyan qa Johannes ye wicaśi qa heya; Ya po, woacakšin untapi kte cin he wiyeya unkicihnaka po.

9 Unkan heciyapi; Tukten wiyeya unhnakapi kta yacin he.

10 Unkan hewicakiya; Otonwe kin en yaipi kinhan, wicašta wan wakiskokpa mini ohnaka yuha itkonicipapi kta; iho, iye

tukten tin kihde cinhan, iyahna ya po.

11 Qa tipi tawa kin heciya po ; Waonspekiye cin heniciya ce ; Wotapi tipi ohna woacaksin kin he waonspewicawakiye cin om wate kte cin he tukte e he.

12 'Kinhan, wankan tipi wan tankaya, qa ayucopi e nicipazopi kta ; hen wiyeya hnaka po, eya.

13 Unkan iyayapi, qa token ewicakiye cion ecen iyeyapi ; qa woacaksin wiyeya hnakapi.

14 Unkan wanna iyehantu qehan, en iyotanka, qa wahošiyapi akenonpapi kin nakun.

15 Unkan hewicakiya ; Makakije kte cin he itokamya woacaksin kin de untapi kte cin nina wacin qon.

16 Qa heciyapi ce ; Tohan Wakantanka tokiconze kin ekta yuecetupi šni kin, hehanyan detanhan ake wate kte šni ce, eya.

17 Unkan miniyatkan kin he icu, qa wopida eye ça heya ; De icupi qa kicipamni po :

18 Qa heciyapi ce ; Wakan-tanka tokiconze kin he tohan hiyohi šni kin, hehanyan hastanhanka iyuwi waskuyeca kin etanhan mdatke kte šni ce, eya.

19 Unkan aguyapi kin icu, qa wopida eye, ça yušpašpa, qa wicaqu, qa heya ; Mitancan niyepi on qupi kin he dee ce ; decen miksuya econ po.

20 Unkan miniyatkan kin is eya wotapi iyohakamya wicaqu, qa heya ; Mawe niyepi kin on paponpi kin, en okodakiciye teca kin, miniyatkan kin he dee ce.

21 Tuka iho, wiyopemaye kte cin he napè kin wahna wotapi kin akan micun.

22 Unkan Wicašta Cinhintku kin token kiconzapi qon ecen ye

kta e hecetu ; tuka tuwe he wiopeya hecinhan he wicašta kin wotehi kiciyanka ce.

23 Unkan hinakaha iye iyakitedan tukte wanji hecon kte cin he ikiciwanh yeyapi.

24 Unkan tukte wanji iyotan yawapi kte cin he nakun hdokinicapi.

25 Unkan hewicakiya ; Oyate kin wicaštayatapi wicayuhapi kin hena is iwicadakapi, qa tona wicookihiya owicakihanyanpi kin hena ohanwaštepi, ewicakiyapi ece.

26 Tuka niš henicecapi kte šni ; tuka niyepi kin ekta tukte wanji tokapa kinhan, hee haka-kta kin iyecece kta ce.

27 Wota yanke cin, qa wayutankiyapi kin, hena unma tukte iyotan tanka he. Tuwe wota yanke cin hee šni he. Tuka miš wayutankiyapi kin he iye-cen cicipi waun ce.

28 Wawiyutanmayanpi kin en kici maunpi kin he niyepi :

29 Heon Atewaye cin he wokiconze wan maqu kin he iyecen cicipi :

30 Qa hecen wokiconze mitawa kin en, wahna wotapi mitawa kin ekta wayatapi, qa wadatkanpi kta ; qa wicaštayatapi oyanke kin heca akan idotankapi kta, qa Israel wicoun akenonpapi kin wicadacopi kta ce.

31 Hehan Itancan kin heya ; Simon, Simon, iho, Satan niyuhe ça, aguyapi su iyecen niyucan kta e cin tuka ce.

32 Tuka wacinyaye cin he iyotpani kte šni e wocekiye eciciya ; qa tohan niš niyuhomni pi kinhan, nihunkawanji wicahduwašaka wo, eya.

33 Unkan heciya ; Itancan, wicokaške wiconšte ko en nici mde kta wiyeya waun ce.

34 Unkan heya; Simon, anpetu kin de anpaohotonna hoton sñi, ecen yamni akibde sdonmayaye cin he anayakibbe kta, eciciya ce.

35 Unkan hewicakiya; Maza-ska ojuha, qa wouhahan, qa hanpa, hena codan yecisiipi qon he ehan, taku wanjidan kaeś ini-ciyotpanipi he. Unkan, Taku-dan sñi ce, eyapi.

36 Hehan hewicakiya; Tuka nakaha tuwe mazaska ojuha ton kinhan, ehdaku kta; qa wouha-dan nakun: qa tuwe mazasagye nice cinhan, wokoyake tawa kin wiyopekiye, ça wanji opeton kta.

37 Taku wowapi en kagapi qon, Wicohan śica econpi kin om yawapi ce, eyapi kin he mi-ye en yuacetupi kta, eciciyapi: Unkan dena miye on ecen econ-pi kta ce.

38 Unkan heciyapi; Itancan, wanyaka wo, den mazasagye nonpa ce. Unkan, Henakeca ce, ewicakiya.

39 Unkan tankan hdiu, qa Oliwe paha kin ekta i ece qon, he ake ekta ya; unkan waonspe-wicakiye cin is iyahna yapi.

40 Unkan wanna ehan i qehan, hewicakiya; Wowiyutanye kin en idadapi kte sñi e cekiya po.

41 Hehan wicicunonpa inyan ekta ehpeyapi kin hehanyan ecen i, qa canpeśka makehde inajin qa cekiya,

42 Qa heya; Ate hecen nita-wacin kinhan, miniyatkan kin de tokan imiciyaye kta; tuka miye mitawacin kin hee sñi, niye nitawacin kin hee ecen econpi nunwe.

43 Hehan mahpiya eciyatan-han ohnihde wan en hi qa yu-waśaka.

44 Unkan nina hin yazanhda

qehan, iyotan wokitanyan ceki-ya; qa temni kin he we ośbuye tankinkinyan makata hinhpaya se ececa.

45 Unkan cekiye cin hetanhan wanna najin hiyaye, ça waon-spewicakiye cin en wicahdi qe-han, wacin iyokiśicapi kin on iśtinmapi iyewicaya.

46 Qa hewicakiya; Tokeca ni-śtinmapi he: najinpi qa cekiya po; hecen wowiyutanye kin en yaipi kte sñi.

47 Hena hecen eya icunhan, iho, wicota, qa akenonpapi kin etanhan wanji Judas eciyapi kin, he wicitokam u, qa Jesus i ipu-take kta e ikiyedani hyu.

48 Tuka Jesus heciya; Judas, Wicaśta Cinhintku kin i iputa-kapi wan on wicayaqu he.

49 Unkan kici unpi qon hena, taku toketu kte cin wanna wan-yakapi qehan heciyapi; Itancan, mazasagye on waaunpapi kta he.

50 Unkan wanji wawayuśna itancan taokiye wanji ape, ça etapa kin eciyatanhan noge kin kaśpa.

51 Unkan Jesus waayupte ça, Hehanyan iyowinmakiya wo, eye ça noge yutan, qa asniyan.

52 Hehan Jesus wawayuśna itancanpi, qa tipi wakan kin en itancanpi, qa tokapapi en au qon, hena hewicakiya; Mazasagye can ko yuha wamanon sa wan tatpe yapi se iyecen yahipi he.

53 Anpetu iyohi tipi wakan kin ohna opeya ciunpi qon ehan, tu-wedan nape kin itkom hiyumayakiyapi sñi; tuka dehan naka-ha kin he niye nitawapi, qa otpaza wowaśake kin, eya.

54 Hehan yuzapi qa ayapi, qa wawayuśna itancan ti kin ekta aipi, Unkan Inyan itehan iha-kam u.

55 Unkan itankan tipi kin en cokaya cetipi, qa ptaya iyotan-kapi qehan, Inyan is eya wice-hna iyotanka.

56 Tuka petkahda iyotankehan yanke cin, hehan wikoška wan wanyake ça, opahte ça heya; Wicašta kin de is eya he kici un tuka ce, eya.

57 Unkan anakihbe, ça, Wino-hinca, he tuwe kin sdonwaye sni ce, eya.

58 Unkan iecadan wanji toke-ca wanyake ça heya; Nis eya henitanhan ce. Unkan Inyan heya; Wicašta, hematanhan sni ce.

59 Unkan iyohakam wihiya-yedan oape wanji ecetu, hehan wanji tokeca yaatinze ça heya; Galile wicašta kin de heca, on etanhan awicakehan is eya he kici un tuka ce.

60 Unkan Inyan heya; Wica-šta, token ehe cin he sdonwaye sni ce. Unkan hecehnana, iahan icunhan, anpaohotonna kin ho-ton.

61 Unkan Itancan kin ihduho-mni, qa Inyan atonwan. Hehan Itancan kin, Anpaohotonna ho-ton sni kin itokam yanni akihde anamayakihbe kta ce, eye cigon, oie kin he Inyan kiksuya.

62 Hehan Inyan tankan kihde ça nina kin ceya.

63 Unkan wicašta Jesus yus unpi kin hena ihahapi qa apapi.

64 Qa ite kin akahpetonpi he-han, ite kin ohna apapi, qa he-ya iwangapi; Tuwe anipa he-cinhan ito iyukcan wo.

65 Qa taku toktokeca ota itkom waoštehdaya eciyapi.

66 Unkan wanna anpao qehan, oyate kin en tona tokapapi, qa wawayušna itancanpi, qa wo-wapi kagapi kin, hena mniciya-pi, qa omniciye kin en aupi;

67 Qa heyapi: Messiya he niye hecinhan unkokiyaka po. Un-kan hewicakiya; Ociciyakapi ešta wicayadapi kte sni.

68 Qa wiciwangapi ešta ama-yaduptapi kte sni, qa amayadu-štanpi kte sni.

69 De iyohakam Wicašta Cin-hintku kin Wakantanka towa-šake etapa kin eciyatanhan iyo-tanke kta ce, eya.

70 Unkan owasin heyapi; He-cen Wakantanka Cinhintku kin he niye he. Unkan, He miye kehapi ce, ewicakiya.

71 Unkan heyapi; Iye i kin eciyatanhan unkiyepi hinca wan-na naunhonpi ce; hecen tokeca ecin sanpa wayaotaninpi unko-depi kta he.

WICOWOYAKE 23.

1 Unkan wicota kin owasin najin hiyayapi, qa Pilate ka-yapi.

2 Hehan hinnakaha wiyaonpa-pi, qa heyapi; De oyate kin owicayušice, ça Kesar wamna-yanpi qupi kin he tehinda iyeun-yanpi; qa iye Messiya Wica-štayatapi kin heca keiciya ce, eyapi.

3 Unkan Pilate wiwange ça heya; Juda Wicaštayatapi kin he niye he. Unkan ayupte, ça, Niye ecen eha ce, eya.

4 Hehan Pilate wawayušna itancanpi qa oyate kin hena he-wicakiya; Wicašta kin de on taku šica iyewaye sni ce.

5 Unkan hecen iyotan wohi-tipike ça heyapi; Oyate kin o-wodutatonwicaya ece, qa Galile etanhan Juda makoce kin owan-caya dehan oiyahdeya waonspe-kiya ece.

6 Unkan Pilate Galile eyapi nañon qehan, wicašta kin he

Galile wicašta kin heca hecinhan he iwicawanga.

7 Unkan Herod taoyate kin hetanhan e Pilate sdonya, hehan Herod ekta iyayeya; he qe wanna Jerusalem en un.

8 Herod Jesus wanyake çehan nina iyuşkin; taku ota on nañon kin heon wanakajatanhan wanyaka cin; qa wowapetokeca wanji econ wanyake kta kecin.

9 Hehan iapi ota un wiwanga; tuka takudan ayupte şni.

10 Unkan wawayuşna itancanpi, qa wowapi kagapi kin, hena inajinpi, qa wohitiya wiyaonpapi.

11 Unkan Herod ozuye wicašta wicayuhe cin om takuda şni, qa ihaña kuwa, qa şina wan ayucopi in kiye, ça ake Pilate ekta iyayeya.

12 Unkan anpetu kin he en Herod Pilate kici kiciyuwaştepi; he itokamya tokakiciyapi.

13 Unkan Pilate wawayuşna itancanpi, qa itancanwicakiyapi, qa oyate kin hena witaya wicakico qehan, hewicakiya;

14 Wicašta kin de oyate kin owicayuşice cin wan iyecen mayakahipi; unkan iho nitokam iwanmdaka, tuka taku iyayaonpapi kin hena on, taku şica wicašta kin de en takudan iyewaye şni.

15 Qa nakun Herod hee kaeş, ekta aye cişipi; unkan iho, te kte cin iyecece cin takudan eaciconpi şni.

16 Hecen wakapsinpsinte, ça wakimduşte kta ce, eya.

17 Wotapi kin he icunhan wicašta wanji wicakiciyuşte kta e heon.

18 Unkan owasin okonwanjidan heya niyanpi; De token aya wo; qa Barabbas hee unkiciyuşka miye.

19 He qe otonwe kin en woki-

pajin kage, ça tinwicakte on etanhan kaşka wicahnakapi tipi kin en ohnakapi.

20 Pilate Jesus kiyuşke wacin kin heon ake iyecen ewicakiya.

21 Tuka howayapi qa heyapi; Icipaweli okatan wo, icipaweli okatan wo.

22 Unkan iyamni hewicakiya; Tokeca, tukte ecin taku şica econ he. On etanhan te kte cin iyecece takudan iyewaye şni; hecen wakapsinpsinte, ça wakimduşte kta ce, eya.

23 Unkan hotankakiya kitanpi, icipaweli okatanpi kta e he kapi. Unkan iye hopi kin, wawayuşna itancanpi kin om iyakapeyapi.

24 Hecen token cinpi kin he iyecen Pilate kiconza.

25 Qa tuwe cinpi kin wokipajin kage, ça tinwicakte qon, hee wicakiciyuşte; tuka iye tawacinpi kin en Jesus wicaqu.

26 Unkan token yus ayapi qehan, Kurene wicašta wan Simon eciyapi makoce kin eciyatanhan u kin he yuzapi, qa cansusbeca kin he Jesus ihakam qin kta e aihpeyapi.

27 Unkan oyate kin wicota hinca winoñinca ko iyahna yapi, qa waşihda aceyapi.

28 Tuka Jesus ekta ihduhomni qa hewicakiya; Jerusalem cunwintkupi kin, miye amaceyapi şni po; tuka niyepi qa nicinca-pi kin aiçiceya po.

29 Iho, anpetu hiyohi kte cin hena en heyapi kta; Hokşin yuhapi şni, qa wicitpi tohinni cin-caton şni, qa aze tohinni azinpi şni kin hena yawaştepi ce.

30 Hehan hinnakaha he kin, Unkahinhpaya po, qa paha kin, Unkahpa po, eciyapi ece e kta.

31 Qa can teca kin en decen

econpi kinhan, can šeca kin en token econpi kta he, eya.

32 Unkan wicašta tokeca nonpa, ohan šicapi kin, hena wica-ktepi kta e kici awicayapi.

33 Unkan tukten Wicapahu ecियapi kin wanna ehan ipi qehan, hen icipaweli okatanpi, qa nakun wicohan šica econpi qon hena, unma iye etapa eciyatanhan, qa unma kin is catka tanhan.

34 Hehan Jesus heya; Ate, wicakicicajuwo; taku tokonpi kin sdonkiyapi šni ce. Unkan tawokoyake kin kicipamnpi, qa oconna econpi.

35 Unkan oyate kin opahta najin hiyeya; Qa itancanwicakiyapi kin is eya hena om ihaŋapi qa heyapi; Wicašta tokeca niwicaya ece qon; iye atayedan niičiya ešta šni, Messiya Wakan-tanka hdaŋnige cin hee hecinhan.

36 Unkan akicita kin is eya ihaŋapi, en au, qa miniskuya kipa-zopi;

37 Qa heyapi; Juda wicašta-yatapi kin he niye hecinhan, niičiya wo.

38 Unkan iwankam wowapi kin de, Helenes qa Roma qa Hebrew iapi henakiya en owapi; JUDA WICAŠTAYATAPI KIN HE DEE CE.

39 Unkan ohan šicapi en owicakatanpi qon wanji šicaya owakiye ča heya; Messiya he niye hecinhan niičiya wo, qa unkiš nakun.

40 Tuka unma kin waayupte ča kišice ča heya; Wakantanka koyakipe šni he; wicayacopi okonwanjidan kici en yaun:

41 Qa unkiye kin en he owotanna; taku econku eciyatanhan unakipa ece; tuka iye qe taku šica takudan econ šni ce.

42 Unkan hehan Jesus heciya;

Itancan, wokiconze nitawa kin en yaku kinhan, miksuya wo.

43 Unkan Jesus heciya; Anpetu kin de en wowašte makoce kin en mici yaun kta ce, awicakehan eciciya.

44 Wanna wihiyayedan oape šakpe hehantu; unkan makoce kin owancaya aotpaza, napcinwanka apa hehanyan.

45 Qa anpetu wi kin otpaza icu, qa tipi wakan kin en minihuha ozanzan hiyeye cin he cokaya okinahdeca.

46 Unkan Jesus hotankakiya hoyekiye čehan, hehan heya; Ate, ninape kin en minagi kin owehnaka ce. Unkan hecen eye čehan ta iyaya.

47 Unkan akicita opawinge wicayuhe cin he token econpi qon he wanyake čehan, Wakantanka yaonihan, qa heya; Awicakehan wicašta owotanna he de heca ce.

48 Unkan oyate kin witaya he wanyag ahi qon, hena owasin token econpi qon hena wanyakapi qehan, maku kin ohnahna aičipapi, qa kihdapi.

49 Unkan tona sdonyapi qon hena owasin itehan inajinpi, qa winohinca Galile etanhan iha-kam upi qon hena taku kin dena wanyakapi.

50 Unkan iho, wicašta wan Joseph eciyapi, wahokonwicakiya ece kin heca, wicašta wašte qa owotanna;

51 He iye kin wakiconzapi qa ohanpi qon wicawicada šni: Arimathea, Juda totonwepi kin wanji hee etanhan; is eya Wakantanka tokiconze kin he ape un.

52 He Pilate ekta ye ča Jesus tancan kin kida.

53 Unkan kun eyaku, qa minihuha ska opazunte, ča imnija kahdokapi wicašta hnakapi wan

en ohnaka; he itokam tuweda en ohnakapi ūni.

54 Unkan anpetu en ihduwiye-yapi ece kin he hee, qa anpetu wakan kin wanna ikiyedan.

55 Unkan winohinca Galile etanhan kici upi qon hena iha-kam iyayapi, ohna hnakapi kin he, qa tancan kin token hnakapi kin hena wanyakapi.

56 Qa hetanhan kihdapi, qa pejihuta waſtemna ihepi ko wi-yeya ehnakapi. Hehan woa-hope kin eciyatanhan anpetu wakan kin okihpapi.

WICOWOYAKE 24.

1 Unkan anpetu wakan en an-petu tokaheya, hanhanna hinca, hehan wicaſta hnakapi kin ekta, pejihuta waſtemna wiyeya ehna-kapi qon hena yuha en upi; qa toktokeca nakun owicapapi.

2 Unkan wicaſta hnakapi kin etanhan inyan kin wanna token iyeyapi e wanyakapi:

3 Qa mahen ipi, tuka Jesus I-tancan tancan kin he iyeyapi ūni.

4 Unkan token iyukanpi nun tanin ūni qehan, iho, wicaſta nonpa wokoyake wiyatpatpa un-pi icahda nawicajinpi.

5 Unkan kokipapi, qa ite kin makipuskin ehpeiciyapi qehan, hewicakiyapi; Tokeca e ɕapi kin wicehna ni un kin ayakitapi he.

6 Den un ūni; tuka kini ce. Nahanhin Galile en un qon ehan token eniciyapi qon he ki-ksuya po:

7 Wicaſta Cinhintku kin wica-ſta ſica napepi kin en wicaqupi kta, qa icipaweſ okatanpi kta; tuka anpetu iyamni kinhan kini kta ce, eya ce.

8 Unkan hecen eye ciqon he kiksuyapi.

9 Unkan wicaſta hnakapi kin

etanhan kihdapi, qa akewanjipi-dan unmapi ko hena owasin owicakiyakapi.

10 Unkan wahoſiyapi kin hena hecen owicakiyakapi qon, Mary Magdalene, qa Joanna, qa Mary Jakob hunku kin, qa toktokeca ou unpi qon hena eepi.

11 Unkan oiepi kin ikcekceya hitunkakanpi kin iyececa da-kapi, qa wicawicadapi ūni.

12 Hehan Inyan najin hiyaye ɕa wicaſta hnakapi kin ekta in-yang iyaya; qa en eyokasin qe-han miniſihuha wokoyake kin iſnana ehnakapi wanyaka; he-han hdicu qa cante mahen taku econpi kin on inihanyan awacin un.

13 Unkan iho, anpetu kin he en, iyepi kin etanhan wicaſta nonpa otonwe wan Emmaus eci-yapi kin he ekta yapi, Jerusalem etanhan maka iyutapi wikcemna ſakpe ecetu.

14 Unkan taku hiyohi kin dena owasin on wohdakapi.

15 Unkan wohdakapi, qa iyu-kean awacinpi icunhan, Jesus iye hinca kiyedan u, qa om wi-caya.

16 Tuka iſta on iyekiyapi kte ūni wicayapi.

17 Unkan hewicakiya; Wicoie kin dena tukte e he, mayanipi icunhan woyahdakapi qa iyo-kiſin yaunpi kin.

18 Unkan unna Kleophas eci-yapi kin he waayupte ɕa heciya; Jerusalem en yaun ūni ece, de-han en taku hiyohi kin dena sdonyaye ūni he.

19 Unkan hewicakiya; Hena taku he. Unkan heciyapi; Je-sus Nazareth etanhan kin on, he wicaſta wokean, wicoſhan wicoie ko on waſaka, Wakantanka qa oyate kin owasin wicitokam.

20 He wawayuſna itancanpi qa

itancanwicunki yapi kin hena te kta kiconzapi qa icipaweh oka-tanpi.

21 Tuka Israel opewicakiton kte cin hee unkiś unkecinpi tuka; unkan heconpi kin ehan-tanhan wanna anpetu kin de iyanmi.

22 Nakun unkanpi kin etanhan winohinea wanjikji hanhanna hinea wicaśta hnakapi kin ekta ipi, qa inihanunyanpi:

23 Iye tancan kin iyeyapi śni gehan, hdi cupi qa obnihde wa-kan kin heca wanwicayakapi, qa hena he ni un keyapi ce, eya unkoki yakapi.

24 Hehan om unkanpi kin wan-jikji wicaśta hnakapi kin ekta ipi, qa winohinea oyakapi qon iyecēca hinea iyeyapi: tuka iye kin wanyakapi śni ce.

25 Unkan hewicakiya; Witko-tkokapi qa wicaśta wokcan taku oyakapi qon hena owasin wicada cante hunkapi śni kin:

26 Messiya dena decekcen ito kakije qa wowitan tawa kin en hde kte cin he hecetu śni he.

27 Unkan hecen Moses e toka-heyā, qa hehan wicaśta wokcan owasin, taku iye kin on wowapi en kagapi qon hena owasin owi-cakiyaka.

28 Unkan otonwe ekta yapi qon he wanna ikiyedā ehan ipi gehan, iye sanpa ye kta se ecēca.

29 Tuka iyakapeyapi, qa heya-pi: Unkicipi un wo, wanna hta-yetu aya, qa anpetu kin wanna owihanke kta. Unkan om un kta e ti mahen iyaya.

30 Unkan om wota yanke ce-han, aguyapi eyaku, qa yawasie, qa yuśpaśpa, qa wicaqu.

31 Hehan iśta kin wicakiciyu-kawapi, qa iyekiyapi: unkan atanin śni iyaya.

32 Unkan hekiciyapi; Canku

kin ohna wounkiyakapi qa wo-wapi wakan kin unkiciyuzamnpi qon he ehan cante unkata śni he.

33 Unkan wihiyayedan oape kin he en najin hiyayapi, qa Je-rusalem ekta hdapi, qa akewanji tona om unpi ko hena witaya yukanpi iyewicayapi;

34 Qa heyapi; Ehanqon Itan-can kin kini, qa Simon en tanin-iciya ce.

35 Hehan iye canku kin ohna tokenketu, qa aguyapi yuśpaśpa kin on iyekiyapi qon, hena he-cekcen owicakiyakapi.

36 Unkan hena hecen eyapi icunhan, Jesus iye hinea wica-cokaya hinajin qa hewicakiya; Wookiye nicipi un nunwe.

37 Unkan inihanpi, qa kokipapi, qa wanagi wanyakapi kecinpi.

38 Unkan hewicakiya; Tokeca e iyoniciśicapi he; qa tokeca cante mahen taku cetunyahdapi he.

39 Minape misiha ko, de miye hinea e wannmayaka po; mayu-tanpi qa iyukan po; cehpi huhu waton wandakapi kin wanagi kin iyecen ton śni ece.

40 Unkan hecen eye cehan, nape siha ko wicakipazo.

41 Unkan wowiyuśkin on wi-cadapi śni, qa hinyašin inihanpi, hehan hewicakiya; Den taku yutapi duhapi he.

42 Unkan hogan pasnonpi onśpa tuhmaga canhanpi ahna qupi.

43 Unkan icu, qa wicitokam yuta.

44 Qa hewicakiya; Nahašin om ciunpi qon ehan, wicoie oci-ciyakapi qon he dee ce; Moses wicoope tawa, qa wicaśta wo-kecan, qa odowan kin, henakiya en miye on taku token owapi qon owasin ecen yuśtanpi kta iyecēca ce, eya.

WICOWOYAKE 1.

45 Unkan hehan tawacinpi kin wicakiciyuzamni, qa hecen wowapi kin okahnigapi kte.

46 Unkan hewicakiya; Hecen owapi, qa Messiya hecen kakije ca, anpetu iyamni kinhan ake kini kte cigon, he hecetu:

47 Qa hecen iye caje kin on ihduccetupi qa woahitani kajuju-pi kin, oyate kin owasin en oyakapi kta, Jerusalem en tokahe-ya kta.

48 Qa taku kin dena oyakapi kte cin he niyepi ce.

49 Unkan iho, Ate taku iwahowicaye cigon he niyepi kin en uwakiye kta; tuka tohanyan wankantanhan wowaŝake yuhe-

niciyapi ŝni kin hehanyan Jerusalemon otowwe kin en ece yukan po.

50 Hehan tankan awicaya, Bethani hehanyan; unkan nape wicakiyuwinta qa wicayawaŝte.

51 Unkan wicayawaŝte icunhan, yutokan ewicakiciyakupi, qa wankan mahpiya kin ekta ayapi.

52 Unkan iye ohodapi, qa woyuŝkin tanka yuha Jerusalem ekta kipi:

53 Qa ohinniyan tipi wakan kin ohna ece yukanpi, Wakan-tanka yatanpi qa yawaŝtepi ece. Amen.

JOHANNES

WOTANIN WAŝTE TAWA.

WICOWOYAKE 1.

1 Otokahe ekta Wicoie kin hee; Wicoie kin he Wakan-tanka kici un, qa Wicoie kin he Wakantanka kin ee.

2 He otokahe ekta Wakan-tanka kici un.

3 Iye eciyatanhan taku owasin kagapi; qa taku kin tokan tanhan takudan kagapi ŝni.

4 Iye kin en wiconi; qa wiconi kin he wicaŝta iyoyamwicaye cin hee.

5 Iyoyanpa kin hee otpaze cin en omdesya un, tuka otpaze cin he iyowinkiyi ŝni.

6 Wicaŝta wan Wakantanka eciyatanhan u ŝipi, he Johannes eciyapi.

7 He wayaotanin hi, Iyoyanpa kin oyake kta; hecen iye eciyatanhan owasin wicadapi kta.

8 Iyoyanpa kin he iye ŝni, tuka iyoyanpa kin he yaotanin kta e u ŝipi.

9 Iyoyanpa wicakapi hince cin hee, wicaŝta otoiyo hi wicoicage kin en u iyoyamye cin hee.

10 He wicoicage kin en un, qa iye wicoicage kin kaga, tuka wicoicage kin sdonyapi ŝni.

11 Tona tawa kin hena ekta wicahi, tuka tawawicaye cin hena iyowinkiyapi ŝni.

12 Tuka tona iyowinkiyapi kin hena Wakantanka cinca wicaya yakonpi kta e okihi wicaya, tona iye caje wicadapi kin hena.

13 Hena wicawe eciyatanhan ŝni, qa wicacehpi tawacin kin eciyatanhan ŝni, qa nakun wicaŝta tawacin kin eciyatanhan ŝni, tuka Wakantanka eciyatanhan wicatonpi.

14 Unkan Wicoie kin he wica

cehpi kagapi, qa unkiyepi kin en ounyan; qa wootanin tawa kin wanunyakapi, wootanin kin he Atkuku eciyatanhan isnana icaga tawa kin he iyececa; wo-waonsida wowicake ko ojudan.

15 Johannes he yaotanin, qa heya niyan; Tuwe mihakam u kte cin he mitokam yawapi ce, epe cion he dee; he mitokam un nakaes.

16 Unkan woojudan tawa kin etanhan unkiye owasin unkicu-pi, qa he wowašte wicowašte kin on.

17 Wooke kin he Moses wica-qu; tuka wicowašte wowicake ko hena Jesus Messiya eciya-tanhan u.

18 Tuwedan tohinni Wakan-tanka wanyake sni; tuka Cin-hintku isnana icaga Atkuku maku ohna un kin he sdoney unkiyapi.

19 Unkan Johannes woyake ci-qon he dee; Jerusalem etanhan Juda oyate Wošnapi kagapi Lewi wicašta ko ekta ye wica-sipi qa, Tuwe niye he, eciyapi.

20 Tuka Johannes ohdake ça anakihbe sni, tuka ohdaka; Messiya kin he miye sni ce.

21 Unkan wiwangapi; Nituwe he; Eliyas he niye he. Unkan, He miye sni ce, eya. Wicašta wokcan kin he niye he, eciyapi. Tuka, Hiya, eya.

22 Hehan, Ecin tuwe niye he, eciyapi: tona deciya unkušipi hecinhan hoši wicunkakipi kta e heunniciyapi; Token onihda-ka he.

23 Unkan heya; Jehowa ta-canku kin owotanna kicaga po, tuwe hewoskan cyanpaha un kin he miye ce, Isaya wicašta wo-kean eye cion iyececa.

24 Unkan tona en u wicašipi qon hena Pharisee etanhanpi.

25 Unkan wiwangapi qa heci-yapi; Hecen tokeca e baptem wicayaqu he; Messiya he niye sni, qa Eliyas he niye sni, qa wicašta wokcan kin he niye sni hecinhan.

26 Johannes awicayupte ça heya; Miye mini on baptem wicawaqu ece: tuka waji naya-jinpi kin cokaya najin tuka sdon-yayapi sni;

27 Tuwe mihektam u kte ci-qon, tuka mitokam yawapi kin hee; tahanpe kin wakiyušdoke kta ešta owakihi sni ce.

28 Hena taku kin Bethabara, Jordan akasanpatanhan, econpi, he en Johannes baptem wic-aqu.

29 Anpetu iyokihe hehan Jesus etkiya u kin Johannes wanyake ça heya; Tacinca Wakantanka tawa, oyate wahtanipi kin to-kan ehpeye kte cin he wanyaka po.

30 Tuwe on hepe cion he dee; Wicašta wan mihakam u kte cin he mitokam yawapi; he mi-tokam un nakaes.

31 Qa miš eya he sdonwaye sni; tuka Israel oyate kin ekta yuotaninpi kta e heon mini on baptem wicawaqu wahi ce.

32 Unkan Johannes wayaotanin qa heya; Woniya kin he waki-yedan kaŋiya maŋpiya eciyatan-han kuntkiya u wanmdaka, un-kan he en hiyanka.

33 Unkan he tuwe kin sdon-waye sni, tuka mini on baptem wicagu maši qon he omakiyaka; Tohan maŋpiya kin eciyatanhan Woniya kin kuntkiya ye ça, tuwe iyahde wandake cinhan he iye Woniya Wakan on baptem wi-caqu kta.

34 He wanmdaka e on mdao-tanin; Wakantanka Cinhintku kin hee.

WICOWOYAKE 2.

35 Ake ihanhanna hehan Johannes waonspewicakiye cin nom om en najin:

36 Qa Jesus omani wanyake cehan heya; Iho, Tacinca Wakantanka tawa kin he dee ce.

37 Unkan waonspewicakiya nom ie cin he nahonpi, qa Jesus ihakam yapi.

38 Hehan Jesus ihdamna, qa ihakam upi wanwicayake ça he-wicakiya; Taku ayakitapi he. Unkan, Itancan, Waonspekiye eyapi kin he kapi, tukten yati he, eciyapi.

39 Upi qa wanyaka po, ewicakiya. Unkan kici hdapi, qa tukte en ounye cin he wanyakapi, qa anpetu ihunniyan kici yukanpi: wanna oape wikcemna hehantu.

40 Nom Johannes ia nahonpi qa Jesus ihakam yapi qon, Andrew Simon Inyan sunkaku kin he unma ee.

41 He cinu Simon tokaheya iyeve ça heciya; Messiya, he Sdayapi eyapi kin, iyeunyanpi ce:

42 Qa Jesus ekta ai. Unkan Jesus wanyake cehan heya; Simon Jona cinhintku kin he niye: Kephas eniciyapi kta, he Inyan eyapi kin hee.

43 Ihanhanna kin hehan Jesus Galile heciya ya, unkan Philip wanyake ça heciya; Mihakam u wo.

44 Philip Bethsada hetanhan, nakun Andrew Inyan kici he otonwe tawapi.

45 Philip Nathanael akipa, qa heciya; Moses woope en owa qon, qa wicašta wokcanpi kin nakun, he wanna iyeunyanpi, Jesus Nazareth etanhan, Joseph cinhintku kin hee.

46 Unkan Nathanael heciya; Nazareth etanhan taku wašte u

okibi kta he. U qa wanyaka wo, Philip eciya.

47 Jesus Nathanael en u wanyake ça he on heya; Wanyaka po, Israel wicašta hinca wan he dee, wicahnaye wanin un ce.

48 Nathanael heciya; Tokiyatanhan sdonmayaya he. Jesus ayupte ça heciya; Philip nico qon he itokam can ihukuya nayajin qon hen wanciyaka.

49 Nathanael ayupte ça heciya; Itancan, Wakantanka Cinhintku, Israel oyate Wicaštayatapi kin he niye.

50 Unkan Jesus ayupte ça heciya; Can ihukuya nayajin wanciyaka epa, unkan heon wicayada he. Dena taku isanpa tanka wandake kta ce.

51 Unkan heciya; Wowicake, wowicake eciyatanhan heciciyapi, Tokata malhiya kin yuzamnpi, qa Wakantanka taokiyen kin wankantkiya yapi, qa ake kuntkiya upi, qa Wicašta Cinhintku kin en himniciyapi wandakapi kta ce.

WICOWOYAKE 2.

1 Anpetu iciyamni kin hehan Galile makoce en otonwe wan Kana eciyapi hen kiciyuzapi omniciye kagapi; unkan Jesus hunku kin en opa.

2 Jesus nakun waonspewicakiye cin om kiciyuzapi kin en kicopi.

3 Unkan miniša wanna hena-keca hehan, Jesus hunku kin heciya; Miniša takudan yuhapi šni ye.

4 Unkan Jesus heciya; Wino-hinca hetanhan iwamayatokiya he; nahanhin iyemichantu šni ce.

5 Unkan hunku kin wayutan wicakiyapi, He tokehin eniciya-

pi owasin ecen ecom, ewicakiya.

6 Inyan wakiškokpa šakpe en han, ohna Juda oyate ihdujajapi kta e hdepi; otoiyo hi wiyutapi nom yamni kipi.

7 Wakiškokpa kin mini ojudan okaštan po, ewicakiya. Unkan ojogjudan okaštanpi.

8 Hehan, Onge etanhan icupi qa omniciye itancan kin he kanya po, Jesus ewicakiya. Unkan kayapi.

9 Unkan omniciye kin en itancan kin onge yatkan uta, he mini tuka miniša icaŋyapi, qa he tokiyatanhan kin sdonye šni, tuka wayutan wicakiyapi mini akupi qon hena sdonyapi, unkan itancan kin tawicu ton qon kico;

10 Qa heciya, Wicašta eca miniša wašte tokaheya yatke wicakiya ece; qa tohan wicašta wipipi hehan taku aoptetu kin; tuka niye miniša wašte hinca dehanyan yehnaka ce, eya.

11 Galile makoce kin hen, Kana otonwe he en, Jesus toka taku wapetokeca econ, qa towitan hdutanin; unkan hecen waonspewicakiye cin wicadapi.

12 He iyohakam Kapernaum ekta apamahde iyaya, iye qa hunku qa sunkaku qa waonspewicakiye cin hena koya om; unkan anpetu tonana hen yakonpi.

13 Unkan Juda oyate woacakšin wošnapi tawapi kin wanna ikiyedan; heon Jesus Jerusalem ekta itanwankanhde iyaya.

14 Unkan tipi wakan kin en wicašta kin eya, tatanka, tahinca, wakiyedan ko wiyopewicakiyapi, qa maza ska tokiyopekiciyapi kin en iyotankapi e wanwicayaka;

15 Qa icapsinte cikciqadan yu-

gaga wan kage çehan, tipi wakan kin etanhan owasin tankan iyewicaya, tahinca tatanka ko; qa mazaska tokiyopekiciyapi qon is kada iyeya, qa can wahna wotapi kin he nakun paahdapšinyan eŋpeya.

16 Qa wakiyedan wiyopeyapi kin is, Dena owasin tankan iye ya po, qa, Ate ti kin de wopeton tipi kagapi šni po, ewicakiya.

17 Unkan waonspewicakiye cin wowapi en kagapi qon he kiksuyapi, Yati owakiye cin he mayapota ce.

18 Hehan Juda oyate ayuptapi qa heciyapi; Tokiya tanhan he oyakihi qa hecanon he.

19 Unkan Jesus waayupte ça, Tipi kin de ihangya po, qa anpetu iciyamni kinhan ake ekicetuwaye kta, ewicakiya.

20 Waniyetu wikcemna topa qa sam šakpe hehanyan tipi kin de kagapi qa yušanpi qon, niye nakaha anpetu iyamnina ekicetu yaye kta he, Juda oyate kin eciyapi.

21 Tuka tipi eye cin he iye tancan kin he ka e heon etanhan heya.

22 Heon wiconŋe etanhan ihduekicetu, hehan hecen ewicakiye ciquon he waonspewicakiye cin kiksuyapi; unkan wowapi wakan qa Jesus taku ewicakiye cin hena koya wicadapi.

23 Unkan Jerusalem en woacakšin wošnapi kin icunhan, taku wapetokeca econ kin hena wicota wanyakapi qehan iye caje kin on wicadapi.

24 Tuka Jesus owasin sdonwicaye cin heon etanhan wacinwicaye šni.

25 Qa wicašta on tuwedan wa yaotanin kta cin šni; iye atayedan wicašta taku en un kin sdonya, heon etanhan.

WICOWOYAKE 3.

1 Wicašta wan Pharisee etanhan Nikodemos eciyapi, Juda oyate itancanpi kin he wanji ee;

2 Hanyetu wan Jesus yanke cin en i qa heciya; Itancan, waonspekiye Wakantanka eciyatanhan u kin henica sdonunniyanpi; taku wapetokeca ecanon ece kin tuwedan hecen okihi šni, Wakantanka kici un šni kinhan.

3 Unkan Jesus ayupte ça heciya; Wowicake, wowicake eciyatanhan heciciya, Wicašta kin wankantanhan teca nien tonpi šni kinhan Wakantanka tokiconze kin wanyaka okihi kte šni.

4 Wicašta kin kan ebantanhan token ecin teca ni en tonpi kta he. Ake hunka tezi kin mahen kihde ça ake teca ni en tonpi kta he token okihi kta he, Nikodemos eciya.

5 Unkan Jesus ayupte; Wowicake, wowicake eciyatanhan heciciya, Wicašta kin mini qa Woniya kin on tonpi šni kinhan Wakantanka tokiconze kin en tin iyaya okihi kte šni ce, eya.

6 Tuwe wicacełpi on tonpi kin he wicacełpi, qa tuwe Woniya kin eciyatanhan tonpi kin he woniya.

7 Wankantanhan nitonpi kta ce, eciciye cin heon ihnuhan niyušinyaye cin.

8 Tateyanpa kin tokiyatanhan cin eca eciyatanhan ipogan ece, qa oqo kin he nayałon, tuku tokiyatanhan u, qa tokiya ye cin he sdonyaye šni. Wicašta Woniya kin eciyatanhan tonpi kin owasin hecetu.

9 Nikodemos ayupte ça heciya; Hena token okihipica he.

10 Jesus ayupte ça heciya; Israel en waonspekiye cin heni-

ca, tuka dena oyakałnige šni he.

11 Wowicake, wowicake eciyatanhan heciciya; Taku sdonunyanpi kin hena unkeyapi ece, qa taku wanunyakapi kin dena unkoyataninpi, tuka wounyataninpi kin ayaktapi šni.

12 Taku maka kin detanhan ociciyakapi kin wicayadapi šni ehantanhan, małpiya kin ekta taku ociciyakapi kinhan hee token wicayadapi kta he.

13 Nahałin tuwedan małpiya kin ekta i šni, tuwe małpiya kin eciyatanhan kuntkiya u, qa hi kin he Wicašta Cinhintku kin hee, nahałin nakun małpiya kin ekta yanka.

14 Nakun ģewoskan wanmduška Moses wankan ehde qon he iyecen Wicašta Cinhintku kin wankan ehdepi kta.

15 Heon tuwe awacin kinhan owihanke kte šni, qa owihanke wanin wiconi yuhe kta.

16 Wakantanka oyate kin cantewicakiya, heon Cinhintku isłnana icage cin wicaqu, qa tuwe awacin kinhan owihanke kte šni, tuka owihanke wanin wiconi yuhe kta.

17 Wakantanka Cinhintku kin wicoicage kin en u ši kin, heon oyate kin wicayaco kta e hecon šni; tuka iye on oyate kin nipi kta e hecon.

18 Tuwe he wacinye cinhan he yacopi kte šni; tuka tuwe wacinye šni kinhan he wanna yacopi; Wakantanka Cinhintku isłnana icage cin he caje kin wacinye šni kin heon etanhan.

19 Wicayacopi kin he kaketu; Oyate kin iyoyanpa en wicahiyohi, tuka wicašta kin otpaza e waštedakapi, qa iyoyanpa e cinpi šni, wicołan śicapi kin heon.

20 Tuwe taku śica ccon kin he

iyoyanpa šice daka, qa iyoyanpa ikiyedan u šni, ohan iyopeyapi kte cin heon.

21 Tuka tuwe wowicake eciyatanhan ohan ye cin he iyoyanpa kin en u, ohan yuotaninpi kta, Wakantanka eciyatanhan ohan ye cin heon.

22 Hena iyohakam Jesus waonspewicakiye cin om Juda makoce kin en i; qa en om un, qa baptem wicaqu.

23 Unkan he icunhan Johannes is eya Enon Salim ikiyedan baptem wicaqu, hen mini ota kin he etanhan. Unkan baptem wicaqupi kta e etkiya aye.

24 Hehanyan hinyahin Johannes kaškapi šni.

25 Hehan taku hdokinicapi, Johannes waonspewicakiye cin wanjikji qa Juda wicašta om, wicayujajapi kin he icahtagya.

26 Unkan Johannes ekta ipi qa heciyapi; Itancan, Jordan wakpa akasanpa tanhan tuwe kici yaun qa daotanin qon he, iho, wanna baptem wicaqu, unkan owasin en ece iyoptapi.

27 Unkan Johannes waayupte ça heya; Wicašta kin mahipiya eciyatanhan taku qupi šni chan-tanhan takudan iye cinka icu okihi kte šni ece.

28 Messiya kin he miye šni, tuka itokam u mašipi ce, epe ciqon he niye sdonyayapi.

29 Tuwe tawicu ton kin he hihna yanpi kin hee, tuka hihna yanpi takodaku kin en taninyan anagoptan najin, qa hihna yanpi ho kin nahon kin heon iyuškin ece. Heon etanhan wowiyuškin mitawa kin wanna yuecetupi ce.

30 Iye kin nina sanpa icage kta, tuka miye yuhukun amaye kta.

31 Tuwe wankan tanhan hi kin

he taku owasin iwankam ounye. Tuwe maka etanhan hi kin he maka etanhan, qa maka kin iye-çenya oie kiton. Tuwe mahipi-ya kin eciyatanhan hi kin he taku owasin on iyotan.

32 Qa taku wanyake ça taku nahon kin he owasin yaotanin ece; tuka taku yaotanin kin tuwedan wicada šni.

33 Taku yaotanin kin he tuwe wicada kinhan Wakantanka wicake cin he yutanin ece.

34 Wakantanka tuwe u ši kin he Wakantanka oie oyaka; Wakantanka Taniya kin iyuta qu šni, ocowasin qu.

35 Atkuku kin Cinhintku wašte-kidake ça, taku owasin iye nape kin en qu:

36 Hecen tuwe Cinhintkuyapi kin wacinye cinhan owihanke wanin wiconi kin wanna yuha; tuka tuwe wacinye šni kinhan, he wiconi wanyake kte šni, tuka Wakantanka tocanniye kin wanna akan un.

WICOWOYAKE 4.

1 Jesus waonspewicakiya ota ieicage ça baptem wicaqu, Johannes econ qon sam iyeya, Pharisee kin hecen nahonpi, he Itancan kin sdonya.

2 Tuka Jesus iye atayedan baptem wicaqu šni, waonspewicakiye cin hena heconpi.

3 Hehan Juda makoce kin ayu-štan, qa Galile heciya ake ekta hda.

4 Qa Samariya he en acankuye kta iyececa.

5 Hecen otonwe wan Sukar eciyapi Samariya makoce en, Joseph en ounye kta e Jakob atkuku qu qon he ikiyedan, he ekta hi.

6 Jakob miniyowe tawa kin he

etu; Jesus mdokite hda, qa miniyowe kin he ahankeya iyotanka. Anpetu kin he en wiyotanhe cin hehantu.

7 Samariya oyate etanhan winohinca wan mini huwe hi; unkan Jesus, Mini maqu wo, eciya.

8 He icunhan waonspewicakiye cin otonwe kin ekta taku yutapi opeton iyayapi.

9 Winohinca Samariya oyate etanhan qon hecen eya, Juda wicašta kin henica, Samariya oyate kin hematanhan, he tokeca e mini mayakida he. Juda oyate Samariya oyate kici takudan ikicitukapi wanice cigon.

10 Jesus ayupte ça heciya; Wakantanka taku wicaqu kin he, qa, Mini maqu wo, eniciye cin he tuwe kin sdonyaya unkanš, niye yakida kta, kinhan mini wiconi kin niçu kta tuka ce.

11 Itancan, mini kin de temahentuya hiyeya qa takudan on edaku kte šni; tokiya tanhan mini wiconi kin duha he, winohinca kin eciya.

12 Jakob ateunyanpi miniyowe kin de unqupi, qa etanhan iye mini yatkan, qa cinca qa tawanunyanpi ko, he hecon tuka niye iniyotan he.

13 Unkan Jesus ayupte ça heciya; Tuwe mini kin de etanhan yatke cin nakun ipuza kta;

14 Qa tuwe mini waqu kte cin etanhan yatke cin icimana ipuza kte šni. Tuka mini waqu kte cin he owihanke wanin wiconi iyahdeya kaduze kta, eya.

15 Unkan winohinca kin heciya; Itancan, mini kin he etanhan maqu ye, hecen imapuza kte šni, qa nakun icimana mini kin de huwe wahi kte šni, eya.

16 Unkan, Nihihna kico ya

wo, qa den kici hi wo, Jesus eciya.

17 Tuka winohinca kin waayupte ça heciya; Mihihna kin wanica ce. Nihihna wanica kehe cin he hecetu e ecen eha ce;

18 Nihihna zaptan, tuka naka-ha hihnayaye cin de nitawa šni; hecen ehe cin he wicayaka ce, Jesus eciya.

19 Hehan winohinca kin heciya; Itancan, wicašta wokcan kin henica indukcan;

20 Hunkake wicunyanpi paha kin de en ohodapi ece; tuka niye, Jerusalem he en wicašta ohodapi ece e kta, kehapi ce.

21 Unkan Jesus heciya; Winohinca, wicamada wo, anpetu wan u ce, paha kin de en, qa Jerusalem nakun en, Ateyapi kin ohoyadapi kte šni.

22 Niye taku ohoyadapi kin sdonyayapi šni; unkiye taku ohoundapi kin sdonunyanpi ece. Juda oyate kin eciyatanhan waniykiyapi kin u ce.

23 Tuka anpetu u kin he wana hiyohi, tona wowicake eciyatanhan ohodapi kin hena woksape wowicake eciyatanhan Ateyapi kin ohodapi kta. Ateyapi kin he tona hecen ohodapi kte cin akita ece.

24 Woksape kin he Wakan-tanka kin ee; qa tona ohoda kinhan hena woksape wowicake eciyatanhan ohoda kta.

25 Hehan winohinca kin heciya; Messiya Sdayapi eyapi kin hi kta, tohan hi kinhan taku kin owasin unkokiyakapi kta e sdonwaya.

26 He miye e ociciya ce, Jesus eciya.

27 He icunhan waonspewicakiye cin en hdipi, qa winohinca kin kici okiciciya un kin heon yušinyayapi. Tuka wanjidan;

Taku ayakita he; qa, Tokeca kici iyaa he, eyapi šni.

28 Hehan winohinca kin wakiškokpa ehpeya kihde ça, otonwe kin ekta ki, qa wicašta kin hewicakiya;

29 Wicašta wan taku ecamon qon owasin omiciyake cin he ito wanyag u miye. He Messiya kin ee šni he.

30 Hehan otonwe kin etanhan enanpa, qa yanke cin en ai.

31 He icunhan waonspewicakiye cin cekiyapi qa, Itancan, wota wo, ecियapi.

32 Tuka iye hewicakiya; Taku yutapi sdonayapi šni kin heca wate kta e mduha ce.

33 Heon, Tuwe taku yutapi kahi he, wonspewicakiye cin ekiciyapi.

34 Tuka Jesus hewicakiya; Tuwe u maši kin he tawacin kin ecen ecamon kta, qa iye tohan kin weciyušan kte cin he taku wate cin ee.

35 Ehake wi topa kinhan taku mnaunyanpi kta ce, ehapi. Tuka miš kaken eciciyapi; Wankan etonwanpi qa maga kin wanyaka po, wanna owasin ska qa mnayanpi kin wanna iyehantu.

36 Qa tuwe taku mnaye cin he wokajuju icu ece, qa owihanke wanin wiconi waskuyeca mnayan ece; hecen on tona woju, qa tona mnaye cin napin wiyuškinpi kta.

37 Wanji woju qa wanji mnayan, eyapi qon dee e wicakapi.

38 Niye hitayanipi šni tuka wamnayanpi he econ cišipi. Wicašta tokeca hitanipi unkan he hitanipi kin en niye oyapapi.

39 Winohinca kin, Token ecamon qon owasin omiciyaka ce, eye cion heon wicašta Samariya oyate otonwe kin he en ota Messiya hee kin wicadapi.

40 Heon Samariya oyate Jesus en hipi qa cekiyapi, iye tipi kin en un šipi. Unkan nonpa can hen un.

41 Unkan ia nañonpi kin hehan wicota wicadapi.

42 Qa, Taku odake cin he etanhan wicaundapi kin hee šni, unkiš eya naunhonpi, Messiya hee qa oyate wanikiye kte cin hee e sdonunyanpi, winohinca kin ecियapi.

43 Anpetu nonpa iyohakam hehan hetanhan ye ça Galile heciya hda.

44 Jesus iye atayedan hdaotanin, wicašta wokcan kin heca iye tamakoce kin en yuonihanpi šni ece.

45 Unkan Galile ekta ki, hehan Galile wicašta kin iyowin-kiyapi, Jerusalem ekta wošnapi kin icunhan taku econ qon owasin wanyakapi kin heon etanhan; iš eya wošnapi kin ekta ipi nakaes.

46 Unkan Galile en Kana otonwe kin, mini ikceka miniša icalhe cion he ake en hdi. Unkan Kapernaum ekta wicašta itancan wanji cinhintku wazanka:

47 He Jesus Juda makoce kin hetanhan Galile en hi, nañon kin heon ekta ye ça cekiya, cinhintku k'n asniye kta e ekta u kta; wanna te kta ikiyedat.

48 Hehan Jesus heciya; Taku wowanyake wowapetokeca ko wandakapi šni keš wicayadapi kte šni ce.

49 Unkan wicašta itancan kin heciya; Itancan, micinksi te šni itokam kun u wo.

50 Tuka Jesus heciya; Hunktiya wo, nicinksi ni ce. Unkan wicašta kin Jesus ie cin wicada, qa ekta hda.

51 Tiyatakiya hda, unkan wi-

cašta wowidake wicayube cin awicakipa, unkan, Nicinksi kin ni ce, eya okiciyakapi.

52 Wi kin tohan yanka hehan asni aya he, eya iwicawanga. Unkan, Htanihan wiyotanhani kintanna inasdoka, hetanhan tancan kata ayustan ce, eyapi.

53 Unkan atkuku kin tohan Jesus, Nicinksi ni ce, eciye cigon hehantu e kiksuya. Unkan iye qa tiyohnaka tawa koya wicadapi.

54 Jesus Juda makoce etanhan Galile icicawin en hdi, wowape-tokeca econ kin icinonpa kin he dee

WICOWOYAKE 5.

1 Hehan iyohakam Juda oyate omniciye wan kagapi lfe icunhan Jesus Jerusalem he en i.

2 Jerusalem en tahinca wanunyanpi tiyopa kin he en ikiyadan, mini kiwitayapi, Hebrew iapi Bethesda eciyapi, zaptankiya aohanziya hdepi.

3 Hena ohna wicašta wayazanka ota, hušte, ista gonga, tatakako ota en makan hiyeya, mini skanskan ape hiyeya.

4 Tohan iyehantu eca, malhipiya ohnihde wan mini kin en hi qa skanskanya ece. Tokiya yazan kin owasin tohan mini kin he skanskan eca tuwe tokaheya en iyohpeiçiya eca asni ece.

5 Wicašta wan he en wanka, waniyetu wikcemna yamni sanpa şahdogan hehanyan wayazanka.

6 Wicašta kin he makata wanka, wanakaja tanhan wayazanka Jesus wanyaka, qa, Anisni kta yacin he, eciya.

7 Wicašta wayazanke cin heciya; Itancan, mini kin skanskan keş tuwedan en iyohpemaye şni;

en mde kta keş tuwe tokeca mitokam en iyeçiya ece.

8 Najin, owinja ehdaku qa mani wo, Jesus eciya.

9 Unkan ecabañkeya wicašta kin akisni, qa owinja kin ehda-ku, qa mani. Unkan anpetu kin he anpetu wakan.

10 Heon etanhan Juda oyate kin wicašta asniyanpi qon heciyapi; Nakaha anpetu wakan; owinja yeçin kin he hecetu şni ce.

11 Tuwe asnimaye cin he, Owinja ehdaku qa mani wo, emakiya ce, ewicakiya.

12 Hehan, Wicašta kin, Owinja ehdaku qa mani wo, eniciye cin he tuwe he, eya iwangapi.

13 Tuka wicašta asniyanpi kin he tuwe kin sdonye şni: he icunhan wicota hen unpi hecen Jesus icunonpa iyaaya.

14 Hehan iyohakam tipi wakan en wicašta kin he Jesus wanyaka, unkan, Wanyaka ye, wanna anisni; icimaña wahtani şni wo; okinni ake taku wanji şica sanpa tanka iyanihde kta ce, eciya.

15 Unkan wicašta kin he kihde ça, Tuwe asniye cigon he Jesus ee, Juda oyate owicakiyaka.

16 Heon etanhan Juda oyate Jesus kuwa ayapi, qa anpetu wakan kin icunhan hena econ kin heon teyapi kta e akitapi.

17 Unkan, Ate nahahin htani he etanhan mişeya htawani, Jesus ewicakiya.

18 Unkan Juda oyate hehan iyotan Jesus teyapi kta sanpa akitapi, anpetu wakan botica, qa nakun Wakantanka atayedan Ateya keçiye cin, Wakantanka kici akiyecen ihdawa kin, heon etanhan.

19 Unkan Jesus waayupte ça

hewicakiya; Wowicake, wowicake eciyatanhan heciciyapi, Cinhintkuyapi kin takudan iye cinka econ kta okihi ūni; Ateye cin taku econ wanyaka eca, hehan Cinhintku kin is eya iye-
cen econ ece.

20 Ateyapi kin Cinhintku wašte kidake cin heon taku econ kin hena owasin onspekiya; qa nakun ees wicoħan dena sanpa tanka onspekiye kta, hecen ininhanpi kta.

21 Ateyapi kin tuwe ęa keš niye ęa wiconi wicaqu ece; he iye-
cen Cinhintku kin is tona cin kinhan wiconi wicaqu ece.

22 Nakun Ateyapi kin tuwedan yaco ūni, tuka woyaco owasin Cinhintku kin qu.

23 Heon etanhan owasin Ateyapi kin token ohodapi hecinhan he iye-
cen Cinhintku kin ohodapi kta. Tuwe Cinhintku kin ohoda ūni kin he Atkuku u ūi kin he nakun ohoda ūni.

24 Wowicake, wowicake eciyatanhan heciciyapi, Tuwe mioie kin anagoptan, qa u maši kin he awacin kinhan, owihanke wanin wiconi yuhe kta; qa woyaco en i kte ūni, wanna wiconęe etanhan wiconi ekta e i.

25 Wowicake, wowicake eciyatanhan heciciyapi, Anpetu wan u qon wanna hi, wicašta ęa tona Wakantanka Cinhintku ho kin naħon kta; qa tona naħon kinhan hena ni kta.

26 Ateyapi kin iye cinka wiconi hduha, he etanhan Cinhintku kin is iye cinka wiconi hduhe kta e qu.

27 Qa nakun wowaške woyaco kin he nakun Cinhintku qu, Wicašta Cinhintku kin e heon etanhan.

28 Ihnuhan hena ininhanpi kin

do; anpetu wan hi kta ce, wicašta wicaħapi kin owasin iye ho kin naħonpi kta;

29 Qa hninanpapi kta, tona wašte econpi kin hena wiconi woekicetu ekta; qa tona taku ūica econpi kin hena woyaco woekicetu ekta hiyupi kta.

30 Miye cinka taku ecamon owakitpani; taku mdaco kin hena taku nawaħon kin heciya tanhan; qa taku mdaco kin hena hecetu. Miye mitawacin he owakide ūni, tuwe u maši kin he tawacin owade.

31 Miye mihdaotanin kinhan, taku mdaotanin kin he wowicake ūni.

32 Wanęi tokeca mayaotanin ece; unkan wayaotanin iye mayaotanin kin he wowicake e sdonwakiya.

33 Johannes ekta ye wicayaši-
pi; unkan taku yaotanin kin wowicake kin hee.

34 Tuka wicašta akantu wayaotaninpi kin iwacu ūni; tuka dena on yanipi kta e heciciyapi.

35 He peta ijanjan iyege ęa okitanin; unkan iyoyanpa tawa kin on kohanna iyuškin wacan-
nipi.

36 Tuka Johannes sam iyeya tanka wayaotanin mduha; wicoħan ecamon kta Ate maqu qon hena e ecamon ece; Ate umaši e yuotanin kin hena ee.

37 Qa Ateyapi umaši qon he nakun mahduotanin: He toħinni ho kin nayahonpi ūni, qa itohna-
ke wandakapi ūni:

38 Qa oie kin en niunpi ūni, tuwe u ūi kin he wicayadapi ūni, heon etanhan.

39 Wowapi wakan kin en akita po; heciyatanhan wiconi owihanke wanica duhapi kecannipi; unkan omayake cin hena ee.

40 Tuka owihanke wanin wi-

coni duhapi kta e on miye en mayaupi yacinpi šni.

41 Wicašta ekta mitawootanin kin awecite šni.

42 Tuka Wakantanka wašte-dakapi kin he en niunpi šni e sdonciyapi.

43 Ate cajeyan wahi, tuka iyo-winmayakiyapi šni; tuwe iye caje atayedan hduha hi kin hee iyowinyakiyapi kta.

44 Niye iyakitedan nitawootaninpi kin ayecitapi, qa Wakan-tanka, eciyatanhan wootanin kin ayakitapi šni, he token on wica-yadapi kta he.

45 Ate en aciyapi kta e kecan-makinpi šni po; Moses he wa-cinyayapi qon he iye taku iya-nionpapi ce.

46 Moses wicayadapi unkanš miš eya wicamayadapi kta tuka. He miye on wowapi kaga.

47 Tuka iye wowapi kage cin hena wicayadapi šni kinhan, ecin token mioie kin wicayada-pi kta he.

WICOWOYAKE 6.

1 Hená iyohakam Jesus Galile mde kin, he nakun Tiberias mde kin ee, he akasanpa iyaya.

2 Unkan oyate ota ihakam yapi, wicašta wayazanpika en wapetogya ohanyan wanyakapi qon heon etanhan.

3 Unkan Jesus paha wan ekta iyaya, qa waonspewicakiye cin om akan iytotanka.

4 Unkan woacakšín, Juda oyate wošnapí tawapi wan, he wanna ikiyedan ihan.

5 Jesus išta yuwankan ikikcu, qa wičota iye yanke cin en au wanwicayake čehan, Philip he-ciya; Aguyapi dena yutapi kte cin, tokiyatanhan opeuntonpi kta he.

6 He yukcan kta on etanhan

heciya; token econ kte cin he sdonkiya tuka.

7 Hehan Philip ayupte; Kašpapidan opawinge nonpa agu-yapi iyopeyapi, qa otoiyohi ci-keistinna icupi ešta, nakun iyo-wicahi kte šni ce, eya.

8 Hehan waonspewicakiye cin wanji, Simon Inyan sunkaku, Andrew eciyapi, he nakun he-ciya;

9 Psin ska aguyapi zaptan qa hogan nom hena den hokšidan wan yuha; tuka wicota qa he-nana on token hanpica he.

10 Unkan, Wicašta kin iyo-tanke wicaši po, Jesus eya. He en peji ota. Wicašta kin hena iytotankapi, unkan kektopawinge zaptan iyecetu.

11 Hehan Jesus aguyapi kin hena icu qa yawakan, qa wa-onspewicakiye cin wicaqu; un-kan waonspewicakiye cin iyo-tang hiyeye cin wicakipamnpi; qa nakun hogan tohanyan cinpi kin.

12 Unkan imnanpi hehan wa-onspewicakiye cin hewicakiya, Oyaptapi kin hena pahi po, he-cen takudan atakuni kte šni.

13 Unkan psin ska aguyapi oyaptapi qon he etanhan makan-opiye ohnaka ake nonpa pahipi; wotapi etanhan iwicakiciyaye cin hena ee.

14 Taku wapetogya Jesus econ kin oyate kin wanyakapi, qa he-on heyapi, Wicašta wokean itan-can oyate en hi kta keyapi qon he wanna dee.

15 Oyate kin Jesus icupi, qa wicaštayatapi kaš wacinpi e sdonkiya, qa paha kin icunonpa akan išnana iyaya.

16 Unkan wanna htayetu he-han waonspewicakiye cin mde kin ektakiya yapi;

17 Qa wata wan en opapi qa

mde kin he opta yapi, Kaperna-
um heciya i wacinpi. Unkan
otpaza tuka nahanhin Jesus ekta
wicahi ūni.

18 Unkan tateyanpa hinca, on
etanhan mde kin nina taja aya.

19 Unkan wiyutapi wikcemna
nonpa sam zaptan, qa is wikce-
mna yamni hehanyan watopapi,
hehan wata kin ikiyedani Jesus
mini kin amani u wanyakapi ;
unkan yuūinyayapi.

20 Tuka, He miye ce, ihnuhan
koyakipapi kin do, ewicakiya.

21 Hehan iyokipiya wata kin
en iyowinkiyapi ; unkan tokiya
yapi qon, wata kin kohanna he
en ihunni.

22 Ihanhanna hehan oyate mde
kin icahda yukanpi kin, hen wa-
ta wanica, waji waonspewica-
kiye cin en opapi qon heceye-
dan, qa Jesus waonspewicakiye
cin om wata kin en ope ūni, tu-
ka waonspewicakiye cin isnana
iyayapi, he wanyakapi :

23 Tuka Jesus aguyapi yawa-
kan qa yutapi qon he en ikiya-
dan Tiberias eciyatanhan wata
toktokeca en hipi.

24 Oyate kin Jesus waonspe-
wicakiye cin om he en yukanpi
ūni wanyakapi, unkan oyate kin
wata kin hena en opapi qa mde
kin opta yapi, Jesus Kapernaum
heci un kin he akin yapi.

25 Unkan mde kin akasanpa
hen iyeyapi qehan, heciyapi ;
Itancan tohinni den yahi he.

26 Jesus awicayupte ɔa heya ;
Wowicake, wowicake eciya-
tanhan heciciyapi, Omayadepi
kin he taku wapetokeca wanda-
kapi kin heon hecanonpi ūni, agu-
yapi imnahan yatapi qon e heon.

27 Taku yutapi on wicatakuni
ūni heon litanipi ūni po ; tuka ta-
ku yutapi owihanke wanin wi-
coni hehanyan kte cin hee on

litani po, he Wicaūta Cinhintku
kin niɔupi kta ; Wakantanka Ate-
yapi kin wanna he askanton.

28 Hehan heciyapi ; Token
econkupi kta, on Wakantanka
tohan kin unkoūanyanpi kta he.

29 Jesus waayupte ɔa hewica-
kiya ; Wakantanka wicoūan ta-
wa kin he dee, tuwe u ūni kin he
wicayadapi kta.

30 Heon etanhan heciyapi ; Ta-
ku wapetokeca ecanon kin tukte
e heon, wanunyakapi qa wicaun-
nidapi kta ; taku yakaga he.

31 Hunkake wicunyanpi kin
eya wanna hewoskan manna yu-
tapi qon ; Maūpiya eciyatanhan
aguyapi yutapi kta e wicaqu ce,
eya owapi qon he iyececa.

32 Unkan Jesus hewicakiya ;
Wowicake, wowicake eciyatan-
han heciciyapi ; Moses aguyapi
kin he maūpiya kin eciyatanhan
niɔupi ūni ; tuka Atewaye cin he
aguyapi wowicake kin maūpiya
eciyatanhan niɔupi.

33 Aguyapi Wakantanka tawa
kin he tuwe maūpiya eciyatan-
han kuntkiya u, qa oyate wiconi
wicaqu kin hee.

34 Unkan, Eca Itancan, agu-
yapi kin he ohinnian unqu po,
eciyapi.

35 Tuka Jesus hewicakiya ;
Aguyapi wiconi kin he miye ce.
Tuwe en mau kinhan wotekte-
hda ūni un kta ; qa tuwe wica-
mada kinhan ipuza ūni un kta.

36 Eya wanna wanmayadaka-
pi, tuka wicamayadapi ūni e, eci-
ciyapi qon.

37 Ate tona maqu kin owasin
miye en mau kta ; qa tuwe en
mau kinhan tankan iyewaye kte
ūni.

38 Maūpiya eciyatanhan wahi
kin, he mitawacin owape kte ūni,
tuwe u maūi kin he tawacin
owecipe kta.

39 Atewaya u maši kin he tawacin kin he dee, tona maqu kin wanjidan toki elpewaye šni, ecen anpetu ihankeya kin piya icalhwaye kta.

40 Tuwe u maši kin he tawacin kin he dee, tona Cinhintku-yapi kin he wanyake ça wicada kin hena owihanke wanin wiconi yuhe kta, qa anpetu ihankeya kin he en piya icalhwaye kta.

41 Heon Juda oyate kin ajijipi; Aguyapi mašpiya eciyatanhan kun u kin he miye ce, eye cigon heon etanhan.

42 Qa heyapi; Jesus Joseph cinhintku qon he dee šni he, atkuku hunku ko sdonwicunyanpi ce: hecen token, Mašpiya eciyatanhan wahi ce, eya okihi he.

43 Heon Jesus waayupte ça hewicakiya; Niye iyakitedan waajijipi šni po.

44 Tuwedan iye cinka en mau kta šni, Ate u maši qon tuwedan en au šni kinhan, qa anpetu ihankeya kin en piya icalhwaye kta.

45 Unkan owasin Wakantanka eciyatanhan onspewicakiyapi kta ce, wicašta wokcan kin en cya owapi qon. Heon tona Ate waonspewicakiye ça anagoptanpi kin hena owasin en maupi kta.

46 Tuwedan Ateyapi kin tohinni wanyake šni, tuwe Wakan-tanka etanhan u kin hecedan Atkuku wanhdaka.

47 Wowicake, wowicake eciyatanhan heciciyapi, Tuwe miye wicamada kinhan, he owihanke wanin wiconi yuhe kta.

48 Aguyapi wiconi he miye.

49 Nihunkakepi kin hewoskan manna yutapi, tuka ŋapi.

50 Mašpiya eciyatanhan aguyapi hi kin he dee, tuwe etanhan yute cinhan ŋe kte šni.

51 Aguyapi ni un kin he miye, mašpiya eciyatanhan wahi; tuwe etanhan yute cinhan owihanke wanin ni kta. Aguyapi wicawaqu kte cin he micelipi kin ee, he oyate wicani kta e-wicawaqu ce, eya.

52 Wicašta kin de iye celipi etanhan unqupi qa untapi kta heye cin, he token okihi kta e heya he, Juda oyate iyakitedan eya hdo kinicapi.

53 Hehan Jesus hewicakiya; Wowicake, wowicake eciyatanhan heciciyapi; Wicašta Cinhintku kin celipi etanhan yatapi šni, qa we kin datkanpi šni kinhan wiconi takudan en niunpi kte šni.

54 Tuwe micelipi etanhan yute ça mawe yatke cinhan owihanke wanin wiconi yuha ece, qa anpetu ihankeya kin en piya icalhwaye kta.

55 Micelipi kin he woyute otancanke, qa mawe kin he woyatke otancanke.

56 Tuwe micelipi yute ça mawe yatke cin he mici un, qa miš kici waun.

57 Ate u maši kin he ni un, qa Ate on ni waun, he etanhan tuwe mayute cinhan miye on ni un kta.

58 Aguyapi mašpiya eciyatanhan hi kin he dee. Nihunkakepi manna yutapi qon de iyecece šni, he yutapi tuka ŋapi. Tuwe aguyapi kin de etanhan yute cinhan owihanke wanin ni kta ce, eya.

59 Kapernaum en omniciye tipi kin he ohna waonspekiya icunhan hena hecen eya.

60 Heon etanhan waonspewicakiye cin ota he nañonpi qehan, Wicoie kin de tehika ce, tuwe e nañon okihi kta he, eyapi.

61 Unkan Jesus waonspewica-

kiye cin hena heya ajijipi kin, iye atayedan sdoney e hewicakiya; Tokeca de iyanipaŋopi he.

62 Wicaŋta Cinhintku kin wan-kan un qon ake ekta kihde e, wandakapi kinhan, tokeca kta he.

63 Woniya kin he wiconi kaga ece, wicacehi kin takudan okihi ŋni. Wicoie eciciyapi kin hena woniya qa wiconi kin hee.

64 Tuka wanjikji he wicayadapi ŋni. Otokahe ekta tanhan tona wicadapi kte ŋni, qa nakun tuwe wiopeye kte cin hena Jesus sdonya.

65 Unkan heya; He etanhan heciciyapi qon, Tuwedan iye cinka en mau okihi kte ŋni, tuwe Atewaye cin he qu kinhan heceyedan okihi kta.

66 Hecetu, unkan heon waonspewicakiye cin ota ayuŋtanpi, qa icimana ihakam yapi ŋni.

67 Hehan Jesus akenonpapi kin, Niŋ eya yahdapi kta he, ewicakiya.

68 Unkan Simon Inyan ayupte; Itancan, tuwe ekta unyanpi kta he; owihanke wanin wiconi wicoie duhe cin;

69 Qa Messiya Wakantanka ni un Cinhintku kin he niye e wicaundapi qa sdonunyanpi ye, eya.

70 Unkan Jesus awicayupte; Akeninonpapi kin miye cicahin-
gapi ŋni he; tuka wanji wakan-
ŋica yaunpi ce, eya.

71 Simon cinhintku Judas Is-
kariyot he ke e hecen cya. Ake
nonpapi kin he etanhan tuka he
wiopeye kte cin ee.

WICOWOYAKE 7.

1 Hena iyohakam Jesus Galile
en un; Juda oyate e yapi kta

akitapi heon Juda makoce en un
wacin ŋni.

2 Juda oyate wakeya ohna wo-
tapi ece kin he wanna kiyedan
aya.

3 Heon etanhan iye sunkawi-
caye cin heciyapi; Detanhan ya
wo, qa Juda makoce kin en un
wo, hecen waonspewicakiye
cin niohan ecanon ece kin hena
wanyakapi kta.

4 Tuwe ihdutanin cin kinhan,
taku nahmana econ ŋni ece.
Dena ecanon kta hecinhan, iho
oyate kin en ihdutanin wo.

5 Sunkawicaye cin iyepi nakun
wicadapi ŋni.

6 Heon Jesus hewicakiya; Mi-
ye anpetu kin hinyanhin iyemi-
ciantu ŋni; tuka niye qe anpetu
kin ohinniyan wiyeya nician-
kapi.

7 Oyate kin ŋicenidapi okihipi
ŋni, tuka miye e ŋicemadapi;
wicohan tawapi kin hena ŋica e
mdaotanin ece kin heon etanhan.

8 Niye qe woŋnapi kte cin ekta
ya po. Miye qe nahahin anpetu
iyemiciantu ŋni, heon woŋnapi
kin he ekta mde kte ŋni ce.

9 Hena hewicakiye e hehan
Galile en un.

10 Tuka sunkaku iyayapi kin
iyohakam hehan, iŋ woŋnapi kte
cin ekta ya, taninyan ye ŋni, tu-
ka nahmana ya.

11 Woŋnapi kin icunhan Juda
oyate odepi qa, Tokiya un he,
eyapi.

12 Qa oyate kin iapi ota on aia-
pi. Apa, He wicaŋta waŋte ee,
eyapi: qa toktokeca iŋ, Hiya,
oyate kin wicahnayan ce, eyapi.

13 Juda oyate kowicakipapi,
heon etanhan tuwedan taku
ataninyan eye ŋni.

14 Woŋnapi kin cokaya hdoipi,
unkan Jesus tipi wakan ohna
inajin, qa wowicakiyaka.

15 Unkan Juda oyate kin inihanpi qa heyapi; Wicašta kin de tokiya tanhan wowapi kin onspe he; tohinni onspekiyapi šni qon.

16 Unkan Jesus awicayupte ça heya; Wocičiyakapi kin de miye etanhan šni, tuwe u maši kin he iye etanhan.

17 Tuwe iye tawacin ecen econ wacin kinhan, woyakapi kin de Wakantanka eciyatanhan hecinhan, qa is miye cinka hena epa hecinhan, sdonye kta.

18 Tuwe iye en oie iciye cinhan he iye towitan okide ece; tuka tuwe is, tuwe uši kin he towitan okicide kinhan, he iye wowicake, qa wicowicaštašni takudan en un šni.

19 Moses woope kin ničupi šni he; tuka tuwedan woope kin ecen ecanonpi šni; taku on čemayayapi kta e ayakitapi he.

20 Oyate kin ayuptapi qa heyapi; Wakan šica niyuhnaškinyan; tuwe e čeniyak akitapi he.

21 Hehan Jesus waayupte ça hewicakiya; Wicošan wanji ecamon, unkan owasin niyušinyayapi.

22 Moses bačdayapi wicošan kin ničupi; he Moses etanhan šni, tuka hunkakewicayapi kin etanhan; unkan anpetu wakan eca wicašta wan bayecildayapi ece.

23 Hecen anpetu wakan eca wicašta wan bakicildayapi hecinhan, on Moses woope kage ciquon yujupupi kte šni; wicašta wan anpetu wakan en ocowasin okiziwaye cin heon cantamayahdepi he.

24 Wiyacinyan wayacopi šni po, wokonze e eciyatanhan wayaco po.

25 Hehan Jerusalem etanhan wanjikji heyapi; Tuwe čeyan akitapi kin he dee šni he.

26 Unkan iho, kagi šni ia tuka tuwedan taku eciye šni. Wicašta itancanpi kin awicakehan Messiya kin he dee e sdonyapi he.

27 Tuka wicašta kin de tokiyatanhan u kin sdonunyanpi; tohan Messiya hi kinhan, tokiyatanhan u kin tuwedan sdonye kte šni, eyapi.

28 Hehan Jesus tipi wakan kin ohna waonspekiya icunhan hotankakiya heya; Tuwe miye kin sdonmayayapi, qa tokiya tanhan wau kin he nakun: qa miye cinka wahi šni; tuka tuwe u maši kin he wicaka, ege sdonyayapi šni.

29 Tuka miye he sdonwakiya, he iye etanhan wahi, qa u maši kin hee.

30 Unkan heon činsa yuze wacinpi, tuka nahahin iyehantu šni kin heon tuwedan nape on yutanpi šni.

31 Unkan oyate kin etanhan wicota he iye kin wicadapi qa heyapi; Tohan Messiya hi kinhan, de taku wapetogya econ kin, he sam iyeyä hecon kta he, eyapi.

32 Oyate kin iyakitedan hekiciyapi he Pharisee kin nahonpi; unkan wošna kagapi Pharisee ko, yuzapi kta e on akicita ekta ye wicašipi.

33 Hehan Jesus hewicakiya; Ehake tokata cistiyyedan ocipapi waun kta, hehan tuwe u maši kinhan heciya wahde kta.

34 Omayadepi kta, tuka iyemayayapi kte šni; qa tokiya waun kin ekta yaupi kta ešta, oyakitanpi kta.

35 Hehan Juda oyate kin iyakitedan hekiciyapi; Tokiya ye kta he, qa iyeunyanpi unkokihipi kte šni; Helenes oyate kin ehna enanakiya iyyayapi kin ekta

ye ca, Helenes wowicakiyake kta he.

36 Omayadepi kta tuka iyemayayapi kte śni, qa tokiya waun kin ekta yaupi kta ešta, oyakiptanipi kta ce, eye cin wicoie kin he toketu he, eyapi.

37 Wośnapi anpetu ehake qa tanka kin en, Jesus najin qa hotankakiya heya; Tuwe ipuza kinhan en mau qa mini yatke kta.

38. Tuwe wicamada kinhan, wowapi wakan eye cin iyececa, iye tanmahen tanhan wiconi mini wakpadan kaduze kta ce.

39 Tuka Woniya, tona iye wacinyanpi kin icupi kte cin hec on hecen eya: he ehan nahahin Woniya Wakan kin wicaqupi śni, nahahin Jesus wowitan ehan i śni.

40 Oyate kin etanhan wicota wicoie kin de nahonpi qehan, Awicakehan wicašta wokcan kin he dee ce, eyapi.

41 Toktokeca is, Messiya kin he dee ce, eyapi. Tuka apa is, Messiya Galile etanhan u kta he, eyapi.

42 Dawid wicoicage tawa kin etanhan Messiya hinanpe kta, qa Bethlehem otonwe Dawid en un qon hetanhan u kta ce, wowapi wakan eye śni he.

43 Hetanhan oyate kin akipam wacinkiyuzapi.

44 Qa hunh yuze wacinpi, tuka tuwedan nape on yutan śni.

45 Hehan akicita kin, wośna kagapi Pharisee ko ekta icicawin wicakipi; unkan, Tokeca e ayahipi śni he, ewicakiyapi.

46 Akicita kin awicayuptapi; Wicašta kin tuwedan tohinni wicašta kin de iyecen oie ye śni ce, eyapi.

47 Hehan Pharisee kin is awicayuptapi, Niś nakun nihnayanpi he.

48 Wicašta itancanpi kin wanjikji qa Pharisee ko he wicadapi he.

49 Tuka oyate kin de, woope yukcanpi śni kin hena wahtepi śni ce, eyapi.

50 Nikodemos hanyetu ehan Jesus yanke cin en i qon, he itancanpi kin wanji ee, hewicakiya;

51 Woope unkitawapi kin, wicašta token eye cin nahon śni, qa taku econ kin atayedan sdonye śni itokam, yaco he.

52 Unkan ayuptapi qa heciyapi; Niś Galile henitanhan he: Wawiwange ça wanyaka wo; wicašta wokcan tuwedan Galile etanhan u śni ce.

53 Hehan otoiyohi iye tipi kin ekta kihdapi.

WICOWOYAKE 8.

1 Jesus Oliwe Paha kin ekta i.

2 Qa ihanhanna anpao hehan tipi wakan kin en ki, unkan oyate kin owasia en ahi; unkan en iyotanke ça wowicakiyaka.

3 Unkan wośna kagapi Pharisee ko winohinca wan nahma ihduśaka e en kahipi, qa cokata ehdepi;

4 Qa heciyapi, Waonspekiye, winolinca kin de wawicihahapi econ wanka icunhan iyeyapi.

5 Unkan Moses, woope kin en, tona hececa kin inyan on wicakininpi kta, unkekiciyapi qon: tuka niś token ehe kta he.

6 Taku iyaonpapi kte cin he akitapi e heon etanhan he iytanyan heciyapi. Tuka Jesus patuś inajin, qa nape on maka kin en owa.

7 Unkan kitanyan wiwangapi, hehan Jesus owotanna inajin, qa hewicakiya; Wanji tukte woahtani wanin yaunpi hecinhan,

he tokaheya inyan on kinin kte.

8 Hehan ake patuš inajin qa ake maka kin en owa.

9 He nahonpi, unkan iye tawacin on ihdacopi, heon wanjikjidan tankata kinanpapi, tokaheya wicašta tanka unpi, qa ecen hakaktapi koya owasin; qa Jesus isnana un ehpeyapi, winohinca cokata hdepi qon he koya.

10 Unkan Jesus ihduowotanana, qa tuwedan wanyake šni, winohinca ecedan ecen najin, unkan heciya, Winohinca, wiyansionpapi qon owasin toki iyayapi he; tuwedan niyaco šni he.

11 Han, Itancan, tuwedan šni, eya. Miš eya ciyaco šni, hunktiya wo, tokata yeye cin icimana wahtani šni wo, Jesus eciya.

12 Hehan ake Jesus owicakiye ça heya; Oyate iyoyamwicaye cin he miye. Tuwe mihakam u kin he otpaza ehna mani kte šni, iyoyanpa wiconi hee tawa kta.

13 Hehan Pharisee kin heciyapi; Niye atayedan nihdaotanin, heon wadaotanin kin he wowicake šni.

14 Jesus waayupte ça hewicakiya; Miye atayedan mihdaotanin qe yaš mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niye-pi kin tokiya tanhan wau, qa tokiya mde cin hena sdonyayapi šni.

15 Wicacehpi eciyatanhan wadacopi; tuka miye qe tuwedan mdaco šni.

16 Tuka nakun wamdaco kinhan, wamdaco kin he wowicake kta; mišnana waun šni, tuka Ateyapi u maši kin he micium ece.

17 Wicašta nom waayataniinpi

kin he wowicake ce, woope duhapi kin en owapi qon.

18 Miye atayedan mihdaotanin, qa Ate u maši kin he nakun mayaothanin.

19 Unkan, Niyate tukte e he, eciyapi. Jesus is awicayupte, Sdonmayayapi šni, qa nakun Atewaye cin sdonyayapi šni: Miye kin sdonmayayapi unkanš, Ate is nakun sdonyayapi kta tuka.

20 Tipi wakan kin en mazaska opiye he cin he en, Jesus waonspewicakiya icunhan hena hewicakiya. Heca tuka tuwedan Jesus otan wacinpi šni, anpetu kin nahahin kicihi šni heon.

21 Hehan Jesus ake hewicakiya; Wahde kta, qa omayadepi ecen woahitani ehna niŋapi kta; qa tokiya wahde cin heciya dapi kta ešta oyakitpanipi kta.

22 Unkan Juda oyate kin heyapi; Iye icikte kta he. Toki ya mde cin heciya dapi oyakitpanipi kta ce, eye cin.

23 Hehan iye hewicakiya; Niye kuya tanhan yaunpi; qa miye e wankan tanhan waun; maka kin detanhan yaunpi, tuka miye maka kin dematanhan šni.

24 He etanhan wayahtanipi kin en niŋapi kta ce, eciciyapi. He miye kin wicayadapi šni kinhan wayahtanipi kin ehna niŋapi kta ce.

25 Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26 Taku ota eciciyapi, qa ciyacopi kta e mduha; tuka tuwe u maši kin he wowicake; qa taku emakiye cin owasin oyate kin owicawakiyaka ce.

27 Iye Atkuku kin on hena hewicakiye cin he okahnigapi šni.

28 Hehan Jesus hewicakiya;

Tohan Wicašta Cinhintku kin wankan eyahdepi kinhan, hehan he miye kin sdonyayapi kta, qa miye cinka takudan ecamon šni; tuka Ate taku onspemakiye cin hena ecedan ecen omdaka ece.

29 Tuwe u maši kin he mici un; Ate mišnana amahduštan šni; taku iyokipi ecen ecamon ece, heon etanhan, eya.

30 Hewicakiya icunhan wicota wanna wicadapi.

31 Heon Juda oyate kin etanhan tona Jesus wicadapi kin hena hewicakiya; Mioie kin ohinniyan oyapapi kinhan, awicakehan waonspewicawakiye cin he niyepi kta;

32 Kinhan wowicake kin sdonyayapi kta; qa wowicake kin he niciyuškapi kta ce.

33 Hehan ayuptapi; Abraham towicoun kin unketanhanpi, qa tohinni tuwedan wowidag unyanpi šni; hecen, Niciyuškapi kta ce, ehe cin he token heha he.

34 Jesus awicayupte; Wowicake, wowicake on heciciyapi, Tuwe woahťani econ kin he woahťani en wowidake un ece.

35 Qa wowidake un kin he ohinniyan tipi kin ohna un šni ece; tuka Cinhintku kin hee ohinniyan timahen ounyan.

36 Heon Cinhintkuyapi kin niciyuškapi hecinhan, awicakehan tawaničiyapi kta.

37 Abraham towicoun kin enitanhanpi sdonwaya; tuka țe mayayapi yacinpi, mioie kin en niunpi šni, heon etanhan.

38 Taku Ate ekta wamdake cin hena omdaka ece; qa niš niyate ekta taku wandakapi kin hee ecen ecanonpi ece.

39 Hehan ayuptapi qa heciciyapi; Abraham he ateunyanpi kin ee. Unkan Jesus hewicakiya;

Abraham cinca kin he niyepi unkanš, Abraham ohanye cin he ecen ecanonpi kta tuka.

40 Tuka nakaha țemayan aya-kitapi, wicašta wan wowicake Wakantanka eciyatanhan nawahon kin he ociciyakapi kin he miye tuka: Abraham e țe hecen econ šni qon.

41 Niyatepi ohan kin hee ecen ecanonpi ece, eya. Hehan heciciyapi; Tuwe cinca tanin šni kin heuncapi šni; ate unyanpi wanjidani unhapi, Wakantanka kin hee.

42 Heon Jesus hewicakiya; Wakantanka he ateyayapi unkanš wašte mayadakapi kta tuka; miye kin Wakantanka kin hetanhan wahinape ța wau; qa miye cinka wahi šni, iye kin u maši.

43 He tokeca e iwae cin oya-kašnigapi šni he; mioie kin anagoptan wacannipi šni kin heon etanhan.

44 Wakanšica ateyayapi kin henitanhanpi, qa niyatepi tawacin kin ecen ecanonpi yacinpi ece. He otokahe etanhan tinwicakte kin heca, qa wowicake kin en najin šni, wowicake takudan en un šni nakaes. Tohan woitonšni oyaka eca, he iye cinka ohdaka ece; iye kin woitonšni sa, qa woitonšni atkuku kin hee.

45 Tuka-miye wowicake eciciyapi kin, heon etanhan wicamayadapi šni.

46 Niyepi kin wanji tukte he wawahtani e duwicakapi he. Qa wowicake epe cinhan, tokeca e wicamayadapi šni he.

47 Tuwe Wakantanka etanhan kin he Wakantanka oie anagoptan. Niye Wakantanka anagoptanpi šni ece, heon etanhan henitanhanpi šni.

48 Hehan Juda oyate kin ayu-
ptapi qa heciyapi; Samariya oya-
te henitanhan, qa Wakansica ni-
yuhnaşkinyan ce, unkeniciyapi
qon he wicaunkapi ce.

49 Jesus ayupte; Wakansica
mayuhnaşkinye şni; tuka Ate
wahduwitan, qa niye wowiştēn-
mayayapi.

50 Miye mitowitan awecite
şni; tuka tuwe waakite ça waya-
co yukan ce.

51 Wowicake, wowicake eci-
yatanhan heciciyapi, Tuwe mi-
oie kin de yuhe cinhan, tohin-
ni wiconţe wanyake kte şni,
eya.

52 Hehan Juda oyate kin he-
ciyapi; Wakansica niyuhnaşkin-
yan e dehan iyotan sdonunyanpi.
Abraham hee kaeş ʔa, ʔa wokcan-
pi kin hena nakun ʔapi; tuka ni-
ye, Tuwe mioie yuhe cinhan to-
hinni wiconţe ute kte şni ce, eha
ce.

53 Abraham ateunyanpi kin
hee kaeş ʔe cin, niye e iniyotan
he. Wokcanpi kin nakun heepi
kaeş ʔapi; ʔa niye nituwe e niçi-
caga he, eyapi.

54 Unkan Jesus waayupte;
Miye cinka mişduonihan kinhan,
mitowitan kin he taku kte şni;
tuka Atewaye cin he mahduoni-
han ece; unkan he Wakantanka
nitawapi, kehapi.

55 Heca ešta tohinni sdonya-
yapi şni; tuka miye e sdonwa-
kiya. ʔa he sdonwaye şni ce,
epe cinhan, miş eya niyepi iyecen
iwaton kte şni; tuka miye sdon-
waya, heon etanhan oie kin tan-
yan weciyuha.

56 Abraham ateyayapi qon
mitaanpetu kin wanyake kta cin
hinca, unkan he wanyake ça
iyuşkin ce, eya.

57 Hehan Juda oyate kin heci-
yapi; Nahahin waniyetu wikce-

mna nizaptan şni, tuka Abraham
wapdaka he.

58 Jesus hewicakiya; Wowi-
cake, wowicake eciyatanhan he-
ciciyapi; Abraham un qon he
itokam wanna waun ce, eya.

59 Hececa unkan inyan icupi,
qa on kininpi kta; tuka Jesus na-
içilibe ça, tipi wakan etanhan
wicehna tanhan tankata inanpe
ça, etoopte ya iyaya.

WICOWOYAKE 9.

1 Jesus ye cin tahepi, wicašta
wan toka tonpi ehantanhan ton-
we şni un e he wanyaka.

2 Unkan waonspewicakiye cin
wiwangapi ʔa heyapi; Itancan,
tuwe walitani he, wicašta kin
de atkuku, hunku, iyeka, wanji
tukte walitani he, on išta gonga
tonpi he.

3 Jesus waayupte; He iye, ʔa
atkuku, hunku, wanji walitanipi
on hecece şni; tuka Wakantan-
ka oħan kin e he ayutaninpi kta
e heon.

4 Anpetu icunhan, tuwe u maşi
wicoħan tawa kin ecen ecamon
kta iyececa; hanyetu kin he hi
kta, he en tuwedan wicoħan econ
okihi kte şni.

5 Tohanyan wicašta opeya wa-
un kin, oyate iyoyamwicawaya
ece, eya.

6 Hena heye ça hehan makata
tagoşa, ʔa tage on upşiya kage
ça, iştagonge cin išta kin en
upşiya ikiciun;

7 ʔa heciya; Siloam miniyo-
we, yeşipi eyapi kin he kapi, he
ekta ye ça en ihdujaja wo. Un-
kan ekta i, ʔa on ihdujaja ʔa
hdi, unkan wawanyaka.

8 Heon itan anog tipi, ʔa tona
wicašta iştagonge cin wanyaka-
pi ece qon hena, Tuwe timata
iyotang un qon he dee se, eyapi.

9 Wanjikji, He dee ce, eyapi : qa toktokeça is, He. de iyececa ce : tuka iye kin, He miye ce, eya.

10 Unkan, Tokiya tanhan de on ništa kin dumdaya he, eciyapi.

11 Unkan iye waayupte ça heya ; Wicašta wan Jesus eciyapi kin he upsija kage ça, išta anokatanhan imiciun, qa, Siloam miniowe kin ekta ye ça, mini on ihdujaja wo, emakiya qehan, ekta wai, qa mihdujaja, unkan watonwan, eya.

12 Unkan, Wicašta kin he tukte e he, eciyapi. Sdonwaye šni ce, eya.

13 Wicašta ištagonge ciqon he Pharisee kin en wicakaipi.

14 Unkan anpetu wakan icunhan, Jesus upsija kage ça on wicašta kin he išta yukawakiya.

15 Hehan Pharisee kin is ake, token on išta yukawapi hecinhan he iwangapi. Unkan, Upsija e išta kin en imaun qa mihdujaja, unkan watonwan, ewicakiya.

16 Unkan Pharisee kin wanjikji ; Wicašta kin he anpetu wakan awacin šni, heon etanhan Wakantanka hetanhan šni, eyapi. Unkan apa, Wicašta wan, wahtani sa hecinhan, wowapetokeca dececa token econ okihi kta he, eyapi. Hecen on akipam wacinhnakapi.

17 Ake wicašta ištagonge ciqon heciyapi ; Qa niš token eyakiya he, išta tonweniye cin. Unkan, He wicašta wokcan kin heca ce, eya.

18 Wicašta kin he išta gonga tuka ihnuhanna tonwe cin he Juda oyate kin wicadapi šni, heon tuwe išta tonweyeyapi kin atkuku hunku ko wicakicopi ;

19 Qa wiwicawangapi qa heyapi ; De nicincapi qa tonwe šni

tonpi kehapi he ; 'qa tokiyatanhan nakaha tonwan he.

20 Atkuku hunku ko waayuptapi qa heyapi ; De unkcincapi tonwe šni tonpi he sdonunki-yapi ;

21. Tuka nakaha tokiya tanhan on tonwe cin de sdonunyanpi šni. Qa išta yukawa kin de nakun sdonunyanpi šni ; is eya hokšike šni kin, iye iwanga po, toketu kin he ecen eye kta ce.

22 Juda oyate kowicakipapi, qa heon etanhan atkuku hunku kici hecen eyapi. Tuwe, Messiya kin hee, taninyan eye cinhan, he omniciye tipj kin etanhan tankan iyeyapi kta, Juda oyate kin wanna wakiconzapi.

23 He etanhan, Iye es hokšike šni kin, iye atayedan winungapi šni, atkuku hunku kici eyapi.

24 Hehan ake icinonpa wicašta ištagonge ciqon he wiwangapi qa heciyapi ; Wakantanka woyatan qu wo ; wicašta kin he wahtani sa sdonunyanpi ce.

25 Iye waayupte ça heya ; He wahtani sa hecinhan sdonwaye šni ; tuka taku wanji sdonwaya ; ištamagonga tuka nakaha watonwe cin he.

26 Unkan, Taku tokanicon qa on išta kin niyukawa he, ake eciyapi.

27 Unkan awicayupte ; Wanna eya keš ociciyakapi, tuka nayahtonpi šni ; ake icinonpa nayahtonpi yacinpi he ; niš eya waonspewicakiye cin hen ope nihdawapi kta he, eya.

28 Hehan iwahtedapi šni qa heyapi ; Waonspewicakiye cin he wanji niye ; tuka Moses waonspewicakiye cin he unkiyepi.

29 Wakantanka Moses he okiya sdonunyanpi, tuka wicašta kin de tokiyatanhan u kin sdonunyanpi šni ce.

30 Unkan wicašta kin he waayupte ça hewicakiya ; Taku woinihan kin he dee ; naka išta mayumdaya, tuka tokiyatanhan u kin sdonayapi šni.

31 Wahtanipi sa kin hena Wakantanka anawicagoptan šniece, tuka tuwe Wakantanka yuonihan, qa tawacin okicipe cin, hee Wakantanka anakigoptan e sdonunyanpi.

32 Otokaheya tanhan tuwe wicašta tonwe šni tonpi išta kiyukawa oyakapi kin tuwedan nahon šni ce.

33 Wicašta kin de Wakantanka eciyatanhan šni unkanš takudan okihi kte šni ce, eya.

34 Unkan waayuptapi qa, Woahitani ocowasin ehna nitonpi, tuka waonspeunyakiyapi kta kecanni he, eciyapi ; qa tankan iyeyapi.

35 Tankan iyeyapi kin he Jesus nahon ; qa akipa, unkan, Wakantanka Cinhintku kin wicayada he, eciya.

36 Iye waayupte ça, He tuwe he, Itancan, wicawada kta ce, eya.

37 Wandake ça he iye e oniciya, Jesus eya.

38 Unkan, Itancan wicawada, eyaya itokam canpeška makehde inajin.

39 Unkan Jesus heya ; Oyate kin de ekta wicawahi, wicašta tona tonwe šni kin hena tonwanpi kta, qa tona tonwe cin hena išttagongapi kta, he woyaco kin hduha wahi ce.

40 Unkan Pharisee kicicapi kin hena nahonpi, unkan, Unkiš eya ištaungongapi he, eciyapi.

41 Išttagongapi unkanš woahitani wanin yaunpi kta ; tuka nakaha, Untonwanpi ce, ehapi ; heon woahitani niyukanpi, Jesus ewicakiya.

WICOWOYAKE 10.

1 Wowicake, wowicake eciyatanhan heciciyapi ; Tuwe tahinca tipi tiyopa ohna tin iyaye šni, tiyopa icunonpa tanhan ti iyohpaye cin he wabotice ça wamanon kin heca.

2 Tuka tuwe e tiyopa eciyatanhan tin iyaye cin hee tahinca tawa wicaye cin ee.

3 Qa iye tiyopa awanyake cin tiyopa kiciyugan ece, unkan tahinca kin he ho kin nahonpi ece ; tahinca tawa kin otioyohi cajeyan wicakico, qa tankan wicahdoya ece.

4 Unkan tahinca tawa kin tankan awicau eca, wicitokam ya ece ; unkan tahinca kin is ihakam yapi ece, ho kin iyekiyapi nakaes.

5 Qa tuwe tokeca kinhan he ihakam yapi kte šni, tuka nakicipapi kta ; tuwe tokeca ho kin iyekiyapi šni, heon etanhan.

6 Wiyacinpi kin de Jesus ecen ewicakiya ; tuka taku owicakiyake cin hena okahnigapi šni.

7 Hehan ake Jesus hewicakiya ; Wowicake, wowicake on heciciyapi, Tahinca tipi tiyopa kin he miye ce.

8 Tona mitokam hipi kin hena owasin waboticapi qa wamanonpi kin hecapi ; tuka tahinca kin anawicagoptanpi šni.

9 Tiyopa kin he miye ; tuwe miye eciyatanhan ti iyohpaye cinhan ni kta ; qa mahen ye ça tankata inanpa eca wato tanyan iyeye kta.

10 Wabotice cin he wamanonpi, tin wicaktepi, waihangyapi henakiya on hi ece ; tuka wiconi yubapi kta, qa takudan icakije šni unpi kta e heon miye wahi.

11 Waawanhake wašte kin he miye. Waawanhake wašte kin

he tahinca kin on wiconi tawa ehpekiya.

12 Tuka tuwe odotapi un, qa waawanhake kin ee šni, qa tahinca tawa šni kin he šunktokeca en u wanyaka eca, tahinca kin ehpewicaye ça najica ece; unkan šunktokeca iyawicalipaye ça ihangwicaya ece.

13 Odotapi un kin he wodotapi un, qa tahinca kin ihawicakta šni, heon etanhan napa ece.

14 Waawanhake wašte kin he miye, qa tahinca mitawa kin hena sdonwicawakiya, qa mitawa kin is nakun sdonmakiyapi ece.

15 Ate token sdonmakiye cin he iyecen mis Ate sdonwakiya; qa tahinca kin hena on wiconi mitawa kin ehpewakiya.

16 Qa tahinca toktokeca nakun wicamduha, tahinca tipi kin den un šni: hena nakun awicawahi kta, hecen miho kin nahonpi kta; hetanhan tahinca tipi wanjidan kta, qa waawanhake wanjidan kta.

17 Wiconi mitawa ehpewakiye ça, ake ewehdaku kte cin heon Ate wašte makidaka.

18 Tuwedan he maki kte šni; qa miye cinka he wicawaqu; he amduštan kte cin owakihi, qa ewehdaku kte cin nakun owakihi; Ate hecen econ maši ce, eya.

19 Akeš wicoie kin dena on Juda oyate kin akipam tawacinpi.

20 De taku wakan šica yuha, qa he ihnaškinyan, tokeca e nayahonpi he, wicota eyapi.

21 Tuka apa is, Tuwe wakan šica yuhe cin decen oieye šni ece; taku wakan šice cin he išta gongapi išta wicakiyukawa okihi kta he, eyapi.

22 Wanna Jerusalem en yuwo-

hduze tonpi omniciye kagapi ece qon hehantu; unkan waniyetu.

23 Unkan icunhan tipi wakan ohna, Solomon ohanzi hdepi tawa qon he en Jesus omani.

24 Hehan Juda oyate itan ihdukšan himniciyapi qa heciyapi; Tohanyan wacin akipam yusunyakiyapi he; Messiya kin he niye hecinhan taninyan unkoki-yaka po.

25 Jesus awicayupta; Wanna ociciyakapi tuka wicamayadapi šni qon; Ate caje kin eciyatanhan wicohan ecamon kin hena omayake cin ee.

26 Tahinca tawa wicawaye cin he oyapapi šni, he etanhan wicamayadapi šni, eciciyapi qon he iyececa.

27 Tahinca mitawa kin miho kin nahonpi, qa hena sdonwicawakiya, qa mihakam unpi.

28 Qa owihanke wanin wiconi wicawaqu; qa icimana owihankepi kte šni, qa minape kin etanhan tuwedan wicayušpe kte šni.

29 Ate hena maqu kin he taku owasin sam iyeya tanka; qa Ate nape kin etanhan tuwedan wicayušpa okihi šni.

30 Miye, qa Atewaye cin unwanjipidan, eya.

31 Hehan Juda oyate ake inyan icupi, on kininpi kta e heconpi.

32 Unkan Jesus awicayupta; Ate eciyatanhan wicohan wašte ota cicipazopi; hena tukte wanji on nakaha inyan on mayakininpi kta he, eya.

33 Juda oyate ayuptapi qa heyapi; Wicohan wašte on unnicininpi kte šni, tuka iapi šica on, qa winicašta tuka Wakan-tanka ničicage cin heon etanhan.

34 Jesus awicayupte; Taku wakan kin henicapi, eciciyapi ce, he woope nitawapi kin en hecen kagapi šni he.

35 Hecen tona Wakantanka oie kin en wicahiyohi kin hena taku wakanpi ewicakiya hecinhan, qa wowapi wakan kin he yujujupica šni;

36 Hecen tuwe Ateyapi kin hduwakan qa makata u ši kin he, Wakantanka Cinhintku kin he miye ce, epe cigon, heon, Taku šica eha ce, token eyakiyapi kta he.

37 Ate ohan kin hena ecen ecamon šni kinhan, wicamadapi šni po.

38 Tuka hecen ecamon kinhan, miye wicamayadapi šni ešta, wicohan kin hena wicada po; hecen Atewaye cin micica, qa miye he wecica, heciyatanhan sdonyayapi qa wicayadapi kta ce, eya.

39 Heon etanhan nakun ake tinsa yuze wacinpi; tuka napapi kin etanhan ihdušpa.

40 Qa ake hetanhan Jordan wakpa kin he en, Johannes baptem wicaqu ece qon he en i, qa en ounyan.

41 Unkan wicota en hipi qa heyapi; Johannes takudan wapetogya ecen econ šni, tuka Johannes wicašta kin de etanhan tona oyake cin owasin wowica-ke.

42 Unkan hen wicota wicadapi.

WICOWOYAKE 11.

1 Unkan wicašta wan wayazanka, Lazarus eciyapi, Bethani hetanhan, Mary qa cunku Martha totonwepi kin hee.

2 Mary wihdi waštemna on Itancan kin sdaye ça, paha kin on siha kin kipakinta, Lazarus he hunkawanjitku wayazanke cin hee.

3 Unkan tawinohtinpi kin, Itancan, wicašta wan wašteyadake

cigon he wayazanka, eya hoši kaipi.

4 Jesus nañon unkan hecen eya, Wowayazan kin he wiconte ekta šni, tuka he Wakantanka towitan kin ee, qa heon Wakantanka Cinhintku kin yuwitanpi kta.

5 Martha iye tankaku, Lazarus kici, Jesus wašte wicadaka.

6 Wayazanke cin nañon, tuka anpetu nonpa ekta ye šni yanka.

7 Hehan Jesus waonspewicakiye cin hewicakiya; Juda makoe kin ekta unhapi kta.

8 Unkan waonspewicakiye cin heciyapi; Itancan, nahanñin aškatudan Juda oyate kin inyan on nicininpi akitapi, qa ake ekta hde wacanni he.

9 Jesus waayupte; Anpetu wanjidan keš, wihiyayedan oape akenonpa šni he; tuwe anpetu ieunhan mani kinhan našna šni ece; maka akan iyoyanpa kin he wanyaka heon.

10 Tuka tuwe hanyen mani kinhan hee našna kta, iyoyanpa takudan en un šni kin heon.

11 Hena hecen eya; qa hehan iyohakam hewicakiya; Lazarus koda unyanpi qon ištima, ekta mde ça mduhice kta ce.

12 Hehan waonspewicakiye cin, Itancan, ištima hecinhan he hecetu kta ce, eyapi.

13 He wanna ça e Jesus heya; tuka ištima on ozičiya e heya kecinpi.

14 Unkan hehan Jesus taninyan hewicakiya; Lazarus wanna ça ce:

15 Qa he icunhan hen waun šni kin heon niyepi en wimduškin, hecen on wicayadapi kta. Ho po, ekta unyanpi kta.

16 Hehan Thomas Didumos eciyapi kin he waonspewicakiye unmapi kin hewicakiya; Ekta unyanpi, qa kici unčapi kta ce.

17 Unkan Jesus en u qehan, hapi etanhan wanna topa can he sdonya.

18 Jerusalem Bethani ikiyedan, wiyutapi akezaptan ecetu hehayan.

19 Unkan Martha Mary kici yukanpi en Juda oyate wicota magagaye wicaipi, hunkawanji-
tkupi kin heon.

20 Jesus en u Martha nahon, unkan itkokim ya; tuka Mary e timahen iyotanka yanka.

21 Hehan Martha Jesus heciya; Itancan, den yaun unkanś, mi-
hunkawanji ƚe kte śni tuka;

22 Tuka detanhan taku Wakan-
tanka yakida kinhan, Wakan-
tanka niƚu kta e sdonwayace.

23 Nihunkawanji ekicetu kta, Jesus eciya.

24 Eya woekicetu anpetu ihan-
keya kin hehan ekicetu kta e
sdonwaya, Martha eya.

25 Unkan Jesus heciya; Woe-
kicetu qa wiconi kin he miye,
tuwe wicamada kinhan toke ħin
ƚa ešta ni kta.

26 Qa tuwe ni un, qa wicama-
da kinhan icimana ƚe kte śni.
He wicayada he.

27 Han, Itancan; Messiya Wa-
kantanka Cinhintku makata hi
kte ciƚon he niye e wicawada
ce, eciya.

28 Unkan hena hecen eya, he-
han hde ƚa, tawinoħtin Mary
anahbeyahan kico, qa heciya;
Itancan kin den un, qa nico ce.

29 He nahon iheya, unkan
ohankoya najin hiyaye ƚa ekta
ya.

30 Nahanħin Jesus otonwe kin
ehan i śni, tuka Martha itkoki-
pe ciƚon he en un.

31 Hehan Juda oyate en yukan-
pi, qa magagayapi, he icunhan
Mary ohankoya najin hiyaye cin
wanyakapi qehan, ihakam iya-

yapi qa, Wicašta hnakapi ekta
ceye kta e ekta ya, eyapi.

32 Jesus najin kin Mary ehan
i, qa wanyake cehan, ihukuya
canpeška makehde eħpeiciye ƚa,
Itancan, den yaun unkanś, mi-
hunkawanji ƚe kte śni tuka, eci-
ya.

33 Mary ceye cin he Jesus
wanyake ƚa, Juda wicašta kici
ipi kin hena nakun ceyapi; un-
kan iye atayedan comnihdazi, qa
ihniyanyan.

34 Qa tokiya eyahnakapi he,
eya. Unkan, Itancan, ekta u qa
wanyaka ye, eciyapi.

35 Jesus ceya.

36 Hehan Juda oyate kin he-
yapi; Wanyaka po, ehan qon
wašte dake ħinca ce.

37 Qa wicašta wanjikji, Wi-
cašta išta aohduta ee kaes yuka-
wa, wicašta kin de ƚe śni unki-
ya okihi kta naceca ce, eyapi.

38 Ake Jesus iye atayedan co-
mnihdazi, qa wicašta hnakapi
kin en ya. He innija ohdoka
ohna hnakapi, qa inyan wan-
tanka aokaħinzapi.

39 Inyan kin tokan iyeya po,
Jesus eya. Wicašta ƚe cin ta-
winohħtin Martha heciya, Itan-
can, wanna topa can yanka e
śicamna.

40 Wicayada kinhan, Wakan-
tanka towitan wandake kta ce,
eciciye śni he, Jesus eciya.

41 Hehan inyan kin tokan iye-
yapi; wicašta ƚa wanke cin etan-
han. Unkan Jesus išta yuwan-
kan ikikcu, qa heya; Ate ciya-
wašte, namayahon kin heon;

42 Qa ohinniyan namayahon
kin he sdonwakiya; tuka wicašta
hnakapi kin de en mitan oksan
najinpi kin de on, he niye u ma-
yaši kin wicadapi kta e on hepe.

43 Hecen eye ƚa hehan, Laza-
rus nunke cin hetanhan tanka

hninanpa wo, awitukadan hoye-kiya qa eya.

44 Unkan wicašta ƚe cin tan-kata hninanpa, siha nape ko pa-łtapi, qa ite opemni tonpi kin hena ecehna. Kiyuškapi qa ayušta po, iyaye kta, Jesus ewi-cakiya.

45 Hehan Juda wicašta Mary kici ipi qon, hena Jesus taku econ kin he wanyakapi, unkan wicota wicadapi.

46 Tuka wanjikji Pharisee kin ekta wicakipi, qa Jesus taku econ kin owicakiyakapi.

47 Hehan wošna kagapi Pharisee ko mniciyapi qa, Token econkupi he ; wicašta kin de ta-ku wapetokeca ota econ kin, eyapi.

48 Iyowinunkiyapi kinhan wicašta owasin wicadapi kta ; kinhan Roma oyate kin den upi kta, qa otonwe kin de unkasota-pi, qa nakun unkitaoyatepi kin hena ko.

49 Hehan wanji Kaiaphas eci-yapi waniyetu kin he en wošna kagapi itancan kin hee hewica-kiya ; Takudan oyakałnigapi šni.

50 Qa nakun awacannipi šni, wicašta wanjidani oyate on ƚe cinhan, hecen on oyate kin wi-cašte kte šni, he unkiyepi kin on hecetu kta ce, eya.

51 Iye etanhan on hecen eye šni, tuka omaka kin he en wo-šna kagapi itancan kin heon, Je-sus oyate kin on ƚe kte cin he iyukeanyan heya.

52 Qa oyate kin heceedan šni, tuka Wakantanka cinca omde-cahe cin hena owasin wanjidani-kiya kiwitaye kta.

53 Hehan anpetu kin hetanhan witaya akiłapi, ƚeyapi kte cin heon.

54 Heon etanhan Jesus Juda oyate kin wicehna taninyan

omani šni, tuka makoce wan he-woskan ikiyedan wanke, otonwe wan Ephraim eciyapi kin he ekta ya, qa waonspewicakiye cin om he en un.

55 Unkan woacakšin Juda oyate wošnapi kagapi wanna ikiyedan aya ; unkan wanna kayehan oyate ota Jerusalem en kata ihe-ya aya, woacakšin kin itokam piłciyapi kta.

56 Hehan Jesus akitapi, qa ti-pi wakan kin ohna najinpi icun-han iyakitedan hekiciyapi ; To-ken idukeanpi he ; wošnapi kin en u kte šni he.

57 Wošna kagapi tankapi qa Pharisee ko wanna wakiconzapi, tuwe Jesus tukten yanka sdonye cinhan, he oyake kta, hecen yu-zapi kta.

WICOWOYAKE 12.

1 Woacakšin kin itokam šakpe can, hehan Jesus Bethani en i, Lazarus wicašta ƚa, tuka ekice-tuyapi en un qon otonwe kin hee.

2 Unkan hen łtayetu wotapi wan kicagapi, qa Martha e-wa-pamni ; tuka kici iyotang wota-pi kin Lazarus wanji hee.

3 Hehan Mary wiłdi waštemna qa taku ota iyopeyapi, tke utapi wanjidani, he icu qa on, Jesus siha kin sdakiye ƚa, iye paha kin on siha kipakinta ; unkan eca-mna kin tipi kin ojudan.

4 Hehan Simon cinhintku, Ju-das Iskariot eciyapi, waonspe-wicakiye cin wanji hee, wiyope-ye kte cin hee hecen eya ;

5 He tokeca wiłdi kin he ka-špapidan opawinge yamni iyo-pe-yapi, qa wałpanicapi kin wica-gupi šni he.

6 He wamanon heca, qa maza-ska opiye yuhe ƚa, ohna mazaska omnayan, heon hecen eya ; wo-

wahpanica kin incantowicahnake cin heon heye sñi.

7 Hehan Jesus heya ; Nagiye-ye sñi wo ; anpetu wan mahnakapi kte cin he en amayuhe cin hee ce.

8 Tokešta wowahpanica ohinni wicaduhapi kta ; tuka miye e ohinniyan mayaduhapi kte sñi, eya.

9 He icunhan hen un kin Juda oyate wicota sdoniyapi ; unkan Jesus ecedan on en hipi sñi, tuka Lazarus, wiconte etanhan najinkiye ciqon, he wanyakapi kta on etanhan.

10 Unkan wošna kagapi tankapi Lazarus nakun țeyapi kta aki-tapi :

11 Hee nakun on Juda oyate ota hduheyapapi, qa Jesus wicadapi.

12 Ihanhanna wicašta ota wošnapi kin en hipi kin hena, Jesus Jerusalem etkiya u nañonpi hehan,

13 Canwapa tanka etanhan canhaka icupi, qa itkokim yapi, qa panyanhan heyapi ; Hosanna, tuwe Israel Wicaštayatapi, Jehowa caje kin on u kinhan, he yawaštepi nunwe.

14 Unkan Jesus šonšonna cinca wan iyeya, hehan akan iyotanka ; hecen wowapi kagapi qon ;

15 Zion cunwintku ihnuhan koyakipe cin ; iho, Wicaštayatapi nitawa šunka šonšona cinca wan akan yanka u ce.

16 Dena taku kin tokaheya waonspewicakiye cin okahnigapi sñi ; tuka Jesus yutanpi hehan hena hecen wowapi en kagapi qon, qa nakun hena ecen ecaki-conpi kin, hehan kiksuyapi.

17 Heon oyate kicicapi kin, Lazarus hnakapi tuka kipan, qa wiconte etanhan ekicetuye ciqon, hena he yaotaninpi.

18 Qa heon oyate kin itkoki-papi, taku wapetokeca tanka kin de econ nañonpi kin heon.

19 Unkan heon etanhan Phari-see kin iyakitedan heciciyapi ; Wanyaka po, takudan oyakihipi sñi ; iho, wicašta owasin he iha-kam iyayapi.

20 Helenes oyate kin etanhan wanjikji wošnapi kin icunhan en ohodapi kta e ekta itanwan-kanhde upi ;

21 Hena eepi Philip, Galile makoce Bethsada otonwe kin etanhan, he en ipi, qa, Itancan, Jesus wanunyakapi uncinpi ce, eciyapi.

22 Philip u, qa Andrew okiya-ka ; qa behan Philip Andrew kici Jesus okiyakapi.

23 Unkan Jesus awicayupte ca heya ; Anpetu wan en Wicašta Cinhintku kin yutanpi kte cin wanna hiyohi.

24 Wowicake, wowicake eci-yatanhan heciciyapi ; Aguyapi su kin maka ekta ehpeyapi, țe sñi kinhan, isnana un kta ; tuka țe cinhan ota icañye kta.

25 Tuwe wiconi kin de wašte kida kinhan, toki ehpeye kta ; qa tuwe maka kin den wiconi šice kida kinhan, hee owihan-ke wanin wiconi ekta akpatan kta.

26 Tuwe omakiye kta cin kinhan mihakam un kta ; qa tukten waun hecinhan mitaokiye kin is nakun hen un kta ; nakun tuwe omakiye kta hecinhan, Ate wicašta kin he yuonihan kta.

27 Wanna minagi kin nagiyeyapi, hecen token epe kta he. Ate, anpetu kin de etanhan emahdaku wo. Tuka heon anpetu kin de en wahi ce.

28 Ate nicaje kin hduhan wo. Unkan mahpiya kin eciyatanhan wicaho wan u qa ; Wanna eya

micaje kin wahdutan, nakun wahdutan kta, eya.

29 Unkan wicašta en najinpi kin he nañonpi qa, He wakinyan hoton, eyapi. Mañpiya ohnihde heca e okiya ce, apa eyapi.

30 Unkan Jesus waayupte ça heya; Wicaho kin de miye make šni, he niye nicapi.

31 Wanna oyate kin wicayacopi; qa wanna maka akan itancan kin tankan ehpeyapi.

32 Qa tohan maka kin detanhan wankan emahdepi kinhan, wicašta kin owasin miye en iwi-cawacu kta, eya.

33 Wiconťe kin tukte on ťe kte cin he ka e hecen eya.

34 Oyate kin ayuptapi; Wooke kin eciyatanhan; Messiya owi-hanke wanin un kta ce, eyapi naunñonpi; hecen, Wicašta Cin-hintku kin wankan ehdepi kta ce, token on hecen eha he; Wicašta Cinhintku kin he tuwe he.

35 Hehan Jesus hewicakiya; Iyoyanpa kin ehake cistiyedan nicipi un; iyoyanpa duhapi kin icunhan en omani po; otpaze cin iyapašttag niyanpi nun ce; tuwe otpaza icunhan omani kin he tokiya ye cin sdonye šni.

36 Iyoyanpa duhapi kin en iyoyanpa kin he wicada po, hecen on iyoyanpa cinca yaunpi kta ce. Jesus hena hecen eye ça, hehan iyaye ça inahbe wicakiya.

37 Taku wapetokeca ota econ, qa wanyagwicaya, tuka wicadapi šni.

38 Hecen Isaya wicašta wockean taku eye ciqon wanna iye-cetu; Itancan, tuwe wounyakapi kin wicada he; qa tuwe en Jehowa ĥupahu kin yutaninpi he.

39 Qa heon etanhan wicadapi kta okihipi šni; heon Isaya ake hecen eya;

40 Išta gonge wicaye ça, cante

kin ekta nakun wacinton šni wicaya; hecen išta on wiwanyakapi kte šni, qa cante on takudan yukcanpi kte šni, qa ihdu-ecetupi kte šni, qa hecen woki-ziwicawaye šni.

41 Towitan kin he Isaya wan-yake ciqon he ehan hena hecen ekiciya.

42 Hececa tuka itancanpi etanhan wicota wicadapi; tuka Pharisee kin hena on etanhan yaotaninpi šni, omniciye tipi kin etanhan tankan iyewicayapi kta ikopapi heon.

43 Wicašta akantu yaonihanpi kin he iyotan dapi, qa Wakan-tanka wicayaonihan kin he iš iyotan dapi šni.

44 Hehan Jesus panyanhan heya; Tuwe wicamada kinhan, he miye wicamada šni, tuka tuwe u maši kin hee wicada ece.

45 Qa tuwe wanmayake cin he nakun tuwe u maši kin he wan-yaka.

46 Miye maka akan iyoyanpa wahi; hecen tuwe wicamada kinhan he otpaza en omani kte šni.

47 Qa tuwe mioie kin nañon, qa wicada šni ešta mdaco šni; wicašta wicayacopi kin heon wahi šni, tuka waniyapi kin hee on wahi.

48 Tuwe amaktašni, qa mioie kin icu šni kinhan he tuwe yaco kte cin hduha; wicoie omdake cin anpetu ihankeya kin en yaco kte cin hee.

49 He miye cinka hecen oie-waye šni; tuka Ate u maši kin he iye econ maši, taku epe kte ça taku omdake kte cin.

50 Qa toope kin he owi-hanke wanin wiconi e sdonwaya. To-ken epe cin hena, Ate hena hecen emakiya, heon etanhan hecen epa ece, eya.

WICOWOYAKE 13.

1 Anpetu en wośnapi ece kin itokam, anpetu qon wanna hi-yohi, he en maka kin detanhan iyaye kta, Atkuku ektakiya hde kta, Jesus sdonkiya, tona maka akan tawa kin waśtewicadake cin hena owihanketa waśtewicakida.

2 Wotapi ayaśtanpi hehantu; Judas Iskariot Simon cinhintku kin hee, Jesus wiyopeye kte cin, Wakansica wanna hecen cante ozekiya.

3 Hehan Jesus Atkuku taku owasin tawa kiye ciqon he sdonkiya un, Wakantanka eciyatanhan hi, qa ake Wakantanka ekta hde kta.

4 Hecen wotapi kin etanhan najin, qa śina ekihnaka; qa napipakinte wan icu, qa ipiyaka.

5 Qa hehan mini wakśica en okaśtan, qa waonspewicakiye cin siha wicakiyujaja, qa napipakinte wan ipiyake ciqon heon siha kin wicakipakinta.

6 Simon Inyan ehan ahi; unkan, Itancan, niye siha mayakidujaja kta he, eciya.

7 Unkan Jesus ayupte qa, Taku ecamon kin de nakaha sdonyaye śni, tuka ihakamya sdonyaye kta, eciya.

8 Icimana siha mayakidujaja kte śni, ake Inyan eciya. Hehan Jesus ayupte; Ciciyujaja śni kinhan takudan on miyecica kte śni, eya.

9 Hehan Simon Inyan heciya; Itancan, siha ecedan śni, tuka minape, mapa koya.

10 Unkan Jesus heciya; Tuwe wanna ihdujaja kin he takudan sanpa cin śni, siha ecedan yujajapi kta, eya wanna ocowasin ska; unkan niye niskapi, tuka iyuhpapi śni.

11 Tuwe wiyopeye kte cin he sdonya, heon etanhan, owasin niskapi śni ce, eya.

12 Unkan siha wicakiyujaja yuśtan kin hehan śina ehdaku qa hdowin qa iyotanke qa, Taku tokaciconpi kin de sdonyayapi he, ewicakiya.

13 Waonspekiya qa Itancan, emayakiyapi ece; he tanyan ehapi; he miye nakaes.

14 Heon etanhan miś miye Waonspekiya qa Itancan mayaduhapi kin, siha ciciyujajapi kinhan, niś eya otoiyohi siha yeci-yujajapi kta iyececa.

15 Waonspeciciyapi kin he niś he iyecen ecanonpi kta e hecaciconpi.

16 Ookiye unpi kin he Itancan kin iyakapa śni; qa tuwe u śipi kin he tuwe u śi hecinhan, he is iye kapa śni, wowicake, wowicake eciyatanhan eciciyapi.

17 Taku kin dena sdonyayapi hecinhan, ecen ecanonpi kinhan waśteya yaunpi kta.

18 Taku epe cin de niye iyuhpa heciciyapi śni; tona wicawakahnige cin hena sdonwicawakiya; tuka wowapi en kagapi qon yuecetu kta; Tuwe kici aguyapi wata ece kin he miye on siha yuwankan ehdaku ce.

19 Taku kin dena ecetu śni itokam ociciyakapi; hecen tohan iyecetu kinhan, he miye e wicayadapi kta.

20 Tuwe tokiya yewakiye cin tuwe iyowinkiye cinhan, he miye e iyowinmaye; qa tuwe iyowinmaye cinhan, he tuwe u maśi kin he iyowinkiya, wowicake, wowicake eciyatanhan eciciyapi.

21 Jesus hena hecen eye qa hehan toksape kin ekta iyahdeiciya, hdaotanin qa heya; De dukanpi kin etanhan wanji wi-

yopemayayapi kta, wowicake, wowicake on eciciyapi ce.

22 Hehan waonspewicakiye cin opakicilita yukanpi, wanji tukte e on heye cin sdonyapi śni.

23 Unkan Jesus waonspewicakiye cin wanji nina wašte kidake cigon, he eca maku kin en mankan iwanka.

24 Heon Simon Inyan he wikipiyuta, qa wanji tukte he on heye cin he iwange śi.

25 Hehan he Jesus maku kin en iwanke ça, Itancan, he tuwe he, eya.

26 Jesus ayupte; Wanji tukte ĥpanyanpi onśpa waqu kinhan hee kta, eya. Hecen onśpa ĥpanye ça, Judas Iskariot eciyapi Simon cinhintku he qu.

27 Unkan Judas ĥpanyanpi kin icu, hehan Satan mahen iyaya. Hecen Jesus heciya; Taku eanon kte cin kohanna econ wo.

28 Wahna wotapi kin ihdukśan yukanpi kin, taku on heye cin tuwedan okañnigapi śni.

29 Judas mazaska opiye yuhe cin heon, Jesus wośnapi kta on taku cinpi kin he opeton śi; qa is, wahpanicapi kin taku wicaqu śi, apa kecinpi.

30 Unkan ĥpanyanpi qon he icu qehan, hecehnana tankan iyaya; wanna hanyetu hehantu.

31 He tankan iyaya, hehan Jesus heya; Wanna Wicašta Cinhintku kin yutanpi, qa nakun iye eciyatanhan Wakantanka is yutanpi.

32 Qa iye eciyatanhan Wakan-tanka yutanpi hecinhan, hehan Wakantanka is iye kin on hdutan kta, nakun kohanna hdutan kta.

33 Hokśiyogopa ehake ptenyedan ocipapi kta. Amayakitapi kta, qa Juda oyate ewicawakiye cigon; Tokiya mde cin ekta yayipi kta oyakihipi śni ce; he iye-cen nakaha eciciyapi.

34 Woahope teca wan ciçupi, otoiyohe wašteyecidapi kta; wašteciçidapi kin he iyecen wašteyecidapi kta.

35 Heon waonspeciciyapi yaunpi kin wicašta owasin sdonyapi kta, otoiyohe wašteyecidapi kinhan.

36 Itancan, tokiya de kta he, Simon Inyan eciya. Jesus ayupte; Tokiya mde cin ekta de kta ešta nakaha oyakihi kte śni, tuka ihakamya mihektam yau kta, eya.

37 Unkan Inyan heciya; Itancan, tokeca nakaha cihakam waun kta owakihi śni he; niye on wiconi mduhe cin elipewaye kta, eya.

38 Jesus ayupte; Miye on wiconi nitawa elipeyaye kta he. Wowicake, wowicake on heciya; Anpaohotonna kin hoton śni itokam yamni akihde sdonmayaye śni, kehe kta ce, eya.

WICOWOYAKE 14.

1 Ihnuhan cante niśicapi kinhan; Wakantanka wicayadapi, qa miś nakun wicamayadapi.

2 Ate ti kin en ounyanpi kte cin ota yanka; he hecece śni unkanś ociciyakapi kta tuka; ekta wahde ça oyanke kin ciciyuştanpi kta.

3 Ekta mde ça oyanke ciciyuştanpi kinhan, hehan ake wau qa acihdapi kta; hecen miś waun kin he en niś nakun yaunpi kta.

4 Unkan tokiya mde cin he sdonyayapi, qa canku kin he nakun sdonyayapi.

5 Itancan, tokiya de cin sdonunyanpi śni, tokiya tanhan canku kin he sdonunyanpi kta he, Thomas eciya.

6 Unkan Jesus heciya; Canku, qa wowicake, wiconi ko he mi-

ye; tuwedan Ateyapi kin en u
śni, miye eciyatanhan ecedan
en u ece.

7 Sdonmayayapi unkanś nakun
Atewaye cin sdonyayapi kta tu-
la; qa detanhan sdonyayapi qa
wandakapi ce.

8 Itancan, Ateyaye cin wan-
yag unyan po, hecen iunmnanpi
kta, Philip eciya.

9 Hehan Jesus heciya; Philip,
wanna wanakajatanhan cicipi
waun, tuka nahanhin sdonma-
yaye śni he; tuwe wanmayake
cin he Ateyapi kin wanyaka;
hecen tokeca, Ateyapi kin wan-
yag unyan miye, eha he.

10 Atewaye cin he wecica qa
Atewaye cin he micica kin he
wicayada śni he. Wicoie ecici-
yapi kin dena miye cinka ecici-
yapi śni; Atewaye micica kin
he wicohan kin hena iye econ.

11 Atewaye cin he wecica qa
Atewaye cin he micica he wica-
mada po; qa is wicohan kin he-
na e on wicamada po.

12 Wowicake, wowicake on
heciciyapi; Tuwe wicamada kin
he wicohan ecamon kin hena is
iyecen econ kta, nakun ees san-
pa tanka econ kta; Ate ekta
wahde kte cin heon etanhan.

13 Qa micaje kin on taku ya-
dapi kinhan, ecen ecamon kta;
Ateyapi kin Cinhintku kin on
yutanpi kta e heon.

14 Taku wanji micaje on ya-
dapi kinhan, ecen ecamon kta.

15 Wašte mayadapika hecin-
han, mitawoahope kin tanyan
yuha po.

16 Hehan Ate cewakiye kta,
unkan wicakicanpte wan tokeca
niciupi kta, he owihanke wanin
niciupi un kta.

17 Wowicake Woniya kin hee,
oyate kin he icu okihipi śni, to-
hinni wanyakapi śni qa sdonya-

pi śni; tuka niye he sdonyaya-
pi, he niciupi un qa en niunpi kta.

18 Wanidenica elhepeciyapi kte
śni; ake cihdiyohipi kta.

19 Wanna ptenyedana kinhan
oyate wanmayakapi kte śni, tu-
ka niye wanmayadakapi kta;
wani waun, qa nis yani yaunpi
kte cin heon.

20 Anpetu kin he en, Atewaye
cin he wecica, qa nis miyecicapi,
qa mis ocicipapi kin he sdonya-
yapi kta.

21 Tuwe mitawoahope yuhe
ca, hena ope cinhan he wašte-
madake cin ee; qa tuwe wašte-
madake cinhan, Atewaye cin he
waštedake kta, qa mis nakun
waštewadake kta, qa en mihdu-
tanin kta ce.

22 Hehan Judas, Iskariot hee
śni, he heciya; He tokeca Itan-
can, unkiśnana sdonniye unya-
yapi kta he, qa oyate kin sdon-
niyanpi kte śni.

23 Jesus waayupte ca heciya;
Tuwe waštemadake cinhan
mioie kin yuhe kta; qa Atewa-
ye cin waštedake kta, qa tukten
un kinhan en unhipi kta, qa ti
kin en kici unyakonpi kta.

24 Tuwe waštemadake śni kin
he mioie kin yuhe śni. Wicoie
nayaħonpi kin de mitawa śni,
Atewayaya umaśi kin he iye tawa.

25 Ocipapi kin en taku kin he-
na heciciyapi.

26 Tuka Wicakicanpte, Woniya
Wakan kin hee, Atewaye cin
micaje on uśi kte cin he, taku
owasin onspeniciyapi kta, qa ta-
ku eciciyapi kin owasin kiks-
yeniciyapi kta.

27 Wokiyapi aihpeciyapi; wo-
okiye mitawa ciupi: wicašta
akantu kiciupi he iyecen ciupi
śni. Ihnuhan cante niśicapi qa
kopheđa yaunpi kinhan.

28 Wahde ca ake en ciupi kta

eciciyapi kin he wanna nayañonpi. Wašte mayadapi kinhan iduškinpi kta; Atewaye cin ekta wahde kta epe cin he; Atewaye cin he iye mikapeya tanka.

29 Qa nakaha hena heciciyapi, taku kin itokam; tohan he hiyohi kinhan hehan wicayadapi kta.

30 Detanhan taku ota eciciyapi kte śni; maka akan itancan kin wanna u, tuka miye kin en takudan tawa śni.

31 Tuka Atewaye cin waštewakida; qa Ate taku emakiye cin owasin ecen ecamon ece, he oyate kin sdonyapi kta. Najin po, detanhan ieunonpa unyanpi kta.

WICOWOYAKE 15.

1 Hastanhanka iyuwi wowicake kin he miye, qa Atewaye cin he kieanye cin ee.

2 Adetka tona miye on waskuyeca icañye śni kin hena yupśun; qa adetka tona waskuyeca icañye cin hena pakinta, hecen on waskuyeca ota icañye kta.

3 Eya wanna niskapi, wicoie ociciyakapi kin heon.

4 Mici un po, hecen miś cicipi waun kta. Hastanhanka iyuwi adetka wiyuwi kin en ikoyake śni kinhan waskuyeca icañya okihi śni ece; he iyecen miyeci yaunpi śni ehantanhan, niś eya oyakihipi kte śni.

5 Hastanhanka iyuwi kin he miye, adetka kin he niyepi. Tuwe mici un qa miś kici waun kin he waskuyeca ota icañya; miye kin en icunonpa yaunpi kinhan takudan oyakihipi kte śni.

6 Tuwe mici un śni kinhan adetka iyecen tankan ehpeyapi, hecen śnija aya; unkan hena wicašta pahipi qa petan ehpeyapi, hecen hūhnaga ece.

7 Miyeci yaunpi qa mioie kin

he nicipi un kinhan, taku tona yacinpi kin hena yadapi kta, unkan ecen ecaniconpi kta.

8 Waskuyeca ota icañyayapi kinhan Atewaye cin nina yutanpi kta; qa heciya tanhan waonspeciciyapi yaunpi kta.

9 Atewaye cin token wašte makida kin he iyecen wašte cicipi; mitowašte kin he kici un po.

10 Mitawoahope kin duhapi kinhan, mitowašte kin he kici yaunpi kta; Ate tawoahope mduhe cin heon towašte kin kici waun kin he iyececa.

11 Taku eciciyapi kin dena on mitowiyuškin kin nicipi un kta e, qa nitowiyuškinpi kin he ece-tu niciciyapi kta.

12 Mitawoahope kin he dee, waštecicipi kin he iyecen wašteyecicipi kta.

13 Tuwe takuwicaye cin on wiconi ehpekiye cinhan, he wo-wašte kin tuwedan kapeye śni.

14 Taku econ cišipi kin owasin ecen ecanonpi kinhan takuciyapi yaunpi.

15 Ookiye wicayapi wanna eciciyapi śni; ookiye yapi un kin he Itancan ye cin taku econ keś sdonye śni. Tuka takuciyapi eciciyapi; Atewaye cin tona nañonmaye cin owasin sdonye cicipi kin heon.

16 Niye he mayakañnigapi śni, tuka miye e cicañnigapi qa ciyusutapi; hecen tokiya dapi qa waskuyeca icañyayapi kta; qa waskuyeca nitawapi kin ohinnian un kta; hecen micaje on Atewaye cin taku yakidapi kinhan ničupi kta ce.

17 Otoiyohi wašte kicida po, he iwahokonciyapi ce.

18 Oyate kin śice nidapi ešta he itokam miye śice madapike ciqon he sdonyayapi.

19 Oyate kin enitanhanpi un-
kanś oyate kin taku iye tawapi
wašte kidapi kta; tuka oyate
kin henitanhanpi śni, miye e
oyate kin etanhan cicahnigapi
kin heon oyate kin śice nidapi.

20 Wicoie wan eciciyapi qon
he yeksuyapi; Ookiye yapi un
kin he Itancan yuhe cin kakipe
ça iyotan tanka śni. Śicaya
makuwapi hecinhan, niś oyate
kin śicaya nicuwapi kta; qa
mioie yuhapi hecinhan, niś nioie
kin niciyuhapi kta.

21 Tuka micaje kin on hena
owasin ecen ecaniconpi kta;
tuwe u maśi kin he sdonyapi
śni heon etanhan.

22 Wahi śni qa owicawakiye
śni kinhan, woah̄tani nicapi kta
tuka; tuka detanhan woah̄tani
woakalipe nicapi.

23 Tuwe śice madake cin he
nakun Atewaye cin śice daka.

24 Wicohan tuwedan hecen
econ śni iyecen ecawicawecon
śni unkanś, woah̄tani nicapi kta
tuka; tuka wanna Atewaye cin
kici wanmayakapi, qa napin śi-
ce undakapi.

25 Tuka woope tawapi kin en
wicoie kagapi qon he wanna
iyecetu; Takudan on etanhan
śni śice madakapi ce.

26 Tuka Wicakicanpte, Ate-
waye cin etanhan uwaśi kte cin
he, Wowicake Woniya kin hee,
tohan hi kinhan, he iye Atewaye
cin etanhan u kta, qa omayake
kte cin hee.

27 Qa niś nakun omayadakapi
kta, toka echantanhan miyahna
yaunpi qon heon.

WICOWOYAKE 16.

1 Wayah̄tanipi kte śni e heon
dena taku kin ociciyakapi.

2 Omniciye tipi kin etanhan

tankan iyenianpi kta; nakun
anpetu wan u kta, hehan tuwe
kašta niktepi kinhan, he Wa-
kantanka iyokipiya kecin kta.

3 Atewaye cin sdonyapi śni,
qa miś nakun sdonmayanpi śni,
he etanhan henakiya hecen eca-
nionpi kta.

4 Tuka dena ociciyakapi, he-
cen tohan iyehantu kinhan, dena
wanna eciciyapi kin he yeksu-
yapi kta. Qa dena otokahe ekta
eciciyapi śni, hinyahin cicipi
waun kin heon etanhan.

5 Tuka wanna tuwe umaśi kin
he ekta wahde kta; qa wanji-
dan, Tokiya de kta he, emaya-
kiyapi śni.

6 Tuka taku kin dena ociciya-
kapi, heon nicantepi kin ekta
iyoniyakapi.

7 Tuka wowicake ece ociciya-
kapi; wahde cinhan heon tan-
yan yaunpi kta, qa wahde śni
kinhan Wicakicanpte kin en ni-
hipi kte śni; tuka wahde cin-
han niyepi ekta uwaśi kta.

8 Unkan he tohan hi kinahan;
woah̄tani, woowotanna qa wo-
yaco kin on oyate kin sdonye-
wicaye kta:

9 Woah̄tani kin, wicamadapi
śni kin heon:

10 Woowotanna kin, Atewaye
cin ekta wahde kta, qa icimana
wanmayadakapi kte śni, heon:

11 Woyaco kin, oyate kin de
itancan un kin he wanna yaco-
pi, heon etanhan.

12 Nakun taku ota eciciyapi
kta mduha, tuka hena e qe na-
hanhin yuha oyakhipi śni.

13 Tuka tohan Wowicake Wo-
niya kin he iye hi kinhan, wo-
wicake ocowasin en anianpi
kta; iye atayedan on ie kte śni,
tuka taku nahon kin hena oyake
kta, qa taku tokata ekta hena
oniciyakapi kta.

14 Mayutan kte cin hee, taku mitawa kin hena icu, qa oniciyakapi kta.

15 Taku Ate tawa kin hena owasin mitawa; he etanhan, Tona mitawa kin hena icu, qa oniciyakapi kta ce, eciciyapi.

16 Wanna askayedane hehan wanmayadakapi kte sni; hehan akes askadan ake wanmayadakapi kta, Ate ekta wahde kte cin heon.

17 Hehan waonspewicakiye cin iyakitedan hekiciyapi; Unkekiyapi kin he taku hwo; Wanna askayedane wanmayadakapi kte sni, qa hehan askadan ake wanmayadakapi kta; qa, Ate ekta wahde kte cin heon.

18 Heon heyapi; Askayedane eye cin he taku he; taku eye cin sdonunyanpi sni ce.

19 Wiwangapi cinpi kin he Jesus sdonya, unkan heon hewicakiya; Wanna askayedane wanmayadakapi kte sni, qa hen ikiyedane wanmayadakapi kta, epe cin he, he token kapi hwo, otioyohi eyeciyapi he.

20 Wowicake, wowicake on heciciyapi; Nihinniçiyapi qa yaceyapi kta, tuka oyate kin iyuskinpi kta; iyonicişicapi kta, tuka iyonicişicapi kin he wowiyuskin wan en un kta.

21 Winohince cinca ton kta eca yazan hda, wanna iyekicihan-tu kin heon; tuka tohan hokşioçopa ton eca, yazan hda qon he kiksuye sni, wicaşta oyate kin den tonpi eca wowiyuskin ye cin heon.

22 He iyecen nakaha iyokişin dukanpi, tuka ake wanciyakapi kta, kinhan nicantepi kin wiyuşkin kta, qa widuşkinpi kte cin he tuwedane nicipi kte sni.

23 Unkan anpetu kin he en takudan imayanungapi kte sni.

Wowicake, wowicake on heciciyapi; Taku micaje on Atewaye cin yakidapi kinhan niçupi kta.

24 Nahahin dehanyan micaje on takudan yadapi sni. Da po, iyacupi kta, hecen wowiyuskin ojudanniçiyapi kta.

25 Hena taku iyacinian heciciyapi; tuka anpetu wan u kta, hehan wiyacinian takudan eciciyapi kte sni, tuka taninyan Ateyapi kin on ociciyakapi kta.

26 Tohan iyehantu kinhan micaje on taku yadapi kta, tuka Atewaye cin wocekiye eciciyapi kta, epe sni.

27 Ate iye atayedane waşte nidadika, waşte mayadapike ça Wakantanka eciyatanhan wahi kin he wicayadapi kin heon.

28 Atewaye cin eciyatanhan wau, qa oyate kin de en wicawahi Ake oyate kin elhpewicawaye kta qa Ate ekta wahde kta.

29 Wanna wiyacinian iyae sni, ataninyan iyaa ce, waonspewicakiye cin eciyapi.

30 Taku owasin sdonyaye ça, tuwe winiwange kta iyecece sni yaun e wanna sdonunyanpi; heon etanhan Wakantanka eciyatanhan yahi kin he wicaundapi, eyapi.

31 Jesus awicayupte; Wanna wicayadapi he.

32 Anpetu wan u kta qa wanna hiyohi, enanakiya otioyohi yadapi kta, qa mişnana elhpemayayapi kta; tuka nakun mişnana waun sni, Atewaye cin he mici un.

33 Wookiye amayaduhapi kta heon etanhan hena heciciyapi. Oyate kin de en wokakiye duhapi kta; tuka wiyuşkin po, miye oyate kin ohiwicawaya ce.

WICOWOYAKE 17.

1 Jesus hena hecen eye ça he-
han ísta yuwankan icu, qa ma-
hpiya kin ekta etonwan qa, Ate
wanna anpetu kin hiyohi, Ni-
cinksi kin hdutan wo, hecen on
Nicinksi kin nihdutan kta ce.

2 Wicaceñpi owasin on wowa-
śake yaqu qon, hecen tona yaqu
kin owasin owihanke wanin wi-
coni wicaqu kta.

3 Unkan owihanke wanin wiconi kin he dee, wowicake Wakan-tanka niye e sdonniyanpi kta, qa Jesus Messiya uyasi qon.

4 Maka kin akan ciyutan; qa
wicokicanye mayaqu qon wanna
owasin wahduştan.

5 Unkan nakaha, Ate niye kin
on miye mabduhan wo, wicoicage
wanice cin he itokam wowitan
niyeci hduha waun qon heon.

6 Oyate kin den wicašta tona
mayaqu kin hena en nicaje mda-
otanin ; hena nitawa, tuka hena
mayaqu ; unkan hena nioie qon
niciyuhapi.

7 Taku mayaqu kin owasin
he niye etanhan u, wanna sdon-
yapi.

8 Nioie mayaqu qon he wanna
wicawaqu ; unkan icupi, qa niye
eciyatanhan wahi kin he tanyan
sdonyapi, qa niye e umayaši kin
he wicadapi.

9 Hena on wocekiye ewicawe-
ciya, maka akan wicašta kin he-
na on wocekiye eciciye šni, tuka
tona mayaqu kin hena on woce-
kiye eciciye, hena nitawa kin he
etanhan.

10 Taku mitawa kin hena owa-
sin nitawa, qa niś taku nitawa
kin hena mitawa, qa hena on
wowitan waun.

11 Wanna oyate kin dematan-
han ŋni, tuka iye e oyate kin en
opeya ni unpi, qa miye wanna

nitankiyadan waku kta. Ate wakan, nicaje kin on dena ma. yaqu qon hduha wo, hecen un-
wanjidan qon isiyeceen wanjidan
kta.

12 Oyate kin den om waun kin
he icunhan nicaje kin on wica-
wahduha. Mayaqu qon hena e
wicawahduha, qa owasin ehpe-
kiyapi šni, wicašta wayutakuni
šni cinhintku kin hecedan ehpe-
kiyapi, hecen wowapi en un qon
wanna ivecetu.

13 Wanna nitankiyadan waku
kta, oyate kin den opeya waun
kin en ehake hecen epa, hecen
on mitowiyuskin kin iyepi en
wicakiyusstanpi kta.

14 Niole wicawaqu, qa oyate
kin šice wicadapika, oyate kin
hetanhanpi šni heon etanhan he-
ceca, oyate dematanhan šni he
iyecen.

15 Oyate kin detanhan ewica-
yahdaku kta e heon wocekiye
éciciye śni, tuka taku śice cin he
en anawicayecipte kta e heon.

16 Oyate kin de ematanhan
 šni kin he iyecen is oyate kin de
 etanhanpi šni.

17 Wowicake nitawa kin he
on wicayuwakan wo; nioie kin
he wowicake.

18 Oyate kin deci u mayasi qon, he iyecen is oyate kin ecen ve wicawasi.

19 Qa: iyepi on miye mihduwakan, hecen on wowicake eciyatanhan wicayuwakanpi kta.

20 Qa denana-on wocekiye ewi-
caweciyie ŋni, nakun tona wicoie
oyakapi eciyatanhan wicama-
dapi kin hena koya.

21 Hecen on owasin wanjipi-
dan kta, niye kin iyecen, Ate,
miyecica, qa miš cicica ; qa he-
cen is unkicicapi kta ; qa oyate
kin niye u mayaši kin he wica-
dapi kta.

22 Wowitan mayaqu qon he wanna wicawaqu; hecen on unwanjidan kin iyecen wanjipidan kta.

23 Miś wicakici waun, qa niś mici yaun, hecen wanjidan en wicayustanpi kta; qa hecen niye umayaśi kin he oyate kin sdonyapi kta; qa waſtemayakida kin he iyecen waſtewicawakida ece.

24 Ate, tona mayaqu kin hena, tokiya waun kin hen mici unpi kta wacin; hecen wowitan mayaqu qon he wanyakapi kta, wicoicage kin de itokam waſtemayakida kin heon etanhan.

25 Ate owotanna, oyate kin sdonniyanpi śni ye, tuka miye sdonciye ciqon, qa dena iś niye e u mayaśi kin he sdonyapi.

26 Unkan nicaje kin he sdonye wicawakiya qa nakun sdonye wicawakiye kta; hecen wawacinkta duza on waſtemayakida qon he dena en un kta, qa miś nakun owicawape kta.

WICOWOYAKE 18.

1 Jesus hena hecen eya, hehan waonspewicakiye cin om Kedron wakpadan kin akasanpa iya-ya, hen can wojupi wan, unkan he en i, waonspewicakiye cin om.

2 Unkan Judas wiyopeye cin he iś nakun makoce kin he sdonya, Jesus hen waonspewicakiye cin om emniciya ece qon heon.

3 Heon Judas akicita wicoun wan icu, qa akicita tancan ko, wośna kagapi qa Pharisee kin etanhan, om wipe yuhapi, qa petijanjan can itkonya ko yuha en yapi.

4 Jesus taku hiyahde kte cin owasin sdonkiya, itkowicakipe ca, Tuwe e oyadepi he, ewicakiciya.

5 Jesus Nazareth etanhan, eya ayuptapi. Unkan Jesus, He miye ce, eya. Unkan Judas he wiyopeye ciqon ee en opa.

6 Unkan Jesus, He miye ce, ewicakiciya hehan icicawin kihdapi, qa makata ilipayapi.

7 Heon etanhan ake wiwicawanga; Tuwe ayakitapi he, eya. Unkan, Jesus Nazareth etanhan, eyapi.

8 Jesus waayupte; He miye ce, eciciyapi qon; hecen miye e omayadepi hecinhan dena ito kihdapi kta.

9 Wicoie wan eye ciqon he iyecetu kta, Tona mayaqu kin wanjidan ehpewakiye śni ce.

10 Unkan Inyan mazasagye wan yuhe cin ehdaku, qa on wośna kagapi itancan ookiye wicaya wan noge etapa eciyatanhan ape ça kaśpa iyeya, ookiye unna kin he Malkos eciyapi.

11 Hehan Jesus Inyan heciya; Mazasagye nitawa ojuha en iye-kiya wo. Wiyatke Ate maqu kin he mdatke kte śni he.

12 Juda oyate akicita tancan, akicita eyanpaha, akicita ikcedan ko Jesus yuzapi, qa pahtapi.

13 Qa tokaheya Annas kaipi; Kaiaphas omaka kin he en wośna kagapi itancan kin he tunkanku kin hee.

14 Wicaśta wanjidan oyate kin on te kte cin he hecetu kta ce, Juda oyate iwahokonwicakiye ciqon Kaiaphas ee.

15 Unkan Simon Inyan Jesus ihakam ya, nakun waonspewicakiye cin tokeca wan; unkan waonspewicakiye cin tokeca kin he wośna kagapi itancan kin sdonya qon, heon hee wośna kagapi itancan tihocoka kin en Jesus kici iyaya.

16 Tuka Inyan e tankan tiyopa kin en najin. Hehan waon-

spewicakiye cin unma, wośna kagapi itancan sdonya qon, he tankan hiyu, qa tiyopa awanyake cin he okiye ça, Inyan tin hiyuya.

17 Hehan wikośka tiyopa awanyake cin he Inyan heciya; Wicaśta kin de waonspewicakiye cin wanji niye he. Unkan, Hemaca śni ce, eya.

18 Akicita eyanpaha wowidag wicayapi ko hen najinpi, śni hdapi qa cetipi; unkan he en petiśkanpi: unkan Inyan is owicapeya inajin, qa petiśkan.

19 Hehan wośna kagapi itancan kin Jesus wiwanga, waonspewicakiye cin heon, qa iye woonspe tawa kin he nakun.

20 Jesus ayupte; Oyate kin en taninyan womdaka ece; omniciye tipi etu, qa tipi wakan ko en, Juda oyate mniciyapi ece kin en ohinnuyan waonspekiya wau, qa takudan anahbeyahan epe śni ce.

21 Taku on wimayanunga he; token ewicawakiye cin tona nahonpi kin hena e wiwicawanga wo, token epe cin he sdonyapi ce.

22 Hena hecen eya, unkan akicita eyanpaha wan en najin kin he Jesus apa, qa heya; Wośna kagapi itancan kin hecen adupta he.

23 Unkan Jesus ayupte; Śica-ya iwaa hecinhan taku śica epe cin he yaotanin wo; tuka tanyan epa hecinhan, tokeca amayapa he.

24 Annas Kaiaphas wośna kagapi itancan kin pahtapi ecen ekta aye wicakiye cion.

25 He icunhan Simon Inyan petiśkan najin. Heon heciyapi; Waonspewicakiye cin he wanji niye he. Tuka anakihbe ça, Hemaca śni ce, eya.

26 Wośna kagapi itancan kin wowidake tawa wan, Inyan noge kaśpe cion he takuya, Wojupi kin en kici yaun wanciyake śni he, eciya.

27 Tuka ake Inyan anakihman; unkan he icunhan anpa ohotonna wan hoton.

28 Hehan Kaiaphas etanhan woyaco tipi kin en Jesus aipi; unkan wanna anpa. Ihduśapapi kte śni e heon woyaco tipi kin en ipi śni, wośnapi kin hdutapi kta e heon.

29 Unkan Pilate tankata hinanpe ça, en wicau qa, Wicaśta kin de taku e iyayaonpapi he, ewicakiya.

30 Waayuptapi qa heciyapi; Wicaśta kin de ohan śice śni unkanś unnicahipi kte śni tuka, eyapi.

31 Hehan Pilate hewicakiya; Niye ito eyaku po, qa wayeconzapi kin eciyatanhan yaco po. Hehan, Wicaśta țeyapi unkiye unkokihipi śni ye, Juda oyate eciyapi.

32 Hecen Jesus oie qon ecetu kta, token wiconțe on țe kta eye cion he.

33 Hehan woyaco tipi timahen Pilate kihde ça, Jesus en au wicakiye ça, Juda oyate wicaśtaya- tapi qon he niye he, eciya.

34 Jesus ayupta; He niye cinka heha he; qa is tuwe tokeca miye on hecen oniciyaka he.

35 Pilate ayupte; Juda wicaśta hemaca he; nitaoyatepi kin hena, qa wośna kagapi tankapi kin he iye miye en anihipi. Token oyahanda he.

36 Jesus ayupte; Wokiconze mitawa kin he maka kin detanhan śni; wokiconze mitawa kin maka kin detanhan unkanś, mi- taokiye kin kis unpi kta, qa Juda oyate kin makaśkapi kte śni

tuka. Tuka nakaha wokiconze mitawa kin detanhan šni.

37 Hehan Pilate heciya; Wicaštayatapi kin henica he. Unkan Jesus ayupte; Wicaštayatapi hemaca e ecen eha; hemaca kta e on matonpi, qa heon makata wahi, wowicake mdatanin kta e heon. Tuwe wowicake eciyatanhan un kinhan he miho kin nahon ece.

38 Wowicake kin he taku he, Pilate eciya. Hena hecen oie ya, unkan Pilate tankata inanpe ca, Juda oyate en wicaye ca, Wicašta kin he taku šica econ takudan iyewaye šni, ewicakiya.

39 Tuka wicošan duhapi kin heciyatanhan, woacakšin anpetu ehan unkipi eca, tuwe kaška hnakapi wanji wakiyuška ece qon. Judà oyate wicaštayatapi kin de wakiyuška yacinpi he, cya.

40 Unkan ake owasin panyehan howayapi qa heyapi; Wicašta kin dee kte šni, tuka Barabbas e hee kta. Unkan Barabbas e qe wawicaki sa kin heca.

WICOWOYAKE 19.

1 Unkan hehan Pilate Jesus icu qa kapsinpsinta.

2 Unkan akicita wapepeka wapaha wan kazontapi qa wapaha kiyapi, qa šina to wan in kiyapi.

3 Qa, iho, Juda Wicaštayatapi kin, eciyapi, qa nape on apapi.

4 Pilate ake tankan inanpe ca, Iho, wicašta kin dee e tankan cicaupi, hecen on taku šica takudan en iyewaye šni e sdonayapi kta, ewicakiya.

5 Hehan Jesus wapepeka wapaha kin un, qa šina to kin in, tankata inanpa. Unkan, Wanyaka po, wicašta kin dee ce, ewicakiya.

Dak.

6 Unkan wošna kagapi tankapi qa akicita tancanpi kin, he wanyag iheyapi hehan, panyehan heyapi, Icipaweš okatan wo, icipaweš okatan wo. Nišnana icupi qa icipaweš okatan po, miye qe taku šica econ takudan iyewaye šni, Pilate ewicakiya.

7 Wowakiconze wan unhapi, wowakiconze unhapi kin eciyatanhan te kta iyececa, Wakan-tanka Cinhintku keičiye cin heon etanhan, Juda oyate kin eya ayuptapi.

8 Unkan Pilate iapi kin he nahon qehan, iyotan inihan;

9 Qa woyaco tipi kin timahen kihde ca, Nitokiya tanhan he, Jesus eciya. Tuka Jesus ayupte šni.

10 Hehan Pilate heciya; Amayadupte šni he. Icipaweš onicatanpi owakihi; qa niciyuškapi nakun owakihi, he sdonyaye šni he.

11 Hehan Jesus ayupte; Wankan tanhan taku kin de ničupi šni unkanš takudan on omayakihi kte šni tuka; heon tuwe niye en amahi kin he iye woahitani tanka.

12 Hetanhan Pilate kiyuškapi akita. Tuka, Wicašta kin de yakiduške cinhan Kesar takuyaye šni; tuwe wicaštayatapi ičica ge cinhan Kesar i en hiyeya ece, Juda oyate kin panyehan eyapi.

13 Pilate iapi kin he nahon, unkan Jesus tankan yuba inanpa, qa oiyotanke tawa kin he ohna kiyotanka, inyan mdaya omanipi kin en, he Hebrew iapi kin etanhan Gabbatha eciyapi.

14 Woacakšin itokam anpetu pičiyapi ece kin hetu, qa wiyotanhe cin behantu; Wicaštayatapi nitawapi kin wanyaka po, Pilate Juda oyate kin ewicakiya.

15 Tuka, Ieunonpa, ieunonpa

iyeye ça icipaweli okatan wo, panyehan eyapi. Wicaštayatapi nitawapi kin de icipaweli owakatan kta he, Pilate ewicakiya. Unkan wošna kagapi tankapi kin ayuptapi; Kesar ecedan wicaštayatapi unhapi ce.

16 Hehan icipaweli okatanpi kta e wicaqu. Unkan Jesus icupi qa tokan ayapi.

17 Unkan Jesus can susbeca kicin, qa makoce wan Wicapahu eciyapi, he Hebrew iapi on Golgotha eciyapi, he ekta aya.

18 Hen icipaweli okatanpi, qa wicašta toktokeca nom itan anokatanhan ewicahdepi, qa Jesus okitahedan.

19 Unkan Pilate wowapi wan kage ça, can susbeca inkpa kin en ehnaka; JESUS NAZARETH ETANHAN, JUDA OYATE WICAŠTAYATAPI KIN.

20 Wowapi kin de Juda wicašta ota yawapi; makoce kin Jesus en icipaweli okatanpi kin he otonwe kin ikiyedani, qa he Hebrew, qa Helenes, qa Roma iapi henakiya wicoie kin on owapi.

21 Hehan Juda oyate etanhan wošna kagapi tankapi kin Pilate heciyapi; Juda oyate Wicaštayatapi kin, eya owa šni wo; tuka, Juda oyate Wicaštayatapi kin he miye ce, eičiye cin, hee eecen owa wo.

22 Tuka Pilate waayupte; Taku owawa kin he waŋna owawa ce, eya.

23 Akicita Jesus icipaweli okatanpi, hehan tawokoyake icupi, qa wopamni tom kagapi, akicita otoiyohe kicipamnipi; qa nakun tašina icupi; šina kin he okagege wanica, wankan tanhan kun ihankeya kin behanyan okagege codan kagapi:

24 Heon etanhan iye iyakitedan hekiciyapi; Šina kin he unyuhidecapi kte šni, econkupidan qa yeunkiyapi kta, hecen tuwe ohiye cinhan yuhe kta. Hecen wowapi en kagapi qon he iyece-tu; Mitawokoyake kicipamnipi, qa mitašina kin he oeconna en yekiyapi ce. Unkan akicita kin hena hecen econpi.

25 Unkan Jesus hunku, qa tankaku kicica, Mary Kleopas tawicu, qa Mary Magdalene, hena can susbeca kin icahda najinpi.

26 Jesus hunku wanhdaka, qa en icunonpa ikiyadan waonspe-wicakiye cin wanji iyotan kidake ciqon wanhdaka, unkan, Winolinca, nicinkši kin hee ce, hunku kin eciya.

27 Qa waonspekiyapi kin he iš, Wanyaka wo, nihun kin hee ce, eciya. Unkan waonspekiyapi kin he anpetu kin hetanhan iye ti kin ekta aki.

28 Wanna taku kin owasin ecetu Jesus wanyaka, qa wowapi en kagapi qon iyecetu kta e heon, Imapuza ce, eya.

29 Unkan mini škumna wakšica ojudan en icunhan han; mini škumna icupi, qa nakun mini iyuhēpe wan en oputkanpi, qa peji hota hu wan icam yeyapi, qa i kin en qupi.

30 Unkan Jesus mini škumna icu qehan, Wanna yuštampi ce, eya; hehan pa makata iyeye ça taniya kin hiyuya.

31 Hehan Juda oyate kin Pilate cekiya, hu kawegapi qa etanhan icupi kta; hecen anpetu wakan icunhan, tancan kin can susbeca kin akan un kte šni, anpetu en piiciyapi kin wanna hehantu, qa anpetu wakan kin he anpetu tanka, heon.

32 Unkan akicita en hipi, qa tokaheya kin hu kawegapi, qa

nakun unma kici icipawehi okatanki qon.

33 Hehan Jesus ehan ipi, unkan wanna ta wanyakapi, heon hu kin kawegapi sñi.

34 Tuka akicita wanji wahu-keza wan on cuwi kin en capa; unkan we mini ko au.

35 Tuwe wanyake ça yaotan-in kin he wayaotanin kin he wowicake. Wowicake eye cin he sdonkiya, qa hecen on wicayadapi kta.

36 Hena hecetu, unkan wicowoyake wowapi en kagapi qon iyecetu; Hu kin wanjidan kawegapi kte sñi ce.

37 Qa nakun wowapi icinonpa hecen eya; Tuwe palidokapi kin he wanyakapi kta.

38 Hehan ibakam Joseph Arimathea etanhan Pilate cekiya, Jesus tancan kin icu kta e heon; unkan is eya Jesus waonspewicakiye cin wanji ee, tuka anahebeya, Juda oyate kowicakipe cin heon; unkan Pilate ayupta. He en u, qa Jesus tancan kin hdokiyahda.

39 Unkan Nikodemos, tuwe tokaheya hanyen Jesus en hi qon hee, nakun en hi, qa pejihuta wastemna nom icicahiyapi, tkeutapi opawinge ecetu, yuha hi.

40 Hehan Jesus tancan kin icupi, qa minihuha ska iyapemnipi, pejihuta wastemna iyahna, Juda oyate wicašta hnakapi ece kin he iyececa.

41 Unkan icipawehi okatanpi qon he en ikiyadan wojupi wanhan, wojupi he cin he en ohna wicašta hnakapi wan iyuştan yanka, tuwedan he ohna oonpapi sñi.

42 Juda oyate piiçiyapi anpetu kin he icunhan, ohna wicašta hnakapi en ikiyadan yanke cin

heon Jesus tancan kin en ohnakapi.

WICOWOYAKE 20.

1 Anpetu wakan kin en, anpetu tokaheya hanhanna hinca, nahanhin otpaza, hehan Mary Magdalene hnakapi qon ekta i, qa inyan kin hnakapi etanhan icunonpa iyeyapi e wanyaka.

2 Hehan inyang hde ça Simon Inyan hee, qa waonspewicakiye cin unma Jesus wastekidake ciquon, hena en hi qa hewicakiya; Itancan kin hnakapi kin etanhan eyakupi, qa tukten hnakapi kin sdonunyanpi sñi ye.

3 Unkan Inyan waonspewicakiye cin unma qon kici tankan inanpapi, qa en hnakapi qon ekta yapi.

4 Napin inyang yapi; qa waonspewicakiye cin unma qon hee duzahe ça Inyan kapa, qa iye tokaheya ehan i;

5 Patuś inajin, qa hnakapi kin aokasin, minihuha ecedan wanyaka, tuka mahen iyaye sñi.

6 Hehan is Simon Inyan iyohi, unkan katinyan mahen iyaya, minihuha ecedan makata yanka wanyaka.

7 Minihuha pa akan ehnakapi kin he, minihuha umanpi qon en ope sñi, he is aiyog pehan yanka.

8 Hehan waonspewicakiye cin unma tokaheya hi qon he is hnakapi kin mahen iyaya, qa is eya wanyake ça wicada.

9 He wiconfe etanhan ekicetu kta, eyapi, wowapi en kagapi qon he hinyahin tanyan sdonyapi sñi.

10 Hehan waonspewicakiye cin hena iye tipi ekta icicawin hda-pi.

11 Tuka hnakapi kin itankan Mary e ecen najin, qa ceya.

Unkan ceyaya patuš inajin, qa hnakapi kin en aokasin.

12 Qa mahiyya ohnihde nom wokoyake ska ece koyakapi kin hena wanwicayaka, Jesus tancan wanke ciqon itan anokatanhan, unma pa wanke ciqon eciyatanhan, qa unma is siha qon eciyatanhan yukanpi.

13 Unkan, Winohinca, taku on yaceya he, eciyapi. Unkan is, Itancan mitawa tancan kin icupi, qa toki ehnakapi kin sdonwaye šni ce, ewicakiya.

14 Heye ça hehan ihdamna unkan Jesus en najin wanyaka, tuka Jesus hee kin sdoney šni.

15 Unkan Jesus heciya, Winohinca taku on yaceya he; tuwe ayakita he. Unkan is he waki-canye hee kecin, qa heon, Itancan, he niye iyacu hecinhan tokiya eyahnake cin omakiyaka ye, kinhan ewehdaku kta ce, eciya.

16 Unkan Jesus heciya, Mary. Unkan iye ihdamna, qa, Rabboni, eciya; he Waonspekiye eyapi.

17 Unkan Jesus heciya; Ihnuhan omayadutan kin; nahanhin Ate ekta wahde šni ce. Tuka mihunkawanji ekta wicaye ça hewicakiya wo, Ate ekta wahde kta, he ate yayapi kin ee, he Wakantanka mitawa kin ee, qa niš he Wakantanka nitawapi kin ee ce, eya.

18 Hehan Mary Magdalene ku qa, Itancan kin wanhake ça hena hecen eciye cin, waonspewicakiye cin owicakiyaka.

19 Anpetu kin he anpetu tokaheya kin ee, ihtayetu kin he en waonspewicakiye cin, Juda oyate kowicakipa, qa aonaçitag yukanpi, en Jesus wicacokaya inajin, qa, Wookiye nicipi un kte, ewicakiya.

20 Hecen eye ça hehan nape cuwi ko wicakipazo. Waonspewicakiye cin Itancan kin wan-yakapi, unkan wiyuŝkinpi tanka.

21 Wookiye nicipi un nunwe, ake Jesus ewicakiya. Ate u maši kin he iyecen miš ye cišipi.

22 Hecen eye ça hehan awicaniya qa, Woniya Wakan icu po, ewicakiya.

23 Tona woahitani wicayecicajujupi kinhan, hena wicakicicajujupi kta; qa tona wicayakipaganpi šni kinhan, hena wicakipaganpi kte šni.

24 Ake nonpapi kin etanhan Thomas Didumos eciyapi he Jesus hi kin he icunhan en ope šni.

25 Itancan kin wanunyakapi, waonspewicakiye cin unmapi kin eciyapi. Tuka iye kin hewicakiya; Maza on nape en okatanpi qon he wanmdake šni, qa napsukaza maza okatanpi kin en omdutan šni, qa cuwi nakun en nape yewaye šni kinhan, wicawada kte šni ce, eya.

26 Unkan anpetu šahdogan iyo-hakam, hehan ake waonspewicakiye cin mahen yukanpi, qa Thomas owicapeya un. Hehan Jesus en hi, tiyopa onatag han, qa wicacokaya inajin, qa, Wookiye nicipi un nunwe, ewicakiya.

27 Hehan Thomas heciya; Nipsukaza uye ça minape kin wanyaka wo; qa ninape kin uye qa micuwi kin en oputkan wo, qa wacətunhda šni wicada wo.

28 Unkan Thomas ayupte ça heciya; Itancan mitawa, qa Wakantanka mitawa.

29 Jesus heciya; Thomas, wanmayadake cin heon wicayada; tuka tona wanmayakapi šni ešta wicadapi kinhan, hena wicayawaštepi ce.

30 Unkan waonspewicakiye cin wanyakapi en taku tokeca ota

wapetokeca Jesus econ, tuka hena ege wowapi kin de en kagapi šni.

31 Tuka dena e owapi, heon Jesus he Messiya Wakantanka Cinhintku kin hee e wicayadapi kta; qa wicayadapi kin on, iye eaje kin eciyatanhan, wiconi duhapi kta.

WICOWOYAKE 21.

1 Hena iyohakam Jesus ake waonspewicakiye cin en ihdutanin, Tiberias mde kin etu; unkan ihdutanin kin he kaketu:

2 Simon Inyan, qa Thomas Didumos eciyapi, qa Nathanael, Kana Galile makoce kin hetanhan, qa Zebedee cinhintku nappin, qa waonspewicakiye cin tokeca nonpa, hena witayapi etu.

3 Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi, qa wata wan en opapi, tuka hanyetu kin he takudan ktepi šni.

4 Ihanhanna qehan wicihuta ekta Jesus najin; tuka waonspewicakiye cin Jesus hee kin sdonyapi šni.

5 Unkan Jesus hewicakiya, Hokšiyopa, taku yutapi duhapi he. Unkan, Hiya, eyapi.

6 Unkan hewicakiya; Ho kin he wata etapa kin eciyatanhan ehpeya po, etanhan iyeyayapi kta ce. Unkan ecen iyohpeyapi, tuka ehaes hogan kin ota kin heon ehdakupi okitpanipi.

7 Hehan waonspekiyapi wan Jesus waštedake cion he Inyan heciya; Itancan kin hee ce. Simon Inyan, Itancan kin hee, eya nañon qehan, tancodan un kin heon onñdohda kiñun qa minin ehpeiciya.

8 Unkan waonspewicakiye cin unmapi kin wata ejstinna wan

ohna upi, huta kin icannan yakonpi, wicišpa opawinge nom hehanyan, qa ho kin hogan ojudan akupi.

9 Wanna hutata kihunnipi, hehan petaga itkon wanyakapi, qa hogan aguyapi ko akan yanka.

10 Unkan Jesus hewicakiya, Hogan nakaha iyacupi kin etanhan aku po.

11 Simon Inyan ekta ye ça ho kin heyata hiyuya, hogan tankinyanyan ece opawinge qa sanpa wikcemna zaptan qa sam yamni; hogan kin ota ho kin ohnaka tuka iyuhdece šni.

12 Upi qa de yuta po, Jesus ewicakiya. Unkan waonspewicakiye cin etanhan, Tuwe niye he, eyapi kta tuka tuwedan tawatenye šni; Itancan hee kin he sdonyapi kin he etanhan.

13 Hehan Jesus en ye ça aguyapi icu, qa wicaqu, hogan nakun iyecen econ.

14 Piya ekicetu kin etanhan, de iyamni Jesus waonspewicakiye cin en ihdutanin.

15 Unkan wotapi ayaštanpi, hehan Jesus Simon Inyan heciya; Simon Jona cinhintku, dena ege sam iyeya-wašte mayadaka he. Han, Itancan, wašte cidaka e sdonyakiye cion, eya. Tahincadan mitawa kin taku yutapi wicaqu wo, eciya.

16 Ake icinonpa, Simon Jona cinhintku wašte mayadaka he, eciya. Han, Itancan, wašte cidaka e sdonyakiya, eya. Tahinca mitawa kin awanyaka wo, eciya.

17 Ake iciyamni, Simon Jona cinhintku wašte mayadaka he, eciya. Yamni akihde, Wašte mayadaka he, eya iwange cin heon Inyan iyokišica; unkan heciya, Itancan, taku owasin sdonyaya; waštecidade cin he

OĤANYANPI QON.

sdonyaya. Hehan Jesus, Tahinea mitawa kin wo wicaqu wo, eciya.

18 Wowicake, wowicake on heciciya; Koniska qehan niye cinka ipiyag yeton qa tokiya yacin eca ekta da ece, tuka tohan winicahinea kinhan wicašta tokeca wan ekta nape yeyakiye kta, kinhan ipiyag nicaŋon qa tokiya yacin šni ešta ekta aniye kta ce, eya.

19 Wiconŋe tukte e on Wakan-tanka yutan kta e he kiciyaotan-in kta heon hecen eya. Hecen eye cin hehan, Miyahna u wo, eciya.

20 Hehan Inyan hakikta, qa waonspekiyapi wan Jesus iyo-tan kidake ciqon hee wicihektam u e wanyaka, hŋayetu wotapi icunhan maku kin ipahin wanke ɕa, Itancan, tuwe e wi-yopeniye kta he, eye ciqon hee.

21 Inyan he wanyaka unkan Jesus heciya, Itancan, de iŋ taku e akiye kta he.

22 Ake tohan wahi kte cin hehanyan decen un kta wacin ešta, he etanhan initokeca he; niye miyahna u wo, Jesus eciya.

23 Heon etanhan wicoie kin de hunkawanjinkiciyapi kin wicehna iyaya; waonspekiyapi kin de ɥe kte šni, eyapi kin. Tuka Jesus, He ɥe kte šni ce, eciye šni; tuka, Wahi kte cin hehanyan decen un kta, wacin ešta, he etanhan initokeca he.

24 Taku kin hena waonspekiyapi kin he yaotanin qa wowapi en kaga; qa taku yaotanin kin he wowicake kin e sdonunyanpi.

25 Nakun taku ota Jesus econ, tuka nakun hena owasin otoiyohi kagapi ešta, oyate hiyeye cin wowapi kagapi kte cin he yuha-pi kta epce šni. Amen.

YEWICAŠIPI KIN

OĤANYANPI QON.

WICOWOYAKE 1.

1 Theophile, wicoie tokaheya wakage cin he en Jesus tokaheya taku econ qa waonspekiye cin *omdaka*;

2 Tona wicakahnige ɕa yewicašiqon hena Woniya Wakan kin eciyatanhan wahokonwicakiye cin iyohakam, anpetu wan en wankan eyakupi kin hehanyan.

3 Iye kakije cin iyohakam hena ece en ni un taniniɕiya, woyuo-tanin ota on, anpetu wikcemna topa hehanyan wanyagiɕiya, qa Wakantanka tokiconze taku tawa kin ɕajehdata ece;

4 Qa mniciyapi kin en owicapeya un qehan, Jerusalem etanhan ye šni wicašiqon he ayeapi kin wahowicaye ciqon he apepi kta; He miye eciyatanhan nayahonpi ce;

5 Awicakehan Johannes mini on baptem wicaqu, tuka tokata anpetu tonana ihan, hehan Woniya Wakan on baptem niɕupi kta ce, eya.

6 Unkan hena witaya yukanpi hehan, Itancan, wanna dehantu Israel *oyate* wokiconze kin piya wicayaqu kta he, eya iwangapi.

7 Unkan hewicakiya; Tohan-yan qa tohantu kin, Ate iye to-

waśake kin en ekihnake cin he-
na sdonyayapi kta iyecece śni ;

8 Tuka Woniya Wakan kin en
nihipi kinhan, wowasake duhapi
kta ; hehan Jerusalem en, qa Ju-
da makoce kin owancaya, qa Sa-
maria qa maka ihanke kin he-
hanyan mayadaotaninpi kta ce.

9 Unkan hena hecen eye ça,
wanhdakapi icunhan, yuwankan
icupi ; qa wanyakapi kin etan-
han mahpiya śapa wan eyaku.

10 Unkan he wankan iyaye cin,
mahpiya ekta etonwan yukanpi
kin he icunhan, iho, wicaśta nom
ska ihduzapi en wicikiyadan na-
jinpi ;

11 Qa, Galile wicaśta, tokeca e
mahpiya ekta etonwan nayajinpi
he. Jesus e qe niyepi etanhan
mahpiya ekta eyakupi kin, he
mahpiya ekta wankan iyaya
wandakapi kin he iyecen ake u
kta, ewicakiyapi.

12 Hehan Oliwe paha eciyapi
kin hetanhan Jerusalem ekta ici-
cawin hdapi ; he Jerusalem iki-
yedan, anpetu wakan oicimani
wanji ecetu.

13 En hdipi qa wankan tipi
wanji tin iyayapi qa hen iyukan-
pi, Inyan, qa Jakob, qa Johannes,
qa Andrew, Philip, qa Thomas,
Bartholomew, qa Mattheos, Ja-
kob Alpheus cinhintku, qa Si-
mon Zelotes, qa Judas Jakob
sunkaku :

14 Hena owasin tawacin wan-
jidan wocekiye eyapi qa kida
yukanpi, winohinca kin hena
om, qa Mary Jesus hunku, qa iye
hunkawanjinwicaye cin hena
koya.

15 Unkan anpetu kin hena en
Inyan ookiye unpi kin wicaco-
kaya najin, (wicacaje owasin
opawinge sanpa wikcemna nom
wicayawapi ;)

16 Qa heya ; Wicaśta hunka-

wanjinciayapi, Judas tona Jesus
iyahpayapi qon en mdetahunka
kin he on, ehanna Woniya Wa-
kan, Dawid i kin eciyatanhan, ie
ciqon, wowapi en kagapi kin, he
ecetuyapi kta hunšte.

17 He iye unkiyopeyapi yawa-
pi, qa wicohtani kin de en opa
tuka.

18 Unkan wicaśta kin he wo-
htani iyunwin kin maga wan iyo-
pekiye ça, ehna makata ihpaye,
unkan tancan kin kamdas ihpaye
ça, śupe kin owasin tankan hiyu.

19 Tona Jerusalem en yakonpi
sa owasin he sdonyapi ; qa heon
maga kin he iye iapi kin eciya-
tanhan, Akeldama eciyapi, he
We maga, eyapi.

20 Odowan wowapi kin en ka-
ken kagapi ; He tukten ti qon
hewoskan yanke ça, tuwedan
ohna ti śni nunwe ; qa, Awan-
hdakapi wicohan yuhe ciqon he
tuwe tokeca icu kta.

21 Heon etanhan wicaśta kin
dena ohinniyan om unyakonpi,
Jesus Itancan kin unkopapi, ti
mahen i, qa tankan ye cin,

22 Tokaheya Johannes baptem
wicaqu qon hetanhan, anpetu
kin en unkiyepi etanhan wankan
eyakupi kin hehanyan, hena
etanhan, piya ikicage cin, wanji
unkiyoheyapi oyaka ece e kta,
eya.

23 Unkan nom najinwicakiya-
pi, Joseph Barsabas eciyapi, he,
Owotanna, eya caśtonpi, qa Mat-
thias.

24 Hehan cekiyapi qa heyapi ;
Itancan niye wicacante owasin
sdonya nanka, wicaśta kin dena
unma tukte yakalnige cin he
yutanin wo ;

25 Ookiye wicohan qa yewica-
śipi kin de en ope kta, Judas iye
oyanke tawa kin ekta hde kta e
etanhan hinhpaye cin he.

26 Hehan woohiye ehpekiyapi, unkan woohiye kin Matthias ahinhpaya; qa hecen yewicasipi akewanjipidan kin owicapeya yawapi.

WICOWOYAKE 2.

1 Anpetu iwikcemna zaptan kin wanna iyehantu, unkan owasin tawacin wanjidan witaya yukanpi.

2 Hehan ihnuhanna, tate wan wasagya uye cin he iyecen, oqo wan mahpiya kin eciyatanhan hiyu, qa tipi ohna yukanpi kin ocowasin ojudan.

3 Unkan wicaceji, peta se ececa, en wicatanin, qa otoiyohi kici-pamnipi kin en awicahan.

4 Unkan owasin Woniya Wakan kin on ojupidan qa wicaceji toktokeca on iapi, Woniya Wakan ie wicakiye cin he iyecen.

5 He chan wicašta owotanna Juda wicašta kin hecapi, mahpiya ihukuya oyate hiyeye cin etanhan Jerusalem en tipi.

6 Wicaho kin de otanin, unkan wicota en mniciyapi qa inihanpi, otoiyohi iye iapi tawapi kin on, hena ia yukanpi he nakihonpi kin heon.

7 Owasin inihanpi qa yušinya-yapi qa otoiyohi hekiciyapi; Tona ia yukanpi kin hena owasin Galile wicašta kin hecapi šni he.

8 Token on otoiyohi iapi kin yuha untonpi kin hena ia nawic-unhonpi he.

9 Parthe qa Mede qa Elamite, qa Mesopotamia en tipi qon, Juda makoce kin en, qa Kappadokia en, Pontos qa Asia en;

10 Phrugia qa Pamphulia en, Egiptu qa Libue makoce kin en, Kurene ihdukšan, Roma oyate kin etanhan, Juda wicašta, qa en opewicakiyapi qon,

11 Krete qa Arabe kin heun-

capi, Wakantanka taku tanka econ kin, unkiye unkiapi kin eciyatanhan, hena ia oyakapi kin naunhonpi ce, eyapi.

12 Owasin inihanpi, qa yušinyayapi, qa otoiyohi hekiciyapi; De taku kapi hwo.

13 Qa wanjiksi ihañapi qa; Dena miniša skuya on imnanpi ce, eyapi.

14 Tuka Inyan ake wanjipidan kin om najin, ho yuwankan icu, qa hewicakiya; Juda wicašta, tona Jerusalem en dukanpi ko, owasin he de sdonyapi, qa mioie kin anagoptan po.

15 Niye hecannipi kin hecetu šni, wanna anpetu kin en yamni ape cin hehantu, heon wicašta kin dena witkopi šni.

16 Tuka Joel wicašta wokcan oyake cizon he dee.

17 Unkan anpetu ihankeya kin en, (Wakantanka eya,) mitaniya kin wicacehpi owasin awicawakaštan kta; unkan nicinkšipi nicunkšipi ko wokcanpi kta, qa koška nitawapi kin wowanyake kin wanyakapi kta, qa wicahinca nitawapi kin wowihamde ibamnanpi kta ce.

18 Anpetu kin hena en wicašta taokiye, qa winyan taokiye mitawa kin, hena en mitaniya awicawakaštan kta, qa hena e wokcanpi kta.

19 Unkan wankan mahpiya kin ekta taku on yušinyayapi wicawaqu kta, qa kuya maka kin akan wowapctokeca kin, we qa peta qa šotoju.

20 Itancan taanpetu tanka woinihan kin he hi šni itokam, anpetu wi kin otpaza icu kta, qa hanyetu wi kin is we icage kta.

21 Unkan hehan tuwe Itancan caje kin hoyekiye cinhan he ni-kiyapi kta ce.

22 Israel wicašta, wicoie kin de nahon po; Jesus Nazareth etanhan qon, wicašta wan niyepi kin ekta, Wakantanka hdu-tanin qon, wicowaśake, taku on inihanpi, qa wowapetokeca niyepi cokaya Wakantanka econ kiye ciqon hena e niye sdonya-yapi.

23 He qe Wakantanka atayedan wakiconze ça, iye osdonye kin eciyatanhan qupi qon, he iyacupi, qa nape śiksica on icipaweñ oyakatanpi, qa yaktepi.

24 Hee Wakantanka ekicetu ye ça, wiconțe icaśke kin kiyuśka, en yuhapi kta okihipica śni nakaes.

25 Dawid he ke ça, kaken eya; Ohinnian mitokam Jehowa wanmdaka, mietapa kin ekta yanke, heon pahoho śni waun kta.

26 Heon micante kin iyuśkin, qa miceji kin ipsica; qa micelipi kin woape en wanke kta.

27 Minagi kin he hades ekta elhpemayakiye śni, qa Wanji Wakan nitawa kin he wicalhwin wanyake kta e on yaqu kte śni.

28 Wiconi canku kin sdonye mayaye kta; qa niite kin etanhan wowiyuśkin on imnamaya-ye kta.

29 Wicašta hunka wanjinci-yapi, Dawid hunkakeyapi un kin he eciyatanhan taninyan ociciyakapi kta; he te ça hapi, qa anpetu kin dehanyan ohna hnakapi kin unkipi wanka.

30 He wicašta wokcan kin heca, qa Wakantanka wokonze on konza, wicacelipi eciyatanhan iye tancan aicage kte cin he etanhan Messiya, iye oiyotan-ke kin akan iyotanke kta e icaliy-ye kta he sdonya.

31 Hecen tokaheya tanhan he wanyake ça Messiya ekicetuya-

pi kin he cajeyata, nagi kin hades ekta elhpekiyapi kte śni, qa celipi kin wicalhwin wanyake kte śni.

32 Jesus iye qe Wakantanka ekicetuye cin he unkiyepi owa-sin unyaotaninpi ece.

33 He Wakantanka etapa kin ekta yuwankan icupi, qa Atkuku kin Woniya Wakan iwahoye ci-qon he icu, heon nakaha taku wandakapi qa nayañonpi kin he akaśtan.

34 Dawid e qe malhipiya ekta wankan iyaye śni, tuka kaken eya; Jehowa Itancan mitawa kin kaken eciya, Mietapa kin eciyatanhan iyotanka wo,

35 Tona toka niye cin hena nisiha oahe kin ewahnake kte cin hehanyan.

36 Heon etanhan, Israel tiyohnaa owasin, de tanyan sdonya wo, Jesus icipaweñ oyakatanpi qon. hee Wakantanka Itancan qa Messiya kaga ce.

37 He nahonpi unkan cante kin ekta iyoyakapi, qa Inyan qa yewicaśipi unmapi kin om, Wicašta hunkawanjin unniyanpi to-ken econkupi kta he, ewicaki-yapi.

38 Hehan Inyan hewicakiya; Ihducetuo po, qa woalitani nica-jujupi kta e on Jesus Messiya caje kin on baptem niçupi kta; kinhan Woniya Wakan itunici-hanpi kin he iyacupi kta.

39 Wahoyapi kin de niye nitawapi, qa nicincapi, qa tona itehanyan yukanpi kin owasin, tona Itancan unkita Wakantan-kapi kin wicakico kte cin hena tawapi ce, eya.

40 Qa wicoie tokeca ota on wicakiyatanin, qa wahokonwi-cakiye ça heya; Wicoicage śice cin de etanhan niçiya po.

41 Unkan tona oie kin iyuśkin-

yan icupi kin hena baptem wicaqupi; hecen anpetu kin he en wicanagi kektopawinge yamni en opapi.

42 Qa yewicašipi kin taku onspewicakiyapi kin en katinyan opapi ece, qa om taku yuhapi, aguyapi kiyušpapi qa wocekiye eyapi kin en ece unpi.

43 Unkan wicašta owasin nina yušinyayapi; unkan yewicašipi kin taku wakanyan econpi qa wowapetokeca ota econpi ece.

44 Unkan tona wicadapi kin hena owasin witaya yukanpi, qa taku owasin ptaya yuhapi.

45 Qa tona maga qa woyuha yuhapi kin hena e wiyopekiyapi, qa otoiyohi cinpi kin iyecen owasin wicakipamnpi.

46 Qa anpetu otoiyohi, tawacin wanjidan, tipi wakan kin ohna yukanpi, qa tipi iyaza aguyapi kiyušpapi, wowiyuškin can-te okonwanjidan ko yuha taku yutapi icupi.

47 Wakantanka yatanpi, qa oyate kin owasin en wowaste yuhapi. Unkan Itancan kin tonapi kte cin heca, anpetu otoiyohi, okodakiciye kin en ope wicakiya.

WICOWOYAKE 3.

1 Unkan hehan Inyan qa Johannes kici, tipi wakan kin ekta kaitawankanhde yapi, napcinwanka ape cin, wocekiye eyapi ece kin hehantu.

2 Unkan wicašta wan tonpi kin ehantanhan hušte un kin he yuha ahipi, anpetu otoiyohi tipi wakan tiyopa wan, Wašte eciyapi kin he en ehdepi, tona tipi wakan tin yapi kte cin hena taku wicakida kte cin heon.

3 Hee Inyan Johannes kici tipi wakan kin timahen yapi kta

wanwicayake ça, taku wicakida.

4 Unkan Inyan opahta, qa Johannes kici, qa, Ekta unkatonwan po, eya.

5 Taku okini kta kecin qa hecen anawicagoptan yanka.

6 Hehan Inyan; Mazaska mazaskazi ko takudan mduhe šni, tuka taku mduhe cin ciu kta, Jesus Messiya Nazareth etanhan, he caje on najin, qa mani wo, eciya.

7 Qa nape etapa kin en yuze ça najin kiya; unkan ihnuhanna siha iškahu ko wašag hinnda.

8 Hehan iye kin psin iyaye ça najin, qa mani, qa om tipi wakan kin timahen iyaya, mani, qa psipsica, qa Wakantanka idowan.

9 He mani qa Wakantanka idowan kin oyate kin iyulpa wanyakapi;

10 Qa wicašta tipi wakan, tiyopa Wašte eciyapi, kin en hiyotanke ça taku da ece qon he dee sdonyapi; qa taku ecakiconpi kin on etanhan nina inihanpi, qa yušinyayapi.

11 Unkan, wicašta hušte qon wanna okizi kin he Inyan Johannes kici wicayus najin, hena en oyate owasin kiwitaya inyang iheyapi, qa nina yušinyayapi, omanipi Solomon tawa kin hetu.

12 Unkan Inyan he wanyake cehan, oyate kin hewicakiya; Israel wicašta, tokeca he on niyušinyayapi, qa tokeca opaunhtapi nayajinpi he; unkiye wowasake qa wowaste unhduhapi kin heon wicašta kin de mani unyanpi *kecanunyakini* seca.

13 Abraham, qa Isaak, qa Jakob Wakantanka tawapi; hunlake wicunyanpi Wakantanka tawapi kin he Cinhintku Jesus wanna hdutan; he niyepi e wi-

cayaqupi, qa Pilate itokam ya-
kipajinpi, he iye kiyuške kte
hinca tuka.

14 Tuka Wanji Wakan qa
Owotanna un kin he niye yaki-
pajinpi, qa wicakte sa wan ki-
yusłapi yacini.

15 Qa Wiconi Itancan kin he
yaktepi; he qe Wakantanka
wicate cin etanhan najinkiye
cin unkiye unkoyakapi ece.

16 Qa iye caje kin, caje wica-
dapi kin heon, wicašta kin de
wandakapi qa sdonayapi kin he
yuwaśaka; han, iye wacinyan-
pi kin he wicašta kin de tanyan
okiziya, niyepi owasin en.

17 Unkan nakaha mihunka-
wanji, iyukean śni hecanonpi,
qa wicašta itancan wicaduhapi
kin hena nakun, he sdonwaya.

18 Tuka Wakantanka Messiya
token kakiye kte cin, wicašta
wokcan kin owasin i kin eciya-
tanhan, oyake ciqon hena he en
hduacetu.

19 Heon ihduacetupi, qa ihdu-
homni po; hecen wayahtanipi
kin nicicajupipi kta ce; tohan
anpetu yuecetupi kin Itancan
itohnake kin eciyatanhan u kin-
han;

20 Qa Jesus Messiya oniciya-
kapi qon he uśi kta.

21 He qe małpiya kin ekta
eyakupi kta, taku owasin ekice-
tuyapi kta anpetu kin hehanyan,
Wakantanka maka icage cin he-
tanhan wicašta wokcan wakan
wicahduhe cin owasin i kin eci-
yatanhan oyake ciqon hee.

22 Moses iye qe hunkakeyapi
kin hewicakiya; Nihunkawan-
jipi kin etanhan wicašta wo-
kcan wanji, miye iyemaceca,
Jehowa Wakantanka nitawapi
kin icalniciciyapi kta; he taku
eniciyapi kte cin owasin anaya-
goptanpi kta.

23 Qa wicanagi otoiyohi, wi-
cašta wokcan kin he anagoptan
śni kinhan, he oyate kin etan-
han ihangyapi kta ce.

24 Unkan wicašta wokcan owa-
sin, Samuel hetanhan, tona iyo-
hakam woyakapi qon anpetu kin
dena cajeyatapi.

25 Wicašta wokcan cincapi
kin he niyepi, qa wicoun Wa-
kantanka hunkake wicunyanpi
wicakicage ciqon, he qe Abra-
ham heciya; Unkan nicinca kin
on etanhan wicowazi maka akan
un kin owasin yawaštepi kta ce.

26 Wakantanka iye Cinhintku
Jesus najinkiye qa niyawaste-
pi kta e on niyepi tokaheya en u
śi, otoiyohi wayahtanipi kin
etanhan ihduhomni niyanpi kta
e heon.

WICOWOYAKE 4.

1 Unkan hena hecen oyate kin
ewicakiyapi kin icunhan, wośna
kagapi; qa tipi wakan en itancan
kin, Saddukee ko en wicahipi;

2 Oyate kin waonspewicaki-
yapi, qa Jesus eciyatanhan wi-
conte etanhan woekicetu kin he
oyakapi kin heon śihdapi;

3 Qa nape on iyawicalipayapi,
qa wicakaśka tipi kin en iyewi-
cayapi, ihanhanna kte cin he-
hanyan; wanna htayetu nakaes.

4 Tuka wicoie nahonpi qon
hena wicota wicadapi; unkan
wicašta kektopawinge zaptan
ecetu.

5 Unkan ihanhanna hehan, wi-
cašta itancanpi, hunkawicayapi
kin, wowapi kagapi ko;

6 Qa Annas wośna kagapi itan-
can, qa Kaiaphas, qa Johannes,
qa Aleksandros, qa tona wośna
kagapi itancan takuwicaye cin
hena koya Jerusalem en mnici-
yapi.

7 Unkan wicacokaya ewica-

hdepi, qa wiwicawangapi : Taku wowaśake, qa tuwe caje kin on hecanonpi he, eyapi.

8 Hehan Inyan Woniya Wakan on ojudan, hecen ewicakiya ; Oyate en wicaśta itancanpi, qa Israel hunkawicayapi kin ;

9 Anpetu kin de wicaśta huśte qon tanyan ecakiconpi, qa token on okizi kin, he on wiunyanun-gapi hecinhan :

10 Niyepi owasin, qa Israel oyate kin owasin de sdonya po, Jesus Messiya Nazareth etanhan. icipaweñ oyakatanpi qon, Wakantanka wicaśe cin etanhan ekicetuye cin. he caje on wicaśta kin de nitokam okizi najin.

11 Inyan kin de ticagapi yaunpi kin ayaktapi śni, tuka he oise en itancan kin ee.

12 Qa tuwe tokeca eciyatanhan wanikiyapi kin yuke śni ; qa wicacaje tokeca mañpiya kin ihukuya wicaśta wicaqupi, on unnipi kte cin wanica ce.

13 Unkan Inyan qa Johannes waditakapi kin he wanyakapi, qa taku ota onspeiciciyapi śni qa wicaśta ikceka kin hecapi e sdonyapi qehan, nina yuśinyayapi, qa hena Jesus kici unpi qon he iwicayukeanpi.

14 Qa wicaśta okiziyapi qon he wiciyopeya najin wanyakapi : unkan taku awicayuptapi kte cin takudan yuhapi śni.

15 Tuka omniciye kin etanhan tankan ye wicaśipi. hehan he akiiapi ;

16 Qa iyakitedan hekiciyapi ; Wicaśta kin dena token ecawicunkiconpi kta hwo ; wowape-tokeca tanka kin de econpi kin he tona Jerusalem en yakonpi kin owasin sdonyapi, qa anaunhmanpi kta unkokihipi śni.

17 Tuka he oyate kin en ana-

ptapi kta e heon nina wakokipe wicunkicagapi kta, qa caje kin de on tohinni wicaśta wowicakiyakapi kte śni, *unkeyapi* kta ce.

18 Unkan hehan wicakicopi, qa Jesus caje kin on takudan ie śni, qa waonspekiye śni wicaśipi.

19 Tuka Inyan Johannes kici awicayuptapi qa heyapi ; Wakantanka itokam, niyepi anaunigoptanpi kta, qa iś Wakantanka anaungoptanpi kta, unma tukte owotanna kin, niś iyukcan po.

20 Taku sdonunyanpi qa naunhonpi qon hena oyake śni unyakonpi kta e unkokihipi śni.

21 Hehan ake wakokipe wicakicagapi tamwicakiyapi, qa hde wicaśipi, taku on taku iyawicaponpi kta takudan iyeyapi śni, oyate kin on etanhan : taku econpi kin heon owasin Wakantanka yatanpi.

22 Wicaśta wookizi wowape-tokeca kin he en econpi qon he wanna waniyetu wikkemna topa sam iyeya.

23 Unkan kihdewicayapi, hehan iye takodawicayapi kin ekta hdapi, qa wośna kagapi, hunkawicayapi kin ko, taku token ewicakiyapi qon owasin ohdakapi.

24 Unkan hena nañonpi qehan, witaya Wakantanka hoyekiyapi qa heyapi ; Itancan Wakantanka he niye, mañpiya, maka, miniwanca qa taku ohnaka ko owasin yakaga.

25 Dawid nitaokiye kin i kin eciyatanhan kaken ehe cin ; Tokeca e Ikcewicacāta kin oqoyapi, qa oyate kin taku ecinśniyan yukeanpi he.

26 Maka wicaśtayatapi kin nañin hiyaye ça, wicaśta itancanpi kin witaya mniciyapi, Itancan

kin en, qa Sdakiye ciquon he nakun.

27 Awicakehan Jesus Nicinksi wakan sdayakiye ciquon he en, Herod, qa Pontiyos Pilate, Ikcewicašta, Israel oyate ko mniciyapi;

28 Ehanna taku, ninape nitawacin ko on, econ yakonze ciquon, he ecen econpi kta heon etanhan.

29 Unkan nakaha, Itancan, token wakokipe unkcagapi kta tamunkiyapi kin he wanyaka wo; qa nitaokiye kin nioie nina waditagya oyakapi kta e wicaqu wo;

30 Wawokiziya on ninape kin yahdugate cin heon; qa Jesus Nicinksi wakan caje kin on taku wapetokeca, qa on yušinyayapi kte cin hena econpi kta.

31 Unkan wocekiye eyapi, hehan tukten witaya yukanpi kin he yuhuhuzapi, qa owasin Woniya Wakan kin on ojupidan, qa Wakantanka oie kin waditagya oyakapi.

32 Unkan wicota wicadapi kin hena wicacante wanjidan wicanagi wanjidan ko yuhapi; qa taku tonpi kin tuwedan, De mitawa ce, eye šni; tuka taku owasin witaya yuhapi.

33 Unkan yewicašipi kin hena wowašake tanka on Jesus Itancan piya ikicage cin he oyakapi; unkan wowašte tanka owasin en un.

34 Unkan hena tuwedan takudan icakije šni unpi: tuka tona maga, qa tipi yuhapi qon hena wiyopekiyapi, qa taku wiyopeyapi kin on taku icupi kin he ahipi,

35 Qa yewicašipi kin siha hdepiki kin en ehnakapi: unkan wicašta otioyohi taku token cinpi kin hecen pamni wicaqupi ece.

36 Unkan Josés, he yewicašipi kin Barnabas, eya cajeyatapi qon, Wicakicanpte cinhintku kin, eyapi kin he kapi, Lewi wicowazi qa Kupros makoce kin etanhan;

37 Hee makoce onšpa hduhe cin wiyopekiye ça mazaska kin hdohi, qa yewicašipi siha hdepi kin en ehnaka.

WICOWOYAKE 5.

1 Tuka wicašta wan Ananias eciyapi, tawicu Sapphira kici, maga wan wiyopekiya;

2 Qa mazaska apa anakihbe, tawicu kin is nakun sdotkiya; unkan apa ahi, qa yewicašipi kin sihapi kin en ehnaka.

3 Tuka Inyan heciya; Ananias, tokeca e Woniya Wakan kin oiyaton kte šni e Satan nicante kin en ocowasin iyohpaya, qa maga iyoheyapi kin apa anayakihman he;

4 Nahahin ecen un qon he ehan yahduhe šni he; qa wiyopekiyapi kin he ehan nakun nitawa šni he. Tokeca nicante ekta hecen econ wacani he. Wicašta akantu kin hee šni, tuka Wakantanka en iyatonšni ce.

5 Unkan Ananias hena oie kin nahon qehan, hinhpaye ça ta iyaya. Unkan tona hena taku kin nahonpi kin owasin nina wikipapi.

6 Unkan koška kin najinpi, qa opazuntapi, qa tankan ayapi, qa hapi.

7 He iyohakam wihiyayedan oape yamni, hehan tawicu kin taku econpi qon sdonye šni ecen tin hiyu.

8 Unkan Inyan heciya; Kana on maga iyoheyakiyapi he, omakiyaka wo. Unkan is; Han, kana on, eya.

OHANYANPI QON.

9 Unkan Inyan; Token on sakim Itancan Taniya kin iyutanyayapi kta ecen wacinduzapi he. Wanyaka wo, tona nihina hapi kin hena sihapi kin tiyopa kin en najinpi, qa niye nakun tankan aniyampi kta, eciya.

10 Hehan is eya hecehnana iye siha kin ekta hinhipaye ca ta iyaya. Unkan koskapi qon en hijupi, qa wanna ta e wanyakapi, hehan is eya tankan ayapi, qa bihnaku kin kici hapi.

11 Unkan okodakiciye kin owasin, qa tona hena taku kin nahonpi owasin nina wikopapi.

12 Unkan yewicasipi kin napepi kin on oyate kin en wowinihan wicohan qa wowapetokeca ota econpi. Unkan owasin wicacante wanjidan yuha Solomon omanipi tawa kin ohna yunkanpi.

13 Qa wicasta tokeca tuwedan en owicapa okihi sni, tuka oyate kin wicakinihanpi.

14 Qa tona wicadapi kin sanpa ota Itancan kin en opapi, wicawinyan ko wicota.

15 Hecen tona wicayazan kin hena tankan awicaupi, qa canku otioyohi ohna, ohehdepi qa owinja ko akan ahiwicahnakapi, Inyan hen hiyaye cinhan hunh ohanzi wicaye kte cin heon.

16 Unkan, otonwe itan ihdukšan kin hena etanhan wicota Jerusalem en hipi, qa tona wayazanpi, tona taku wakan sica wicayuhnaškinyanpi ko en awicahipi; unkan owasin asnipi.

17 Hehan wošna kagapi itancan kin najin hiyaye ca, tona om un kin, Saddukee wicowazi kin etanhanpi, hena winawizipi on ojupidan;

18 Qa nape on yewicasipi kin iyawicahpayapi, qa wicakaška

tipi ikceka kin ohna ewicahnakapi.

19 Tuka Itancan taohnihde ye cin he hanyen wicakaška tipi tiyopa kin yuzamni, qa tankan awicau qa heya;

20 Hunktiya po, tipi wakan kin ohna inajinpi qa wiconi kin de wicoie kin owasin oyate kin owicakiyaka po.

21 He nahonpi, unkan hanhanan hin tipi wakan kin timahen yapi, qa wowicakiyakapi. Hehan wošna kagapi itancan, qa tona om un kin hena witaya iheyapi, qa omniciye tanka kin mniciye wicası, Israel cinca hunkawicayapi kin owasin koya; unkan wicakaška tipi kin ekta wicahuweye wicasipi.

22 Tuka akicita kin wicakaška tipi kin en hipi, qa iyewicayapi sni, hehan hoši hdapi;

23 Qa heyapi; Awicakehan wicakaška tipi kin sutaya onatakapi ecen iyeunyaupi, qa tiawanyag wicakiyapi kin tiyopa kin itokam najinpi; tuka unyuhdokapi qehan, tuwedan en wanunyakapi sni.

24 Unkan wošna kagapi itancan, qa tipi wakan en itancan kin, wošna kagapi kin hena koya, hena wicoie kin nahonpi qehan, he toketu kta hecinhan iyukeanpi sni.

25 Hehan wanji en hi qa; Iho, wicasta wicakaška tipi kin en ewicayahnakapi qon hena tipi wakan kin ohna inajinpi qa oyate kin waonspewicakiyapi ce, eya owicakiyaka.

26 Hehan akicita tancan kin akicita ko ekta yapi qa iwaštedan awicaupi, oyate kin inyan on wicakininpi kta e kokipapi leon etanhan.

27 En awicahipi qa omniciye kin wicacokaya najin wicakiya-

pi; unkan wošna kagapi itancan kin wiwicawanga,

28 Qa heya; Wicacaje kin de on wowicayakidakapi kte šni, nina unkeniciyapi šni he; unkan iho, woonspe nitawapi kin on Jerusalem ojudan yayapi, qa wicašta kin de we kin en unkayau-pi kta wacannipi.

29 Hehan Inyan, yewicašipi kin om, awicayupte ça heya; Wicašta akantu hee šni, tuka Wakantanka hee e anaungo-ptanpi kta iyececa.

30 Jesus yaktepi qa can akan otkeyayapi qon he atewicunyan-pi ta Wakantankapi kin hduece-tu :

31 Hee kin Wakantanka wan-kan ehdaku, iye nape etapa kin ekta Itancan qa Wanikiya un kta, Israel ihduecetupi qa woa-htani kajujupi kin wicaqu kta e heon.

32 Unkan unkiye, iye on, wi-coie kin hena unkoyakapi ece, qa Woniya Wakan tona Wakan-tanka anagoptanpi wicaqu kin, he is eya hena yuotanin ece.

33 He nañonpi qehan cante-ptanyanpi, qa țewicayapi kta e akiiapi.

34 Hehan Pharisee wan Gama-liel eciyapi, wope waonspekiya, qa oyate kin en okinihan, he om-niciye kin en najin, qa yewicašipi kin cistiyedan tankan aye wi-caši :

35 Qa hehan hewicakiya; Is-rael wicašta, wicašta kin dena taku ecawicakicon wacannipi kin he itonpa po.

36 Anpetu kin dena itokam Thudas icaga, he taku wicašta keičiya; unkan wicašta opawin-ge topa ecetu ihakam yapi; tu-ka he iye ktepi, qa tona wicada-pi qon owasin enanakiya iyewi-cayapi qa takuni šni aya.

37 Qa he iyohakam Judas Gal-ile etanhan, owicawapi anpetu kin he ehan inajin, qa oyate ota ihakamawicaya; he nakuu ihang-yapi, qa tona wicadapi qon owa-sin enanakiya eyaya.

38 Heon nakaha heciciyapi; Wicašta kin dena wiciheyata najinpi, qa awicayušan po; wo-konze qa wicohan kin de wica-šta akantu kin etanhan hecinhan atakuni kte šni;

39 Tuka Wakantanka eciyatan-han un kinahan, yujuju oyakihi-pi šni; okinni Wakantanka kici yeciza dukanpi kta naceca, eya.

40 Unkan he anagoptanpi, qa yewicašipi kin wicakipanpi, qa wicakapsinpsintapi qehan, Jesus caje kin on woyake šni wicašipi, qa wicakiyuškapi.

41 Unkan iye omniciye kin etanhan hdapi, qa *Jesus* caje kin on wowištece en awicaupi iye-ceca wicayawapi kin heon wi-yuškinpi.

42 Qa anpetu otoiyo hi tipi wa-kan kin ohna, qa tipi iyaza wa-hokonwicakiyapi, qa Jesus Mes-siya oyakapi ayašanpi šni.

WICOWOYAKE 6.

1 Unkan anpetu kin hena en, waonspewicakiyapi kin wanna wicota aya qehan, Helenes He-brew oyate kin wicabapi, anpe-tu otoiyo hi wapamnipi kin en wiwazica wicayuhapi kin hena awicatonwanpi šni kin heon etan-han.

2 Hehan akenonpapi kin waon-spewicakiyapi kin owasin wica-kicopi qa hewicakiyapi; Wa-kantanka oie kin unkayušanpi, qa wahna wotapi wiyeya eun-hnakapi kte cin hecetu šni.

3 Heon hunkawanjin unniyanpi enitanhanpi wicašta owotanna

yawapi, qa Woniya Wakan wicoksape ko on ojupidan šakowin wicakahniga po, wicoħan kin de yuhe wicunkiyapi kta.

4 Tuka unkiye qe cekiyapi qa wicoie oyakapi kin en ohinniyan ye unkičiyapi kta ce.

5 Unkan wicoie kin he oyate kin owasin iyokipipi; qa Stephanos, wicašta wan wacinyanpi Woniya Wakan ko ojudan, kin he kahniġapi, qa Philip, qa Procoros, qa Nikanor, qa Timon, qa Parmenas, qa Nikolas Antiyoka ekta en opekiyapi qon.

6 Hena yewicašipi kin wicacokaya ewicahdepi; unkan wocekiye eyapi, hehan nape on awicaputakapi.

7 Unkan Wakantanka oie kin icage ča Jerusalem en waonspewicakiyapi kin nina ota aya; qa wošna kagapi kin ota nakun wacinyanpi kin en opapi.

8 Unkan Stephanos wowacinye wowašake ko on ojudan, taku on yušinyayapi, qa wapetokeca tanka econ, oyate kin en.

9 Unkan wicašta wanjikji omniciye tipi wan, Wicakiyuškapi tawapi eciyapi kin hetanhan, qa Kurene qa Aleksandre wicašta kin, qa Kilikia qa Asia etanhanpi, hena en inajinpi qa Stephanos kici hdokinicapi.

10 Tuka Woksape Woniya ko on ie cin he okihipi šni.

11 Hehan wicašta opewicatongi, unkan hena e, Wicašta kin de Moses qa Wakantanka nakun wicoie šica ewicakiya, naunħionpi ce, eyapi.

12 Hecen oyate kin, qa hunkawicayapi, wowapi kagapi ko iyo-wicapastakapi; unkan anatanhipi, qa yuzapi, qa omniciye kin en ahipi.

13 Qa oitonšni waayatanin kin heca najin wicakiyapi; hena iš

heyapi; Wicašta kin de tipi wakan kin de wicoope ko on taku šica eye cin ayaštan šni.

14 Jesus Nazareth etanhan qon he tipi kin de ihangye ča, wicoħan Moses unqupi qon hena yutokeca kta ce, eya naunħionpi ce.

15 Unkan omniciye kin en iyo-tankapi kin owasin opahita yukanpi, qa ite kin he mahpiya ohnihde wan ite kin iyececa wanyakapi.

WICOWOYAKE 7.

1 Hehan wošna kagapi itancan kin heya; Hena hecetu he.

2 Unkan iye heban heya; Wicašta hunkawanjinciyapi, ateci-yapi ko anamagoptan po. Wowan Wakantanka kin, Abraham ateunyanpi Mesopotamia en ounye cigon, Carran en abiti kin he itokam, en ikpazo;

3 Qa heciya; Nita makoce qa nitakuye kin etanhan ya wo, qa makoce wan cicipazo kte cin he ekta u wo, eciya.

4 Hehan Kaldeya makoce kin etanhan hiyu qa Carran en ahiti. Hen atkuku kin ča, unkan hetanhan makoce kin en nakaha oununyanpi kin den ahiti.

5 Unkan tawa kte cin siha oahe kin hinskokeca qu šni, tuka he yuhe kta qa iyohakam cinca kin yuhapi kta e qu kta iwahoya; nahahin cinca wanica.

6 Unkan Wakantanka kaken eya; He cinca kin makoce tokeca en unhdaka unpi kta; unkan hen wowidake wicayuhapi, qa waniyetu opawinge topa hehanyan šicaya wicakuwapi kta.

7 Qa oyate kin hena wowidag wicayuhapi kte cin he wicamdaco kta; qa he iyohakam etanhan hiyupi kta qa makoce kin

den ohomadapi kta ce, Wakan-tanka eya.

8 Hehan bakiñdayapi wicoope kin he qu. Unkan hecen Isaak cincaya, qa anpetu isahdogan hehan bakiñdaya. Isaak Jakob cincaya; qa Jakob hunkakewicayapi akenonpapi qon cin-cawicaya.

9 Unkan hunkakewicayapi qon Joseph inakiwizipi, qa Egipta ekta wiyopekiyapi. Tuka Wakantanka kici un;

10 Qa wokakije kin owasin etanhan ehdaku, qa Pharo Egipta wicaštayatapi kin itokam wowaonsida woksape ko qu; unkan Egipta en wicašta itancan kaga, qa iye ti kin ocowasin en.

11 Hehan Egipta makoce Kanan ko owancaya wicaakihan, qa nina wicakakija; unkan hunkake wicunyanpi kin taku yutapi iyeyapi šni.

12 Tuka hehan Egipta heciya wamnaheza yukan, Jakob nahon, unkan hunkake wicunyanpi kin tokaheya ekta ye wicaši.

13 Unkan inonpa hehan, Joseph hunkawanjinwicaye cin sdonkiyewicakiye, qa hehan Joseph otakuye kin Pharo en oyakapi.

14 Hehan Joseph atkuku kin wahoye qa kico, qa takuwicaye cin owasin nakun, wicanagi wikcemna šakowin sanpa zaptan.

15 Hecen Jakob Egipta ekta apamahde iyaye qa hen ta, iye qa nakun hunkake wicunyanpi kin:

16 Unkan Sucem ekta awicayapi, qa wicahnakapi wan, Abraham Sucem atkuku Emmor he cinca kin, mazaska on, opewicakicaton qon he en wicahnakapi.

17 Tuka anpetu wahoyapi, Wakantanka Abraham konza iwa-

hoye ciqon he wanna kiyadan u, hehan oyate kin icage qa Egipta en ihduotapi.

18 Hehan wicaštayatapi tokeca wan Joseph sdonye šni kin he icaga.

19 Unkan he qe takuwicunyanpi kin wicahnaye qa, hunkake wicunyanpi kin šicaya ecawicakicon, hecen hokšiyogopa kin nipi kte šni e tankan ehpewicakiyapi qon.

20 He ehan Moses tonpi, he qe hokšiyopa owanyag wašte hinca; unkan wi yamni hehanyan atkuku ti kin ohna icañkiyapi.

21 Qa tankan ehpeyapi, hehan Pharo cunwintku kin eyaku, qa iye cinca kin hecen icañya.

22 Unkan Moses Egipta oyate wicoksape kin owasin onspekiyapi, qa wicoie, wicoñan ko on wašaka.

23 Unkan wanna waniyetu wikcemna topa, hehan hunkawanjitku Israel cinca kin wanwicahdag ye kta wacinyuza.

24 Qa wanji šicaya ecakiconpi kin he wanhdake cehan, okiye qa šicaya ecakiconpi qon he tokicicon, qa Egipta wicašta kin kaštaka.

25 Hunkawanjitku kin, iye nape kin on Wakantanka wiconi wicaqu kte cin he iyucanpi kta kecin, tuka okañnigapi šni.

26 Ihanñanna hehan ake kici-zapi kin en taniničiye qa woo-kiye wicakicage kta wacin qa heya; Wicašta hunkawanjin yeci-yapi, tokeca šicaya ecaye-ciconpi he.

27 Tuka tuwe takodaku kin šicaya ecakicon kin he paha iye-ye qa, Tuwe unkiyepi en wicašta itancan qa wayaco nicaga he.

28 Egipta wicašta htanihan yakte qon he iyecen mayakte kta he, eya.

29 Wicoie kin de on Moses nape ça Madiyan makoce kin en hewotahedan un, qa hen hoksídan nom cinca wicaya.

30 Unkan wanna waniyetu wikcemna topa ihunniyan, hehan hewoskan makoce kin en Sina Paha kin hetu, can yuhaha wan ohna peta ide kin en, Itancan taohnihde wan taniniçiya.

31 Unkan Moses he wanyake cehan, wowanyake kin on yuśinyaya; qa tanyan wanyake kta e on kiyedan ya, hehan Itancan ho kin en tanin;

32 Qa, Nihunkake Wakantanka tawapi kin he miye; Abraham ta Wakantanka, Isaak ta Wakantanka, qa Jakob ta Wakantanka kin, eya. Unkan Moses cancan qa ekta etonwan okihi śni.

33 Unkan Itancan kin heciya; Nitahanpe kin hduśdoka wo, tukten nayajin kin he maka wakan ce.

34 Ekta ewatonwe ça, Egipta en mitaoyate token kakijapi kin he wanmdake ça comnihdazipi kin nawahon, qa wicawakiyuśke kta e on kun hibú; unkan nakaha u wo, Egipta ekta ye ciśi kta.

35 Moses aktapi śni qa; Tuwe wicaśta itancan qa wayaco nicaga he, eciyapi qon he Wakan-tanka wicaśta itancan wanikiya ko kage ça ye śi, małpiya ohnihde can yuhaha kin en taniniçiye cin he nape kin on.

36 Unkan hee tankan awicau, qa taku on yuśinyayapi wapetokeca ko, Egipta makoce kin en, Mde śa ekta, qa hewoskan makoce kin etu, waniyetu wikcemna topa hehanyan econ.

37 Moses Israel cinca kin; Hunkawanjin wicayayapi etanhan wicaśta wokcan wan miye

iyemaceca, Itancan Wankantanka nitawapi kin icałniciciyapi kta, he anayagoptanpi kta ce, ewicakiye ciquon he dee.

38 Qa hewoskan makoce kin ekta okodakiciye kin kici un qon hee, Sina paha kin etu, małpiya ohnihde kin okiye ça nakun hunkake wicunyanpi kin; qa he wiconi oie kin unqupi kta e icu.

39 Unkan hee kin hunkake wicunyanpi kin anagoptonpi cinpi śni, tuka heyata iyeyapi, qa can-tepi kin en Egipta ekta bdapi.

40 Qa Aaron heciyapi; Taku wakan unkitokam yapi kte cin unkičaga po; Moses Egipta makoce kin etanhan unkaupi qon he tokiya iyaya sdonunyanpi śni ce.

41 Unkan anpetu kin hena en ptejicadan wan kagapi, qa wakagapi kin he taku wakiyuśnapi, qa iye nape kagapi kin on wiyuśkinpi.

42 Hehan Wakantanka ihduhomni, qa małpiya ohnaka kin ohodapi kta e awicayuśtan; wicaśta wokcan tawowapi en kagapi kin he iyececa; Israel ti kin woteca ktepi wośnapi ko, hewoskan makoce kin en, waniyetu wikcemna topa hehanyan mayaqupi he.

43 Unkan ito Molok tawakeya kin, qa Remphan taku wakan yadapi wicanłpi tawa kin he iyacupi; hena wakagapi kin itokam canpeśka makehde inayajinpi kta e yakagapi; Unkan ito Babulon akotanhan aciyapi kta ce.

44 Hunkake wicunyanpi kin hewoskan makoce kin en waaya, tanin wakeya kin yuhapi; tuwe Moses okiye ça, token wanyake cin he iyecen kage kta keciye ciquon, hee yuśtan qon iyececa.

WICOWOYAKE 8.

45 He hunkake wicunyanpi kin icupi, qa Joshua kici lkcewicašta tamakoce kin en ahipi, hena e Wakantanka hunkake wicunyanpi itepi kin etanhan heyata iyaye wicaya, Dawid taanpetu kin behanyan;

46 He Wakantanka itokam wowaonsida iyeye ça, Jakob ta Wakantanka kin tipi wan iye-kiciciye kta cin.

47 Tuka Solomon tipi wan kicaga.

48 Hececa tuka, Iyotan Wankan un kin tipi wicanape on kagapi kin ohna ti šni; wicašta wokcan hecen eye cigon;

49 Małpiya kin he oiyotanke mitawa kin ee, qa maka kin he misiha oahe kin hee; ecin tukte tipi miyecagapi kta he, qa tukten ozimiciye kta he.

50 Minape kin taku henana owasin kage šni he, Itancan kin eya ce.

51 Tahu nisutapi, qa cante nonge ko banicilidayapi šni kin, ohin-niyan Woniya Wakan kin yakipajinpi, nihunkakepi econpi qon he niye iyenicecapi.

52 Wicašta wokcan kin tukte wanji e nihunkakepi kin śicaya kuwapi šni he. Wanji Owotanna un kin he u kte cin tona oyakapi qon hena wicaktepi; qa he qe niś niyepi wanna iyôpeyayapi qa yaktepi.

53 Małpiya ohnihde ahipi kin he eciyatanhan woope kin iyacupi, tuka tanyan yeciyuhapi šni ce, eya.

54 Unkan hena taku kin nationpi hehan, cante kin ekta nina iyoyakapi, qa hi ahdakokokapi.

55 Tuka iye Woniya Wakan kin ojudan małpiya ekta opahta yanke ça, Wakantanka towitan kin, qa Jesus Wakantanka etapa

kin eciyatanhan najin e he wanyaka;

56 Qa heya; Wanyaka po, małpiya kin yuzamnipi, qa Wicašta Cinhintkukin Wakantanka etapa kin eciyatanhan najin e wanmdaka ce, eya.

57 Hehan hotankakiya hotaninpi, qa nogepi kin ohmus hduzapi, qa tawacin wanjidan on iyalıpayapi;

58 Qa otonwe kin tankan elpeyapi, qa inyan on kininpi. Unkan waayataninpi kin wokoyake kin koška wan, Salos eciyapi, he siha kin en ekihnakapi.

59 Unkan Stephanos inyan on kininpi, he icunhan cekiyeye ça heya, Jesus Itancan, minagi kin ehdaku wo.

60 Hehan canpeška makehde inajin qa hotankakiya boyekiya; Itancan woahłani kin de iyepi kin en awicau šni wo. Hena hecen eye ça hehan ištınma-iyaya.

WICOWOYAKE 8.

1 Unkan he te cin Salos iyo-winkiya. Unkan anpetu kin he en okodakiciye Jerusalem en un kin śicaya wicakuwapi tanka. Qa owasin Juda makoce qa Samaria ekta enanakiya iyewicayapi, yewicaşıpi kin henana yapı šni.

2 Unkan wicašta awacin unpi kin heca Stephanos yuba ayapi, qa nina akiceyapi.

3 Tuka Salos okodakiciye kin yutakuni šni wicakuwa, tipi iyaza tin iyaye ça, wica winyan ko wicayuze ça, wicakaška tipi kin en iyewicaya.

4 Heon etanhan tona enanakiya iyayapi qon hena owancaya iyayapi, qa wicoie kin oyakapi ece.

5 Hehan Philip Samaria oton-

we kin ekta apamahde iyaye ça, Messiya owicakiyaka.

6 Unkan oyate kin Philip taku wapetokeca econ kin nahonpi qa wanyakapi qehan, taku tona oyake cin cante wanjidan on anagoptanpi.

7 Taku wakan síca hotankakiya hotaninyan tona wicayuhnaškinyanpi kin etanhan inanpapi, qa tona taťapike cin huštepi ko ota okizipi.

8 Unkan otonwe kin he en wi-yuškinpi tanka.

9 Unkan wicašta wan Simon eciyapi, otonwe kin he en wana-kaja tanhan wapiyapi econ, qa Samaria oyate kin yušinyewicaye ça, iye wicašta tanka kei-ya.

10 He owasin anagoptanpi, ci-stinpidan tankinkinyan kō, qa; Wakantanka towašake tanka kin he dee ce, eyapi.

11 Wanakaja tanhan wapiyapi econ kin on yušinyewicaye cin heon he anagoptanpi.

12 Tuka Wakantanka tokiconze kin, qa Jesus Messiya caje kin eciyatanhan taku Philip oyake cin hena wicadapi qehan baptem wicaqupi, wica winyan ko.

13 Qa Simon ís eya wicada, qa baptem qupi; hehan Philip kici un, qa wowakta taku wapetokeca tanka ko wanyake cin heon yušinyaya.

14 Unkan Jerusalem ekta yewicašipi kin, Samaria Wakan-tanka oie kin icupi kin he nahonpi qehan, Inyan qa Johannes kici ekta ye wicašipi.

15 Hena e ekta apamahde hipi, qa Woniya Wakan icupi kta heon wocekiye ewicakiciyapi.

16 He nahahin tuwedan ahin-he šni, Jesus Itancan caje kin on baptem wicaqupi kin hecedan.

17 Hehan nape on awicaputakapi, unkan Woniya Wakan kin icupi.

18 Unkan yewicašipi kin nape on awicaputakapi kin he eciyatanhan Woniya Wakan wicaqupi kin he Simon wanyaka, hehan mazaska wicakahi;

19 Qa heya; Tuwe nape on awaputake cinhan he Woniya Wakan icu kta e wowašake kin he maqu po.

20 Tuka Inyan heciya; Mazaska nitawa kin niye kici atakuni šni nunwe. Taku Wakan-tanka wicaqu ece kin he mazaska on opetonpi kta kecanni kin heon etanhan.

21 Wicoie kin de en oyape šni qa takudan nitawa šni; Wakan-tanka itokamya nicante kin o-wotanna šni.

22 Heon etanhan taku šice cin de on iyopeičiye ça, Wakantanka cekiya wo, nicante taku awacin kin nicicajujupi nun ce.

23 Nahanhin pizi pa hinca, qa woahťani icaške kin en yaun e wanmdaka ce.

24 Hehan Simon ayupte ça heya; Taku ehapi kin takudan mahiyahde kte šni heon niš ito miye on Itancan kin cekiya po.

25 Unkan wanna yaotaninpi, qa Itancan oie kin oyakapi qehan, Jerušalem ekta icicawin hdapi, qa Samaria otonwe ota kin en wotanin wašte kin oyakapi.

26 Unkan Itancan taohnihde ye cin Philip okiye ça heciya; Najin qa itokalikiya, canku wan Jerusalem hetanhan iyaye ça Gaza en iyohpaye cin he en i wo, he hewoskan kin ee.

27 Hehan iye najin, qa iyaya. Unkan iho, Ethiopa wicašta wan yunokos heca, Ethiopa wicašta-

WICOWOYAKE 9.

yatapi winohinca, Kandake eciyapi, he ihukuya wicašta tanka, qa woyuha tawa kin owasin kiciyuha un kin, he Jerusalem ekta cekiye kta e i.

28 Qa he wanna hde ça canpahmihma ohna kiyotanke ça, Isaya wicašta wokcan kin he yawa yanka.

29 Unkan Woniya Wakan kin Philip heciya; Ekta ye ça canpahmihma kin de kici ya wo.

30 Hehan Philip ekta inyang ye ça Isaya wicašta wokcan kin yawa yanke cin he nahon qa; Taku dawa kin he oyakañniga he, eciya.

31 Unkan; Tuwedan onspemakiye sni ecin token owakihi kta he, eye ça, Philip en u qa kici iyotanke kta, keya.

32 Wowapi yawa yanke cin iapi kin he dee; Tahinca wan ktepi kte cin en aipi, qa tacincadan hin wicayusda kin itokam inina yanke cin, he iyecen is iye i hdukawa sni.

33 Wicawahpanica en un qehan, yacopi kin he ekiciyakupi; qa wicoicage tawa kin tuwe oyake kta he; wiconi tawa kin maka kin etanhan ayapi ce.

34 Hehan yunokos kin Philip ayupte ça heciya; Ceciciya ce, tuwe on wicašta wokcan kin hena hecen eya he, iye icica qa is wicašta tokeca ka.

35 Hehan Philip i hdukawa qa wowapi kin he etanhan ie ça Jesus e okiyaka.

36 Unkan canku kin ohna hda-pi, qa mini yuke cin wan iyohipi. Hehan yunokos kin; Mini wan-yaka wo, baptem maqupi kta e taku telinda kta he, eya.

37 Unkan Philip, Nicante kin ocowasin on wicayada kinhan enicicetu kta, eciya. Hehan is ayupte ça; Jesus Messiya he

Wakantanka Cinhintku kin ee wicawada ce, eya.

38 Hehan canpahmihma kin owanji yanke si; qa mini kin ekta kun iyayapi, Philip qa yunokos kin; unkan baptem qu.

39 Unkan mini kin etanhan hdicupi qehan, Itancan Taniya kin Philip eyaku, qa yunokos kin ake wanyake sni; unkan canku kin ohna iyuskinyan hda.

40 Tuka Philip Azotos ekta iyekiyapi; qa otonwe kin owasin opta ye ça wotanin waste kin oyaka, ecen Kesareya ekta iyohi.

WICOWOYAKE 9.

1 Unkan Salos waapi tin wicaktepi ko Itancan waonspewicakiye cin awicapogan, woşna kagapi itancan kin en i;

2 Qa Damaskos en omniciye tipi kin ekta wowapi da; hecen canku kin de ohna yakonpi kin tona iyewicaye kte cin, wica winyan ko, Jerusalem ekta kaska awicahdi kta e heon.

3 Unkan icimani ye cin Damaskos ikiyedani ya; unkan ihnuhanna ojanjan wan mahipiya eciyatanhan ihduksan iyoyanpa.

4 Hehan makata hinhpaye qehan, wicaho wan nahon, Salos, Salos, tokeca sicaya mayakuwa he, eciya.

5 Unkan is; Itancan nituwe he, eya. Hehan Itancan kin is; Jesus sicaya yakuwa kin he miye; can pesto kin nayahtake cin he telika ce, eya.

6 He cancan qa yusinyaye ca; Itancan taku ecamon yacin he, eya. Unkan Itancan kin; Najin qa otonwe kin ekta ya wo, token ecanon kte cin oniciyakapi kta ce, eciya.

7 Unkan wicašta om icimani kin yusinyaya najinpi, wicaho

kin nahonpi tuka tuwedan wan-yakapi šni.

8 Unkan Salos maka kin etanhan najin qa išta kamdaya hehan, tuwedan wanyake šni; unkan nape on yus ayapi, qa Damaskos ekta aipi.

9 Unkan anpetu yamni wawan-yake šni un; qa takudan yute šni qa yatke šni.

10 Unkan Damaskos en waonspekiyapi wan, Ananias eciyapi, he wowihanmde en Itancan kin; Ananias, eciya. Unkan iś; Itancan, de miye ce, eya.

11 Hehan Itancan kin heciya; Najin qa canku wan Owotanna eciyapi kin he ekta ye ɕa Judas ti kin en Salos eciyapi, Tarsos etanhan he akita wo; wanna cekiya un;

12 Qa wowihanmde wan en wicašta wan Ananias eciyapi tin hiyu, qa tonwe kta e on nape on aputake cin he wanyaka ce.

13 Hehan Ananias ayupta; Itancan, wicota etanhan wicašta kin he Jerusalem ekta, tona owotanna wicaduhe cin taku šica ecawicakicon kin hena nawahon;

14 Qa deciya nakun wośna kagapi kin eciyatadhan wowasake yuha un, tona nicaje hoyekiyapi kin hena owasin wicakaške kta ce, eya.

15 Tuka Itancan kin iś heciya; Hunktiya wo, waksica wakalini-ge cin he wanji ee, micaje kin ikcewicašta, qa wicaštayatapi kin Israel cinca ko itokam yuha un kta:

16 Qa micaje kin on taku token kakije kte cin he wakipazo kta ce, eya.

17 Hehan Ananias ye ɕa, tipi kin timahen iyaye ɕa, nape on aputake ɕa heya; Salos mihunkawanji, yatonwe ɕa Woniya

Wakan on onijudan kta e Itancan kin u maši; Jesus canku ohna yau kin en taniniɕiye ci-qon hee.

18 Unkan ihnuhanna taku hocēpu kin iyececa išta kin etanhan hinhpaya; unkan ecahankeya tonwe ɕa najin, qa baptem qupi.

19 Unkan taku yutapi icu qehan, waśaka aya. Unkan Salos anpetu tonana waonspewicakiyapi kin, Damaskos en yakonpi, hena om un.

20 Qa kohanna omniciye tipi kin ohna Messiya he Wakantan-ka Cinhintku kin ee ce, eya oya-ka.

21 Unkan tona nahonpi kin owasin yuśinyayapi qa heyapi; Jerusalem ekta tona wicacaje kin de hoyekiyapi kin šica ya wicakuwa, qa nakaha wicakaške ɕa, wośna kagapi kin ekta awicaye kta e on den hi kin he dee šni he.

22 Tuka Salos sanpa waśaka icage ɕa Juda wicašta Damaskos ekta yakonpi kin hena inina yanke wicakiye ɕa, He Messiya kin ee e yawicaka.

23 Wanna anpetu ota hehan Juda oyate kin he ɕe yapi kta e akiiapi.

24 Tuka hecen konzapi kin he Salos sdonya. Unkan ktepi kta e anpetu hanyetu ko otonwe tiyopa kin awanhdakapi.

25 Hehan waonspewicakiyapi kin hanyen icupi, qa makanopiye wan ohna otonwe conkaške kin etanhan kun iyeyapi.

26 Unkan Salos Jerusalem en hdi qehan, waonspewicakiyapi kin om un kta cin; tuka owasin kokipapi; qa wanna waonspekiyapi kin heca e wicadapi šni.

27 Tuka Barnabas he icu, qa yewicašipi kin en ahi, qa token

tahepi Itancan kin wanyake ça, he okiye ça, token Damaskos ekta Jesus caje kin on waditagya oyake cin hena owicakiyaka.

28 Unkan Jerusalem ekta om un, qa timahen u qa tankan ya ece; qa Jesus Itancan kin on wasagya woyaka.

29 Qa Helenes oyate kin om hdokinica. Tuka hena eqe he ktepi kta akitapi.

30 Hunkawanjin kiciyapi kin he sdonyapi, unkan Kesareya ekta aipi, qa Tarsos heciya hde šipi.

31 Hehan okodakiciye kin Juda makoce kin owancaya, qa Galile, qa Samaria ekta wookiye yuhapi, qa icagapi; qa Itancan kin kokipecyahan manipi, qa Woniya Wakan wicakicanpte cin en unpi, qa hecen ihduotapi.

32 Unkan Inyan makoce kin owasin opta iyaye cehan, Ludda ekta wicašta owotanna yukanpi kin hena en wicahiyohi.

33 Qa wicašta wan Eneas ecipyapi hen wanyaka; he waniyetu şahdogan makan wanka, tařaka ececa.

34 Unkan Inyan; Eneas Jesus Messiya asniniyan, najin qa owinja hdatata wo, eciya. Unkan ihnuhanna najin hiyaya.

35 Unkan tona Ludda qa Saron en yakonpi kin owasin he wanyakapi, qa Itancan kin ekta ihduhomnipi.

36 Unkan Joppa ekta waonspekiyapi wan Tabitha ecipyapi, he Tatokadan eyapi kin he kapi; winohinca kin he ohan wašte qa taku wacantkiya econ kin ojudan:

37 Unkan he anpetu kin hena en wayazanka, qa řa iyaya. He yujajapi qehan, wankan tipi wan ekta ehnakapi.

38 Unkan Ludda Joppa ikiyedand, qa Inyan hen un kin waon-

spewicakiyapi kin nařonpi qon, heon wicašta nom ekta ye wicasipi, qa ecadan en wicau kta e iwahoyapi.

39 Hehan Inyan najin qa hena om hda. Ekta i, unkan wankan tipi kin en aipi, unkan wiwazica kin owasin en najinpi, qa ohde wokoyake ko, Tabitha ni un qehan, kage cigon hena pazo yan-kapi, qa ceyapi ece.

40 Tuka Inyan hena owasin tankan iyewicaye ça, canpeřka makehde inajin qa wocekiye eya, hehan tancan wanke cin ekta ihdamna qa; Tabitha, najin wo, eya. Unkan iřta kamdaye ça Inyan wanyake cehan iyo-tanka.

41 Unkan nape yekiye ça najinkiya; qa wicašta owotanna wiwazica ko wicakico qehan, he ni un e wicakipazo.

42 Unkan Joppa owancaya he otanin, qa wicota Itancan kin wacinyanpi.

43 Unkan Inyan anpetu ota Joppa en, wicašta wakpanyan wan Simon ecipyapi, he kici yan-ka.

WICOWOYAKE 10.

1 Unkan Kesareya en wicašta wan Kornelios ecipyapi, akicita opawinge obe wanřidan, Italike ecipyapi, kin he en itancan kin hee;

2 Wicašta wakinihan, qa Wakantanka kokipecyahan un, tiyohnaka kici; qa oyate kin nina cantewicakiya, qa ohinniyan Wakantanka cekiya un ece.

3 He qe anpetu wan en, napecinwanka apa hehantu, wowanyake wan en, Wakantanka tao-hnihde wan en hi, qa, Kornelios, eciye cin he taninyan wanyaka.

4 Unkan he opařta yanke ça inihan qa; Itancan taku he, eya.

Unkan is ito heciya ; Wocekiye nitawa qa wacantkiya oyahande cin he Wakantanka itokam kiksuyapi.

5 Heon nakaha Joppa ekta wicasta ye wicasi, qa Simon Inyan eciyapi kin he kico wo.

6 Wicasta wakpanyan wan Simon eciyapi ti kin miniwanca kahda han, he kici yanka. He token ecanon kte cin oniciyake kta ce.

7 Unkan mahpiya ohnihde Kornelios okiye cin he wanna kihda, hehan tiawanyag wicakiye cin nom, qa akicita waste ohinnian tankiyadan wicahduhe cin wanjidan, hena wicakico ;

8 Qa hena taku kin owasin owicakiyake cehan, Joppa ekta ye wicasi.

9 Unkan icimanipi, qa ihanhanna wanna otonwe kin ikiyadan, hehan Inyan tipi kin akan wocekiye eya iyaya, wanna wiyotanhe cin hehantu.

10 Nina wotektehda, qa wote kta cin, tuka taku yutapi wiye ya ehnakapi kin he icunhan wokiksuye sni wan ahinhpaya.

11 Unkan mahpiya kin yuzamnipi e wanyaka, qa heciyatanhan taku wan minihuha ska tanka iyececa, oise topa kin iciyakaškapi he kutkiya u, qa maka kin ahe kiyapi.

12 He ohna taku maka akan wahutopa ocaje owasin, qa woteka, qa watutka, qa mahpiya okinyanpi kin.

13 Unkan wicaho wan tanin qa ; Inyan, najin, qa kte, qa yuta wo, eciya.

14 Tuka is ; Itancan, hecetu sni, tohinni taku ikceka qa asape cin wate sni ce, eya.

15 Unkan ake icinonpa wicaho kin tanin qa ; Taku Wakantan-

ka pakinte cin he ikceka eciye sni wo, eya.

16 Yamni akihde hecen econpi, qa hehan taku kin he mahpiya kin ekta akiyahdapi.

17 Unkan Inyan wowanyake wanyake cin he taku kin iyukean sni un, he icunhan, ito wicasta Kornelios u wicasi qon hena Simon ti kin akitapi, qa wanna tiyopa kin itokam en hinajinpi ;

18 Qa panpi qa ; Simon Inyan eciyapi den yanka he, eya iwicawangapi.

19 Wowanyake kin he Inyan awakicin un kin he icunhan, Woniya Wakan kin heciya ; Wanyaka wo, wicasta yamni onidepi.

20 Heon najin qa kun hde ca, takudan cetunhda sni om ya wo, hena u wicawasi ce, eya.

21 Hehan Inyan wicasta Kornelios u wicasi qon hena ekta kun wicai, qa ; Tuwe ayakitapi kin he miye ce ; taku on yahipi he, ewicakiya.

22 Unkan is heyapi ; Kornelios akicita opawinge wicayuhe cin, wicasta owotanna, qa Wakantanka kokipeyahan un he Juda oyate kin iyuhpa oyakapi, hee mahpiya ohnihde wakan wan okiye ca, tuwe nihuwe u wicasi, qa iye ti kin ohna nioie kin nahon kta, keya ce, eyapi.

23 Hehan tin u wicasi qa won wicaya. Unkan ihanhanna Inyan hena om hda, unkan Joppa etanhan hunkawanjinkiciyapi kin wanjikji opapi.

24 Unkan ihanhanna qehan Kesareya iyohipi. Unkan Kornelios tona takuwicaye ca koda wicaye cin hena wicakico, qa om ape yanka.

25 Unkan Inyan en u, hehan Kornelios itkokim ye ca, siha

kin en makata ehpeiçiye ça ce-kiya.

26 Tuka Inyan is najin kiye ça; Najin wo, mis eya wima-çašta ce, eya.

27 Qa kici wohdaka ecen tipi kin timahen i, qa wicota mnici-yapi kin wanwicayaka.

28 Hehan hewicakiya; Tuwe Juda wicašta kin heca e oyate tokeca etanhan wan kici un, qa en hi kin he hecetu šni e sdon-yayapi, tuka tuwedan wicašta ikceka qa asape cin ewakiye kte šni he Wakantanka sdonye ma-kiya.

29 Heon etanhan mahuwe ipi kin ecen wacetunhda šni hibu, heon taku on miyecopi hecinhan he iciwangapi, eya.

30 Unkan Kornelios heya; Wanna ehantanhan anpetu topa he ehan, qa nakaha oape kin dehantu, wote šni waun, qa napein-wanka ape cin hehan wati kin en cekiya waun; unkan wicašta wan wokoyake wiyatpa koyake cin he en mahinajin;

31 Qa. Kornelios wocekiye nitawa kin he nahonpi, qa taku wacantkiya ecanon kin he Wakantanka itokam kiksuyapi ce.

32 Heon Joppa ekta tuwe ye š, qa Simon Inyan eciyapi kin he kico wo; he wicašta wakpan-yan wan, Simon eciyapi, ti kin miniwanca kahda he cin he ohna yanka. He hi kinhan taku eniciye kta ce, eya.

33 Heon kohanna wahociya; qa yahi kin he tanyan ecanon. Heon nakaha unkiyepi kin owasin Wakantanka itokam unkanpi, taku Wakantanka eye niši kin owasin naunhonpi kta ce

34 Hehan Inyan i hdukawa qa heya; Awicakehan Wakantan-ka wicašta itohnake kin iwanya-ke šni e indukcan.

35 Tuka oyate otoiyohi en, tuwe kokipecyahan un, qa owotan-na ohanye cin he waštedaka ece.

36 Jesus Messiya kin, owasin en Itancan kin hee, he eciya-tanhan wicoie Israel cinca kin wookiye iwahowicayapi qon.

37 Wicoie kin he sdonyayapi, Juda makoce kin owancaya oya-kapi, Galile etanhan, Johannes baptem oyake cin hehan tanhan.

38 Jesus Nazareth etanhan kin he Wakantanka sdakiya, Woniya Wakan wowašake ko on; qa he qe taku wašte econ iyaya ece, qa tona taku wakan šica wicayuhnaškinyan kin hena okizi-wicaya ece, Wakantanka kici un kin heon.

39 Qa taku Juda oyate tama-koce, qa Jerusalem ekta econ qon owasin unyaotaninpi ece. He iye kin ktepi, qa can wan akan otkeyapi qon.

40 Tuka anpetu iciyamni qe-han Wakantanka piya icalikiye ça, taninyan wicakipazo.

41 Oyate kin iyulpa šni, tuka tona otokaheya ekta Wakantan-ka wicakahnige ciqon hena en, waayataninpi kin unkiyepi, wi-conte etanhan piya ikicage cin iyohakam kici wauntapi qa wa-nyatkanpi ece.

42 Unkan oyate kin wahokon-wicakiye unšipi qa nipi tapi ko en wayaco Wakantanka kage cin he iye ce, eya oyake unšipi.

43 He wicašta wokcan kin owasin oyakapi; iye caje kin eciyatanhan tuwe wicada kinhan woahitani wokajuju kin yuhe kta ce.

44 Wicoie kin dena Inyan ecen eye cin he icunhan, tona oie kin nahonpi owasin Woniya Wakan kin awicahinhpaya.

45 Unkan bakilidayapi kin etan-

hanpi tona wicadapi qon, tona Inyan kici hipi kin hena yušin-yayapi, Woniya Wakan wicaqu-pi ece kin he Ikcewicašta iyepi kaeš awicakaštanpi kin heon etanhan.

46 Wicaceji tokeca on iapi, qa Wakantanka yatanpi kin he nahonpi. Hehan Inyan waayupte ça ;

47 Tuwe mini tehinda okihi, qa hena baptem wicaqupi kte šni he ; hena ege unkiyepi kin iyecen Woniya Wakan kin icupi ce, eya.

48 Hehan Itancan caje kin on baptem wicaqu wicaši. Hehan anpetu ota en yanke kta e iceki-yapi.

WICOWOYAKE 11.

1 Unkan yewicašipi kin hunkawanjinkiciyapi ko, Juda ma-koce kin en yakonpi qon, Ikcewicašta Wakantanka oie icupi kin he nahonpi.

2 Unkan Inyan Jerusalem en hdi kin, hehan tona bakiñdayapi kin etanhanpi qon he kici akini-capi ;

3 Qa heyapi, Wicašta bakiñdayapi šni kin heca en wicayai, qa om wayata ce.

4 Hehan Inyan wohdake ça owasin eceken owicakiyake ça heya ;

5 Joppa otonwe kin en, wocekiye eya waun, unkan wokiksuye šni wan en taku wowanyake wanmdaka, taku wan minihuha ska tanka iyececa, oise topa kin iciyakaškapi małpiya kin eciyatanhan kun aupi, qa miye ekta mahiyohi.

6 He opalita manke ça awacin waun, unkan maka akan taku wahutopa, qa wamanica, qa watutka, qa małpiya okinyanpi kin wanmdaka.

7 Unkan wicaho wan ; Inyan najin, qa kte, qa yuta wo, emakiye cin he nawahon.

8 Tuka miš ; Itancan hecetu šni, taku ikceka qa ašape cin tohinni mii kin ohna iyaye šni, epa.

9 Tuka małpiya kin eciyatanhan wicaho kin ake amayupta ; Taku Wakantanka pakinte cin he ikceka eciye šni wo, eya.

10 Yamni akiñde hecen econpi, qa hehan małpiya kin ekta owasin hdokiyahdapi.

11 Unkan ito wicašta yamni, Kesareya etanhan miye ekta mahiyu šipi qon, hena wanna tipi ohna waun kin itokam hina-jinpi.

12 Hehan Woniya Wakan kin iš ; Takudan ceñunwicahda šni hena om yahde kta ce, emakiya. Unkan hunkawanjinkiciyapi kin dena šakpe om imdamde ça wicašta qon he ti kin en unkipi.

13 Hehan iye, token małpiya ohniñde wan iye ti kin en hina-jin wanyake cion he unkokiya-kapi ; hee kin kaken eciya ; Joppa ekta wicašta ye wicaši, qa Simon Inyan eciyapi kin he u ši wo.

14 He taku eniciye kte cin on yani kta, qa nakun tiyohnaka nitawa kin owasin, eya ce, eya.

15 Unkan miš tokaheya iwae cin, hehan Woniya Wakan kin awicahinłpaya, tokag ehan unkiyepi kin en hi qon iyececa.

16 Hehan Itancan oie qon weksuya ; Awicakehan Johannes mini on baptem wicaqu, tuka niyepi kin Woniya Wakan on baptem niçupi kta ce, eye cion he.

17 Hecen unkiye Jesus Mes-siya Itancan kin wicaundapi, Wakantanka taku unqupi qon he iyecen wicaqu kinhan, miš

matuwe he, Wakantanka anawap-
pte kta owakihi he.

18 Hena oie kin nahonpi un-
kan inina yukanpi qa Wakan-
tanka yatanpi qa heyapi; Awi-
cakehan Ikcewicasta on nipi kta
e ihduacetupi kin Wakantanka
wicaqu ce.

19 Unkan Stephanos te cin on
sicaya wicakuwapi qon, heon
enanakiya iyewicayapi kin hena
Phenike, qa Kupros, qa Antiyoka
ekta ipi, qa wicoie kin Juda oya-
te kin ecedan owicakiyakapi.

20 Unkan hena wanjikji Ku-
pros qa Kurene wicasta kin he-
ca, hena Antiyoka en hipi qe-
han, Helenes wicasta kin wowi-
cakiyakapi, qa Jesus Itancan
kin oyakapi.

21 Unkan Itancan nape kin he-
na om un, qa wicota wicadapi,
qa Itancan kin ekta ihduhomni-
pi.

22 Hena taku kin okodakici-
ye Jerusalem en un kin nogepi
kin en otanin, hehan Barnabas
Antiyoka ekta i kta e ye sipi.

23 He ekta i, unkan Wakan-
tanka towaonsida kin wanyake
cehan iyuşkin, qa cante kin oco-
wasin on Itancan kin opapi kta
e owasin iwahokonwicakiya.

24 He wicasta waste, qa Wo-
niya Wakan wacinyanpi ko on
ojudan. Unkan wicota Itancan
kin opapi.

25 Hehan Barnabas Salos aki-
te kta e Tarsos ekta iyaya. He
iyeya, unkan Antiyoka en ahdi.

26 Qa waniyetu mdoketu ahna,
tipi wakan kin en mniciyapi, qa
oyate ota waonspewicakiyapi;
unkan Antiyoka ekta, waonspe-
wicakiyapi kin tokaheya Kris-
tian ewicakiyapi.

27 Unkan anpetu kin hena en,
wicasta wokcan Jerusalem etan-
han Antiyoka ekta hipi.

28 Hena wanji, Agabos eciyapi
kin he inajini, qa maka kin owan-
caya wicaakilian wan tanka u
kta e Woniya Wakan kin eciya-
tanhan oyaka. Unkan he Kla-
dios Kesar taanpetu kin en ece-
tu.

29 Unkan hehan waonspewica-
kiyapi kin otoiyohi, token oki-
hipi kin, hecen hunkawanjitektupi
Juda makoce kin en yakonpi
kin, wawokiyapi kin wicaqupi
kta e konzapi.

30 Hecen econpi, qa Barnabas
Salos kici napepi kin on hunka
wicayapi kin wicakai wicasipi.

WICOWOYAKE 12.

1 Unkan hehan Herod wica-
stayatapi kin okodakiciye kin
wicakiyuşe kta e nape yekiya;

2 Qa Jakob Johannes cincu
qon he mazasagye on kte.

3 Qa he Juda oyate kin iyoki-
pipi e wanyake cehan, Inyan
nakun yuze kta aya; aguyapi
on napohyapi codan anpetu kin
he ehan.

4 Unkan he iyahpaye cehan,
wicakaşka tipi kin en ehname ça
akicita ake şakpe awanyag wi-
caşi, woşnapi kin enakiyapi kin-
han oyate kin ekta tankan au
kta kecin.

5 Hecen Inyan wicakaşka tipi
kin ohna awanyakapi; unkan on
okodakiciye kin Wakantanka
nina cekiyapi.

6 Unkan Herod wanna tankan
au kta hehan, hanyetu kin he en
Inyan akicita nom, unma itan
anokatanhan iştinma wanke ça,
maza icicahiha nom on iyaka-
şkapi, qa tiawanyag kiyapi kin
hena tiyopa kin itokam wicaka-
şka tipi kin awanyakapi.

7 Unkan inyun, Itancan taohni-
hdeye cin en hi, qa ojanjan wan

wicakaška tipi kin en iyoyanpa ; unkan Inyan cuwi kin en ape ça najin kiye ça heya ; Kohanna najin wo. Unkan maza icicahi-
ha kin nape kin etanhan hinĥpa-
ya.

8 Hehan maĥpiya ohnihde kin ; Ipihdag kiton qa hanpokihan wo, eciya. Unkan is ecen econ. Hehan ; Šina hdown qa miya-
hna u wo, eciya.

9 Hehan tankan ya ; unkan is eya ihakam ye ça, maĥpiya ohni-
hde taku ecakicon kin he wicaka-
pi kin sdoney šni ; tuka wowan-
yake wan wanyaka kecin.

10 Unkan wicakaška tipi toka-
heya qa iyokihe kin etanhan hi-
nanpapi, hehan maza tiyopa kin
en iyohipi, he otonwe kin ekta
iyahde, he iye cinka wicakiyuh-
dog iyaya. Unkan tankan yapi,
qa canku wanĵidan ihunnipi, he-
han maĥpiya ohnihde kin elĥpeya
kihda.

11 Unkan Inyan kiksuya hin-
hda qa heya ; Nakaha awicake-
han Itancan kin ohnihde tawa
kin u ši, qa Herod nape kin, Ju-
da oyate apepi ko, owasin etan-
han emahdaku e sdonwakiya ce.

12 Unkan he awakicin qehan,
Johannes Markos eciyapi kin,
he hunku Mary ti kin ekta i, hen
wicota mniciyapi, qa cekiya yu-
kanpi.

13 Unkan Inyan tipi tiyopa kin
kabubu yanke cin he icunhan,
wicinyanna wan Rhoda eciyapi,
he ekta wanaĥon i :

14 Qa Inyan ho kin iyekiye
qehan, wowiyuŝkin on tiyopa yu-
ĥdoke šni, tuka inyang hdicu qa,
Inyan tiyopa kin itokam najin e
oyaka.

15 Unkan, Niyuhnaŝkinyanpi
ce, eciyapi. Tuka is hecen eya
kitan. Hehan, Maĥpiya ohnihde
tawa kin hee ce, eyapi.

16 Tuka Inyan katinyan tiyo-
pa kin kabubu yanka. Unkan
yuhdokapi qa wanyakapi hehan
yuŝinyayapi.

17 Tuka inina yukanpi kta e
namwicakicawin, qa token on
Itancan kin wicakaška tipi kin
etanhan tankan hiyu kiye cin he
owicakiyaka. Qa heya, Jakob
qa hunkawanĵinkiciyapi kin he-
na oie kin owicakiyaka po. He-
han tankan kinape ça token iya-
ya.

18 Unkan anpa kamdeze cin
hehan Inyan toki iyaye cin he
akicita kin nina aoqoyapi.

19 Unkan Herod akita, tuka
iyeye šni hehan, tiawanyag wi-
cakiyapi kin hena wiwicawange
ça, wicaktepi kta e konza. Qa
hehan Juda makoce kin etanhan
apamahde iyaye ça Kesareya
en ounyan.

20 Unkan Herod Turos qa Si-
don oyatepi kin wicakize wacin ;
tuka hena e wicocante wanĵidan
en hipi, qa Blastos wicaŝtayata-
pi ohehdepi tipi tawa kin awan-
yake cin he yuwaŝtepi qehan,
wookiye dapi ; iye tamakocepi
kin wicaŝtayatapi tawa kin on
icaĥyapi kin heon etanhan.

21 Unkan anpetu wan cajeya-
tapi qon he en Herod wicaŝta-
yatapi ihduze ça, woyaco oiyo-
tanke kin akan kiyotanke ça,
wowicakiyaka.

22 Hehan oyate kin hotanka-
kiya hotaninpi qa ; He wicaho
šni, Wakantanka ho kin hee ce,
eyapi.

23 Unkan ihnuhanna Itancan
taohnihde ye cin he kaŝtaka,
Wakantanka wowitan qu šni
kin heon etanhan. Unkan wa-
mduŝkadan yutapi qa hecen ŝa
iyaya.

24 Tuka Wakantanka oie kin
icage ça tankaya aya.

25 Unkan Barnabas Salos kici wawokiyapi qon hduŝtanpi qehan, Jerusalem etanhan hdicupi, qa Johannes Markos eciyapi qon he yuha hdapi.

WICOWOYAKE 13.

1 Unkan Antiyoka ekta okodakiciye kin en wicaŝta wokcan waonspekiya ko wanjikji yukan; Barnabas, qa Simeon he nakun Niger eciyapi, qa Lukios Kurene etanhan, qa Manaen, Herod wicaŝta ihdawa qon kici icage cin hee, qa Salos.

2 Hehan Itancan kin cekiyapi qa wote ŝni unpi kin icunhan, Woniya Wakan kin heya; Barnabas Salos kici wokicanye iwicaweco kin heon ewicamicihde po, eya.

3 Unkan hehan takudan yute ŝni wocekiye eyapi, qa nape awicaputakapi, hecen ye wicaŝipi.

4 Hena Woniya Wakan tokiya ye wicaŝi, unkan Selukiya ekta iyohipi, qa hetanhan Kupros ektakiya watom yapi.

5 Qa Salamis en iyukanpi hehan, omniciye tipi Juda oyate tawapi kin ohna Wakantanka oie kin oyakapi, qa Johannes he ookiye yuhapi.

6 Unkan wita kin opta yapi, qa Paphos ekta iyohipi qehan, wicaŝta wapiyapi econ kin, wicaŝta wokcan itonŝni, Juda wicaŝta kin heca wan, Barjesus eciyapi he wanyakapi:

7 He Sergios Palos, wicaŝta ksapa, makece kin en itancan yanke cin he kici un. He qe Barnabas qa Salos kici wicakico, qa Wakantanka oie kin nahon cin.

8 Tuka Elumas wapiye cin, caje kin hecen kapi, he wicakipajin, qa wicaŝta itancan kin

wacinyanpi kin etanhan yuhomni kta e akita.

9 Hehan Salos, iye nakun Palos eciyapi, Woniya Wakan on ojudan he opahta najin,

10 Qa heya; Taku wohmeye owasin on ojudan, qa wicohan ŝica. owasin, Wakan ŝica cinca niye ça, taku owotanna owasin toka yaye cin, Itancan tacanku owotanna kin kaŝeyaye cin he aduŝtan kte ŝni he.

11 Hecen dehan inyun, Itancan nape kin iyahdeniyan; unkan anpetu ota iŝta nigonge ça anpetu wi kin wandake kte ŝni, eciya. Unkan ihnuhanna opo qa otpaza wan ahinhpaya; qa tuwe nape yus aye kta e akin iyaya.

12 Hehan taku econpi kin wicaŝta itancan kin wanyake çehan wicada, qa Itancan tawoonŝpe kin on yuŝinyaya.

13 Unkan Palos tona om un kin hena Paphos etanhan pacanan iyeyapi, qa Pampuliya ekta Perge en iyohipi. Hehan Johannes awicayuŝtan qa Jerusalem ekta icicawin hda.

14 Hehan Perge etanhan inanpapi, qa Antiyoka Pisidiya en, he ekta ipi, qa anpetu wakan hehan omniciye tipi kin en tin iya-yapi, qa iyotankapi.

15 Unkan woope, qa wicaŝta wokcan tawowapi kin, hena yawapi enakiyapi qehan, omniciye tipi kin en wicaŝta itancan wicakiyapi kin iŝ wicakicopi qa, Wicaŝta hunkawanjin unniyanpi wicakicanpte oie wanji duhapi kinhan oyate kin owicakiyaka po, ewicakiyapi.

16 Hehan Palos najin, qa namwicakicawin qa heya, Israel wicaŝta, qa tona Wakantanka koki-papi kin anagoptan po.

17 Israel oyate kin de Wakan-

tanka tawapi kin he hunkake wicunyanpi kin wicakalinige ça, oyate kin Egipta makoce kin en yakonpi kin he icunhan yuwankan iwicacu, qa isto hduwankan iyeye cin on tankan awicau.

18 Qa waniyetu wikcemna topa hehanyan hewoskan makoce kin en won wicakiya.

19 Qa oyate šakowinpi Kanan makoce kin en, ihang wicaye çehan, makoce kin woohiye eciyatanhan kicipamni wicakiya.

20 Qa he iyohakam, wicašta wayaco kin heca wicaqu, waniyetu opawinge topa sanpa wikcemna zaptan hehanyan, ecen Samuel wicašta wokcan qon *ica-ga*.

21 Unkan hehan wicaštayatapi wan cinpi ; qa Wakantanka Saul, Kiš cinhintku, Benjamin wicoun kin hetanhan, wicašta kin he wicaqu, waniyetu wikcemna topa hehanyan.

22 Qa he heyata iyeye çehan, Dawid icañwicakiciciye ça wicaštayatapi kaga ; he oyake ça heya, Dawid Jesse cinhintku kin he iyewakiya, wicašta wašte wakidake cin, he mitawacin kin ocowasin ecen econ kta ce.

23 Wakantanka token eye ciqon he eciyatanhan, wicašta kin de cinca kin etanhan, Jesus Wani-kiya kin, Israel oyate kin icañwicakiciciya.

24 He ihdutanin šni qon itokam, Johannes baptem on ihdu-ecetupi kte cin he Israel oyate kin iyuhpa en eyanpaha owicakiyaka.

25 Unkan Johannes oinyanke kin ihunniye kte cin, hehan hecen eya, Miš matuwe kecannipi he : He miye šni ; tuka iho, wanji mihektam u kin he taha-
hanpe siha kin etanhan kiyuška owakihi šni ce.

26 Wicašta hunkawanjin ciyapi kin, Abraham cinca wicaye cin, qa tona Wakantanka koki-papi kin, niš niyepi wiconi oie kin de oniciyakapi.

27 Tona Jerusalem en yakonpi, wicašta itancan wicayuhapi ko, he iyekiyapi šni, qa wicašta wokcan oiepi, anpetu wakan eca yawapi ece kin he nakun ; hecen he yacopi kin on hena ecetuyapi.

28 Qa taku on te kte cin takudan iyeyapi šni qeyaš, he ktepi kta e Pilate icekiyapi.

29 Qa on taku wowapi en kagapi qon owasin ecetuyapi qehan, can kin etanhan eyakupi, qa ohna hnakapi wan en olnakapi.

30 Tuka te cin etanhan Wakantanka najin kiya.

31 Unkan tona Galile etanhan Jerusalem ekta om hi qon hena anpetu ota wanhdakapi, qa hena eepi dehan oyate kin wica-kiyaotaninpi ece.

32 Unkan unkiye wotanin wašte unkoniciyakapi, hunkake wicunyanpi taku iwahowicaye ciqon,

33 He cincawicayapi unkiyepi kin en, Wakantanka ecetukiya, Jesus piya icañkiye cin hee on ; hecen odowan icinonpa kin en kaken owapi qon, Micinkši kin he niye, anpe dehan cinca cicaga ce.

34 Qa wicašte cin etanhan najin kiye ça, wicañwin kin ekta i kte šni, heon kaken eya, Dawid towaonšida wicakapi kin he ci-
çupi kta ce.

35 Heon etanhan wanji tokeca en hecen eya ; Wanji Owotan-na nitawa kin he wicañwin wanyake kta e iyowinyakiye kte šni.

36 Dawid wicoicage tawa kin

WICOWOYAKE 14.

tanyan owicakicihan, Wakan-tanka tawacin kin eciyatanhan, hehan iştinma iyaye ça, hun-kake wicaye cin om hnakapi, qa wicalhwin wanyaka.

37 Tuka tuwe Wakantanka najin kiye cin he wicalhwin wanyake şni.

38 Heon wicaşta hunkawanjin ciyapi, wicaşta kin de eciyatanhan, wohtani kajujupi kin oniciyakapi e sdonya po.

39 Qa taku owasin, Moses ta-woahope kin niyuowotanpidan kta e okitpani kin hena ee kaes etanhan, tuwe wicada kinhan iye on owotanna kagapi kta.

40 Heon itonicipa po, okinni taku wicaşta wokean kin en cajeyatapi qon he en nihiyahdepi kta :

41 Tona ayaktapi şni kin, wawanyakapi qa inihanpi qa yutakuni şni iyeiciya po ; anpetu nitawapi kin en wicohan wanji ecamon kta, qa wicohan kin he tuwe oniciyakapi eşta wicayadapi kte şni ce.

42 Unkan Juda wicaşta kin omniciye tipi kin etanhan tankan hdicupi, hehan wicoie kin hena anpetu wakan hepiya, owicakiyakapi kta e icewicakiyapi.

43 Unkan omniciye kin wanna enakiyapi, hehan Juda wicaşta qa oyate tokeca etanhan he en opapi qon, cekiya unpi kin hena wicota Palos qa Barnabas kici owicapapi. Unkan wowicakiyakapi, qa Wakantanka towaonşida kin en unpi kta e iwahokonwicakiyapi.

44 Unkan ake anpetu wakan, hehan Wakantanka oie nahonpi kta e otonwe kin iyulha se en kiwitaya iheyapi.

45 Tuka Juda wicaşta kin hena wicota kin wanyakapi qehan, winawizipi on ojupidan, qa Pa-

los taku eye cin he akinicapi qa aiapi.

46 Hehan Palos Barnabas kici waditake icicagapi qa heyapi, Wakantanka oie kin niyepi tokaheya oniciyakapi kta e hecetu ; tuka he ayaktapi şni, qa owihanke wanin wiconi kin iye-nihantupi şni nihdukcapi kin heon, iho, Ikcewicaşta kin ekta unkihdamnanpi.

47 Hecen Itancan kin iwa-hounyanpi ; Ikcewicaşta iyoyanpa kin ecihnaka, maka ihanke kin hehanyan niwicayakiye kte cin heon.

48 Unkan Ikcewicaşta kin, hena oie kin nahonpi qehan, nina iyuşkinpi, qa Itancan oie kin yatanpi. Unkan tona owihanke wanin wiconi yuhapi kta e wicakahnigapi qon hena wicadapi.

49 Unkan Itancan oie kin makoce kin he owancaya oyakapi.

50 Tuka Juda wicaşta kin iş, winohinca okinihan cekiya unpi kin hena iyowicapaştakapi, qa otonwe kin en wicaşta itancanpi kin nakun, hecen Palos Barnabas kici şicaya wicakuwapi, qa makoce kin he etanhan hdicu wicayapi.

51 Tuka iş iyepi kin, hena en, siha watuşekşeca askape cin he hdatatapi, qa Ikonium ekta ipi.

52 Unkan waonspewicakiyapi kin wowiyuşkin Woniya Wakan ko on ojupidan.

WICOWOYAKE 14.

1 Unkan Ikonium ekta, sakim omniciye tipi, Juda oyate tawapi kin he en timahen yapi, qa iyecen iapi, hecen Juda wicaşta Helenes ko ota wicadapi.

2 Tuka Juda wicaşta tona wicadapi şni kin hena Ikcewicaşta kin iyowicapaştakapi, qa hun-

kawanjin kiciyapi kin śicaya wacinwicakiyus wicakiyapi.

3 Unkan tehan en yukanpi, qa Itancan kin on waditagya iapi, he qe wowaonsida oie kin hdaotanin, qa wowapetokeca wakan-yan econpi ko econ wicakiya.

4 Tuka otonwe kin oyate kin akipam iyeyapi; apa Juda wicašta kin om tipidan, qa apa is yewicaşıpi kin hena owicapapi.

5 Unkan Ikcewicašta, qa Juda oyate kin, tona itancan wicayuhapi kin hena koya, hena ana-wicatanpi, śicaya wicakuwapi qa inyan on wicakininpi kta;

6 He iye sdonkiyapi, qa Lustra qa Derbe, Lukaoniya en otonwe kin, makoce ihdukšan ko en onapapi.

7 Qa hen wotanin wašte kin oyakapi.

8 Unkan Lustra en wicašta wan siha on okitpani iyotankehan yanka, tonpi kin ehantanhan hušte, qa tohinni mani śni.

9 He Palos ie cin nahon; unkan he opahta yanke ɕa, wacin-yanpi on ni kte cin yuha e wan-yaka,

10 Hehan hotankakiya, Nisiha on bosdan najin wo, eya. Unkan is psin iyaye ɕa mani.

11 Unkan Palos taku econ kin he oyate kin wanyakapi qehan ho yuwankan icupi qa Lukaoniya iapi kin eciyatanhan, Taku wakan kin wicašta ihduza unkiyepi en kun unhiyupi ce, eyapi.

12 Qa Barnabas Jupiter eya caštonpi; qa Palos is, Hermes eciyapi, iapi on itancan kin hee, heon etanhan.

13 Hehan Jupiter otonwe itokam yanke cin he wošna kagapi tawa kin he tatanka watešdake ko, tiyopa kin en ahi, qa oyate kin om wošna kta tuka.

14 He yewicaşıpi kin, Barnabas Palos kici, nahonpi qehan, wokoyake aihdupotapi, qa oyate kin ekta inyang yapi, hotaninpi,

15 Qa heyapi, Wicašta kin, tokeca e hecanonpi he; niye yaunpi kin iyecen, wicašta akan-tu kin heuncapi, qa hena taku-śniśni kin adušanpi qa Wakan-tanka ni un kin ekta nihduhomni-pi kta e iwahokonunniciyapi; he mahpiya, maka, qa miniwanca, taku ohnaka ko, owasin kage cin hee.

16 He wicoicage hekpata un kin en, oyate kin owasin canku tawapi kin ohna manipi kta e iyowinwicakiya.

17 Hececa ešta tanyan econ, qa mahpiya eciyatanhan magaju wicaqu, makoncage taku ota icahe cin hena ko, qa woyute wowiyuškin ko on cante imna-nyanpi qon, he eciyatanhan olinniyan ihdutanin ce.

18 Unkan wicoie kin hena on wawicakiyušnapi kte cin oyate kin kitan se ayušan wicayapi.

19 Hehan Antiyoka qa Ikonium etanhan Juda wicašta wanjikji en hipi qa oyate kin iyowicapaštakapi; hecen Palos inyan on kininpi qa otonwe kin tankan yusdohan ayapi, wanna ɕa ke-cinpi.

20 Tuka waonspewicakiyapi kin ihdukšan hinajin yukanpi kin icunhan, iye najin hiyaye ɕa otonwe kin en i. Unkan ihan-ñanna qehan Barnabas kici Derbe ekta iyaya.

21 Unkan otonwe kin he en wotanin wašte kin oyakapi, qa wicota waonspewicakiyapi qehan, hehan Lustra, qa Ikonium, qa Antiyoka ekta icicawin hdapi.

22 Qa waonspewicakiyapi nagipi kin wašag wicakiyapi, qa wacinyanpi kin en kitanyan unpi

kta e iwahokonwicakiyapi, qa wokakije ota iyoopteya Wakan-tanka tokiconze kin en unkipi kta ce.

23 Unkan okodakiciye otoiyo-hi en hunka wicayapi kin wica-kagapi, qa wote šni wocekiye eyapi qehan, Itancan wicadapi qon he awanwicahdake kta e *icekiyapi*.

24 Unkan Pisidia opta yapi he-han Pampulia en kiyohipi.

25 Qa Perge en wicoie kin oya-kapi qehan, Atalia ekta apama-hde iyayapi.

26 Qa hetanhan Antiyoka ekta watom hdapi, wicolitani wanna hduštanpi kin heon, Wakantanka towaonšida kin yuhapi kta e ice-kiyapi qon he hetu.

27 Hen hdipi qa okodakiciye kin mniciye wicašipi, qa Wakan-tanka token econ wicakiye cin hena owasin owicakiyakapi, qa wacinyanpi tiyopa wan Ikcewicašta kin wicakiyuħdoke cin he nakun.

28 Unkan hen waonspewicaki-yapi kin om tehan owanji yu-kanpi.

WICOWOYAKE 15.

1 Unkan wicašta wanjikji Juda makoce kin etanhan apamahde yapi, qa hunkawanjinkiciyapi kin wahokonwicakiyapi qa, Mo-ses toope kin eciyatanhan bani-ciħdayapi šni kinhan yanipi kte šni ce, eyapi.

2 Unkan Palos Barnabas kici hena wicakigepi, qa nina awica-kinicapi, hehan wiwicawangapi kin he on, Palos Barnabas kici, qa iyepi kin etanhan wicašta to-keca wanjikji ko, yewicašipi kin, qa hunkawicayapi kin, Jerusa-lem ekta yakonpi kin, hena en wicayapi kta e konzapi.

3 Unkan okodakiciye kin hena

hecen yewicakiyapi qehan, Pho-nike, qa Samaria opta yapi, qa Ikcewicašta ihduhomnipi kin he oyakapi; qa hunkawanjin kici-yapi kin owasin en wowiyuškin tanka kagapi.

4 Unkan Jerusalem ekta ipi qe-han, okodakiciye kin he, qa ye-wicašipi kin, hunkawicayapi kin hena ko, tin hiyu wicakiyapi; hehan Wakantanka token econ wicakiye cin owasin ohdakapi.

5 Tuka Pharisee yuomdecapi kin etanhan wanjikji wicadapi qon hena inajinpi qa heyapi, Ba-wicakiliħdayapi qa Moses toope kin ope wicašipi kta iyececa ce, eyapi ce.

6 Unkan wicoie kin de akiiapi kta e on yewicašipi kin, hunka-wicayapi ko witaya mniciyapi.

7 Qa nina wikiciwangapi he-han, Inyan inajin qa hewicakiya, Wicašta hunkawanjinci-yapi kin, ehanna unketanhanpi kin Wa-kantanka miye makahnige ça, mii kin eciyatanhan Ikcewica-šta kin wotanin wašte oie kin naħonpi, qa wicadapi kta e kon-za sdonayapi.

8 Qa Wakantanka wicacante kin sdoney cin he wicayaotanin, qa Woniya Wakan unkiye *unqu-pi qon*, he iyecen wicaqu.

9 Qa takudan ocitkonze šni unkagapi, iye cantepi kin nakun wicadapi kin on wicakipakinta.

10 Heon nakaha tokeca e Wa-kantanka iyutanyayapi, qa can napinpi wan, hunkake wicun-yanpi qa unkiyepi kin yuha un-kokihipi šni kin he waonspewi-cakiyapi tahupi kin en eyahna-kapi kta he.

11 Tuka Jesus Messiya Itan-can kin towaonšida kin on, iš iyepi kin wiconi *yuhapi kte* cin, he iyecen unkiš unhapi kta e wicaundapi ce.

12 Hehan omniciye kin owasin inina yukanpi, qa Barnabas Palos kici, wowapetokeca wakanyan econpi ko, Wakantanka Ikcewicašta kin ekta econ wicakiye cin hena ecen ohdakapi kin nahonpi.

13 Unkan wanna ayaştanpi, hehan Jakob ayupte ça heya; Wicašta hunkawanjin ciyapi, miye namañon po.

14 Otokahe ekta token Wakan-tanka Ikcewicašta kin etanhan oyate wanji, iye caje kin on, iwicacu kta e ekta wicai qon he Simon oyaka.

15 Qa he kici wicašta wokcan oiepi qon okonwanjidan, kaken wowapi en kagapi;

16 He iyohakam mihdamna, qa Dawid tawakeya jujwahe cin he piya wakage kta; qa mdecahe cin hena ake wakage ça ecen he wakiye kta.

17 Qa hecen wicašta okapta-pi kin, Ikcewicašta owasin ko, tona micaje icajewicayatapi kin hena Jehowa akitapi kta ce, Itancan kin hena owasin econ kin he heya ce.

18 Otokaheya tanhan Wakan-tanka taku icahiye cin owasin sdonkiya.

19 Heon etanhan miş kaken imdukan, Ikcewicašta kin tona Wakantanka ekta ihduhomnipi kin hena nagiyewicunyanpi kte şni.

20 Tuka wakagapi on aşapapi kin, qa wiinahmanpi kin, qa we, qa taku weye şni yutapi kin, hena itehan yeiciyapi kta e wowapi wicunkicagapi kta.

21 Wanakaja tanhan tona Moses oyakapi kin hena otonwe otoiyohi kin en yukanpi, qa anpetu okihpapi eca, omniciye tipi kin ohna he yawapi ece, eya.

22 Hehan is iyepi kin etanhan

wicašta kañnigapi kin heca, Judas Barsabas eciyapi, qa Silas, hunkawanjin kiciyapi kin en wicašta okinihan, hena Palos qa Barnabas kici, Antiyoka ekta ye wicaşıpi kta e, yewicaşıpi kin, hunka wicayapi kin, okodakiciye kin owasin ko iyokipipi.

23 Qa heciya ayapi kta e kaken wowapi kagapi; Yewicaşıpi kin, qa hunka wicayapi, hunkawanjin kiciyapi kin hena ko, hunkawanjin kiciyapi Ikcewicašta etanhan, Antiyoka, qa Suria, qa Kilikia en yakonpi kin, Wookiye yukan po.

24 Unkiyepi etanhan wanjikji iyayapi, qa wicoie on nagiyenianpi, qa ninagipi kin nipahohopi qa, Baniçihdayapi, qa wicoope kin oyapapi kta ce, eniciyapi ce, naunhonpi; unkiye tohinni heye wicunşıpi şni tuka:

25 Heon etanhan tawacin wanjidan hduha unwitayapi qehan, wicašta kañnigapi kin heca e niyepi kin ekta ye wicunşıpi kta e iyounkipipi, Barnabas qa Palos waştewicunkidakapi kin hena om:

26 Hena wicašta kin wiconi ehpekiyapi seca, Jesus Messiya Itancan unkiyapi kin heon etanhan.

27 Hecen Judas qa Silas ye wicunşıpi, hena e wicoie on atayedan hecen oniciyakapi kta.

28 Woniya Wakan kici hecen iyounkipipi, waqinpi toketa unkanihnakapi kte şni, tuka dena taku owotanna kin hecehnana;

29 Taku wakagapi wakiyuşnapi, qa we, qa taku we ye şni yutapi, qa wiinahmanpi kin hena itehan yeniciyapi kta. Hena itebanyan yaunpi kinhan tanyan ecanonpi kta. Tanyan yaunpi nunwe.

30 Hecen hena ye wicaşıpi qe-

han, Antiyoka ekta ipi, qa oyate kin kawitaya iheyapi, hehan wuwapi kin he wicaqupi.

31 He yawapi, unkan wahokonwicakiyapi kin on nina iyuskinpi.

32 Unkan Judas qa Silas wicaŝta wokcan kin hecapi, heon hunkawanjin kiciyapi kin oie ota on wahokonwicakiyapi, qa wicayasutapi.

33 Wanna anpetu ota en yukanpi, hehan hunkawanjin kiciyapi kin hena yewicaŝipi kin ekta wookiye hde wicaŝipi.

34 Tuka Silas en un kta e iyokipi.

35 Palos qa Barnabas Antiyo-ka en unpi, wicaŝta tokeca ota ko, *oyate* kin waonspewicakiya-pi, qa Itancan oie kin oyakapi.

36 Unkan iyohakam anpetu tonana, hehan Palos Barnabas heciya, Tukten Itancan oie kin unkoyake cigon, ake otonwe otoiyohi ekta unye ça, hunkawanjin wicunye cin wanwicundake ça, token yakonpi kin *sdonunye kta ce*, eya.

37 Unkan Barnabas he is, Johannes Markos eciyapi, yuha yapi kta cin.

38 Tuka he Pampulia ekta ehewicaye ça wicolitani kin en owicape ŝni qon, heon etanhan Palos he yuha yapi kte cin iyokipi ŝni.

39 Unkan he on hdokinicapi qa hecen otoiyohi ehpekiciyapi: unkan Barnabas Markos yuha Kupros ekta watom iyaya.

40 Tuka Palos Silas kaŝnige ça, Wakantanka towaonsida kin kici un kta e hunkawanjinkiciyapi kin icekiyapi qehan, hehan iyaya;

41 Qa Suria qa Kilikia opta iyaye ça, okodakiciye kin suta wicakaga.

WICOWOYAKE 16.

1 Hehan Derbe qa Lustra ekta iyohi; unkan ibo, waonspekiyapi kin wanji hen un, Timotheos eciyapi, Juda winohinca wicake cin he cinhintku; tuka atkuku kin e Helenes oyate kin etanhan.

2 Hunkawanjin kiciyapi Lustra, qa Ikonium en yukanpi kin hena, he waŝte e oyakapi.

3 Hetanhan Palos kici ya cin, qa Juda wicaŝta hen unpi kin hena on, he icu qa bakicilidaya; atkuku kin Helenes heca e owasin sdonyapi.

4 Unkan otonwe iyaza yapi, qa yewicaŝipi kin, kunka wicayapi ko, Jerusalem en yukanpi kin woahope kagapi qon hena tanyan yube wicaŝipi.

5 Hecen okodakiciye kin wacinyanpi kin en wicayusutapi, qa anpetu otoiyohi nina yuota aya.

6 Unkan Phrugia qa Galatia makoce kin opta iyayapi, qa Asia en wicoie kin oyakapi kte cin Woniya Wakan kin tehinda qehan;

7 Hehan Musia ekta ipi, qa hetanhan Bithunia ekta ye wacinpi, tuka Woniya kin iyowicaki ŝni.

8 Unkan Musia opta iyayapi qehan, Troas en iyohipi.

9 Unkan hanyen Palos wowanyake wan wanyaka; Wicaŝta wan Makedonia etanhan tanyan inajin, qa cekiye ça, Makedonia en u, qa ounkiya po, eya.

10 Wowanyake kin de wanyake cin heon hinnakaha Makedonia heciya unyanpi kta e uncinpi, Itancan kin hena wotanin waŝte kin owicunkiyakapi kta cin heon unkicopi e unhdukcanpi.

11 Hecen Troas etanhan pa-
canan iyeunyanpi, qa Samotrake
ekta owotanna unyanpi, qa he-
tanhan ihanhanna Neapolis en
unkipi.

12 Qa hetanhan Philippi en un-
kipi, otonwe téca qa Makedonia
makoce onspa kin he en otonwe
tokapa kin hee. Qa anpetu to-
nana otonwe kin he en unkan-
pi.

13 Unkan anpetu wakan he-
han, otonwe kin etanhan inaun-
papi, qa wakpa wan icahda wo-
cekiye eyapi ece qon he en *un-
kipi*; hen unkiyotankapi, qa wi-
nohinca ece en mniciyapi kin
hena owicunkiyapi.

14 Unkan winohinca wan, Lu-
dia eciyapi, Thuatira otonwe kin
etanhan, wokoyake duta ece wi-
yopeye cin heca, Wakantanka
kokipeyahan un he nahon yan-
ka: unkan cante kin Itancan
kin yuzamni, on Palos oie kin
anagoptan.

15 Unkan tiyohnaka kin om
baptem qupi qehan, hehan ceun-
kiyapi qa, Itancan kin on wica-
waka kecanmayakinpi hecinhan,
wati kin en tin upi, qa ohna yu-
kan pe, eye ça ecen eon unki-
yapi.

16 Hetanhan wocekiye eya
unyanpi eca, wicinnyanna wan
itkounkipapi ece, he taku wakan
woyaka ece kin yuhe ça, wakan-
yan wohdag un kin heon tawa-
yapi kin taku ota wicakicamna.

17 He Palos unkiyepi ko unki-
hakam u, qa; Wicašta kin dena
Wakantanka tehan wankantuya
un kin taokiyeye wicaye cin, wico-
ni canku kin unkokiyakapi kin
hena eepi ce, eya hoyekiya.

18 Qa anpetu ota hecen econ.
Tuka Palos nagiyeye cin heon
hakikta qa, Jesus Messiya caje
on winohinca kin de etanhan

tankata inanpe ciši, taku wakan
kin eciya. Unkan wihiyayedan
oape kin he en tankan hiyu.

19 Unkan winohinca kin de
yuhapi kin heepi, taku kamnan-
pi kte cin he akitakunipi šni kin
he wanyakapi e etanhan, Palos
Silas kici wicayuzapi, qa tipi
hocoka kin ekta wicašta tokahe
wicakiyapi kin en awicayapi:

20 Qa wicašta itancan wicaki-
yapi kin en wicakaipi, qa heya-
pi, Wicašta kin dena Juda wi-
cašta kin hecapi, otonwe unki-
tawapi kin nina nagiyeyapi;

21 Qa wicohan onspewicakiya-
pi kin hena e, Roma wicašta he-
uncapi kin, unki cupi qa unkopa-
pi kta e iyecece šni.

22 Unkan oyate kin owasin wi-
taya takpe wicaupi; qa wicašta
itancan wicakiyapi kin wokoya-
ke awicayupotapi, qa wicaka-
psinpsinte wicašipi.

23 Unkan ota awicapapi, hehan
wicakaška tipi kin en iyewica-
yapi, qa tipi awanyake cin su-
taya wicayuhe šipi.

24 He hecen econ šipi, unkan
wicakaška tipi temahentuya kin
he en onawicataka, qa siha kin
can on kaškapi ece kin en suta-
ya kaška wicahnaka.

25 Unkan hanye cokaya hehan,
Palos Silas kici Wakantanka ce-
kiyapi, qa yatan downpi; unkan
wicašta wicakaškapi kin he na-
honpi.

26 Unkan ihnuhanna maka kin
nina huhuzahan, qa tipi ahe cin
hena yuhuhuzapi, qa tiyopa kin
owasin kazamni iyaye ça, on pa-
wicalitapi kin owasin mdecahan
hinnda.

27 Hececa, unkan wicakaška
tipi awanyag kiyapi kin kikta,
qa tiyopa kin yuzamni han wan-
yaka, unkan wicašta wicakaška-
pi kin owasin kihdapi kecin, he-

on mazasagye ehdaku qa on
icikte kta ;

28 Tuka Palos nina hoyekiye
ça, Kiuniiciye sni wo, owasin
den unkanpi ce, eya.

29 Hehan petijanjan wan da,
qa tin iyaye ça, cancan Palos
Silas kici siha hdepi kin en
ehpeiçiya ;

30 Qa tankan awicaye ça, Itan-
canpi wani kta e token ecamon
kta he, ewicakiya.

31 Unkan, Jesus Messiya Itan-
can kin wacinyan wo, hecen
nicinca om yani kta ce, eci-
yapi.

32 Qa Itancan oie kin okiya-
kapi, tona ti kin en yukanpi kin
hena owasin koya.

33 Unkan hanyetu kin wihiya-
yedan oape kin he en, iwicacu,
qa oape kin wicakiyujaja, qa he-
han baptem qupi, tiyohnaka owa-
sin ko.

34 Qa iye ti kin en awicaki qa
won wicaya ; qa tiyohnaka kin
om wicada qa iyuskin.

35 Unkan wanna anpa qehan,
itancan wicakiyapi kin akicita
eyanpaha kin ekta ye wicaşıpi,
qa, Wicašta kin hena wicakiyu-
ška wo, eyapi.

36 Unkan wicakaška tipi awan-
yake cin, hena oie kin Palos oki-
yake ça, Itancan wicakiyapi kin
niciyuska kta keya hoşı hipi,
heon etanhan tankan kinanpapi,
qa wookiye hda po, eya.

37 Tuka Palos hewicakiya, Ro-
ma wicašta heuncapi, tuka un-
yacopi sni ecen taninyan un-
kapsinsintapi, qa onatag eun-
hnakapi, qa hinnakaha analibeya
hde unşıpi he : hiya, iye ataye-
dan upi, qa tankan unkaupi kta,
eya.

38 Hehan akicita eyanpaha kin
itancan wicakiyapi kin dena owi-
cakiyakapi, unkan Roma wicašta

kin hecapi e nañonpi kin heon
inihanpi.

39 Qa iye atayedan ekta ipi, qa
cewicakiyapi, qa tankan awicau-
pi, qa otonwe kin etanhan hdapi
kta icewicakiyapi.

40 Unkan wicakaška tipi kin
etanhan tankata inanpapi, qa Lu-
dia ti kin en ipi ; qa hunkawan-
jin kiciyapi kin wanwicahdaka-
pi, hehan wicakihnapi, qa etan-
han token iyayapi.

WICOWOYAKE 17.

1 Unkan Amphipolis qa Apolo-
nia opta yapi kin, hehan Theşa-
lonike en ipi ; hen Juda oyate
omniciye tipi kin wanji yu-
kan.

2 Unkan Palos token econ ece
kin ake ecen econ, qa timahen i,
qa anpetu okihpapi yamni, wo-
wapi wakan kin eciyatanhan,
oyate kin wowicakiyaka.

3 Ie ça Messiya te kte ça, wi-
conte kin etanhan najin kta e
hecetu e yaotanin, qa, Jesus oci-
ciyakapi kin he Messiya kin ee
ce, eya.

4 Unkan hunñ wicadapi, qa
Palos Silas kici owicapapi, He-
lenes wicašta owotanna ota, qa
winohinca tokapapi kin wani-
stinpidan sni.

5 Tuka Juda oyate wicadapi
sni kin hena wohinyanpi, qa wo-
peton tipi hocoka kin etanhan
wicašta şica wanjikji iwicacupi,
qa kiwitaya iheyapi, qa otonwe
kin ocowasin oqoyeyapi, hehan
Jason ti kin takpe ipi, qa oyate
kin ekta tankan hiyu wicayapi
kta e akitapi.

6 Qa iyewicayapi sni qehan,
Jason hunkawanjin kiciyapi wan-
jikji om otonwe kin en wicašta
itancanpi kin ekta awicaipi, qa
hotankakiya hotaninpi, Tona ma-

ka kin yuahdapsínyan ehpeyapi qon hena den hipi :

7 Qa Jason hena tin u wicaši. Unkan hena owasin Kesar toope kin opapi šni, qa, Wicaštayatapi tokeca wan Jesus hee ce, eya oyakapi ece, eyapi.

8 Unkan otonwe en wicašta itancanpi kin oyate ko, hena nahonpi kin inihan wicayapi.

9 Unkan Jason qa unmapi kin taku iwakta wicayapi, hehan awicayuştanpi.

10 Hehan hunkawanjin kiciyapi kin Palos Silas kici hanyen Berea ekta awicayapi. Hena ekta ipi, qa Juda oyate omniciye tipi yuhapi kin he en timahen yapi.

11 Hena is Thesalonike oyate kin sam iyeya wacin ksapapi, wicoie kin tawacin inahni on icupi, qa hena hecetu e sdonyapi kta, heon anpetu iyohi wowapi wakan kin en akitapi ece.

12 Heon etanhan wicota wica-dapi, Helenes winohinca okinihan, qa nakun wicašta ota.

13 Tuka Berea ekta Palos Wakantanka oie kin oyake cin he, Juda wicašta Thesalonike en un kin hena sdonyapi qehan, ekta ipi, qa wicota kin wicayaškiškapi.

14 Unkan hehan hunkawanjinkiciyapi kin Palos miriwanca kin ekta ye kta se token ye šni; tuka Silas qa Timotheos hen owanji yukanpi.

15 Unkan tona Palos ayapi qon hena Athenas ekta aipi; qa Silas Timotheos kici kohanna en upi kta e iwahowicaye cin he hoši wicakahdapi.

16 Unkan hena Athenas ekta upi kta e Palos awicape yanke cin, he icunhan, otonwe kin wakagapi ojudan e wanyake ça on wacin iyokišica hinhda.

17 Qa heon omniciye tipi kin ohna Juda oyate, qa tona owicapi kin hena om wohdaka, qa nakun anpetu otoiyohi wopeton tipi hocoka kin ekta tona itkowicakipe cin hena om.

18 Unkan hehan Epikureos qa Stoikos oyate kin etanhan, wicašta woksape cinpi wanjikji Palos itkokipapi qa, I wakan kin de token eye kta he, hunh eyapi; qa hunh is, He taku wakan tokeca ehde sececa ce, eyapi; Jesus qa wiconte etanhan woekicetu kin hena owicakiyaka, heon etanhan.

19 He icupi, qa Areyos paha kin ekta aipi qa, Woonspe teca odake cin he taku kin sdonunyanpi kta uncinpi:

20 Taku wotanin tokeca noge on nahon unyayapi kin hena token kapi hecinhan, sdonunyanpi kta ce, eciyapi.

21 Athenas oyate, qa wicašta tokeca en yukanpi kin owasin, taku tokeca econpi šni, taku nakaha otanin kin oyakapi, qa nahonpi kin heceyedana.

22 Hehan Palos Areyos paha kin cokaya inajin, qa heya; Athenas wicašta kin, taku wakan kin nina awacannipi e, taku owasin on imdukan.

23 Naka taku wakan yadapi kin en awahimdanda, unkan iho, wahna wošnapi wan, Taku wakan sdonyapi šni un kin, akan owapi kin he iyewaye. He iyukeanšniyan ohoyadapi kin hee e ociciyakapi.

24 Taku Wakan kin tuwe maka taku ohnaka ko owasin kage ça, malipiya maka ko Itancan kin hee, heon tipi wakan wicanape on kagapi kin ohna ti šni;

25 Qa iye kin owasin wiconi, qa woniya, qa taku owasin ko wicaqu ece kin, he taku icakije

cin iyecen, wicašta nape kin on okiyapi šni ece.

26 Qa wicawe wanjidan on, wicašta oyate hiyeye cin owasin, maka kin owancaya etipi kta e wicakaga; qa tohanhan nipi, qa tuktektan tipi kte cin hena otohahe tanhan wicakiciyuštan.

27 Heon Itancan kin akitapi kta iyececa, okinni yutantan akitapi kinhan iyeyapi kta, otoiyohi unkitehanpi šni un tuka ce.

28 Iye atayedan on unnipi, qa unškanškanpi, qa en unyakonpi ece: enitanhanpi wicašta odowan kagapi ece kin hena wanjikji heyapi qon, Unkiš eya he cinca unyakonpi ce.

29 Hecen Wakantanka cinca unyakonpi kin, mazaskazi, qa mazaska, qa inyan, wicašta wayupike wacinksape bagopi kin, Taku Wakan kin iyacinpi kta iyececa unkecinpi kte šni.

30 Qa wookašnige šni omaka kin hena, Wakantanka ekta etonwe šni; tuka wanna wicašta owasin owancaya ihduecetu wicaši.

31 Qa anpetu wan en wicašta kin woowotanna on wicayaco kta e konza, wicašta kašnige ciquon he on *hecon kta*, qa wiconŋe kin etanhan najin kiye cin heon he owasin sdonye wicaya ce, eya.

32 Unkan wicaŋe cin piya icašiyapi kin he našonpi qehan, hunh ihašapi; qa apa iš, He on ake naunnihonpi kta ce, eyapi.

33 Hecen Palos wicacokaya tanhan tokan iyaya.

34 Tuka wicašta wanjikji opapi, qa wicadapi; Dionusius Areyos paha omniciye kin en ope ciquon he wanji ee, qa winohinca wan Damaris eciyapi, qa nakun toktokecapi.

WICOWOYAKE 18.

1 Hena iyohakam Palos Athenas ayuštan, qa Korinth ekta i:

2 Qa hen Juda wicašta wan iyeya, Akula eciyapi, Pontos en tonpi, qa aškatudan Italia etanhan hiyu, tawicu Priskila kici; Kladios Juda wicašta kin owasin Roma ayuštan wicaši kin heon etanhan. Unkan hena en wicaŋi;

3 Qa kici wicoštani okonwanjidan, heon om un, qa om ŋtani, wakeya kagapi kin hecapi.

4 Qa anpetu wakan eca omniciye tipi kin ohna wowicakiyaka ece, qa Juda oyate Helenes ko cinwicakiya.

5 Unkan Silas qa Timotheos Makedonia etanhan hiyupi qa en hipi qehan, Palos nagi kin ekta iyopaštag iciye ɸa, Jesus he Mes-siya kin ee ce, Juda oyate kin owicakiyaka.

6 Unkan hena e wakipajinpi, qa sicaya iapi kin, hehan Palos wokoyake aibdatata, qa hewicakiya, Niwe kin nipapi kin akan niunpi nunwe, miye mabapica šni waun, detanhan Ikcewicasta kin ekta mde kta ce.

7 Unkan hetanhan tankan ye ɸa, wicašta wan Wakantanka ohoda, Justos eciyapi he ti kin omniciye tipi kin ikiyadan han; unkan tipi kin he en tin iyaya.

8 Unkan Krispos, omniciye tipi kin en itancan kin, he Itancan kin wacinyan, tiyohnaka owasin om; qa Korinth oyate kin wicota našonpi qehan wicadapi, unkan baptem wicaqupi.

9 Unkan hehan hanyen wowihamde en, Itancan kin Palos heciya, Ihanuhan taku koyakipe cin, tuka nina ie ɸa, inina yanke šni wo.

10 Miye cicica, qa tuwedan

kiuniniye kta e iyanihpaye kte šni; otonwe kin de ohna oyate ota wicamduha ce, eya.

11 Unkan hen wi ake šahdogan hehanyan iyotanke ça, Wakantanka oie kin onspewicakiya.

12 Unkan Galiyo Akeya ma-koce kin en itancan un kin, hehan Juda oyate witaya Palos takpe ipi, qa woyaco oiyotanke kin en ahipi;

13 Qa, Woahope kin eciyatanhan šni Wakantanka cekiyapi kta e wicašta kin onspewicakiye cin he dee ce, eyapi.

14 Unkan Palos i hdukawa kta, hehan Galiyo Juda oyate kin hewicakiya; Juda wicašta kin, de taku šica econpi, qa iš wicaštašniyan ohanyanpi kin hee unkanš, nacihonpi kta iyececa tuka:

15 Tuka wicoie, qa wicacaje, qa woope nitawapi on wiwagapi kin heca hecinhan, niš ito ekta etonwan po; taku hececa on wimdukcan kte šni ce.

16 Hehan woyaco oiyotanke kin etanhan kašam iyewicaya.

17 Unkan Helenes wicašta kin owasin Sosthenes, omniciye tipi kin en itancan kin he, icupi, qa woyaco oiyotanke kin itokam apapi. Tuka Galiyo hena taku kin ekta ewacin šni yanka.

18 Unkan he iyohakam Palos anpetu ota hen yanke čehan, hunkawanjin kiciyapi kin awicayuştan, qa Suria ektakiya watom iyaya, Priskila Akula kici opapi Kenkreya ekta paha kin bakišda, hecen ičiconza kin heon.

19 Hehan Ephesos ekta iyohi, qa hen ehpewicaya; tuka iye kin omniciye tipi kin en tin iya-ye ça, Juda oyate kin om woldaka.

20 Unkan en tehan owanji yanke kta e cinpi ešta wicada šni:

21 Tuka napewicayuze ça, Jerusalem ekta wošnapi u kte cin he en owape kta, tuka Wakan-tanka iyokipi kinhan, ake en cihdipi kta ce, eya. Hehan Ephesos etanhan watom iyaya.

22 Qa Kesareya en huta ekta ihunni, qa hen ihe ça okodakciye kin napewicayuze čehan, Antiyoka ekta apamahde iyaya.

23 Qa anpetu ota hen un kin, hehan Galatia qa Phrugia ma-koce kin owancaya ye ça, waonspewicakiyapi kin owasin wašag wicakiya.

24 Unkan Juda wicašta wan, Apolos eciyapi, Aleksandrea en tonpi, wicašta wayapike ça wowapi wakan on wašaka, he Ephesos ekta hi.

25 Wicašta kin he Itancan tancanku kin onspe, qa nagi kata, heon ninana ie ça, Itancan taku tawa kin onspewicakiya, Johannes baptem tawa kin hecedan sdonya tuka.

26 Hee omniciye tipi kin ohna waditagya ia; unkan Akula qa Priskila našonpi qehan, he icupi, qa Wakantanka tancanku kin sanpa tanyan okiyakapi.

27 Unkan Akeya ekta ye wacin, hehan hunkawanjin kiciyapi kin heciya wowapi wicakicagapi, qa he iyowinkiyapi kta e iwahokonwicakiyapi. He heciya i, qa tona wowaonšida kin on wicadapi qon hena nina owicakiya;

28 Qa Juda oyate kin omniciye en nina awacin wicaye ça, wowapi wakan kin eciyatanhan Jesus he Messiya kin ee e yatanin.

WICOWOYAKE 19.

1 Unkan Apolos Korinth en un kin icunhan, Palos iheyata ma-koce kin opta ye ça, Ephesos

ekta iyohi, qa hen waonspewicakiyapi wanjikji iyewicaya :

2 Qa hewicakiya, Wicayadapi ehantanhan Woniya Wakan kin iyacupi he. Unkan is, Woniya Wakan yukan e nahahin naunhonpi sni ce, eyapi.

3 Unkan, Taku on baptem nicipi he, ewicakiya. Unkan, Johannes baptem tawa kin hee ce, eyapi.

4 Unkan Palos, Johannes ihduacetupi kte cin on baptem wicaqu, qa oyate kin tuwe u kte cin he wicadapi kta, kewicakiya, he Jesus Messiya kin ee ce, eya.

5 He nahonpi, unkan Jesus Itancan caje kin on baptem wicacupi.

6 Hehan Palos nape on awicaputake ca, Woniya Wakan en wicahi, unkan ceji tokeca on iapi qa wokcanpi.

7 Hena owasin wica ece wikcemna ake nonpa.

8 Unkan omniciye tipi kin tin iyaye ca, wi yamni waditagya ie ca wohdaka, qa Wakantanka tokiconze taku tawa kin onspewicakiya.

9 Tuka wanjikji suta icicagapi qa wicadapi sni kin hena, wicota kin en, cankur kin de on sicaya eyapi qehan, hena awicayustan, qa waonspewicakiyapi kin aiyyog iyewicaye ca, anpetu otoiyo, tuwe Turannos eciyapi, he oya-wa tipi yuhe cin ohna woyaka ece.

10 Waniyetu nonpa hehanyan hecen econ, unkan tona Asia en yakonpi kin hena owasin Jesus Itancan oie kin nahonpi, Juda Helenes wicašta ko.

11 Unkan Palos nape kin on Wakantanka wowapetokeca wakan kin econ ece.

12 Hecen iye tancan kin etan-

han, napipakinte qa makuakahpe kin wayazanpi kin en akipi; unkan wowayazan kin ayustan iyaye ca, taku wakan sicapi kin tankan inanpapi.

13 Unkan wanjikji, Juda wicašta wapiyapi kin heca, tona taku wakan sica yuhapi kin hena en, Jesus Itancan kin eajeyata utapi, qa, Jesus Palos oyake cin he cajeyan naunhon po, eyapi.

14 Qa Juda wicašta wošna kagapi wangi, Skewa eciyapi, he cinhintku šakowin kin hena heconpi.

15 Tuka woniya sice cin he waayupte ca, Jesus sdonwaye ca, Palos nakun sdonwaya, tuka uis nituwepi he, eya.

16 Unkan wicašta taku wakan sica yuhe cin he iyawicalipaye ca, ohiwicaya, hecen tancodan kiunniyanpi ecen tipi kin etanhan tankan, najicapi.

17 Unkan tona Ephesos en yukanpi kin, Juda qa Helenes oyate kin owasin he sdonyapi; qa wokikepe owasin awicahinhpaya, unkan Jesus Itancan caje kin yatanpi.

18 Unkan tona wicadapi kin etanhan wicota en ahi, qa wohdakapi, wicohan qon ohdakapi;

19 Qa tona wapiyapi econpi kin hena wicota wowapi tawapi kin en ahipi, qa owasin wicotokam hulnahiyapi; hena iyoepiyapi kin hdawapi, qa mazaska kektopawinge wikcemna zaptan iyawapi.

20 Hecen Itancan oie kin nina icage ca ohiya.

21 Unkan hena taku kin wana enakiyapi, hehan Palos woniya eciyatanhan konza, Macedonia qa Akeya opta ye cinhan, hehan Jerusalem ekta ye kta, qa, Heciya wai kinhan hehan Roma wanmdake kta ce, eya.

OHANYANPI QON.

22 Qa ookiye wicayuhe cin nom, Timotheos qa Erastos, hena Makedonia ekta ye wicaši, tuka iye anpetu tonana Asia en owanjidan yanka.

23 Unkan he icunhan canku kin de on nina owodutaton.

24 Tuwe Demetrios eciyapi, mazaska kage cin heca, he mazaska kokadan Diana kicaga ece, qa tona wocon kin he econpi kin hena taku ota wicakicamna.

25 Hena cepi, qa tona opeya hitanipi kin hena ko wicakico qa hewicakiya, Wicašta kin, wicohtani kin de on woyuha untongi e sdonyakiyapi.

26 Qa nakun Ephesos ecedan šni, tuka Asia owancaya, Palos kin de oyate ota wahokonwicakiye ça, wicayuhomni qa, Taku wakan nape on kagapi kin hena wakan šni çe, eya owicakiyaka e sdonyayapi qa nahonpi.

27 Qa hecen taku on waunkamnanpi ece kin he wahtedapi kte šni seca, qa hecedan šni, nakun Diana taku wakan tanka tipi wakan tawa kin takudapi kte šni, qa wowitan hduhe cin yutakuni kte šni, he qe Asia owancaya, qa oyate kin iyuhpa ohodapi tuka ce, eya.

28 Unkan hena nahonpi qehan, nina canteptanyanpi qa, Diana Ephesos oyate tawapi kin he tanka ce, eyaya hotaninpi.

29 Unkan otonwe kin owancaya nina owodutaton; qa Gayos qa Aristarkos kici, Makedonia wicašta kin, Palos kici hipi qon hena iwicacupi, qa tawacin wanjidan owanyake tipi kin en inyang yapi.

30 Unkan Palos oyate kin en wicai kta, tuka waonspewicakiyapi kin iyokipi šni:

31 Qa Asia en wicašta tokapapi wanjikji, iye takodawicaye cin hena wahoyapi, qa owanyake tipi kin timahen iyolipaye kte šni e icekiyapi.

32 Heon hunh taku eya hotaninpi, qa hunh is togye eyapi; omniciye kin nina oqoyapi; qa tokeca e on mniciyapi kin ota sdonyapi šni.

33 Hehan Aleksander wicota kin etanhan ahinpi, qa Juda wicašta kin he cokata iyaye yapi. Unkan Aleksander namwicakicawin, qa oyate kin wowicakiyake kta.

34 Tuka he Juda wicašta kin heca e sdonyapi, unkan wihiyayedan oape nonpa hehanyan, owasin ho wanjidan hotankakiya hotaninpi, Diana Ephesos oyate tawapi kin he tanka ce, eyaya yukanpi.

35 Unkan wowapi kage cin he oyate kin wicayuinina qehan, hecen eya, Ephesos wicašta kin, Ephesos otonwe kin de Diana taku wakan tanka he tipi wakan tawa kin awanyag un, qa wakagapi Jupiter etanhan hinhpaye ciqon he nakun, he tuwe wicašta kin he sdonye šni he.

36 Dena taku kin cetunhdapica šni, heon inina dukanpi, qa takudan inahniyan ecanonpi kte šni tuka.

37 Wicašta kin dena tipi wakan kin etanhan takudan manonpi šni, qa taku wakan nitawapi kin yašicapi šni, tuka den awicayahipi.

38 Demetrios qa tona om hitani kin hena tuwe en taku auci cinpi kinhan, woyaco anpetu yukan, qa nakun wicašta wayacopi kin; otoiyo hi wiyakicionpapi kta.

39 Qa niš taku tokeca on wiungapi hecinhan, omniciye wi-

coope kin eciyatanhan un kin he en yacopi kta.

40 Anpetu kin de owodutaton kin on wiunwangapi kta naceca ; omniciye kin de on etanhan taku unkeyapi kte cin takudan unhapi šni ce, eya.

41 Unkan hena hecen eye cehan, hehan omniciye kin hde wicaši.

WICOWOYAKE 20.

1 Owodutaton kin he henakeca, hehan Palos waonspewicakiyapi kin wicakico, qa i iwicaputaka, qa Makedonia ekta ye kta e hetanhan iyaya.

2 Unkan makoce kin hena opta iyaye ça, oie ota on iwahokonwicakiye cehan, Helenes makoce kin en iyohi :

3 Qa wi yamni hen owanji yanka. Unkan Suria ekta watom ye kta, hehan Juda wicašta kin nahimana iyapepi kin heon Makedonia opta icicawin hde kta e iciconza.

4 Unkan Sopater Berea etanhan, qa Thesalonike etanhan Aristarkos Sekundos kici, qa Gayos Derbe etanhan, qa Timotheos, qa Asia wicašta, Tucikos qa Trophimos, hena Asia ekta Palos kici yapi.

5 Hena e tokata yapi, qa Troas en unkaepi.

6 Unkan aguyapi on napohyapi codan anpetu kin iyohakam, Philippi etanhan watounpapi, qa anpetu zaptan hehan Troas en wicunkihdegapi, qa hen anpetu šakowin unkokilpapi.

7 Unkan anpetu tokaheya kin he en waonspewicakiyapi kin aguyapi kiyušta imniciyapi, hehan Palos wowicakiyaka, hanhanna hetanhan hde kta, hecen hanye cokaya hehanyan wahokonwicakiya yanka.

8 Unkan wankan tipi ohna mni-ciya yukanpi kin he en petijanjan ota hdepi.

9 Unkan koška wan, Yutikos eciyapi kin he owanyeye kin en iyotankehan yanke ça, ištınbe hinca : unkan Palos tehan wo-yake cin icunhan, ištınma iwanke ça, owanka iciyamni kin hetanhan hinlipaye ça ta ecen eyakupi.

10 Hehan Palos kun ye ça akan ehpeiciye ça, poskin yuze ça, Ihnuhan yaceyapi kin, taniya kin nahahin mahen un ce, eya.

11 Qa ake wankan ye ça, aguyapi kiyušte ça, yute ça, tehan ia yanke cin, anpa kamdeze cin hehanyan, hehan hetanhan kihda.

12 Unkan koška qon ni ikikecupi qa nina pidapi.

13 Unkan unkiye tokaheya wita wata kin ekta unyanpi, qa Asos ekta watom unyanpi, heciyatanhan Palos en ope unšipi kta unkecinpi ; iye qe hehanyan mani cin, qa heon hecon unšipi.

14 Unkan Asos ekta eunkihdegapi qehan, hehan en ope unkiyapi, qa Mitulene en unhipi.

15 Unkan hetanhan iyoopta watom unyanpi, qa ihanhanna qehan Kios en iyotakons unyanpi ; qa ake ihanhanna qehan Samos iyounhipi, qa Trogulos en owanji unkanpi ; qa ake ihanhanna qehan Miletos ekta unkipi.

16 Palos Ephesos en icunom watom iyaye wacin, Asia en okihpe kte šni, qa okihi kinhan anpetu iwikcemna zaptan kin he en Jerusalem en un kta cin, qa heon inahni.

17 Unkan Miletos etanhan ye wicaši, qa Ephesos en okodakiciye hunkawicayapi kin wicakico.

18 Unkan hena en hipi. hehan hewicakiya; Asia en wahi qon anpetu tokaheya hehantanhan, token ohinniyan cicipi waun kin sdonyayapi.

19 Tawacin ocowasin wahibayedan waun, Itancan kin ohowada, istamnihanpe ota, qa taku wawiyutanyan un kin, Juda oyate nahmana iyamapepi kin on mahiyahde kin hena koya.

20 Qa taku on tanyan yaunpi kte cin takudan ipicidapi sni, tuka omniciye kin en, qa tipi iyaza wociciyakapi qa waonspeciciyapi ece.

21 Wakantanka ekta ihduecetupi. qa Jesus Messiya Itancan unkiyapi wacinyanpi kin hena, Juda Helenes oyate ko en mdaotanin ece.

22 Unkan nakaha iho, Woniya kin on makaškapi ecen Jerusalelem ekta mda, qa heciya taku mahiyahde kte cin sdonwakiye sni.

23 Tuka otonwe otoiyohi en Woniya Wakan mayaotanin qa, On kaškapi qa wokakiye micium, keya ce.

24 Tuka hena takuwada sni, qa wiconi mitawa kin tehike waki-da sni, iyuskinyan ihunniyan waimnanke kta, qa wicohan Jesus Itancan maqu kin, Wakantanka towaonsida wotanin waste omdake kte cin hee tanyan mduŝtan kinhan.

25 Qa nakaha iho, niyepi kin Wakantanka tokiconze kin ociciyag ciipi qon owasin ake miite kin wanmayadakapi kte sni e sdonwakiya.

26 Heon anpetu kin de waayatani ciniciyapi. wicaŝta owasin we kin on asape sni waun.

27 Wakantanka tawacin kin ocowasin ociciyakapi qa takudan anawalibe sni.

28 Heon tanyan piiciyapi, qa optaye owasin en, Woniya Wakan waawanhdake nicagapi kin hena koya, qa Wakantanka taokodakiciye kin, iye we kin on opekiton qon he awanhdaka po.

29 Miye imdamde cinhan, hehan ŝunktokeca ocin ŝicapi kin niyepi en niipi kta, qa tahinca kin itonwicapapi kte sni he sdonwaya.

30 Qa niyepi enitanhanpi wicaŝta icagapi kta, qa iŝ iyepi iha-kam waonspewicakiyapi kin u wicakiyapi kta e nina yaŝkiŝkapi kta.

31 Heon kiktahan un po, qa waniyetu yamni, anpetu hanyetu ko, istamnihanpe amau, qa otoiyohi wahokonciciyapi amdaŝtan sni, he kiksuya po.

32 Hunkawanjinciyapi, nakaha Wakantanka iŝ iye, qa towaonsida oie kin en aciupi; he icalhinyanpi, qa tona ska wicakagapi kin owasin om taku yuhe niciyapi kta e okihi.

33 Tuwe mazaska, qa mazaska-zu, qa wokoyake tawa kin wakon sni.

34 Han, minape kin dena on taku wacin kin mihdamna, qa tona om waun kin hena wicawecamna qon he niye sdonyayapi.

35 Hena owasin en waonspeciciyapi, hecen hitayanipi, qa tona waŝake sni un kin owicayakiyapi kta, qa Jesus Itancan oie qon yeksuyapi kta, Wicaqupi kin hee wowaste, qa icupi kin hee aoptetu, eye cigon he.

36 Hena hecen eya, unkan hehan canpeŝka makehde inajin, qa owasin om cekiya.

37 Unkan owasin nina ceyapi, qa Palos poskin yuzapi, qa iputakapi.

38 Miite kin ake tohinni wanmayadakapi kte sni eye cigon, oie

kin de on iyotan nina iyokišica-pi. Unkan wita wata kin ekta kici yapi.

WICOWOYAKE 21.

1 Unkan hena eh̄pewicunyanpi, qa pacanan iyeunyanpi, hehan Kos ekta owotanna unkupi, qa ihanhanna hehan Rodos ekta, qa hetanhan Patara en iyounhipi.

2 Qa hen wita wata wan Phe-nike ekta watom ye kte cin iye-unyanpi, qa he en unkopapi, qa hetanhan unyanpi.

3 Qa Kupros taninyan wanun-yakapi, hehan catka tanhan e-ḥpeya unhiyupi, qa Suria ekta watom unkupi, qa Turos en unhdihunipi, hen wata taku ohna-ka kin wahetajupi kta.

4 Unkan waonspewicakiyapi kin iyewicunyanpi, qa hen anpetu šakowin unkokiḥpapi; hena e qe Woniya Wakan eciyatanhan Palos Jerusalem ekta ye kte šni, keciyapi.

5 Tuka anpetu kin hena wanna unkihunnipi, hehan hetanhan inaunpapi, qa hena is̄ tawicupi šiceca ko owasin opapi, otonwe itankata hehanyan, qa huta kin ekta canpeška makehde inaunjip̄i, qa ptaya ceunkiyapi.

6 Unkan hehan nape unkiciyuzapi, qa unkiš wata kin en unkopapi, tuka iyepi kin ekta hdapi.

7 Unkan Turos etanhan watom unkupi kin he ihunni unkiyapi, hehan Ptolemais ekta unhipi; qa hunkawanjin kiciyapi kin nape wicunyuzapi, qa anpetu wanjidan om unkanpi.

8 Unkan ihanhanna qehan, tona Palos kici unyakonpi kin, hetanhan inaunpapi, qa Kesarea en iyounhipi; qa Philip wotantin wašte oyake cin he ti kin en unyanpi, šakowinpi qon he wanji ee, qa he kici unyakonpi.

9 Unkan he cunwintku topa witanšna unpi, hena wokcanpi ece.

10 Unkan hen anpetu ota owanji unkanpi kin icunhan, wicašta wokcan wan Agabos eciyapi, Juda makoce kin hetanhan apamahde hi.

11 Qa en unhiyupi qehan, Palos ipiyaka tawa kin icu, qa on siha nape ko iyaihdaške qa, Woniya Wakan kin heya ce, Wicašta tuwe ipiyaka kin de tawa hecinhan, he Juda wicašta, Jerusalem ekta, hecen kaškapi kta, qa Ikcewicašta kin nape kin en wicaqupi kta ce, eya.

12 Unkan he naunhonpi qehan, tona en tipi kin hena om, ceunkiyapi, Jerusalem ekta ye kte šni.

13 Tuka Palos, Token ecanonpi qa yaceyapi, qa hecen cante mayadutakunipi šni he, Jesus Itancan caje kin on Jerusalem ekta makaškapi, qa nakun maṭe kta e wiyeya manka ce, eya.

14 Unkan wicada šni qehan, unkayaštanpi qa, Itancan tawacin kin ecen econpi nunwe, unkeyapi.

15 Unkan anpetu kin hena iyohakam owasin piunkiciyapi, qa Jerusalem ekta itawankanhde unyanpi.

16 Nakun Kesarea etanhan waonspewicakiyapi kin wanjikji unkopapi, qa wanji Mnason eciyapi kin he aupi, he Kupros etanhan, wanakaja waonspekiyapi kin heca, he ti kin en unyakonpi kta.

17 Unkan Jerusalem ekta iyo-unhipi, hehan hunkawanjinkiciyapi kin iyuškinyan tin unki-copi.

18 Unkan ihanhanna kin hehan, Palos kici Jakob ekta unyanpi; unkan hunkawicayapi kin owasin en yukonpi.

19 Hena nape wicayuze ça, hehan Ikcewicašta kin ekta iye woyake cin on token Wakantan-ka econ qon owasin ecekcen owicakiyaka.

20 Unkan hena nahonpi qehan, Itancan kin idowanpi qa *Palos* heciyapi, Cinye, Juda wicašta kektopawinge ota wicadapi, qa owasin wicoope kin sutaya awa-kicinpi kin he wandaka.

21 Qa niye, Juda oyate Ikce-wicašta ehna yakonpi kin hena owasin Moses toope kin ahdu-ştanpi kta e onspewicayakiye ça, cinca bawicakicihdayapi kte şni, qa wicohan kin hena eciyatan-han manipi kte şni, keha keyapi e nahonpi.

22 Heon toketu kta he. Awi-cakehan wicota kin kawitaya iheyapi kte. Wanna yahi kin he nahonpi.

23 Hecen token unkeniciyapi kin de ecen econ wo. Wicašta tom token içiconzapi kin hena om unyakonpi.

24 Hena owicape ça, om ihdu-ska, qa mazaska on owicakiya wo, hecen paha kin hduşdapi kta. Unkan hecen token oniya-kapi nahonpi qon hena taku şni, qa niş eya owotanna mayani, qa wicoope kin opeya yaun kin he owasin sdonyapi kta.

25 Tuka Ikcewicašta, tona wi-cadapi kin hena wowapi wicun-kicagapi, qa wicohan kin dena takudan opapi kte şni unkeyapi qon, tuka taku wakagapi waki-yuşnapi, qa we, qa taku we ye şni yuřapi kin, qa wiinalmanpi kin hena en ihdoipi kte şni ce, hecedan unkeyapi.

26 Hehan Palos wicašta kin hena owicape ça, ihanhanna kin hehan om ihduska, qa ihduskapi anpetu kin wanna henakeca kte cin he yuotanin kta e tipi wa-

kan kin tin iyaya; taku qupi wan otoiyohi on woşnapi kta he-hantu.

27 Unkan anpetu şakowin qon wanna henakeca kte hehan Ju-da wicašta, Asia etanhan upi qon hena tipi wakan kin en un wanyakapi qehan, oyate kin owasin iyowicapaştakapi qa *Pa-los* iyahpayapi;

28 Qa hotaninpi, Israel wica-šta kin, ounkiya po; wicašta kin de oyate kin en, qa wicoope kin, qa nakun tipi kin de aie ça, owancaya hecen onspewicaki-ya; qa nakun Helenes wicašta kin tipi wakan kin en awicahi, qa hecen tipi iyotan waşte kin de aşamya ce, eyapi.

29 He itokam Trophimos, Ephesos wicašta kin heca, e otonwe kin en kici un qon he wanyakapi, unkan he Palos tipi wakan kin en ahi, kecinpi.

30 Unkan otonwe kin ocowasin nina oqoyapi, oyate kin kawita-ya iheyapi, qa Palos icupi, qa tipi wakan kin etanhan tankan yusdohan ayapi, unkan ecahan-keya tiyopa kin ecen iyeyapi.

31 Wanna ktepi kta e akitapi, hehan akicita tancan wicobe yu-he cin he, Jerusalem owancaya owodutaton ce, eya okiyakapi kin he nahon;

32 Qa kohanna akicita, akicita tancan ko iwicacu, qa inyang ye ça ekta wicai. Unkan akici-ta tancan akicita ko wanwica-yakapi qehan, Palos apapi kin ayuştanpi.

33 Hehan akicita tancan kin en ye ça, icu, qa maza icicahiha nom on kaşte wicaşi; qa he tuwe kin, qa token econ kin he, eya iwicawanga.

34 Tuka oyate kin hunh taku eya hotaninpi, qa hunh is togye eyapi. Unkan owodutaton kin

on wowicake kin sdonya okitpani, heon conkaške kin mahen aye wicaši.

35 Unkan can iyadipi kin en hdipi, hehan akicita kin yuha ayapi, oyate kin aotins upi kin heon etanhan.

36 Oyate kin iyuŋpa ihakam yapi qa, Yutokan aya po, eya hotaninpi.

37 Unkan conkaške kin mahen ayapi kta, hehan Palos akicita tancan kin heciya, Taku eciciye kta tuka ce, iyowinmayakiye kta he. Unkan is, Helenes iapi kin onnispe he, eya.

38 Egipta wicašta anpetu kin dena itokam icage ça, wicašta wabotica kin hecapi kektopawinge topa ihakam hewoskan makoce kin ekta awicaye cion he niye šni he.

39 Unkan Palos, Juda wicašta Kilikia en, Tarsos *otonwe* kin hetanhan waun, *otonwe* šice šni en imacaga. Ceciciya ce, oyate kin taku ewicawakiye kta, iyowinmakiya wo, eya.

40 Hecen iyowinkiya; unkan Palos can iyadipi kin akan inajin, qa oyate kin namwicakicawin. Unkan inina yukanpi qehan, Hebrew iapi kin on ie ça, hewicakiya;

WICOWOYAKE 22.

1 Wicašta hunkawanjinciayapi qa hunkakeciyapi kin, nakaha niyepi en wowahdake cin namaŋon po.

2 Unkan Hebrew iapi un wovicakiyake cin he naŋonpi qehan, iyotan inina yukanpi.

3 Unkan hecen eya; Juda wicašta kin hemaca, Kilikia ekta Tarsos en matonpi, qa *otonwe* kin de en icalimayanpi, qa Gamaliel siha kin ekta, hunkake

wicayapi wicoope yuhapi kin tanyan onspemakiyapi, qa Wakantanka on nina inawahni, niyepi kin owasin nakaha yaunpi kin iyececa.

4 Qa canku kin de wiconŋe aiyahdeya šicaya wakuwa, wicawakaške ça, wicakaška tipi kin en iyewicawaya, wica winyan ko.

5 Hecen wošna kagapi itancan, qa hunka wicayapi kin owasin mayaotaninpi ece. Hena eepi hunkawanjinkiciyapi kin wowapi wicakicagapi qa maqupi qon, hecen Damaskos ekta imdamde, heciya tona yukanpi kin hena wicakaška Jerusalem ekta wicakaštakapi kta e awicawau kta, heon etanhan.

6 Ohnihde waun, qa Damaskos wanna ikiyadan, unkan wiyoŋtanhe cin hehan, iho, ihnuhanna mahpiya kin eciyatanhan iyoyanpa tanka wan aohdute mayan.

7 Hehan makata mahinŋipaye ça, wicaho wan nawahon, Salos, Salos, tokeca e šicaya mayakuwa he, emakiya.

8 Unkan miš amdupŋe ça, Itancan nituwe he, epa. Hehan is, Jesus Nazareth etanhan šicaya yakuwa kin he miye ce, emakiya.

9 Unkan tona om waun kin ojanjan kin wanyakapi, qa nina inihanpi, tuka wicaho omakiye cin he naŋonpi šni.

10 Hehan miš, Itancan token ecamon kta he, epa. Unkan Itancan kin, Najin, qa Damaskos ekta ya wo, heciya token ecanon kte cin owasin oniciyakapi kta ce, emakiya.

11 Unkan iyoyanpa wiyatpa kin on wawanmdake šni, hecen tona om waun kin hena minape kin yus amayanpi, qa Damaskos en wai.

12 Qa wicašta wan, Ananias eciyapi, wicoope kin eciyatanhan owotanna, Juda oyate hen yakonpi kin owasin he oyakapi;

13 He en mahi, qa najin, qa hemakiya, Salos, misunka tonwan wo. Unkan wihiyayedan oape kin he en ekta ewatonwan.

14 Hehan iye heya; Hunkake wicunyanpi Wakantanka tawapi kin nicañniga, iye tawacin kin sdonyaye kta, qa Wanji Owotanna kin wandake ça, he i kin eciyatanhan ho kin nayahon kta;

15 Qa iye on taku wandake ça, nayahon kin wicašta owasin owicayakidake kta heon.

16 Unkan nakaha taku e ayape he. Najin wo, baptem niçupi kta, Itancan caje kin hoyeyakiye kta, hecen wayahtani kin yakpakinte kta ce, eya.

17 Unkan ake Jerusalem ekta icicawin wahdi, qa tipi wakan kin ohna cekiya waun, hehan woakiktonje wan mahiyahde;

18 Qa Itancan kin wanmdaka; he kaken emakiya; Inañni, qa kohanna Jerusalem etanhan innanpa wo, mayadaotanin kin he wicadapi kte šni ce, eya.

19 Unkan hepa; Itancan, tona wacinniyanpi kin hena wicawakaška, qa omniciye tipi kin ohna wicawakaštaka ece qon he sdonyapi;

20 Qa Stephanos waayatanin nitawa kin we papsounpi qehan, hen nawajin, qa he iyowinwicawakiye ça, tona ktepi tašina awanwicaweciyaka qon.

21 Hehan, Hunktiya wo, detanhan tehan ye ciši, Ikcewicašta kin ekta, emakiya ce.

22 Unkan wicoie kin de hehan-yan nahon yukanpi, hehan nina hotaninpi qa, Wicašta kin de ma-

ka kin etanhan aya po, ni kta e iyecece šni ce, eyapi.

23 Unkan hotankakiya hotaninpi, qa šina eñpekiyapi, qa watu-šekšeca wankan yeyapi kin;

24 Hehan akicita tancan kin, conkaške mahen aupi, qa kapsinsintapi kin on wiwangapi kta, keya; hecen tokeca on oyate kin nina aoqoyapi kin he sdonye kta.

25 Unkan tehmiso on kaškapi icunhan, Palos akicita tancan wan en najin kin heciya, Roma wicašta kin heca, qa nahahin yacopi šni, tuka yakapsinsintapi kta oyakihipi he.

26 Akicita tancan kin he nahon, unkan akicita tancan tanka kin hoši hde ça heya; Taku ecanon kte cin he itonpa wo, wicašta kin he Roma kin heca.

27 Hehan akicita tancan tanka kin en hi, qa heciya, Roma wicašta kin henica he, omakiyaka wo. Unkan, Han, eya.

28 Unkan akicita tancan qon heya, Ihduhapi kin de ota iyopewakiya, eya. Tuka miš hecen matonpi ce, Palos eya.

29 Heon kohanna tona Palos wiwangapi kte cin hena ayušan iyayapi, qa akicita tancan tanka kin nina kopehda; he kaška tuka Roma wicašta kin heca e sdonye cin he etanhan.

30 Unkan ihanñanna qehan, Juda oyate taku iyaonpapi hecinhan, he atayedan sdonye kta, heon icaške kin etanhan kiyuške ça, wošna kagapi, hunkawicayapi ko owasin mniciye wicaši, qa hehan en ahi, qa wicacokaya ehde.

WICOWOYAKE 23.

1 Unkan Palos omniciye kin opawicahta yanke ça, Wicašta

hunkawanjin ciyapi, Wakantanka itokam mitawacin ocowasin wašte, anpetu kin dehan wani, eya.

2 Unkan Ananias wošna kagapi itancan kin, tona ikiyadan najinpi kin *Palos* i kin ohna ape wicaši.

3 Hehan Palos heciya, Conkaške skayapi kin, Wakantanka anipe kta ce; wicoope kin ecitatanhan mayadaco kta e yahidotanka tuka wicoope kašeya amape wicayaši.

4 Unkan tona en najinpi kin, Wakantanka wawayušna itancan tawa kin he šicaya owayakiya he, eyapi.

5 Unkan Palos, Hunkawanjin ciyapi, he wawayušna itancan kin ee sdonwaye šni, eya; Wowapi en kaken kagapi, Nitaoyate kin en wicašta itancan kin dašice kte šni ce.

6 Tuka apa Saddukee, qa apa iš Pharisee kin hecapi e Palos iyukcan qehan, hehan omniciye kin en hotankakiya heya; Pharisee kin hemaca, qa nakun Pharisee cinhintku kin, qa wicašte cin piya ikicagapi kte cin ape waun kin heon etanhan nakaha mayacopi ce.

7 Unkan hecen eye çehan, Pharisee Saddukee kin om hdokini-capi, qa omniciye kin akipam iyeyapi.

8 Piya ikicagapi kin wanica, qa mašpiya obnihde, wanagi ko wanica ce, Saddukee kin eyapi ece; tuka Pharisee kin, Napin yukan ce, eyapi ece.

9 Hecen nina owodutaton, qa wowapi kagapi Pharisee etanhanpi kin hena inajinpi, qa wicakigepi, qa heyapi, Wicašta kin de en taku šica takudan iyeunyanpi šni; tuka wanagi, qa mašpiya obnihde wan taku okiyake

cin he hecetu kinhan, Wakantanka kici unkiczapi kte šni.

10 Nina hdokinicapi, unkan Palos yušpašpa icupi kta e akicita tancan tanka kin kokipe ça, heon akicita kin kun ye wicaši, hena wicacokaya tanhan icupi, qa conkaške kin mahen akupi kta.

11 Unkan he ihtayetu, hehan Itancan kin en hinajin qa, Palos cante wašte wo, Jerusalem en mayadaotanin kin he iyecen Roma ekta mayadaotanin kta ce, eya.

12 Unkan anpa kamdeze cin, hehan Juda wicašta wanjikji okodakiciye wan kagapi, qa witaya iciconzapi, takudan yutapi kte šni, qa takudan yatkanpi kte šni, Palos ktepi šni kin hehanyan kta, keyapi.

13 Wakiconzapi kin hena wicašta wikcemna topa aktonpi.

14 Unkan hena wawayušna tankapi, qa hunka wicayapi ko en wicayapi, qa heyapi; Palos unktepi šni kin hehanyan, takudan untapi kte šni e wokonze on unkiconzapi.

15 Heon etanhan hanhanna, niye omniciye kin owasin om akicita tancan tanka kin he au yašipi kta, taku sanpa atayedan inungapi kta seca e heon; qa unkiš he ikiyadan aupi šni, hehan unktepi kta e wiyeya unkanpi kta ce, eyapi.

16 Unkan hena našmana iyape yukanpi kin he Palos tonškaku kin našon qehan, hehan ekta ye ça conkaške kin timahen i, qa Palos okiyaka.

17 Hehan Palos akicita tancan wanji kico qa, Koška kin de akicita tancan tanka kin ekta aya wo, taku okiyake kta ce, eya.

18 Unkan heon he icu, qa akicita tancan tanka kin ekta ai qa,

OHANYANPI QON.

Palos kaškapi un kin he mico, qa koška kin de cicahi kta e econ maši, taku oniciyake kta keya ce, eya.

19 Hehan akicita tancan tanka he nape yuze ça kicišnana icun-om iyaye ça, Taku omayakida-ke kta he, eya iwanga.

20 Unkan, Heyakecinhan Juda wicašta kin omniciye kin en Palos au nišipi kta wanna konzapi, taku sanpa atayedan iwangapi kta seca e heon heyapi.

21 Tuka niš awicayupte šni wo. Wicašta wikcemna tom aktonpi kin wokonze on waki-conzapi, Palos ktepi šni hehan-yan takudan yutapi kte šni qa takudan yatkanpi kte šni, hena nakaha wiyeya yukanpi qa niš awicadupte kte cin he ape yukanpi, eya.

22 Hehan akicita tancan tanka koška qon hdicu ye ça, Hena omayakidake cin he tuwedan sdonye ye šni wo, eciya.

23 Qa hehan akicita tancan nom wicakico qa, Akicita opawinge nom taku owasin on wicayuwiyeya po, qa nakun šuktanka akan yotankapi kin wikcemna šakowin, qa wahukeza yuhapi kin opawinge nom, han-yetu kin oape iyamni, hehan Kesarea ekta yapi kta ce.

24 Nakun šuktanka wiyeya ehnaka po, Palos akan yanke-kiyapi kta, qa Phelika wicašta itancan yanke cin he en tanyan aipi kta, ewicakiya.

25 Hehan wowapi wan kaken kaga :

26 Kladios Lusias, Phelika wicašta itancan iyotan wašte kin wowapi kicaga ce. Wookiye.

27 Wicašta kin de Juda wicašta kin icupi, qa wanna ktepi kta hehan akicita hduha en wai, qa etanhan iwacu, he Roma wica-

šta kin heca e nawahon kin heon.

28 Qa taku iyaonpapi kin he tanyan sdonwaye kta wacin, heon iye omniciye yuhapi kin en awai ;

29 Qa iye wicoope hduhapi kin eciyatadhan wiwangapi kin iyaonpapi wanmdaka, tuka taku on ktepi, qa kaškapi kta e iyaonpapi kin takudan iyewaye šni.

30 Qa wicašta kin de Juda wicašta nahimana iyape yukanpi kin he omakiyakapi qehan, kohanna niye ekta aye wicawaši, qa tona taku en aupi kte cin hena hecen iyaonpeya eniciye wicawaši. Tanyan yaun nunwe.

31 Hehan akicita is econ wicaši qon iyecen Palos hanyen icupi, qa Antipatris en aipi ;

32 Qa hanhanna hehan šuktanka akan yotankapi kin hena hetanhan ayapi kta e ehpewicayapi, qa conkaške kin ekta hdicupi.

33 Unkan hena is Kesarea ekta ipi, qa wicašta itancan wowapi qon qupi qehan, hehan Palos itokam ehdepi.

34 Unkan iye he yawa, qa makoce kin tukte e etanhan un hecinhan wiwanga ; qa Kilikia etanhan un kin he sdonya ;

35 Hehan, Tohan tona taku iyanionpapi kin hena nakun hipi kinhan, hehan miš eya nacihon kta ce, eya ; qa Herod woyaco tipi tawa qon he ohna awanyag wicaši.

WICOWOYAKE 24.

1 Unkan hetanhan anpetu zaptan, hehan Ananias wawayušna itancan kin hee, qa hunkawicayapi kin om, ekta apamahde ya, nakun wicašta ieksapa wan, Tertulos eciyapi, hena wicašta itancan kin itokam Palos taku iyaonpapi kta.

2 Unkan en kicopi qehan, Ter-tulos taku iyaonpe ça heya ;

3 Niye enitanhan wookiye tan-ka unhapi ce, qa waawandake cin eciyatanhan oyate kin de en wico-han wašte econpi ece kin he ohinniyan qa owancaya unkicu-pi, qa on, Phelika iyotan wašte, wopida unkeniciyapi ce.

4 Tuka sanpa nagiyeciye kte śni, heon ceciciya ce, nitowaonśi-da kin on wicoie wanjikji naun-yaŋonpi kta.

5 Wicašta kin de makośice, qa maka kin owancaya Juda oyate cante okičuninwicaye cin, qa yuomdecapi wan Nazareth etan-hanpi, ewicakiyapi kin he en mdetahunkapi kin he wanji dee e iyeunyanpi ce.

6 He tipi wakan kin yuśape kta ; unkan hehan unkiś unki-cupi, qa wicoope unkitawapi kin eciyatanhan unyacopi kta ;

7 Tuka Lusias akicita tancan tanka kin ekta i, qa wicowaśake tanka on unnapepi kin etanhan eyaku.

8 Qa tona taku iyaonpeya eya-pi kin hena niye kin ekta u wi-caśi. Hena wiwicanunge cin-han taku iyaunkonpapi kin owa-sin atayedan sdonyaye kta ce.

9 Unkan Juda wicašta kin is waayuptapi qa, Hena hecetu ce, eyapi.

10 Hehan wicašta itancan kin Palos ie kta e namkicawin, he-han waayupte ; Oyate kin de en waniyetu ota wicašta wayaco nanka e sdonwaya, heon etan-han nakaha iyuśkinyan wowa-hdaka.

11 Hecen Jerusalem ekta ce-kiya imdamde cin, behantanhan wanna anpetu ake nomnana e sdonyaye kta oyakibi.

12 Qa tipi wakan kin ohna tu-we kici awakinica ecen wanma-

yakapi śni, qa omniciye tipi kin ohna, qa otonwe kin en, oyate kin wicayuumdeca waun śni.

13 Qa nakaha taku iyamaon-papi kin hena yasutapi kta e okihipi śni.

14 Tuka de ociciyaka, yu-omdecapi kin cajeyatapi qon he canku kin ohna hunkake wica-waye cin Wakantanka tawapi kin ohowada, qa wicoope, qa wicašta wokcan taku owapi qon hena owasin wicawada :

15 Qa Wakantanka wacinwa-ye, qa wicašte cin, wašte śica ko, ake woekicetu kte cin he ape waun, he is iyepi nakun hecen wicadapi.

16 Heon Wakantanka, qa na-kun wicašta kin en tawacin ta-kudan iyaonpepica śni waun kta e ohinniyan opimiciya ce.

17 Unkan nakaha waniyetu ota iyohakam, mitaoyate kin ta-ku qupi, wośnapi ko wicaweci-cau kta e wahdi.

18 Qa hecen tipi wakan kin ohna mihduska waun, wicota qa owodutaton kin unmana en owa-pe śni, ecen Juda wicašta Asia etanhan wanjikji wanmayakapi qon.

19 Hena eepi kin niye en nihi-yupi, qa taku yuhapi kinhan iyamaonpapi kta tuka.

20 Qa dena is, omniciye kin en nawajin kin, he icunhan taku śica ecamon kin taku sdonyapi kinhan oyakapi kta.

21 Tuka wicacokaya nawajin qehan, wicoie wanjidan taninyan epa, Anpetu kin de wicašte cin woekicetu kte cin heon mayada-copi, epe cion hee, eya.

22 Unkan Phelika hena naŋon qehan, qa canku kin de on sanpa tanyan sdonye kta cin kin heon, hde wicaśi qa, Tohan Lusias akicita tancan tanka hi kinhan,

niyepi kin on taku owasin sdon-waye kta ce, eya.

23 Qa akicita tancan wan Palos awanyag kiye ça, woozi yuhe kta, qa iye takuwicaye cin tuwe en hi qa okiye kta cin kinhan tehinda kte *śni*, *keya*.

24 Unkan anpetu tonana iyohakam, Phelika, qa tawicu Drusila eciyapi, Juda winohinca kin heca, he kici hi, hehan Palos kico, qa Messiya wacinyanpi kin on nahon.

25 Unkan Palos wicoowotan-na, qa iyatahde içiyapi *śni*, qa woyaco u kte cin hena oyake cin, he icunhan Phelika cancan, qa, Nakaha ekta hda wo, tohan tanyan iyomakipi kinhan ake cico kta ce, eya.

26 Palos kiyuşke kta e on mazaska qupi kta kecin, heon kico, qa kici wohdaka ece.

27 Tuka wanna waniyetu nonpa, hehan Phelika yanke cin en Porkios Phestos hiyotanka. Unkan Phelika Juda oyate kin iyokipi wicaye kta cin, qa heon Palos kaşkapi ecen ehpeya kihda.

WICOWOYAKE 25.

1 Unkan Phestos makoce kin he en hiyotanke cin, iyohakam anpetu yamni, hehan Kesarea etanhan Jerusalem ekta itawan-kanhde iyaya.

2 Unkan wawayuşna itancan qa Juda wicaşta tokapapi kin, Palos on okiyakapi qa cekiyapi;

3 Cinkiyapi, Jerusalem ekta Palos au wicakiye kta, qa iyepi kin nahmana ktepi kta e tahepi iyapepi kta.

4 Tuka Phestos, Palos Kesarea ekta awanyakapi kta, qa iye kin ecadan ekta hde kta, *keya*.

5 Qa niyepi kin etanhan tona

waşakapi kinhan, apamahde om mde kta, qa wicaşta kin he taku en un kinhan wiyaonpapi kta ce, eya.

6 Unkan anpetu şahdogan, qa is wickemna hena om un kin, hehan Kesarea ekta hda, qa ihanhanna qehan woyaco oiyo-tanke kin akan kiyotanke cin, hehan Palos en au wicaşi.

7 He en hi, unkan hehan Juda wicaşta Jerusalem etanhan hipi qon hena ihdukşan najinpi, qa wiyaonpapi tanka ota Palos en aupi, tuka yaecetupi okihipi *śni*.

8 Hehan iye wohdaka; Juda oyate wicoope hduhapi, qa tipi wakan kin en, qa nakun Kesar en takudan wawahtani *śni* ce, eya.

9 Tuka Phestos Juda oyate kin iyokipi wicaya cin, heon Palos ayupte ça heciya; Jerusalem ekta de ça, heciya mitokam dena on niyacopi kta tawatenyaya he, eya.

10 Hehan Palos, Kesar woyaco oiyoatanke tawa kin en nawajin, hen mayacopi kta iyececa; Juda oyate kin taku şice cin takudan ecawicawecon *śni* e tanyan sdonyaya.

11 Wawahtani, qa taku şica on maktepi kta iyecece cin he ecamon kinhan, maşe kta tawatenwaya tuka; tuka dena taku iyamaonpapi kin taku *śni* kinhan, tuwedan hena mayuhe wicakiye kte *śni*. Kesar cajemdata ce, eya.

12 Hehan Phestos, tona owicapeya wayaco iyotanke cin hena om wohdaka, hehan ayupta; Kesar cajedata, Kesar ekta de kta ce, eya.

13 Unkan anpetu tonana iyohakam, Agrippa wicaştayatapi kin Bernike kici, Phestos nape yuzapi kta e on Kesarea en hipi.

14 Qa anpetu ota hen yukanpi, hehan Phestos wicaštayatapi kin Palos on okiyake ça heya, Wicašta wan Phelika kaška ehnahe ciquon he nahanhin eeen yanka.

15 Jerusalem ekta wai qehan, wawayuśna tankapi, qa Juda hunka wicayapi kin hena he kapi, qa omakiyakapi, qa yacopi kta e cinpi.

16 Hena hecen awicamdupte ça, Wicašta wan taku iyaonpapi kinhan, tona taku iyaonpeya eyapi kin wicitokam wiyaonpapi kin en waayupte iyowinkiyapi śni kinhan, țeyapi yacopi kin he Roma wicoħan śni ce, epa.

17 Heon hena den hipi, unkan mdutehan śni, tuka ihanħianna hehan, woyaco oiyotanke kin akan wakimdotanke ça, wicašta kin he en au wicawaśi.

18 Hehan tona taku iyaonpapi kin hena najinpi, tuka token wacami qon he iyecen takudan iyaonpapi śni.

19 Tuka iyepi wocėkiye eyapi kin eciyatanhan wiwicawangapi kin wanjikji he en aupi, qa nakun wanji Jesus eciyapi kin he ța, tuka ake kini kin, Palos keya ece.

20 Unkan wiwicawangapi heca kin imdukcen śni heon, Jerusalem ekta de ça heciya dena on niyacopi kta tawaťenyaya he, eya imunga.

21 Tuka Palos Sebastos cajeyate ça, he itokam yacopi kta keye cėhan, Kesar ekta aye wicawakiye kta hehanyan awanyag wicawaśi.

22 Hehan, Miś eya wicašta kin de nawahon kta wacin ce, Agrippa Phestos eciya. Unkan is, Heyakecinhan nayahon kta ce, eya.

23 Unkan ihanħianna qehan,

Agrippa Bernike kici wokoyake waštešte kiĉun hipi, qa wanaħon tipi kin en tin ipi; qa nakun akicita tancanpi kin, qa otonwe en wicašta tokapapi kin hena ko; hehan Phestos econ-wicaśi kin on Palos en ahipi.

24 Unkan Phestos heya, Agrippa wicaštayatapi kin, qa wicašta tona den om unkanpi kin, wicašta kin on Jerusalem ekta, qa deciya nakun, Juda oyate kin owasin cemakiyapi qa, Sanpa ni kta e hecetu śni ce, eya hotaninpi qon, he dee wandakapi.

25 He taku śica econ kin, on țe kte cin, takudan iyewaye śni, qa is iye Sabastos cajeyate cin, heon ekta ayapi kta e wakonza.

26 Tuka he on, mayuhe cin taku wecage kte cin atayedan takudan mduhe śni. He etanhan nakaha en cicahipi, wicaštayatapi kin niye iniyotan, hecen tohan tanyan wiwangapi kinhan, token wakage kte cin taku induhe kta.

27 Wicašta wan kaškapi kin he heciya aye śipi, qa wiyaonpapi kin takudan kagapi śni kinhan, he hecetu śni imdukcen ce, eya.

WICOWOYAKE 26.

1 Hehan Agrippa Palos heciya, Wanna woyahdake kte cin iyowinniciyapi ce. Unkan hehan Palos nape kin hdugate ça wohdaka.

2 Agrippa wicaštayatapi kin, Juda oyate taku iyamaonpapi kin owasin nakaha nitokam woyahdake kte cin heon induşkin.

3 Juda wicoħan kin wiwangapi ko owasin tanyan hdukcen nanka sdonwaya, heon etanhan. Qa hecen ceciciya ce, wacin tanka on namaħon wo.

4 Tokaheya tanhan Jerusalem

ekta mitaoyate kin om, homa-
kšidan ehantanhan, token ohan-
yan waun qon Juda wicašta kin
owasin sdonyapi.

5 Token ohoundapi ece kin
owotanna hince cin en opeya
waun, Pharisee hemaca, hena e
otokaheya tanhan sdonmayanpi,
oyakapi cinpi unkanš.

6 Qa nakaha Wakantanka hun-
kake wicunyanpi kin iwahowi-
caye ciqon he apepi kin on, den
mayacopi kin eecen nawajin.

7 De ekta wicoun unkitawapi
ake nonpapi kin iyohipi kta e ape
yukanpi, qa anpetu hanyetu ko
cekiyapi ece. Agrippa wicašta-
yatapi kin, woape kin de on Ju-
da wicašta wimawangapi qon.

8 Wakantanka wicašte cin ake
ekicetu wicaye cin he tokeca e
he taku wicadapica šni kecanipi
he.

9 Miš eya Jesus Nazareth etan-
han caje kin on, taku ota kipa-
jinyan ecamon kta iyececa ke-
pce ciqon.

10 Jerusalem ekta hena hecen
ecamon qon; qa wawayušna
tankapi kin wowašake maqupi
kin on, wicašta owotanna kin
ota wicakaška tipi kin en iye-
wicawaye ça, te yapi kta wica-
yacopi qehan, miš eya iyecen
epa ece.

11 Qa omniciye tipi kin iyaza
otakiya wicawakaštake ça, wao-
štehda wicawakiye ça, nina can-
niye wicawaye cin heon otonwe
tokeca ekta šicaya wicawaku-
wa.

12 He icunhan wawayušna tan-
kapi kin wowašake wowapi ko
maqupi kin, he yuha Damaskos
ekta imdamda.

13 Unkan tahepi iho, wicašta-
yatapi, anpe cokaya kin hehan-
tu, iyoyanpa wan anpetu wi kin
sam iyeya wiyatpa kin he wan-

mdaka, he ihduksan iyoyanpa
maye ça tona om mawani kin
hena nakun.

14 Unkan owasin makata
ehpeunkiçiyapi, hehan wicaho
wan nawahon, Hebrew iapi on
hecen emakiya, Salos, Salos, to-
keca šicaya mayakuwa he, can
pesto kin nayahtake cin he te-
hika ce.

15 Unkan miš, Itancan, nituwe
he, epa. Unkan, Jesus šicaya
yakuwa kin he miye ce, eya.

16 Tuka inajin, qa nisiba kin
on najin wo; token wandake
ça, tokata taku wanyag ciciye
kte cin hena en waayatanin, qa
ookiye kin cicage kta e heon
nakaha wanmayag ciciya.

17 Oyate kin etanhan ecihda-
ku kta, Ikcewicašta kin nakun,
hena e ekta nakaha ye ciši.

18 Išta wicadumdaye ça, otpa-
za etanhan iyoyanpa ekta, qa
Satan towašake kin etanhan
Wakantanka ekta wicaduhomni
kta; qa hecen wacinmayanpi
kin on wahtanipi wicakicicaju-
jupi kin, qa tona ska wicakagapi
kin hena om woyuha yuhapi kta
ce.

19 Hecen on, Agrippa wicašta-
yatapi kin, mahpiya wowanyake
kin he ceşunwahda šni.

20 Tuka tokaheya Damaskos
en yakonpi, qa Jerusalem, qa
Juda makoce kin owancaya, qa
nakun Ikcewicašta kin, ihdue-
cetupi, qa Wakantanka ekta
ihduhomnipi kta, qa ihduecet-
upi wicohan kin econpi kta hena
hecen owicawakiyaka ece.

21 Hena on etanhan, Juda wi-
cašta kin tipi wakan kin ohna
mayuzapi, qa maktepi kta tuka.

22 Tuka Wakantanka omakiye
cin heon anpetu kin dehanyan
wani, qa tona ciqapidan tankin-
yanyan ko, wicawakiyaotanin,

qa wicašta wokcan kin. Moses kici taku u kte cin oyakapi qon henana owicawakiyaka ece.

23 Messiya kakiye kte ça iye tokaheya wicašte cin etanhan najin kta, qa oyate kin Ikce-wicašta ko iyoyam wicaye kte cin.

24 Hena hecen eya, unkan Phestos hotankakiya ie ça, Palos niyuhnaškinyan, wowapi ota onspeniciye cin he wicayuhnaškinyan en iyenian ce, eya.

25 Tuka iye, Phestos iyotan wašte kin, mayuhnaškinye šni, tuka wowicake wicowašbadan oie kin epa ce, eya.

26 Qa wicaštayatapi kin is hena tanyan sdonya, heon itokam waditagya wowahdaka, hena taku kin iye kin anakihmanpi šni e mdukan, okahmin en econpi šni nakaes.

27 Agrippa wicaštayatapi kin, wicašta wokcan kin hena wicayada he. Wicayada e sdonwaya.

28 Hehan Agrippa Palos heciya; Kitan ecinyan Kristian hemaca kta e awacinmayaya ce.

29 Unkan Palos heya, Wakan-tanka cewakiya ce, niye nišnana šni, tuka tona anpetu kin de namašonpi kin owasin, kitan ecinyan hee šni, tuka ocowasin miš waun kin iyecen yaunpi kta, tuka icaške kin dena ope kte šni.

30 Hena hecen eya, unkan hehan wicaštayatapi, qa wicašta itancan kin, Bernike kici, qa tona om iyotankapi kin hena ko najinpi;

31 Qa icunom yapi qa, Wicašta kin de taku on te kte ça, kaškapi kte cin takudan econ šni ce, iya-kitedan ekiciyapi.

32 Hehan, Wicašta kin de Kesar cajeyate šni unkanš kiyuškapi kta tuka, Agrippa Phestos eciya.

WICOWOYAKE 27.

1 Unkan Italia ekta watom unyanpi kta e wanna konzapi, hehan Palos qa wicakaškapi tokeca kin, akicita tancan wan, Sebastos taobe kin etanhan, Julios eciyapi kin, he wicayuhekiyapi.

2 Unkan wita wata wan Adramutium etanhan, Asia makoce kin ekta tuktektan oihunni kte cin he en unkopapi, qa pacanan iyeunyanpi, qa Aristarkos Makedonos, Thesalonike etanhan, he kici unyanpi.

3 Unkan ihanlianna qehan, Sidon en unkihunnipi. Unkan Julios Palos tanyan okicihan, takuwicaye cin ekta wicai, qa hena etanhan taku yuhe kta e iyowin-kiya.

4 Unkan hetanhan pacanan iyeunyanpi, qa Kupros ihukuya watounpapi, tatoheya unyanpi kin heon.

5 Unkan Kilikia qa Pamphulia miniwanca kin unkihunnipi qehan, Lukia en Mura eciyapi kin he ekta unhipi.

6 Unkan hen wita wata wan Aleksandria etanhan, Italia ekta watom ye kte cin, he akicita tancan kin wanyake ça, he en ope unyanpi.

7 Unkan anpetu ota iwaštedan watounpapi qa kitan se Knidos en iyotakons unkipi, tatoheya unyanpi nakaes, hehan Krete ihukuya, Salmone iyotakons watounpapi.

8 Qa he kitan se kapeya unyanpi, hehan makoce wan Oihunni wašte eciyapi kin he en unkipi, he Lasca otonwe kin ikiyadan.

9 Wanna anpetu ota, qa watounpapi kin okokipe aya, hamdepi tanka kin wanna enakiyapi, hehan Palos wahokonwicakiya;

10 Qa hewicakiya, Wicašta kin, watounpapi kte cin de on wita wata kin taku ohnaka ko yutakunipi kte šni, qa nakun unkiyepi kin iyotanhan iyeunkiyapi kta e imdukcan ce, eya.

11 Tuka akicita tancan kin, wahektape cin qa wita wata tawa kin hena anawicakicigoptan, qa Palos ie cin he wicada šni.

12 Unkan oihunni kin he en waniyetu osan yukanpi kte cin he wašte šni, heon hetanhan yapi, qa okihihi kinhan, Phenike ekta watom ipi, qa hen waniyetu owanji yukanpi kta, wicota keyapi; Krete en oihunni wan itokagatanhan, wiyohpeyata ohna waziyata etkiya huta kin yuškomya wanke cin hee.

13 Unkan okaga tanhan tate kin iwaštedan hiyu, qa hecen token wacinpī qon wanna ecetu kecinpi, hehan kiyuškapi qa Krete ikiyedan watopapi.

14 Tuka iecadan, tateyanpa wan ohitike cin he en iyapa hiyu, he Tate-taja eciyapi.

15 Unkan wita wata kin nina iyapa, hecen tatoheya yapi okihihi šni, hehan kaha iyeunyanpi iyowinunkiyapi.

16 Unkan wita wan Klauda eciyapi, he ikiyadan unyanpi, hehan kitan hin wata cistinna kin icu unkokihipi.

17 He yuwankan ehdakupi, qa icaške kin unpi, qa wita wata kin opta yuskiskitapi, hehan wi-yaka šice cin en iyohpeyapi kta kokipapi, qa heon šina on watopapi kin pahpapi, qa hecen tate on kaha iyewicayapi.

18 Qa nina unkakihanšicapi, heon ihanhanna, hehan *wata kin* etanhan taku tankan ehpeyapi.

19 Qa *anpetu* iciyamni hehan, unnapepi kin on, wita wata kin

en, taku wowinyunyanpi kin minin ehpeunyanpi.

20 Unkan anpetu ota, anpetu wi wicanhipi ko tanin šni un, qa nina unkakihanšicapi, hehan un-nipi kta unkecinpi qon he wanna unkayuštanpi.

21 Tuka tehan takudan yute šni unpi kin, hehan Palos wicacokaya najin, qa, Wicašta kin, anamayagoptanpi qa Krete etanhan pacanan iyeyayapi kte šni iyececa, hecen taku šice qa wicakakije cin de nihyahdepi kte šni tuka.

22 Qa nakaha ceciciyapi ce, cante wašte po; tuwedan niŋapi kte šni, tuka wita wata kin hecedan.

23 Wakantanka ohowada, qa iye mayuhe cin he taohnihde ye cin binhan en mahinajin.

24 Qa, Palos kokiye šni wo; Kesar itokam inayajin kta, unkan tona om watoyape cin owasin Wakantanka niču ce, eya ce.

25 Heon etanhan, wicašta kin, cante wašte po; Wakantanka wicawada, token emakiye cin he ecetu kte.

26 Tuŋa wita wan en iyeunyanpi kta ce, eya.

27 Unkan otpaza iaketopa kin, hehan Adria miniwanca kin ohna kaha iyeunyanpi kin icunhan, hanye cokaya hehan watope wicakiyapi kin makoce wan ikiyadan upi kecinpi.

28 Qa hehan mazasu haŋonta ikoyake cin minin iyeyapi, qa akatinpi wikcemna nonpa e iye-yapi. Hetanhan kitanna kapeya yapi, hehan ake econpi, unkan wanna akatinpi ake zaptan.

29 Unkan imnija kin en iyewicayapi kta e kokipapi, heon wahektapa kin etanhan maza aspeiciyapi tom minin iyeyapi, qa anpao kta e činpi hinca.

30 Unkan watope wicakiyapi kin wita wata kin etanhan najicapi kta akitapi, qa wata cistina qon he mini kin ekta yuhukun iyeyapi, watokapa tanhan maza aspeiçiyapi minin iyeya konzapi.

31 Unkan Palos akicita tancan kin akicita ko hewicakiya; Den wita wata kin ohna yukanpi šni kinhan, yanipi oyakhipi kte šni ce.

32 Hehan akicita kin wata cistina hañonta ikoyake cin bapsakapi, qa kun iyeyapi.

33 Wanna anpao kta hehan Palos owasin taku yutapi icu wicaši, qa heya, Nakaba takudan yute šni yaunpi anpetu iake topa kin he dee, hehanyan takudan iyacupi šni.

34 Heon ceciciyapi ce, taku yutapi icu po, on wanišakapi kta ce, paha nitawapi sukaza wanjidan hinhpaye kte šni ce.

35 Hena hecen eya hehan aguyapi icu, qa owasin wicitokam Wakantanka cekiye ca, kiyuše qa yuta.

36 Hehan owasin cante waštepi, qa woyute icupi.

37 Unkan wita wata kin ohna, wicanagi owasin opawitge nom sanpa wikcemna šakowin sanpa šakpe unyakonpi.

38 Unkan taku yutapi on imnanpi hehan wita wata kin yukapojedanpi, qa aguyapi su kin minin ehpeyapi.

39 Unkan wanna anpa kamdeze cehan, makoce kin iyekiyapi šni; tuka kalimin wan huta oihunni wašte kin he wanyakapi, qa okihipi kinhan, he en wita wata kin aipi kta, keyapi.

40 Hehan maza aspeiçiyapi kin bapsag iyeyapi, qa minin ehpeyapi, qa iyupse yuza icaške kin kiyuškapi; hehan šina watope-

kiyapi tanka kin yuwankan iye-yapi, qa huta kin ekta yapi.

41 Tuka tukten miniwanca nom kokijuya hiyu kin he en iyohpapi, qa hen wita wata kin azi yapi. Unkan watokapatanhan kin he sutaya ihan, tuka wahektapatanhan kin taja on kamden iyeya.

42 Unkan akicita kin wicakaškapi kin hena wicaktepi kta e konzapi, okinni wanjikji huta kin ekta niwanpi, qa najicapi kta, keyapi.

43 Tuka akicita tancan kin is Palos nikiye kta cin kin, heon taku econpi kte cin iyowicaki šni; qa hehan tona niwan okihipi kin hena tokaheya minin ehpeiçiyapi qa huta kin ekta niwanpi kta, keya.

44 Hehan tona nahañin en un kin hena, hunh canmdaska akan, qa hunh is wita wata etanhan onšpašpadan akan iyayapi. Unkan hecen owasin huta kin ekta tanyan iyohipi.

WICOWOYAKE 28.

1 Unkan ekta tanyan iyohipi hehan wita kin he Melite eciyapi e sdonyapi.

2 Unkan Ikcewicašta kin nina taku wašte ecaunkiconpi, cetipi qa otoiyo hi en unkicopi, nina magaju qa osni kin heon etanhan.

3 Unkan Palos can eikcistina ota pahi, qa peta en aonpa hehan, wamduškadan wan iyokapi kin etanhan hiyu, qa Palos nape kin en ikoyag ičiya.

4 Unkan nape kin en taku ocinšice cin de ikoyake cin he Ikcewicašta kin wanyakapi qehan, iyakitedan hekiciyapi; Awicakehan wicašta kin de tin wicakte kin heca, miniwanca kin

etanhan ni hiyu ešta, taku owotanna kin he ni kta e iyowinkiyi šni ce.

5 Tuka wamduškadan qon nape kin etanhan peta kin en hdatata ehpeye ça tuktedan kiunniye šni.

6 Tuka kapo kta, qa išihnuhan-na ta iyaye kta kecinpi. Qa tehan ekta etonwan yukanpi qa tuktedan kiunniye šni un kin wanyakapi, hehan tawacin kin tokeca hinhdapi qa, De taku wakan kin hee ce, eyapi.

7 Unkan hen ikiyedani, wita kin ohna wicašta tokapa, Publios eciyapi kin he makoce onšpa yuha; unkan he tin hiyu unšipi, qa anpetu yamni hehanyan tanyan wo unqupi.

8 Unkan Publios atkuku kin wayazanka, tancan kate ça weece iheya. Palos he en i, qa cekiye ça, nape on aputake ça asniyan.

9 Hecen econ, unkan hehan wita kin en tona wowayazan yuhapi kin hena en hipi, qa asni wicayapi.

10 Heon etanhan nina unkinihanpi, qa hetanhan unyanpi kte cin, hehan taku uncinpi kin owasin unqupi.

11 Unkan wi yamni, hehan wita wata wan Aleksandrea etanhan, he wita kin hen waniyetu wanke cin, he wiyokiyedan yuke cin, Jupiter cekpapi tawa kin hee, unkan he en unkopapi.

12 Qa Surakusa ekta unkihun-nipi, qa anpetu yamni unyakonpi.

13 Unkan hetanhan ohomni unyanpi, qa Regium ekta unhipi. Qa anpetu wanjidan iyohakam, tate itokaga tanhan uya, qa anpetu inonpa hehan Puteoli en unkipi.

14 Hen hunkawanjin kiciyapi kin *wanjikji* iyewicunyanpi, qa anpetu šakowin om unyakonpi

cta e cinpi. Hehan Roma ekta-kiya unyanpi.

15 Unkan heciyatanhan hunkawanjin kiciyapi kin unkiyepi eciya anhan nahonpi, qa itkounkipapi au, Appiiphorum qa Owote tipi yamni kin hehanyan. Hena Palos wanwicayaka, unkan Wakantanka wopida eciye ça wakišag iciya.

16 Unkan Roma ekta unkipi, hehan akicita tancan qon wica-kaške cin hena wicaštayatapi taakicita tancan kin qu, tuka Palos akicita wanjidan awanyag un kin he kicišnana yanke kta e iyowinkiyapi.

17 Unkan anpetu yamni iyohakam, Palos Juda wicašta tokapapi kin wicakico. Qa en mniciyapi hehan hewicakiya, Wicašta hunkawanjinciyapi, atewicunyanpi oyate qa wicohan kin en taku šica takudan ecamon šni ešta, Jerusalem ekta makaškapi ecen Roma oyate napepi kin en iyemayanpi.

18 Hena iš wimawangapi qehan makiyuškapi kta, miye en taku on mašte kte cin takudan *iyeyapi* šni.

19 Tuka Juda wicašta kin nina tehindapi kin heon, Kesar caje mdate kta iyececa wadaka, mitaoyate kin taku iyawicawaonpe kte cin takudan mduhe šni tuka qon.

20 Heon etanhan nakaka cicipi, wanciyakapi qa wociciyakapi kta, Israel oyate awacinpi kin he on maza icicahiha kin de on makaškapi ce, eya.

21 Hehan iš eya heciyapi, Juda makoce kin etanhan niye on wuwapi unkahipi šni, qa hunkawanjin kiciyapi heciyatanhan hipi kin tuwedan taku šica iyanionpe ça oyake šni.

22 Tuka niš token nitawacin

WICOWOYAKE 1.

kin naunnihonpi kta uncinpi, yu-
omdecapi kin de owancaya ya-
šicapi e sdonunyanpi ce.

23 Unkan anpetu wan cajeya-
tapi kin he en wicota Palos
yanke cin en hipi; unkan is
Wakantanka tokiconze kin yao-
tanin, qa onspewicakiye ça, Mo-
ses toope kin wicašta wokcan
ko, etanhan Jesus on wahokon-
wicakiya, anpao kin etanhan
otpaze cin hehanyan.

24 Unkan hunh taku oyakapi
kin wicadapi, qa hunh is wica-
dapi šni.

25 Unkan okonwanjidan awa-
kicinpi šni kin, hehan kihdapi,
Palos wicoie wanjidan oyake
cin iyobakam; Woniya Wakan
kin Isaya wicašta wokcan kin
en, hunkake wicunyanpi kin
tanyan wowicakiyaka;

26 Qa heya, Oyate kin de ekta
wicai, qa heya wo; Wanahonpi
kin on nayahonpi kta tuka oya-
kahinigapi kte šni, qa wawanya-

kapi kin on wandakapi kta tuka
widukcanpi kte šni:

27 Oyate kin de cantepi kin
cepa aye ça nogepi kin on kitan
se wanahonpi, qa istapi kin o-
limus icupi; ista kin on wawan-
yakapi kte šni, qa noge kin on
wanahonpi kte šni, qa cante kin
on okahinigapi kte šni, qa ihdue-
cetupi kte šni, qa miš okizi wi-
cawaye kte šni heon etanhan.

28 Hecen on he sdonya po,
Wakantanka wiconi tawa kin
Ikcewicašta kin wicaqupi, un-
kan hena is nahonpi kta ce.

29 Hena hecen eya, unkan Ju-
da wicašta kin kihdapi, qa nina
hdokinicapi.

30 Unkan Palos waniyetu nom
tipi iyunwin ton odote cin he
ohra yanke ça, tona en hipi kin
owasin tin u wicaši.

31 Wakantanka tokiconze kin
yaotanin, qa Jesus Messiya Itan-
can taku tawa kin waditagya
oyaka ece, tuwedan tehinda šni.

PALOS,

ROMA OYATE

WOWAPI WICAKICAGE CIN.

WICOWOYAKE 1.

1 Palos Jesus Messiya taokiye,
yewicašipi kin en kicopi, Wa-
kantanka tawootanin wašte on
kahinigapi;

2 Ehanna wowapi wakan kin en
wicašta wokcan oyakapi qon hee;

3 Iye Cinhintku Jesus Messiya
Itancan unyanpi kin heon etan-
han; he qe wicacełipi eciyatan-
han Dawid cinca kin hetanhan
icaga;

4 Qa wowašake on Wakantan-
ka Cinhintku kin hee e yuotan-
inpi, Woniya Wakan kin eci-
yatanhan, wiconțe etanhan piya
ikicage cin he en;

5 Iye kin eciyatanhan wowašte
unkicupi, qa oyate owasin wa-
cinyanpi kin anagoptanpi kte cin
heon yewicašipi wicohan kin he
nakun, iye caje kin on:

6 Hena ehna Jesus Messiya
wicakico kin he niyepi.

7 Tona Roma ekta un kin owa-

sin, Wakantanka wašte wicakida, yaowotanpidan kte cin on wicakico kin hena, *wowapi cica-gapi*. Wowaconsida, wookiye ko, Wakantanka ateunyanpi, qa Jesus Messiya Itancan kin etanhan, nicipi un nunwe.

8 Tokaheya, Jesus Messiya eciyatanhan, niyepi owasin on etanhan, Wakantanka mitawa kin wopida ewakiya ece, niye wacinyayapi kin he maka kin owancaya cajeyatapi kin heon.

9 Wakantanka minagi kin eciyatanhan ohowada, iye Cinhintku tawootanin wašte kin en, he sdonmayan, ayaştan şni wocekkiye epa eca, ohinniyān cajeciya-tapi ece ;

10 Qa nakaha Wakantanka tawacin kin eciyatanhan ekta ciup i owakihi kte cin heon cewa-kiya ece.

11 Wanciyakapi nina wacin, woniya etanhan taku wicaqupi wan ciupi kta, on niyusutapi kte cin heon etanhan.

12 Niyepi kin on iyuşkinmayanpi kte cin he waka, niş niye qa miş miye napin wacinunyanpi kin on etanhan.

13 Mihunkawanji, he de sdonye şni dukanpi kta wacin şni, wana ota ekta ciupi kta kepcā, tuka dehanyan iyomakipi şni, niyepi ekta waskuyeca wanjikji mduhe kta wacin, oyate toktokeca kin en *mduhe* cin he iyececa.

14 Helenes, Ikcewicašta ko, ksapapi, wacintonpi şni ko, hena iyohi wicaweciye şni waun.

15 Hecen token owakihi kin, niyepi nakun Roma ekta yaunpi kin, wootanin wašte kin ociciyakapi kta wacin.

16 Messiya tawootanin wašte kin on imaštece şni ; he niwica-ye kte cin on Wakantanka to-

waşake kin hee, tona wicadapi kin hena en, Juda wicašta kin he tokaheya, qa hehan Helenes wicašta kin hena.

17 Heon etanhan Wakantanka owotanna ohanye cin he wacinyanpi kin etanhan wacinyanpi ekta yuotaninpi ; wowapi qon iyececa, Tuwe owotanna kin he wacinyanpi on ni kta ce.

18 Maşpiya kin etanhan Wakantanka tocanniye kin yuotaninpi, woaktaşni owasin qa wicašta woahitani econpi kin en, tona woahitani on wowicake kin anaptapi kin hena en.

19 Hena on Wakantanka token sdonyapi kte cin taninyan un ; Wakantanka sdonye wicakiya nakaes.

20 Maka kagapi kin hetanhan Wakantanka towakan qa towaşake otokahe wanice cin hena tanin, hena wanyagpica şni ešta, taku kage cin on etanhan sdon-yapi ece ; hecen on woanahbe yuhapi kte şni.

21 Qa hecen Wakantanka sdon-yapi, tuka Wakantanka iyecen yutanpi şni, qa pidapi şni ; tuka tawacinpi kin ekta wahanhan-icida ayapi, qa iye cantepi wacintonşni kin otpas aya.

22 Ksapeicidapi kin en icunhan witkotkoka icalı ayapi.

23 Qa Wakantanka tepica şni towitan kin he wicašta te kte cin ouncage kin iyecen yutoke-capi, qa zitkadan, wahutopa, watutka kin hena koya.

24 Heon iye cantiheyapi şice cin en Wakantanka awicayuştan, ihduşapapi kte ca, iye tancanpi kin kiciyuşihthinpi kte cin heon.

25 Hena Wakantanka wowicake tawa kin woitonşni kagapi, qa taku icalıyapi kin he yuonihanpi qa ohodapi, waicali-

WICOWOYAKE 2.

ye cin he isanpa, he qe owi-
hanke wanin yawasteipi nunwe.

26 Heon etanhan wocantiheye
šice cin en Wakantanka awica-
yuštan; hecen winohinca wica-
yuhapi kin hena e wicoħan owo-
tanna kin yutokecapi, qa owo-
tanna šni econpi ece.

27 Qa wicašta kin is eya win-
yan yuhapi kin he ayuštanpi, qa
is iyepi otoiyoħi winktapi on ki-
cicinpi, wica kin wica kici wo-
wištece okicihanyanpi, qa iye
tancan inahen waħitanipi kin ta-
ku iyohi kte cin he yuhapi.

28 Qa Wakantanka wacin en
yuze wacinpi šni kin he iyecen,
Wakantanka is eya wicotawa-
cin waħte šni kin en awicayu-
štan, hecen taku wowištece kin
hduštanpi kta.

29 Hena e woalıtani owasin,
wiinaħmanpi, wicošice, waicu-
cupi kte cin, qa ohinyanpi on
iyatahdepi; winawizi, tin wi-
caktepi, wakinicapi, wolnaye,
qa wocanniye on ojupidan.

30 Waajijipi sa, waaıapi sa,
Wakantanka šice dapika, wa-
ħaničidapi, wamnaıčidapi, ihda-
tanpi sa, taku šica kagapi sa,
hunkakeyapi kin anawicago-
ptanpi šni;

31 Wacintonpi šni, woope ki-
caksapi, wacantkiyapi šni, wacin
tankapi šni, qa waonšidapi šni.

32 Hena Wakantanka toope
kin sdonyapi; (tona hecen econ-
pi kin hena wiconte iyahdeiçi-
yapi,) tuka is iye hecen econpi
qa tona heconpi kin hena on
iyokipipi ece.

WICOWOYAKE 2.

1 Heon etanhan wicašta kin
nituwe kašta, wadaco kinhan
iyaonpepica šni yaun kte šni.
Taku on wicašta tokeca daco

kinhan he en niye nihdaco, wa-
daco tuka niš eya he kici taku
okonwanjidan ecanon ece.

2 Tona wicoħan hecen econpi
kin hena Wakantanka wowicake
eciyatanhan wicayaco kin he
sdonunyanpi.

3 Qa wicašta kin, niš tona he-
conpi kin wicadaco, qa iyecen
ecanon kinhan, Wakantanka wi-
cayaco kin he nayecipe kta ke-
canni he.

4 Qa is iye towašte wowijice
kin ayakta šni he, wacintanka
qa wawacinkta yuza tanka ko-
ya; qa Wakantanka towašte
kin nihduecetu kta aniye cin
hee e sdonyaye šni he.

5 Tuka cante nitehika, qa ni-
hduecetu šni kin eciyatanhan,
wocanniye anpetu, qa Wakan-
tanka owotanna wicayaco kin
yutaninpi iyehantu kte cin en,
wocantiyahde amnayaya he.

6 He wicašta otoiyoħi iye oħan
kin eciyatanhan wicakicu ece
e kta:

7 Tona wicoħan wašte en ape
yukanpi, qa wowitan, woyuoni-
han, qa řepica šni kin akitapi
ece kin hena wiconi owihanke
wanice kta:

8 Tuka tona wakinin unpi, qa
wowicake kin anagoptanpi šni,
tuka woalıtani awacinpi kin he-
na, wošihda, qa wocanniye,

9 Wošitkihda, qa wokakije,
wicašta otoiyoħi taku šica econ
kin wicanagi kin *kiciun* kta, Ju-
da wicašta kin he tokaheya, qa
hehan Helenes hee kta.

10 Tuka wowitan, woyuoni-
han, wookiye ko, tona wašteya
ohanye cin hena kiciun kta, Ju-
da wicašta kin he tokaheya, qa
hehan Helenes hee kta.

11 Wakantanka wicašta ito-
hnake ekta etonwe šni ece.

12 Tona woope codan waħta-

nipi kin hena woose codan yutakunipi kte śni, qa tona woose kin en wahtānipi kin hena woose kin eciyatanhan wicayacopi kta.

13 Wakantanka ekta tona woose nahonpi kin hena owotanna kin eepi śni, tuka tona woose kin ecen econpi kin hena owotanna wicayawapi kta.

14 Tohan Ikcewicašta woose yuhapi śni kin hena iye cinka woose wicohan kin ecen econpi kinhan, woose yuhapi śni ešta, is iye woose ihduhapi ece.

15 Hena is iye cantepi kin ekta woose wicohan owapi kin he hdutaninpi, iye tawiyukcan kin nakun he yaotanin, qa tawacinpi kin otōiyohi tuktektan iyakicionpapi, qa akeś anakihmanpi ece.

16 Anpetu wan en, Wakantanka wotanin wašte mitawa kin eciyatanhan, Jesus Messiya on, wicašta taku nahmana awacinpi kin yaco kinhan.

17 Iho, Juda wicašta eniciyapi, qa woose kin awacin nanke ça Wakantanka on nihdatan,

18 Qa iye tawacin kin sdonyaya, qa taku tona wašte kin idukcan, woose kin tanyan onnispe nakaes;

19 Qa tona išta gongapi kin tanyan yewicayaye ça, otpaza ehna un kin iyoyamwicaye cin he niye kecanniçin;

20 Qa wacinton śni kin hena waonspekiya niyuhapi, qa hoksiyoqopa kin onspewicayakiya ece, qa woose kin en wosdonye wwicake ko ouncage kin yuha yaun.

21 Heon etanhan wicašta tokeca onspeyakiye cin niś niye onspeniçiye śni he. Wamanonpi kte śni keya odake cin, niś niye wamayanon he.

22 Wawicilihapi econpi kte śni kehe cin, niś niye tuwe wawiyakihaha he. Wakagapi kin wahteyada śni kin niś niye tipi wakan kin etanhan wamayanon he.

23 Niś woose kin en iniwin- kta kin, woose kicaksapi kin on Wakantanka wowištenyaya he.

24 Niyepi eciyatanhan Ikcewicašta kin Wakantanka caje kin oštehdapi ece; wowapi en kagapi qon iyececa;

25 Woose kin oyape cinhan, awicakehan bakiḥdayapi kin taku okihi ece; tuka woose yakaksa ece kinhan, banicḥdayapi kin he bakiḥdayapi śni icaga.

26 Heon bakiḥdayapi śni kin he woose woowotanna kin tanyan ope cinhan, he bakiḥdayapi śni kin bakiḥdayapi kiciyawapi kte śni he.

27 Qa bakiḥdayapi śni ece kin he woose kin ope cinhan, he, niye oowa qa bakiḥdayapi kin eciyatanhan woose yecakse cin, niyaco kte śni he.

28 Tuwe akan tanhan ecedan hecece cin, he Juda wicašta kin heca śni; qa bakiḥdayapi akan tanhan qa wicaceḥpi ecedan en un kin he hee śni;

29 Tuka tuwe mahen tanhan hecece cin he Juda wicašta kin hee, qa bakiḥdayapi kin he oowa kin en he śni, tuka wicanagi kin en un kin hee; he wowitan kin wicašta akantu eciyatanhan śni, tuka Wakantanka eciyatanhan un.

WICOWOYAKE 3.

1 Hecen Juda wicašta kin token iyotan un he, qa bakiḥdayapi kin he taku okihi he.

2 Taku owasin on iyotan, tuka tokaheya Wakantanka oie kin wicawupi qon he.

3 Qa wanjikji wicadapi śni ešta, hecen tokeca kta he. Hena wicadapi śni kin he Wakantanka wacinyanpi kin ecetu śni ye kta he.

4 Hiya, hecetu śni; Wakan-tanka wowicake kta, qa wicašta otoiyo hi iton kte śni; wowapi en kagapi qon iyececa; Nioie kin on nihdaowotanna kta, qa niyacopi kin en ohiyaye kta ce.

5 Tuka waunhtanipi kin hena Wakantanka toowotanna yutan-in kinhan token unkeyapi kta he; Wakantanka kakišwicaye cin he owotanna śni he; (wica-šta akantu kin iyecen iwaa;)

6 Hiya hecetu śni; hecetu kinhan token Wakantanka wicoi-cage kin wicayaco kta he.

7 Oiwaton śni kin on etanhan Wakantanka towicake kin he iye towitan kin hduotanin kinhan, token on etanhan walitani sa iyecen mayacopi he.

8 Qa tokeca taku wašte u kte cin heon taku śica econkupi kte śni he, unkakicagapi qa wanjikji, unkeyapi ce, keyapi kin iyececa; hena wicayacopi kin he owotanna.

9 He etanhan tokeca kta; unkiye iyotan unwaštepi he. Hiya, takuśnina on. Wanna Juda Heleni wicašta ko, owasin woah-tani ihukuya yukanpi kin he unyaotaninpi qon.

10 Wowapi en kagapi qon iyececa; Tuwedan owotanna un śni;

11 Tuwedan okahinige śni; tuwedan Wakantanka akite śni;

12 Owasin icunonpa iyayapi, ptaya ihdušicapi; tuwedan taku wašte econ śni, wanjidan ešta.

13 Dote pi kin wicahnakapi yu-hdokapi kin hee; cejipi kin on wicahnayanpi ece, ihapi kin en sintelida tage yukan:

14 Ipi kin wicayašicapi qa wicoie pa hinca ko on ojudan:

15 Sihapi kin is weyapi kta e duzahanpi;

16 Tacankupi kin ohna wico-takuni śni wicokakije ko yukan;

17 Qa wookiye canku kin he sdonyapi śni.

18 Qa ištapi kin itokam Wakantanka kokipapi kin wanica ce.

19 Woope kin taku tona eye cinhan, tona woope ihukuya un kin hena hewicakiya ece e sdon-nyanpi. Hecen wicai otoiyo hi iohmus icupi kta, qa wicoicage owasin Wakantanka itokam wicayacopi kta.

20 Heon etanhan iye itokam, woope wicohan kin on, wicace-hipi takudan yaowotanpi kte śni; woope kin eciyatanhan woah-tani sdonkiyapi ece.

21 Tuka nakaha woope codan Wakantanka toowotanna kin yutaninpi; woope qa wicašta wocanpi kin he yaotaninpi ece.

22 Wakantanka toowotanna kin, Jesus Messiya wacinyanpi kin eciyatanhan u kin hee, tona wicadapi kin owasin en, qa owasin akan un, qa owasin akiyece-capi.

23 Owasin hin wahtanipi, qa Wakantanka towitan kin iyohi śni unpi.

24 Qa iye towaonsida kin on iyunwin codan owotanna wicayawapi, wopektonpi Jesus Messiya en un kin he eciyatanhan.

25 He Wakantanka toka qe-han ehde, wokajuju kta, iye we kin wacinyanpi kin eciyatanhan, iye toowotanna hduotanin kte, woah-tani ehanna econpi qon he-na kajujupi kin on etanhan.

26 Wakantanka tehan ape un kin en, nakaha iye toowotanna

kin hdutanin kta e heon; hecen iye kin owotanna un kta, qa nakun tuwe Jesus wacinye cinhan, he yaowotan kta.

27 Hehan ihdatanpi kin toki un he. He anaptapi. Woepe kin tukte e on; wicohan kin hee he. Hiya, wacinyanpi woepe kin hee on etanhan.

28 Heon woepe wicohan codan, wacinyanpi on etanhan, wicašta kin owotanna yawapi e he unkiyucanpi.

29 Juda oyate isnana Wakan-tanka tawapi he; qa Ikcewicašta tawapi šni he. Hiya, nakun Ikcewicašta tawapi.

30 Tuwe wacinyanpi on baki-hdayapi kin yaowotanna kte, qa wacinyanpi eciyatanhan baki-hdayapi šni kin owotanna yawa kte cin he Wakantanka wanjidan.

31 Hecen wacinyanpi kin on woepe kin ecetu šni unyanpi he. Hiya, hecetu šni, tuka woepe kin unyusutapi.

WICOWOYAKE 4.

1 Heon, Abraham ate unyanpi kin, wicacehi eciyatanhan taku iyeye ciquon tukte e he, unkeyapi kta he.

2 Abraham wicohan on ihdu-owotanna kinhan taku iwinkta kte cin hduha, tuka Wakantanka itokamya šni.

3 Wowapi wakan kin token eya he. Abraham Wakantanka wacinyan, qa woowotanna kiciyawapi qon.

4 Tuwe hitani kin he wokajuju kin wowaonsida iyecen kiciyawapi šni, tuka wopetonpi kin he iyececa.

5 Tuka tuwe oňanye šni, qa tuwe tona wahtanipi kin wica-yaowotanna kin he wacinye cin-

han, wacinyanpi kin he wicoowotanna kiciyawapi ece.

6 Wicašta kin tuwe wicohan codan Wakantanka wicoowotanna kiciyawa kin wowašte yuhe cin he Dawid oyake ciquon iyececa:

7 Tona taku šica econpi qon wicakicicajujupi, qa wahtanipi kin yutokan iyewicakiciciyapi kin hena wicayawaštepi ece.

8 Wicašta kin tuwe Itancan kin wahtani kiciyawa šni kin he yawaštepi ce.

9 Unkan wowašte kin de baki-hdayapi kin ecedan en au he; qa is baki-hdayapi šni kin nakun en au he. Wacinyanpi kin he Abraham woowotanna on kiciyawapi ce, unkeyapi qon.

10 Token he on kiciyawapi he; baki-hdayapi kin en un, qa is baki-hdayapi šni en. Baki-hdayapi en un šni, tuka baki-hdayapi šni kin en icunhan.

11 Qa nahanhin baki-hdayapi šni un kin en icunhan, baki-hdayapi kin he wowapetogton, wowacinye woowotanna ipuspe kin hee icu; hecen tona wacinyanpi kin owasin, bawica-hdayapi šni ešta, he ateyapi kta, qa nakun hena e wicoowotanna wicakiciciyawapi kta.

12 Qa tona baki-hdayapi kin heceepidan šni, nakun Abraham ateunyanpi, hinahin baki-hdaye šni, he ehan wacinye ciquon, tona he oye kin ohna manipi kinhan, hena is eya baki-hdayapi kin en ateyapi kte cin heon.

13 Maka kin tawaye kte cin, Abraham iye cinca kin om, iwa-hoyapi qon he woepe kin eciyatanhan šni, tuka wacinyanpi on woowotanna kin eciyatanhan.

14 Tona woepe kin eciyatanhanpi kin hena tawayapi kte cin eepi hecinhan, wacinyanpi kin

ecetuśniyapi, qa wahoyapi qon he nakun takudan okihi śni.

15 Wooke kin he wocanniye kaga; tukten wooke wanica hecinhan hen woalitani nakun wanica.

16 Heon etanhan, he wacinyanpi kin on, wowaonśida eciyatanhan kte cin heon, qa wahoyapi qon cincapi kin owasin en wicakiciyusutapi kta, tona wooke eciyatanhan unkin hecedan śni, tuka tona Abraham, unkiye owasin ateunyanpi kin, wacinye ciqon en opapi kin hena koya.

17 Wowapi qon iyececa; Ikcewicaśta oyate ota atenyianpi kta e ecihde ce; Wakantanka wicaťe cin ake ni wicaye ća, taku tona un śni kin hena taku unkin iyecen cajeyata ece kin he wacinyan kin heon etanhan.

18 Oyate ota ateyapi kte cin he apewica śni, tuka wacinyan unkin heon ape, taku eyapi qon iyececa; Nicinca iyenaka kta ce.

19 Qa waśagya wacinye cin heon iye tancan kin wanna kan he awakicin śni, wanna waniyetu opawinge ikiyedat, qa Sara tamni kin nakun wanna ecece śni tuka.

20 Qa Wakantanka wahoye cin he cetunhda kin on kaktihanhan śni; tuka wacinyanpi on wakiśaka un, qa Wakantanka yatan.

21 Qa taku iwahoye cin he ecen econ kta okihi e he nina wicada.

22 Heon etanhan he wicoowo-tanna kiciyawapi.

23 Qa he hecen kiciyawapi kin he iye iśnana on wowapi kin en kagapi śni;

24 Tuka unkiyepi on, he unki-ciyawapi kte cin heon etanhan, tuwe Jesus Messiya Itancan unkiyapi kin wiconťe etanhan na-

Dak.

jin kiye ciqon he waciuunyanpi kinhan.

25 Iye waunľitanipi kin on wicacuppi, qa owotanna unyawapi kte cin on ake najinkiyapi qon.

WICOWOYAKE 5.

1 Hecen wacinyanpi on owotanna unyawapi kin, heon etanhan Wakantanka ekta wookiye unhapi, Jesus Messiya Itancan unkiyapi kin eciyatanhan.

2 Qa he iye eciyatanhan en unhiyupi, wowaonśida en ahan naunjinpi kin en, wacinyanpi kin on etanhan, qa Wakantanka towitan kin ape unkiyuśkinpi ece.

3 Qa hecedan śni, nakun woka-kije on unkiyuśkinpi ece; woka-kije kin he wacin tankapi kaga e sdonunyanpi;

4 Qa wacin tankapi kin he wiyukcanpi, qa wiyukcanpi kin he woape;

5 Qa woape kin he iśten wicaye śni, Woniya Wakan unqupi kin he eciyatanhan, Wakantanka towaśte uncantepi kin en unkokicicaśtanpi kin he etanhan.

6 Takudan unkokihipi śni kin he icunhan, wanna iyehantu qehan Messiya waľtanipi sa kin on ťa.

7 Tuwedan wicaśta owotanna kin on ťe kte śni naceca; tuka okinni wicaśta waśte on tuwe ťe kta tawaťenye kta nace.

8 Tuka waľtanipi sa heuncapi kin he icunhan, Messiya unkiyepi on ťe cin he en, Wakantanka token canteunkiyapi kin hduotanin.

9 Hecen sam iyeya, nakaha iye we kin on owotanna unyawapi kin, iye eciyatanhan wocanniye kin etanhan eunhdakupi kta.

10 Toka unyakonpi qehan he

icunhan, iye Cinhintku te cin eciyatanhan, Wakantanka kici okiciciye unyanpi hecinhan, he sam iyeya kici okiciciya unyakonpi kin, iye ni un kin eciyatanhan ni unyanpi kta.

11 Qa hecedan sni, tuka nakun Wakantanka kin en unkiyuskinpi, Jesus Messiya Itancan unkiyapi kin eciyatanhan, he etanhan nakaha wookiye unhapi.

12 Heon etanhan wicašta wanjidan eciyatanhan woahłtani wicoicage kin wicehna hiyu, qa woahłtani etanhan wiconęe, qa hecen wiconęe wicašta owasin akan iwicayaya, owasin wałtanipi nakaes.

13 Wooke kin itokam woahłtani wicašta kin ehna un; tuka tukten wooke wanice cinhan hen woahłtani wicakiciyawapi sni ece.

14 Hececa ešta, Adam qa Moses iyotahedan wiconęe ounyan, Adam tuwe u kte cin oowa kin hee wałtani kin tona iyecen wałtanipi sni kin hena eepi kaeš en ounyan.

15 Tuka woahłtani qon he kici wowaonsida kin akidecece sni. Wicašta wanjidan wałtani qon he on wicota ąapi hecinhan, he sam iyeya Wakantanka towaonsida, qa wowaonsida on ituwicakihanpi kin he wicašta wanjidan, Jesus Messiya kin hee on wicota en wicakiciyuota kta.

16 Qa wicašta wanjidan wałtani qon eciyatanhan, wowaonsida on ituwicakihanpi kin he iyecece sni. Wanjidan on etanhan wiconęe iwicayacopi; tuka wowaonsida on ituňanpi kin he woahłtani ota etanhan wicayao-wotanna kta.

17 Wicašta wanjidan wałtani kin on etanhan wanjidan eciyatanhan wiconęe ounyan hecin-

han, he sam iyeya tona wowaonsida untkana, qa wicoowotan-na wicaqupi kin icupi kin hena, wanjidan, Jesus Messiya kin hee, e eciyatanhan wiconi kin en ounyanpi kta.

18 Heon etanhan woahłtani wanjidan eciyatanhan, wicašta owasin en wiconęe iwicayacopi kin aupi: he iyecen woowotan-na wanjidan on etanhan wiconi iwicayaowotanna kin he wicašta owasin en aupi.

19 Wicašta wanjidan waanagoptan sni un qon he etanhan wicota wałtani sa wicakagapi kin, he iyecen wanji waanagoptan un kin eciyatanhan wicota owotanna wicakagapi kta.

20 Woahłtani ihduota kte cin heon wooke kin hi, tuka tukten woahłtani yuota ikicage ciqon hen wowaonsida nina sam iyeya ihduota.

21 Hecen wiconęe en woahłtani ounye ciqon he iyecen wiconi owihanke wanica en wowaonsida ounye kta, Jesus Messiya Itancan unkiyapi kin eciyatanhan.

WICOWOYAKE 6.

1 Hecen taku unkeyapi kta he. Wowaonsida yuotapi kte cin heon woahłtani en unkitanpi kta he.

2 Hiya hecetu sni. Tona woahłtani ekta unąapi kin, token he en nakun unnipi kta he.

3 Tona Jesus Messiya en baptem wicaqupi kin hena iye te cin en baptem wicaqupi kin he sdonyayapi sni he.

4 Heon etanhan baptem eciyatanhan he kici unhnakapi, wiconęe kin en, hecen iye Atkuku towitan kin Messiya wicate cin etanhan ekicetu ye ciqon he iyecen unkiš eya wiconi teca kin en maunnipi kta.

5 Qa iye te cin iyacinpi kin en kici huunhdepi hecinhan, nakun he piya ikicage cin en iyecen unyakonpi kta.

6 Qa wicašta tanina unhapi kin he iye kici icipaweł okatanpi kin he sdonunkiyapi, hecen woahitani tancan kin he ihang-yapi kta, qa hetanhan woahitani wowidag unyanpi kte śni.

7 Tuwe te cinhan, he wanna woahitani etanhan kiyuškapi.

8 Hecen Messiya kici unŋapi hecinhan, kici unnipi kta e wacinunyanpi.

9 Qa Messiya wicašte cin etanhan ekicetuyapi qon he ake icimana te kte śni e sdonunyanpi; tokata wiconŋe tohinni yuha okihi kte śni.

10 He te ciqon wancadan woahitani on ŋa; qa he kini kin Wakantanka on ni un.

11 He iyecen niś eya woahitani on te nihdawapi, tuka Wakantanka ekta ni yaunpi, Jesus Mes-iya Itancan unkiyapi kin eciyatanhan.

12 Heon nitančan te kte cin en woahitani ounye śni nunwe, hecen wocantiheye śice cin anayagoptanpi kte śni.

13 Qa nihuhapi kin hena wicohan śica en woahitani wowinyunye kta e qupi śni po, tuka wicašte cin etanhan ni un kin iyecen Wakantanka ičiču po, qa nihuhapi kin wicoowotanna en Wakantanka wowinyunye kiya po.

14 Woahitani icimana inidakapi kte śni. Woope kin ihukuya yaunpi śni tuka wowaonśida kin ihukuya.

15 Hecen tokeca kta; woope kin ihukuya unyakonpi śni, tuka wowaonśida ihukuya unyakonpi kin heon etanhan waunhitanipi kta he. Hiya hecetu śni.

16 Tuwe anayagoptanpi kta inidake ničiyapi kin he anayagoptanpi kin on wowidake niyanpi kin he sdonyayapi śni he; he woahitani wiconŋe aiyahdeye cin hee, qa iś waanagoptanpi kin on wicoowotanna kta.

17 Tuka Wakantanka wopida kiciun nunwe, woahitani inidakapi tuka qon; tuka woonspe ecedan en yenianpi qon he cante eciyatanhan oyapapi.

18 Qa woahitani etanhan enihdakupi kin, heon wicoowotanna wowidake niyan yaunpi.

19 Wicašta akantu kin iyecen iwaa ce, nicełpipi waśake śni kin heon etanhan. Wicośice en nihuhapi kin aśapapi qa woahitani wowinyunniyanpi kta e iyowinyakiyapi qon, he iyecen nakaha wicayuecedan kin en nihuhapi kin wicoowotanna inidakapi kta e iyowinkiya po.

20 Woahitani wowidake niyanpi qehan, wicoowotanna inidakapi śni.

21 Hehan taku nakaha on inistecapi kin hena en taku waskuyeca duhapi qon he tukte e he; hena e ihanke kin he wiconŋe ee.

22 Tuka nakaha woahitani etanhan enihdakupi, qa Wakantanka wowidake niyanpi, heon wicayuecedan on waskuyeca duhapi, qa he ihanke kin owihanke wanin wiconi kin hee.

23 Woahitani wokajuju kin he wiconŋe ee; tuka Wakantanka taku ituwicakilian kin he, Jesus Messiya Itancan unkiyapi kin eciyatanhan, owihanke wanin wiconi kin hee.

WICOWOYAKE 7.

1 Mihunkawanji, (tona woope sdonyapi kin hena owicawakiya); woope kin wicašta kin wo-

widag ya, tohanyan ni un kin hehanyan, he sdonyayapi śni he.

2 Winohinca kin tuwe hihnaton kinhan, hihnaku ni un kin behanyan, toope kin on kaškapi; tuka hihnaku kin wanna ƣe cinhan behan hihnaku toope kin etanhan kiyuškapi.

3 Hecen hihnaku ni un kin icunhan, wicašta tokeca hihnaye cinhan, wawicihahapi econ eciyapi kta; tuka hihnaku ƣe cinhan hehan woope qon etanhan kiyuškapi qa wicašta tokeca hihnayan ešta he wawicihahapi econ śni.

4 Heon etanhan, mihunkawanji, niś eya Messiya tancan kin eciyatanhan woope kin ekta niƣapi kin; hecen tuwe tokeca hihnayayapi kta. tuwe wicaƣe cin etanhan ekicetuyapi qon he hee; hecen Wakantanka on waskuyeca icaħunyanpi kta.

5 Wicaceħpi kin en unyakonpi qehan, woahťani wocantiheye kin, woope kin eciyatanhan un kin. hena waskuyeca wiconťe icalĳkiciye kta e heon unhuħapi kin en oħanyan.

6 Tuka nakaha woope kin etanhan unkiyuškapi, taku on unkaškapi qon he ekta unƣapi kin; hecen oowa tanina kin en wowidag unyanpi kte śni, tuka woniya teca kin en.

7 Hecece cinhan token unke-yapi kta he: Woope kin he woahťani kin ee he: Hiya, hecetu śni; woope eciyatanhan śni unkanś, woahťani sdonwakiye kte śni tuka qon. Woope kin, Tokan tawa yacin kte śni ce, eye śni unkanś, wocantiheye śice cin sdonwaye kte śni tuka.

8 Hehan woahťani woahope kin wowinyunye ƣa, miye mahen wocantiheye śice cin owasin mi-

caga. Woope codan woahťani ƣa wanka.

9 Ehanna woope codan ni wau-; tuka woahope kin he hi qehan, woahťani kini, qa miye maťa.

10 Qa woahope kin wiconi kta e on yušťanpi qon he wiconťe kin ee imicicaga ce.

11 Woahťani woahope kin wowinyunyan, hecen mahnaye ƣa, on makte.

12 Hecen woope kin he wakan; qa woahope kin he nakun wakan, owotanna qa wašte.

13 Hecen taku wašte kin he wiconťe imicicaga he. Hiya hecetu śni. Tuka woahťani kin he woahťani hee e tanin kta, heon taku wašte on etanhan wiconťe icalĳ miciciya; hecen woahope kin eciyatanhan woahťani kin iyoťan śice kta.

14 Woope kin he wakan sdonunyanpi; tuka miye qe wicaceħpi kin hemaca, qa woahťani ihukuya wiyopemayanpi.

15 Taku ecamon ece kin he iyowinwakiye śni. Taku wacin kin he ecen ecamon śni; tuka taku śice wadake cin he ecen ecamon ece.

16 Taku wacin śni kin he ecen ecamon kinhan, woope kin he wašte e induotanin.

17 Qa hecen tuwe hecon kin he miye śni, tuka woahťani miye mahen un kin hee.

18 Miye en, micēħpi kin he waka, taku wašte en maun śni e sdonwakiya. Iciconzapi kin he iyemicihantu, tuka token taku wašte ecamon kte cin iyewakiye śni.

19 Taku wašte wacin kin he ecen ecamon śni; tuka taku śica wacin śni kin hee ecen ecamon ece.

20 Hecen taku wacin śni kin

WICOWOYAKE 8.

he ecen ecamon kinhan, tuwe hecon kin he miye šni, tuka woahŋtani miye mahen un kin he hecon.

21 Hecen woope wanji iyewakiya, taku wašte ecamon wacin eca, taku šica miye en micun ece.

22 Wicašta mahentu kin eciyatanhan Wakantanka toope kin on imduškin :

23 Tuka mihuha kin en woope tokeca wan wanmdaka, he mitawacin toope kin kici kicize ɕa, woahŋtani woope mihuha kin en un kin he en wayaka amahda.

24 Wicašta nina iyokišice cin he miye ; tuwe wiconŋe tancan kin de etanhan emahdaku kta be.

25 Wakantanka wopida ewakiya ece, Jesus Messiya Itancan unkiyapi kin hee on etanhan. Hecen miye mitawacin kin on Wakantanka toope kin wowidag mayan, tuka wicacehpi eciyatanhan woahŋtani woope kin he imadaka.

WICOWOYAKE 8.

1 Heon etanhan, nakaha tona Jesus Messiya en un kin, hena wiconŋe iwicayacopi wanin unpi, wicacehpi eciyatanhan manipi šni, tuka Woniya kin eciyatanhan.

2 Wiconi Woniya toope kin Jesus Messiya en un kin, he woahŋtani wiconŋe ko woope kin etanhan makijuška.

3 Woope kin wicacehpi eciyatanhan waške šni un qon he taku okihi šni kin hee Wakantanka econ, iye Cinhintku wicacehpi wahtani ouncege kin en hiyuya, woahŋtani on, qa wicacehpi kin en woahŋtani yaco.

4 Hecen tona wicacehpi kin eciyatanhan maunnipi šni, tuka

Woniya eciyatanhan, unkiyepi en woope wicoowotanna kin ecetu kta.

5 Tona wicacehpi eciyatanhan un kin hena wicacehpi taku tawa kin awacinpi ; qa tona Woniya kin eciyatanhan un kin hena taku Woniya tawa kin awacinpi.

6 Wicacehpi awacinpi kin he wiconŋe kin ee ; tuka Woniya awacinpi kin he wiconi qa wookiye kin hee.

7 Wicacehpi wicotawacin kin he Wakantanka toka ya. He Wakantanka toope kin ope šni, qa nakun ecaca okihi šni.

8 Hecen tona wicacehpi kin en un kin hena Wakantanka iyokipi yapi kta okitpanipi.

9 Tuka niyepi wicacehpi kin en yaunpi šni, Woniya kin en yaunpi, Wakantanka Taniya kin niyepi kin en ounye cinhan. Qa tuwe Messiya Taniya kin yube šni kinhan he tawa šni.

10 Qa Messiya en niunpi kinhan, wicatančan kin he woahŋtani eciyatanhan ɕa, tuka wicanagi kin he wiconi un, wicoowotanna eciyatanhan.

11 Tuwe Jesus wicaŋe cin etanhan najin kiye ciqon he Taniya kin niyepi en ounye cinhan, tuwe Messiya wicaŋe cin etanhan najin kiye ciqon hee nitancan ɕapi kte cin ekicetu ye kta, iye Taniya Wakan niyepi en ounye cin he eciyatanhan.

12 Heon etanhan, mihunkawanji, wicacehpi kin takudan ikicazo šni unyakonpi, on etanhan wicacehpi kin eciyatanhan unniipi kta.

13 Wicacehpi kin eciyatanhan yanipi kinhan niɕapi kta ; tuka Woniya kin eciyatanhan wicatančan wicohan kin ɕe yakiyapi kinhan yanipi kta.

14 Wakantanka Taniya kin tona yus awicaye cin hena Wakantanka cinca wicaye cin eepi.

15 Ake wokokipe kta e on ooki-yeyapi woniya kin iyacupi *śni*, tuka cinhintkuyapi woniya kin he iyacupi, on Abba, Ate, eya hoyeunkiyapi ece.

16 Qa Wakantanka cinca kin heuncapi e unnagipi kin kici Woniya kin e unyuotaninpi.

17 Unkan uncincapi kinhan tawayapi kte cin heuncapi; Wakantanka tawayapi; Messiya kici tawayapi kte cin; kici unkakijapi kinhan, nakun kici wowitan unhapi kta ce.

18 De nakaha wicokakije kin he, wowitan unkiyepi en ecadan yutaninpi kte cin kici akiyecen yawapi kta e iyecece *śni* wadaka.

19 Wakantanka cinca wicayutaninpi kte cin on taku kagapi kin cantokpaniyan ape yanka.

20 Taku kagapi kin he woce-tu *śni* kin en ihukuya ye kta cin *śni*, tuka tuwe woape on he wowidagye cin hee on etanhan.

21 Qa taku kagapi kin hee kaes wicahwin wowidagyapi kin etanhan kiyuskapi kta, qa Wakantanka cincawicaye cin ihduhapi wowitan kin en yeyapi kta.

22 Taku icage cin owasin dehanyan witaya comnihdazi, qa hokšiksuya un e sdonunyanpi.

23 Qa hecedan *śni*, tuka unkiš eya Woniya kin taku tokaheya icahiya unhapi kin, unkiyepi qe comniunhdazipi, qa atayedan cinca yapi kte cin unkaepi, unkitancanpi ekicetu ye kte cin hee.

24 Woape kin on niunyanpi; tuka woape wanyakapi kin he woape kin ee *śni*, tuwe taku wanyake cinhan tokeca e nahahin ape yanka he.

25 Tuka taku wanunyakapi *śni*

kin he unkaepi hecinhan, behan wacintankapi on unkiyepi kta e ape unyakonpi ece.

26 Qa nakun Woniya kin *iš* waunšakapi *śni* kin en icunhan ounkiyapi ece. Token wocekiye unkeyapi kte cin sdonunkiyapi *śni*, tuka Woniya kin e qe unkiyepi on wocekiye eya, howayapi oyagpica *śni* kin on.

27 Qa tuwe wicacante iyukcan kin he Woniya kin token wacin yuze cin sdonya, he Wakantanka *tawacin kin* eciyatanhan tona owotanna un kin hena on wocekiye eya ece.

28 Unkan Wakantanka wašte dakapi kin hena taku owasin tanyan owicakihan ece e sdonunyanpi, tona iye tawacin kin eciyatanhan wicakicopi kin hena.

29 Tona otokaheya tanhan sdonwicakiye cion hena wicakiconza, iye Cinhintku ouncage kin en icagapi kte cin heon, qa hecen he hunkawanjiku ota ehna tokapa kta.

30 Qa tona wicakiconze cion hena wicakico; qa tona wicakico qon hena wicayaowotanna; qa tona wicayaowotanna qon hena *iš* eya wicayutan.

31 Heon etanhan hena taku kin en taku unkeyapi kta he. Wakantanka unkiyepi un kinhan, tuwe kašeunyanpi kta he.

32 Tuwe iye Cinhintku kin kpatan *śni*, tuka unkiyepi owasin on kpagan qon, he iye kici taku owasin iyakiçuya unqupi kte *śni* he.

33 Tona Wakantanka wicakahnige cin hena tuwe taku iyawicaonpe kta he. Wicayaowotanna kin he Wakantanka kin ee ce.

34 Tuwe wayaco kta he. Tuwe te cion he Messiya ee, qa ake

piya ikicage cin hee, Wakantanka etapa kin eciyatanhan yanke ca, unkiyepi on wocekiye eciya.

35 Tuwe Messiya towašte kin etanhan unyušpapi kta he. Wicokakije, wošitkihda, wicokicize, wicaakihan, tancowicakadan, wokokipe, qa maza sagye okihi kta he.

36 (Owapi qon he hecetu, Niye kin on anpetu ohinniyan unktepi *unyakonpi*, tahinca ktepi kte cin iyecen unyawapi ce.)

37 Tuka hena taku kin owasin en, tuwe canteunkiyapi qon he eciyatanhan, tanyan ohiye unyakonpi.

38 Heon, wiconŋe, qa wiconi, qa mahipiya ohnihde cin hena, qa wokiconze kin, qa wicowašakę kin, qa taku nakaha un kin taku u kte cin ko ;

39 Qa taku wankantuya un kin, qa taku mahentuya un kin, qa taku icage cin tokeca, takudan Wakantanka towašte, Jesus Messiya Itancan unkiyapi en un kin, he etanhan unyušpapi kte šni e sdonwaye hinca.

WICOWOYAKE 9.

1 Messiya eciyatanhan wowicake epe, itonšui mawanica, minagi kin hee e Woniya Wakan kin kici mahdutanin :

2 Nina iyomakišice ca micante ekta ohinniyan iyokišin waun.

3 Mihunkawanji qa tona wicacehpi eciyatanhan takuwicawaye cin hena on, Messiya etanhan mayacopi tawaŋenwaya owakihi tuka.

4 Hena Israel wicašta kin hecapi, qa atayedan cinkši wicaye cin hena eepi, qa wowitan, qa wicotakuye, qa woope wicaqupi kin, qa wawokiyapi kin, qa wahoyapi kin hena tawapi.

5 Qa hunkake wicayapi kin etanhanpi kin hena eepi, qa hena etanhan wicacehpi eciyatanhan Messiya inapa, he owasin iwankam Wakantanka kin ee, owihanke wanin wowašte yuha nunwe.

6 Wakantanka oie kin ecetu šni aye cin he wake šni. Tona Israel etanhanpi kin hena owasin Israel hecapi šni.

7 Qa Abraham etanhan icagapi kin heon owasin cincapi kin hecapi šni. Tuka, Isaak etanhanpi kin hena nicinca ewicakiyapi kta ce.

8 He kaketu, tona Wakantanka cinca wicaye cin hena wicacehpi eciyatanhan cinca wicayawapi qon heon etanhan šni, tuka tona cinca wahoyapi qon hena e wicowazi kin ee iyawapi.

9 Wahoyapi wicoie kin he decetu, Omarka dehantu kinhan wau kta, qa Sara cinbintku wan ton kta ce.

10 Qa heceyedat šni, tuka Rebeka nakun wanjidan on, Isaak ateunyanpi kin hee on, ihdušake echan,

11 Nabanhin tonpi šni, taku wašte taku šica ko unmana nabanhin econpi šni, Wakantanka tawacin kin wicakalinigapi kin en sutaya un kte cin heon, wicohan kin eciyatanhan šni, tuka tuwe wicakico kin he eciyatanhan :

12 Hehan heciyapi, Hakakta kin he tokapa kin wowidag ye kta ce.

13 Owapi qon he kaketu, Jakob wašte wadaka, tuka Esau šice wadaka ce.

14 Hecen token unkeyapi kta he. Wakantanka owotanna šni econ he. Hiya, hecetu šni.

15 He Moses heciya ; Tuwe onšiwakida kte cin he onšiwaki-

da kta, qa tuwe wacin en mduze kte cin he wacin en mduze kta ce.

16 Heon etanhan tuwe cin kin eciyatanhan *šni*, qa tuwe inyanke cin he nakun eciyatanhan *šni*, tuka Wakantanka on*š*iwicakida kin he eciyatanhan ece.

17 Wowapi wakan kin he Pharo heciya; He dee on etanhan icahciya, niye en mitowašake kin wahduotanin kta, qa maka owancaya micaje kin oyakapi kte cin heon.

18 Heon etanhan tuwe ka*š*ni-ge cinhan, he on*š*ikida ece; qa tuwe ka*š*nige cinhan he yutehi ece.

19 Hecen hemayakiye kta nace; Tokeca e nahan*š*in wicaba he; tuwe e iye tawacin kin ece-*tuš*niya he.

20 Hiya, wicašta kin, niš nituwe he, hecen Wakantanka i en hiyeyaya he. Taku kagapi kin he tuwe kage cin, Tokeca hecen mayakaga he, eciye kta he.

21 Maka wakšica kage cin heca maka kin okihi *šni* he, upšija omnaye wanjidan etanhan wakšica wan woyuonihan, qa wanji iš wowištece on kage kte *šni* he.

22 Hecen Wakantanka wocanniye kin hdutanin kta cin, qa towašake kin sdonye unkiyapi kta e on wocanniye wakšica wicotakuni *šni* kicagapi qon hena wawacinkta yuza tanka on wicakuwa kinhan;

23 Qa tona wowaonšida wakšica kin otokaheya tanhan wowitan on wiyeya ehnakapi qon, hena en iye towitan wowijice kin hduotanin kta.

24 He wicakico kin hena unkiyepi, Juda oyate etanhanpi kin hecedan *šni*, tuka nakun Ikcewicašta etanhanpi.

25 Hose en heye cigon iyececa;

Tona mitaoyate *šni* kin hena mitaoyate ewicawakiye kta, qa wašte dakapi *šni* qon he wašte dakapi kin ewakiye kta.

26 Qa tukten, Mitaoyate kin he niyepi *šni* ce, ewicakiyapi qon, hen, Wakantanka ni un cinca kin ewicakiyapi kta ce, *eya*.

27 Isaya iš *eya* Israel oyate kin on hotanin; Israel cincapi kin miniwanca wiyaka sukaza iye-cen ota yawapi ešta, tona okaptapi kin henana nipi kta ce, *eya*.

28 Wayawapi yuptecedan kta qa wicoowotanna en hduštan kta; maka akan Itancan kin yawawapi ptecedan wan kage kta.

29 Qa he itokam Isaya heye cigon; Sabaoth Itancan kin wicowazi wan unkokicaptapi *šni* unka*š*, Sodom iyecen unyakonpi kta, qa Gomorra en unkiyoptapi kta tuka.

30 Hecen token unkeyapi kta he. Ikcewicašta kin wicoowotanna iyeyapi ce, wacinyanpi kin eciyatanhan wicoowotanna kin hee.

31 Tuka Israel wicoowotanna woope odepi qon hena wicoowotanna woope kin iyohipi *šni*.

32 Tokeca he. Wacinyanpi kin eciyatanhan *šni*, tuka woope wicohan kin eciyatanhan odepi kin, heon etanhan. Inyan ibotopi kin de on siha ibotopi.

33 Wowapi kagapi qon iyececa; Wanyaka wo, Zion en inyan ibotopi, qa imnija on hicahanpi wan ewahde; qa tuwe he wacinye cinhan inihan kte *šni*.

WICOWOYAKE 10.

1 Mihunkawanji, micante cantihaye ça taku Wakantanka ice-wakiye cin, Israel oyate kin wicani kte cin hee.

2 Hena wicaweciyaotanin, Wakantanka wacin en yuzapi tuka he wosdonye eciyatanhan šni.

3 Wakantanka toowotanna kin sdonyapi šni, qa iye wicoowotanna tawapi kin hdsutapi akitapi, qa Wakantanka toowotanna kin he ihukuya iyeiciyapi šni.

4 Tona wicadapi kin owasin en Messiya kin he wicoowotanna woepe woyuſtan kin hee.

5 Woowotanna woepe kin eciyatanhan kin he on Moses kaken owa qon; Wicaſta tuwe hena taku kin econ kinhan, hee hena on ni kta ce.

6 Tuka wacinyanpi eciyatanhan wicoowotanna un kin he kaken eya, Nicante kin mahen, Messiya kun ahi kte cin heon tuwe mahpiya ekta wankan ye kta he;

7 Qa, Wicaſe cin etanhan Messiya yuwankan au kte cin heon tuwe woſbe kin ekta ye kta he, eye šni wo.

8 Tuka taku eya he; Wicoie kin he nikiyedani un, nii kin ohna, qa nicante kin en un, wacinyanpi wicoie unkoyakapi kin he hee.

9 Nii kin on Jesus Itancan kin yahdaotanin, qa he wicaſe cin etanhan Wakantanka ekicetu ye cin he, nicante kin eciyatanhan wicayada kinhan, yani kta.

10 Wicoowotanna kta e wicacante on wicadapi, qa wiconi kta e wicai kin on wohdakapi ece.

11 Wowapi wakan kin he heya, Tuwe he wacinye cinhan, he wiſtece kte šni ce.

12 Juda qa Helenes oyate kin kici ocikpanipi wanica. Tuwe owasin en Itancan kin he tona hoyekiyapi kin hena owasin en wijinya un.

13 Tona Itancan caje kin ho-

yekiyapi kinhan hena otoiyohipi kta.

14 Tuka tuwe kin wacinyanpi šni kinhan token on he hoyekiyapi kta he; qa he nahahin nahonpi šni kinhan token wacinyanpi kta he; qa tuwedan oyake šni kinhan token nahonpi kta he.

15 Qa ekta ye wicaſipi šni kinhan token oyakapi kta he. Owapi qon he hecetu; Tona wookiye wotanin waſte kin oyakapi, qa taku waſte en wotanin waſte oyakapi kin hena sihapi kin iyo-tan waſte ce.

16 Tuka owasin wotanin waſte kin anagoptanpi šni. Isaya heye ciqon; Itancan, tuwe unko-yakapi kin wicada he.

17 Heon etanhan wanahtonpi kin eciyatanhan wicadapi kin u, qa wanahtonpi kin he Wakantanka oie kin eciyatanhan.

18 Unkan miſ, Hena nahonpi šni he, epe. Hiya, hena ogo kin makoce owasin ekta iyaye a wicoie kin maka ihanke kin hehanyan i.

19 Qa Israel oyate kin he sdonyapi šni he. Tokaheya Moses heya, Tona oyate šni se un kin hena on iyocipaſtakapi kta, qa ikce oyate wacinton šni wan on ſinhdaciyapi kta ce.

20 Tuka Isaya nina waditake a heya; Tona omadeipi šni qon hena e iyemayanpi, qa tona amakitapi šni qon hena en mihdu-tanin ce.

21 Qa Israel oyate kin hewicakiya, Anpetu osan oyate wanahton šni qa wacetunhdapi kin he nape wicawakiyugata ce.

WICOWOYAKE 11.

1 Heon hepa, Wakantanka taoyate kin ehpewicakiya he. Hiya hecetu šni. Israel wica-

šta kin hemaca, Abraham cinca, qa Benjamin wicoun kin hema-tanhan.

2 Wakantanka taoyate kin to-na otoaheya tanhan sdonwica-kiye ciqon hena ehpewicakiye šni. Wowapi wakan Elijah on token eye cin sdonayayapi šni he; Wakantanka cekiye ça, Israel oyate kin cajeyata qa heya;

3 Itancan, wicašta wokcan ni-tawa kin hena wicaktepi, qa wa-hna wošnapi nitawa kin yujuju-pi, qa miye mišnana omakaptapi, unkan te mayanpi kta akitapi ce.

4 Tuka Taku Wakan kin token eya ayupta he; Nahahin Baal en canpeška makehde inajinpi šni kin wicašta kektopawinge šakowin wicawahduha ce.

5 He iyecen nakaha wowaon-šida wicakahnigapi kin eciya-tanhan hunh okaptapi.

6 Qa he wowaonšida eciyatan-han kinhan hehan wicohan eci-yatanhan šni; hecetu šni kin-han, wowaonšida kin wanna wowaonšida heca šni. Qa wi-cohan eciyatanhan kinhan, he-han wowaonšida eciyatanhan šni; hecece šni kinhan, wicohan kin wanna wicohan heca šni.

7 Hecen toketu kta he; Israel taku akite ciqon he iyeye šni, tuka tona wicakahnigapi kin he-na e iyeyapi, qa unmapi kin išta gonge wicayapi.

8 Wowapi qon iyececa; Wi-cahba wicacante kin Wakantan-ka wicaqu, išta on wiwanyakapi kte šni, qa noge on winahonpi kte šni, anpetu kin dehanyan.

9 Qa Dawid iš heya; Wahna wotapi tawapi kin he mazahta-kiyapi, qa wihmunke, qa wona-hnaye, qa iyunwin yuhapi kin hee kta ce.

10 Išta kin aotpaswicayapi kte,

heon wawanyakapi kte šni; qa cankahu ohinniyan patuš inajin-pi nunwe.

11 Heon hepe; Hinhpayapi kta on hica hanpi he. Hiya, hecetu šni; tuka hica hanpi kin on etan-han Ikcewicašta kin wiconi iyo-wicahi, hena iš eya iyowicapa-štakapi kta e heon.

12 Hena e hica hanpi kin he wicoicage kin en wowijice kin hee, qa hena wicayuaoptetu kin he Ikcewicašta kin en wowijice kin hee hecinhan, wicayuecetu-pi kin he sanpa hince kta.

13 Ikcewicašta henicapi kin hena hecen eciciyapi; Ikcewica-šta kin ekta yemašipi waun, qa heon mitohłani kin wahdutan.

14 Hecen tona nicełpi etan-hanpi kin hena inahni wicawaye kta, kinhan wanjikji ni wicawa-ye kta.

15 Hena ehpewicayapi kin he wicoicage kin en wookiye kin hee hecinhan, hena ake wicayu-ecetupi kinhan he taku kta he; wiconę etanhan wiconi kin hee kta.

16 Taku tokaheya suton kin he wakan kinhan, ocowasin hecece kta; qa can huta kin he wakan kinhan, can adetka kin hena na-kun hecece kta.

17 Unkan can adetka kin hena wanjikji yuksapi, qa niš can wi-hdi hu ikceka henica, tuka can adetka qon ehna can kin en ica-hniyanpi, qa can wiłdi cepa can huta kin etanhan, en opeya yaun kinhan;

18 Can adetka qon on ihdatan šni wo. Nihdatan keš can huta kin he duhe šni tuka can huta kin hee niyuha.

19 Hehan, Hen emahdepi kta on can adetka qon yuksapi ce, ehe kta naceca.

20 Han, hecetu; wicadapi šni

kin heon hena yuksapi, qa niye wacinyanpi on ecen nayajin ece. Wahaniçida şni qa kokipa wo.

21 Can adetka tawa qon hena Wakantanka kpatan şni hecinhan, okinni niş eya nikpatan kte şni.

22 Wakantanka towaonşida to-cantiyahde ko wanyaka po ; to-na hinhpayapi qon hena en wo-cantiyahde, qa niye en wowaonşida kin, wowaonşida kin he en nayajin kinhan, tuka hecanon şni kinhan niş eya nicaksapi kta.

23 Qa hena ceţunhdapi ecen unpi şni kinhan, iş eya ake can kin en iyekiyapi kta. Ake can kin en Wakantanka icahwicaya okihi.

24 Qa niye can wihi ikceya icage ciquon etanhan nicaksapi, qa inicage cin eciyatanhan şni, can wihi waşte kin en iyeniyampi kinhan, tona can kin he aicage ciquon hena iyotan ake can wihi tawapi kin en iyeyapi kta.

25 Mihunkawanji, wowiyukean kin de sdonye şni dukanpi kta wacin şni, okinni ksape niçidapi kta ; Israel oyate kin apa iştá gonge áya, Ikcewicašta kin oco-wasin en hiyu kte cin hehanyan.

26 Qa hecen Israel oyate kin owasin nipi kta. Wowapi en kagapi qon iyecetu ; Zion etanhan Wanikiya wan u, qa woahitani Jakob yutokan iyekiciciye kta.

27 Qa woahitani yutokan iye-wicaweciciye cinhan hehan wicotakuye wicawaqu kte cin hee ce.

28 Wotanin waşte kin ekta, hena niyepi kin on etanhan toka wicayawapi, tuka wicakahigapi kin ekta, hena e hunka-kepi kin on etanhan waşte wicakidapi.

29 Wakantanka taku wicaqu qa wicakico kin hena iyopeiçi-yapi wanin un.

30 Unkan niş niyepi kin ehan-na Wakantanka anayagoptanpi şni, tuka nakaha hena wicadapi şni kin on wowaonşida niçupi.

31 He iyecen nakaha hena iş eya anagoptanpi şni kin, niye nitowaonşida kin on etanhan onşiwicadapi kta.

32 Hena owasin witaya wicadapi şni kin en Wakantanka onawicataka, iyulipa onşiwicada kta heon etanhan.

33 Wakantanka toksape qa wosdonye tawa wowijica oşbe kin he tanka hinca. Woyaco tawa kin okahnihpica şni, qa tacanku kin iyeyepica şni.

34 Tuwe Itancan tawacin kin sdonya he ; qa tuwe okiya un he.

35 Qa tuwe he tokaheya taku qu he ; kinhan kicicajujupi kta.

36 Iye etanhan, qa iye eciyatanhan, qa iye ohna taku owasin un ; owihanke wanin wowitan kiciun nunwe.

WICOWOYAKE 12.

1 Heon mihunkawanji, Wakan-tanka wacantohnake cin on etanhan eciciyapi ce, nitancanpi kin woşnapi ni un, wakan, qa taku Wakantanka iyokipi kin, hena hecen yaqupi kta, he wawoyaki-yapi kte cin hecetu hinca.

2 Qa wicoicage kin de en iye-cen awacanipi kte şni, tuka nitawacinpi yuecepidan kte cin on nihdutokecapi nunwe ; hecen Wakantanka tawacin waşte, oi-yokipi, qa hduştanpi kin he tukte e idukanpi kta.

3 Wowaonşida maqupi kin he eciyatanhan, tona niyepi ekta un kin otoiyohe hecen eciciyapi ; Tu-

wedan token ihdukan kte cin he isanpa ihdawa kte sni, tuka wacinksamya ihdukan kta, Wakantanka otoiyohi wacinyanpi iyuta wicaqu kin he eciyatanhan.

4 Wicatancan wanjidan en wicahuba ota unhapi, qa huhu kin hena owasin okonwanjidan ohanye sni :

5 He iyecen unkiye unkotapi, tuka Messiya en tancan unwanjipidan, qa otoiyohi huhu unki-ciyapi.

6 Hecen wowaonsida otoiyohi yukinukanyan unqupi kin eciyatanhan wicookihi ociptetu unhapi; he wokcanpi kte cin hee hecinhan, wowacinye iyutapi kin on unkiyukanpi ece e kta.

7 Qa waowicakiyapi kin hee hecinhan, waowicakiyapi kin en unyakonpi kta; qa tuwe waonspekiya okihi kinhan, he waonspekiyapi kin en un kta.

8 Tuwe wahokonwicakiye kte cin he wahokonwicakiyapi kin en un kte; tuwe taku wicaqu kte cin he ohanpiya econ kte; tuwe oyate wicayuhe cinhan he mnihenya econ kta; qa tuwe onsiwicadake cinhan iyokipiya econ kte.

9 Wacantkiyapi kin he wohnaye wanin un nunwe. Taku sice cin he sice dakapi, qa taku waste kin he en iyaihdaska po.

10 Hunkawanjin kiciyapi waste kicidakapi kin he on otoiyohi cante en kiciyuza po, qa woyuonihan on otoiyohi iyotan kicidaka po.

11 Wicohtani kin en kujapi sni, woniya on aiciciyapi, Itancan kin okiya po.

12 Woape en wiyuskinpi; kakijapi kin en icunhan wacintankapi; qa wocekiye eya yukan po.

13 Tona owotanna un kin taku icakijapi kinhan owicakiya po. Wicašta icimanipi kin ohanpiya ecawicakicon po.

14 Tona sicaya nicuwapi kin hena wicayawaste po; wayawaste po; qa wayasiciapi sni po.

15 Tona wiyuskinpi kin hena om wiyuskin po; qa tona ceyapi kin hena om ceya po.

16 Otoiyohi okonwanjidan awakiecin po. Taku wankan un kin hena ekta ewacinpi sni po; tuka tona kun ihdawa kin hena en opa po. Wacinksapeicidapi sni po.

17 Tuwedan taku sica on itkom sicaya econpi sni po. Wicašta owasin itokamya taku owotanna ecedan kamnan po.

18 Tohanyan oyakhipi kinhan, wicašta owasin om wookiye yakon po.

19 Waste cicidapi kin, ihnuhan niye cinka watoyeconpi kin, tuka wocanniye nakicipa po. Hecen wowapi en kagapi, Tokiconpi kin he miye mitawa, wicawecu kta ce, Itancan kin eya.

20 Heon tuwe toka niye cin he wotektehda kinhan wo qu wo; qa ipuza kinhan mini qu wo; hecen ecanon kinhan, petaga kin he pa kin en eju ade kta.

21 Ihnuhan taku sica on ohiniyanpi kin, tuka taku waste e on taku sice cin ktepidan po.

WICOWOYAKE 13.

1 Wicanagi otoiyohi wicowaśake itancan kin hena ihukun iyeiciye kte. Wicowaśake Wakantanka etanhan un kin hecedan yukan. Wicowaśake un kin hena Wakantanka kaga.

2 Heon etanhan tuwe wicowaśake kin kipajin kinhan he Wakantanka toope kin kipajin,

qa tona wawakipajin kin hena wicayacopi kta.

3 Wicaštayatapi kin hena wicohan wašte kin en wakokipe wicakicagapi šni, tuka wicohan šice cin en. Hecen wicowašake kin he koyakipe kte šni he. Taku wašte e econ wo, kinhan on niyatanpi kta ce.

4 He taku wašte on niye ekta Wakantanka taokiye kin hee. Tuka taku šica ecanon kinhan kokipa wo. He mazasagye ituḥ yube šni; tuka Wakantanka taokiye kin heca, tuwe taku šica econ kinhan tokiḥon kta, wocanniye kin heon.

5 Heon etanhan anagoptan yaunpi kta, wocanniye kin hecedan on etanhan šni, tuka nakun wiyukeanpi kin heon.

6 Heon etanhan mazaska mnakiyapi kin en oyapapi ece: hena e Wakantanka taokiyepi kin ohinniyan taku kin de econ yukanpi.

7 Heon etanhan, owasin taku token wicaqupi kta iyecece cin wicaqu po: Tona iye taoyate kin etanhan mazaska mnayanpi kin he *ecen wicaqu po*; qa tona oyate tokeca etanhan mnayanpi kin he *nakun ecen wicaqu po*. Tona kinihanpi kte cin hena wicakinihan po, qa tona yuonihanpi kte cin hena wicayuonihan po.

8 Tuwedan takudan ikicazo šni un po, otoiyoḥi wašte yecidakapi kte cin hecedan. Tuwe wicašta tokeca wašte wicadake cin he woahope kin tanyan yuha.

9 He decetu; Wawiciliḥapi ecanon kte šni; Tin wicayakte kte šni; Wamayanon kte šni; Tuwedan en oitonšniyan wodake kte šni; Taku token tawapi kin yacin kte šni; qa woahope tokeca yuke cinhan wicoie kin

de en yuwitayapi; Wicašta tokeca niye inihdacin wašte yadake kta ce.

10 Wašewicadakapi kin he wicašta tokeca taku šica takudan ecakicon šni, heon wašewicadakapi kin he woahope yuecetupi kin hee.

11 Qa nakun kaketu, anpetu kin sdonunyanpi, woistnma etanhan unkiḥtapi kte cin wanna iyehantu; nakaha eunḥdakupi kte cin tokaheya wicaundapi qon he isanpa ikiyadan ihan;

12 Hanyetu kin wanna ecadan unkihunipi kta, anpetu kin kohanna u kta, heon etanhan otpaza wicohan kin ehpeunyanpi, qa iyoyanpa wipe kin kounyakapi kta.

13 Qa iyokipiya maunnipi kta, anpetu kin en iyececa. Hanyetu wacipi qa witkopi kin en *unkopapi* kte šni; wicawihomnipi qa wicinpi, wakinicapi qa winawizipi kin hena en *ounpapi* kte šni.

14 Tuka niye Jesus Messiya Itancan kin he koyaka po, qa wicaceḥpi wocantiheye šice cin ecetu yapi kta e on takudan kicamnanpi šni po.

WICOWOYAKE 14.

1 Tuwe wicada kinhan wašake šni ešta iyowinkiya po, tuka akiḥam waakinicapi kin ekta šni.

2 Wicašta wanjidan taku owasin yuta okiḥi awacin, qa wicašta tokeca wašake šni kin he waḥpe ece yuta.

3 Tuwe wote cinhan he tuwe wote šni kin iḥaḥa kte šni; qa tuwe wote šni kinhan he tuwe wote cin yaco kte šni; Wakanḥanka he iyowinkiya.

4 Nituwe he wicašta tokeca taokiye kin daco he; he iye yu-

he cin en najin kta qa is hin-
lipaye kta. Qa he ecen najin
kiyapi kta, Wakantanka najin
kiye kta okihi.

5 Wicašta wanji anpetu wanji
iyotandaka, qa wicašta tokeca
wan anpetu owasin -akiyecen
yawa ece. Otoiyohe iye tawa-
cin ekta sutaya awacin nunwe.

6 Tuwe anpetu wan awacin
kinhan he Itancan kin on awa-
cin; qa tuwe anpetu kin awacin
śni kinhan, Itancan kin ekta
awacin śni. Tuwe wote cin-
han, he Itancan kin on wota, qa
Wakantanka wopida eciya; qa
tuwe wote śni kinhan, Itancan
kin on wote śni, qa Wakantanka
wopida eciya ece.

7 Unkiyepi kin tuwedan iye
linca on ni śni, qa tuwedan iye
linca on te śni.

8 Unnipi kinhan Itancan kin
on unnipi, qa untapi kinhan
Itancan kin on untapi. Hecen
unnipi, qa untapi *unma tukte* he-
cinhan, Itancan kin tawa unyan-
pi.

9 Hecen on Messiya te ça ake
kini, wicate ça wicani kin heni-
yoza en Itancan kta e heon.

10 Tokeca nihunkawanji daco
he; qa tokeca nihunkawanji iya-
kialia he. Owasin Messiya ta-
woyaco oiyotanke kin itokam
inaunjinpi kta.

11 Hecen wowapi en kagapi;
Miye wani kin, heon hupahu
otoiyohi miye en canpeška ma-
kehde inajin kta, qa wicaceji
otoiyohi Wakantanka en wohda-
ke kta, Itancan kin eya.

12 Heon etanhan unkiyepi oto-
iyohi Wakantanka kin en woun-
hdakapi kta.

13 Hecen on, detanhan otoiyohi
unkiciyacopi kte śni, tuka
kaken e iyotan wakonza po, tu-
wedan taku en siha ibotopi, qa

on hinlipaye kte cin he hunka-
wanjitu kin itokam ehde kte
śni.

14 Miś sdonwaye ça Jesus
Itancan kin en awacami, taku-
dan atayedan šape śni; tuka tu-
we taku šapa kecin kinhan, he
taku kin iye ekta šapa ece.

15 Qa woyute kin on etanhan
nihunkawanji iyokišin yaye cin-
han wowaštedake eciyatanhan
mayani śni. Messiya tuwe on
te ciqon he woyute nitawa kin
on ihang ye śni wo.

16 Ihnuhan taku wašte duhapi
kin he yašicapi kinhan.

17 Woyute qa woyatke kin
Wakantanka tokiconze kin hee
śni; tuka wicoowotanna wooki-
ye qa Woniya Wakan kin en
wowiyuškin kin hena ec.

18 Tuwe hena taku kin en
Messiya wowidag ye cinhan, he
Wakantanka iyokipi ye ca, wi-
cašta kin on wašte dakapi.

19 Heon etanhan taku tona
wookiye kage cin hena unkaki-
tapi kta qa nakun taku on otoi-
yohi icah unkiciciyapi kta.

20 Woyute kin on etanhan
Wakantanka taku kage cin he
ihang ye śni wo. Awicakehan
taku owasin wašte; tuka tuwe
taku yute ça on walitani wicaye
cinhan, he šica ece.

21 Waconica yutapi śni, qa
mini ša yatkanpi śni, qa taku
tokeca on etanhan nihunkawanji
hicahe ça, walitani, qa wašake
śni aye cin, hena *econpi* śni kin-
han he wašte.

22 Wowacinye duha he: Niś
niye Wakantanka itokamya hdu-
ha wo. Tuwe taku iyowinkiyeh
cin on ihdaco śni kinhan, he yu-
waštepi ece.

23 Qa tuwe wicada śni kinhan
he yute cinhan wanna yacopi,
wacinyanpi kin on hecon śni,

heon etanhan. Taku owasin wacinyanpi eciyatanhan šni kin hena woahitani.

WICOWOYAKE 15.

1 Unkiye waunšakapi kin tona wašake šni un sutaya wacinyanpi šni kin on wacinuntankapi kta, qa iyokipiunkiciyapi kte šni.

2 Otoiyohei wicašta tokeca iyoiki unyanpi kta, wowaste en ical yapi kte cin heon.

3 Messiya iye kaeš iyokipi ičiye šni, tuka wowapi en kagapi qon iyecen, Tona aniiapi kin waaiapi kin he miye aihpemayanpi qon.

4 Taku tona wowapi en kagapi kin hena onspeunkiyapi kte cin heon kagapi, hecen wicowahbadan, qa wowapi wakan kin en wicakicanpte cin eciyatanhan woape unhapi kta.

5 Wakantanka wicowahbadan, wicakicanpte ko yuhe cin he Jesus Messiya eciyatanhan, otoiyohei okonwanjidan wacin en kiciyus niyanpi nunwe.

6 Qa hecen wicotawacin wanjidan, qa wicai wanjidan on Wakantanka Jesus Messiya Itancan unkiyapi he Atkuku kin datanpi kta.

7 Heon etanhan otoiyohei iyo-winkiciciya po, Wakantanka yutanpi kte cin heon Messiya iyo-winunkiyapi qon iyececa.

8 Miye kin kaken epe; Jesus Messiya bakihdayapi wicohan kin en ookiye ikicaga, Wakantanka towicake kin heon, qa hunkakepi kin wahowicayapi qon he hduacetu kte cin heon etanhan.

9 Qa hecen Ikcewicašta kin Wakantanka yatanpi kta, iye towaonšida kin on; wowapi en kagapi qon iyececa, Heon etan-

han Ikcewicašta ehna ociyace ca nicaje kin iwadowan kta.

10 Qa ake hecen eya, Ikcewicašta kin iyuškin po, iye taoyate kin kici.

11 Qa ake, Ikcewicašta kin owasin Itancan kin idowanpi, qa oyate kin owasin he yatan po.

12 Ake Isaya hecen eya, Jesse hutkan wanjidan qa tuwe Ikcewicašta en wicaštayatapı un kte cin he icage kta; he Ikcewicašta kin wacinyanpi kta.

13 Hehan woape Wakantanka kin he wicayadapi kin eciyatanhan wowiyuškin owasin wookiye ko on imna niyanpi nunwe, Woniya Wakan towašake kin eciyatanhan woape en nina inicagapi kte cin heon.

14 Mihunkawanji niyepi on awacin manka, wowašte onijupidan, qa wosdonye owasin on oju niyanpi, hecen otoiyohei wahokonyeciciyapi kta oyakihipi.

15 Tuka mihunkawanji, hececa ešta waditagya wowapi cicagapi, hecen wicoie wanjikji kiksuye ciyapi kta, Wakantanka towaonšida maqupi kin he eciyatanhan;

16 Ikcewicašta ehna Jesus Messiya taokiye kin wanji he miye kta, Wakantanka tawootanin wašte kin on hitawani, qa hecen Ikcewicašta wahdušnapi kin he woiyokipi kta, Woniya Wakan kin on yuwakanpi kin heon.

17 Heon etanhan Jesus Messiya en taku Wakantanka tawa kin on wowinkta mduha.

18 Wicoie wicohan ko on Ikcewicašta anagoptanpi kta e, miye eciyatanhan šni, Messiya taku eon qon hena cajemdate kte šni:

19 Tuka wowapetokeca tanka,

qa woyuŝinyaye econpi, Wakan-tanka Taniya Wakan towaŝake kin eciyatanhan, hecen Jerusaleman etanhan, qa ohomniyan Ilurikon ekta Messiya tawootanin waŝte kin omdaka ece.

20 Qa hecen wotanin waŝte kin aićiciya oyag uwate, tukten Messiya cajeyatapi kin hetu ŝni, okinni wicaŝta tokeca taku ahde kin akan ti wakage kta naceca.

21 Tuka hecen wowapi en kagapi qon; Tona en cajeyatapi ŝni kin hena wanyakapi kta, qa tona nañonpi ŝni qon hena iyukanpi kta.

22 Qa hecen on otakiya ekta ciupi kte cin okitpani mayanpi:

23 Tuka nakaha makece kin dena en tuktedan omakan ŝni qa wanna waniyetu ota ekta ciupi kta nina wacin;

24 Heon tohan Spania ekta mde cinhan hehan ekta ciupi kta. Heciya icimani mde cinhan tahepi wanciyakapi, qa ekta ye mayayapi kta awacin manka, tokaheya niyepi kin on cistiye-dan imamdeze cinhan.

25 Tuka nakaha Jerusalem ekta mda, tona owotanna un kin hena owicawakiye kte cin heon.

26 Tona Makedonia qa Akeya en yukanpi kin hena, tona wahanpanica wacinyanpi Jerusalem ekta yakonpi kin hena taku wicacuppi kta e iyokipipi.

27 Hecon iyokipipi; taku iwicakicazopi kin iyecen unpi nakaeŝ. Hena taku wakan yuhapi qon en Ikcewicaŝta opapi hecinhan, taku wicacehpi ekta un kin hena on itkom owicakiyapi kta iyececa.

28 Heon etanhan tohan he mduŝtan qa waskuyeca kin de hena en awicawecipuspe cin-

han, hehan niyepi iyoopteŝta Spania ekta imdamde kta.

29 Qa ekta ciupi kinhan, Messiya tawootanin waŝte woyuwaŝte woojudan kin yuha wau kta sdonwakiya.

30 Hehan nakaha mihunkawanji ceciciyapi ce, Jesus Messiya Itancan kin caje on, qa Woniya Wakan towaŝtedake kin on, miye kici Wakantanka nina cemiyećiciyapi kte cin he.

31 Tona Juda makece kin ekta anagoptanpi ŝni kin hena etanhan emahdakupi kta, qa Jerusalem ekta wicohtani mitawa kin tona owotanna un kin iyokipi wicaye kte cin heon.

32 Qa hecen Wakantanka tawacin kin eciyatanhan wowiyuŝkin yuha ekta ciupi, qa niyepi on imagaga mićiye kta.

33 Wookiye Wakantanka kin niyepi owasin en nicipi un nunwe.

WICOWOYAKE 16.

1 Phebe tawinohtinunyanpi, Kenkrea ekta okodakiciye kin en ookiye wanji hee cantohnake ciŝipi.

2 He Itancan kin on iyowin-yakiyapi kta, tona owotanna un kin iyececa, qa taku on i kin he en token ecayeconpi cin kinhan ecen okiya po. Iye kin wicota owicakiye ća miye nakun oma-kiya ece.

3 Priskula Akula kici, Jesus Messiya on mitawaŝipi kin hena napewicayuza po.

4 Hena e minagi kin on iye tahupi kin ehmakapi, qa hena miye miŝnana pidamakiyapi ŝni, tuka Ikcewicaŝta ekta okodakiciye kin owasin pidawicayapi.

5 Qa iye tipi kin ohna okodakiciye kin napewicayuza po. Epinetus waŝtewadake cin he

napeyuza po; Akeya ekta Messiya en un qon tokaheya kin hee.

6 Mary nina ounkiyapi qon he napeyuza po.

7 Andronikus Junia kici mitakuye, qa om makaškapi qon hena napewicayuzi po; yewicašipi kin owicapeya yuonihanpi, qa mitokapa tanhan Messiya en un qon hena.

8 Amplias Itancan kin en wašte wadake cin he napeyuza po.

9 Urbane Messiya en unkita-wašipi kin, qa Stacus wašte wakidake cin, hena napewicayuzi po.

10 Apelles Messiya en yuecepitan kin he napeyuza po. Aristobulus takuwicaye cin hena napewicayuzi po.

11 Herodian mitakuye kin napeyuza po. Narkisus takuwicaye cin Itancan en un kin hena napewicayuzi po.

12 Truphena Truphoša kici Itancan kin on hitanipi kin hena napewicayuzi po. Persis wašte dakapi kin Itancan kin on nina hitani kin he napeyuza po.

13 Ruphus Itancan kin on kašinigapi kin, qa iye hunku, nakun mitawa kin, hena napewicayuzi po.

14 Asunkritus, Plegon, Ermas, Patrobas, Ermes, hena, qa tona om unpi hunkawanjin kiciyapi kin hena ko; napewicayuzi po.

15 Philologus, Julia, Nereus, iye tawinohtin kici, Olumpas, qa hena om tona owotanna un kin hena owasin napewicayuzi po.

16 Otoiyohi iiputakapi wakan kin on napekiciyuzi po. Messiya taokodakiciye kin napeniyuzapi.

17 Mihunkawanji ceciciyapi ce, tona woonspe onspeniciyapi

qon eciyatanhan šni yuomdecapi, qa walitani wicayapi kin hena iwanwicayakapi, qa nawicakicipa po.

18 Tona hececapi kin Jesus Messiya Itancan unkiyapi kin wowidag wicaye šni, tuka iye tezipi kin hee, qa wicoie wašte, iapi iyokipi se ececa ko, on wicašta wacin ksape šni kin wicahuyanpi.

19 Niye waanayagoptanpi kin he wicašta owasin sdoniyapi. Heon niyepi kin on imduškin. Tuka taku wašte e on yaksapapi kta, qa taku šica on wadupipi kte šni wacin.

20 Unkan kohanna Wookiye Wakantanka kin niye nisihipi kin ihukuya Satan napan kta. Jesus Messiya Itancan unkiyapi towaonsida kin niyepi en nicipi un nunwe.

21 Timotheos mitawaši, qa Lukius, Jason qa Sosipater mitakuye kin, hena napeniyuzapi.

22 Tertius wowapi kin de owa kin he miye, Itancan kin on napeciyuzapi.

23 Gayos wonmakiye qa, okodakiciye owasin *hecawicakicon* kin, he napeniyuzapi. Erastus otowwe kin en wicašta itancan wan, qa Kuartus hunkawanjin kiciyapi wan, hena napeniyuzapi.

24 Jesus Messiya Itancan unkiyapi towaonsida kin niyepi owasin en nicipi un nunwe.

25 Tuwe wootanin wašte mitawa qa Jesus Messiya woyake cin he eciyatanhan niyusutapi kta okihi, wowiyukcan nakaha yuotaninpi kin eciyatanhan, he maka icage cin ehantanhan wicoicage kin en anahmanpi qon;

26 Tuka nakaha yuotaninpi, wicašta wokcan tawowapi wakan kin heon, Wakantanka owi-

I. KORINTH.

hanke wanin un, tawoahope kin
eciyatanhan, qa oyate owasin
wacinyan anagoptanpi kte cin
heon *oyakapi*;

27 Jesus Messiya on etanhan,
Wakantanka ecedan ksape cin
hee wowitan owihanke wanin
kicihan nunwe.

PALOS

KORINTH OYATE

WOWAPI WICAKICAGE CIN:

TOKAHEYA KIN.

WICOWOYAKE 1.

1 Palos Wakantanka tawacin
kin eciyatanhan, Jesus yewicaŝi
kin heca e kaŝnigapi kin he, qa
Sosthenes hunkawanjinunyanpi
kici,

2 Wakantanka taokodakiciye
Korinth ekta un qa Jesus Messi-
ya on ecepidan kta, wakan wi-
cakalnigapi kin hena eepi, qa
tona makoce otoiyoŝi en Jesus
Messiya iŝ iyepi kin Itancan ki-
yapi, qa unkiŝ eya Itancan unki-
yapi caje kin hoyeyakiyapi kin
wowapi unnicagapi.

3 Wowaoŝida, wookiye ko,
Wakantanka Ateunyanpi, qa Je-
sus Messiya Itancan kin etanhan
niyepi en nicipi un nunwe.

4 Ohinniyan niyepi kin on Wa-
kantanka mitawa wopida ewa-
kiya, Wakantanka towaonŝida
Jesus Messiya eciyatanhan niçu-
pi kin heon;

5 Taku henana owasin on, iye
en, wijica nicagapi, wicoie owa-
sin qa wosdonye owasin on.

6 Hecen niyepi kin en Messiya
tawoyaatanin kin yusutapi.

7 Qa hecen wowaŝte wanjidan
aokpaniyan yaunpi ŝni, qa Je-
sus Messiya Itancan unkiyapi

ihdutanin kte cin he ape du-
kanpi.

8 He owihanketa lehanyan
iyanionpepica ŝni niyusutapi kta,
Jesus Messiya Itancan unkiyapi
taanpetu kin etu.

9 Wakantanka wacinyepica,
iye Cinhintku Jesus Messiya
Itancan unkiyapi kin takqdaki-
ciyapi tawa kin en nicopi.

10 Mihunkawanji, Jesus Messi-
ya Itancan unkiyapi cajeyan ce-
ciciyapi ce; owasin okonwan-
jidan oie yetonpi, qa yuomdeca-
pi wanin yaunpi kta, qa wicota-
wacin eca wanjidan wiyukeanpi
ko wanjidan tanyan onspe ya-
unpi kte.

11 Mihunkawanji, Kloe etan-
hanpi kin hena omakiyakapi, ni-
yepi kin en woakinica yuke cin
he.

12 Hecen kaken epe; Niyepi
otoiyohi, Palos opeya waun, qa,
Apolos opeya waun, qa, Inyan
opeya waun, qa Messiya opeya
waun ce, ehapi ece.

13 Messiya yukinukan ehna-
pi he; niyepi kin on Palos can-
susbeca kin en okatanpi he; qa iŝ
Palos caje on baptem niçuŝi he.

14 Wakantanka wopida ewa-
kiya, enitanhanpi tuwedan ba-

WICOWOYAKE 2.

ptem waqu *śni*, tuka Krispos qa Gayos henioza :

15 Tuwedan, miye micaje on baptem wicawaqu, keye kte *śni* heon.

16 Qa nakun Stephanas tiyohnaka kin baptem wicawaqu, qa tuwe tokeca baptem waqu kinhan sdonwaye *śni*.

17 Baptem wicawaqu kta e on Messiya ye ma*ši* *śni*, tuka wotanin wa*šte* omdake kte cin heon; wicoksape iapi kin ohna *śni*, okinni Messiya cansusbeca tawa kin taku *śni* yapi kta.

18 Cansusbeca oyakapi kin he tona ihdutakunipi *śni* kin en witkotkoya iapi kin hee, tuka unkiyepi tona ni unyanpi kin en Wakantanka towa*śake* kin hee.

19 Kaken wowapi en kagapi; Tona wacin ksapa woksape tawa kin taku *śni* waye kta, qa tona oka*h*nigapi kin hena woo*ka*hnige tawa kin mdutakuni kte *śni* ce.

20 Wacin ksape cin tokiya un he; wowapi kage cin heca tokiya un he; wiconi kin de en wiyukcan kin tokiya un he; Wakantanka wicoicage kin de wicoksape kin yuwitkotko *śni* he.

21 Hecen Wakantanka toksape kin on, wicoicage kin de wicoksape eciyatanhan Wakantanka sdonyapi *śni* qehan, wowahokonkiye wowitkotko ke cin on, tona wacinyanpi kinhan hena ni wicaye kta Wakantanka iyokipi.

22 Juda oyate kin wowapetokeca dapi, qa Helenes oyate kin wicoksape akitapi ece.

23 Tuka unkiyepi kin Messiya cansusbeca en okatanpi kin he unkoyakapi; he Juda wica*śta* kin ekta wonahnaye qa Helenes wica*śta* kin ekta witkotkoya iapi kin hee.

24 Tuka tona wicaka*h*nigapi,

Juda qa Helenes wica*śta* kin hena ekta, Messiya Wakantanka towa*śake* qa Wakantanka toksape kin hee.

25 Wakantanka taku tawa witkotko ke cin he wica*śta* kin isanpa woksape; qa Wakantanka towa*śake* *śni* kin he wica*śta* kin isanpa wowa*śake*.

26 Mihunkawanji, nicopi kin he wandakapi, wicace*h*pi eciyatanhan wacin ksapa ota *śni*, wa*śaka* ota *śni*, qa wica*śta* okinihan ota *śni*.

27 Tuka wicoicage kin en taku witkotko ke cin he Wakantanka ka*h*niga, on taku ksape cin wi*ś*ten ye kta; qa wicoicage kin en taku wa*śake* *śni* kin hena Wakantanka ka*h*niga, on taku wa*śake* cin wi*ś*ten ye kta.

28 Qa taku wicoicage kin en okinihan *śni* un kin he Wakantanka ka*h*niga, qa taku un *śni* kin hena ko, on taku un kin yutakuni kte *śni*.

29 Hecen iye itokam wicace*h*pi owasin ihdatan kte *śni*

30 Tuka iye eciyatanhan Jesus Messiya en unyakonpi; he unkiyepi on Wakantanka eciyatanhan woksape, qa woowotanna, qa woyuecedan, qa wokajuju ikicaga.

31 Hecen wowapi qon iyececa; Tuwe iwinkta kinhan Itancan kin on iwinkta kta.

WICOWOYAKE 2.

1 Unkan mihunkawanji, ekta ciipi qehan, wicoie qa wicoksape oiyo*k*ipi kin yuha wai *śni*, tuka Wakantanka tawoyatanin kin ociciyakapi.

2 Niyepi kin ekta takudan sdonwaye kte *śni* e mi*ç*iconza, Jesus Messiya hecedan, qa he cansusbeca kin en okatanpi.

I. KORINTH.

3 Unkan waśake śni, wokoki-peya nina macancan cicipi waun.

4 Qa mioie, qa womdake cin hena wicaśta toksape wicoie oiyokipi kin en un śni, tuka Woniya wayuotanin, qa wowaśake kin en un.

5 Hecen wicayadapi kin he wicaśta wicoksape tawa kin en ahe kte śni, tuka Wakantanka towaśake kin en.

6 Tuka tona ksapapi kin hena ekta woksape unkoyakapi ece; tuka wicoicage kin de en wicoksape kin hee śni, qa wicoicage kin de en wicaśtayatapi toksape kin hee śni, hena atakuni śni aya.

7 Tuka wowiyukcan en Wakantanka toksape kin he unko-yakapi ece; ege nahmanpi qon, woicage śni itokam wowitan unkitawapi kte cin heon, Wakantanka wakiconze ciqon.

8 He wicoicage kin de en wicaśta itancanpi kin tuwedan sdonye śni; sdonyapi unkanś Wowitan Itancan kin cansusbe-ca en okatanpi kte śni tuka.

9 Tuka wowapi qon iyececa; Tona Wakantanka waśtedakapi kin taku wicakiciyuśtan kin he wiciśta kin tohinni wanyake śni, qa wicanoge on nahonpi śni, qa wicaśta cante kin mahen iyohpaye śni.

10 Tuka hena Wakantanka iye Taniya kin eciyatanhan unkoki-yakapi; Woniya kin he taku owasin iyukcan, Wakantanka wośbe tawa kin sdonya.

11 Wicaśta kin ekta tuwe taku wicaśta tawa kin sdonya he, wicaśta taniya iye mahen un kin hee sdonkiya. He iyecen taku Wakantanka tawa kin tuwedan sdonye śni, tuka Wakantanka Taniya kin hecedan.

12 Unkan unkiye wicoicage

kin de en wicoksape kin he un-kicipi śni; tuka Wakantanka eciyatanhan Woniya Wakan kin he *unkicipi*, hecen taku Wakantanka iyunwin codan unqupi kin hena sdonunyanpi kta.

13 Qa hena unkoyakapi, wicaśta wicoksape woonspe wicoie kin eciyatanhan śni, tuka Woniya Wakan woonspe tawa kin eciyatanhan, hecen wicoie wakan kin wicaśta wakan iyukcan-wicunyanpi ece.

14 Tuka wicacehpi wicaśta kin he Wakantanka Taniya taku tawa kin icu śni, hena taku witkotkoke dake ça okañniga okihi śni, hena wakanyan iyukeanpi nakaes.

15 Tuka tuwe wakanyan un kin he taku owasin iyukcan, tuka iye kin tuwedan on yukeanpi śni.

16 Itancan tawacin kin tuwe he iyukcan he, hecen onspekiye kta. Tuka unkiye Messiya tawacin kin unhapi.

WICOWOYAKE 3.

1 Unkan mihunkawanji, miś wicaśta wakanpi kin iyecen oci-ciyapi kta owakihi śni, tuka wicacehpi wicaśta kin heca, qa Messiya en hokśiyopa kin iyece-ca.

2 Pteasanpi yatke cicipi, qa waconica kin he cicipi śni; he ehan nahahin he oyakihipi śni, qa dehan nahahin nakun oyakihipi śni.

3 Nahahin wicacehpi wicaśta kin henicapi. Niyepi ekta winawizipi, qa wakinicapi, qa yuomdecapi yukan hecinhan, wicacehpi kin henicapi, qa wicaśta akantu iyecen mayanipi śni he.

4 Wanji, Palos opeya waun,

qa wanji is, Apolos opeya waun, eye cinhan, wicacehpi wicašta kin henicapi šni he.

5 Palos he tuwe, qa Apolos he tuwe he; wowidake unpi kin hecapi, on wicayadapi, otoiyohti Itancan kin wicaqu kin iyececa.

6 Miye wowaju, Apolos mini akaštan, qa Wakantanka icalhya.

7 Tuwe woju kin he taku šni, qa tuwe mini akaštan kin kin he nakun, tuka Wakantanka wai-cahye cin hee tanka.

8 Tuwe woju qa tuwe mini akaštan kin hena okonwanjipidan; otoiyohti iye tohtani kin iyacinyan iyunwin icupi kta.

9 Wakantanka kici htanipi kin hena unkiyepi; Wakantanka tamaga, qa Wakantanka tipi kage cin he niyepi.

10 Wakantanka towaonšida maqupi kin eciyatanhan wicašta ticaga ksape cin iyecen, taku ahehde kin ewahde, qa he akan wicašta tokeca tipi kaga; tuka otoiyohti token ticage cin he on waktaya un kte.

11 Tuka ahehde kin tokeca tuwedan ehde kta okihi šni, taku ehdepi kin hecedan, Jesus Messiya hee.

12 Unkan tuwe ahehde kin de akan mazaskazi, qa mazaska, qa inyan okitanin, qa can, qa peji, qa cedi en kage cinhan,

13 Otoiyohti ohan kin atanin kta; anpetu kin he yuotanin kta, peta on yuotanyan aye kta; qa peta kin otoiyohti ohan kin he taku kin iyukcan kta.

14 Tuwe ticage cin en ohan kin sutaya un kinhan he woka-juju icu kta.

15 Qa tuwe ohan kin huhnage cinhan he iwahpanice kta, tuka iyeqe peta kin etanhan iyecen niyanpi kta.

16 Wakantanka tipi tawa kin

he niyepi, qa Wakantanka Taniya kin onitipi kin he sdonyakiyapi šni he.

17 Tuwe Wakantanka ti kin ašamy cinhan he Wakantanka ihangye kta. Wakantanka ti kin he wakan, qa he niyepi.

18 Ihnuhan tuwe ichnaye cinhan. Tuwe niyepi ekta wicoicage kin de en ksapeicida kin he witkotkoke icicaga nunwe; hecen ksape kta.

19 Wicoicage kin de en taku woksape kin he Wakantanka witkotkoke daka. Kaken wowapi en kagapi; Wicašta ksape cin hena iye wohmaye tawapi kin on wicayuza ece.

20 Qa ake, Wicašta ksape cin tawacinpi kin hena taku šni e, Itancan kin sdonya ce.

21 Hecen tuwedan wicašta kin on iwinkta kte šni. Taku owasin nitawapi.

22 Palos, qa Apolos, qa Inyan, qa wicoicage kin, qa wiconi, qa wiconte, qa taku nakaha un kin, qa taku u kte cin hena owasin nitawapi;

23 Qa Messiya tawa niyanpi, qa Wakantanka Messiya tawa ya.

WICOWOYAKE 4.

1 Wicašta kin kakeri ecanunkinpi kta, Messiya iwicadake cin qa Wakantanka tawowiyukcan awanyakapi kin heuncapi.

2 Nakun tona waawanyakapi un kin hena owotanna olanyanpi kta iyececa wicadakapi ece.

3 Tuka mayadacopi, qa wicašta akantu mayacopi ešta, he taku šni wadaka; qa nakun mihdaco šni.

4 Miye cinka takudan sdonwakiye šni, tuka heon owotanna mihdawa šni; tuka tuwe mayukcan kin Itancan kin hee.

5 Hecen iyehantu śni kin ito-
kam takudan yacopi śni po, Itan-
can kin he hi śni kin hehanyan ;
he iye kin taku otpaza en na-
hmanpi qon aiyoyam ye kta, qa
wicoecante awacinpi kin yuatan-
in kta; unkan hehan otoiyohi
Wakantanka eciyatanhan ido-
wanpi kta.

6 Mihunkawanji, niyepi on
etanhan hena hecen Apolos kici
miye imihdacin; hecen unkiye-
pi kin on wowapi en kagapi kin
isanpa kecanwicayakinpi kte śni
onnispapi kta, qa hecen otoiyohi
on wahanničidapi kte śni.

7 Tuwe hecen iyotan nicaga
he; qa taku ničupi śni kin tukte
e duha he. Qa ničupi kinhan
tokeca ničupi śni kin iyecen on
iniwinkta he.

8 Nakaha winipipi; nakaha
winijicapi; unkiyepi unkićunon-
pa tanhan wicaštayatapi yaunpi :
Unkan wicaštayatapi yaunpi wa-
cin, hecen niyepi kiei wicašta-
yatapi unyakonpi kta tuka.

9 Miś kaken wacin mduza ;
Wakantanka yewicašipi unkiye-
pi kin ehake taninyan eunhdepi,
wiconțe iyacopi kin iyececa ;
hecen wicoicage qa mahpiya
ohnihde cin, qa wicašta kin en
woiwanyake kin he unkiyepi kta.

10 Messiya on wiuntkotkopika,
tuka niye Messiya en yaksapapi.
Unkiye waunśakapi śni, tuka ni-
ye waniśakapi. Unkiye unyuo-
nihanpi śni, tuka niye nicinihan-
pi.

11 Qa nakun anpe dehan wote-
kteunhdapi, qa iunpuzapi, qa
tancounkapidan, qa unkaštakapi,
qa tuktedan tinsadan unyakonpi
śni ;

12 Qa ħununkitapi, unnapepi
kin on ħtaunnipi. Unkaiaپی keś
wicunyawasteپی ; śicaya unku-
wapi keś wacin untankapi ;

13 Unyašicapi keś ceunkiyapi
ece. Wicoicage en watušekše-
ca kin iyecen unkagapi, qa anpe
dehanyan taku owasin etanhan
taku kahin eĥpeyapi kin hecen
unyawapi ece.

14 Istenciyaپی kta heon hena
hecen wowapi wakage śni, tuka
micinca wašte wicawakidake cin
iyecen wahokoncićiyapi.

15 Messiya en waonspekiyapi
kektopawinge wikcemna duhapi
ešta, ateyapi ota duhapi śni ; Je-
sus Messiya en wotanin wašte
on cinca cicagapi.

16 Heon etanhan ceciciyapi ce,
ecen omicipa po.

17 Heon niyepi kin ekta Timo-
theos ye waši, he nakun micinca
hokśincantkiyapi, qa Itancan kin
en wacinyepica, he mitacanku
Messiya en un kin kiksuye ni-
yanpi kta, ohinniyan okodakici-
ye otoiyohi en waonspewakiye
cin iyececa.

18 Ekta ciupi kte śni se ececa,
heon wanjikśi wahanhaničidapi.

19 Tuka ećadan ekta ciupi kta,
Itancan kin iyokipi kinhan, qa
tona wahanničidapi token eyapi
kin hee śni, tuka taku okihipi
kin he sdonwaye kta.

20 Wakantanka tokiconze kin
he wicoie en ahe śni, tuka wo-
waśake en han.

21 Cansakadan yuha ekta ciupi
kta, qa iś wacantkiyapi cante
ahbayedan ko hduha wau kta,
unma tukte yacinpi he.

WICOWOYAKE 5.

1 Niyepi ekta wawiciĥahapi
yukan keyapi ; qa wawiciĥahapi
kin he iyececa Ikcewicašta kin
ekta cajeyatapi śni, wanji iye
atkuku tawicu kin yuze kte cin.

2 Unkan niye wahanničidapi ;
on iyoniciśicapi kta tuka ; hecen

tuwe hecon kin niyepi etanhan iyaye yapi kta.

3 Miye mitancan on ekta opeya ciunpi śni, tuka micante on en waun seca, heon en waun kin iyecen wanna mduŝtan; tuwe hecon kin,

4 Mniniciyapi qa mitoksape duhapi kinhan, Jesus Messiya Itancan unkiyapi caje kin on, qa Jesus Messiya Itancan unkiyapi towaŝake kin yuha,

5 Wicaŝta kin he Satan yaqupi kta, celpi yutakuni kte śni, hecen Jesus Itancan kin taanpetu kin en nagi kin ni kta.

6 Iniwinktapi kin he waŝte śni. Taku on napohyapi kin waniqadan aguyapi ocowasin napohya ece e sdonyayapi śni he.

7 On napohyapi tannike cin ehpeya po; hecen aguyapi teca qa napohye śni yaunpi kta. Messiya wohduze unkitawapi kin he iye kaeŝ unkiyepi on woŝnapi.

8 Heon etanhan wohduze kin en unkopapi kta, on napohyapi wanakaja qa wocanniye wicoŝice ko on napohyapi kin he *unhapi* kte śni, tuka wicoowotanna wowicake ko on napohyapi kin hee unkunpi kta.

9 Wowapi en kaken cicagapi; Wiinahmanpi kin om mayanipi kte śni.

10 Tuka wicoicage kin de en wiinahmanpi, qa tona waicucupi kte cin, qa wawicaki sa, qa tona wakagapi ohodapi kin hena e wicawake śni; unkaŝ wicoicage kin de etanhan tankan dapi kta tuka.

11 Tuka nakaha kaken wowapi cicagapi, tuwe hunkawanjin kiciyapi eciyapi kin he wiinahman, qa waicucukte cin, qa wakagapi ohoda, qa waaie sa, qa witko sa, qa wawicaki sa

heca kinhan, kici yaunpi kte śni, ihnuhan kici wayatapi kinhan.

12 Tona tankan unpi kin hena token ecin wicamdaco kta he; tona timahen un kin hena wicadacopi śni he.

13 Tuka tona tankan un kin hena Wakantanka wicayaco ece. Hecen wawiciahapi econ qon he niyepi kin etanhan tankan iyeya po.

WICOWOYAKE 6.

1 Wicaŝta wan taku icanŝin niyanpi kinhan token ecin owotanna ohanye śni unpi kin en yuckanpi kta e ayaipi he, qa wicaŝta wacinyan unpi kin en ayaipi śni.

2 Tona wacinyan unpi kin hena wicoicage kin yacopi kta e sdonyayapi śni he. Unkan niyepi wicoicage kin dacopi kta hecinhan, taku iyotan cistinna kin hena iyukean iyenicecapi śni he.

3 Maŝpiya ohnihde kin hena eepi kaeŝ wicunyuckanpi kta e sdonyayapi śni he. Hecen wiconi kin de en taku hiyeye cin sam iyeya *unkokihipi*.

4 Heon etanhan wiconi kin de en taku iyuckanpi kte cin duhapi kinhan, tona okodakiciye kin en yuonihanpi śni kin hena iyuckan wicaŝi po.

5 Iniŝtecapi kte cin heon hepa. Niyepi ekta wicaŝta ksape a tuwe hunkawanj itkupi kin wiyuckan okihi kte cin wanica he.

6 Tuka hunkawanjinkiciyapi kin taku iyakicionpapi ece, qa he nakun wacinyanpi śni kin wicitokam.

7 Hecen taku iyayecionpapi kin he ŝicaya ecanonpi ece. Tokeca e ŝicaya ecaniconpi kin ayatpaspapi śni he. Tokeca ta-

ku nicipi kinhan wacin tanka yecunpi ſni he.

8 Tuka niye ſicaya ecanonpi, qa wawicayakipi ece, qa he nihunkawanjipi kin.

9 Tona owotanna ſni un kin hena Wakantanka tokiconze kin tawapi kte ſni e sdonyayapi ſni he. Icinhayanpi ſni po: wiinahmanpi, qa wakagapi ohodapi sa, qa wawicihahapi econpi sa, qa winyan icidapi kin, qa iwicahu sa,

10 Qa wamanonpi sa, qa wai-cucukte cin, qa witkopi sa, qa wawicakipi sa, henakiya Wakantanka tokiconze kin tawapi kte ſni.

11 Qa niſ niyepi kin hunh heni-cecapi tuka, tuka niyujajapi; tuka niyuwakanpi; tuka niyuowotanpidan, Jesus Itancan kin cajeyan qa Wakantanka unkita-wapi Taniya kin on.

12 Taku owasin ecamon kta e iyowinmakiyapi, tuka taku owasin ecamon kta iyecece ſni; taku owasin ecamon kta e iyowinmakiyapi, tuka takudan imada-ke kte ſni wacin.

13 Woyute kin he wicatezi kin *kicagapi*, qa wicatezi kin iſ woyute *kicagapi*, tuka henioza Wakantanka ihang ye kta. Unkan wicatancan kin he wiinahmanpi on kagapi ſni, tuka he Itancan kin *kicagapi*, qa Itancan kin he iſ wicatancan kin tawa kta.

14 Unkan Wakantanka wanna Itancan kin najin kiye ca, nakun iye towaſake kin on najin unkiyapi kta.

15 Nitancanpi kin hena Messiya huha kin ee sdonyayapi ſni he. Hecen Messiya huha kin iwacu, qa witkowinna wan huha wakiye kta he. Hiya, hecetu ſni.

16 Tuwe witkowinna wan en kici iyaihdaſke cin he kici tan-

can wanjidan, sdonyayapi ſni he. Henioza celpi wanjidan kta ce, eye cigon.

17 Tuka tuwe Itancan kin en kici iyaihdaſke cinhan he iye kici woniya wanjidan.

18 Wiinahmanpi kin nakicipa po. Woahitani wicaſta econ kin owasin wicatancan kin itankan un, tuka tuwe wiinahman kinhan he iye tancan kin en waiçitani.

19 Tokeca, nitancanpi kin hena Woniya Wakan Wakantanka niçupi, qa niyepi en un kin he tipi tawa kin hee, qa hecen tawa nihdawapi ſni e sdonyayapi ſni he.

20 Taku tanka iyopeniyanpi, heon nitancanpi ninagipi ko on Wakantanka yatan po, hena Wakantanka tawa.

WICOWOYAKE 7.

1 Wowapi en miyecagapi kin he icalitagya, wicaſta kin winohinca yutan ſni kin he waſte.

2 Tuka wiinahmanpi kte ſni e heon etanhan wicaſta otoiyohi winohinca tawa hduhe kta, qa winohinca kin iſ otoiyohi wicaſta hduha nunwe.

3 Unkan wicaſta kin iye tawicu kin wowaſte ecakicon kta, qa winohinca kin iſ iye hihnaku kin nakun ecen *ecakicon* nunwe.

4 Winohinca kin iſ iye tancan kin hduhe ſni, tuka hihnaku kin he *yuha*, qa nakun wicaſta kin iſ iye tancan kin hduhe ſni, tuka tawicu kin he *yuha*.

5 Otoiyohi tancan ehpekiciyapi ſni po, ptecedan behanyan, napin wicayadapi kinhan hecedan, takudan yute ſni qa wocekiye eyapi kin en ocowasin yeniciyapi kte cin heon, kinhan ake napin yahdapi kta, unmana

kinhan oiçihipi šni kin on Satan iyutanniyanpi kta naceca.

6 Hena hecon cišipi kin e on hepe šni, tuka wahokonciçiyapi kin heon.

7 Wicašta owasin miye waun kin iyecen unpi kta wacin, tuka otoiyohi Wakantanka etanhan wicowašake hduha un, wanji decetu, qa wanji iš kaketu.

8 Tuka tona tanšna un qa tona wiwazicapi kin hena, miye waun kin iyecen unpi kte cin he wašte kta, kewicawakiya.

9 Tuka oiçihipi šni kinhan kiciyuzapi kta; wakan kiciyuzapi kin he wašte qa wacin itkon kin he šica.

10 Unkan tona kiciyuzapi kin hena kaken wahokonwicawakiya, qa he miye cinka epe šni, Itancan kin he *heya*; Winohınca iye hihnaku kin ahdušan kte šni.

11 Tuka ahdušan kinhan tanšna un kta, qa iš ake hihnaku qon okiciye kta; qa wicašta kin iye tawicu kin ihnuhan ełpekiye cinhan.

12 Unkan ehake, Itancan kin hee šni, miye cinka hecen epe kta; Hunkawanjin kiciyapi wan winohınca wicada šni kin heca yuhe ça, he kici un iyokipi kinhan, he ihnuhan ełpekiye cinhan.

13 Qa winohınca wan wicašta wicada šni kin heca yuhe ça, he kici un iyokipi kinhan, he iš nakun ełpekiye kte šni.

14 Wicašta wicada šni kin he iye tawicu kin on yuwakanpi, qa winohınca wicada šni un kin he nakun iye hihnaku on yuwakan kagapi. Hecece šni unkanš nicincapi kin ašapapi kta, tuka nakaha hena e wakan.

15 Tuka wicada šni un kin he unma kpgan kinhan hecen kpa-

gan kta. Hena hecece cin en hunkawanjin kiciyapi, qa tawinohtin kiciyapi kin idakapi šni. Wakantanka wookiye en unkiçipi.

16 Winohınca, niš taku sdon-yaya he, okinni nihihna niyakiye kta. Qa wicašta kin, niš token sdonyakiya he, okinni nitawin niyakiye kta.

17 Tuka otoiyohi token Wakantanka wicaqu qa Itancan kin otoiyohi wicakico kin he iyecen mani nunwe. Hecen okodakiçie owasin en econ wicawaši ece.

18 Tuwe bakiłdayapi ecen kicopi hecinhan, bakiłdayapi šni kin akite kte šni. Qa tuwe bakiłdayapi šni ecen kicopi hecinhan, he bakiłdaye kte šni.

19 Bakiłdayapi kin he taku šni, qa bakiłdayapi šni kin he nakun taku šni, tuka Wakantanka tawoahope opapi kin he tan-ka.

20 Otoiyohi wicołtani en kicopi kin he en un kta.

21 Wowidake un kin henica ecen nicopi kinhan he ekta ewacin šni wo; tuka tawa niçiye kta e oyakihi kinhan he en oya-han de kta.

22 Tuwe wowidake un kin he Itancan kico kinhan, hee Itancan kin on tawa içiya; qa nakun tuwe tawa içiye cin hecen kicopi kinhan he Messiya wowidake tawa kin hee.

23 Tehiya openitonpi, heon wicašta akantu wowidag niyanpi šni nunwe.

24 Mihunkawanji, otoiyohi taku en un hecen kicopi kin he en Wakantanka kici un nunwe.

25 Unkan hokšiwipidan ica-htagya, Itancan kin eciyatanhan woope takudan mduhe šni. Tuka miye owotanna waun kta

Itancan kin ionsimakida, hecen token wacin mduze cin owahda-ke kta.

26 Nakaha wicokakije kin on etanhan de wašte kepce, wicašta kin ecen un kte cin he wašte.

27 Winohinca en iyanihdaška he; etanhan nihduške kta akite šni wo. Qa winohinca en iyanihdaške šni he; winohinca wan akite šni wo.

28 Tuka winohinca duza ešta wayahtani šni, qa hoksiwinna wan hihnaton ešta wahtani šni; tuka hena e wicacehpi ekta wicokakije yuhapi kta; hececa ešta ito itoncipapi.

29 Tuka mihunkawanji kaken epe kta; Wanna tokata ptenyedan; tona winohinca yuhapi kin hena winohinca tonpi šni kin iyecen unpi kte.

30 Tona ceyapi kin hena ceyapi šni kin iyececapi kte; tona iyuskinpi kin hena iyuskinpi šni kin iyececapi kta; qa tona wopetonpi taku yuhapi šni kin iyececapi kta.

31 Qa tona maka kin de woinyunyanpi kin šicaya yuhapi kin iyececapi kte šni; wicoicage kin de ouncage kin atakuni šni aya.

32 Tuka takudan icante šice šni yaunpi kta wacin. Tuwe tawicu ton šni kin he Itancan taku tawa kin awacin yanka, token Itancan iyokipi ye kta.

33 Tuka tuwe tawicu ton kin he wicoicage kin en taku awacin yanka, token tawicu kin iyokipi ye kta.

34 Qa nakun winohinca hihna ton qa witanšna un kin hena kici akidecece šni. Hihna ton šni kin he Itancan taku tawa kin awacin yanka, tancan nagi ko wakan un kta heon. Tuka hihna ton kin he wicoicage en ta-

ku un kin awacin yanka, token hihnaku kin iyokipi ye kta.

35 Tanyan yaunpi kta heon hena hepa. Taku on hmunkapi kin nitokam ewahnake kta e hee šni; tuka wacinktonja wanin, qa wiciyokipi kin en Itancan kin oyapapi kta e heon.

36 Tuka tuwe iye cunwintku tanšna un kin tanyan ecakicon šni kecin, qa wanna wikoška hecinhan, qa he iyecetu kinhan, token cin kinhan ecen econ ešta, wahtani kte šni; wakan kiciyuzapi kte.

37 Tuka tuwe iye cante kin en sutaya un qa tokan tanhan hecon kiyapi šni, qa iye tawacin kin oicihi, qa cunwintku tanšna un hduhe kta e cante mahen iciconze cinhan he tanyan econ.

38 Hecen tuwe kiciyuzapi kin en wicaqu kinhan he tanyan econ, qa tuwe kiciyuzapi kin en wicaqu šni kin he sanpa tanyan econ ece.

39 Winohinca kin tohanyan hihnaku ni un kin hehanyan wicoope kin on kaškapi; tuka hihnaku kin te cinhan hehan tawaciya, tuwe tokeca cin kinhan he hihnaye kta okihi, Itancan kin en un kin hecedan.

40 Tuka ecen yanke cinhan he iyotan waštaya un kta imdukecan, qa Wakantanka Taniya kin he mduha kepce.

WICOWOYAKE 8.

1 Unkan taku wakagapi wakiyušnapi kin icaltake, owasin wookahnige unhapi sdonunkiya-pi. Wookahnige kin he tanka-icidapi kaga, tuka wacantkiyapi kin he tanka icalha.

2 Tuwe taku sdonya kecin kinhan he nahahin sdonye kte cin iyecen takudan sdonye šni.

3 Tuka tuwe Wakantanka wašte dake cinhan Wakantanka he iye sdonya.

4 Taku wakagapi wakiyušnapi kin yutapi kin he icaltake, wakagapi maka akan un kin he taku šni sdonunyanpi, qa Taku Wakan wanjidan, hecedan yukan.

5 Taku wakan eciyapi kin mahpiya ekta qa maka akan yukan ešta; taku wakan ota, qa itancan kiyapi kin nakun ota keyapi ece:

6 Tuka unkiye, Taku Wakan wanjidan Ateyapi kin hee unhapi, he etanhan taku owasin u, qa he en unkiye *unyakonpi*; qa Jesus Messiya Itancan kin wanjidan, he on taku owasin un qa he eciyatanhan unkiyepi.

7 Tuka owasin hecen okalni-gapi šni. Wanjikji anpetu dehanyan wakagapi sdonyapi, taku wakagapi wakiyušnapi kin iyacinyan yutapi ece; hecen nagi suta šni kin hena ašamyapi.

8 Taku untapi kin eciyatanhan Wakantanka iyokipi unyanpi šni; wauntapi kinhan heon etanhan sanpa unwaštepi šni, qa wauntapi šni kinhan heon sanpa unšicapi šni.

9 Tuka ihnuhan wawoyakihipi kin de tona wašake šni un kin hena en wonahnyaye kte cin.

10 Niye osdonya yaun kin, wakagapi tipi kin en wota idotanke cin tuwe wanniyake cinhan, wicašta nagi wašake šni un kin he taku wakagapi wakiyušnapi kin yuta onspeyakiye kte šni he.

11 Hecen nihunkawanji wašake šni un kin, on Messiya te cin he ihangyapi kta, niye wasdon-yaye cin heon etanhan.

12 Tuka hunkawanjin kiciyapi kin en hecen wayahtanpi, qa iye

nagipi kin wašake šni kin nagiyeyayapi eca, Messiya en wayahtanipi ece.

13 Heon etanhan woyute kin mihunkawanji wahtaniye cinhan, ohinniyan tado wate šni waun kta, okinni mihunkawanji wahtaniwaye kta.

WICOWOYAKE 9.

1 Yewicašipi kin hemaca šni he; tawa mičiye šni he; Jesus Messiya Itancan unkiyapi he wanmdake šni he; Itancan kin en miohan kin he niyepi šni he.

2 Wicašta tokeca ekta yewicašipi kin hemaca šni ešta, niyepi kin ekta hemaca. Yewicašipi kin en opeya waun kin ipuspe kin he niyepi, Itancan kin en.

3 Tona wimawangapi kin hena kaken awicamdupta ece:

4 Unkiye wauntapi qa waunyatkanpi unkokihipi šni he.

5 Yewicašipi kin tokeca, qa Itancan hunkawanjinwicaye cin, qa Inyan iyececa, unkiye tankšiwicunyanpi wanji hdus unkayapi unkokihipi šni he.

6 Qa iš, miš miye Barnabas kicišnana, wicohan ayušan owa-kihi šni he.

7 Tohantu kašta tuwe iyunwin codan zuya iyaya he; tuwe hastanhanka iyuwi kin huhde qa etanhan waskuyeca yute šni he; qa tuwe taħinca optaye wan hduhe ɕa optaye kin etanhan asanpi yute šni he.

8 Wicašta akantu eciyatanhan hena hecen epa he; qa woope kin he hena hecen eye šni he.

9 Moses toope kin en kaken kagapi, Tatanka aguyapi napan kin he iohmus icu yaye kte šni ce. Wakantanka tatanka iha-wicakta he;

10 Qa iš unkiyepi kin on hena

I. KORINTH.

hecen eya he. Unkiyepi kin on he wowapi en kagapi; hecen tuwe mahyumdu kinhan woape en mahyumdu kta, qa tuwe woape yuha aguyapi kapan kinhan he kici woape en okicipe kta.

11 Unkiye ninagipi kin on taku unkonicijupi hecinhan, taku wicacelipi kin nitawapi kin he mnaunyanpi kte cin he taku tanka he.

12 Wicašta tokeca niyepi ekta wookihi kin de en okicipapi kinhan, unkiye unkiyotanpi šni he. Tuka wookihi kin he unkunpi šni; taku owasin unkapaspapi, Messiya tawootanin wašte kin anaunptapi kte šni kin heon.

13 Tona tipi wakan kin en kicanyanpi kin hena tipi wakan kin etanhan nipi ece sdonyayapi šni he; qa tona wahna wošnap i kin ekta ohanyanpi kin hena wošnap i kin etanhan wotapi ece.

14 Hecen nakun Itancan kin woope kaga; tona wotanin wašte oyakapi kin hena wotanin wašte kin on nipi kta.

15 Tuka hena taku kin takudan iwacu šni, qa hecen ecami-conpi kte cin heon hena hecen wowapi wakage šni; miye mate kte cin hee wašte, qa tuwe imawinkta kin de ecetu šni miciciye kte cin he šica.

16 Wotanin wašte kin omdaka keš, he wowinkta wahdawa šni; waecon makiyapi, qa wotanin wašte omdake šni echantanhan wokakije micihan.

17 Qa he iyokipiya ecamon kinhan on iyunwin mduhe kta, tuka iyomakipi šni ešta taku econmakiyapi wan maqupi.

18 Hecen taku mduhe kta he. Wotanin wašte omdake cinhan, Messiya tawootanin wašte kin iyunwin codan ewahde, qa he-

cen wotanin wašte kin en wowakihi kin tanyan mduhe kta.

19 Wicašta owasin ekta wowidake šni waun tuka owasin wowidake mayuhe wicawakiya, wanjiksi okihiwicawaye kte cin heon hecamon.

20 Juda oyate kin wicehna, Juda wicašta kin hemaca, Juda oyate kin owicawakihi kte cin heon. Tona woope kin ibukuya un kin hena ekta woope yuha unpi kin hemaca, tona woope yuhapi kin hena owicawakihi kta.

21 Qa tona woope nicapi kin hena ekta woope codan unpi kin hemaca; — Wakantanka ekta woope codan waun šni tuka Messiya on woope yuha waun; tona woope nicapi kin hena owicawakihi kta.

22 Tona wašake šni kin hena en wašake šni se emaceca, tona wašake šni kin hena owicawakihi kta. Wicašta owasin en taku owasin un kin hemaceca, wanjikji ni wicawaye kte cin heon.

23 Wotanin wašte kin he on hecamon ece; hecen he en miš eya owape kta.

24 He de sdonyayapi šni he; Tona oinyanke kin en inyankapi kin hena owasin inyankapi, tuka wicašta wanjidan oqipe kin yekiya ece: Niš yeyakiyapi kta e iyecen inyanka po.

25 Tuwe kašta kici econ kte cinhan taku owasin iyatahde iciye šni un. Hena watešdake atakuni kte šni kin yekiyapi kta, tuka unkiye watešdake ohinnian un kte cin he *unkakitapi*.

26 Heon etanhan miš hecen waimnanka, toketu tanin šni kin he iyecece šni; hecen nape on econ waun, tuwe okaduza ape cin iyecece šni;

27 Tuka mitancan kin suta mićicage ǵa ǵinsmićiya ; okinni wicašta tokeca wotanin wašte kin owicawakiyaka ešta, miye ǵe heyata iyemayanpi kte cin he *kowakipa*.

WICOWOYAKE 10.

1 Mihunkawanji he de sdonye śni yaunpi kta wacin śni, hun-kake wicunyanpi kin owasin maħpiya śapa kin ihukuya yukanpi, ǵa owasin miniwanca kin opta hiyupi.

2 Ǵa owasin maħpiya śapa ǵa miniwanca kin en Moses baptem wicaǵu.

3 Ǵa owasin woyute wakan wanjidan etanhan yutapi.

4 Ǵa owasin woyatke wakan wanjidan etanhan yatkanpi. Imnija wakan kin wicihakam iya-ye ciǵon he etanhan yatkanpi. Imnija kin he Messiya hee.

5 Tuka hena wicota Wakan-tanka iwicayuskin śni, hecen makoskan ihpayapi.

6 Unkan hena e waonspekiya unkitawapi kin eepi, hecen taku śica cantiheunyanpi kte śni, is iye cantiheyapi qon iyececa.

7 Ǵa wakagapi ohoyadapi kte śni, is iyepi wanjikji heconpi qon iyececa. Kaken wowapi en kagapi, Oyate kin wota ǵa wayatke iyotankapi, ǵa śkan najin hiyayapi.

8 Ǵa wiinaħmanpi kin econkupi kte śni, is iyepi wanjikji econpi qon iyececa ; ǵa anpetu wanjidan en kektopawinge wikcemna nonpa sanpa kektopawinge yamni ihpayapi.

9 Ǵa Messiya iyutan unyanpi kte śni, hena wanjikji iyutan yanpi qon iyececa ; unkan wamduška ihangwicayapi.

10 Ǵa wawiyahnupi kte śni, is

iyepi wanjikji wawihnupi qon iyececa, ǵa waihangye cin on yutakunipi śni.

11 Hena taku kin owasin waonspekiyapi on en wicahiyahde, ǵa unkiyepi wicoicage owihan-keta unyakonpi kin wahokonunkiyapi kte cin heon wowapi en kagapi.

12 Hecen tuwe ǵinsa najin kecin kinhan, he wakta un nunwe, okinni ihpaye kta.

13 Wowiyutanyan wan wicašta sdonyapi śni ece kin en aniupi śni. Wakantanka wacinyepica, hecen wawoyakihipi kin isanpa iyutanniyampi kta iyowinye kte śni, tuka wowiyutanyan kin he enakiye kta, hecen oyakihipi kta.

14 Heon etanhan wašte cicidapi kin, wakagapi ohodapi kin nakicipa po.

15 Wicašta wacin ksape cin hena hecen ewicawakiya, token epe cin niś iyukean po.

16 Woyawašte wiyatke unyawaste pi kin he Messiya we kin en kodakiciyapi kin hee śni he. Aguyapi unkiyuśpapi kin he Messiya tancan kin en kodakiciyapi kin hee śni he.

17 Unkiye unkotapi, tuka aguyapi unwanjipidan, ǵa tancan unwanjipidan ; unkiye owasin aguyapi wanjidan en akiptan unkopapi.

18 Wicacehpi eciyatanhan Israel oyate kin ekta ewicatonwan po. Tona wośnapi kin etanhan yutapi kin hena wahna wośnapi kin en opapi śni he.

19 Heon token epe kta he : Wakagapi kin he taku, ǵa is taku wakagapi wakiyuśnapi kin he taku tanka he : Hiya.

20 Tuka taku Ikcewicašta kin wayuśnapi ece kin hena Wakan śica wakiyuśnapi, ǵa Wakan-tanka wakiyuśnapi śni. Unkan

I. KORINTH.

taku wakan śicapi kin en oyeci-papi kta wacin śni.

21 Itancan tawoyatke qa nakun taku wakan śicapi tawoyatke kin yatkan oyakihipi śni. Itancan kin wahna wotapi tawa kin en oyapapi, qa nakun taku wakan śicapi wahna wotapi tawapi kin en oyapapi kta oyakihipi śni.

22 Itancan kin śihda unyanpi kta he. Iye sam iyeya waunśakapi he.

23 Taku owasin iyemicihantu tuka owasin taku wašte icalye śni. Taku owasin iyemicihantu tuka owasin waonspekiye śni.

24 Tuwedan isnana taku amna-iciye kte śni, tuka otoiyohi taku tokan tawa kte cin he akici-cite kta.

25 Taku owasin tihocoka kin ekta wiyopeyapi kin he yuta po, qa wiyukcanpi kin on takudan iwangapi śni po.

26 Maka kin de taku ohnaka ko Itancan kin tawa.

27 Wicašta wicadapi śni kin wanji nicopi, qa ekta dapi tawatenyayapi kinhan, taku nitokam ehdepi kin he yuta po, qa wiyukcanpi on wiwangapi śni po.

28 Tuka tuwe, De wakagapi wakiyuśnapi ce, eniciyapi kinhan, yutapi śni po, tuwe oniciyakapi qa wiyukcanpi kin hena on. Maka kin de taku ohnaka ko Itancan kin tawa.

29 Wiyukcanpi kin cajemdata, niye nitawa śni tuka tokan tawa kin he waka. Tokeca tawa miçiye cin he wicašta tokeca tawiyukcan kin on mayacopi kta he.

30 Wowaste on en owape cinhan, tokeca e taku on wopida epe cin he on mayaśicapi he.

31 Heon wayatapi qa wadatkanpi, qa taku kašta ecanonpi

kin owasin Wakantanka yatanpi kta e on econ po.

32 Juda oyate, qa Helenes oyate, qa Wakantanka taokodakiciye tuwedan icanśinyayapi kte śni.

33 Qa miye taku owasin on owasin iyokipi wicawaye cin he iyececa, taku mduhe kte cin he awakite śni, tuka taku wicota yuhapi kte cin, hecen nipi kta.

WICOWOYAKE 11.

1 Miye omicipa po, Messiya opeya waun kin iyececa.

2 Mihunkawanji, ciyatanpi ce, taku owasin on miyekseyapi, qa woope ciçupi qon ecehin duhapi kin heon etanhan.

3 Tuka he de sdonyayapi kta wacin; Wicašta otoiyohi en pa kin he Messiya ee; qa winohinca pa kin he wicašta kin ee; qa Messiya pa kin he Wakantanka ee.

4 Wicašta otoiyohi pa akaħpe ton cekiye ça wiyukcan kinhan, he iye pa kin wowištenya ece.

5 Tuka winohinca otoiyohi pa akaħpe ton śni cekiye ça, wiyukcan kinhan, he iye pa kin wowištenya; he paha yuśdapi kin kici akidececa.

6 Winohinca is pa akaħpe ton śni kinhan paha yuśdapi kta. Tuka winohinca paha yuśdapi, qa is hdasarpi kin he wowištece kinhan, pa akaħpe ton un kte.

7 Wicašta kin is pa akaħpe ton un kin he hecetu śni, he Wakantanka touncage qa towitan kin hee; qa winohinca kin wicašta towitan kin hee.

8 Wicašta kin he winohinca kin etanhan śni; tuka winohinca kin he wicašta kin etanhan un.

9 Qa wicašta kin he winohinca

kieagapi šni, tuka winohinca kin is wicašta kin *kicagapi*.

10 Heon winohinca kin pa kin akan wowašake hduhe kta, ma-
hpiya ohnihde cin hena on etan-
han.

11 Tuka nakun wicašta kin wi-
nohinca codan un šni, qa wino-
hinca kin is wicašta codan un
šni, Itancan kin en.

12 Unkan winohinca kin he
wicašta kin etanhan un kin, he
iyecen wicašta kin is winohinca
kin eciyatanhan u; qa taku owa-
sin Wakantanka etanhan un.

13 Niš niyepi kin he iyukcan
po; winohinca pa akahipe ton
šni Wakantanka cekiye cinhan
he hecetu he.

14 Taku oiyokipi kin hee kaes
he onspeniciyapi šni he; wica-
šta kin paha hanskaska hecin-
han he wowištece.

15 Tuka winohinca kin is paha
hanskaska koyake cinhan he wo-
witan kin ee; paha kin he wo-
kahpe qupi.

16 Tuka tuwe waakinin un kin-
han, wicohan kin de iyececa ta-
kudan unhapi šni, qa nakun Wa-
kantanka taokodakiciye kin.

17 Unkan he de omdake ça
ciyatanpi šni; taku sanpa wašte
kin on mniniciyapi šni; tuka ta-
ku aoptetu kin heon etanhan.

18 Tokaheya okodakiciye mni-
niciyapi eca yuomdecapi du-
kanpi keyapi nawañon; qa on-
špa wicawada.

19 Waakinicapi niyepi en un
kta, hecen tona owotanna iniyu-
kecanpi kin tanin kta.

20 Heon witaya mniniciyapi
eca, he hitayetu wotapi Itancan
tawa kin yutapi kte cin hee šni;

21 Wotapi kin en otoiyohe ta-
ku yute kte cin tokaheya icu
ece; unkan wanji wotektehda
qa wanji is witko ece.

22 Tokeca, tipi ohna wayatapi,
qa wadatkanpi kte cin yahdu-
hapi šni he. Wakantanka ta-
okodakiciye kin ayaktapi šni,
qa tona taku yuhapi šni kin he-
na ištenwicayayapi he. Token
eciciyapi kta he. Heon ciya-
tanpi kta he. Hiya, ciyatanpi
šni.

23 Miye taku Itancan maqu
qon he cičupi, Jesus Itancan kin,
hanyetu wan iyoheyapi qon he
en, aguyapi icu;

24 Qa wanna wopida eye cin
hehan kiyušte ça heya; Icupi
qa yuta po; mitancan kin niye-
pi on kiyuštapi kin he dee; de-
cen miksuya econ po.

25 Nakun is eya iyecen wanna
yatkan qehan, wiyatke kin icu
qa heya; Mawe kin en wicota-
kuye teca kin he dee ce; decen
econ po, tohanhan datkanpi eca,
miksuya po.

26 Hecen tohan aguyapi kin de
yatapi, qa wiyatke kin de da-
tkanpi kinhan, henakiya Itancan
te cin he duotaninpi ece, tohan-
yan hi šni kin hehanyan.

27 Heon etanhan, tuwe agu-
yapi kin de iyacin šni yute ça,
Itancan tawiyatke kin de yatke
cinhan, he Itancan kin tancan,
we ko, on yacopi.

28 Tuka wicašta kin wihdu-
kecan kta, hecen aguyapi kin de
yute ça, wiyatke kin de etanhan
yatke kta.

29 Tuwe iyacin šni yute ça
yatke cinhan, he woyaco hdute
ça hdatkan, Itancan tancan kin
iyukcan šni kin heon.

30 Heon etanhan niyepi ekta
wicota wašakapi šni, qa waya-
zanpi sa, qa hunh ištinnapi.

31 Unkiye unkihdukecanpi kin-
han, tokan tanhan unkiyukcanpi
kte šni.

32 Qa unkiyukcanpi kinhan,

Itancan kin wahokonunkiyapi, hecen wicoicage kin om unyacopi kte śni.

33 Hecen mihunkawanji tohan wota mniniciyapi kinhan, otoi-yohi akicipe po.

34 Qa tuwe wotektehda kinhan, he tiyata wote kta; hecen woyaco en witaya yaipi kte śni. Qa taku nahahin ihe cin hena tohan wau kinhan, wiyeya ewa-hnake kta.

WICOWOYAKE 12.

1 Mihunkawanji, taku wakan-yan wicaqupi kin iyukcan śni yaunpi kta wacin śni.

2 Ikcewicašta kin henicapi, wa-kagapi iapi okitpani kin en ani-yanpi, ye niyanpi qon iyececa, he sdonyakiyapi.

3 Heon he sdonye ciciyapi; Tuwedan Wakantanka Taniya kin eciyatanhan ie ça, Jesus ya-śice kte śni; qa nakun tuwedan Jesus e Itancan eciye kta okihi śni, tuka Woniya Wakan ece-dan eciyatanhan okihi ece.

4 Unkan taku wicaqupi kin hena okonwanjidan śni, tuka Woniya kin e wanjidan.

5 Qa waeconpi kin okonwanji-dan śni, tuka Itancan kin e wanjidan.

6 Qa wicohan toktokeca; tuka Wakantanka kin e okonwanji-dan, iye owasin en taku owasin owicakicihan.

7 Qa otoi-yohi on iyopta ye kte cin heon Woniya yuotaninpi kin wicaqupi ece.

8 Woniya kin wicašta wan woksape wicoie kin qu ece; qa wanji is wosdonye wicoie kin, hena Woniya wanjidan etanhan.

9 Qa Woniya kin he wanji tokeca wowacinye qu ece; qa wanji tokeca is wawokiziyapi

qu ece, qa hena Woniya wanji-dan etanhan.

10 Qa wicašta wan wowape-tokeca econpi, qa wanji tokeca wiyukcanpi, qa wanji tokeca taku wakan iyukcanpi, qa wanji tokeca iapi ocaje ota, qa wanji tokeca iapi ieska oyakapi kin hecekcen wicaqupi ece.

11 Tuka hena owasin Woniya wanjidan qa okonwanjidan un kin he oħanye ça, token cin kin hecen wicašta otoi-yohi kipamni wicaqu ece.

12 Wicatancan kin he wanjidan tuka wicahuha ota yukan; qa tancan kin en buha kin hena ota qeşaş tancan wanjidan; Messiya kin is he iyececa.

13 Woniya wanjidan on, unki-ye owasin wicatancan wanjidan kta e baptem unqupi, Juda qa Helenes oyate, wowidake un kin, tona tawa iciyapi kin hena koya; qa owasin Woniya wanji-dan kin he en wayatke unki-yapi.

14 Wicatancan kin he buha wanjidan śni, tuka ota.

15 Hehan wicasiha kin he, Wi-canape kin he miye śni heon wi-catancan kin en opeya waun śni ce, eye cinhan, heon etanhan wi-catancan kin en ope śni he.

16 Qa wicanoge kin he, Wi-caišta kin he miye śni qa heon wicatancan kin en opeya waun śni ce, eye cinhan, eħantanhan wicatancan kin en ope śni he.

17 Wicatancan kin ocowasin išta kin ee unkanś, winahonpi kin tokiya un kta he; qa oco-wasin winahonpi kin ee unkanś, waomnapi kin tokiya un kta he.

18 Tuka nakaha Wakantanka token iyokipi kin hecen wica-huha kin otoi-yohi wicatancan kin en ehde.

19 Qa hena iyuhpa wicahuha wanjidan unkanś, tancan kin tokiya un kta he.

20 Tuka nakaha wicahuha ota ešta, tancan wanjidan.

21 Hecen išta kin he, Cicin śni ce, nape kin eciya okihi śni; qa nakun pa kin he, Cicin śni ce, siha kin eciye kte śni.

22 Qa nakun sanpa, wicatančan en wicahuha kin tona waśake śni se un kin hena iyotan.

23 Qa wicatančan ekta tona yuonihan śni undakapi kin hena iyotan unhduonihanpi ece; qa tona owanyag śice cin hena iyotan woiyokipi ece.

24 Tona wašte unyukanpi kin hena takudan sanpa cinpi śni; tuka Wakantanka wicatančan kin icikoyagya kage ça, tukten iyokpaniyan un kin he en yuonihanpi tanka kaga.

25 Hecen wicatančan kin en yuomdecapi wanice kta; qa wicahuha kin hena otoiyohi awakicicinpi kta.

26 Qa hecen huha wanjidan iyotanhan iyekiye cinhan, he kici huha kin iyuhpa iyotanhan iyekiyapi kta; qa huha wanjidan yuonihanpi kinhan he kici huha kin iyuhpa iyuśkinpi kta.

27 Messiya tancan kin he niyepi, qa otoiyohi huha yecidukanpi.

28 Unkan okodakiciye kin en Wakantanka kakenken ewicahde, tokaheya yewicaśipi kin hena, qa iyokihe wokcanpi, qa iciyamni waonspekiyapi; hehan wicowaśake, hehan waasnuiyanpi, waokiyapi, itancanpi, qa ceji toktokeca.

29 Owasin yewicaśipi kin hecapi he; owasin wokcanpi he; owasin waonspekiyapi he; owasin wicowaśake kin heca he:

30 Owasin waasnuiyanpi okihihi

he; owasin ceji tokceca on iapi he; owasin ieskapi he.

31 Wookihi iyotan wašte kin hena nina akita po. Tuka hena isanpa canku wašte wan cici-pazopi kta.

WICOWOYAKE 13.

1 Wicašta akantu, qa mahpiya ohnihde cejipi kin on iwaa ešta, wacanwakiye śni ehantanhan maza śa snasna, qa taku ituya sna kin he iyemaceca.

2 Qa wowiyukcan mduhe ça, taku anaħbeya un kin owasin, wookalinige owasin ko, sdonwaye ça, wowacinye owasin mduha, on he kin yutokan iyewaye kta owakihi ešta, wacanwakiye śni ehantanhan matakun śni.

3 Qa taku mitawa kin owasin won wicayapi kin en wahdusote ça, mitancan kin hee kaeś huħnage kta e waqu ešta, wacanwakiye śni ehantanhan takudan iciiyopteya waun śni.

4 Wacantkiyapi kin he wicotawacin tanka qa wowašte oowasin. Wacantkiyapi kin he wawinawizi śni. Wacantkiyapi kin he wahanħanićida śni, qa ihdatan śni ece;

5 Wawištenya econ śni, qa isnana takudan amnaićiye śni, wacinko śni, qa taku śica iya-wicaonpe śni;

6 Woalitani en iyuśkin śni, tuka wowicake kin en iyuśkin;

7 Taku owasin kajuju; taku owasin wicada; taku owasin ape; qa taku owasin iyowin-yan.

8 Wacantkiyapi kin he tohin-ni owihanke śni. Wokcanpi kin hena enakiyapi kta; ceji tokceca kin hena ayuśtan aye kta; qa wookalinige kin hee kaeś atakuni kte śni.

9 Apadan sdonunyanpi, qa apadan unkiyukcanpi.

10 Tuka tohan woyuſtan kin he hi kinhan tona woyuſtan ſni kin hena ihanke kta.

11 Homakſiyooqopa qehan, hokſiyooqopa iyecen iwae a, hokſiyooqopa iyecen wimdukan, qa hokſiyooqopa iyecen awacin waun; tuka wicaſta imacaga hehan taku hokſiyooqopa tawa kin amduſtan.

12 Dehan ihdiyomdasin en iyecen aotpasya wawanunyakapi ece; tuka ege hehan anog itohake icitkokim wanunkiciyakapi kta. Nakaha taku kin tanyan sdonwaye ſni; tuka e qe tokata sdonmayanpi kin iyecen tanyan sdonwaye kta e imicihan.

13 Unkan nakaha hena yamni en oonyan, wacinyanpi, qa apapi, qa wacantkiyapi; tuka wacantkiyapi kin he iyotan tanka.

WICOWOYAKE 14.

1 Wacantkiyapi kin he okipa po, qa taku wakanyan wicaqupi kin hena cin po; tuka widukcanpi kte cin he iyotan.

2 Tuwe ceji tokeca on ie cin he wicaſta kin takudan owicakiyake ſni, tuka Wakantanka taku eciya; tuwedan nahon ſni kin heon: hececa eſta Woniya kin eciyatanhan taku woanalibe kin oyaka tuka.

3 Tuka tuwe wiyukcan oyake cin he wicaſta kin wowicakiyaka, on icaliyapi qa wahokonkiyapi qa kicanptapi.

4 Tuwe ceji tokeca on ie cin he iye ksamiiya; tuka tuwe wiyukcan oyake cinhan he okodakiciye kin ksamwicaya ece.

5 Niyepi kin owasin ceji toktokeca on iyaapi kta wacin,

tuka widukcanpi k'e cin he iyotan wacin. Tuwe wiyukcan kin he tanka qa tuwe ceji tokeca on ie cin he ihukuya, ieska oyake ſni kinhan, hecen okodakiciye kin icaliyapi kta tuka.

6 Unkan nakaha mihunkawanji, ceji tokeca on iwaa en ciupi kinhan, he token oniciyapi kta he; yaotaninpi, qa wookahnige, qa wiyukcanpi, qa woonspe kin unmana eciyatanhan eciciyapi ſni kinhan.

7 Unkan taku ni un ſni kin hena, cotanka qa iſ candowan-kiyapi kin hotanin kinhan, ho toktokeca ſni kinhan, he taku on etanhan tukte e yajopi, qa tukte e dowankiyapi kin sdonyapi kta he.

8 Maza yahotonpi tanka kin ho okonwanjidan ſni yahotonpi kinhan, tuwe zuyapi kta e wiye-ya icicage kta he.

9 He iyecen niſ niyepi, ceji on wicoie okahnih waſteſte iyaapi ſni kinhan, token on etanhan taku oyakapi kin he taku ee sdonyapi kta he; okaduza kin en iyaapi kta.

10 Maka kin akan ho ocaje tokeca kanakiya naceca, qa owasin taku kapi.

11 Tuka miſ ho kin taku kapi kin sdonwaye ſni kinhan, tuwe ie cin he Ikcewicaſta kin kecan-makin kta, qa miſ eya tuwe ie cin he Ikcewicaſta kin heca wadake kta.

12 Hecen wicohan wakan nina yacinpi kinhan, okodakiciye kin icaliyapi kta e wadupipike kte cin he akita po.

13 Heon tuwe ceji tokeca on ie cinhan, he ieska oyake kta e icekiye kta.

14 Miye ſaia cewakiye cinhan, minagi kin he cekiya; tuka mitawacin e qe takudan icaliyapi ſni.

15 Hecen toketu he. Miye minagi kin eciyatanhan cewakiye kta, qa nakun mitawacin kin eciyatanhan cewakiye kta; minagi kin on wadowan kta, qa nakun mitawacin kin on wadowan kta.

16 He hecece śni kinhan, minagi on wopida eha eca, tuwe onspe śni en iyotanke cin he token, wopida ehe cin en, Amen eye kta he, taku ehe cin sdonye śni nakaes.

17 Wopida tanyan eha, tuka iye kin okahnige śni.

18 Wakantanka mitawa wopida ewakiya ce, niyepi kin owasin sam iyeya ceji tokeca on iwaa ece.

19 Tuka okodakiciye kin en mitawacin kin eciyatanhan wicoie zaptanna iwae kta, on wicašta tokeca onpsewicawakiye kte cin he iyotan wašte, qa ceji tokeca on wicoie kektopawinge wikcemna iwae kte cin he aoptetu.

20 Mihunkawanji, wookahnige en hokśiyoqopa unpi śni po; tuka wicotawacin śice cin en hokśiyoqopa po, qa wookahnige kin en wicašta tanka un po.

21 Wooke kin en kaken kagapi; Ceji tokeca, iha tokeca ko on oyate kin de owicaweciye kta; tuka hececa ešta, namahonpi kte śni, Itancan kin eya.

22 Hecen ceji tokeca kin hena wowakta kin hee, tona wicadapi śni kin hena eepi śni, tuka tona wicadapi kin hena on wowapetokeca kin hee.

23 Okodakiciye kin ocowasin witaya mniciyapi, qa owasin ceji tokeca on iapi kinhan, qa tona wacinton śni, wicada śni ko en hipi kinhan, winitkotkopika kecannicinpi kte śni he.

24 Tuka owasin wiyukanpi,

qa tuwe wicada śni wacinton śni un kin tin hiyu kinhan, he owasin on onspekiyapi, qa owasin on yacopi kta.

25 Qa hecen iye cante kin ekta taku analibe cin yutaninpi kta; hehan makipusdiya elpeiciye ca Wakantanka ohoda kta, qa Wakantanka niyepi en nicipi un kin oyake kta.

26 Heon mihunkawanji toketu he: Mniniciyapi eca niyepi otioyohi odowan duhapi, qa woon-spe duhapi, qa ceji tokeca, qa yaotaninpi wan, qa ieska oyakapi wan duhapi ece. Taku owasin waonspekiyapi kta e on econpi nunwe.

27 Tuwe ceji tokeca on ie cinhan, wancadan wicašta nomnom yamnimni, qa hena wanji itokto econpi kta, qa wanji ieska kiya-pi kta.

28 Tuka tuwe ieska kiyapi kte cin wanice cinhan, okodakiciye kin en inina yanke kta; is iye oiciciye ca Wakantanka okiye kta.

29 Qa wicašta wokcan kin hena nomnom qa yamnimni oyakapi kta, qa unmanpi kin wiyukan unpi kta.

30 Qa tuwe ikiyedani iyotanke cin he taku wakanyan okiyakapi kinhan, tokaheya kin he inina yanke kta.

31 Owasin wanji itokto wudukcanpi kin odakapi kta oyakihipi; hecen owasin onspekiyapi, qa owasin iwicakiyapi kta.

32 Qa wicašta wokcanpi toksapepi kin wicašta wokcanpi kin anawicakigoptanpi ece.

33 Wakantanka kin he oqoyapi kin kage śni, tuka wookiye kin he tawa, oyate wakan okodakiciye kin owasin en un kin iyececa.

34 Unkan winohinca nitawapi

kin okodakiciye kin ekta inina yankapi kta. Hena ie kta e iyo-winyanpi ūni, tuka anagoptan yukanpi kta, woope heye cin iyecen.

35 Qa taku onspepi kta cinpi kinhan iye tipi ekta hihnakupi kin iwicawangapi kta. Okodakiciye kin en winohinca ie cin he wowiſtece.

36 Tokeca, niyepi kin etanhan Wakantanka oie kin hinanpa he; qa niyepi niſnanpidan ekta nihipi he.

37 Tuwe wicaſta wokcan, qa iſ wicaſta wakan kin heca kecaniſin kinhan, he taku wowapi en cicagapi kin hena Itancan ta-woahope kin bee e yaotanin kta.

38 Qa tuwe iyukan ſni un kinhan, he iyukan ſni un nunwe.

39 Hecen mihunkawanji wi-dukcanpi kte cin he akita po, qa ceji tokeca on iapi kte cin tehin-dapi ſni po.

40 Qa taku owasin iyokipiya owotanna econpi nunwe.

WICOWOYAKE 15.

1 Tuka, mihunkawanji, wotanin waſte unkoniciyakapi, qa iyacu-pi qon en ayahanpi kin he sdon-ye ciciyapi.

2 He eciyatanhan nakun yanipi kta, wicoie unkoniciyakapi kin on, he tiſna duhapi kinhan, qa ecinſuiyan awacanipi ſni kinhan.

3 Otokaheya ekta taku iwacu qon he ciſupi; Waunhtanipi kin on Meſſiya te cin, wowapi wa-kan eye cin ecetu;

4 Qa hnakapi, qa anpetu ici-yamni kin piya ikicage cin, wo-wapi wakan eye cin ecetu.

5 Qa Inyan wanhdake a, he-han ake nonpapi kin wanhdaka-

6 Hehan he iyohakam wanca-dan hunkawanjin kiciyapi opa-winge zaptan wanyakapi, hena wicota nahahin ni unpi, tuka wanjikji iſtinmapi.

7 Qa he iyohakam Jakob wanhdaka; hehan yewicaſipi kin owasin wanhdakapi.

8 Qa ehake niſ miye wanmda-ka, okaſkan tonpi kin iyemaceca.

9 Yewicaſipi kin miye iyotan maciſtinna, qa Wakantanka taokodakiciye kin ſicaya wakuwa qon heon yeſipi emakiyapi kte cin iyemacece ſni.

10 Tuka tomakece cin Wakan-tanka towaonſida kin on hema-ceca. Qa iye towaonſida mici un kin he taku ſni wanica, tuka hena owasin iyakapeya nina hita-wani; qa he miye ſni, Wakan-tanka towaonſida mici un kin hee.

11 Heon, he miſ miye, qa iſ iyepi kin, hecen unyaotaninpi, qa nakun hecen wicayadapi qon.

12 Unkan Meſſiya wiconte kin etanhan piya ikicage cin he oya-kapi hecinhan, token on niyepi wanjikji, Wiconte etanhan piya wicoicage wanica ce, ehapi he.

13 Wicate cin piya wicoicage wanica hecinhan, Meſſiya piya ikicage ſni.

14 Qa Meſſiya piya ikicage ſni hecinhan, hehan unkoyakapi kin he taku ſni qa wacinyayapi kin he nakun taku ſni.

15 Qa Wakantanka en unki-tonpi ſni kin; Wakantanka Meſ-siya piya najin kiye cin he un-koyakapi; tuka he najin kiye ſni, wicate cin ake najinpi ſni kinhan.

16 Wicate cin piya najin ki-yapi kte ſni kinhan, hehan Meſ-siya nakun piya najin kiyapi ſni.

17 Qa Meſſiya piya ikicage

śni hecinhan, wacinyayapi kin he takudan okihi śni, qa nahahin wayahitanipi kin ehna yaunpi.

18 Hehan tona Messiya on iştinma iyayapi qon hena nakun takunipi śni.

19 Wiconi kin de en ecedan Messiya on ape unyakonpi hecinhan, wicašta owasin unkiye iyotan iyotanhane iyeunkiyapi ece.

20 Tuka wanna Messiya wiconte etanhane piya ikicaga, qa tona iştinmapi qon hena en taku tokaheya icage cin hee.

21 Wicašta kin eciyatanhan wiconte u kin, he iyecen wicašta kin eciyatanhan wiconte etanhane piya wicoicage kin u ce.

22 Adam en owasin tapi kin, he iyecen Messiya en owasin piya ni yapi kta.

23 Tuka otioyohi tohan iye-hantu kinhan; Messiya e tokaheya, qa hehan tona tawa kin hena, Messiya ake hi kinhan.

24 Qa hehan owihanke kta, tohan wokiconze kin Wakantanka Ateyapi kin kicu kta; wokiconze owasin, qa wicowaśake owasin, qa wookihi kin ihangye cinhan.

25 Tona toka yapi kin hena owasin iye siha kin ihukun iye-wicaye kte cin behanyan ito wicaştayatapi yanke kta.

26 Qa toka ehake ihangye kte cin he wiconte kin ee.

27 He siha kin ihukuya taku owasin ekihnaka. Tuka tohan, He ihukuya taku owasin ehnapapi kin, eye çehan, tuwe he ihukuya taku owasin ehna ke cin he okaptapi e tanin.

28 Qa tohan taku owasin he ihukun iyeyapi kinhan, hehan Cinhintku kin ege tuwe taku owasin iye ihukun iyeye cin he

ihukun un kta, hecen Wakan-tanka owasin en ocowasin un kta.

29 Wicašte cin ecaca piya ikicagapi kte śni hecinhan, tona wicašte cin on baptem wicaqupi kin hena taku tokonpi kta he; qa tokeca e wicašte cin on baptem wicaqupi he.

30 Qa tokeca anpetu iyohi ta ikopeya unyakonpi he.

31 Jesus Messiya Itancan unkiyapi kin en widuŝkinpi kin en owape cin he cajemdate ça, Anpetu iyohi mača ce, epa.

32 Wicašta akantu iyecen, Ephesos ekta wamanica kici weci-za ešta, on taku iyomapte kta he, wicašte cin piya wicoicage śni kinhan. Wauntapi, qa wanyatkanpi kta, heyakecinhan untapi kta ce.

33 İçihnayanpi śni po; kodakiciyapi ŝice cin hena wicohan wašte yuśica ece.

34 Wicohan owotanna on ihduhicapi, qa wahtanipi śni po. Wanjikji Wakantanka sonyapi śni. Winiştecapı kte cin heon hena hecen epe.

35 Tuka okinni tuwe heye kta; Wicašte cin token piya icaŝiyapi, qa taku tancan kin yuha hiyupi he.

36 Winitkotkoka, taku oyaju kin he te śni kinhan, icage śni ece.

37 Qa taku oyaju kin he tancan icage kte cin he oyaju śni, tuka su ecedan, aguyapi qa iŝ taku toktokeca naceca.

38 Tuka Wakantanka token iyokipi kin hecen tancan qu, qa su ocaje otioyohi tancan tawa kin kicu ece.

39 Celpi owasin celpi okonwanjidan śni, tuka wicacelpi kin he wanji ee, qa woteca celpi kin wanji hee, qa hogan cel-

I. KORINTH.

hpi kin wanji hee, qa zitkadan
cehpi kin wanji hee.

40 Unkan mahpiyata tancan,
qa makata tancan kin heca yu-
kan. Tuka mahpiyata un kin
he towitan kin wanjidan, qa
makata un kin he towitan kin
tokeca.

41 Anpetu wi towitan kin
wanjidan, qa hanyetu wi towi-
tan kin he tokeca, qa wicanhpi
towitan kin he nakun tokeca;
qa wicanhpi wanji wicanhpi to-
keca kici wowitan en akidecece
sni.

42 He iyecen wicate cin piya
wicoicage. Tancan hwin oju-
pi, tuka hwin kte sni ekicetu
yapi.

43 Wowihahaya ojupi, tuka
wowitan ekicetu yapi. Wowa-
sake sni yan ojupi, tuka wowa-
sagya ekicetu yapi.

44 Wicacehpi tancan ojupi,
tuka wowakan tancan ekicetu
yapi. Wicacehpi tancan yukan,
qa wowakan tancan kin yu-
kan.

45 Kaken wowapi en kagapi
qon, Adam wicašta tokaheya
kin he wicanagi ni un kin heca
kagapi, qa Adam ehake un kin
he Woniya Wanikiye cin hee.

46 Tuka taku wakan un kin he
tokaheya sni, tuka taku cehpi
kin hee, qa iyohakam taku wa-
kan kin.

47 Wicašta tokaheya kin he ma-
ka etanhan un, qa maka kin he-
ca; Wicašta iyokihe kin he
Itancan mahpiya eciyatanhan
un kin hee.

48 Maka kin heca un qon, tona
maka hecapikin hena hececapi;
qa mahpiya tanhan un qon, tona
mahpiya tanhan un kin hena
hececapi.

49 Unkan makata un kin to-
uncage kin unhapi kin, he iye-

cen mahpiya tanhan un kin to-
uncage kin unhapi kta.

50 Mihunkawanji kaken epa;
Wicacehpi qa wicawe kin Wa-
kantanka tokiconze kin tawapi
kta okhipi sni, qa nakun wica-
hwin wicahwin kte sni kin ta-
wa kte sni.

51 Wanyaka po, wowiyukan
wan ociciyakapi; owasin unki-
stinmapi kte sni, tuka owasin
unyutokecapi kta.

52 Ihnuhanna, ista karpapi se
en maza yahotonpi tanka ehake
kin *tonin* kinhan; maza yaho-
tonpi tanka kin he yahotonpi kta,
qa wicate cin hwin sni yan na-
jin wicakiyapi kta, qa unkiye
unyutokecapi kta.

53 Taku hwin kte cin de wi-
cahwin sni koyake kta, qa te
kte cin de tepica sni koyake
kta.

54 Qa tohan taku hwin kte cin
de wicahwin sni koyake ca, tan-
can wiconte kin de wiconi kin
ogeton kinhan, hehan wicoie
kin wowapi en kagapi qon ecetu
kta; Wiconte kin he woohiye
kin e ocowasin iocokaya.

55 Wiconte, wicape nitawa kin
tokiya un he. Wicahnakapi,
woohiye nitawa kin tokiya un
he.

56 Wiconte icape kin he woa-
htani ee, qa woahitani wowaša-
ke kin he woahope kin ee.

57 Tuka Wakantanka woohiye
unqupi, Jesus Messiya Itancan
unkiyapi kin eciyatanhan, he
wopida yuha nunwe.

58 Hecen mihunkawanji wa-
šte ciciidapi kin, sutaya yahanpi,
qa pahoho sni yaunpi nunwe;
qa ohinniyan Itancan ohan kin
en aiciciya po, Itancan kin on
htayanipi kin he taku sni wa-
nice kta sdonayayapi kin heon
etanhan.

WICOWOYAKE 16.

1 Wicašta owotanna un kin hena taku wicakicamnanpi kte cin, token Galatia ekta okodakiciye kin econ wicawaši qon, he iyecen niš econ po.

2 Anpetu tokaheya kin en niyepi otoiyohi token oyakihipi kin, iyacinyan eyahnakapi kta, hecen wau kinhan, wamnayanpi wanice kta.

3 Qa wau kinhan, tona wowapi on wicayakahnigapi kin, hena wicaqupi nitawapi kin he Jerusalema ekta aye wicawaši kta.

4 Qa miye ekta mde kte cin he wašte kta naceca hecinhan hena om mde kta.

5 Unkan Makedonia opta mde cinhan, hehan ekta ciupi kta : qa Makedonia opta mde kte cin he hecetu.

6 Qa okinni cicipi waun kta, han, waniyetu ihunniwaye kta naceca ; hecen hetanhan tokiya inde cinhan niye amayadapi kta.

7 Nakaha tahapi wanciyakapi kte šni, tuka Itancan kin iyokipi kinhan, cicipi owanji manke kta wacanmi.

8 Tuka anpetu iwikcemna zaptan kin hehanyan Ephesos en owanjidan manke kta.

9 Tiyopa tanka wawokihi kin makiyuhdokapi, qa tona wakini-capi kin hena ota.

10 Unkan Timotheos ekta i kinhan, kokipešniyan en niunpi kta e akita po : He nakun miye *ecamon* kin iyecen Itancan tohtani kin econ ece.

11 Heon tuwedan ihaša kte šni ; tuka wookiye yuha au po, ekta mahiyu kta ; he hunkawanjin kiciyapi kin om u kta ape manka.

12 Apolos mihunkawanji, he hunkawanjin kiciyapi kin om ni-

yepi ekta niipi kta e nina cinwakiya ; tuka iye dehan ekta ye kta ecaca cin šni, tuka tohan cin kinhan ekta i kta.

13 Kiktahan un po, wowacinye en sutaya han po, wicašta iye-cen ohanyan po, wašaka po.

14 Taku nitawapi kin owasin wacantkiyapi on econpi nunwe.

15 Mihunkawanji, ceciciyapi ce ; Stephanas tiyohnaka kin sdon-yayapi, he Akeya en waskuyeca tokaheya icage cin hee, qa wicašta owotanna owicakiyapi kin en ye iciyapi ece kin ;

16 Tona hececapi, qa tona wawokiyapi, qa htanipi kin hena owasin wicihukuya ye ničiyapi kta.

17 Stephanas qa Phortunatus qa Akekus hipi kin heon imduškin ; hena e taku ecamiyeconpi šni kin he ecetu miciciyapi.

18 Qa minagi kin magaga manyanpi, qa nitawapi nakun. Heon etanhan tona hececapi kin hena wicayuonihan po.

19 Asia ekta okodakiciye kin hena nape niyuzapi. Akula qa Priskila Itancan kin on sutaya nape niyuzapi, qa okodakiciye iye tipi ohna un kin hena kaya.

20 Hunkawanjin kiciyapi kin owasin nape niyuzapi. Iiputakapi wakan kin on otoiyohi i ikiciputaka po.

21 Palos he miye nape kiciyuzapi kin de miye minape kin on *wakaga*.

22 Tuwe Jesus Messiya Itancan kin waštedake šni kinhan, he anathema maran-atha un nunwe.

23 Jesus Messiya Itancan unyanpi towaonšida kin nicipi un nunwe.

24 Jesus Messiya on wacanwakiye cin niyepi owasin en nicipi un nunwe. Amen.

PALOS
KORINTH OYATE

WOWAPI WICAKICAGE CIN;

INONPA KIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjinkiciyapi wan kici, Korinth ekta Wakantanka taokodakiciye kin, qa Akeya owanca-ya tona owotanna un kin hena koya, *wowapi unnicagapi*.

2 Wowaonśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

3 Wakantanka Jesus Messiya Itancan unkiyapi he Atkuku, qa waonśidapi en ateyapi, qa Wakantanka owasin wacintonhnag wicaye cin he wowašte yuha nunwe.

4 He unkakijapi owasin en wacintonhnag unyanpi, hecen tona wokakije owasin ehna un kin hena iwicunkiyapi unkokihipi kta, wacintonhnagyapi on Wakantanka unkikiyapi kin he eciyatanhan.

5 Hecen Messiya tokakije kin unkiyepi en unkiciyuotapi kin, he iyecen Messiya eciyatanhan wacintonhnag unyanpi kin he nakun unkiciyuotapi kta.

6 Kakişunyanpi eca he wacintonhnag niyanpi, qa ni niyanpi kte cin heon; he wokakije on kakişunyanpi kin hena yuha okihi wicaye kta e oħanyan ece; qa wacintonhnag unyanpi hecin-

han, he wacintonhnake niyanpi, qa ni niyanpi kte cin heon.

7 Unkan niyepi kin on sutaya wacinunyanpi, wokakije kin en opeya yaunpi kin he iyecen wacintonhnakeyapi kin en oyapapi kta, sdonunyanpi.

8 Mitrunkawanji, Asia en token wokakije unhiyahdepi qon he sdonye śni yaunpi kta uncinpi śni, iyotan nina unkakijapi, unkokihipi kin isanpa, hecen unni-pi kta unkecinpi śni.

9 Tuka unkiyepi kin mahen wiconšte woyaco kin unhapi, hecen takudan wacinunkiciyapi kte śni, tuka Wakantanka wicašte cin ekicetu wicaye cin he wacinunyanpi kta:

10 Iye wiconšte hinsko tanka etanhan eunhdakupi, qa nakaba ehdaku ece; qa eeś nakun eunhdakupi kta wacinunyanpi:

11 Qa niś eya wocekiye on ounyakiyapi kta, hecen wicašta ota etanhan, taku unqupi qon he on, unkiyepi on etanhan wicota wopida eyapi kta.

12 Unkiyuşkinpi kin he unna-gipi hdaotanin kin hee, wowi-cake wowakan ko en okonwan-jidan, wicaceħpi woksape yuhe śni, tuka Wakantanka towaon-śida yuha, wicoicage kin ehna unnipi, qa niyepi kin ekta iyotan hececa.

13 Taku dawapi, qa sdonya-yapi kin hecedan wowapi en un-

nicagapi: qa owihanke kin hehanyan wicayadapi kta kepce.

14 Onśpa sdonunyayapi, unkiyuskinpi kin he niyepi, he iye-
cen wowitan nitawapi kin he
unkiyeppi, Jesus Itancan taanpe-
tu kin en.

15 Hecen wacinmduza, toka-
heya niyepi kin ekta ciupi kta
tuka, on inonpa wowaste duhapi
kte cin heon.

16 Qa niyepi kin etanhan iyo-
opta Makedonia ekta mde ça,
ake Makedonia etanhan niyepi
kin ekta icicawin wahdi kta, qa
Juda makoce kin ekta ye maya-
yapi kta wacin.

17 Hecen wacin mduze çehan,
hehan iyowihan wacin mduza
he; qa token miçiconze cin he
wicacehpi eciyatanhan miçicon-
ze ça hecen, Han, han, hiya, hi-
ya, eya waun he.

18 Wakantanka wacinyepica,
wicoie unkeniciyapi qon he, han
qa hiya, hee śni.

19 Miye, qa Siluanos, qa Ti-
motheos, Jesus Messiya Wakan-
tanka Cinhintku kin unkonici-
yakapi qon he, han, qa hiya, hee
śni, tuka iye kin on, han ece-
dan.

20 Wakantanka iwahounyanpi
kin hena owasin iye en, Han
hee, qa iye en Amen, unkiyepi
kin etanhan Wakantanka yatan-
pi kte cin heon.

21 Tuwe niyepi kici Messiya
en unyusutapi, qa sdaunyanpi
kin he Wakantanka kin ee.

22 Qa he unkapuspapi, qa un-
cantepi kin ekta Woniya toka-
heya icupi ece kin he unqupi.

23 Unkan nakaha minagi kin
ekta Wakantanka mayaotanin
kta e cewakiya; Itoncipapi kta
e on nahahin Korinth ekta wai
śni.

24 Wacinyayapi kin on wowi-

dag unniyanpi śni, tuka widu-
skinpi kin en ounniciyapi kta.
Wacinyanpi on sutaya nayajin-
pi ece.

WICOWOYAKE 2.

1 Miye qe hecen mihdukan,
ake iyokiśinya ekta ciupi kte
śni.

2 Miye iyokiśinciyapi kinhan,
tuwe iyuskinmaye kta he; iyo-
kiśinwaye cin hee kta.

3 Hecen on he wowapi cica-
gapi, ekta wau kinhan tona on
imduşkin kte cin hena on etan-
han iyokişin waun kte śni. Qa
niyepi owasin wacinciyapi, mi-
towiyuskin kin he en niyepi
owasin *oyapapi kta*.

4 Wicokakije tanka, qa wico-
cantesica, qa istamnihanpe ota
ehna wowapi cicagapi qon, iyo-
kişinniyanpi kte cin heon *heca-
mon* śni; tuka nina cantececiya-
pi kin he sdonyayapi kte cin he-
on.

5 Tuwe iyokişicapi kage ciqon
he miye iyokişinmaye śni; tuka
niye nihunhanpidan, owasin ci-
bapi kte śni.

6 He tuwe kin hecen yacopi
qon, wicota econpi kin hece-
hnana kta.

7 Heon nakaha wicašta kin he
iyuskinayayapi, qa yecanptapi kta,
okinni nina iyokişice cin on kte-
pidan kta.

8 Heon ceciciyapi ce, he cante
en duzapi kin hduotanin po.

9 Taku owasin on waanago-
ptan yaunpi hecinhan, iciyu-
keanpi kte cin heon wowapi ci-
cagapi qon.

10 Tuwe taku yecicajujupi
kinhan, miş eya *hecamon*, qa tu-
we taku wecicajuju kin he niye-
pi kin on wecicajuju, Messiya
itokam.

11 Hecen Satan ohiunyanpi

II. KORINTH.

kte *śni*; iye token içiconze cin sdonunyanpi.

12 Troas ekta Messiya tawotanin wašte yuha wahi, qa Itancan kin tiyopa wan makiyuzamni;

13 Hehan minagi ekta cante wašteya waun *śni*, Titos mihunkawanji kin hen iyewaye *śni* kin heon; hecen hena nape wicamduze ça, hetanhan Makedonia ekta imdamda.

14 Wakantanka, ohinniyan Messiya on ohiye unyanpi, qa ohinniyan unkiyepi kin on tawosdonye woomna yaotanin kin, hee wopida yuha nunwe.

15 Wakantanka ekta, Messiya on woomna wašte kin he unkiyepi, tona wiconi yuhapi kta, qa nakun tona yutakunipi kte *śni* kin hena en.

16 Dena is tapi kta e wiconte oomna kin he unkiyepi, qa hena e nipi kta e wiconi oomna kin he unkiyepi; qa tuwe hena taku kin okihi he.

17 Wicota Wakantanka oie kin hnayan kuwapi kin hena iyeunccecapi *śni*; tuka wowicake eciyatanhan, tuka Wakantanka eciyatanhan, qa Wakantanka itokam, Messiya unkoyakapi ece.

WICOWOYAKE 3.

1 Ake unkihdatanpi un kayapi he; qa wicašta wanjikji iyecen waayatanin wowapi nicagapi kte cin heca uncinpi he; qa is waayatanin wowapi unyecagapi kta uncinpi he.

2 Wowapi unkitawapi unki-cantepi kin ekta owapi kin he niyepi, wicašta owasin sdonyapi qa yawapi;

3 Messiya tawowapi taninyan oyakapi unkiye unkagapi kin; mini sapa on kagapi *śni*, tuka

Wakantanka ni un kin Taniya kin on owapi; inyan mdaska kin en un *śni*, tuka wicacante conica kin he en.

4 Unkan Wakantanka ekta Messiya eciyatanhan woawacin kin de unhapi.

5 Unkiye cinka taku unkiyucanpi kta unkokitpanipi, unkiyepi atayedan, taku unkokihipi kin he Wakantanka eciyatanhan.

6 Iye wicotakuye teca kin en wowidake waokihi unkagapi, oowa kin he en un *śni*, woniya kin hee en; oowa kin he wašteya, tuka woniya kin he waniya ece.

7 Wiconte wawokiyapi kin he owapi, qa inyan akan pagopi qon he wowitan yuhe cin, on Israel cinca kin Moses itohnake wiya-tpa kin he opahta yukanpi kta okihipi *śni* hecinhan, wowitan kin he enakiyapi tuka;

8 Hecen Woniya wawokiyapi kin he sam iyeya nina wowitan kte *śni* he.

9 Woyaco wawokiyapi kin he wowitan hecinhan, wicoowotan-na wawokiyapi kin he sanpa nina wowitan kta.

10 Qa taku yuwitanpi qon he taku wanji on wowitan *śni*, taku iyakapeya wowitan kin hee on etanhan.

11 Qa taku enakiyapi qon he wowitan kin hee hecinhan, taku ecen he cin he iyotan wowitan kin ee.

12 Woape hececa unhapi kin heon nina wadiuntakapi ece.

13 Unkan Moses ite akalipe wan itohnake kin akalipe kiton kin he iyecece *śni*, taku enakiyapi kin owihanke kin hehanyan Israel cincapi kin ekta etonwan okihipi *śni* kin heon etanhan.

14 Tuka iye tawacinpi kin ao-

tpasyapi : qa anpetu kin dehan-
yan Wowapi Wakan tanina kin
yawapi eca, ite akaŋpe kin he
eyakupi ūni ecen un : he Messi-
ya eciyatanhan eyakupi tuka.

15 Tuka anpetu kin dehanyan,
Moses yawapi eca, ite akaŋpe
kin he iye cantepi kin akaŋpa.

16 Tuka tohan Itancan kin
ekta yuhomnipi kinhan, hehan
ite akaŋpe kin he yuzamnipi
kta.

17 Woniya kin he Itancan kin
ee, qa tukten Itancan taniya kin
un kin, hen tawa iŋiyapi yukan.

18 Tuka unkiye owasin itohna-
ke kin en taku unkakaŋpapi
ūni, ihdiyomdasin en wawanya-
kapi kin iyecen Itancan tōwitan
kin wanunyakapi, qa iye ounca-
ge kin iyecen unkagapi, wowi-
tan sanpa wowitan kin en, Itan-
can Taniya kin on etanhan iye-
ceca.

WICOWOYAKE 4.

1 Heon etanhan wawokiyapi
kin de unhapi kin, wowaonsida
unkicupi kin heon wacin iboun-
ŋakapi ūni.

2 Tuka taku wowiŋtece na-
hmana un kin hena ehpeunyan-
pi, qa wicahnayanpi kin en ma-
unnipi ūni, qa wohnaye yuha
Wakantanka oie kin unkiciyu-
hapi ūni, tuka wowicake yaotan-
inpi kin on wicaŋta owasin wi-
yukcanpi kin ekta unhdaotanin-
pi, Wakantanka itokam.

3 Wootanin waŋte unkitawapi
kin he anahmanpi hecinhan, to-
na takunipi ūni kin hena anawi-
cakiŋmanpi.

4 Hena ekta wicoicage kin de
taku wakan tawa kin tona wica-
dapi ūni wicotawacin kin wacin-
ton ūni wicakaga ; Messiya Wa-
kantanka ouncage kin hee, ta-
wootanin waŋte wowitan iyoyan-

pa kin he iyoyamwicaye kte
ūni heon etanhan.

5 Unkiye unkihdaotaninpi ūni,
tuka Messiya Jesus Itancan kin
he unyaotaninpi ece ; qa unkiye
Jesus on ookiyewicayayapi kin.

6 Wakantanka iyoyanpa kin
otpaza etanhan yege ūi qon he
uncantepi kin iyoyamunyanpi,
Jesus Messiya itohnake kin eci-
yatanhan, Wakantanka towitan
wodonye iyoyanpa kin unqupi
kte cin heon.

7 Tuka woyuha kin de maka
cega ohna unhapi, hecen wowa-
ŋake tanka kin Wakantanka
etanhan un kta, qa unketanhan-
pi kte ūni.

8 Ihdukŋantanhan aotinsunyan-
pi, tuka unkahdaskicapi ūni : wa-
cinhnuni unyanpi, tuka takudan
wacinye ūni kin heuncecapi ūni.

9 ūicaya unkuwapi, tuka ehpe-
unyanpi unyakonpi ūni : makata
ehpeunyanpi, tuka ihang unyan-
pi ūni.

10 Ohinniyan untancanpi kin
en Jesus Itancan te cin he yuha
unkanpi, hecen Jesus wiconi ta-
wa kin untancanpi kin en tan-
inyan un kta.

11 Unkiye unnipi kin Jesus on
ohinniyan wiconŋe en iyaye un-
yanpi, Jesus wiconi tawa kin
uncelhipi te kte cin en atanin
kte cin heon.

12 Hecen unkiyepi kin en wi-
conŋe ohanyan un, tuka niyepi
kin en wiconi.

13 Unkiye wowacinye woniya
kin de unhapi, wowapi en kaga-
pi qon iyececa ; Wicawada kin
heon iwaa ce ; unkiŋ eya wica-
undapi kin heon unkiapi ece.

14 Qa tuwe Jesus Itancan kin
piya ekicetu ye ciqon, he Jesus
eciyanhan, ake ekicetu unyan-
pi kta, qa niyepi kin om sutaya
he unkiyapi kta e sdonunyanpi.

II. KORINTH.

15 Niyepi kin on etanhan taku owasin ecen un, hecen wowaon-sida tanka kin, wicota wopida eyapi kin on sanpa ota aye kta, Wakantanka towitan kin on.

16 Heon wacin ibounsakapi sni, tuka wicašta akantanhan unkitawapi kin he takuni sni aya esta, wicašta mahen tanhan un kin he anpetu iyohi yute-capi.

17 Unkakijapi cistinna, qa pte-cedan kin he wowitan ota hinca, ota hinca, owihanke wanin tke hinca unkiagapi kta.

18 Ieunhan taku wanyakapi kin hena ekta unketonwanpi sni, tuka taku tona wanyakapi sni kin hena ekta *ewauncinpi*. Taku tona wanyakapi kin hena ihanke kta, qa taku tona wanyakapi sni un kin hena owihanke wanica.

WICOWOYAKE 5.

1 Makata wakeya unkitawapi kin de yujupui kinhan, Wakantanka ticage cin tipi nape codan kagapi kin, mahpiya ekta, owihanke wanin yanke cin he un-hapi e sdonunyanpi.

2 Qa de ohna comniunhdazipi, qa tipi unkitawapi mahpiya eci-yatanhan un kin he kounyakapi kta e cantounkpanipi.

3 He kounyakapi kinhan, tancodan unyakonpi kte sni.

4 Wakeya kin de ohna unkanpi kin hehanyan comniunhdazipi, unšakapi kin heon. Wokoyake unhdusdokapi kin he uncinpi sni, tuka kounyakapi kta: Hecen wiconi e wiconŋe ocowasin napce kta.

5 Tuwe he en icañunyanpi kin he Wakantanka ee; qa he Woniya tokaheya kin wanna un-pupi.

6 Heon ohinnian cante un-

waštepi, qa tohanyan wicatan-can kin ohna unkanpi kin hehanyan Itancan kin itehanyan unyakonpi kin he sdonunyanpi.

7 Wacinyanpi eciyatanhan ma-unnipi, qa wawanyakapi kin eci-yatanhan sni.

8 Cante unwaštepi, tuka tancan kin de ohna unkanpi sni, qa Itancan kin kici unyakonpi kta e he iyotan uncinpi ece.

9 He de aiciciya unkakitapi, ekta kici unyakonpi, qa is den unkanpi, unma tukte kašta, iyo-kiyuñyanpi kte cin he.

10 Owasin Messiya tawoyaco oiyotanke kin itokam taninyan inaunjinpi kta, otioyohi taku iye tancan kin ohna ohanye cin hena icu kta, token econ qon eciya-tanhan, he wašte qa šica unma tukte kašta.

11 Itancan wohitike cin he sdonunyanpi kin, heon wicašta cin wicunkiyapi; Wakantanka en unkihdaotaninpi, qa nakun widukeanpi kin en unkihdaotaninpi wacanmi.

12 Ake niyepi en unkihdatanpi sni, tuka unkiyepi on iniwinkta-pi kta e okihi unniyanpi; hecen tona cante kin eciyatanhan sni, tuka itohnake kin on iwinktapi kin hena ekta, taku on iniwinkta-pi kte cin duhapi kta.

13 Wacinunhnunipi hecinhan, he Wakantanka on etanhan; qa wacinunksapapi hecinhan, he niyepi kin on etanhan.

14 Messiya wacantkiye cin he iyounpaštakapi ece.

15 Qa he de unkiyukanpi, wanji owasin on ŋe cinhan hehan owasin ŋapi tuka; qa owasin on ŋe cin, heon tona nipi kin hena is iyepi on nipi kte sni, tuka tuwe hena on ŋe ɕa ake kini kin hee on nipi kta.

16 Heon etanhan, detanhan wi-

cacehpi eciyatanhan tuwedan sdonunyanpi šni; han, Messiya hee wicacehpi eciyatanhan sdonunyanpi ešta, nakaha detanhan sdonunyanpi šni.

17 Hecen tuwe Messiya en un kin he wanna wicašta teca; taku tannike cin hena enakiyapi; iho, taku owasin teca icaga.

18 Qa taku owasin Wakantanka etanhan un, he iye kici okiciciye unkiyapi, Jesus Messiya eciyatanhan, qa wookiye wawokiyapi kin he unqupi.

19 Hecen Wakantanka Messiya on, wicoicage kin, iye kici, okiciciye wicaye ça, wahtanipi kin wicakiciyawa šni; qa wookiye wicoie kin he yuhe unkiyapi.

20 Heon Messiya on wawiciyapi kin unkiyepi, unkiyepi eciyatanhan Wakantanka ceniciyapi kin iyececa, Messiya caje on ceunniciyapi, Wakantanka kici okiciciya po.

21 Tuwe woahťani sdonkiye šni un qon he, unkiyepi on woahťani kagapi; hecen iye en Wakantanka toowotanna unkicagapi kta.

WICOWOYAKE 6.

1 Heon iye kici htaunnipi iyeceen, niyepi nakun ceunniciyapi ce, ituť Wakantanka towaonšida kin iyacupi kte šni.

2 He iye kaken eya, Omaka oiyokipi kin en naciťon qa wiconi anpetu kin en ociciya: Iho nakaha omaka oiyokipi kin hee; nakaha wiconi anpetu kin he dee.

3 Takudan on tuwedan iboto-nyanpi šni, hecen wawokiyapi kin he bapi kte šni:

4 Tuka Wakantanka taokiye unyanpi kin he taku owasin on unkihduotaninpi ece, wacintan-

kapi kin en, wokakije en, wahpaya unnicapi kin en, woiyokišice en;

5 Apapi kin en, kaška hnakapi kin en, yuomdecapi kin en, wicoťtani kin en, kiktahan unpi kin en, wotektehdapi kin en:

6 Ecedan unpi kin on, wosdonye kin on, tehan aepi kin on, wacantkiyapi kin on, Woniya Wakan kin on, awicakehan waštedakapi kin on;

7 Wowicake oie kin on, Wakantanka towašake kin on, wicoowotanna wipe, etapa qa catkatanhan unpi kin on;

8 Wowitan qa wowištece kin ohna; waaiapi qa yaonihanpi kin ohna; wicahnayanpi kin iyececa, tuka wicakapi;

9 Sdonyapi šni un kin iyeuncecapi, tuka tankaya sdonunyanpi; tapi se iyecen unyakonpi, tuka ito unnipi; unkaštakapi, tuka nahanťin unktepi šni:

10 Iyokišicapi iyeuncecapi, tuka ohinniyan wiunyuškinpi; wahpanicapi kin iyeuncecapi, tuka wicota watonka wicunkagapi; takudan yuhapi šni kin iyeuncecapi, tuka taku owasin untonpi.

11 Korinth oyate kin, niyepi on i unhdukawapi, uncantepi kin tanka aya.

12 Unkiyepi en takudan aotins niyanpi šni, tuka niye nicantepi kin en otins nićiyapi.

13 Heban iyunwin kin de mayagupi kta; micinca kin iyecen ociciyapi; niš eya tankaya nićicagapi nunwe.

14 Ihnuhan tona awacin šni un kin hena en ecinšniyan iyanihdaškapi kinhan. Token wicoowotanna woahťani kici tidan kta he; qa token iyoyanpa kin otpaza kici un kta he:

15 Qa Messiya Belial kici token okonwanjidán cante yuzapi

II. KORINTH.

he; qa tuwe wicada kin he wicada śni un kin kici taku akiptan tawapi kta he;

16 Qa tipi wakan Wakantanka tawa kin he wakagapi kin kici token un kta he. Wakantanka ni un tipi wakan tawa kin he niyepi. Wakantanka heye ciqon he iyececa; Hena om wati kta, qa om mawani kta. Hena Wakantanka mayanpi kta, qa mitaoyate kin hena eepi kta ce.

17 Heon etanhan hena cokaya tanhan tankan upi, qa icunonpa un po, Itancan kin eya, qa taku asape cin oyutanpi śni po, kinhan miś tawa ciyapi kta;

18 Niye ate mayayapi kta, qa miye cinkśi ciyapi qa cunkśi ciyapi kta ce, Itancan Iyotan Waśake cin he hena hecen eya.

WICOWOYAKE 7.

1 Heon waśtecicidapi kin, wahoyapi kin dena unhapi kin heon wicacehpi wicanagi ko taku asape cin etanhan unhduecepidan, qa Wakantanka kokipeyahan wicoowotanna kin tanyan unhdustanpi kta.

2 Anaungoptan po; unkiye tuwedan śicaya ecawicunkiconpi śni, tuwedan wicunuśicapi śni, tuwedan taku icakiś wicunyanpi śni.

3 He wayaco hepe śni; cante en unniyuzapi, ptaya unṭapi qa iś unnipi kta ce, epe ciqon.

4 Niyepi on wadimatake hinca, niyepi on nina imawinkta; wocantohnake omajudan, unka-kijapi owasin en nina imduśkin.

5 Makedonia en unhipi qehan, uncehpi kin takudan oziiṭiye śni, tuka taku owasin on iyounkiśicapi; tankan tanhan wicokicize, qa mahen tanhan wokokipe.

6 Tuka Wakantanka tona iyo-kiśicapi iwicakiye cin he cantohnag mayan, Titos hen hdi kin heon:

7 Qa he hdi kin hecedan śni, tuka nakun niye cantohnagya-yapi kin heon; nina wacin en yeyayapi, qa iyoniciśicapi, qa token cante en unyakiduzapi kin hena unkokiyakapi qehan, nina imduśkin.

8 Wowapi wan on iyokiśinci-yapi eśta, heon nakaha iyopemi-ciye śni, iyopemi-ciya tuka qon. He wowapi kin ptenyedan iyo-kiśinniyanpi wanmdaka.

9 Nakaha imduśkin, iyokiśinniyanpi kin heon etanhan śni, tuka nihduecetupi kta e on iyoniciśicapi kin heon. Wakantanka eciyatanhan iyokiśinniciyapi, hecen takudan icakiś unniyanpi śni.

10 Wakantanka eciyatanhan iyowicakiśice cin he ihduecetupi on wiconi kta, on tohinni iyo-peiciyapi śni kin he kaga; tuka wicoicage kin de en iyowicakiśice cin he wiconṭe icalḡya.

11 Wanyaka po, Wakantanka eciyatanhan iyoniciśicapi kin he itonpeya nicagapi, waayuptapi, qa wośihda, qa wokokipe, qa cante en hiyeyapi, qa winawizipi, qa hdajujupi kin hena niyepi en icalḡniciyapi; taku owasin on, he econpi qon en, takudan iyani-onpapi śni yaunpi e nihduotan-inpi.

12 Heon wowapi cicagapi, tuwe śicaya econ qon he on etanhan śni, qa tuwe śicaya ecakiconpi qon he on etanhan śni, tuka Wakantanka itokamya token wacin en unniyuzapi kin he niyepi en yutaninpi kta.

13 Heon etanhan iniciyapi kin on unkikiyapi; qa Titos iyuśkin kin heon miś eya nina imduśkin,

iyē nagi kin niyepi owasin eciyatanhan magagayapi kin heon etanhan.

14 Heon ciyatanpi qa owakiyaka ešta, on imaštece šni; tuka taku owasin eciyatanhan eciciyapi qon, he iyecen Titos en ciyatanpi kin he nakun wowicake.

15 Unkan niye owasin token anayagoptanpi, qa wokokipeya, cancanyan iyowinyakiyapi qon he kiksuya eca, iye iyotan cante en niyuzapi.

16 Heon etanhan, taku owasin on wicacidapi kin heon miš eya imduškin.

WICOWOYAKE 8.

1 Mihunkawanji, Wakantanka towaonsida Makedonia okodakiye kin en yutaninpi qon he sdonyeciciyapi.

2 Hena wokakije tanka en nina iyuškinpi, qa iyotan wałpanica unpi kin he etanhan taku ota iyokipiya wicaqupi.

3 Okihipi kin iyacinyan, (miš mdaotanin,) qa okihipi kin kapeya, iye cinka wicaqu wacinpi.

4 Qa wocekiye ota on ceunkiyapi, taku wicaqupi kin he, qa tona ecedan un kin wicakipamnpi wawokiyapi kin he nakun unki cupi kte.

5 Qa unkecinpi qon iyecece šni, tuka tokaheya iye tancanpi kin Itancan kin ičicupi, qa nakun Wakantanka tawacin kin eciyatanhan unkiyepi kin en ičicupi.

6 Hecen Titos ceunkiyapi, niyepi en wanna tokaheya hecon kin, he iyecen wowaonsida kin de nakun niciyuštanpi kta.

7 Heon taku owasin on winijicapi, wacinyanpi, qa iapi, qa wosdonye, qa wicamniheca owasin,

qa wašteunyakidapi ko, he iyecen wowašte kin de on nakun winijicapi kta.

8 Wicoope eciyatanhan hena hepe šni, tuka wicašta tokeca aičiciyapi kin heon; qa wacan-yakiyapi kin he wowicake kinhan imdute kta.

9 Jesus Messiya Itancan unkiyapi towaonsida kin he sdon-yayapi, watonka tuka niyepi on wałpaniiciya, hecen iye wałpanica kin on winijicapi kta.

10 Unkan he de on wahokon-ciciyapi; niye decanonpi kta iyececa, wanihan sanpa hecanonpi kta e ničiconzapi, qa wiye ya-unpi kin heon etanhan.

11 Nakaha woecon kin he hduštan po, kohanna wicayadapi qon he iyecen taku duhapi kin etanhan ecen ecanonpi kta.

12 Tokaheya wicadapi yuke cinhan, wicašta taku yuhe cin he eciyatanhan iyokipiya icupi ece, qa taku yuhe šni kin eciyatanhan šni.

13 Wicašta tokeca oziičiyapi kta, qa niye dušakapi kte cin hee šni; tuka akiyecen unpi kta; heon nakaha wijinya ya-unpi kin he hena taku iwicakakije cin en un kta;

14 Qa iš iyepi nakun wijicapi kinhan, wicakišya yaunpi kin en oniciyapi kta; hecen akiyececapi yuke kta.

15 Wowapi en kagapi qon iyececa; Tuwe ota pahi kin he takudan ohdapte šni, qa tuwe waniqadan pahi kin he takudan icakiš un šni ce.

16 Tuka Wakantanka wopida yuha nunwe, he niyepi on Titos hecen cante yuskiya.

17 Awicakehan wahokonkiyapi kin anagoptan; tuka iye hinca inałni, qa kohanna niyepi kin ekta ye wacin.

II. KORINTH.

18 Unkan he kici hunkawan-jinkiciyapi wan, wotanin wašte on okodakiciye owasin en yatanpi kin hee ekta ye unšipi.

19 Qa hecedan šni, tuka kici ohnihde unyakonpi kta e he okodakiciye kin kahniyapi, Itancan kin yatanpi kta, qa unkiye de iyokipiya econkupi kta e heon taku ituhanpi kin de en ounkiyapi kta.

20 Qa taku ota unpamnipi kin de on tuwedan unbapi kte šni e he unkakitapi.

21 Taku wašte ece unkihnipi kta, Itancan kin itokam, qa nakun wicašta kin en.

22 Unkan hena om hunkawan-jinunyanpi kin yeunšipi, he wanna ota unkiyukeanpi, owotanna oňanyan ece, qa nakaha iyotan aičiciya, tanyan wacinniyanpi nakačš.

23 Hecen Titos he *kapi hecinhan*, he mitawaši qa niyepi on omakiye cin hee; qa hunkawan-jinwicunyanpi kin hena eepi *kinhan*, okodakiciye yewicašipi qa Messiya towitan kin hena eepi ce.

24 Heon etanhan, hena en, qa okodakiciye kin wicitokam, wacanyakiyapi kin, qa unniyatanpi qon he nakun wicakipazo po.

WICOWOYAKE 9.

1 Wicašta owotanna owicakiyapi kte cin on wowapi cicagapi kta wanna iyecece šni.

2 Token wacin duzapi kin he sdonwaya, heon Makedonia etanhanpi kin hena en yaonihanyan cajeciyatapi, wanna waniyetu wanjidat hehanyan Akeya wiyeya yanka ce, qa inayahniipi kin he wicašta ota iyowicapaštaka.

3 Tuka hunkawanjin wicawa-

ye cin hena ekta yewicawaši, unniyatanpi qon he ecetu kta, qa epe ciquon iyecen wiyeya nan-kapi kta e heon.

4 Okinni Makedonia etanhan upi kin hena om ekta wai, qa wiyeya yaunpi šni ecen wanun-niyakapi kinhan, unkiye, niyepi epe šni, sutaya wacinyus unniyatanpi qon he on unkištecapi kta.

5 Heon hunkawanjin kiciyapi kin cewicawakiye kta wacami qon, tokaheya niyepi ekta ipi, qa wowaonšida nitawapi ehanna iwahoniyanpi qon he wiyeya ehna-kapi kta, hecen awicakehan wowaonšida kta, qa watehindapi kin eciyatanhan kte šni.

6 Tuka de; Tuwe waniqadan oju kin he waniqadan mnaye kta; qa tuwe iyakičuya oju kin he iyakičuya mnaye kta ce.

7 Otoiyohi iye cante kin ekta ičiconze cin eciyatanhan *qu kta*, woiyokišice on qa econ šipi kin on etanhan šni; iyuškinyan wicaqu kin he Wakantanka wašte daka.

8 Wakantanka wowaonšida owasin niyepi en niciyuotapi kta okihi; hecen taku owasin ota dubapi kin on wicohan wašte kin wadupipike kta.

9 Wowapi en kagapi qon iye-cetu; Taku ehpeya, wahpaninica kin taku wicaqu ece kin he toowotanna kin ohinniyan un kta.

10 Tuwe woju kin ojupi yuhekiya ece kin he aguyapi woyute yayapi kte cin ničupi, qa taku oyajupi kin icalñ niciyapi, qa nitooowotanna waskuyeca kin niciyuotapi nunwe.

11 Qa taku owasin en wijinya yaunpi kta on iyotan oňannipi kta, heon unkiye Wakantanka wopida unkekiciyapi.

12 Wapamnipi wawokiyapi kin de tona owotanna un kin taku icakijapi kin enakiye kte ça, nakun Wakantanka wopida nina eciyapi kta e kaga.

13 Messiya tawootanin wašte kin en oyapapi e daotaninpi, qa hena taku ota wicayaqupi, qa owasin taku wicayaqupi kin he on wawokiyapi utapi kin de on etanhan Wakantanka yaonihanpi.

14 Qa niyepi on wocekiye eniciyapi kin heon nina cantonikpanipi, Wakantanka towaonsida tanka nicipi un kin heon etanhan.

15 Wakantanka taku yawapica šni unqupi kin he on wopida kiciun nunwe.

WICOWOYAKE 10.

1 Palos he miye, Messiya wahi bayedan qa wacintanka heon ceciciyapi ce, niyepi ekta onšihanyan waun, tuka en waun šni echantanhan, niyepi on wadimataka;

2 Tuka ceciciyapi, en waun kinhan, wanjikji wicacełpi kin eciyatanhan maunnipi kecanunkinpi kin, hena en waditagya waun kta wacanmi kin he iye cen wadimatake kte šni.

3 Wicacełpi kin en maunnipi ešta, wicacełpi eciyatanhan unkiczapi šni.

4 Wipe unkunpi kin hena wicacełpi kin heca šni, tuka wašaka, Wakantanka on, inatake suta kin yuju ece :

5 Wacinyuzapi kin kun ełpeya, qa taku tehan wankantuya un Wakantanka sdonyapi kin en wankan iyeiye cin hena owasin, qa wicotawacin iyulpa Messiya anagoptanpi kin en wayaka ai ece.

6 Qa wanałonpi šni kin tounkiconpi kta e wiyeya unkanpi; tohan anayagoptanpi kin hduštanpi kinhan.

7 Wicašta itohnake kin hecedan iwandakapi he. Tuwe Messiya tawa kecani cin kinhan, he ake kaken awacin kta; is iye Messiya tawa kin heca he iye cen unkiš unkiyepi Messiya tawa unyanpi.

8 Wookihi Itancan unqupi kin, on icalunniyanpi kta, qa on ihangunniyanpi kte šni, heon sanpa mihdatan ešta, imaštece kte šni.

9 Wowapi on wakokipe cica gapi kta wacanmi šni.

10 He wowapi kage cin hena suta qa wašaka, tuka tancan en un kin he wašake šni qa ie cin he wowiła ce, eyapi.

11 Tuwe hecece cin he kaken awacin kta, en unkanpi šni wowapi wicoie kin on tounkecapi kin, he tohan en unkanpi kinhan, wicołan kin on heuncecapi kta.

12 Tona ihdatanpi kin hena unkihdacinpi, qa opeya unkihdawapi kta tawałenunyanpi šni; hena e is iye on wiłdutapi, qa iyepi on ihdukecanpi, qa hecen okałnigapi šni.

13 Unkiye wiunhdutapi kin isanpa unkihdatanpi kte šni; tuka wicołan iyutapi Wakantanka unqupi kin he eciyatanhan, iyutapi kin niyepi kin iyałde niyanpi.

14 Ekta iyahde unniyanpi kta e sanpa unkiłdutanpi šni. Tuka Messiya tawootanin wašte kin en niyepi kaeš ekta unniupi.

15 Wiunhdutapi kin isanpa unkiłdatanpi šni, wicašta tokeca wicołtani kin en; tuka wicayałdapi kin he icage cinhan, niyepi

II. KORINTH.

on wiyutapi unhapi kin eciyatanhan sanpa unyuonihanpi kta unkaepi.

16 Hecen niye dukanpi kin akowapa wotanin wašte kin unkoyakapi kta, qa tuwe tokeca taku tawa wiyeya yanke cin en unkiwinktapi kte šni.

17 Tuka tuwe iwinkta kinhan Itancan kin on iwinkta nunwe.

18 Tuwe ihdaonihan kin he ecetudakapi kin ee šni, tuka Itancan kin tuwe yaonihan kin hee kta.

WICOWOYAKE 11.

1 Witkotkoya iwae cin cistiye-dan iyowinmayakiyapi kta wacin. He iyowinmayakiyapi nakaes.

2 Wakantanka winawizi kin iyecen inaciwizi, wicašta wanjidan kiciyus ciyapi, hokšiwinna ecedan un kin Messiya ekta acii-pi kta heon.

3 Tuka he kowakipa, wamduška wohnaye on Ewe hnaye ciquon he iyecen nitawacinpi kin yušicapi kta, qa woyuecedan Messiya en un kin etanhan iya-ye niyanpi kta naceca.

4 Tuwe en niupi kin he Jesus tokeca wan unkiye unkoyakapi šni kin he oyaka, qa Woniya tokeca, iyacupi šni qon. he nakaha iyacupi, qa wotanin wašte tokeca, anayagoptanpi šni qon he onicivakapi kinhan, iyowinyakiyapi kta.

5 Miye yewicašipi iyotan tanka kin takudan ihukuya waun šni, imdukean.

6 Ho magahan ešta, wosdonye kin on waksapa; tuka niyepi kin en taku owasin on tanyan unki-hdaotaninpi.

7 Wakantanka tawootanin wašte kin iyunwin codan ociciyapapi, qa wankantuya iyenianpi

cta e on mihduhukuya kin he wawahtani he.

8 Okodakiciye tokeca kin taku wicawaki, qa opemicatonpi kin iwacu, ociciyapi kte cin heon; qa cicipi waun qa taku imakakije cehan, taku nitawapi kin mun šni:

9 Taku iyokpani waun qon he hunkawanjin kiciyapi Makedonia etanhan hipi kin maqupi, qa ohinnian takudan inagiye ciyapi šni waun, qa ees nakun hecen waun kta.

10 Messiya wowicake tawa miciun kin heon Akeya makoe kin en imawinkta kin de ecetu šni makiyapi kte šni.

11 Tokeca he; wašte cicidadapi šni kin heon etanhan he. Wakantanka sdonya.

12 Tuka taku ecamon kin he nakun ecamon kta, hecen tona wiyaonpapi akitapi kin hena etanhan wiyaonpapi kin emdaku kta, qa en iwinktapi kin he unkiyepi kin iyecen unpi kta.

13 Hena yewicašipi itonšni kin hecapi, wohnaye ohanyanpi, qa Messiya yewicaši qon hena iyecen ihduzapi.

14 Qa he taku wowinihan šni, Satan iye kaeš iyoyanpa ohnihde kin iyecen ihduza.

15 Heon etanhan, iye taokiye kin hena wicoowotanna ookiye kin iyecen ihduzapi kte cin he taku tanka šni. hena iye wicohan kin eciyatanhan ihang yapi kta.

16 Ake hecen epa; Tuwedan witkotkoke madake kte šni. Tuka becon kinhan witkotkoke cin iyecen iyowinmakiye kta, cistiyedan mihdatan kta.

17 Taku epe cin hena Itancan kin eciyatanhan epe šni. tuka nina ihdatanpi kin he on witkoya ie cin iyemaceca.

18 Wicota wicacehpi kin on ihdatampi kin he iyecen mis eya mihdataan kta.

19 Witkotkopike cin hena iyokipiya iyowinwicayakiyapi ece, niye yaksapapi nakaes.

20 Tuwe wowidag niyanpi, tuwe temniyanpi, tuwe wanicipi, tuwe wahanicida, tuwe ite ohna anipapi hecinhan, iyowinwicayakiyapi ece.

21 Waoštehdapi kin he waka, waunsakapi sni kin heon. Tuka taku on tuwe waditake cinhan, witkotkoya iwaa ce, he on mis eya wadimataka.

22 Hena Hebrew wicašta kin hecapi he. Mis eya hemaca. Hena Israel etanhanpi he. Mis cya. Hena Abraham cinca he. Mis eya.

23 Hena e Messiya taokiye kin hecapi he; witkotkoke cin iyecen iwaa, mis eya imayotan. Wicohtani kin en imayotan; apapi kin en wopteca sni waun; kaska hnakapi kin en imayotan, qa wiconte kin en otakiya waun.

24 Juda oyate zaptan akihde, apapi wikcemna topa wanjidan iyokpani maqupi.

25 Yamni akihde cansakadan on amapapi; wancadan inyan on makininpi; yamni akihde wita wata micamdecapi; anpetu wanjidan hanyetu iyahna osbe kin mahen waun;

26 Nina icimawani, mini ota wokokipe kin en waun, wakipi sa okokipe kin en, mitaoyate on wokokipe kin en, Ikcewicašta on wokokipe en, otonwe ekta wokokipe en, hewoskantuya wokokipe en, miniwanca ekta wokokipe en, hunkawanjin kiciyapi itonpi sni kin hena ekta wokokipe en;

27 Mdowakita qa nina htawani kin on, ota kiktahan waun kin

on, wotektewahda qa imapuza on, ijehan amakihan kin on, macuwita qa taneodan waun kin on;

28 Qa tankan tanhan anpetu iyohi taku amaupi kin, okodaki-ciye kin owasin awanhdakapi kin he nakun.

29 Tuwe wasake sni un, qa miye wamasake sni he; tuwe aiapi un, qa miye sinwahda sni he.

30 Tuka imawinkta kta iyeece cinhan, wamasake sni waun kin heon imawinkta kta.

31 Jesus Messiya Itancan unkiyapi he Wakantanka tawa, qa Atkuku kin, owihanke wanin wowaste yuhe cin he sdonmayan, itonsni mawanica.

32 Damaskos en, Aretas wicaštayatapi yanke cin ihukuya, wicašta itancan kin akicita ota wicayuha, Damaskos oyate otonwe tawapi kin awanhdake qa, maktepi kta akita.

33 Hehan conkaske owanyeye wan etanhan, makanyankapi wan ohna, kun hiyumayanpi; qa iye nape kin etanhan nawa-jica.

WICOWOYAKE 12.

1 Imawinkta kte cin he iyemicihantu sni, wowihanmde qa Itancan woyakapi tawa kin ekta wau kta.

2 Ehanna waniyetu ake topa sam iyeya, wicašta wan Messiya en un kin he sdonwaya; (wicatancan kin ohna un kin sdonwaye sni, qa tanton sni un kinhan nakun sdonwaye sni, Wakan-tanka he sdonya;) wicašta kin he mahpiya iciyamni kin ekta eyakupi;

3 Wicašta kin he sdonwaya, (wicatancan kin ohna un sdonwaye sni, qa tanton sni un kinhan nakun sdonwaye sni, Wakan-tanka he sdonya;)

II. KORINTH.

4 He Wakantanka ti kin ekta eyakupi, unkan wicoie oyagpica šni kin nañon, hena wicašta oyake kta ešta okitpani kta.

5 Wicašta kin hecece cin on imawinkta kta, qa miye qe on imawinkta kte šni, tuka wamašake šni waun kin heceedan on.

6 Tuka imawinkta wacanmi keš wimatkotkoke kte šni, wovicake epe kta: tuka nakaha hecamon kte šni, tuwe wanmayake ça. token waun nañon kin he isanpa tanka kecanmakin kta he kowakipa.

7 Unkan woyakapi tanka kin on etanhan wañanmičida kte šni heon taku pepe wan micelhi kin en maqupi, Satan taokiye wanji hee, šicaya makuwa kta heon, wañanmičida kte šni heon etanhan.

8 Qa heon Itancan kin yamni wocekiye ewakiya, he amayustan kte cin heon.

9 Hehan, Mitowaonsida kin iyonihí kta, qa mitowašake kin he wowašake šni kin en bduštanpi ce, emakiya. Hecen Messiya towašake kin miye en miciun kte cin. heon makakije cin on iyuškinyan imawinkta kta.

10 Heon etanhan wowayazan kin en imduškin ece, qa waaia-pi. qa iwicakakije, qa šicaya wicakuwapi, qa Me-siya on wicakakije kin henakiya en; tohan wamašake šni eca taku owakihi ece.

11 Iwinktapi kin on witkotkoka imacaga, niye hecon mayakiyapi, mayadaotaninpi kta tuka qon; yewicašipi iyotan tankapi kin takudan en wicihukuya waun šni, matakú šni ešta.

12 Awicakehan niyepi ekta yewicašipi wowapetokeca tawapi kin econkupi, wacintankapi

owasin en, wapetogtokeca, taku wowinihan, qa wašagya wico-lan kin hena on.

13 Taku e on okodakiciye tokeca kin ihukuya yaunpi he; taku nitawapi kin iwacu šni kin hee naceca. Heon wawahtani kin he micicajuju po.

14 Wanyaka po, iciyamni ekta ciupi kta wiyeya manka, qa na-kun taku nitawapi kin iwacu kte šni. Taku yatonpi kin he awa-kite šni, tuka niyepi atayedan. Cinca yapi kin hunkakepi kin taku wicakihnakapi kin he he-cetu šni, tuka hunkake yapi kin hena hoksiyoqopa kin on taku ekicihnakapi kta.

15 Ninagipi kin on htawani, qa mihdusote kte cin he iyomaki-pi; tuka iyotan canteciciyapi ešta, aoptetuya waštemadakapi ece.

16 Tuka he hecetu, taku nita-wapi kin iwacu šni; hececa ešta wamdupike cin heon wo-hnaye on ciyuzapi, *keyapi*.

17 Tona niyepi ekta ye wica-waši qon hena eciyatanhan, ta-ku mihdamna he.

18 Titos cewakiye ça kici hun-kawanjitku wan ekta ye waši. Niyepi etanhan Titos taku ka-mna he. Wicoksape okonwan-jidan en maunnipi šni he; oye okonwanjidan ohna *maunnipi* šni he.

19 Ake niyepi en unkihduwi-cakapi kecannipi he. Wakan-tanka itokamya Messiya kin en unkiapi ece. Waštecicidapi kin, tanyan icañniyanpi kte cin heon taku owasin econkupi.

20 Ekta ciupi kinhan, niyepi token wacin kin hececa iyeciya-pi kte šni, qa miye nakun token yacinpi šni kin hecen iyemaya-yapi kta kowakipa. Wakinica-pi kin, winawizipi, canniyekici-

WICOWOYAKE 13.

yapi, wicokicize, waaiaapi, waa-
jijipi, wahanicidapi qa owoduta-
ton kin henakiya en un kta ko-
wakipa.

21 Qa okinni ekta wau kinhan,
niyepi kin en Wakantanka mi-
tawa kin iyokišin maye kta, qa
tona wanna woalitani econpi, qa
taku asape cin, wiinalhmanpi, qa
wicawihomnipi econpi kin on
iyopeiciyapi šni kin hena awica-
wakiceye kta naceca, he kowa-
kipa.

WICOWOYAKE 13.

1 De iciyamni ekta ciupi; waa-
yatanin nonpa qa yamni ipi
kin on wicoie owasin yasutapi
kta.

2 Ociciyakapi qon he ake na-
kaha ociciyakapi, icinonpa ekta
waun kin iyececa; qa nakaha
en waun šni, tona toka wahtani-
pi, wicašta tokeca ko owasin,
wowapi wicawecaga, ake ekta
wai kinhan itonwicawape kte
šni.

3 Miye mahen tanhan Messiya
ie cin on wowapetokeca ayaki-
tapi kin heon etanhan; he niye-
pi ekta taku okitpani šni, tuka
niyepi kin en wašake linca.

4 He iye wowašake šni on can
susbeca kin en okatanpi ešta,
Wakantanka towašake kin on
ni un. Heon unkiš eya waun-
šakapi šni, tuka niyepi kin ekta
Wakantanka towašake kin on
kici unnipi kta.

5 Niš niyepi ihdukan po, wa-
cinyanpi kin en yaunpi hecin-
han; tanyan wihduta po. E-
hpeniyanpi šni kinhan, Jesus

Messiya niyepi kin mahen un,
he sdonyakiyapi šni he.

6 Tuka ehpewicayapi kin heun-
capi šni e sdonyayapi kta imdu-
kan.

7 Taku šica takudan ecanonpi
kte šni he Wakantanka icewa-
kiya; unkiye unwaštepi e un-
yaotaninpi kte cin hee šni, tuka
waštepi šni kin iyeuncecapi kta
ešta, niye taku wašte ecanonpi
kte cin hee wacin.

8 Taku wowicake kašeye cin
takudan unkokihipi šni, tuka
wowicake kin on etanhan.

9 Unkiye waunšakapi šni, qa
niye wanišakapi eca unkiyuškin-
pi ece. Qa tanyan onihduštanpi
kte cin he uncinpi.

10 Heon etanhan en waun šni
icunhan, hena wowapi en waka-
ga, okinni ekta waun kinhan
yašinya iapi kin ohna iwae kta
naceca; wowašake Itancan ma-
qu kin eciyatanhan, he waicah-
yapi kin on *maqupi*, qa waihang-
yapi kin on etanhan šni.

11 Ehake, hunkawanjin ciyapi
kin, wiyuškin po; oihduštan un
po, cante wašte po, okonwanji-
dan awacin po, wokiyaapi kin en
un po; qa wowašte, wookiye ko
Wakantanka kin nicipi un nun-
we.

12 Otoiyohi iiputakapi wakan
kin on i ikiciputaka po. Wica-
šta owotanna un kin owasin i
iniputakapi.

13 Jesus Messiya Itancan to-
waonsida kin, Wakantanka to-
waštedake kin, qa Woniya Wa-
kan iwicakiye cin niyepi owasin
en nicipi unpi nunwe. Amen.

PALOS

GALATIA OYATE KIN

WOWAPI WICAKICAGE CIN.

WICOWOYAKE 1.

1 Palos yewicašipi kin heca, wicašta akantu kin etanhan šni, qa wicašta on kagapi šni, tuka Jesus Messiya etanhan, qa Wakantanka Ateyapi kin, he wiconțe etanhan najin kiye cin he nakun etanhan ;

2 Qa hunkawanjin kiciyapi micipi kin owasin ko, Galatia ekta okodakiciye kin *wowapi unnicagapi*.

3 Wowaonsida, wookiye ko, Wakantanka Ateyapi kin, qa Jesus Messiya Itancan unkiyapi kin etanhan, nicipi un nunwe.

4 He iye waunhtanipi kin on içiçu, wicoiçage šice cin de etanhan eunhdakupi kta, Wakantanka Ateunyanpi tawacin kin eciyatanhan :

5 He ohinnian owihanke wanan wowitan kicihan nunwe. Amen.

6 Tuwe Messiya towaonsida kin inicopi kin kohanna aduštanpi, qa wotanin wašte tokeca en *oyapapi* kin, heon imanihan manka.

7 He nakun tokeca šni, tuka wicašta wanjikji nagiyenianpi, qa Messiya tawootanin wašte kin ayuštan niyanpi kta tuka.

8 Tuka he unkiš unkiyepi, qa is ohnihde wan mašpiya kin eciyatanhan kin, wotanin wašte unkoniciyakapi qon he ohna šni, tuka tokeca oniciyakapi kinhan, wošnapi un nunwe.

9 Unkeyapi qon hecen ake nakaha epe, tuwe wotanin wašte iyacupi qon kici okonwanjidan šni kin oniciyakapi kinhan, he wošnapi un kte.

10 Wicašta qa Wakantanka, unma tukte cinwicawakiya he; qa wicašta kin iyokipiwicawaya awakita he. Wicašta kin iyokipiwicawaya unkanš, Messiya wowidagmaye kte šni tuka.

11 Mihunkawanji he de ociciyakapi, wotanin wašte omdake eiqon he wicašta akantu kagapi šni ;

12 Qa wicašta kin etanhan iwacu šni, qa iye omakiyakapi šni, tuka Jesus Messiya oyake cin eciyatanhan *onmaspe*.

13 Juda wicoħan en opeya waun qehan, token owahannide cin nayahonpi ; Wakantanka ta-okodakiciye kin nina šicaya wakuwa, qa mdujuju.

14 Qa mitaoyate kin en tona om akinimaskokeca kin hena ota Juda wicoħan kin en kawicawape ca, mihunkakepi wohdakapi qon iyotan nina tewahinda.

15 Tuka Wakantanka ina tezi kin etanhan imacu, qa iye towaonsida kin on mico kin he,

16 Iye Cinhintku kin sdonye mayan iyokipi qehan, lkcewicašta wotanin wašte kin owicawakiyake kte cin heon, kohanna wicaceħpi, wicawe ko, kici wowahdake šni :

17 Qa Jerusalem ekta tona

WICOWOYAKE 2.

mitokapa tanhan yewicašipi qon hena ekta wicawai šni, tuka Arabia ekta imdamde ça, ake Damaskos ekta icicawin wahdi.

18 Hehan waniyetu yamni iyohakam Inyan kici wowahdake kta e Jerusalem ekta wai, qa anpetu ake zaptan kici manka.

19 Tuka yewicašipi kin tokeca tuwedan wanmdake šni, Jakob Itancan sunkaku kin hecedan.

20 Unkan wicoie wowapi en cicagapi kin de, iho, Wakantan-ka itokam itonšni mawanica.

21 He iyohakam Suria, qa Kilikia makoce kin en wahi.

22 Qa Juda makoce kin en okodakiciye kin Messiya en un kin, hena ekta ite kin sdonmayanpi šni waun.

23 Tuka, Tuwe šicaya unkuwapi qon he nakaha wowacinye ehanna yujuju qon he oyaka ce, hecedan nañonpi.

24 Unkan miye on Wakantan-ka yatanpi.

WICOWOYAKE 2.

1 He iyohakam waniyetu ake topa, hehan ake Titos yuha, Barnabas kici Jerusalem ekta itawankanhde mda.

2 Woyakapi on ekta mde ça, Ikcewicašta ekta wotanin wašte omdake ciqon he hena owicawakiyaka, qa tona okinihanpi kin hena išnašnana *owicawakiyaka*; ituya waimnanke šni, qa taku šni on waimnanke kte šni heon.

3 Tuka Titos mici un kin he Helenes heca keš bakiñdayapi kta keyapi šni.

4 Qa he nakun hunkawanjin-kiciyapi itonpišni kin heca, hena unkiye token Jesus Messiya on tawa unkiyapi kin he iwanya-

kapi kta e en hipi, wowidag unyanpi kte cin heon.

5 Tuka hena wihiyayedan oape wanjidan hehanyan wicihukuya unyakonpi šni, wotanin wašte wowicake kin nicipi un kte cin heon.

6 Unkan tona wicašta wicakinihanpi seca, qa takupi kašta he etanhan tokeca šni, Wakan-tanka wicašta itohnake kin iwan-yake šni, hena wicakinihanpi seca, tuka wicoie kin en takudan omakiyapi šni.

7 Tuka hececa ešta, tohan bakiñdayapi šni wotanin wašte kin he maqupi e wanyakapi qehan, bakiñdayapi wotanin wašte Inyan qupi qon he iyececa;

8 Tuwe bakiñdayapi kin on yewicašipi kin en Inyan okihiye cin hee Ikcewicašta ekta okihimayan;

9 Qa Jakob, Inyan qa Johannes kici, ipatanhdepi kin hecapi seca, wowaonsida maqupi kin he wanyakapi, hehan takodakiciyapi on Barnabas kici nape mayuzapi, unkiš Ikcewicašta ekta unyanpi kta, qa iyepi kin bakiñdayapi kin ekta yapi kta.

10 Tuka decedan, tona wahiñanicapi kin wicunkiksuyapi kta *keyapi*, unkan miš nakun hecamon tawañenwaya.

11 Unkan Inyan Antiyoka ekta hi qehan, kici taninyan awakinica, iye iyaonpepica nakaes.

12 Jakob etanhan wanjikji hipi šni kin he itokam Ikcewicašta kin om wota ece; tuka wanna en hipi, hehan tona bakiñdayapi qon hena kowicakipe ça, tokan iyaye ça ihdonica.

13 Qa he opeya Juda wicašta tokeca kin iyecen anañbeya econpi, hecen hena wohñaye kin on Barnabas nakun opeya yeyapi.

14 Tuka wotanın wašte wovicake kin eciyatanhan owotanna manipi śni, he wanmdaka hehan owasin wicitokam Inyan hewakiya; Juda wicašta henica, tuka Ikcewicašta kin iyecen yani kinhan, qa Juda wicašta kin iyeccece śni, tokeca e Ikcewicašta kin Juda wicoħan kin en ope wicayaši he.

15 Unkiye wicaceħpi eciyatanhan Juda wicašta kin heuncapi, qa Ikcewicašta waħtanipi sa heuncapi śni;

16 Wicašta kin woope wicoħan kin eciyatanhan yaowotanpi śni ece, tuka Jesus Messiya wacin-yanpi kin on, he sdonunyanpi kin heon unkiś eya Jesus Messiya wacinunyanpi, Messiya wicadapi kin on unyaowotanpi kta e heon, qa woope opapi kin on etanhan śni; woope wicoħan kin eciyatanhan wicaceħpi owasin tuwedan yaowotanpi kte śni.

17 Tuka Messiya on unyaowotanpi kta unkakitapi kin he icunhan, waħtanipi sa heuncapi hecinhan, heon Messiya woaħtani wowidake kin heca he. Hiya hecetu śni.

18 Taku mdujuju qon he ake piya wakage cinhan, wawaħtani e mihdutanin.

19 Wakantanka on wani kta e heon, woope eciyatanhan, woope kin ekta maťa ce.

20 Messiya kici icipaweli omakatani; tuka nahalin wani; qa he miye śni tuka miye mahen Messiya ni un kin hee; qa wicaceħpi kin en wani kin he Wakantanka Cinhintku wacinyanpi kin eciyatanhan wani, he iye cantemakiye ċamiye on iyeiċiċu.

21 Wakantanka towaonsida kin mdujuju śni; woope kin eciyatanhan wicoowotanna u kinhan, hehan Messiya ituya ċa.

WICOWOYAKE 3.

1 Galatia wicašta wacin tonpi śni kin, tuwe niyulnaškinyanpi, qa hecen wowicake kin anayagoptanpi kte śni he; niyepi kin en Jesus Messiya icipaweli okatanpi kin he ništapi kin itokam yuotaninpi.

2 Decedan omayakidakapi kta wacin, woope wicoħan kin on, qa wacinyan anagoptanpi kin, unma tukte eciyatanhan Woniya kin iyacupi he.

3 Tokaheya Woniya kin on ecanonpi, qa ehake wicaceħpi kin on nihduštani kta he, qa wacinyatonpi kte śni.

4 Kana owasin taku śni on iyotanhan iyeyakiyapi he; he taku śni on etanhan hecinhan.

5 Tuwe Woniya kin yuhe ni- ciyapi, qa niyepi en tankaya oħanye cin he woope wicoħan kin on, qa wacinyan anagoptanpi kin unma tukte eciyatanhan he.

6 Hecen Abraham Wakantanka wicada, unkan he woowotanna kiciyawapi qon.

7 Heon etanhan, tona wacin-yanpi kin en opapi kin hena Abraham cincawicaye cin eepi, he sdonya po.

8 Wacinyanpi kin on Wakan- tanka Ikcewicašta kin wicayao- wotanna kte cin, he Wowapi wakan otokaheya tanhan wan- yake ċa, hecen tokaheya Abra- ham wotanın wašte kin okiya- ka; -Niye en oyate kin owasin wicayawaštepi kta ce.

9 Hecen tona wacinyanpi kin hena Abraham wacinye ciqon kici wowaste yuhapi.

10 Tona woope wicoħan kin etanhanpi kin hena woyaco kin en unpi. Hecen wowapi en ka- gapi; Tona taku woope wowapi kin en kagapi kin owasin

opeya unpi śni, qa ecen econpi śni kin hena otoiyo hi wanna wicayacopi ce.

11 Unkan woope kin eciyatanhan tuwedan Wakantanka itokam yaowotanpi śni e sdonunyanpi: Tona owotanna un kin hena wacinyanpi eciyatanhan nipi kta ce.

12 Unkan woope kin he wacinyanpi kin eciyatanhan śni; tuka, Wicašta kin tuwe hena econkinhan, hena on ni kta ce.

13 Woope woyaco kin etanhan Messiya eunhdakupi, unkiyepi on iye woyaco ikicaga. Wowapi en hecen kagapi, Tona can en otkeyapi kin hena owasin yacopi ce.

14 Hecen Jesus Messiya eciyatanhan Abraham wowašte tawa kin he Ikcewicašta kin en awicau kta; hecen wacinyanpi kin on Woniya iwahounyanpi kin he unkiyepi kta.

15 Mihunkawanji, wicašta akantu iyecen iwaa. Wicašta akantu wicotakuye tawa kin hee kaeś, wanna hduştanpi kinhan, tuwedan hdujuju śni, qa taku en akage śni ece.

16 Abraham iye cinca kici wahoyapi; Cincapi kin eye śni, hehan ota kapi kta, tuka wanjidan, qa, Nicinksi kin, he Messiya kin ee.

17 Unkan miś kaken epe kta; Otokahe ekta wicotakuye Messiya en Wakantanka hduşuta kin he, iyohakam waniyetu opawinge topa sanpa wikcemna yamni hehan woope u kin he tokaheya kin yujuju, qa hecen wahoyapi qon ecetuşniye kta okitpani.

18 Taku tawapi kte cin he woope eciyatanhan un unkanś, wahoyapi kin eciyatanhan śni; tuka he Wakantanka Abraham iwahoya.

19 Hehan tokeca e woope kin yukan he. He woalitani on kagapi, cinca iwahoyapi qon u śni kin hehanyan, qa ohnihdewicayapi kin on yusutapi, iyotahedan un wan nape kin ohna.

20 Iyotahedan un kin he wanjidan eciyatanhan śni, tuka Wakantanka ege wanjidan.

21 Heon woope kin he Wakantanka taku iwahowicaye cin he kaşeya he. Hiya hecetu śni. Woope wiconi kaga okihi unkanś, awicakehan woope kin eciyatanhan wicoowotanna u kta tuka.

22 Tuka Wowapi Wakan kin he owasin woalitani ohdateya un wicayawa, qa hecen tona wicadapi kin hena, Jesus Messiya wacinyanpi wahoyapi qon he wicacupi kta.

23 Wowacinye kin hi śni itokam woope kin on unkaşkapi; qa wowacinye yuotaninpi kte cin en onauntakapi.

24 Hecen woope kin he waye-unkiyapi kin hee, Messiya en unkahipi kta, hecen wowacinye on unyaowotanpi kta e heon.

25 Tuka wowacinye kin wanna hiyohi, hecen wanna wayekiyapi kin ihukuya unyakonpi śni.

26 Jesus Messiya wacinyanpi kin eciyatanhan owasin Wakantanka cinca kin heuncapi.

27 Tona Messiya caje on baptem niçupi kin hena Messiya kodakapi.

28 He en Juda qa Helenes wicašta ko wanica; wowidake un tawaiçiya ko wanica; wica winyan ko wanica; tuka Jesus Messiya ekta owasin okonniwanjipidan.

29 Messiya tawa niyanpi hecinhan, Abraham cinca kin he nicapi, qa wahoyapi kin eciyatanhan tawayapi kte cin.

WICOWOYAKE 4.

1 Unkan kaken epa; Tawaye kte cin tohanyan hoksiyopa un kin hehanyan wowidake kin takudan ocitpani sni, taku owasin on itancan un esta.

2 Tuka tohan Atkuku ke cin hehanyan waonspekiye ca tipi awanyag wicakiyapi kin hena he yuhapi.

3 He iyecen unkiś eya hounkisiyopapi qehan, wicoicage wonspe tokaheya kin ihukuya unyakonpi.

4 Tuka wanna anpetu iyehantu qehan, Wakantanka iye Cinhintku kin u śi, winohinca wan etanhan icage ca woope kin ohdateya kagapi.

5 Hecen tona woope kin ihukuya un kin hena opewicakiton kta, atayedan cinhintkuyapi kin unhapi kte cin heon etanhan.

6 Unkan cinkśiniyanpi kin heon Wakantanka iye Cinhintku Taniya kin nicantepi kin en niu śipi, he, Abba, Ate, eya howaya ece.

7 Hecen wowidake kin henica sni, tuka cinhintku kin henica. Qa cinhintku hecinhan, Messiya eciyatanhan Wakantanka ekta tawaye kte cin heca.

8 Tuka Wakantanka sdoniyapi sni qehan, taku wakan sni kin hena wowidag niyanpi.

9 Unkan nakaha Wakantanka sdoniyayapi, qa is Wakantanka sdonniyanpi yaunpi kin, hecen token ake taku tokaheya hunkeśni qa takudan okihi sni un kin ekta nihdohdapi, qa hena ake wowidag niyanpi kta yacinpi he.

10 Anpetu qa wi kin, omaka waniyetu ko awacanipi.

11 Kocicipapi, taku sni on niyepi kin hitacicinipi epca, heon etanhan.

12 Mihunkawanji, ceciciyapi ce; Miś waun kin iyecen un po; niye yaunpi kin iyecen waun, taku śica takudan ecamiyeconpi sni.

13 Tokaheya ekta wicacehpi waśake sni on wotanin wašte kin ociciyakapi kin he sdoniyapi.

14 Qa micelhpi en taku iyutanmaye cin he śiceyadapi sni, qa paha iyeyayapi sni, tuka Wakantanka ohnihde ye cin iyecen, qa Jesus Messiya iyecen tin ye mayasiپی.

15 Hecen wowašte duhapi qon tukte e he. Kaken ciyaotaninpi, okihipica unkanś niistapi kin yahduśdokapi qa mayaqupi kta wicayadapi kta tuka.

16 Wowicake ociciyakapi kin heon toka mayayapi he.

17 Hena e tanyan canteniciyuzapi seca, tuka he taku wašte on etanhan sni, heyata iyeunyanpi kta cinpi, hecen niye tanyan cantewicayakiyuzapi kta.

18 Tuka ohinniyan taku wašte on tanyan canteyuzapi kin he wašte, qa niyepi ekta waun kin hecedan sni.

19 Micinca, niyepi kin en Messiya icahiyapi kte cin heon ake hokśiksuya waun.

20 Niyepi kin on, token wacin mduza tanin sni, heon nakaha ekta cicipi waun qa miho kin wahdatokeca kta wacin.

21 Tona woope ihukuya yaunpi yacinpi kin, woope kin nayaħonpi sni hecinhan omakiyaka po.

22 Wowapi en hecen kagapi; Abraham cinhintku nonpa, unma wowidake winohinca etanhan, qa unma is winohinca tawaiciye cin etanhan.

23 Tuka wowidake winohinca etanhan un kin he wicacehpi

WICOWOYAKE 5.

eciyanhan tonpi, qa tawaiçiye cin etanhan un kin wahoyapi kin on tonpi.

24 Hena e wiyacinpi wan ee; qa wicotakuye nonpa kin heepi. Unma Sina he kin etanhan u, he wowidag yapi kaga, Hagar hee.

25 Qa Hagar he Arabia eka Sina he kin hee, qa Jerusalem wanna he cin kici akidecen un, qa cinca kici wowidake un.

26 Tuka Jerusalem wankan tanhan u kin he tawaiçiya, he owasin ina unyanpi kin ee.

27 Hecen wowapi en kagapi; Cinca oyakitpani qa cinca ton şni yaun kin iyuşkin wo; tohin-ni hoksinyaksuye şni kin panpan qa dowan wo; tuwe isnana un kin he cinca ota, qa hihnaton kin he cinca tonana.

28 Mihunkawanji, Isaak iyecen wahoyapi cinca kin heuncapi.

29 Tuka he ehan tuwe wica-cehpi eciyanhan tonpi kin he Woniya eciyanhan un kin he şicaya kuwa qon, is eya dehan iyececa.

30 Tuka Wowapi wakan kin token eya he; Winohinca wowidake un kin cinca kici tankan iyeya wo; wowidake un cinca kin he tawaiçiya cinca kin kici akidecen tawaye kte şni.

31 Hecen mihunkawanji, wowidake un cinca kin ee şni, tuka tawaiçiya cinca kin unkiyepi.

WICOWOYAKE 5.

1 Hecen tawaiçiyapi kin on Messiya tawaiçiye unyanpi kin he en tinsadan un po, qa ake wowidake yapi wanapin kin on iyaihdaskapi şni po.

2 Wanyaka po, Palos he miye e kaken eciciyapi; Baniçihdayapi kinhan Messiya takudan on oniciyapi kte şni ce.

3 Wicaşta bakihdayapi kin otoiyo hi kaken ewakiya ece; Wooke kin ocowasin econ kta iyececa tuka ce.

4 Tona wooke kin on niyaowotanpidan keniciyapi kin wanna Messiya ehpeyayapi, qa wowasida etanhan nihinhpayapikin.

5 Unkiye Woniya kin eciyanhan wicowotanna woape kin wacinyanpi on unkapepi ece.

6 Jesus Messiya en bakihdayapi kin he takudan okihi şni, qa nakun bakihdayapi şni kin; tuka wacinyanpi wowaşte en ohanye cin he taku okihi ece.

7 Tanyan yainankapi; tuwe iyoncipi şni kin, hecen wowica-ke kin wicayadapi kte şni he.

8 Woawacin kin de tuwe nicopi kin eciyanhan u şni.

9 On napohiyapi cistinna kin he aguyapi ocowasin napohya.

10 Itancan kin eciyanhan wacinciyapi, takudan tokeca awacanipi kte şni; qa tuwe kaşta nagiyenyanpi kinhan he woyaco hduhe kta.

11 Mihunkawanji, miş miye bakihdayapi kin ieyanwapaha kinhan tokeca e şicaya makuwapi he; kinhan, can susbeca iwoşihda kin he enakiyapi tuka.

12 Tokin tona cante okiçunin niyanpi kin hena yuşpa iyewicayapin.

13 Mihunkawanji, tawaiçiyapi kin en nicopi, tuka tawaiçiyapi kin he wicacehpi iyokipi kta e wowinyunyanpi şni po; tuka wowaşte on otoiyo hi okiciyiya po.

14 Woahope kin ocowasin wicoie wanjidan en ecetu, he dee, Niş niye inihdacinyan wicaşta aiyog yaun kin canteyakiye kta ce.

15 Tuka yecidahtakapi qa tem-

yeciyapi kinhan, on wakta po, okinni hangyeciyapi kta naceca.

16 Miye kaken epe; Woniya kin on mani po, hecen wicacehpi on cantiheye cin yahduştanpi kte şni.

17 Wicacehpi kin he Woniya kin inakiwizi, qa Woniya kin iş wicacehpi kin inakiwizi, qa hena ozakiya anokatanhan kicizapi, hecen taku token yacinpi şni kin hena ecanonpi ece.

18 Tuka Woniya kin yus anıyanpi hecinhan, woepe kin ihukuya yaunpi şni.

19 Wicacehpi wicohan kin taninyan un; Wawicihahapi, wiinahmanpi, waaşapapi, wicaştapi şni;

20 Wakagapi kin ohodapi, wapiyapi, şice kicidapi, wakinicapi, wawihnupi, wacantahdepi, wicokicize, wawakipajinpi, yuomdecapi,

21 Winawizipi, tin wicaktepi, witkopi, qa witkoya wacipi, qa taku tona hecece cin hena ee; wanakaja ociciyakapi kin he iyecen nakaha eciciyapi, Tona taku hececa econpi kin hena Wakantanka tokiconze kin tawapi kte şni.

22 Tuka Woniya kin waskuyeca tawa kin he, wowaştedake, wowiyuşkin, wookiye, wacintankapi, wicowalıbayedan, wowaşte, wowacinye;

23 Wicotawacin waşte, qa iyatahde içiyapi şni hena ee; qa taku hecece cin woepe kin tuktedan iyamyia un şni.

24 Unkan tona Messiya tawa wicaye cin hena wicacehpi kin icipaweş okatanpi, qa wacinyuzapi cantiheyapi koya.

25 Woniya kin unkicinipi kinhan, Woniya kin unkopapi kta.

26 Otoiyohi şihdakiciyapi, qa winakiciwizipi, qa ecinşniyan

iwinkta içiyapi wanin unyakonpi nunwe.

WICOWOYAKE 6.

1 Mihunkawanji, wicašta wan ihnuhanna taku şica en iyohpaye cinhan, niye tona owotanna yaunpi kin woksape wowahbayedan yuha wicašta kin he akepiya opeya maniya po; qa awan-ihdaka wo, okinni taku wawiyutanyan un kin en niu nunce.

2 Otoiyohi waqinpi kin kicin po, hecen Messiya toope kin tanyan ecetu yayapi kta.

3 Tuwe taku şni un ešta, taku içida kinhan, he içihnayan.

4 Tuka otoiyohi iye ohan kin awakicin kta, hecen iye qe ecıyatanhan, qa token tanhan şni, iyuşkin kta.

5 Otoiyohi waqinpi tawa kin kiçin kta.

6 Tuwe wicoie kin ecıyatanhan onspekiyapi kinhan, he wonspekiye cin taku waşte kin owasin etanhan okinikiya nunwe.

7 Ihnuhan nihnayanpi kin; Wakantanka uncapı kte şni ce. Wicašta kin taku oju kinhan, he yukse kta ce.

8 Tuwe iye celıpi kin wokiciju kinhan, he wicacehpi kin etanhan wicotakuni şni mnaye kta; qa tuwe Woniya kin wokiciju kinhan, he Woniya kin ecıyatanhan wiconi owihanke wanica mnaye kta.

9 Taku waşte econ unkapinpi şni nunwe; hu unstakapi şni kinhan tohantu kte cin mnaunyanpi kta.

10 Heon tohanyan unkokihipi kinhan, wicašta owasin taku waşte ecawicunkiconpi kta, qa wacinyanpi tiyohnaka kin hena iyotan.

WICOWOYAKE 1.

11 Wowapi hinsko tanka miye minape on cicagapi e wanda-kapi.

12 Tona wicacehpi ekta wašte ihdutaninpi cinpi kin hena bani-çihdayapi kta cinniciyapi, Mes-siya can susbeca tawa kin on şicaya kuwapi kte şni kin heon heconpi.

13 Tona bakiñdayapi kin hena e qe nakun woope kin tanyan yuhapi şni, tuka baniçihdayapi kta cinpi, nicehipipi kin on iwin-ktapi kta heon.

14 Tuka takudan on imawin-
kta şni nunwe, Jesus Messiya
Itancan unkiyapi can susbeca
tawa kin hecedan on, he on mi-
ye ekta wicoicage kin icipaweñ

okatanpi, qa wicoicage kin ekta
icipaweñ omakatanpi.

15 Jesus Messiya en bakiñda-
yapi kin he takudan okihi şni,
qa bakiñdayapi şni kin he na-
kun, tuka wicašta teca kin.

16 Tona woope kin de eciya-
tanhan manipi, Israel Wakan-
tanka tawa wicaye cin hena ko,
wookiye, wowaonşida ko, wica-
kici unpi nunwe.

17 Detanhan tuwedan nagiye-
maye şni nunwe; Jesus Messiya
towapetogton kin mitancan kin
en yuha waun.

18 Mihunkawanji, Jesus Mes-
siya Itancan unkiyapi towaon-
şida kin ninagipi kin kici un
nunwe. Amen.

PALOS

EPHESOS OYATE KIN

WOWAPI WICAKICAGE CIN.

WICOWOYAKE 1.

1 Palos, Wakantanka tawacin
kin eciyatanhan, Jesus Messiya
yeşi qon hee, Ephesos ekta tona
owotanna un, qa Jesus Messiya
wacinyanpi kin hena *wowapi
cicagapi*:

2 Wowaonşida, wookiye ko,
Wakantanka Ateunyanpi kin
etanhan, qa Jesus Messiya Itan-
can unkiyapi kin etanhan niye-
pi en nicipi un nunwe.

3 Jesus Messiya Itancan un-
kiyapi Wakantanka tawa, qa
Atkuku kin yawaştepi nunwe;
he iye Messiya en taku mañpi-
ya tanhan un kin wowaşte wa-
kan ocaje owasin on unyuwa-
ştepi:

4 He en maka kagapi kin ito-
kam unkañnigapi qon iyececa,
unwakanpi kta qa iye itokam
wowaşte en iyaonpepica şni un-
yakonpi kte cin heon:

5 Qa iye en, Jesus Messiya eci-
yatanhan cinca unyanpi, iye ta-
wacin oiyokipi kin eciyatanhan:

6 Iye towaonşida wowitan ya-
tanpi kte cin on, he iye Waşte-
kidake cin en waşteundakapi:

7 He on wopekitonpi kin un-
hapi, iye we kin on, woahñani
kajujupi kin hee, iye towaonşida
tanka kin eciyatanhan:

8 He iye unkiciyuotapi, wico-
ksape owasin qa wookañnige ko
on:

9 Qa iye toiyokipi kin eciya-
tanhan, iye tawacin wowiyukcan

kin sdonyeunkiyapi, he iye en iciconze ciqon he iyecen :

10 Hecen tohan iyehantu kinhan, wokonze kin eciyatanhan taku owasin Messiya en witaya mnaye kta, taku mahpiya ekta un, qa taku maka akan un kin hena, iye en.

11 Qa tuwe iye tawacin wokonze kin eciyatanhan, taku owasin kage cin he otokaheya tanhan unkalinigapi kin, he iye en woahipeye kin unhapi.

12 Hecen unkiye tokaheya Messiya wacinunyanpi qon, iye towitan kin yatan unyakonpi kte cin heon.

13 He niś niyepi nakun, wowie cake oie kin nayahonpi qehan, wotanin wašte on ni niyanpi kte cin hee, he iye wacinyayapi, unkan Woniya wahoyapi kin he on wapetognitonpi :

14 He taku unhapi kte cin tokaheya wicaqu ece kin hee, taku opetonpi hdamnanpi kin *u kte* cin hehanyan, iye towitan yatanpi kte cin heon.

15 Hecen miś eya, Jesus Messiya wacinyayapi kin he, qa tona owotanna un kin owasin wašte wicayadakapi kin nawahon kin,

16 Ehantanhan niyepi on wopida eya amdaŝtan ŝni, qa woecekiye epa eca, ciksuyapi ece :

17 Jesus Messiya Itancan unkiyapi Wakantanka tawa, qa wowitan Ateyapi kin hee woksape wowiyukcan ko oniya kin niçupi kta, he iye sdonyayapi kta e heon :

18 Nitawacinpi iŝta kin iyoyam niyanpi kta, hecen nicopi wowaçinye kin he taku kin e sdonyayapi kta, qa tona owotanna un kin taku tawapi kte cin wowitan wijica kin he taku ;

19 Qa tona wicaundapi kin en

iye towaŝake tanka linca woptecaŝni kin he taku kin nakun, iye towaŝake waŝagya oħanye cin eciyatanhan.

20 He Messiya okiciħan, wiconțe etanhan najin kiye çehan, qa mahpiya ekta iye etapa kin en ekiħde :

21 Wokiconze owasin, qa wowaŝake, qa wookiħi, qa itancan-kiyapi, qa wicacaje caje yatapi kin owasin, wiconi kin de en hecedan ŝni, wiconi u kte cin he nakun, hena iwankam tehan wankantuya ekiħde :

22 Qa iye siha kin ihukuya taku owasin ekihnaka, qa taku hiyeye cin owasin iwankam okodakiciye kin en he pa kin kaga ;

23 He iye tancan kin hee, tuwe taku owasin on owasin ojuye cin woojudan kin hee.

WICOWOYAKE 2.

1 Unkan niś niyepi kin woahitan wicoħan ŝica ko en niçapi :

2 Hena ehna ehanna mayanipi, wicoicage kin de wiconi kin eciyatanhan, qa okotonyan wowaŝake kin itancan kin eciyatanhan, he taku wakan woakta ŝni cinca kin en oħanye cin hee.

3 Hena om, unkiyepi owasin ehanna unnipi, unceħpipi wacin yuze cin en, wicaceħpi wicotawacin ko wacinpi kin ecetu unyanpi, qa unmanpi kin iyecen wocantiyahde cinca kin heuncapi.

4 Tuka Wakantanka wowaonŝida kin on wijica kin he towaŝedake tanka kin on wašte undakapi kin heon ;

5 Unkiye wicoħan ŝica ehna unçapi qehan, Messiya kici niun-kiyapi : wowaonŝida on wiconi duhapi ece :

WICOWOYAKE 3.

6 Qa Jesus Messiya en witaya najin unkiyapi, qa mahpiya kin ekta kici kiyotang unkiyapi ;

7 Hecen wiconi u kte cin en, Jesus Messiya on cantounhnakapi kin on, towaonsida woyuha wopteca sni kin hduotanin kta.

8 Wowaconsida kin on yanipi, wacinyanpi kin eciyatanhan, qa he niyepi kin etanhan sni, Wakantanka taku nicupi kin hee.

9 Wicohan kin eciyatanhan sni, okinni tuwe ihdatan kta tuka.

10 Iye taku kage cin he unkiyepi, Jesus Messiya en wicohan waste aicali unyanpi, hena ohna maunnipi kte cin heon otokahya tanhan Wakantanka wiye-ya ehnaka.

11 Hecen ehanna wicacehpi ekta Ikcewicašta henicapi kin he kiksuya po, qa wicacehpi bahdayapi eyapi, nape on econpi kin he bakihdayapi sni eniciyapi qon :

12 He ehan Messiya yuhe sni yaunpi ; Israel wokiconze kin iyenicihantupi sni, qa wahoyapi wicotakuye kin sdonyayapi sni, wowacinye ninicapi, qa wicoicage kin en Wakantanka codan yaunpi.

13 Tuka nakaha Jesus Messiya en, nis niyepi ehanna itehanyan yaunpi qon, wanna Messiya we kin on kiyadan anihipi.

14 Unkan iye wookiye unkitawapi kin hee, iye qe napin yuwanjidan, qa cokahnagya ehnakapi qon he yujuju ;

15 Qa iye cehpi kin en, tokakiciyapi kin woahope woope kin econ wicašipi qon he yutakuni sni ; is iye en nonpa etanhan wicašta wanjidan teca icahye kta, hecen wookiye kage kte cin heon etanhan.

16 Qa tancan wanjidan on, can susbeca kin eciyatanhan, hena

napin Wakantanka kici okiciciye wicakiye qa, heon tokakiciyapi kin kte.

17 Qa tona tehan dukanpi qon kiyadan un kin hena ko wookiye oniciyakapi hi.

18 He eciyatanhan Woniya wanjidan on, napin Ateunyanpi kin ekta kiyedan ipi kin he unhapi.

19 Heon etanhan, detanhan togkicihdapi, qa oyate tokeca kin henicapi sni ; tuka tona owotanna unpi kin hena om yati, qa Wakantanka tiyohnaka tawa kin he niyepi :

20 Qa yewicašipi wicašta wockan ko taku ahehde tawapi kin akan tinicagapi, Jesus Messiya he oise en otancanke kin hee.

21 Iye ohna tipi kin ocowasin ayucoco ehnakapi, qa Itancan kin en tipi wakan icaga.

22 He ohna niyepi nakun ptaya tinicagapi, Woniya kin eciyatanhan, Wakantanka tipi ye kte cin heon.

WICOWOYAKE 3.

1 Heon Ikcewicašta kin niyepi on etanhan, Palos, Jesus Messiya on kaska hnakapi kin he miye.

2 Niyepi on Wakantanka towaonsida wicohtani maqupi kin he nayahonpi hecinhan ;

3 Token woyakapi kin on wowiukcan kin he sdonye makiya ; he wanna wicoie tonana on wakaga :

4 He dawapi kin ehantanhan Messiya tawowiukcan kin token indukcan kin sdonyayapi kta.

5 He wicoicage tokeca kin en wicašta cinca kin owicakiyakapi sni, tuka nakaha Woniya kin eciyatanhan, yewicašipi owotanna qa wicašta wokcan tawa-

wicaye cin hena owicakiyakapi kin iyecen :

6 Hecen Ikcewicašta kin nakun kici tawayapi kte ça, kici tancan wanjipidan kta, qa Messiya tawotanin wašte kin eciyatanhan wahoyapi qon he en opapi kta.

7 He on ookiye makagapi, Wakantanka towaonsida maqupi kin he eciyatanhan, iye towaśake ohanye cin on.

8 Miye tona owotanna un kin owasin en iyotan macistinna, tuka wowaonsida kin de maqupi, Ikcewicašta kin ekta Messiya tawoyuha okahnihipica šni kin he omdake kte cin hee.

9 Qa wowiyukcan kin otokahe wanin ehantanhan Wakantanka, taku owasin Jesus Messiya on kage cin, he en nahmanpi qon hee takodakiciyapi kin he owasin sdonye wicawakiye kta.

10 Hecen nakaha okodakiciye kin eciyatanhan, wokiconze wowaśake ko, mahpiya ekta un kin en, Wakantanka toksape wopteca šni kin atanin kta.

11 Wokonze otokahe wanin ehantanhan kage ciquon he eciyatanhan, Jesus Messiya Itancan unkiyapi kin en ;

12 Iye wacinunyanpi kin eciyatanhan, kokipešniyan ekta unkipi, qa waditagya unkiapi ece.

13 Heon etanhan niyepi kin on kakiš mayanpi kin heon canwannikapi kte šni wacin.

14 Qa heon Jesus Messiya Itancan unkiyapi he Atkuku kin en, anpetu iyohi canpeška makehde inawajin.

15 He eciyatanhan wicowazi mahpiya ekta un, qa maka akan un kin, ocowasin caštonpi.

16 Hecen iye towitan woyuha kin eciyatanhan taku ničupi kta, iye Taniya kin eciyatanhan, wo-

waśake on wicašta mahen tancan waśagnianpi kta.

17 Hecen wacinyanpi on nican-tepi kin mahen Messiya ounye kta ;

18 Hecen wowaśtedake on hutkan niyusutapi, qa sutaya hu nihdepi kta ; qa tona owotanna un kin owasin om, ohdakinyan qa ohanske cin, omahentuya qa obosdatu kin he taku kin iyukcan oyakihipi kta ;

19 Qa Messiya towašte okahnihipica šni kin he sdonyayapi kte, hecen Wakantanka toojudan kin ocowasin ojuniyanpi kte.

20 Tuwe nina waśagya econ okihi, unkiš unkidapi qa awauncinpi kin isanpa, wowaśake kin on onicihanyanpi kin he eciyatanhan ;

21 He iye okodakiciye kin en, Jesus Messiya on, ohinniyan owihanke wanin wowitan kicihan nunwe.

WICOWOYAKE 4.

1 Heon etanhan miš miye Itancan *caje* on makaškapi, ceciciyapi ce, Wicakicopi on nicopi kin he iyacinan mayanpi kte.

2 Wicotawacin wašte ocowasin qa wicowahbadan, wacin tankapi ko yuha, wowaśtedake en otoiyohi iyowinyeciciyapi kta :

3 Qa wookiye icaške kin on Woniya okonwanjidan kin he yahduhapi kta e aiciciya po.

4 Wicatancan wanjidan qa Woniya nakun wanjidan, nicopi kin en wowacinye wanjidan inicopi kin he iyececa ;

5 Itancan wanjidan, wowacinye wanjidan, baptem wanjidan,

6 Taku Wakan wanjidan, he owasin Ateyapi kin, owasin

iwankam un, qa owasin opta un, qa niyepi owasin en niunpi kin.

6 Tuka Messiya iyunwin codan wicaqu iyutapi kin eciyatanhan unkiyepi otoiyohe wowaonsida unqupi.

8 Heon kaken eya ; Wakantkiya kihde cehan, wayaka ahdapi qon he ocowasin ahde ça wicašta kin taku wicaqu ce.

9 Wankan kihde cin he taku he ; tokaheya maka mahentuya kin iyaye cin hee.

10 Tuwe kun hi qon he taku owasin ojuye kte cin heon, he mahipiya kin ako sanpa tehan wankantuya kihde cin.

11 Unkan apa yewicaşıpi kin heca wicaqu, qa wicašta wokean wanjikji, qa wotanin wašte oyakapi kte cin wanjikji, qa waa wanhdakapi waonspekiya ko wanjikji ;

12 Tona owotanna un kin hena wicayuecedan kta, wawokiyapi wicohan kin on, qa Messiya tancan icaliyapi kte cin heon.

13 Tohan owasin okonwanjidan wacinyanpi, qa Wakantanka Cinhintku sdonyapi kin ekta, qa wicašta tanka Messiya toojudan kin iyehankeca iyutapi kin ekta iyounhipi kte cin hehanyan.

14 Hecen detanhan hoksıyoqopa aptanptan iyeyapi, qa wonspe tate owasin on kaha iye-yapi kin heuncecapi kte şni, wicašta oşkişkeya oňanyanpi, qa wohnaye on wicahnayanpi wicohan kin eciyatanhan ;

15 Tuka wowaştédake en iewicaunkapi kta, hecen tuwe wicapa kin ee, Messiya hee en taku owasin on unkicagapi kta.

16 Iye eciyatanhan tancan kin ocowasin wayupiya iciyakaşkapi, qa okihe kin owasin wawokiyapi on icicazontapi, huha kin

otoiyohi iyacınyan icage cin he iyecen tancan kin icaliyapi, wowaştédake en icage kte cin heon.

17 Heon kaken epe ça Itancan kin on mdaotanin ; Ikcewicašta tokeca wicotawacin witkotkopi kin en manipi kin he iyecen mayanipi kte şni.

18 Hena wicotawacin aotpas-yapi, qa Wakantanka wiconi tawa kin itehanyan unpi, wosdonye şni iye tanmahen un kin eciyatanhan, wicocante tehika yuhapi kin heon ;

19 Hena iyasaka icalı ayapi, qa wicaştapi şni kin en iyohpeiciyapi, taku aşapapi kin owasin wohitiya econpi kte cin heon.

20 Tuka niyepi e qe hecen Messiya kin onspeniciyapi şni :

21 He nayañonpi, qa he onspeniciyapi hecinhan, Jesus en wowicake kin iyececa.

22 Wicohan tokaheya kin en, wicašta tannike cin, wohnaye wocantiheye kin on hwin kin hee yahduşdokapi kta ;

23 Qa nitawacinpi woksape kin en niyutecapi kta ;

24 Qa wicašta teca woowotan-na, qa wowicake wakan kin en, Wakantanka eciyatanhan icaliyapi kin he kodakapi kta.

25 Heon etanhan, itonpi şni kin ayaştanpi, qa otoiyohe wicašta tokeca kici wowicake ece ohdaka po ; otoiyohe huha yeciciyapi kin heon.

26 Şinyahdapi ešta, wahtanipi şni po. Canniniyanpi ecen wi iyaye şni nunwe.

27 Qa Wakanşica kiyukanpi şni po.

28 Tuwe wamanon kin he ake manon kte şni, tuka htani kta, nape on taku wašte econ kta, hecen wahpanica kin he taku wicaqu kte cin yuhe kta.

29 Wicoie síce cin owasin takudan niipi kin etanhan binanpe sñi nunwe, tuka taku wašte, on icalı yapi kta, tona nahonpi kinhan wowaonsida wicaqu kte cin he ecedan.

30 Qa Wakantanka Taniya Wakan kin iyokisinyapi sñi po; he on wopekitionpi anpetu kin aiyahdeya askam niyanpi.

31 Wicokige owasin, qa wocantiyahde, qa wošihda, qa iwašicunpi, qa waaiapi canniyekiciyapi ko owasin ehpeyayapi nunwe.

32 Qa otoiyo hi okiciciyapi, qa cantekiciyapi, qa otoiyo hi kici-cajuju po, Wakantanka Messiya on nicicajujupi kin he iyecen.

WICOWOYAKE 5.

1 Heon hoksıyopa cantekiya-pi kin iyecen Wakantanka opa po.

2 Qa wacantkiyapi kin en mani po; Messiya canteunkiyapi, qa unkiyepi on Wakantanka en içi-çu, qa waihdusna, woomna iyo-ki pi kin he iyececa.

3 Tuka wiinahmanpi, qa waaša-papi, qa waicucupikte cin, niyepi ekta caje yatapi sñi nunwe, tuka tona owotanna un taku iyo-ki pi wicaye cin hena.

4 Qa wawıştenyapi, qa wicoie ecinšniyan kin, qa iapi šica hena hecetu sñi; tuka wopida eyapi kin he wašte.

5 He de sdonyayapi, tuwe wawicihalıapi econ, qa tuwe wa-ašape cin, qa tuwe waicucukte cin, he wakagapi cekiya ece, hena wanjidan ešta Messiya qa Wakantanka kici tokiconze kin en takudan tawapi kte sñi.

6 Iapi ecinšniyan on ihnuhan tuwe nibnayampi kin; wicohan kin hena on Wakantanka tocan-

niye kin woakta sñi cincapi kin en awicau kta.

7 Heon etanhan hena en ope-ya unpi sñi po.

8 Ehanna otpaze cin henicapi, tuka wanna ltancan kin en iyo-yanpa kin *henicapi*; iyoyanpa cinca kin iyecen mani po:

9 Woniya tawaskuyeca kin he wowašte owasin, qa wicoowo-tanna, qa wowicake kin en-un:

10 Qa ltancan kin taku iyoki-piye kte cin he akita po.

11 Qa otpaza wicohan, on taku wašte icage sñi kin hena en oki-cipapi sñi po, tuka hena iyo-pe-ya po.

12 Hena taku nahmana econpi kin caje yatapi kin he wowıştece.

13 Tuka taku tona iyopeyapi kin hena owasin iyoyanpa kin yuotanin; qa taku owasin yuo-tanin kin he iyoyanpa kin ee.

14 Heon etanhan kaken eya; Tuwe iştinbe cin kıkta, qa wi-conte etanhan najin wo, Messiya iyoyamniye kta ce.

15 Hecen on wakta po, iton-peya mayanipi kta, witkotkoke cin iyecece sñi, tuka wicašta wacin ksape cin iyececa.

16 Qa omaka kin tanyan hdu-ha po, anpetu kin síce cin heon etanhan.

17 Heon etanhan wacin ksapa po, qa ltancan token tawacin kin sdonya po.

18 Qa miniša on witkopi sñi po, he on iyatahdepi ece; tuka Woniya kin on ojudan un po.

19 Qa Psalm, qa odowan, qa wakan dowanpi kin on waho-konkiciciya po; ahiyayapi qa ni-cantepi kin ekta ltancan kin idowan po.

20 Qa ohinniyan, taku owasin on, Wakantanka Ateyapi kin wopida eciya po, Jesus Messiya ltancan unkiyapi caje kin on:

21 Qa Wakantanka kokipeyahan otoiyo hi token ihukun iyeiçiya po.

22 Winohinca, nihihnapi kin wicihukun iyeiçiya po; Itancan kin en iyececa.

23 Wicašta kin he iye tawicu pa kin hee, Messiya okodakiciye pa kin hee he iyececa; qa he iye wicatan can kin wanikiye cin hee.

24 Heon okodakiciye kin Messiya ihukuya yanke cin he iyecen winohinca kin iye hihnakupi kin taku owasin on ihukun unpi kta.

25 Wicašta, winohinca nitawipi kin cantewicakiya po, Messiya okodakiciye kin wašte kidake ça, on iye içiçu kin he iyecen;

26 Hecen iye oie kin eciyatanhan, mini on hducedan, qa hduška kta;

27 Qa hecen iye ekta ehdaku kta, wowitan okodakiciye kin heca, woasape qa yuški pi, qa taku hececa wanica; hecen wakan, qa waasape šni un kta.

28 He iyecen, wicašta kin iye tancanpi kin iyecen tawicupi kin wašte wicakidakapi kta; tuwe tawicu kin wašte kidake cinhan he wašte içidaka.

29 Qa tohin ni tuwedan iye cełpi kin šice kidake šni, tuka icałkiye ça, tanyan hduha, Messiya okodakiciye hduhe cin iyececa.

30 He tancan, qa cełpi, qa huhu kin en, huha kin he unkiyepi.

31 Heon etanhan wicašta kin, atkuku, hunku ko ehpewicakiye ça, tawicu kin en iyaihdaske kta, qa heniyos wicacełpi wanjidan kta.

32 He wowiyukcan wan tanka, tuka Messiya qa okodakiciye kin hena wicawaka.

33 Heon niš niyepi otoiyo hi niye inihdacin nitawin wašte yakidake kta, qa winohinca kin is iye hihnaku kin kinihan kte.

WICOWOYAKE 6.

1 Hoksiyoqopa, nihunkakepi kin anawicakigoptan po, Itancan kin en, he owotanna.

2 Niyate nihun kici wicahduonihan wo; woahope on taku wahoyapi tokaheya kin hee;

3 Hecen tanyan yaun, qa maka akan tehan yani kta.

4 Qa ateniyanpi kin, nicincapi kin wacinko wicakiyapi šni po, tuka Itancan waicałye ça wonspe tawa kin en icałhwicakiya po.

5 Qa wowidake yaunpi kin, tona wicacełpi ekta niyuhapi kin wokokipeya cancaniçiya anawicakigoptan po, Messiya kin iyececa, nicante pi okonwanjidan on.

6 Wanniyakapi ecedan šni, wicašta iyokipi wicayapi kin iyececa; tuka Messiya taokiye kin iyececa, nagi kin eciyatanhan, Wakantanka tawacin kin ecen ecanonpi kta.

7 Iyokipiya wawokiya po, Itancan kin ekta hecetu, qa wicašta kin en iyecece šni.

8 Qa tuwe taku wašte econkinhan, he on Itancan kin eciyatanhan wayuhe kta, wowidake un, qa is tawałciya un kin, unma tukte kašta, he sdonyayapi.

9 Qa tona itancan yaunpi kin, niš eya he iyecen ecawicayeconpi kta, qa wakokipe wicayecagapi kte šni. Małpiya kin ekta is iyepi qa niš niyepi nakun Itancan yakiyapi kin yanke ça, he ekta wicašta itohnake yuonihanpi wanica, he sdonyayapi.

10 Unkan ehake mihunkawanji,

PHILIPPI.

Itancan kin en waśagya un po, iye towaśake wicookihi kin on.

11 Wakantanka tawipe kin ocowasin un po. hecen Wakan-sica wobnaye oħanye cin itko-kim inajin oyakihipi kta.

12 Wicawe, qa wicaceħpi kin kici unkicizapi ŗni, tuka woki-conze, qa wicowaśake, qa wiconi kin de en otpaza itancanpi kin. qa taku wakan ŗicapi wan-kantuya yukanpi kin hena om.

13 Heon etanhan Wakantanka tawipe kin ocowasin icu po. hecen anpetu ŗice cin en najin oya-kihipi kta. qa taku owasin hdu-ŗtan nayajinpi kta.

14 Heon wowicake ipiyag ki-tonpi ecen najin po, qa wico-owotanna maza maku akaħpe kin koyaka po.

15 Qa nishapi kin en wookiye wotanin wašte ohduŗtan kin okihan po.

16 Qa owasin akapa tanhan wowacinye wahacanka kin icu po, he on wicašta ŗica tunwan-hinkpe ide kin owasin yusni oya-kihipi kta.

17 Qa wiconi maza wapaha kin he icu po. qa nakun Woniya tamazasagye kin, Wakantanka oie kin hee :

18 Wocekiye qa wokidapi owa-

sin on Woniya kin en. ohinnivan tona owotanna un kin on cekiya po, qa heon woape owasin wokidapi ko yuha kiktahan un po :

19 Qa nakun miye on. iapi owa-kibi kte cin heon. hecen wadi-tagya i wahdukawa. qa wotanin wašte wowiyukan kin omdake kta.

20 Heon wahoŗiya un wan ka-ŗka hnakapi kin hemaca. hecen on token iwae kte cin he iyecen wadi-tagya iwae kta.

21 Tuka taku mitawa kin, token waun kin he nakun, sdon-yayapi kta e heon Tucikos hun-kawanjin kiciyapi wan wašte dakapi. qa Itancan kin en ooki-ye owotanna kin he taku kin owasin oniciyakapi kta :

22 Heon etanhan niyepi ekta ye waŗi. unkiyepi ekta taku kin sdonyayapi kta, qa he nicante-pi kin wacintonhnag niyanpi kte cin heon.

23 Hunkawanjin kiciyapi kin en wookiye un nunwe. qa wo-wašte, wowacinye ko, Wakan-tanka Ateyapi. qa Jesus Mes-siya Itancan kin eciyatanhan.

24 Tona awicakehan Jesus Messiya Itancan unkiyapi wašte dakapi kin hena owasin en. wo-waonsida wicakici un nunwe. Amen.

PALOS

PHILIPPI OYATE

WOWAPI WICAKICAGE CIN.

WICOWOYAKE 1.

1 Palos qa Timotheos, Jesus Messiya taokiyewicaye cin. to-na Philippi ekta Jesus Messiya

en owotanna un kin hena. qa waawanhake cin hena ookiye unpi ko, wocapi unnicagapi :

2 Wakantanka Ateunyanpi. qa Jesus Messiya Itancan unki-

yapi kin etanhan, wowaonsida, wookiye ko niyepi kin en nicipi un nunwe.

3 Ciksuyapi eca, Wakantanka mitawa wopida ewakiya ece.

4 Ohinniyan mitawocekiye o-toiyohi en, niyepi owasin on iyuskinyan cewakiya ece :

5 Anpetu tokaheya kin ehantanhan, qa dehanyan, wotanin wašte kin en kodayeciyapi kin heon.

6 Unkan he sdonwaya ; tuwe tokaheya ohan wašte nicicagapi kin he niciyuştanpi kta, Jesus Messiya anpetu tawa kin ehanyan.

7 Hecen niyepi owasin wacin en ciyuzapi kte cin he hecetu, cante en mayaduzapi kin heon ; makaškapi kin, qa wotanin wašte omdake ça mdasuta kin he en, qa nakun wowašte mitawa kin en niyepi owasin oyapapi ece.

8 Wakantanka sdonmayan, Jesus Messiya cante kin on owasin cantocikpanipi.

9 Qa he de icewakiya, wašte yadakapi kin he wosdonye wi-yukcanpi ko owasin en, sanpa qa sanpa tankaya aye kta :

10 Kinhan, taku wašte kin hena idukcanpi kta, hecen okonwanjidan hicahe şni yaunpi kta, Messiya anpetu tawa kin en ;

11 Qa wicowotanna waskuyeca kin on ojudan yaunpi nunwe, hena Jesus Messiya on Wakantanka woyatan qa wowitan tawa kin ee.

12 Mihunkawanji, taku token ecamiconpi kin he on wotanin wašte kin sanpa otanin aye cin he sdonyayapi kta wacin.

13 Hecen wicaştayatapi tahocoka kin ekta, qa owancaya Messiya on makaškapi kin he otanin.

14 Qa Itancan kin en, hunkawanjin kiciyapi kin ota, miye makaškapi kin on, sanpa nina waditakapi, qa kokipeşniyan wicoie kin taninyan oyakapi ece.

15 Hunh waakinicapi qa winawizipi kin on, qa hunh iş waşedakapi kin on Messiya oyakapi ece.

16 Hena e waakinicapi kin on, wowicake eciyatanhan şni Messiya kin oyakapi, qa makaškapi kin en wokakije kokijuya aupi kta ketinpi ;

17 Qa unmapi kin iş waştekidapi kin on etanhan, wotanin wašte mdsuta kta e on emahdepi kin sdonyapi.

18 Ecin to ; toketu kašta, wohnaye on etanhan, qa iş awicakehan, unma tukte kakeş, oyakapi kin he on imduşkin, qa ees nakun imduşkin kta.

19 Nitawocekiyepi, qa Jesus Messiya Taniya wawokiye cin on, he wiconi emicicetu kta sdonwaya.

20 Qa nina awacanmi qa ape manka, hecen takudan on imaştece kte şni, tuka ohinniyan waditagya waun kin he iyecen nakaha mitancan kin on Messiya yuonihanpi kte, wani qa maşte kte cin unma tukte kašta on etanhan.

21 Wani kin he Messiya ee, qa maşte cinhan sanpa tanyan waun kta.

22 Wicacehpi kin en opeya wani kinhan, miohan waskuyeca kin hee, tuka unma tukte wacin nun tanin şni.

23 Taku nom aotins mayanpi ; ekta mde ça Messiya kici waun kte hinca, he iyotan wašte.

24 Tuka wicacehpi kin en opeya waun kin he niyepi on wawoki-yapi kin hee.

25 Hecen wahdukan, qa heon

wani, qa niyepi owasin om wa-un kta sdonwakiya, sanpa inicagapi qa wacinyan iduškinpi kte cin heon.

26 Qa hecen akeš ekta ciupi kinhan miye on, Jesus Messiya en sanpa nina iduškinpi kta.

27 Tuka Messiya tawootanin wašte kin eciyatanhan yanipi nunwe; hecen wanciyakapi wau kinhan, qa is wau šni, unma tukte kašta, niohanpi kin nawahon kta, wicotawacin wanjidan en sutaya yaunpi, qa wicanagi wanjidan yuha wotanin wašte kin wacinyan oyecipapi kin.

28 Qa tona toka niyanpi kin hena on, ihnuhan taku ininihanpi kin: hee hena en wicotakuni šni au kta yuotanin, tuğa heon niyepi kin en wiconi Wakantanka etanhan au kta otanin.

29 Messiya he ayuco niçupi, iye wacinyayapi kte ça, nakun iye on kakišniyanpi kte cin.

30 Qa makakije cin wanmayadakapi qon, qa nakaha en mau nayahonpi kin, he iyecen wokakije duhapi kta.

WICOWOYAKE 2.

1 Heon Messiya on iwicakiyapi yuke cinhan, qa wowaštedake en imagagaiciyapi, qa Woniya kin en kodakiciyapi yuke cinhan, qa wacantkiyapi wowaonšida ko yuke cinhan,

2 Mitowiyuškin kin miciyušan po, akiyecen awacannipi, qa wowašte okonwanjidan duhapi, qa wicotawacin wanjidan yaunpi kta.

3 Waakinicapi qa ihdatanpi kin on takudan ecanonpi kte šni, tuka wahbayedan yaunpi, qa otoiyohi niye isanpa tokan wašte yecidakapi kta.

4 Otoiyohi wicitawa kin ece-

dan ekta etonwanpi šni po, tuka nakun otoiyohi tokan tawa kin ekta.

5 Jesus Messiya token tawacin qon he iyecen wacin duzapi kta.

6 He Wakantanka ouncage kin en un, qa Wakantanka kici akidecen yanka keičiye cin he wawicakipi šni kecin.

7 Tuka ihdušdoke ça wowida-ke un kin ouncage kin icu, qa wicašta kin iyecen ihduš icaga;

8 Qa wicašta ouncage kin en un qehan, ihduhukuya qa wiconțe ekta aiyahdeya wanahon yanka, can susbeca en țe cin he ehan.

9 Heon etanhan Wakantanka he tehan wankantuya hduwan-kan icu, qa caje wan wicacaje owasin isanpa wašte kin he qu;

10 Hecen Jesus caje kin on, hupahu kin owasin canpeška makehde enajin kta, małpiya ekta un, qa maka akan un, qa maka kin ihukuya un kin hena-kiya.

11 Qa Wakantanka Ateyapi kin yatanpi kte cin on, Jesus Messiya he Itancan kin ee ce; wicaceji owasin eya oyakapi kta.

12 Heon wašte ciciđapi kin, ohinniyan nayahonpi kin he iyecen, en cicipi waun kin hecedan šni, tuka nakaha en waun šni ešta, sanpa wokokipeya cancaniçiya yanipi kte cin hdušan po.

13 Tuwe cinniciyapi, qa econniciyapi kin he Wakantanka ee, iye toiyokipi kin eciyatanhan niyepi kin en oħanyan.

14 Wihnupi qa waakinicapi wanin taku owasin econ po.

15 Hecen iyaonpepica šni, qa owotanna, wicoicage wan pemni, qa yuksankšanyan un kin ehna Wakantanka cinca ecedan

yaunpi kta; hena en maka peti-
janjan iyecen iyoyanpa yaun-
pi;

16 Qa wiconi wicoie kin pazo
yaunpi: Hecen Messiya anpetu
tawa kin en taku on imawinkta
kin he dee, taku šni on waimnan-
ke šni, qa taku šni on hitawani
šni kin hee.

17 Unkan wacinyayapi wošna-
pi wawokiyapi kin en, amihda-
pson ešta nakun imduškin, qa
niyepi owasin om imduškin kta.

18 Heon niš niyepi nakun idu-
škinpi qa miyeci iniwinktapi
ece.

19 Tuka niyepi kin ekta Ti-
motheos kohanna yewaši kta
wacanmi, Jesus Messiya Itan-
can kin on, hecen tohan token
yaunpi kin sdonwaye cinhan,
hehan miš nakun iyokipi waun
kta.

20 Tuwe iyecen wacin yuze
ča iye cinka taku nitawapi kin
ihakta kte cin mduhe šni.

21 Owasin wicitawa kin aki-
tapi, qa taku Jesus Messiya ta-
wa kin akitapi šni.

22 Tuka he iyutapi kin sdon-
yayapi, hokšidan wan atkuku ki-
ci un kin he iyecen wotanin wa-
šte kin en micica.

23 Iye kohanna ye waši kta,
tohan token waun kte cin sdon-
wakiya.

24 Qa miš eya ecanan wau kta
e Itancan kin wacinwaya.

25 Tuka Epaphroditos misun-
ka qa mitawaši, qa kici akicita
waun, tuwe u yašipi, qa tuwe
taku imakakije cin omakiye cin,
he niyepi ekta hde waši kta iye-
ceca epca.

26 He niyepi owasin cantoni-
kpanipi, qa iyokišica un, waya-
zanke cin nayakihonpi kin he-
on.

27 He qeš wayazanke ča wan-

na te kta ikiyedana, tuka Wakan-
tanka onšikida, qa he isnana šni,
tuka miye nakun, hecen woiyo-
kišice icitakihna mduhe kte šni
e heon.

28 Qa heon itonpeyahan hde
waši, ake wandakapi kinhan
iduškinpi kta, qa miš aopten
iyokišica amaye kta.

29 He Itancan kin on etanhan
wopida owasin yuha tin u ši po,
qa tona hececapi kin wicayuo-
nihan po.

30 He Messiya wicohtani tawa
kin on wanna aškanan te kta
tuka, wiconi tawa kin itonkipe
šni, miye en wawokiyapi aokpa-
niyan ecanonpi kin he niciyu-
štanpi kte cin heon etanhan.

WICOWOYAKE 3.

1 Ehake mihunkawanji, Itan-
can kin en iyuškin po. Taku kin
dena on wowapi cicagapi kin he
miye tehike wadake šni, qa ni-
yepi kin on wašte.

2 Šunka kin on waktaya un po;
tona šicaya econpi kin on wakta
po; wayušpapi kin on waktaya
un po.

3 Tona bakihtayapi, qa wico-
cante on Wakantanka ohodapi,
qa Jesus Messiya en iwinktapi,
qa wicacehpi wacinyanpi šni kin
heuncapi.

4 Miš nakun, taku on wicace-
hpi kin wacinwaye kte cin mdu-
ha tuka. Tuwe wicacehpi wa-
cinyan okihi kecin kinhan he
isanpa owakihi.

5 Anpetu išahdogan hehan ba-
makihtayapi, Israel oyate qa
Benjamin tawicoun kin hema-
tanhan, Hebrew etanhan He-
brew kin, qa woope kin eciya-
tanhan Pharisee kin hemaca.

6 Ohodapi kin eciyatanhan
okodakiciye kin šicaya wakuwa,

qa woose woowotanna kin he eciyatanhan takudan iyaonpepica *śni waun*.

7 Tuka taku tona mihdamna qon hena Messiya on taku^śni wadake :

8 Han, awicakehan taku owasin taku *śni wadake*, Jesus Messiya Itancan mitawa kin wosdonye oiyokipi kin on, iye on taku owasin toki ehpewaya, qa hena tacesdi ece mdawa, Messiya iyo-wahi kte cin heon ;

9 Qa he en waun kta, mitoo-wotanna wicoope kin eciyatanhan un kin he wahduhe *śni*, tuka taku Messiya wacinyanpi eciyatanhan un kin, Wakantanka too-wotanna wacinyanpi kin on ica-ge cin hee wacin.

10 Hecen he iye sdonwaye kta, qa piya ikicage cin wowaśake kin, qa iye kakije cin okicipapi kin hena ko, iye *te* cin ounce kin en imacage kta :

11 Hecinhan, wicon^{te} etanhan woekicetu kin en iyowahi kte hinca.

12 Wanna dehan iyowahi, qa wanna mayuśtanpi kin ee *śni* ; tuka kuwa amde, okinni taku on Jesus Messiya mayuze cin hee mduze kta.

13 Mihunkawanji, nahanhin mduze mihdawa *śni* ;

14 Tuka taku wanji ecamon, taku hekta un kin hena akiktonś waun, qa taku tokata un kin hena ekta nape yewakiya ece ; hecen oinajinta awaimnanka, Jesus Messiya on Wakantanka wankantuya wicakico kin en oqipe kin yewakiye kte cin heon etanhan.

15 Heon tona unyuśtanpi kin hecen awauncinpi kta, qa taku on togye wacin duzapi hecinhan, he nakun Wakantanka oniciyakapi kta.

16 Tuka tohan iyounhipi kin he en woose wanjidan eciyatanhan maunnipi, qa okonwanjidan awauncinpi kte.

17 Hunkawanjin eciyapi kin, omicipa po, qa tona hecen manipi kin hena iwanwicayaka po, waonspekiya unyaduhapi kin he iyececa.

18 Wanna ota ociciyakapi, qa nakaha ake ceya omdake, wicaśta ota Messiya can susbeca tawa kin tokaye cin iyecen manipi ece.

19 Hena owihanke kin he wicotakuniśni ; iye tezipi kin Wakantanka yapi, wowiśtece kin en iwinktapi, qa taku makata un kin awacinpi ece.

20 Tuka okodakiciye unkita-wapi kin he ma^hpiya kin ekta un, qa hetanhan Wanikiya Jesus Messiya Itancan kin *hi kta* un-kapepi.

21 Iye untancanpi han^{ye} cin he yutokeca kta ; qa iye tancan wakan kin ounce kin en icali-ye kta, towaśake on taku owasin ohiye kta okihi kin heon etanhan.

WICOWOYAKE 4.

1 Heon etanhan mihunkawanji waśte cici^dapi, qa cantocikpanipi kin, wowiyuśkin mitawa qa wateśdake mitawa kin, Itancan kin en sutaya najin po, waśte cici^dapi.

2 Yuodiyas cewakiye *ça*, Sun-tuce cewakiya, Itancan kin en okonwanjidan awacinpi kta.

3 Qa mitawaśi wicake cin ceciciya ce, winohinca tona wotanin waśte kin en mici ohanye cin hena owicakiya wo, qa Klement, qa mitawaśi unmapi, caje^pi kin wiconi wowapi kin en un kin hena koya.

4 Ohinniyan Itancan kin en

iyuſkin po; qa ake, Iyuſkin po, epe.

5 Niwahbapidan kin he wicaſta owasin sdonyapi kta. Itancan kin kiyadan un.

6 Takudan iyokiſinya awacinpi ſni po, tuka taku yacinpi kin owasin on, wocekiye, wokidapi qa wopida eyapi ko on Wakan-tanka oyakidakapi kta.

7 Qa Wakantanka tawookiye okalinihpica ſni kin he nicante-pi qa nitawacinpi kin Jesus Meſſiya en niyuhapi kte.

8 Unkan ehake mihunkawanji, taku wicakapi kin, taku yuonihanpi kin, taku owotanna kin, taku wakan kin, taku waſte dapica kin, taku waſte eyapi kin, wowaſte qa wowitan yuke cinhan, hena awacin po.

9 Taku tona onniſepi, qa iya-cupi, qa nayaſonpi, qa miye en wandakapi kin hena econ po, qa Wookiye Wakantanka kin niyepi kin en nicipi un nunwe.

10 Itancan kin en nina imduſkin, nakaha unhanketa awamayacinpi kin he piya ſica aya he-on. He de en ihamayaktapi, tuka token on ecamieconpi nun-tanin ſni.

11 Taku imakakije cin he wake ſni; taku en miche cin hena on iyokipiya waun kta e onspemiſiciya.

12 Token wahpaniya waun kte cin he sdonwakiya, qa token wijinya waun kte cin he nakun sdonwakiya; ohinniyan qa taku owasin on, wimapi, qa wotekte-wahda kta, wimajica qa mawa-hpanica kte cin onspemakiyapi.

13 Meſſiya waſagmaye cin he

eciyatanhan taku owasin owa-kihi.

14 Tuka makakije cin en omayakiyapi kin he tanyan ecanon-pi.

15 Philippi wicaſta, he de sdonya po, wotanin waſte otokahe ekta, Makedonia etanhan imdamde cehan, waqupi qa icupi kin icalitagya okodakiciye kin niye niſnana omayakiyapi.

16 Theſſalonike ekta waun qon he icunhan, taku imakakije cin on wancadan qa nonpa taku mayakaipi.

17 Taku maqupi kta wacin kin hee ſni, tuka waſkuyeca niyepi on sanpa niciyuotapi kte cin he wacin.

18 Tuka owasin mduhe ca wijica waun; niyepi etanhan taku Epaphroditos maqu kin hena iwacu, taku waſtemna woſna waſte, qa Wakantanka iyokipi kin heca he iwamaſeca.

19 Taku inicakijapi kin owasin Wakantanka mitawa niſupi kta, iye woyuha wowitan kin en un kin hetanhan, Jesus Meſſiya eciyatanhan.

20 Wakantanka Ate unyanpi kin wowitan owihanke wanin kicihan nunwe. Amen.

21 Tona Meſſiya en owotanna un kin hena nape wicayuza po. Hunkawanjin kiciyapi om waun kin hena nape niyuzapi.

22 Tona owotanna un kin hena owasin nape niyuzapi, Kesar tiyohnaka kin hena iyotan.

23 Jesus Meſſiya Itancan unkiyapi towaonſida kin niyepi owasin en nicipi un nunwe. Amen.

K O L O S S E O Y A T E

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hunkawanjin unyanpi kin kici,

2 Kolosse ekta tona owotanna un, qa hunkawanjin kiciyapi Messiya wacinyanpi kin hena, *wowapi cicagapi*. Wowaonsida wookiye ko, Wakantanka Ate unyanpi, qa Jesus Messiya Itancan kin etanhan, niyepi kin en nicipi un nunwe.

3 Ohinnian woekiye unkeniciyapi, qa on Wakantanka Jesus Messiya Itancan unkiyapi Atku-ku kin wopida unkekiciyapi.

4 Jesus Messiya wacinyayapi, qa tona owotanna un kin owasin wašte wicayadakapi kin he na-unhonpi;

5 Woape mahpiya kin ekta enicihnakapi kin on, he ehanna wotanin wašte wicoie wicakapi kin en nayaŋonpi kin;

6 He en nihipi, maka kin owancaya iyaye cin he iyececa, qa waskuyeca aicaga, niyepi kin en nakun, anpetu kin en nayaŋonpi, qa awicakehan Wakantanka towaonsida iyacupi qon ehantanhan.

7 Epaphras unkitawašipi wašte, qa niyepi on Messiya tao-kiye wicake cin he hena hecen onspeniciyapi;

8 Qa Woniya kin en wacanyakiyapi kin he nakun unkokiya-kapi.

9 Heon anpetu kin he naunhonpi kin ehantanhan niyepi on cekiya unkayaštanpi šni, qa woksape owasin, wookahnige ko en, iye tawacin sdonyapi kin on, onijupidan kte cin he unki-dapi ece.

10 Hecen taku iyokipi kin owasin on, Itancan kin en tanyan mayanipi kta, wicohan wašte owasin en, waskuyeca icaliyayapi, qa Wakantanka sdonyapi kin en sanpa inicagapi kta.

11 Iye towitan wowašake kin eciyatanhan, wicookihi kin owasin on wašagnianpi kta, wadi-wicatake cin owasin on etanhan, qa wacin tankapi, wiyuškinpi kici:

12 Qa Ateyapi kin wopida eyakiyapi kta, he iyoyanpa ekta tona owotanna un kin woaihppeye tawapi kte cin en ounpapi kta e iyehantu unyanpi:

13 He otpaza wowašake kin etanhan unkiyušpapi, qa iye Cinhintku wašte kidake cin tokiconze kin en ounye unkiyapi:

14 He en, iye we kin eciyatanhan, wopekitonpi unhapi, woahtani kajujupi kin hee:

15 Wakantanka wanyagpica šni un kin ouncage kin hee, qa taku kagapi kin owasin en tokappa kin hee:

16 Iye eciyatanhan taku owasin kagapi, mahpiya ekta un qa maka akan un kin hena, taku wanyakapi qa taku wanyagpica šni, oiyo tanke kin, wokiconze

kin, wicoſkanskan kin, qa wicowaſake kin; taku owasin iye on icaſiyapi kin hena iye iſica-ga:

17 Qa taku owasin itokatam un kin he iye, qa he on taku owasin ecen han:

18 Qa iye tancan kin okodaki-ciye kin hee, qa pa kin he iye, qa otokahe kin, wiconſe etanhan tokaheya tonpi kin hee, hecen iye taku owasin en tokapa un kta.

19 Iye ohna taku ocowasin ounye kte cin he *Atkuku* kin iyokipi.

20 Qa iye can susbeca we kin eciyatanhan wookiye kage ɕa, heon etanhan taku owasin iye kici okiciciye wicaye kta, taku maka akan un, qa taku maſpiya ekta un kin hena, iye on.

21 Qa niſ niyepi, ehanna oya-te nitokecapi, qa nitawacinpi kin en toka kin henicapi, wico-han ſice cin on, tuka nakaha he kici wokiyeniyen nicagapi;

22 Iye celſipi tancan kin en ɕe cin eciyatanhan, hecen iye itokam owotanna, qa waasapapi ſni qa takudan iyaonpepica ſni, inajin niyanpi kta:

23 Wacinyayapi kin en naya-jinpi kinhan, sutaya yaunpi, qa ſinsa nayajinpi, qa wotanin waſte woape nayaſonpi kin etanhan nihinlipayapi ſni kinhan; he maſpiya kin ihukuya wicaſta hiyeye cin owasin owicaki-yakapi, qa he en Palos he miye ookiye makagapi:

24 Nakaha niyepi kin on etanhan makakije cin heon imduſkin, qa Meſſiya wokakije tawa, taku micheſpi kin en yuſtanpi ſni kin hena iye tancan kin, okodakiciye kin hee, on weciyuſtan kta.

25 He en ookiye makagapi, Wakantanka wokonze kin eci-

yatanhan, he niyepi on maqupi, Wakantanka oie kin mduecetu kte cin heon.

26 Taku oyakapi ſni kin, wicoicage qa wicoun ota kin ehan-tanhan anahmanpi kin, he naka-ha tona owotanna iye tawa wicaye cin hena owicakiyaka.

27 Ikcewicacſta kin ekta taku otanin ſni kin de wowitan woyuha kin tinskoceca kin, he Wakantanka hena sdonye wica-kiye kta, he niyepi kin en Meſſiya wowitan woape kin hee.

28 He unkiye unyaotaninpi, wicaſta kin owasin wahokonwic-unkiyapi qa wicaſta owasin on-spewicunkiyapi ece, woksape owasin on; hecen Jeſus Meſſiya en wicaſta otoiyohi owotan-na inajin wicunkiyapi kta.

29 Heon miſ eya hitawani, iye ohan kin miye en waſagya ohan-ye cin he eciyatanhan inawahini.

WICOWOYAKE 2.

1 Niyepi kin on, qa Laodikia ekta un kin hena, qa tona wicaceſpi on miſte kin wanmayakapi ſni kin on token hitawani kin he sdonyayapi kta wacin:

2 Hecen iye cantepi kin kican-ptapi kta, qa wacantkiyapi kin on kicicazontapi, qa wosdonye tanyan okaſnigapi kta wowijice kin owasin on, qa Wakantanka towiyukean sdonyapi kte cin on, Ateyapi qa Meſſiya tawa kin hee.

3 Iye en woksape, qa wooka-ſnige woyuha kin owasin nahmanpi.

4 Tuwedan wicoie skuya kin on nihnayanpi kte ſni heon hena hepa.

5 Wicaceſpi on, ekta waun ſni eſta, woksape kin on cicipi waun, imduſkin, niohanpi owo-

tanna kin, qa Messiya sutaya wacinyayapi kin he wanyag waun.

6 Token Jesus Messiya Itancan kin iyacupi qon he iyecen ohna mani po.

7 Iye en sutaya hu nihdepi, qa en tinicagapi, qa wowacinye kin tinsa ayahanpi kta, onspeniciyapi qon he iyeceta, qa en wopida eyapi kin sanpa ota ecanonpi kta.

8 Ihnuhan wicoksape eyapi kin on, qa ikce wohname kin on tuwe nihnyanpi kinhan, wicašta hitunkakanpi oyakapi kin on, qa wicoicage en woonspe tokaheya eciyatanhan, qa Messiya eciyatanhan šni :

9 Iye kin ohna tancanyan Taku Wakan kin ocowasin ounyan.

10 Qa iye en niš niyepi kin yuēcetū yaunpi, qa he wokiconze wowašake ko owasin Itancan kin hee.

11 Qa he en banicihdayapi, bakihdayapi nape codan econpi kin he on, Messiya bakihdayapi tawa kin eciyatanhan, wicacehpi woahtani tancan kin ehpekiyapi kte cin heon.

12 Baptem on iye kici nihnakapi, qa nakun kici ekicetu niyanpi, Wakantanka wicašte cin etanhan najin kiye cin he wowašake kin wicayadapi kin heon etanhan.

13 Qa niyepi ehanna wayahtanipi, qa nicehpi banicihdayapi šni kin en nišapi qon, wanna wayahtanipi kin owasin nicicajujupi qa niniyanpi.

14 Qa wicoope kin taku nape on owapi qon, unkiyušepi qa kašeunyanpi kin he pajuju, qa can susbeca tawa kin en okatan, qa hecen yutokan iyeya.

15 Qa wokiconze, wicowašake

ko yutakuni šni iyeye cehan, tancanyan wicakipazo, qa iye hinca on iwakte hdi.

16 Heon etanhan, woyute, qa woyatke, qa omniciye wakan, qa wi teca, qa anpetu okihpapi kin hena on ihnuhan tuwe niyacopi kin :

17 Hena e taku u kte cigon ohanzi kin hee, tuka tancan kin he Messiya etanhan.

18 Tuwe wahpaniiciye ça, mahpiya ohnihde kin ohowicada kin ihnuhan he nihnyanpi kin ; he taku wanyake šni kin en yeiciye ça, iye cehpi tawacin kin on ecinšniyan ihdatan ;

19 Qa Pa kin he yuze šni ; he on tancan kin ocowasin okihe en iyakaškapi kin on woyute oiyahdeyapi, qa iciyakaškapi, qa hecen Wakantanka oicage kin on icaga ece.

20 Heon etanhan, wicoicage kin en woonspe tokaheya kin ekta Messiya kici nišapi hecinhan, tokeca e wicoicage kin en yanipi kin iyecen wicoope kin oyapapi he :

21 Oyutanpi šni, utapi šni, qa nape on yuzapi šni po, eyapi ece :

22 Hena owasin unpi kin on yasotapi ece ; wicašta akantu wicoope qa woonspe kin eciyatanhan.

23 Wicohan kin he wicotawacin ohodapi kin en taku woksa-pe iyecen yuhe ça, wicowahbadan, qa wicatancan itonkipapi šni kin hena en ; tuka wicacehpi iyokipiyapi kin he woyuonihan šni ece.

WICOWOYAKE 3.

1 Heon etanhan, Messiya kici piya inicagapi hecinhan, taku wankantuya Wakantanka etap kin eciyatanhan, Messiya

kiyotanke cin hen, un kin hena akita po.

2 Taku wankan un kin hena awacin po, qa taku makata un kin hena *awacinpi* šni po.

3 Niṭapi, qa nitowiconi kin he Messiya kici, Wakantanka en nahimanpi.

4 Tohan Messiya wiconi unki-tawapi kin taninyan biyu kinhan, hehan wowitan en, kici ni-*yuotaninpi* kta.

5 Heon etanhan, nihuhapi makata un kin hena kikte po: wiina-*hmanpi*, waasapapi, wawihnu^{pi}, tawacin šicapi, waicucupikte cin, he wakagapi ohodapi kin hee.

6 Hena on etanhan Wakantanka tocanniye kin woakta šni cincapi kin en awicau ece.

7 Ehanna hena ehna yanipi qe-han, opeya mayanipi.

8 Tuka nakaha hena owasin ayuſtan po; wocanniye, woſi-hda, wocantiyahdepi, waaka-gapi, qa iapi ſice cin niipi kin etanhan.

9 Ihnuhan oiyecitonpi šni kin; wicaſta tannike cin iye wicohan ko yahduſdokapi;

10 Qa wicaſta teea kin he wosdonye kin on yutecapi, waicali-ya ouncage kin eciyatanhan, he kodakapi.

11 He en, Helenes, qa Juda wicaſta wanica; bakiḥdayapi qa bakiḥdayapi šni kin wanica; Ikcewicaſta qa Skuthes wicaſta kin wanica; wowidake un kin heca qa tawaičiyapi kin wanica, tuka Messiya he ocowasin, qa owasin en un.

12 Heon etanhan, owotanna yaunpi qa waſtenidakapi kin, Wakantanka wicakahnige cin iyecen, wocantekiye koyaka po, qa wowaonſida, wahanicidapi šni, wicowahbadan, qa wacin-tankapi kin hena ko.

13 Otoiyo^{hi} iyowinyeciciyapi, qa otoiyo^{hi} yecicaju^{pi} kta, tu-we wicaſta tokeca on taku ſihda kinhan, Messiya kin nicicaju^{pi} kin he iyecen niſ *econ* po.

14 Qa taku owasin akantanhan wocantekiye kičun po, he wicoo-wotanna iyakaſke cin ee.

15 Qa Wakantanka tawookiye kin nicantepi kin en waniconza-pi nunwe, he en wicatan^{can} wanjidan en nicopi kin pida un po.

16 Messiya oie kin wijinya en niunpi nunwe; woksape owasin on, Psalm, qa odowan, qa wakan downpi kin en, otoiyo^{hi} wahokonyeciciyapi, qa onspeyeciciyapi kta, qa nicantepi kin en wowaonſida yuha Itancan kin iyadowanpi kta.

17 Qa taku ecanonpi kinhan, wicoie qa wicohan kin unma tukte kaſta, Jesus Itancan kin caje on owasin *econ* po, qa on Wakantanka Ateyapi kin wopida eciya po.

18 Qa winohinca kin, nihihnapi kin wicihukuya un po, Itancan kin en hecetu kin he iyececa.

19 Wicaſta kin, nitawinpi kin waſte wicakida po, qa wicakigepi šni po.

20 ſiceca kin, nihunkakepi kin taku owasin anawicakigoptan po, he Itancan kin iyokipi.

21 Qa ateyapi kin, nicincapi kin ſihdawicayapi šni po, okinni wacin iboſakapi kte.

22 Wowidake yaunpi kin, tona wicacehpi eciyatanhan niyuhapi kin anawicakigoptan po; wicaſta iyokipiwicayapi kin iyecen, iſtapi kin itokam wawokiyapi kin hee šni, tuka nicantepi oco-wasin on Wakantanka kokipa po.

23 Qa taku ecanonpi kin owasin nicantepi kin eciyatanhan *econ*

po, Itancan kin on etanhan, qa wicašta kin on etanhan šni.

24 Itancan kin etanhan woai-lpeye iyunwin kin iyacupi kta he sdonyayapi; Messiya Itancan kin wowidake niyanpi nakaes.

25 Tuka tuwe šicaya econ kinhan, he eciyatanhan icu kta, qa wicašta itohnake iwanyakapi kin wanica.

WICOWOYAKE 4.

1 Unkan, itancan yaunpi kin, tona wowidake wicaduhapi kin hena, taku owotanna qa iyecetu kin wicaqu po; malipiya ekta wanji Itancan yayapi yanke cin he sdonyayapi.

2 Ohinniyan cekiya un po, qa he en wopida eya wakta po.

3 Qa unkiye on wocekiye unkeyeciya kta. Wakantanka iapi tivopa wan unkiciyuhdokapi kta, Messiya tawowiyukcan kin unko-yakapi kta, on makaškapi kin hee :

4 Hecen on, taku token epe kte cin ecen mdaotanin kta.

5 Tona tankan unpi kin hena on ksamyahan mani po, qa anpetu kin opekton po.

6 Ohinniyan iyaapi kin wowa-onšida en un, qa miniskuya on skuyeyapi kta, hecen wicašta otoiyohi token awicaduptapi kte cin sdonyayapi kta.

7 Tucikos hunkawanjin kiciyapi waštedakapi, qa waawanhdake owotanna, mici Itancan taokiye kin hee token waun kin owasin oniciyakapi kta.

8 Heon etanhan niyepi kin ekta ye waši, token yaunpi kin he sdonye ça, nicantepi kin iyuškin niyanpi kta ;

9 Qa he kici Onesimos ye waši, he hunkawanjin kiciyapi owo-

tanna, qa wašte enitanhanpi kin. Heniyoza taku owasin den un kin oniciyakapi kta.

10 Aristarkos kici makaškapi kin he nape niyuzapi, qa Markos Barnabas tonškaku nakun. He iwahoniyanpi, niyepi ekta niipi kinhan ti mahen u ši po :

11 Qa Jesus, he nakun Justus eciyapi kin; hena e bakihdayapi kin etanhanpi. Henana Wakantanka tokiconze kin en tawaši wicawaye ça, hena iyuškin mayanpi.

12 Epaphras enitanhanpi kin, Messiya taokiye kin hee nape niyuzapi; he obinniyan wocekiye en, niyepi on nina cekiya, Wakantanka tawacin kin owasin en, owotanna, qa ecedan naya-jinpi kte cin heon.

13 Qa he omdaka, niyepi on, tona Laodikia ekta un, qa tona Hierapolis ekta un kin, hena koya on nina ltaniiciya.

14 Lukas, pejihuta wicašta wašte kin, Demas kici, nape niyuzapi.

15 Hunkanwanjin kiciyapi Laodikia ekta unpi kin hena nape wicayuza po, qa Numphas, qa iye ti kin ohna okodakiciye kin he nakun.

16 Wowapi kin de niyepi ekta yawapi kinhan, okodakiciye Laodikia ekta un kin hena nakun yawa wicakiya po, qa niš niyepi kin wowapi Laodikia etanhan kin he nakun yawa po.

17 Qa Arcippos kaken eciya po, Nitohitani Itancan kin etanhan iyacu qon he awakicin wo, yahduštan kta ce.

18 Palos he miye, nape kiciyuzapi kin de minape kin on wakaga. Makaškapi kin kiksuya po. Wowaaonšida niyepi en nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN;

TOKAHEYA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye kin, Wakantanka Ateyapi kin en, qa Jesus Messiya Itancan kin en un kin, *wowapi wicakicagapi*: Wowaosída, wookiye ko, Wakantanka Ateunyanpi etanhan, qa Jesus Messiya Itancan kin nakun, niyepi en nicipi un nunwe.

2 Niyepi owasin on Wakantanka ohinniyan wopida unkekiciyapi, qa wocekiye unkeyapi kin en caje unniyatapi ece.

3 Qa wowacinye wicohan nitawapi kin, qa wacantkiyapi en hitayanipi kin, qa Wakantanka Ateunyanpi kin itokam, Jesus Messiya Itancan unkiyapi kin en ape dukanpi kin hena ohinniyan unikisuyapi.

4 Mihunkawanji wašte, Wakantanka nicalnigapi kin he sdonunyanpi.

5 Wotanin wašte unkitawapi en niipi kin he wicoie ecedan en un sni, tuka wowaśake nakun en, qa Woniya Wakan, qa tanyan sdoniyapi kin en; niyepi ehna, qa niyepi on etanhan wicaśta tounkecapi kin sdoniyayapi.

6 Wicokakije ota ehna, qa Woniya Wakan wowiyuśkin kin yuha wicoie kin iyacupi, hecen Itancan kin oyapapi, qa nakun unkiyepi.

7 Hecen Makedonia qa Akeya en, tona wacinyanpi kin owasin waonspekiye niyuhapi:

8 Qa niyepi kin etanhan Itancan oie kin oyakapi, Makedonia qa Akeya ekta, qa hecedan sni, tuka owancaya Wakantanka wacinyayapi kin he ieyanpahapi, qa hecen taku unkeyapi kta e iyehantu sni.

9 Hena e qe niye nicapi, qa niyepi ekta tukten canku kin ohna unkiyohpayapi kin he oyakapi, qa token wakagapi kin etanhan Wakantanka ekta nihduhomnipi, Wakantanka ni un qa wicake cin ohoyadapi kte cin heon:

10 Qa iye Cinhintku kin malpiya eciyatanhan u ayapepi kta, he wiconťe etanhan najin kiya, Jesus wocanniye u kte cin etanhan eunhdakupi kin hee.

WICOWOYAKE 2.

1 Mihunkawanji, niyepi ekta token unkipi kin niye e sdoniyayapi, ituya unkipi sni.

2 Tuka Philippi ekta kakisunyanpi, qa unkihañapike cin niye sdoniyayapi; qa he iyohakam Wakantanka unkitawapi kin on wadiuntakapi, qa waakinicapi ota ehna wotanin wašte kin unkoniciyakapi.

3 Qa wowahokonkiye unkita-wapi kin he wohnuni, qa woaśa-

1. THESSALONIKE.

pe eciyatanhan šni, qa wohñaye en un šni ;

4 Tuka token wotanin wašte kin unhapi kta e Wakantanka iyokipi kin he iyecen unkiapi ece ; wicašta iyokipiwicayapi kin iyecece šni, tuka Wakantanka cante unkiyucanpi kin he.

5 Tohinni iskuya wicoie kin unkeyapi šni e niye sdonyayapi, qa waicucupikte cin šina unkinpi šni e Wakantanka sdonya.

6 Qa wicašta kin etanhan wotitan unakakitapi šni, niyepi, qa wicašta tokeca nakun etanhan šni, Messiya yewicaši kin iyecen waeconwicunkiyapi kta iyececa tuka.

7 Tuka niyepi cokaya wahbandan unkanpi, azinkiya wan cinca icašwicakiye cin he iyecen.

8 Hecen niña cante en unniyuzapi, qa wašteunnidakapi kin heon Wakantanka tawootanin wašte kin hee, qa unnagipi kin hena ko unničupi kta tawaŋenunyanpi tuka.

9 Mihunkawanji, unkoñanyanpi qa ħtaunnipi kin yeksuyapi, hanyetu anpetu ko ħtaunnipi, wotanin wašte Wakantanka tawa unkoniciyakapi kin he icunhan, tuwedan tkeya waqinunniciyapi kte šni uncinpi kin heon etanhan.

10 Niye sdonyayapi, qa Wakantanka nakun, tona wicayadapi kin en, wakanyan, owotanna, qa iyaonpepica šni unyakonpi.

11 Qa wicašta cinca wahokonkiye cin he iyecen, niyepi otaiyohi wahokonunniciyapi, qa token unnicihnapi qa econ unnišipi kin he sdonyayapi ;

12 Wakantanka iye tokiconze, qa towitan kin en nicopi kin, he iyokipiya mayanipi kte cin heon.

13 Qa heon ohinniyan Wakantanka wopida unkekiciyapi ;

Wakantanka oie kin unkiyepi etanhan nayahonpi, qa iyacupi qehan, wicašta oie kin iyecen iyacupi šni, tuka awicakehan Wakantanka oie kin hee, niye tona wicayadapi kin en ohanyan ece kin iyececa.

14 Mihunkawanji, niš niyepi kin Wakantanka taokodakiciye, Juda makoce kin ekta, Jesus Messiya en un kin hena owicayecipapi ; niš niye takuwicayayapi kin eciyatanhan kakišniyanpi kin, is iye Juda oyate kin eciyatanhan kakišwicayapi qon iyececa :

15 Hena e qe Jesus Itancan kin ktepi, qa wicašta wokcan wicayuhapi qon hena nakun, qa unkiye šicaya unkuwapi, Wakantanka iyokipiyapi šni, qa wicašta owasin kašewicayapi :

16 Qa Ikcewicašta nipi kte cin iwahokonwicunkiyapi kta he tehindapi, qa hecen ohinniyan wahitanipi kin hdušanpi kta. Wocantiyahde owihanke aiyahdeya wanna en awicau.

17 Tuka mihunkawanji, unkiš niyepi kin etanhan ptecedan eunyakupi, itohnake kin on, cante kin he wake šni, heon nitohnake wanunniyakapi kta nina cantokpaniyan unakakitapi.

18 Heon etanhan ekta unnikupi kta uncinpi, Palos miye ħinca, wancadan qa nonpa, tuka Satan iyounkipi šni.

19 Woape, qa wowiyuškin, qa wowinkta watešdake unkitawapi kin he taku he ; he niš niyepi šni he ; Jesus Messiya Itancan unkiyapi hi kinhan he itokam.

20 Wowitan qa wowiyuškin unkitawapi kin he niyepi.

WICOWOYAKE 3.

1 Heon etanhan sanpa ħinsiciya unkokihipi šni qehan, A-

WICOWOYAKE 4.

thenas ekta unkišnana unyakonpi kta e iyounkipipi :

2 Qa Timotheos hunkawanjin unyanpi, Wakantanka taokiye, qa Messiya tawootanin wašte kin en unkitawašipi kin hee, ye unšipi, sutaya icalniyanpi, qa wacinyayapi kin eciyatanhan wahokonniciyapi kte cin heon.

3 Qa hecen wicokakije kin dena on tuwedan pahohopi kte šni, hena ehna eunhdepi kin niye sdonayayapi.

4 Unkan niyepi kin opeya unyakonpi qehan, wokakije unhapi kta unkoniciyakapi, qa he ecetu kin sdonayayapi.

5 Heon etanhan tinsmičiye kta owakitpani, hehan token wacinyayapi kin sdonwaye kta e on he ekta ye waši, okinni taku wawiyutanyan un kin iniyutanpi naceca, qa hecen litaunnipi kin taku šni ye kta.

6 Tuka nakaha Timotheos niyepi kin etanhan en unhdipi, qa wacinyayapi wacanyakiyapi ko on wotanin wašte unkahipi, qa nakun ohinniyan wašte unyadakapi kin heon wanunyadakapi kte hinca, unkiš wanunniyakapi kte cin iyececa ;

7 Heon etanhan, mihunkawanji, wokakije wicocante šica ko unhapi kin owasin ehna niyepi on unkičicanptapi, wacinyayapi kin heon.

8 Nakaha unnipi, niš niyepi kin Itancan en sutaya yaunpi kinhan.

9 Unkan niyepi kin on, Wakantanka unkitawapi kin itokam, wowiyuškin owasin on unkiyuškinpi kin he on, ake niyepi on, taku wopida Wakantanka eciya unkokihipi kta he ;

10 Hanyetu anpetu ko nina ceunkiyapi, nitohnake kin wanunniyakapi kta, qa wacinyayapi

kin en taku nahahin ocowasin šni un kin he tanyan unniciyustanpi kta.

11 Wakantanka iš iye, Ateunyanpi kin, qa Jesus Messiya Itancan unkiyapi kin, niyepi ekta canku kin ohna tanyan ye unyanpi nunwe.

12 Qa otoiyo hi wašteyecidakapi, qa owasin wašewicayadakapi kin he en, Itancan kin icalniyanpi, qa niciyuotapi nunwe, unkiš wašteunnidacakapi kin he iyececa.

13 Qa heon wowakan en nicantepi kin iyaonpepica šni niciyusutapi kta, Wakantanka Ateunyanpi kin itokam, tohan Jesus Messiya Itancan unkiyapi kin tona wicayuwakan kin owasin om hi kinhan.

WICOWOYAKE 4.

1 Unkan mihunkawanji, Jesus Itancan kin on etanhan cinunniciyapi qa ceunniciyapi, token mayanipi, qa Wakantanka iyokipiyayapi kte cin, unkiyepi etanhan iyacupi qon he iyecen sanpa iyoniptapi kte.

2 Jesus Itancan kin etanhan woahope kin tona unničupi kin sdonayayapi.

3 Wakantanka niyuecepidan kin he tawacin kin he dee, wiinalmanpi kin en nihdoyapi kte šni ;

4 Tuka otoiyo hi nitancanpi kin yuecepidan, qa yuonihanpi kin en, yahduhapi kte cin sdonyakiyapi kta.

5 Qa wicotawacin šica cantiheyapi kin he en unpi kte šni ; Ikcewicašta Wakantanka sdonayapi šni kin hena iyececapi.

6 Taku en tuwedan hunkawanjitku kin kape ča hnaye kte šni ; tona heconpi kin owasin

Itancan kin tokicon ece, unkoniciyakapi qa unniciyaotaninpi qon iyececa.

7 Waaſapapi kin ekta Wakan-tanka unkiyapi ſni, tuka unyuecepitan kte cin heon.

8 Hecen tuwe waaktaſni kinhan, he wicaſta paha iyewicaye ſni, tuka Wakantanka iye Taniya Wakan unqupi kin hee aktaſni.

9 Hunkawanjinkiciyapi waſtekicidakapi kin on wowapi cicagapi kta iyecece ſni. Otoiyo hi waſte yecidakapi kta he niſ niye Wakantanka etanhan onniſepi.

10 Qa Makedonia owancaya hunkawanjinkiciyapi kin owasin hecawicayeconpi ece. Tuka mihunkawanji, ceunniciyapi ce, nakun sanpa nina ecanonpi kte.

11 Ito owanji dukanpi kta, qa taku tin nichihe cin he yahduſtanpi, qa niye ninapepi kin on htayanipi kta e aiciciya po, econ unniſipi qon iyecen;

12 Hecen tona tankan unpi kin hena itokam owotanna mayanipi kta, qa takudan icakije ſni yaunpi kta.

13 Tuka mihunkawanji, tona iſtinmapi kin hena on sdoney ſni dukanpi kta, qa iyoniciſicapi kta, wicaſta tokeca wowacin-ye nicapi kin iyececa, e he wacin ſni.

14 Jesus te a ake piya ikicage cin he wicaundapi kinhan, he iyecen tona Jesus en iſtinmapi kin hena iye kici Wakan-tanka uwicakije kta.

15 Unkan Itancan oie kin eciyatanhan he de unkoniciyakapi, unkiye tona unnipi, qa Itancan hi kte cin iyounhipi kinhan, tona iſtinmapi kin hena wicito-kam unyanpi kte ſni.

16 Iyaſapi wan qa maſpiya

ohnihde itancan wan ho kin, qa Wakantanka maza yahotonpi tanka tawa ko Itancan kin hduha, maſpiya kin eciyatanhan kun u kta; unkan tona Meſſiya en api qon hena tokaheya najinpi kta.

17 Hehan unkiye tona unnipi, qa he iyounhipi kinhan, hena om maſpiya ſapa ekta eunhdakupi kta, okotonyan kin ehna Itancan kin itkounkipapi kta; qa hecen ohinnian Itancan kin kici unyakonpi kta.

18 Wicoie kin hena on otoiyo hi wahokonkiciciya po.

WICOWOYAKE 5.

1 Mihunkawanji, omaka qa makoncage kin on wowapi cicagapi kta yacinpi ſni;

2 Hanyetu en wamanon sa kin he iyecen Itancan taanpetu kin u, niſ niyepi kin tanyan sdoniyapi.

3 Tohan, Wokiyapi qa tanyan yukanpi ce, eyapi kinhan, hehan ihnuhanna wicotakuni ſni en awicau kta, winohinca cinca ton kte cin yazan hinhde cin he iyececa, qa najicapi kte ſni.

4 Tuka mihunkawanji, niſ niyepi kin otpaza ehna yaunpi ſni, qa hecen anpetu kin he wamanon sa iyecen en nihipi kte ſni.

5 Niyepi owasin, iyoyanpa cinca kin henicapi qa anpetu cinca-pi kin. Unkiyepi hanyetu otpaza kici unketanhanpi ſni.

6 Heon etanhan wicaſta tokeca iyecen unkiſtinmapi kte ſni; tuka kiktahan witko ſni unyakonpi kta.

7 Tona iſtinmapi kinhan, hena hanyetu icunhan iſtinmapi; qa tona witkopi kinhan, hena hanyetu en witko unpi ece.

8 Tuka unkiye anpetu kin unketanhanpi, qa heon witko śni unyakonpi kta, wowacinye wacantkiyapi ko maku akañpe kin unkićunpi kta, qa wiconi apeci kin he maza wapaha unyanpi kta.

9 Wakantanka wocanteptanye en eunhdepi śni, tuka Jesus Messiya Itancan unkiyapi kin eciyatanhan wiconi unkićupi kte cin.

10 He iye, unkiyepi on ƚa, hecen kiktahan unyakonpi, qa iś unkiśtinmapi, unma tukte kaśta, kici unnipi kta.

11 Heon etanhan otoiyohi wahokonkiciciyapi, qa onspekiciciya po, ecanonpi kin hececa.

12 Hunkawanjin unniyanpi kin, ceunniciyapi ce; tona niyepi en ĩtanipi, qa Itancan kin on awanniyakapi, qa wahokonniciyapi kin hena sdonwicaya po.

13 Qa wicoħan yuhapi kin on etanhan, wacantkiyapi on sutaya cante en wicayuzo po. Okiciciya yakon po.

14 Hunkawanjin unniyanpi kin, ceunniciyapi ce; tona yuśkiśkeya unpi kin hena iyopewicaya po, tona wacin cistinna kin hena wicakihna po, tona waśake śni un kin hena owicakiya po, qa wicaśta owasin on wacin tanka po.

15 Ihnuhan tuwe taku śica on itkom taku śica econ kinhan,

tuka obinniyan niś niyepi kin otoiyohi on, qa wicaśta owasin on taku waśte ecedan akita po.

16 Ohinniyan wiyuśkin po.

17 Ayaśtan śni cekiya po.

18 Taku owasin on wopida eya po. He niyepi on Jesus Messiya en Wakantanka tawacin kin hee.

19 Woniya kin kasnipi śni po.

20 Wiyukcanpi kin iħaħapi śni po.

21 Taku owasin iyukcanpi, qa taku waśte kin he ĩnsa yuha po.

22 Taku śica ocaje owasin nakicipa po.

23 Qa wookiye Wakantanka kin niyepi ocowasin niyuecepidan nunwe; hecen ninagipi kin ocowasin, qa nitawacinpi, qa nitancanpi kin iyaonpepica śni niyuhapi kta, Jesus Messiya Itancan unkiyapi kin ĩ kte cin hehanyan.

24 Tuwe nicopi kin he wacinyepica, qa ecen econ kta.

25 Mihunkawanji, unkiyepi kin on cekiya po.

26 Iiputakapi wakan kin on hunkawanjin kiciyapi kin owasin i iwicaputaka po.

27 Itancan kin on hecon ciśipi, hunkawanjin kiciyapi wakan kin owasin ekta wowapi kin de yawapi kta.

28 Jesus Messiya Itancan unkiyapi kin towaonśida kin nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN,

INONPA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye Wakantanka Ateunyanpi, qa Jesus Messiya Itancan kin en un kin hena, *wowapi wicakicagapi*;

2 Wowaonsida, wookiye ko Wakantanka Ateunyanpi kin, qa Jesus Messiya Itancan kin etanhan nicipi un nunwe.

3 Mihunkawanji, wacinyayapi kin he nina icage ça, wacanyakiyapi kin otoiyohi en nina niciyuotapi kin, heon ohinniyan niyepi on, Wakantanka wopida unkekiciyapi kte cin he hecetu.

4 Hecen niyepi on, unkiye Wakantanka okodakiciye tawa kin en unkiwinktapi ece; śicaya nicuwapi kin owasin, qa wokakije duhapi kin en, wacinyan wakisagya yaunpi kin heon.

5 Wakantanka tawoyaco owotanna wowapetokeca kin he dee, nicakijapi kin heon Wakantanka tokiconze kin iyehantu niyawapi kta.

6 Tona kakisniyanpi kin hena itkom Wakantanka wokakije wicaqu kte cin he owotanna.

7 Qa tona kakisya yaunpi kin, niś niyepi kin oziiciya unkici yaunpi kta; tohan Jesus Itancan kin towaśake ohnihde wicaye cin om mahpiya kin eciyatanhan ihdutaninyan u kinhan,

8 Peta ide kin en, tona Wakan-tanka sdonyapi śni, qa Jesus Messiya Itancan unkiyapi tawotanin wašte anagoptanpi śni kin hena wośitkihda wicaqu kta;

9 Hena e Itancan itohnake kin etanhan, wicotakuni śni owihanke wanica on kakiswicayapi kta.

10 Tohan oyate owotanna tawa kin en ihduwitan kta, qa tona iye wacinyanpi kin hena owasin on yatanpi kta e on hi kinhan; anpetu kin he en taku unniciyataninpi qon he wicayadapi kin heon.

11 Qa heon etanhan ohinniyan niyepi on ceunkiyapi, Wakan-tanka wicakico kin de iyehantu niyawapi kta, qa niyepi en iye towašte oiyokipi kin ocowasin, qa wowaśake on wacinyanpi wicohan kin he nakun hduśtan kta.

12 Hecen Jesus Messiya Itancan unkiyapi caje kin niyepi on yuonihanpi kta, qa iye on, niś eya niyuonihanpi kta, Wakan-tanka unkitawapi, qa Jesus Messiya Itancan towaonsida kin eciyatanhan.

WICOWOYAKE 2.

1 Mihunkawanji, Jesus Messiya Itancan unkiyapi u kte cin he, qa en mniunkiciyapi kte cin hena on ceunniciyapi ce;

WICOWOYAKE 3.

2 Ihnuhan wicanagi qa wicoie qa wowapi unnicagapi kin on ihnuhanna nitawacinpi ekta nihuhuzapi qa ininihanpi kin, Messiya taanpetu kin kiyadan u kin hececa.

3 Ihnuhan tuwe taku on nihnanpi kin; woayustan wan tokaheya u kta, qa woahitani wicašta kin wicotakuni šni cinhin-tku kin hee e yutaninpi kta.

4 He iye taku Wakan eyapi kin, taku ohodapi ko owasin iwankam yeiçiye ça kici kiciza, hecen iye tipi wakan Wakantanka tawa kin en, Wakantanka iyecen iyotanke ça Wakantanka keiçiya oihdaka.

5 Čicipi waun qehan hena oci-ci-yakapi qon he yeksuyapi šni he.

6 Unkan nakaha taku iyowicaki šni ece kin he sdonyayapi; hecen tohantu kinhan taninyan hiyu kta.

7 Woope aktašni wowiyukcan kin he wanna ohanyan ece, tuka tuwe he iyoki šni kin he, tohanyan token iyeyapi šni kin, hehanyan iyowicaki kte šni.

8 Unkan hehan woope aktašni kin he tanin kta, Jesus Itancan kin Taniya, iye i kin etanhan hiyu kin on, qa ihdutanin wiya-tpa kin on, he ihangye kta.

9 Tuwe Satan ohan kin eciyatanhan wicookihi owasin, qa wowapetokeca, qa wowiniban wicohan itonšni kin yuha u,

10 Qa tona awihnuni kin hena en woahitani wohnaye owasin koya; hena wowicake wašte dakapi kin on nipi kte cin he aktapi šni, heon etanhan.

11 Qa heon etanhan hena en Wakantanka wohnaye wawokih kin awicau kta, hecen woi-tonšni kin wicadapi kta.

12 Qa hecen tona wowicake

wicadapi šni, qa woahitani en iyuškinpi kin hena owasin wicayacopi kta.

13 Tuka mihunkawanji, Itancan waštenidakapi kin, niyepi on unkiye ohinniyan Wakantanka wopida unkekiciyapi kta, otokaheya tanhan Woniya wicayuecedan, qa wowicake wicadapi kin on, Wakantanka yanipi kta e on nicałnigapi kin heon etanhan.

14 Qa he en nicopi, wotanim wašte unkitawapi kin on, hecen Jesus Messiya Itancan unkiyapi towitan kin iyacupi kta.

15 Heon etanhan, hunkawanjinciyapi kin, sutaya najin po, qa woope oyakapi wicoie, qa wowapi unkitawapi kin eciyatanhan onspeniciyapi kin hena ținsaya yuha po.

16 Qa Jesus Messiya Itancan unkiyapi kin hee, qa Wakantanka Ateunyanpi kin iye wašte undakapi, qa wicimdeza owihanke wanice cin wowaonsida eciyatanhan woape wašte ko unqupi kin,

17 He nicantepi kin mdesniyanpi, qa wicoie, wicohan ko wašte kin owasin en niyusutapi nunwe.

WICOWOYAKE 3.

1 Unkan ehake mihunkawanji, unkiyepi on cekiya po, Itancan oie kin inyanke ça, wowitan kta, niyepi kin ehna iyececa.

2 Qa wicašta šice ça wicaštapi šni kin etanhan eunhdakupi kta; owasin wowacinye yuhapi šni kin heon.

3 Tuka Itancan kin he wacinyepica, he niyusutapi, qa taku šica etanhan enihdakupi kta.

4 Itancan kin en niyepi on ka-ken awauncinpi, token econ un-

I. TIMOTHEOS.

nišipi qon ecen ecanonpi, qa ees nakun ecanonpi kta.

5 Qa Itancan kin nicantepi kin Wakantanka waštedakapi, qa Messiya wacintanka kin he en ope niyanpi nunwe.

6 Unkan mihunkawanji, Jesus Messiya Itancan unkiyapi caje kin on ceunniciyapi ce, hunkawanjin kiciyapi wan ecinšniyan mani, qa wicoope unničupi qon eciyatanhan šni kinhan, he nakicipa po.

7 Token unkoyecipapi kte cin niye sdonyayapi; niyepi en oškiškeya maunnipi šni.

8 Qa tuwedan aguyapi tawa iyunwin codan untapi šni, tuka wicohtani, wicokakije ko ehna, hanyetu, anpetu ko hitaunnipi, tuwedan takudan unkinicazopi kte šni heon.

9 Unkokihipi šni kin heon etanhan šni; tuka unkiye waonspekiya yuheunniciyapi, qa unko-yapapi kte cin heon.

10 Nicipi unyakonpi qehan, he de unkoniciyakapi, Tuwe hitanipi tawaŋenye šni kinhan, he takudan yute kte šni ce.

11 Enitanhanpi wanjikji ecinšniyan manipi, qa ecaca hitanipi

šni, tuka waaie sa hecapi kin he naunhonpi.

12 Tona hececapi kin hena Jesus Messiya Itancan unkiyapi kin etanhan wahokonwicunkiyapi, qa econ wicunšipi, ainina hitanipi, qa aguyapi tawapi kin ecedan hdutapi kta.

13 Unkan mihunkawanji, niš niyepi kin taku wašte econpi kin econ kapinpi šni po.

14 Qa tuwe wowapi kin de en, unkoiepi kin anaungoptanpi šni kinhan, he iwanyakapi, qa kici okiciciyapi šni po, hecen ištece kta.

15 Tokayapi šni po, tuka hunkawanjinkiciyapi kin iyecen wahokonkiya po.

16 Qa ohinniyan, taku owasin on etanhan wookiye Itancan kin wookiye ničupi nunwe. Itancan kin niyepi owasin en nicipi un nunwe.

17 Palos he miye, napekiciyuzapi kin de minape on owawa, he wowapi otoiyohi en wowape-tokeca kin hee, hecen wakaga ece.

18 Jesus Messiya Itancan unkiyapi kin towaonšida kin niyepi owasin en nicipi un nunwe.

PALOS

TIMOTHEOS WOWAPI KICAGA;

TOKAHEYA KIN.

WICOWOYAKE 1.

1 Palos Jesus Messiya yeši qon, Wakantanka Wanikiya unkita-wapi, qa Jesus Messiya Itancan wacinunyanpi kin he toope kin eciyatanhan,

2 Timotheos, wacinyanpi kin eciyatanhan micinkši kin hee, wowašte, wowaonšida, wookiye ko, Wakantanka Ateunyanpi, qa Jesus Messiya Itancan unkiyapi kin hena etanhan kiciun nunwe.

WICOWOYAKE 2.

3 Makedonia ekta mde çehan, Ephesos en owanji yanke cisi, wanjikji woonspe tokeca oyakapi kte šni e iwahokonwicayakiye kte cin heon;

4 Qa hitunkakanpi, wicoicage owihanke šni oyakapi ko awacinpi kte šni; hena taku kin wiwangapi eceedan okihi, qa on Wakantanka wacinyanpi kin en icahyapi šni.

5 Wicacante ecedan, wicanagi wašte, qa wacinyanpi wicakapi kin etanhan wacantkiyapi kin he woahope ecetuyapi kin hee.

6 Tona he icunonpa yapi kin hena takušnišni akinicapi kin en yeiciyapi.

7 Woope kin tokan onspewicakiyapi kta cinpi; tuka taku eyapi, qa taku waditagya oyakapi kin he iyukcanpi šni.

8 Woope kin he wašte sdonunyanpi, tuwe woope kin iye-cen yuhe cinhan.

9 Qa he de sdonunyanpi, woope kin he wicašta owotanna kicagapi šni, tuka tona woope opapi šni, qa anagoptanpi šni kin hena wicakicagapi, tona Taku Wakan ohodapi šni, qa wahtanipi sa, waonšidapi šni qa wayašicapi, atkuku hunku kici wicakiktepi kin, qa wicašta wicakatapi kin hena,

10 Wawicihahapi econpi, waiuhupi sa, wicašta wiyopewicaye cin hena, itonpišni qa woope kicaksapi kin hena on woope kagapi ece; qa taku tokeca woonspe zani kin kašeye cinhan he nakun:

11 Wakantanka wacantkiya wotanin wašte wowitan yuhe maši kin he eciyatanhan.

12 Unkan Jesus Messiya Itancan unkiyapi he okihimaye ça, wacinyepica madake ça, wico-

litani kin de en opemaye cigon he wopida ewakiya ece.

13 He itokam waoštewahda, qa šicaya wicawakuwa, qa wahtanmicida; tuka wicawada šni icunhan hena iyukcan šni ecamon kin heon onšimadapi.

14 Qa Itancan unkiyapi towaonšida kin he wacinyanpi qa wacantkiyapi Jesus Messiya en nina yuotapi.

15 Wicoie kin de wacinyepica, qa owancaya icupi kta iyececa, Jesus Messiya wahtanipi sa niwicaye kta e on makata hi; hena en miye imayotan.

16 Tuka heon etanhan onšimadapi, hecen miye en tokaheya Jesus Messiya wawacinkta yuza tanka owasin hdutanin kta, wicani kta e on wicadapi kte cin hena waonspewicawakiye kta e heon.

17 Hecen Wicaštayatapi owihanke wanica, tepica šni, qa wanyakepica šni un kin, Taku Wakan ecedan ksape cin hee, woyuonihan, wowitan ko, owihanke wanin kicihan nunwe.

18 Timotheos micinkši, woope kin de ciçu, niye on wokcanpi tokaheya ekta un qon hena eciyatanhan, hecen hena on ozuye wašte en akicita oyape kta;

19 Wowacinye qa wicanagi wašte sutaya yahduhe kte cin heon. Wanjikši hena ehpeyapi qa on wacinyanpi ekta kamden iyeiciyapi.

20 Yumeneos qa Aleksander kici, hena hececapi, hena Satan waqu, waoštehdapi kte šni onspeičiciyapi kte cin heon.

WICOWOYAKE 2.

1 Heon, taku owasin itokam, wicašta kin owasin on, wokidapi, wocekiye, waiciyapi wicoie, wopida ko eyapi kta wacin.

I. TIMOTHEOS.

2 Wicaštayatapi kin hena on, qatona itancan unpi kin owasin on, hecen woohodapi owasin qa wicohan owotanna kin en, owanjidan unkanpi qa wikope šni un-nipi kta.

3 He wašte, qa Wakantanka Wanikiya unkitawapi kin itokam woiyokipi kin hee.

4 He iye wicašta owasin nipi, qa wowicake sdonyapi kin en hipi kte cin he cin.

5 Taku Wakan wanjidan, qa Taku Wakan qa wicašta kici wiciyotahedan un kin wanjidan, Jesus Messiya wicašta kin hee.

6 He iye atayedan owasin ope-wicakiton kta e ičiçu, anpetu tawa kin waayatanin kte cin heon.

7 He en eyanpaha qa yešipi kin heca makagapi; Messiya en wowicake epa, itonšni mawanica; wowacinye wowicake ko Ikcewicašta onspe wicawakiye kte cin heon.

8 Heon, wicašta kin owancaya, wocanniye, waakinicapi ko wainin nape ašape šni kiyugan cekiyapi kta wacin.

9 Qa winohinca kin is eya iye-cen wokoyake oiyoiki kin kicunpi kta, qa tawacin wašte, wacin tankapi koya; qa paha sonpi, mazaskazi, inyan okitanin kin, qa wokoyake taku ota iyope-yapi kin hena ko *unpi* kte šni;

10 Tuka wicohan wašte kin hena, taku winohinca tona Wakantanka awacinpi kin iyokipi kin hee.

11 Qa winohinca kin inina un, qa taku owasin en wanahon yanke ça on onspeičiye kta.

12 Tuka winohinca kin is wanspekiye ça wicašta kin iwan-kam un kta e iyowinwakiye šni, he inina yanke kta.

13 Adam he tokaheya kagapi, qa hehan Ewe.

14 Qa Adam hnayanpi šni, tuka winohinca kin iye hnayanpi, qa hecen woahštani hiyahdeya.

15 Tuka is eya cinca tonpi kin en niyanpi kta, wacinyanpi, wacantkiyapi, wicohan wašte qa wacintankapi kin hduha yukanpi kinhan.

WICOWOYAKE 3.

1 Iapi kin he wowicake; tuwe waawanhake unpi cin kinhan he wicohan wašte wan cin.

2 Tuka waawanhake cin he iyaonpepica šni un kta, winohinca wanjidan yuze kta, waktaya un kta, wacinksapa, wahbayedan, ohanpi, wowicakiyaka;

3 Miniša en iyeičiye šni, wawicape šni, mazaska nina akite šni; tuka wacintanka, wacinko šni, waicueu wacin šni;

4 Iye tiyohnaka kin tanyan hduhe kta, qa wicowahbadan owasin on cinca kin anagoptan-wicakiye kta.

5 Tuwe tiyohnaka tawa kin tanyan hduha okihi šni kinhan, ecin token Wakantanka taokodakiciye kin tanyan yuhe kta he.

6 Aškatudan en opapi kin hecece kte šni, he heca kinhan, okinni wahaničida kin on Wakanšica tawoyaco kin ekta iya-ye kta.

7 Qa tona itankan yakonpi kin hena tanyan oyakapi un kta, he hecetu šni kinhan, wowihahaya un kta, qa Wakanšica wihmunke tawa kin en iyohpaye kta.

8 Is eya ookiye unpi kin hena nakun wacinksapapi kta, ceji jatapi šni, miniša en iyeičiyapi šni, qa mazaska nina akitapi kte šni:

9 Wicanagi ecedan ohna wowacinye wowiyukan kin yuhapi kta.

WICOWOYAKE 4.

10 Hena e tokaheya wicayukcanpi kta, qa hehan takudan iyaonpepica šni kinhan, ookiye unpi kin en iyeyapi kta.

11 Nakun is tawicupi kin wahlbapidan kta, waaie šni unpi kta, waktaya unpi kta, taku owasin on owotanpidan.

12 Ookiye unpi kin is tawicu wanjidan kta, cinca wicayapi qa tiyohnaka tawapi kin tanyan hduhapi kta.

13 Tona ookiye unpi wicohan kin tanyan yuhapi kin hena wowitan wašte hdamnanpi, qa Jesus Messiya wacinyanpi kin en waditaka icicagapi.

14 Dena hecen wowapi cicaga, kohanna niye en ciu kta wacin.

15 Tuka tehan wai šni kinhan, deciya tanhan on token Wakantanka ti kin ohna opiničiye kta sdonayye kta, he okodakiciye Wakantanka ni un tawa kin ee, wowicake ihupa qa taku ahe cin hee.

16 Unkan he taku aiepica šni, Wakantanka awacinpi kin he wowiyukcan tanka; Wakantanka wicacełpi en ihdutanin qon, Woniya kin on yaowotanna kagapi, mahpiya ohnihde kin wan-yakapi, Ikcewicasta kin ekta oyakapi, wicoicage kin en wicadapi, qa wowitan kin ekta wankan ehdakupi.

WICOWOYAKE 4.

1 Woniya kin atayedan heya, Anpetu ihankeya kin en, wanjiksi wacinyanpi kin ayuštanpi kta, qa woniya šapa wahnaye sa, qa taku wakan šica tawoonspe ko anagoptanpi kta.

2 Wicahnayanpi on itonšni iapi kta, nagipi kin maza kata on guguyapi kin heon.

3 Winohinea wicayuzapi kin

he tehindapi, qa woyute, tona wowicake wicadapi, qa sdonayapi kin hena wopida eya icupi kta e Wakantanka kaga, hee yute šni wicašipi kta.

4 Taku Wakantanka kage cin he owasin wašte, qa wopida yuha icupi kinhan, takudan ohinyanpi kte šni.

5 He Wakantanka oie, wocekiye ko on yuwakanpi.

6 Hena taku kin hunkawanjinkiciyapi kin kiksuyewicayaye cinhan, Jesus Messiya taokiye wašte yaun kta, wacinyanpi, wicoie, qa woonspe wašte ekta iyohiyaye cin hena en tanyan icalniyanpi kta.

7 Tuka iapi šice cin, wakanka hitunkakanpi yuhapi ko nakicipe ęa, Wakantanka awacinpi kin he amniheiciya wo.

8 Wicatancan yeiciyapi kin he taku cistinna okihi; tuka Wakantanka awacinpi kin he taku owasin okihi, wiconi kin de, qa wanji u kte cin iwahoyapi kin en un.

9 Wicoie kin he wowicake, qa owancaya anagoptanpi kta iyececa;

10 Wakantanka ni un wicasta owasin Wanikiya tawapi, qa iyotan tona wicadapi kin hena, he wacinunyanpi kin heon ģtaunnipi, qa oštehdapi unyakonpi.

11 Hena taku kin iwahokonwicakiye ęa onspewicakiya wo.

12 Koniška yaun kin heon tudedan iwahtenida kte šni; tuka tona wicadapi kin hena waonspewicakiya wo, wicoie kin en, wicohan kin en, wacantkiyapi kin en, woksape kin en, wacinyanpi kin en. woyuecedan kin en.

13 Wowapi yawapi, qa wahokonwicakiyapi, waonspewicakiyapi ko, hena econ wo, en wai šni kin hehanyan.

I. TIMOTHEOS.

14 Taku wawokihi en niun kin, wokcanpi, qa waawanhake unpi, nape aniputakapi kin on ni-cupi qon he akiktonje šni wo.

15 Hena taku kin awacin, qa ocowasin en yeiçiya wo, hecen onspeniçiciye cin owasin sdon-yapi kta.

16 Atayedan awaiçicin, qa wo-onspe nitawa kin awakicin wo, he hduha wo. Hecanon kinhan niniçiyen qa, tona nanihonpi kin hena nakun niwicayaye kta.

WICOWOYAKE 5.

1 Hunkayapi wan iyopecye šni wo, tuka ateyapi un kin iyeçen wahokonkiya wo, qa tona hakaktapi kin hena nihunkawanji iyeceçapi kta;

2 Winohinca tankapi kin hena is inawicayaye cin iyeçen, qa tona askatudan unpi kin hena tawinohtinwicayaye cin iyeceçapi kta, woyuecedan owasin en.

3 Wiwazicapi kin, tona awicakehan wiwazicapi un kin hena wicayunihan wo.

4 Tuka wiwazica wan cinca wicaye cin, qa takojakpaku yuke cinhan, hena tokaheya wicowazi tawapi kin en wowaste econ onspeiçiciyapi kta, qa hunkake wicayapi kin iyunwin wicakicipi kta; taku waste qa Wakantanka itokam oiyokipi kin hee.

5 Tuwe awicakehan wiwazica un kin he isnana ehpeyapi un, Wakantanka wacinye qa ohin-niyan, hanyetu anpetu ko, wocekiye eyapi, qa hoyekiyapi kin en un.

6 Tuka tuwe iyokipi içiya un kinhan, he ni un icunhan wanna ta.

7 Hena hecen iwahokonwic-

kiya wo, hecen iyaonpepica šni unpi kta.

8 Qa tuwe tona wicayuhe cin, qa iyotan tiyohnaka tawa kin, taku wicakicamna šni kinhan, he wacinyanpi kin wanna ayu-štan, qa waawacin šni kin sam iyeçya wicašta šica.

9 Wiwazica waniyetu wikce-mna šakpe ihukuya un kin he kašnigapi kte šni. He wicašta wanjidan hihnaye cion,

10 Wicohan waste on tanyan oyakapi, cinca icañwicakiya, oicimani kin wonwicaya, tona owotanna un siha wicakiyujaja, tona kakijapi kin owicakiya, qa wicohan waste owasin amnihe-içiya en opa hecinhan.

11 Tuka wiwazica tona aska-tudan wotapi kin hena wicaka-łnigē šni wo; tohan Messiya en škehanhan aye cinhan ake hihna tonpi kta;

12 Qa tokaheya wacinyanpi qon he ayušanpi kin heon woyaco aihduhapi kta.

13 Qa nakun kujapi, qa ti iyaza yakonpi; qa kujapi hecedan šni, nakun taku oyakapi sa, qa wai-
api sa, taku eyapi kte šni kin hena eyapi ece.

14 Heon, tona nahahin wiko-škapi kin hena hihna tonpi kta, cinca tonpi kta, qa tiyohnaka hduhapi kta wacin, hecen toka kin taku iyawicaonpe kta okihi šni kagapi kta.

15 Wanna wanjikji icunonpa Satan ihakam iyayapi.

16 Wicašta wani, qa is winohinca wani wacinyan un kin, he wiwazica hduhe cinhan oki-ye kta; hecen okodakiciye kin tkeya qinpi kte šni, qa tona awicakehan wiwazica unpi kin hena ece owicakiyapi kta.

17 Waawanhake un kin, tona tanyan awanhakapi kinhan, he-

na wowitan icitakhna wicakiciyawapi kta, tona wicoie, wonspekiyapi ko, en htanipi kin hena iyotan.

18 Wowapi wakan kin hecen eya, Tatanka aguyapi napan kin he iohmu sutaya iyacu kte sni. Qa ake, Tuwe htani kin he taku on opetonpi qon iyohi ece.

19 Waayatanin nonpa, qa yamni duhe sni kinhan, hunka yapi un kin wanji en wiyaonpapi aupi kin anagoptan sni wo.

20 Tona wahtanipi kinhan hena owasin wicitokam taninyan iypewicaya wo, hecen unmapi kin kokipapi kta.

21 Wakantanka itokam, qa Jesus Messiya Itancan kin, mahpiya ohnihe wicakahnigapi kin hena ko wicitokam wahokonciciya, dena taku kin ecinshinyan wiyukcanpi wanin ecanon kta, qa wicašta iwanyakapi kte cin on etanhan takudan ecanon kte sni.

22 Ohankoya tuwedan nape aputake sni wo; qa wicašta tokeca wahtanipi kin en ope sni wo. Ecedan ihduha wo.

23 Tokata mini ecedan yatke sni wo, nitezi kin on, qa waniyazan sa kin heon, miniša waniqadan yatkan wo.

24 Wicašta wanjikji wahtanipi kin taninyan han, qa itokam woyaco ekta awicaya; qa hunh wicihakam tanin ece.

25 Qa he iyecen wicohan wašte wanjiksi taninyan un, qa tona hecece sni esta anahbepica sni.

WICOWOYAKE 6.

1 Wowidake un kin tona cannapinpi kin ihukuya yukanpi kin hena itancan wicayawapi kin wicakinihanpi owasin okihi wicahdawapi kta, hecen Wa-

kantanka caje qa tawoonspe kin oštehdapi kte sni.

2 Qa tona itancan wacinyan unpi kin heca ihukuya unpi kinhan, hena sicewicakidapi kte sni, om hunkawanjinkiciyapi kin heon; tuka hena wacinyan unpi, qa waštewicadakapi, qa taku wašte kin en owicakicipapi kin heon sanpa owicakiyapi kta. Hena hecen onspewicakiye ça wahokonwicakiya wo.

3 Tuwe wicoie wašte, Jesus Messiya Itancan unkiyapi oie kin, wicohan ecedan kin eciyatanhan un kin hena wicada sni kinhan, qa togye waonspewicakiye cinhan,

4 He waħaničida, qa takudan sdonye sni un, tuka wakinicapi wiwangapi wicoie kin en cante kin ocowasin iyeiçiya; hena etanhan winawizipi, wakinicapi, waoštehdapi, woawacin sica ko icaga.

5 Qa wicašta tawacin sicapi kin oškiškeya hdokinicapi, wowicake yuhapi sni, qa taku kamnanpi kinhan, he Wakantanka ohodapi kin ee kecinpi. Tona hececapi kin hena awicayuŝtan wo.

6 Wakantanka ohodapi kin woiyokipi kici he woyuha tanka.

7 Maka kin de en takudan unkahipi sni, qa awicakehan hetanhan takudan unkahdapi kte sni.

8 Hecen woyute, wokoyake ko unhapi kinhan, hena iyounkipipi kte.

9 Tona watonpika cinpi kinhan, hena taku wawiyutanyan un, qa mazahtakiyapi en iyohpapi, qa witkotkoya cantiheyapi sica ota on kiuniyanpi ece kin hena en, hena e waihangyapi, wicotakuni sni ko mahen wica-

II. TIMOTHEOS.

šta kin ocowasin iyohpewicayapi ece.

10 Taku šica owasin hutkan kin he mazaska waštedakapi kin hee; he wanjikji inahnipi, qa on wacinyanpi kin etanhan iyayeyapi, qa wicokakije ota on caičipapi.

11 Tuka Wakantanka wicašta tawa kin he niye, hena taku kin nakicipa wo; wicoowotanna, Wakantanka ohodapi, wacinyanpi, wacantkiyapi, wacintankapi qa wowahbadan, hena akita wo.

12 Wowacinye okicize wašte kin he en econ wo, owihanke wanin wiconi kin he icu wo, he en nicopi qa waayataninpi ota itokam wohdakapi wašte ecen oyahdake ciqon.

13 Wakantanka taku owasin nikiye cin he itokam, qa Jesus Messiya Pontios Pilate itokam owotanna wohdake ciqon he on ceciciya ce;

14 Ašape šni qa iyaonpepica šni, woahope kin de duhe kta, Jesus Messiya Itancan unkiyapi taninyan u kte cin hehanyan.

15 He tohan iyehantu kinhan, tuwe yawaštepi, qa ecedan Wawokihi kin he taninyan hiyuye kta, wicaštayatapi kin en Wi-

caštayatapi, qa itancanpi kin en Itancan kin hee.

16 He išnana wiconi hduhe ça, iyoyanpa en hiyohipica šni kin he en ounyan, wicašta kin tuwedan he wanyake šni, qa nakun wanyaka okihi kte šni; he wowitan, qa wowašake owihanke wanin kiciun nunwe.

17 Tona maka kin den watonpike cin wahokonwicakiya wo, watankaicidapi kte šni, qa woyuha atakuni šni aya ece kin wacinyanpi kte šni, tuka Wakantanka ni un taku iyounkipipi kta e iyakičuya unqupi kin hee;

18 Taku wašte ece econpi kta, wicohan wašte ijicapi kta, wapamnipi, qa wawicaqupi tawatenyapi kta;

19 Taku tokata ihe cin he ekta ahehde wašte wan ičihnakapi kta, hecen wiconi owihanke wanica yuhapi kta.

20 Timotheos, taku yuhēciciye cin hena tanyan yuha wo, qa ikcekceya ecinšniyan wakiničapi kin he nakicipa wo, wosdonye woitonšni akinicapi kin he nakun.

21 Wanjikji he en opapi, qa wacinyanpi kin icunonpa iyayapi. Wowaonšida niciun nunwe. Amen.

PALOS

TIMOTHEOS WOWAPI KICAGA,

INONPA KIN.

WICOWOYAKE 1.

1 Palos, Wakantanka tawacin kin on, Jesus Messiya yeši qon, Jesus Messiya wiconi iwahounyanpi qon he eciyatanhan,

2 Timotheos, hokšincantkiyapi mitawa kin, *wowapi cicaga*. Wowaonšida, wowašte, wookiye ko, Wakantanka Ateyapi kin etanhan, qa Jesus Messiya Itancan unkiyapi kin etanhan.

3 Wakantanka, mihunkake kin etanhan nagi ska hduha oho-wada kin, he wopida ewakiya, anpetu, hanyetu ko wocekiye epa eca, ayaştan şni ciksuya waun;

4 Wanciyaka nina wacin, iştamnihanpe ota aniu qon hena weksuya, hecen wowiyuşkin omajudan kta;

5 Tohan wowacinye analibepica şni niye en niun kin he weksuye cinhan, he tokaheya nikunşi Lowis en un, qa nakun nihun Yunike en un, qa he niye en niun kin sdonwaya.

6 Heon etanhan kiksuyeciye kta, Wakantanka taku niçu kin, nape aciputake cin eciyatanhan, he amniheniçiye kta.

7 Wakantanka wokökiye woniya kin unqupi şni; tuka wowaşake, wacantkiyapi, qa wacinksapapi woniya kin.

8 Hecen Itancan unkiyapi tawootanin kin on ištece şni wo, qa nakun miye makaşkapi tawa waun kin; tuka Wakantanka towaşake kin eciyatanhan wotanin wašte en wokakije kin en okicipa wo:

9 He iye ni unyanpi, qa wickicopi wakan kin on unkicopi, unkoňanpi kin eciyatanhan şni, tuka iye tawacin, qa towaonsida, maka icage cin itokam Jesus Messiya on unqupi qon he eciyatanhan:

10 Tuka wanna hdutanin, Jesus Messiya Wanikiya unkita-wapi taniniçiye cin on, he wiconte ihangye ça, wotanin wašte kin en, wiconi qa tepica şni unpi kin iyoyanpa en au.

11 Heon eyanpaha qa yeşipi kin heca makagapi, Ikcewicašta wowicawakiyake kte cin heon.

12 Qa he etanhan hena taku on iyotanhan iyewakiya; tuka

imaštece şni. Tuwe wacinwakiye cin he sdonwakiye ça, taku ehnae waşi kin hena anpetu wan u kte cin hehanyan miciyuha okihi sdonwaya.

13 Wicoie on zaniyan unpi nationciye ciqon, wowacinye, wowašte ko, Jesus Messiya en un kin he tinsa yuza wo.

14 Woniya Wakan unkicipi un kin eciyatanhan, wicoňan wašte niçuqi qon he tanyan yuha wo.

15 Tona Asia en un kin owasin amayuştanpi kin he sdonwaya; Phugellos qa Hermogenes he en opapi.

16 Onesiphoros tiyohnaka tawa kin Wakantanka onşikida nunwe; iye ota micanpte ça makaşkapi kin on ištece şni.

17 Qa Roma ekta hi qehan, nina omade qa iyemayan.

18 He anpetu kin he en Itancan kin etanhan wowaonsida iyeye kta e Itancan okihikiya nunwe; Ephesos ekta taku tona on omakiye ciqon he tanyan sdonwaya.

WICOWOYAKE 2.

1 He etanhan, micinkşi, Jesus Messiya towaonsida kin he en wakişaka wo.

2 Qa miye etanhan taku nayanon, wicota yaotaninpi qon, hena wicašta wacinyepica, tona tokan onspewicakiya okihipi kin, hena wicaqu wo.

3 Qa niye nakun Jesus Messiya taakicita wašte kin iyecen taku tehika en waditaka wo.

4 Tuwe ozuye econ kinhan, he taku wiconi kin de wicoňan kin en ihdupemni şni, tuwe taakici-taye cin he iyokipiye kte cin heon.

5 Qa tuwe ohiye wacin econ kinhan, qa wakiconzapi kin ecen

II. TIMOTHEOS.

econ śni kinhan, he wateśdagki-
catonpi śni ece.

6 Wicaśta wakicanye cin he
htani kinhan, iye tokaheya taku
icage cin etanhan yute kta.

7 Taku epe cin he awacin wo.
Qa Itancan kin taku owasin
okañiniñiyan nunwe.

8 Wotaniñ wašte mitawa kin
eciyatanhan, Jesus Messiya, Da-
wid wicowazi tawa kin etanhan,
he wiconŧe etanhan ekicetuyapi
kin he kiksuya wo.

9 Qa iye on wicaśta wabotice
cin iyecen kakiśmayanpi, maka-
śkapi kin he en; tuka Wakan-
tanka oie kin he kaśkapi śni.

10 He etanhan tona wicaka-
ñigapi qon hena on taku owa-
sin iyowinwaya, hena e wiconi
Jesus Messiya en un kin he yu-
hapi kta, qa nakun owihanke
wanin wowitan kin.

11 Wicoie kin de wicakapi;
Iye kici unŧapi kinhan, nakun
kici unnipi kta;

12 Iye on unakijapi kinhan,
kici wicaśtayatapi unyakonpi
kta. Qa unkiye ehpeunyanpi
kinhan, is eya ehpeunyanpi kta.

13 Qa wacinunyanpi śni eśta,
iye wacinyepica un, ihduecinśni-
yan kta okihi śni ce.

14 Hena taku kin kiksuyewica-
ye ęa, Itancan kin itokam, wi-
coie wawokihi śni, tona nañonpi
kin wicahnaye cin hena on aki-
nicapi kte śni e iwahokonwica-
kiya wo.

15 Wakantanka iyokipiyaye
kta, wicaśta wakage cin ištece
kta iyecece śni kin heca, e ni-
hdutanin kta, qa wowicake wi-
coie kin owotanna yapamni kta
e aiciciya wo.

16 Tuka iapi śica ecinśniyan
kin he nakicipa wo, he iyotan
wicośice ekta ical aye kta.

17 Unkan wicoie tawapi kin

śiyaka śica wan iyecen wai-
hangye kta; Yumeneos qa Phi-
letos hena hececapi;

18 Hena wowicake kin icunon-
pa iyayapi qa, Woekicetu kin
wana yuśtanpi ce, eyapi, qa
heon wanjikji wacinyanpi kin
etanhan wicayahomnipi.

19 Hececa eśta, Wakantanka
ahehde tawa kin sutaya he ęa
ipuspe kin de en un; Itancan
kin tona tawa wicaye cin hena
sdonwicakiya. Qa nakun, Tuwe
Messiya ęaje kin hoyekiye cin-
han, he woahtani ayuśtan kta
ce.

20 Tuka tipi tanka wanji ohna
mazaskazi, qa mazaska waksica
hecedan śni, nakun can, qa ma-
ka waksica ko yukan, hunh taku
wašte, qa hunh taku śica on yu-
hapi.

21 Hecen on, tuwe hena taku
kin etanhan itpakinte cinhan, he
waksica wašte kin heca kta, ece-
dan, qa Itancan kin wowinyunye
kta e iyokipi, qa wicoñan wašte
owasin on yuśtanpi.

22 Kośka cantiheyapi śice cin
hena nakicipa wo; tuka wicoo-
wotanna, wowacinye, wacantki-
yapi, woikiye ko, henakiya tona
cante ecedan on Itancan ceki-
yapi kin hena om en opa wo.

23 Tuka wiwangapi okañiniñi-
pica śni ecinśniyan kin hena en
yeiçiye śni wo, hena wicokicize
kaga e sdonyaya.

24 Unkan Itancan taokiye kin
he wicakis un kte śni; tuka
owasin en wañbayedan un kta,
waonspekiye ęa, wawacinkta
yuza tanka kta:

25 Qa tona tokaiciya unpi kin
hena iwahnana wahokonwica-
kiye kta, okinni Wakantanka
ihduecetupi wicaqu kta, hecen
wowicake kin iyukanpi kta.

26 Qa hecen, tona Wakanśica

WICOWOYAKE 4.

tohan cin eca, wayaka awicahda ece kin hena mazalitakiyapi tawa kin etanhan ihdušpapi kta.

WICOWOYAKE 3.

1 He de sdonya wo, anpetu ibankeya kin en taku tehika e u kta.

2 Hehan wicašta kin wašteiči-dapi kta, mazaska waštedakapi, wamnaičidapi, wahaničidapi, hunkakeyapi kin anawicakigoptanpi šni, wapidapi šni, owotanpidan šni;

3 Cinca cantekiyapi šni, woope kicaksapi, waaiapi sa, iyatahdeičiyapi sa, ohitičidapi, qa taku wašte sicedapi;

4 Wicahnayanpi sa, wacinkopi, watankačidapi, magagačiyapi kin he iyotandapi, qa Wakan-tanka iyotandapi šni.

5 Wakantanka awacinpi kin wiyacinpi kin yuhapi, tuka wo-wašake kin he wicadapi šni; tona hececapi kin hena etanhan ihdamna wo.

6 Hena hececapi kin tipi nahmana tin ipi, qa winohinca wacintonpi šni, woahtani hdušakapi, qa šicaya wacin yuzapi on icunonpa ayapi;

7 Ohinniyan waonspeičiciyapi keš wowicake sdonyapi kin ehan ipi okihipi šni kin wayaka awicayapi ece.

8 Unkan, Jannes qa Jambres hena Moses kici akinicapi qon he iyecen, dena is eya wowicake kin en ibotopi, wicašta tawacin šicapi, qa wacinyanpi kin ayušanpi.

9 Tuka dena e sanpa iyoopta aye kte šni, witkotkopike cin owasin en tanin kta, hena e qe econpi qon iyececa.

10 Tuka niye wowaonspekiye mitawa kin tanyan sdonyaya,

miohan kin, token mičiconze cin, wacinwaye cin, wawacin-kta mduza tanka kin, wacanwakiye cin, wahbayedan awape kin,

11 Tehiya makuwapi kin, makakije cin, tona mahiyahde kin, Antiyoka ekta, Ikoniyon ekta, Lustra ekta, hena šicaya makuwapi kin mahiyahde; unkan owasin etanhan Itancan kin emahdaku.

12 Qa tona Jesus Messiya en owotanna ohanyan cinpi kin hena owasin šicaya wacakuwapi kta.

13 Tuka wicašta šica, wicahnayanpi sa ko, hena sanpa šicapi kta, wicahnayanpi qa nakun hnayanpi kta.

14 Hececa tuka niye qe taku onnispe, qa wicayada kin hena en un wo, tokiya tanhan onnispe kin he sdonyaya.

15 Qa honikšiyooqopa kin ehan-tanhan Wowapi wakan sdonyaya, he niniyan on ksamniye kta okihi, Jesus Messiya wacinyanpi kin eciyatanhan.

16 Wowapi wakan ocowasin Wakantanka Taniya kin eciyatanhan, qa waonspekiyapi, wiyo-peyapi, owotanna kagapi, qa wicohan wašte en onspewicakiye cin he okihi.

17 Hecen Wakantanka wicašta tawa kin ecedan un kta, qa wicohan wašte owasin on hdušanpi kta.

WICOWOYAKE 4.

1 Heon, Wakantanka itokam, qa Jesus Messiya Itancan kin, tona nipi tapi ko wicayaco kta, tohan wokiconze hduha hi kinhan, he nakun itokam wahokon-ciciya;

2 Wicoie kin oyaka wo, tohan

II. TIMOTHEOS.

oiyokipi, qa nakun oiyokipi šni ešta, handitaičiya, wo. Owotanna wicakage wacin, iyopecwicaya, wahokonwicakiya wo, woonspe qa wawacinkta yuzapi tanka kin on.

3 Anpetu wan u kte cin he tohan hi kinhan, woonspe wašte kin aktapi kte šni, tuka iye wicotawacin šice cin eciyatanhan waonspekiyapi kin awicakitapi kta, noge yašpuyapi se iyececa heon etanhan.

4 Qa nogepi kin wowicake kin etanhan hduhomnpi, qa hitunkakanpi kin ekta ihdoyapi kta.

5 Tuka niyeqe taku owasin en wakta yaun kta, wicokakiye en waditaka wo; wotanin wašte oyakapi wicohan kin ecen econ wo; wicohan duhe cin he hdušan wo.

6 Wanna wamihdušna kta iye-micihantu, qa wahde kte cin he wanna kiyadan ihan.

7 Okicize wašte kin ecamon, woinyanke kin ihuniwakiya, wacinyanpi kin he hduha waun;

8 Qa tokata, woowotanna wa-tešdake wan mihnakapi, he Itancan wayaco owotanna kin maqu kta, anpetu kin he en; qa miye mišnana šni, tuka tona iye taničiye kte cin waštedakapi kin hena owasin koya.

9 Kohanna en mayahi kta nina ačiciya wo.

10 Demas he amayušan, wiconi kin de waštedake ɸa Thessalonike ekta kihda, Kreskes Galatia ekta, qa Titos Dalmatia ekta.

11 Lukas kicišnana waun; Markos icu qa kici u wo, he iye wicohan kin de en omakiya ece.

12 Tucikos Ephesos ekta ye waši.

13 Yau kinhan, Troas ekta Karpos šina emicihnake waši qon he au wo, qa nakun wowapi kin hena, tahasaka owapi kin hena iyotan.

14 Aleksander mazazi kage cin he taku šica ota iyamaonpa; iye ohan kin on Itancan kin kici-cajuju nunwe.

15 He on waktaya un wo; wicoie unyaotaninpi qon he nina kipajin.

16 Tokaheya wowahdake ci-qon he ehan tuwedan micica šni, qa owasin inamatanpi, he wicakiciyawapi šni nunwe.

17 Tuka hececa ešta, Itancan kin mici inajin, qa wašagmaye, ɸa hecen miye on woyakapi kin tanyan sdonyapi kta, qa Ikcewicašta kin owasin nañonpi kta; qa mnaja i kin etanhan emahdakupi.

18 Nakun Itancan kin wicohan šica owasin etanhan emahdaku kta, qa wokiconze mahpiya ekta un kin he en nimaye kta. He iye wowitan owihanke wanin kiciun nunwe.

19 Priskila qa Akula napewicayuz a wo, qa nakun Onesiphoros tiyohnaka tawa kin.

20 Erastos Korinth ekta yan-ka. Miletos ekta Trophimos wazanka ehpeya wahdicu.

21 Nahahin waniyetu šni u kte hinca wo. Yubulos nape niyuz a, qa nakun Pudens, qa Linos, qa Klauda, qa hunkawanjin kiciyapi kin owasin.

22 Jesus Messiya Itancan kin ninagi kici un nunwe. Wowaońska nicipi un nunwe. Amen.

TITOS WOWAPI KICAGE CIN.

WICOWOYAKE 1.

1 Palos Wakantanka taokiye, qa Jesus Messiya yeši qon, tona Wakantanka wicakahniga, wacinyanpi kte cin heon, qa wowicake wicohan wašte en un kin sdonyapi kte cin heon;

2 Qa owihanke wanin wiconi opapi kte cin, Wakantanka itonšni okitpani, maka kagapi kin itokam iwahounyanpi qon he on;

3 Tuka wanna iyehantu qehan, eyanpahapi kin on oie kin hdatanin, he miye maqupi, Wakantanka Wanikiya unkitawapi kin he eciyatanhan;

4 Titos, witaya wacinyanpi kin he eciyatanhan cinksiwaye cin; Wowaste, wowaonsida, wookiye ko, Wakantanka Ateyapi kin etanhan, qa Jesus Messiya Itancan Wanikiya unhapi kin eciyatanhan kiciun nunwe.

5 He etanhan Krete en yanke ciši, taku tona yuštanpi šni kin hena wiyeya eyahnake kta, qa otonwe otoiyo hi en hunkayapi wicayakage kta e on; token econ ciši qon iyececa.

6 Tuwe iyaonpepica šni kinhan, wicašta tawicu wanjidan, qa cinca wacinyanpi wicahduhe cin, wicakiš unpi ewicakiyapi qa wanahonpi šni kin hececapi šni:

7 Waawanhdake cin he takudan iyaonpepica šni un kta, he Wakantanka taokiye kin ee; išnana wacin en ihduze šni, wa-

cinko šni, miniša en iyeiciye šni, ohitiiciđa šni, qa mazaska nina akite kte šni;

8 Tuka oicimani kin onšiwicada kta, qa taku wašte kin wašte-dake kta, wacin ksapa un kta, qa owotanna, wacantkiya, qa iyatahdeiciye šni un kta;

9 Qa token onspekiyapi qon he iyecen wicoie oyakapi kin sutaya hduhe kta, hecen woonspecedan kin on wahokonwicakiya okihi kta, qa tona kipajiničiyapi kin hena iyopewicaye kta.

10 Wicašta wicaštapi šni, qa witkoya iapi, qa wicahnayanpi kin heca ota, tona bakiħdayapi etanhanpi kin hena iyotanpi.

11 Hena iohmus wicayapi kta iyececa; hena e qe tiyohnaka ocowasin yaptanyan iyewicayapi, qa mazaska walitešni kin on taku iyecetu šni kin onspewicakiyapi cce.

12 Iyepi kin etanhan waayate wan heye cigon; Krete oyate kin ohinniyan itonpišni, wamanica ocinšice cin, qa wicatezi kuja kin hecapi ce.

13 Wayaotanin kin he wowicake. He etanhan nina iyopewicaya wo, hecen wacinyanpi kin en ecedan unpi kta:

14 Qa hecen Juda oyate hitunkakanpi yuhapi kin, qa wicašta akantu woope kagapi kin wowicake kašeye cin hena awacinpi kte šni.

15 Tona ecedan unpi kin hena taku owasin ecedan yuhapi, qa tona ašapapi qa wicadapi šni kin

hena taku ecedan kin takudan yuhapi śni, tuka tawacinpi nagipi ko hena ee kaeś aśapapi.

16 Hena iś Wakantanka sdon-yapi keyapi, tuka wicoħan on aktapi śni, wahitepi śni, wanaħonpi śni, qa wicoħan wašte owasin en wacintonpi śni.

WICOWOYAKE 2.

1 Tuka niye qe taku woonspe ecedan en iyokipi kin hena ecen oie ya wo.

2 Wicašta tankapi kin hena waktaya unpi kta, mdesahan wacin ksamya unpi kta, wacinyanpi, wacantkiyapi, wacintan-kapi ko en ecedan unpi kta.

3 Qa winoħinca tankapi kin iś cya winoħinca wašte iyecen oħanyanpi kta, waaiapi kte śni, miniša ota en iyeiċiyapi kte śni, qa taku wašte onspe wicakiyapi kta :

4 Hecen wikoška kin ksamwicayapi kta, wicašta yuhapi cinca ko wašte wicakidapi kta ;

5 Wacin ksapapi kta, ecepidan, tipi awanhdakapi kta, wašteya unpi kta, hihnakupi kin anawicakigoptanpi kta ; hecen Wakantanka oie kin yaśicapi kte śni.

6 Koška kin iś nakun wacin ksapapi kte cin iwahokonwicakiya wo.

7 Qa taku owasin on wicoħan wašte kin en waonspekiya niħdutanin kta ; woonspe kin en wayuśice śni, wacinksap, owotanna ;

8 Qa iapi ecedan qa iyaonpepica śni kin he nun kta ; hecen tuwe itkopatanhan un kinhan, he ištece kta, taku śica takudan aniie kta okihi śni kin heon.

9 Tona wowidake un kin hena itancan wicayuhapi kin anawi-

cakigoptanpi kta, qa taku owasin wakinicapi wanin iyokipi wicayapi kta ;

10 Takudan naħmana icupi śni, qa wacinyanpi wašte ocowasin en ihdutaninpi kta. Hecen taku owasin on, Wakantanka Wani-kiya unhapi kin tawoonspe kin he tanyan yuhapi kta.

11 Wakantanka towaonsida wicašta owasin wiconi wicakahi kin he wanna tanin ;

12 Wakantanka aktapi śni, qa wicoicage cantiheyapi kin hena eħpeunyanpi kta, qa nakaha wiconi kin en, wacinksamya, owotanna, wakanyan unnipi kta e onspeunki-yapi.

13 Qa wacinyanpi wašte ape unyakonpi kta, Wakantanka iyo-tan tanka, qa Jesus Messiya Wani-kiya unhapi kin he wowitan hduha taniniċiye kte cin hee.

14 He unkiyepi on iċiċu, woaħtani owasin etanhan opeunkitonpi kta, qa oyate tawawicaye kte cin wicoħan wašte nina ħin akitapi kte cin hena wicahduska kta e heon.

15 Hena wicoie kin hecen oie ye ċa, wahokonwicakiye ċa iyo-pewicaya wo. Iħnuhan tuwe śicenidake cinhan.

WICOWOYAKE 3.

1 He kiksuyewicaya wo, taku itancanpi qa wicowaśake kin hena ihukun iyeiċiyapi kta, wicaštayatapi kin anawicagoptanpi kta, qa wicoħan wašte owasin econpi kta, on wiyeya yukanpi kta.

2 Tuwedan yaśicapi kte śni, qa wicakizapi kte śni, tuka wahbayedan unpi, qa wicašta owasin on wacin tankapi kta.

3 Ehanna unkiś eya wacin un-tonpi śni, qa waanaungoptanpi

śni, unhnayanpi, qa cantiheyapi sica ota, qa iyekipiiciyapi kin en wowidake unyakonpi, wocanniye, icekinpi ko en unnipi, wahite śni unyakonpi, qa otoiyohi siceunkicidakapi.

4 Tuka hehan Wakantanka Wanikiya unkitawapi kin he towašte, qa wacantkiye cin wicašta kin en yutaninpi qehan;

5 Wicohan owotanna econkupi kin eciyatanhan śni, tuka iye towaonśida kin eciyatanhan ni- unyanpi; teca wicatonpi woyujaja kin on, qa Woniya Wakan wicayuteca kin heon etanhan;

6 He Jesus Messiya Wanikiya unkitawapi kin eciyatanhan iyakiçuya unkakaştanpi kin.

7 Hecen iye towaonśida kin on etanhan unyaowotanpidan kinhan, wiconi owihanke wanica unkapepi kin eciyatanhan, taku iye tawa kin he tawaunyanpi kta.

8 Iapi kin he wowicake; qa heon hena taku kin ohinniyan yasutaya iyae kta wacin; tona Wakantanka wicadapi kin hena wicohan wašte wacin ksamya opapi kta. Hena taku wašte, qa wicašta kin en wawokihi.

9 Tuka witkoya wiwangapi, qa

wicoicage oyakapi, qa wawakipajinpi, qa woope akinicapi kin hena okamnayan ya wo; hena takudan okihi śni qa ecinśniyan un.

10 Wicašta waakinica un kin he wancadan, qa inonpa iyopeyapi kin, ihakamya heyata iyeya wo.

11 Tuwe hecece cinhan, he wanna yuptanyanpi, qa woahitanicon, qa iye atayedan ihdaco kin he sdonyaya.

12 Tohan niye ekta Artemas, qa is Tucikos ye wasi kinhan, kohanna Nikopolis ekta en mahi kte linca wo; hen waniyetu waun kta miçiconza.

13 Zenas woope aie kiyapi kin he, qa Apollos icimani ipi kinhan, takudan icakije śni tanyan iyoopteya yewicakiya wo.

14 Qa tona unkicicapi kin hena wicohan wašte aiçiciya econpi kta, wicakijapi kin owicakiyapi kta, qa hecen waskuyeca icañye śni yukanpi kte śni.

15 Tona micicapi kin hena owasin nape niyuzapi. Tona wacinyanpi kin eciyatanhan wašteundakapi kin hena nape wicayuz wo. Wowaonśida niyepi owasin en nicipi un nunwe. Amen.

PALOS

PHILEMON WOWAPI KICAGE CIN.

1 Palos, Jesus Messiya on, kaška hnakapi kin he, qa Timotheos sunkaunyanpi kici, Philemon wašte unkidapi qa ounkiyapi ece kin,

2 Qa nakun Apphia wašteundakapi kin, Arcippos kici ama-

kicita kin he kici, qa yati ohna okodakiciye kin, *witaya wowapi unnicagapi* :

3 Wowaonśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

4 Wocekiye epa eca, ohinni-
yan ciksuye ça, on Wakantanka
wopida ewakiya ece :

5 Jesus Itancan kin wacinya-
ye ça wašte yadaka, nakun tona
owotanna un kin owasin, he na-
wahon kin heon ;

6 Hecen wacinyaye cin owi-
cayaqu kin he sanpa wašaka aye
kta, on taku wašte owasin, Jesus
Messiya eciyatanhan, unkiyepi
en un kin he yutaninpi kta.

7 Mihunkawanji, wacanyakiye
cin heon nina unkiyuškinpi, qa
unkicanptapi, tona owotanna un
kin hena cantepi kin iyuškinwi-
cayaye cin heon etanhan.

8 Qa heon taku iyokipi kin
Messiya en itancanyan econ ciši
kta owakihi :

9 Tuka wacantkiyapi kin eci-
yatanhan ceciciya ce, Palos he
miye, wanna wimacahinca, qa
nakaha Jesus Messiya on kaška
mahnakapi waun.

10 Hecen Onesimos micinkši,
makaškapi kin icunhan micinca
wakage cin hee on ceciciya.

11 He ehanna takudan nicamna
śni, tuka nakaha miye omakiye
ça nakun niye oniciya okihi.
He nakaha hde waši.

12 Niye he iyowinkiya wo, mi-
nagi kin hee kaeš iyececa.

13 He yuha waun kta wacin,
wotanin wašte kin on etanhan
makaškapi icunhan niye eekiya
omakiye kte cin heon.

14 Tuka token yacin kin sdon-
ye śni waun takudan ecamon
kte śni ; taku wašte econ nišipi
kin he iyecen ecanon kte śni,
tuka niye cinka econ wacani kta
he wacin.

15 He iye anpetu tonana ani-

yuštan, ake ohinniyan yahduhe
kta heon etanhan hecon na-
ceca.

16 Wanna wowidake unpi kin
iyecece śni, tuka wowidake
kin ikapeya wašte, hunkawan-
jinkiciyapi waštekidapi kin iye-
cen ; miš hecen wacin wakiyuze
cin, niye iyotan hecen wacin ya-
kiduze kta, wicacełpi qa Itan-
can kin nakun eciyatanhan hun-
kawanjinyaye kta.

17 Kodayapi iyecen mayaduha
hecinhan, he miye iyecen ake
ehdaku wo.

18 Taku icakiśniye ça, taku
iyohiniciyiye śni hecinhan, he
miciyawa wo.

19 Palos he miye, minape kin
on de owawa, he miye wakajuju
kta. Qa taku miyecicajuju śni,
niye atayedan ocowasin yaun
kin he caje mdate śni.

20 Han, mihunkawanji, Itan-
can kin en niye on imduškin
kta ; Itancan kin en micante kin
iyuškinmayan wo.

21 Waanayagoptan kta imdu-
kean, heon wowapi cicaga ; qa
epe cin sam iyeya ecanon kta
sdonwaya.

22 Tipi tukten manke kte cin
he nakun wiyeya emicihnaka
wo ; wocekiye ehapi kin on
etanhan niyepi on makiyuškapi
kta epeca waun.

23 Epaphras, Jesus Messiya on,
kici makaškapi kin he nape ni-
yuza ;

24 Qa Markos, Aristarkos, De-
mas, qa Lukas micilhtanipi kin
hena nakun.

25 Jesus Messiya Itancan un-
kiyapi towaonšida kin ninagi kin
kici un nunwe. Amen.

HEBREW OYATE

WOWAPI WICAKICAGE CIN.

WICOWOYAKE 1.

1 Ehanna, Wakantanka toktogye, otakiya wicašta wokcan kin eciyatanhan hunkake wicunyanpi kin wowicakiyake ciquon, he, anpetu ehake kin dena icunhan, iye Cinhintku kin eciyatanhan wounkiyakapi;

2 He on woicage kin owasin kage ça, he taku owasin tawaye kta e ehde:

3 He iye towitan okitanin, qa ouncage okagapi hince cin hee, iye towašake oie kin on taku owasin hduha yanka, he is iye eciyatanhan waunhtanipi wopakinte kage çehan, Taku iyotan tanka wankan yanke cin he etapi kin en kiyotanka.

4 He iye caje wan mahpiya ohnihde kin isanpa wašte aihpeyapi qa yuhe cin, he iyecen sam iyeya wašte.

5 Micinksi kin he niye, anpetu kin de cinca cicaga ce, mahpiya ohnihde kin tukte wanji eciya he. Qa ake, He atemaye kta, qa miye cinksiwaye kta ce.

6 Unkan, tokapa kin he wicoicage kin ekta hiyuye çehan hecen eya, Wakantanka ohnihde wicaye cin owasin he itokam canpeška makehde enajin kta ce.

7 Qa mahpiya ohnihde kin hena on kaken eya, He tateyanpa kin ohnihdeye ça, peta ide kin wowidakeya ece.

8 Tuka Cinhintku kin heciya,

Wakantanka, oiyotanke nitawa kin he owihanke wanica; nito-kiconze mazasagye kin he maza-sagye owotanna;

9 Woowotanna wašteyadake cin heon Wakantanka, nita Wakantanka kin, tona nitawaši kin hena isanpa wowiyuški kin wihdi on sdaniyan ce.

10 Qa, Itancan, otokahe ekta maka ahe cin eyahde, qa ninape kage cin mahpiya kin hee;

11 Hena yutakuni šni aye kta, tuka niye ecen yaun; owasin onhoħida wan iyecen kuke kta;

12 Qa šina wan iyecen pehan eyahnake ça, hecen yutokecapi kta; tuka niye okonniwanjidan, qa waniyetu nitawa kin owihanke kte šni ce.

13 Tuka ohnihdewicaye cin tukte wanji e, Mietapa kin en iyotanka wo, tona toka niyanpi kin hena nisiha wohe kin en ewicawahnake kta ce, eciya he.

14 Hena owasin taku wakan wawokiya, tona wiconi aihpewicayapi, qa tawapi kte cin hena owicakiyapi kta e u wicašipi qon hena eepi šni he.

WICOWOYAKE 2.

1 Heon etanhan taku naunhonpi kin hena tohinini unkikusepi kte šni e on sutaya awauncinpi kta.

2 Wicoie mahpiya ohnihde oyakapi qon he suta, qa tona anagoptan šni, qa he kašeye cin

hena owasin iyacinyan woyaco owotanna icupi hecinhan ;

3 Unkiye wiconi hinsko tanka kin unkaktapi šni kinhan, token naunpapi kta he. He tokaheya ltancan kin oyake ça, tona nahonpi kin hena atayedan unkoki-yakapi :

4 Wakantanka is eya, iye tawacin kin eciyatanhan, wicakiciyaotanin, wowapetokeca taku on yuſinyewicaye cin hena ko, waſagya econpi ota, qa Wōniya Wakan wicakipamni kin hena on etanhan.

5 Wicoicage u kte cin cajeun-yatapi kin he maḥpiya ohnihde kin yuhewicakiye šni.

6 Tuka wanjī tukten yaotanin qa heya, Wicašta kin he taku he, on yeksuye kta he; qa wicašta cinhintku kin, hecen awanyahdaka he :

7 Maḥpiya ohnihde kin kitanna ihukuya yakage ça, wowitan, woyuonihan ko watešdake yecaton, qa taku nape on yakage cin hena yuheyakiya :

8 Qa iye siha kin ihukuya taku owasin eyahnaka. Taku owasin iye ihukuya ehnake cin, hecen taku ihukuya ehnakapi šni kin takudan okapte šni. Tuka nakaha nahāhin taku owasin ihukuya ehnakapi kin wanunyakapi šni.

9 Tuka Jesus wiconṭe kakijapi kin on, maḥpiya ohnihde kin kitanna ihukuya kagapi kin he wowitan, woyuonihan ko watešdag kiton kin he wanunyakapi, hecen iye, Wakantanka towaonšida kin eciyatanhan, wicašta kin owasin on wiconṭe sdonye kta.

10 Tuwe iye tan tanhan taku owasin un, qa iye on taku owasin un kin he cinca ota wowitan ekta wicahdoye kte cin on, wi-

coni tawapi kte cin mdetahunka kin he wokakije on ecedan kage kta e iyokipi.

11 Hecen tuwe wicayuecedan, qa tona yuecepidan kin hena owasin okonwanjipidan; heon etanhan hena hunkawanjin wicakiya kewicakiye kta ištece šni :

12 Qa hecen eya, Nicaje kin mihunkawanji owicawakiyake kta, qa okodakiciye kin cokata icidowan kta ce.

13 Qa ake, He wacinwaye kta ce. Qa ake, Ibo, miye, qa cinca Wakantanka maqu kin hena.

14 Cinca kin hena wicaceḥpi, qa wicawe kin en opapi kin heon is iye hena en opa; hecen tuwe wiconṭe wowasake yuhe cin, Wakansica hec, e ihangye kta;

15 Qa tona tohanyan ni unpi kin hehanyan wiconṭe ikopapi kin on wowidake unpi kin hena ewicahdaku kta.

16 Awicakehan maḥpiya ohnihde kin he koyake šni, tuka Abraham cinca kin hecen ihduza.

17 Heon etanhan taku owasin en, iye hunkawanjinwicaye cin iyecen ikicage kte cin he hecetu; hecen taku Wakantanka tawa kin en, Wawayušna ltancan wzonšida, qa wicake kta, qa oyate waḥtanipi kin on wookiye wicakicage kta.

18 Iye, iyutanyanpi kin on, atayedan kakije cin, heon etanhan tona iyutanwicayapi kin hena ewicahdaku kta okihi.

WICOWOYAKE 3.

1 Heon, mihunkawanji wakan, maḥpiya tanhan wicakico kin en oyapapi kin, wounhdakapi kin on Jesus Messiya yešipi qa Wa-

wayuśna Itancan kin he awacin po.

2 Moses tipi ocowasin ohna owotanna un kin, he iyecen iye qe tuwe econ śi qon owotanna ecakicon.

3 Tuwe ticage cin he tipi kin sam iyeya yuonihanpi ece kin, he iyecen he qe Moses kapeya wowitan tanka yuha.

4 Tipi otoiyohi tuwe kaga; tuka tuwe taku owasin kage cin he Wakantanka ee.

5 Moses wowidake un kin heca, tipi tawa ocowasin ohna wacinyepica un, taku oyakapi kte cin hena yaotanin kte cin heon.

6 Tuka Messiya, iye ti kin ocowasin ohna, Cinhintkuyapi kin iyececa; tipi tawa kin he unkiyepi, waditagya wounhdakapi, qa wowiyuskinyan wacinunyanpi kin he owihanketa ŋinsa unhapi kinhan.

7 Heon etanhan, Woniya Wakan kin kaken eya, Anpe dehan iye ho kin nayahonpi kta hecinhan;

8 Cante ihdutehipi śni po, hepuz a en, anpetu wawiyutanyan un kin en, wawakipajinpi qon iyecen;

9 Nihunkakepi iyutanmayanpi, qa mayukcanpi, qa waniyetu wikcemna topa hehanyan miohan kin wanyakapi ce.

10 Heon etanhan wicoicage kin he on iyomayake ca, hepa, Cantepi kin ekta ohinniyan nunipi, qa mitacanku kin sdonyapi śni ce.

11 Hecen śinwahda qa, Okihpapi mitawa kin en yapi kte śni ce, eya wakonza.

12 Mihunkawanji, wakta po, okinni cante wicada śni, qa śice cin en niunpi, on Wakantanka ni un kin aduśtanpi kta.

13 Tuka anpetu otoiyohi wahokoniciciya po, anpe dehan eyapi kin hehanyan; okinni wohaŋtani wohnaŋe kin on wanji tukte niyutehipi kta.

14 Tokaheya wicaundapi kin he owihanketa sutaya unhapi kinhan, Messiya en ounpapi.

15 Anpe dehan, iye ho kin nayahonpi kinhan, cante hdutehipi śni po, wawakipajinpi qon en iyececa ce, eyapi kin hehanyan.

16 Tona naŋonpi qon hena kipajinpi he: tuka Moses tona Egipta etanhan awicau qon hena owasin śni he.

17 Tona waniyetu wikcemna topa hehanyan iyoyakeyapi qon hena tuwepi he; tona wahtanipi, qa hepuz a en tancan ihpayaŋpi qon hena eepi śni he.

18 Qa okihpapi tawa kin en yapi kte śni, konza kewicakiye ciquon hena tuwepi he; tona wicadapi śni qon hena eepi śni he.

19 Hecen wicadapi śni kin heon en yapi kta okihipi śni e wanunyakapi.

WICOWOYAKE 4.

1 Hecen okihpapi kin de en unkopapi kta e iwahounyanpi kin, heon niyepi kin wanjikśi iyoyahipi kte śni se ececa e ikounpapi kta.

2 Wotanin wašte kin unkokiyakapi, is iyepi kin iyececa; tuka wicoie naŋonpi qon he owicakiye śni, tona naŋonpi kin wowacinye icicahiyapi śni kin heon etanhan.

3 Tuka tona wicaundapi kin okihpapi kin en ounpapi kta: heye ciquon iyececa; Śinwahda on okihpapi mitawa kin en opapi kte śni ce, epa ce; maka icage cin hehantanhan wicohan kin yuśtanpi tuka.

4 Tukten anpetu isakowin kin he ke ça hecen eya, Anpetu isakowin kin he Wakantanka okilpa, taku kage cin owasin etanhan.

5 Qa hen ake, Okilhpapi mitawa kin en opapi kte sni.

6 Heon etanhan, hunh en opapi kte cin he tokata ihan, qa tona tokaheya wotanin wašte owicakiyakapi qon hena wicadapi sni kin heon en opapi sni.

7 Ake anpetu wan ke ça Dawid en heya, Anpe dehan, iye ho kin nayahonpi kinhan, cante hdutehipi sni po.

8 Jošuwa okilhe wicakiya unkanś, he iyohakam anpetu tokeca caje yate kte sni tuka.

9 Hecen Wakantanka taoyate kin okilhpapi wan wicakicihan.

10 Tuwe okilhpapi en ope cin he wanna tohtani kin ayuŕstan, Wakantanka iye tawa ayuŕstan qon iyececa.

11 Heon etanhan wookilhe kin he en unkopapi kta e amniheunkiciyapi kta, okinni wicadapi sni qon he iyecen tuwe ilpaye kta naceca.

12 Wakantanka oie kin he ni un, wawokihi, qa mazasagye anog ope kin he isanpa pe hinca, wicanagi, wicaniya kici iyotahe-dan capa iyaye ça, okihepi cupe ko kicakse ça, wicotawacin wicacante wacin yuze cin hena koya iyukan ece.

13 Qa taku kagapi kin takudan iye ista kin en anahbepica sni; tuwe oicazo unqupi kin he ista kin en taku owasin tancodan qa ŕdayehnahan yanka.

14 Heon Wawayuŕna Itancan tanka wan, Jesus Wakantanka Cinhintku, mahpiya kin ekta iyaye cin hee unhapi kin heon wounhdakapi kin he sutaya unhdzapi kta.

15 Wawayuŕna itancan kin, unkiye unakijapi kin en unkan-
ptapi kta okihi sni kin heca unhapi sni, tuka iye taku owasin on iyu-tanyanpi, unkiye iyeuncecapı, tuka wohtani codan un.

16 Heon etanhan wowašte oiyotanke kin en waditagya un-kupi kta, hecew wowaonsida un-kicipi kta, qa tohan uncinpi eca wowašte wawokihi kin iyeunyanpi ece e kta.

WICOWOYAKE 5.

1 Wawayuŕna itancan otoiyo-hi, wicašta etanhan icupi kin, he Wakantanka taku tawa kin en, wicašta on etanhan ehdepi, taku kicipi, wohtani on woŕnapi kin hena ko wayuŕna kta e heon.

2 Tona onspepi sni, qa canku icunom yapi kin hena onŕiwica-da kta okihi, is iye wookihi sni aohduteyapi nakaes.

3 Qa heon oyate kin on woŕna ece kin, he iyecen is iye wohtani econ kin on taku wayuŕna ece kta.

4 Qa tuwedan iye cinka w-witan kin de icu sni, tuka, Aaron iyecen, Wakantanka tuwe kico kin hecedan.

5 He iyecen, Messiya is eya Wawayuŕna itancan kta e ihdu-tan sni; tuka tuwe, Micinksi kin he niye, anpe dehan cinca cicaga ce, eciye ciqon hee hecon.

6 Qa nakun tokan en kaken eya; Melkizedek ouncage kin iyecen Wawayuŕna owihanke sni kin henica cē.

7 He qe anpetu wicacehpi en un qehan, wocekiye, wokidapi ko eye ça, ista mnigaga nina hoyekiye ça, tuwe wiconŕe etanhan ehdaku kta okihi kin he ce-

kiye :ça, kokipeyahan un kin, heon nahonpi.

8 Qa Cinhintku kin hee kaeś, taku token kakije cin on woanagoptan onspeiciya. -

9 Qa iye yuſtanpi kin heon tona anagoptanpi kin owasin owihanke wanin wiconi kin wicakicaga.

10 Melkizedek ouncage kin iyecen, Wawayuſna ltancan, Wakantanka keciye cin.

11 Wicaſta kin he on taku ota unkoniciyakapi kta, tuka oyakapi tehika, wanaſon yahunkapi ſni nakaeś.

12 Hinna kaha waonspekiya henicapi kta, tuka nahahin tuwe Wakantanka oie oowa tokaheya kin hena akta onspeniciyapi kta e iyenihantupi, qa tona asanpi ece cinpi, qa waconica yun okihipi ſni kin hee en iyoniptapi.

13 Tuwe kaſta asanpi ece yute cinhan, he wicoowotanna wicoie kin en wayupike ſni, nahahin hokſiyoqopa nakaeś.

14 Tuka tona tankapi, qa wana taku utapi on tanyan ihduſtanpi, taku waſte, taku ſica ko iyukcanpi kin, hena waconica yutapi ece.

WICOWOYAKE 6.

1 Heon etanhan Meſſiya wonspe tokaheya tawa kin he he kta ehpunkiyapi, qa woyuſtan ekta unyanpi kta; wiconſe wicoſhan on iyopeiciyapi, qa Wakantanka wacinyanpi kin taku ahe cin akta eunhdepi kte ſni;

2 Baptem eyapi woonspe kin, qa nape on awicaputakapi, qa wicaſe cin ekicetuwicayapi, qa woyaco owihanke wanice cin hena koya.

3 Unkan Wakantanka iyowin-

unkiyapi kinhan, hecen econkupi kta.

4 Tona wancadan iyoyanpapi, qa mahpiya tanhan taku wicaqupi kin he utapi, qa Woniya Wakan kin etanhan okinipi;

5 Qa Wakantanka oie waſte kin he utapi, wiconi u kte cin wowaſake kin nakun;

6 Hena ayuſtanpi hecinhan, ake piya iyopeiciye wicakiyapi kte cin he okihipica ſni; iye atayedan Wakantanka Cinhintku can susbeca en piya okatanpi, qa taninyan wowiſtenyapi kin heon etanhan.

7 Maka kin ota amagaju kin he yuſhepe ça, tona kicanyanpi kin hena on taku peji iyecetuya aicage cin he Wakantanka yuwaſte.

8 Tuka taku takanheca hu, qa wapepeka aicage cin he ehpeyapi, qa yaſicapi kte cin kiyadan ihan, he owihanketa huſnage kta.

9 Tuka, waſtecicidapi kin, hena hecen unkeyapi eſta, niyepi kin on taku sanpa waſte qa wiconi en ope cin hena en niunpi e.sdonunyanpi.

10 Wakantanka owotanna, qa heon wicoſtani, qa wowaſte wokicanye nitawapi, iye caje kin on ecanonpi, tona owotanna un owicayakiyapi, qa nahahin owicakiya dukanpi kin he aki-tonje kte ſni.

11 Unkan niyepi otoiyohi owihanketa, woape woyuſtan kte cin behanyan iyecen amniheniciyapi kta uncinpi.

12 Qa nikujapi kte ſni, tuka tona wicadapi, qa wacintankapi on, taku iwahowicayapi qon wanna yuhapi kin, hena owicayapapi kta.

13 Wakantanka Abraham taku iwahoye çehan, taku sanpa tan-

ka cajeyate kta wanica, heon iye atayedan cajeihdata;

14 Qa heya, Awicakehan wo-wašte on ciyawašte kta, qa yuotapi kin on yuotaciye kta ce.

15 Unkan wahbayedan ape yanke cin he iyohakam taku iwahoyapi qon ekicicetu.

16 Wicašta akantu taku iyotan tanka cajeyatapi ece; qa wokonzeyoyusuta kte cin he waakinicapi owasin en woanapte kin hee.

17 He en, Wakantanka, tona taku iwahoyapi qon tawapi kte cin hena en, iye tawacin yuhopica šni kin he iyotan sdonye wicakiye kta cin, qa heon wokonzeyoyusuta.

18 Heon taku nom yutokecapica šni, en Wakantanka itonšni okihipica šni kin hena taku kin on etanhan, tona woape unkitokam ehdepi kin en onaunpapi kin wicakicanpte wan wašaka unhapi kta.

19 He unhapi, wicanagi taku on aspeiciya, wicakapi qa suta kin hee, taku tipi cokaya hnakapi kin mahen tanhan un kin he en aspeiciya.

20 Heciya Jesus kahin tokam ye cin unkiyepi on timahen iyaya, he Melkizedek ouncage kin iyecen Wawayušna Itancan kin heca kagapi.

WICOWOYAKE 7.

1 Melkizedek, Salem Wicaštayatapi, qa Wawayušna Wakantanka Iyotan wankantu kin he tawa, hee, Abraham, wicaštayatapi wicakaštake cin, etanhan hdicu kin he itkokiye qa yawašte.

2 Unkan Abraham taku owasin etanhan iwikcemna kin he qu. Wicašta kin he tokaheya caje

oyakapi kin on, Woowotanna wicaštayatapi kin hee, qa hehan, Salem wicaštayatapi kin, he Wookiye wicaštayatapi kin hee.

3 Atkuku wanica, hunku wanica, qa wicoicage oyakapi kin wanica, anpetu tokaheya wanice qa wiconi owihanke wanica, Wakantanka Cinhintku kin iyecen. icaliyapi, qa Wawayušna ohinniyan yanka.

4 Wicašta tanka kin de wan-yaka po, Abraham, hunkakeyapi un kin hee kaeš, taku iwakte ahdi kin etanhan iwikcemna kin he qu.

5 Tona Lewi cinca kin etanhanpi, wošnapi wicohan yuhapi kin hena, wicoope kin eciyatanhan iye hunkawanjitekupi oyate kin etanhan taku icupi kta e iwahowicayapi; hena Abraham nite kin etanhan inanpapi tuka heconpi.

6 Tuka tuwe hena etanhan wicoicage hdawa šni kin he Abraham etanhan taku iwikcemna kin icu, qa wahoyapi kin yuhe ciqon he yawašte.

7 Unkan he de akinicapi šni, tuwe ihukuya un kin he iyotan wašte kin on yawaštepi ece.

8 Qa deciya wicašta tapi kte cin hena taku iwikcemna kin icupi ece; tuka heciya, he ni un e yaotaninpi.

9 Unkan he de heyepica; Lewi taku iwikcemna kin icu ece kin, he is.eya Abraham eciyatanhan taku iwikcemna kin wicaqu;

10 Melkizedek itkokiye cehan he nahahin atkuku nite kin mahen un.

11 Heon etanhan, Lewi wošnapi wicohan yuhe cin eciyatanhan woyušan en au unkanš; he en oyate kin wicoope yuhapi; tokiyatanhan wawayušna

WICOWOYAKE 8.

tokeca wan icage kta, Melkizedek ouncage kin eciyatanhan, qa Aaron ouncage kin eciyatanhan caje yatapi kte šni he.

12 Wošnapí wicoľan kin he yutokecapi kinhan, heon etanhan wicoope kin nakun yutokecapi kta.

13 Qa tuwe on hena hecen eyapi qon he wicoun tokeca etanhan inanpa; he etanhan tuwedan wahna wošnapí kin ekta ohanye šni.

14 Itancan unkitawapi kin he Juda wicoun kin etanhan icaga e sdonunyanpi; qa wicoun kin he wošnapí kagapi kta e Moses takudan eye šni.

15 Qa de iyotan atanin, Melkizedek ouncage kin iyecen, Wawayušna tokeca wan icage kta;

16 He wicaceľpi wicoie woope kin eciyatanhan šni, tuka wiconi owihanke wanica wowašake kin eciyatanhan icahyapi.

17 Melkizedek ouncage kin iyecen, Wawayušna ohinniyan nanka ce, eya yaotaninpi qon.

18 Unkan nakun woahope tokaheya ye cin he yutokan iyeyapi, wašake šni qa taku okihipica šni kin heon etanhan.

19 Woope kin he takudan yuštan šni, tuka wowacinye iyotan wašte kin he en au; qa heon Wakantanka kin en ikiyedan unkupi.

20 Iye wokonze oie kin codan wawayušna kin kagapi šni; dena e wokonze oie codan wawayušna wicakagapi;

21 Tuka he qe wokonze wicoie kin eciyatanhan; tuwe, Melkizedek ouncage kin iyecen Wawayušna ohinniyan nanka ce, Itancan kin heye qa iyopei-
ciye kte šni ce, eciye cigon hee hecon.

22 He iyecen wicotakuye iyo-

tan wašte kin en Jesus wayu-
ecetu wan kagapi.

23 Wiconťe kin on, ohinniyan en un okitpanipi kin, heon hena wawayušna kin otapi.

24 Tuka he qe owihanke wanin yanke cin, heon wošnapí wicoľan yutokecapica šni wan yuha.

25 Qa hecen tona iye eciyatanhan Wakantanka en upi kin hena owasin niwicaye kta okihi, hena wocekiye ewicakiciye kta e ohinniyan ni un kin heon.

26 Wawayušna Itancan kin hececa he iyounkipipi, wakan, iyaonpepica šni, wašape šni, qa waľtanipi sa wicicunonpa un, qa mahpiya kin sanpa wankantuya icahyapi.

27 He iye, wawayušna kin hena iyecen, anpetu iyohi, tokaheya iye waľtani kin on, qa hehan oyate waľtanipi kin on etanhan wošna kte cin he iyecece šni; wancadan hecon, iye atayedan waiľdušna qon he ehan.

28 Woope kin he wicašta wašakapi šni kin hena wawayušna wicakaga ece; tuka wokonze wicoie kin, woope iyohakam un kin, he Cinhintkuyapi, owihanke wanin yawaštepi kin he kaga.

WICOWOYAKE 8.

1 Taku nakaha unkeyapi yuptahnakapi kin he dee; Wawayušna Itancan kin hececa unhapi, mahpiya ekta Otancanke oiyotanké etapa kin en kiyotanka;

2 Tipi wakan kin he, qa wakeya wicakapi kin, Itancan ticaga qa wicašta akantu econpi šni, kin he en ookiye kin hee.

3 Wawayušna otoiyoľi taku kicićupi, wošnapí ko wayušna kta e kagapi; heon wicašta kin

de is eya taku wayusna hduhe kta e hecetu.

4 Maka akan un unkanś, Wayusna kin heca kte śni; wayusna wope kin eciyatanhan taku kiciċupi kin wayusnapi ece kin hena yukanpi kin heon.

5 Hena oowa, qa taku mahpiyata un kin ohanzi kin en ohanyanpi ece; Moses wakeya qon kage kta hehan Wakantanka okiye ċa, Awacin wo, he kin ekta token wanyag niciyapi qon he iyecen owasin yakage kta ce, eciya.

6 Tuka nakaha iye wawokiyapi iyotan wašte wan yuha, wicotakuye wašte ģinca, wahoyapi iyotan wašte kin en ahe cin he en wiciyotahedan un kin, heon etanhan.

7 Wicotakuye tokaheya kin he iyaonpepica śni unkanś, iyokihe kin he tuktedan kiyukanpi kte śni tuka.

8 Hena taku iyawicaonpe ċa heya, Wanyaka wo, anpetu kin u kta, hena en Israel tiyohnaka, qa Juda tipi kin wicotakuye teca wicawecage kta, Itancan kin eya.

9 Egipta makoce kin etanhan awicawau kta e hena hunkakewicayapi kin nape wicamduze ciqon anpetu kin he en, wicotakuye wicawecage ciqon he iyecece śni; wicotakuye mitawa kin he miciyuhapi śni; qa heon miś ihawicawakta śni ce, Itancan kin eya.

10 Anpetu kin hena iyohakam wicotakuye wicawecage kte cin he dee; Hena wicotawacin kin en mitoope kin wicawaqu kta, qa cantepi kin akan owawa kta, qa miye Wakantanka mayanpi kta, qa miś hena mitaoyate wicawaye kta;

11 Qa wicašta otoiyoĥi tuwe

ikiyadan ti, qa otoiyoĥi hunkawanjitku kin onspewicakiyapi, qa, Itancan kin sdonya wo, eyapi kte śni; tuka owasin sdonmayanpi kta, wohakakta tankinkinyanpi ko:

12 Taku ecinśniyan econpi kin hena onśiwicawada kta, qa wahtanipi, wicoĥan śica econpi ko, icimana wicaweciksuye kte śni ce, Itancan kin eya.

13 Taku teca cajeyate cin he tokaheya kin yutanina kin heon heya. Unkan taku tanina, qa takuni śni aye cin, he tanin śni iyaye kta kiyadan ihan.

WICOWOYAKE 9.

1 Hehan awicakehan tokaheya qon he en woohoda wicoĥan kin yukan, qa nakun makata tipi wakan.

2 Wakeya wan kagapi, tokaheya kin he ohna petijanjan ihupa, qa wahna wotapi, qa aguyapi taninyan ehnakapi kin, he tipi wakan eciyapi.

3 Qa ti cokahnakapi icinonpa mahen tanhan, he wakeya kin iyotan wakan eciyapi:

4 Hen mazaskazi oizinyapi kin, qa wicotakuye can koka kin akapatanhan owancaya mazaskazi akahpeton, hee ohna mazaskazi cega manna ohnakapi kin, qa can sakadan Aaron tawa kin ģea aye ciqon, qa wicotakuye inyan mdaska kin hena.

5 Qa he iwankapatanhan, wowitan Cerubim wowaonśida ohe kin aohanziyapi; hena on nakaha atayedan taku unkeyapi kte śni.

6 Hena taku kin hecen yuśtanpi qehan, wawayusnapi kin wakeya tokaheya kin en yapi, qa ohodapi wicoĥan kin econpi ece.

7 Tuka icinonpa kin he en Wa.

wayuśna itancan kin ecedan, waniyetu otoiyohi wancadan mahen i, qa we codan i śni, he iś iye atayedan on, qa oyate taku ecinśniyan econpi ko on en ai.

8 Heon Woniya Wakan kin hecen oyaka, Wakeya tokaheya kin nahahin ecen he cin icunhan, tipi iyotan wakan kin ekta canku kin nahahin yuotaninpi śni:

9 He ito kayehan wiyacinpi un, qa en taku wicaqupi wośnapi ko aipi, tuka hena e tuwe hecon kin nagi kin yuecedan kta okihi śni.

10 Hena e woyuecetu kte anpetu kin hehanyan, woyute, qa woyatke, qa woyujaja ota, econ wicaśipi kin.

11 Tuka Messiya, taku wašte u kte cin en, Wawayuśna Itancan ihdutanin, wakeya iyotan wašte qa yuśtanpi, nape on kagapi śni, wicoicage kin de etanhan śni, kin he ohna;

12 Tatokadan qa ptejicadan we kin yuhe śni, tuka wopekitonpi owihanke wanin kage ca, iye we kin hduha wancadan tipi iyotan wakan kin timahen iyaya.

13 Hecen tatanka qa tatokadan we kin, qa pte heyuktanna cahota amnimnipi kin, tona waaśape cin wicayuecedan, qa wicacehpi yuska kta e okihi hecinhan;

14 Sam iyeya Messiya, Woniya owihanke wanice cin eciyatanhan, Wakantanka en iyaonpepica śni waihduśna qon, he iye we kin, wiconŧe wicohan kin etanhan nagi nipakintapi kta, Wakantanka ni un kin wowidag niyanpi kte cin heon.

15 Qa heon etanhan, Wicotakuye Teca kin en Iyotahedan un kin he iye, hecen wicotakuye tokaheya ihukuya wahtanipi qon

hena kajuju kta e on ŧe cin, he eciyatanhan tona wicakico kin owihanke wanin taku tawapi kte cin iwahowicayapi qon he yuhapi kta.

16 Tukten wicotakuye wanji yukan hecinhan, hen wicotakuye kage cin he wanna ŧa e yutaninpi.

17 Taku ŧapi kin hena on wicotakuye wowapi kin suta ece; tuka wicotakuye kage cin nahahin ni un kinhan, he takudan okihi śni.

18 Unkan heon wicotakuye tokaheya qon he we codan yuecepidan śni.

19 Woope kin eciyatanhan, Moses waohope kin owasin oyate kin owicakiyaka yaśtan qehan, ptejicadan, qa tatokadan we kin icu, qa mini, taħinca hin duta, peji ħota kò, qa wowapi kin oyate kin owasin ko, awicamnimni;

20 Qa heya, Wicotakuye Wakantanka econ niśipi kin we kin he dee ce.

21 Qa nakun wakeya kin, taku waksica wowinyunyanpi kte cin owasin ko we amnimni.

22 Woope kin eciyatanhan taku owasin se we on pakintapi; qa we papsonpi śni ehantanhan wokajuja wanica.

23 Heon etanhan, hena taku kin on, taku mahpiya ekta un iyacinpi kin pakintapi kta e hecetu; tuka taku mahpiya ekta un kin hena e qe taku sanpa wašte wośnapi kin on.

24 Messiya tipi wakan nape on kagapi kin he mahen i śni, tipi wakan ħinca iyacinpi kin hena ee; tuka mahpiya kin e qe mahen, qa heciya unkiyepi on Wakantanka itokam ihdutanin kta.

25 Qa wawayuśna itancan kin he owanka wakan kin en, taku

tokeca we kin yuha, waniyetu otoiyo hi wancadan mahen i ece kin he iyecen ota akihde waihdusna kta iyecece sni;

26 He iyececa unkan, maka kagapi kin ehantanhan, wanna ota akihde kakije kta tuka; tuka nakaha woicage ihanke kin en, iye waihdusna kin eciyatanhan, woahitani yutokan iyeye kta e on taniniciya.

27 Unkan wicašta kin wancadan tapi kte cin he iwahowicayapi, qa he iyohakam woyaco kta:

28 He iyecen Messiya, wicota wahtanipi kin yuhe kta e wancadan wayusnapi; unkan, tona he wanyakapi kta ape yukanpi kin hena niwicaye kta e, woahitani codan, inonpa ihdutanin kta.

WICOWOYAKE 10.

1 Taku waste u kte cin ohanzi kin he woope kin en un, qa hena atayedan taku kin ouncage kin hee sni; heon etanhan, waniyetu otoiyo hi wošnapi ohinniyan aipi kin he tona en hipi kin wicayuecedan kta okihi sni.

2 He okihi unkan hena taku kin wayusnapi ayustanpi kte sni he. Tona en opapi wancadan pakintapi kinhan icimana woahitani sdonkiyapi kte sni tuka.

3 Tuka hena on waniyetu otoiyo hi woahitani kiksuyapi ece.

4 Tatanka tatokadan kici hena we kin woahitani yutokan iyeye kta okihipica sni.

5 Heon etanhan, makata hi qehan, Wošnapi, taku wicaqupi ko yacin sni, qa tancan wan miyecaga ce, eya.

6 Peta wošnapi, qa woahitani on wošnapi kin hena iyonicipi sni;

7 Hehan, Ito wau, wowapi

tanka en miye on hecen owapi ce; Wakantanka, nitawacin kin ecen ecamon kta ce, epa.

8 Wankan, Wošnapi, taku wicaqupi, peta wošnapi, qa woahitani on wošnapi kin; woope eciyatanhan ahi wayusnapi kin; hena yacin sni, qa iyonicipi sni, eye cehan;

9 Hehan nakun, Wakantanka, nitawacin kin ecen ecamon kta wau ce, eye cin. Tokaheya kin he yutokan iyeya, icinonpa kin he hdusuta kte cin heon.

10 He iye tawacin kin ee on unyuecepidan, Jesus Messiya tancan wancadan wayusnapi kin he eciyatanhan.

11 Wawayusna otoiyo hi anpetu iyohi, en ohoda inajin, qa ohinniyan taku wošnapi ece kin hena ake ecekcen wayusna, hena woahitani kajuju kta tokadan okihi sni.

12 Tuka wicašta kin de, woahitani on wošna wanjidan waihdusna, hehan Wakantanka etap kin eciyatanhan owihanke wanin kiyotanka;

13 Qa hetanhan tona toka yapi kin hena owasin iye siba kin ihukun iyewicayapi kta ape yanka.

14 Wošnapi wanjidan on etanhan tona wicayuecepidan kin hena owihanke wanin wicahdustan.

15 Woniya Wakan kin he nakun unkiciyaotaninpi; tokaheya eye cion he iyohakam;

16 Anpetu kin hena iyohakam, wicotakuye wicawecage kte cin he dee kta, Itancan kin eya; Mitoope kin hena iye cantepi kin en wicawagu kta, qa tawacinpi kin en owakiwa kta;

17 Qa iye wahtanipi, taku ecinsniyan econpi ko, icimana weksuye kte sni.

18 Henà owasin kajujupi kinhan; wohtani on wošnapi kin wanice kta.

19 Heon, mihunkawanji, Jesus we kin eciyatanhan tipi iyotan wakan kin en waditagya unyanpi kte;

20 Canku wan teca qa ni un, ti cokaya hnakapi, iye celipi kin hee, ohna unkicagapi kin he eciyatanhan.

21 Qa Wakantanka ti kin ohna Wawayusna Itancan wan unha-pi;

22 Heon cante wicake hinca hduha sogya wacinunyanpi qa ikiyedan unkupi kta, wicanagi šice cin etanhan uncantepi kin unkamninnipi;

23 Qa mini ska kin on untancanpi kin unyujajapi; qa wacinunyanpi unhdaotaninpi kin he yuhohopi šni unhduhapi kta; tuwe wahounyanpi kin he wacinyepica:

24 Qa otoiyo hi awaunkicicinpi kte, wacantkiyapi, qa wicohan waste en iyounkicipastakapi kte cin heon.

25 Qa wanjikji econpi kin iye-cen mniunkiciyapi ece kin he unkayustanpi kte šni; tuka wahokonunkiciciyapi kta; qa anpetu kin he kiyadan u wandakapi kinhan, sanpa nina ecanonpi kta.

26 Wowicake sdonyapi kin unkicupi kin he iyohaham iyokipiya waunhtanipi kinhan, wohtani on wošnapi kte cin wanica.

27 Tuka woyaco inihanyan apepi kin he, qa wocanniye ide kin, tona tokayapi kin hena ihangwicaye kta.

28 Tuwe Mošes toope kin akta šni, nonpa qa is yamni yaotaninpi kinhan, he onsidapi šni ta ece;

29 Hecen tuwe Wakantanka Cinhintku we kin amani, qa wicotakuye we kin on yuecepidan qon he wakan šni dake ca, Wowaste Woniya kin he taku i en hiyeye cinhan, he wokakije iyotan tanka hiyahde kte šni kecan-nipi he.

30 Tokiçonpi kin he mitawa, towicaweciçon kta ce, Itancan kin eya ce, tuwe eye cion he sdonunyanpi. Qa ake, Itancan taoyate kin wicayaco kta ce.

31 Wakantanka ni un nape kin en ohinhpayapi kin he wokokipe.

32 Anpetu tokaheya kin kiksuya po, hena en iyoyamniyanpi, qa hehan wicokakije okicize tanka wan iyahdeniciyapi.

33 He icunhan waapi, wicokakije ko on iwanniyakapi kta enihdepi; qa nakun tona hecawicakiconpi kin hena tawaši wicayayapi.

34 Miye makaškapi kin icunhan onšimayakidapi, qa woyuha duhapi qon nicipi kin he on wiđuškinpi, mahpiya ekta woyuha iyotan waste ohinnian ye kte cin he duhapi sdonyakiyapi kin heon etanhan.

35 Wadinitakapi qon he ayušanpi šni po, he woyuha tanka okihi kta.

36 Wacinnitankapi kta iyececa; hecen Wakantanka tawacin kin ecen ecanonpi kinhan, taku iwahounyanpi kin he iyacupi kta.

37 Wanna aškadan tuwe u kte cin he hi kta, qa yutehan kte šni.

38 Tuwe owotanna un kin he wacinyan un kin on ni kta. Tuka tuwe namni kinhan he minagi kin iyokipi kte šni ce.

39 Tuka tona wicotakuni šni ekta icicawin hdapi kin heunca-

pi sñi; tona wacanagi ni kta e on wicadapi kin hena unkiyepi.

WICOWOYAKE 11.

1 Wacinyanpi kin he taku aperi oahé kin ee, qa taku wanyakapi sñi un yuotanin kin hee.

2 He on hunka wicayapi kin yuonihanyan ihdaotaninpi qon.

3 Wacinyanpi kin eciyatanhan, Wakantanka oie kin on woicage kin icahyapi kin he sdonunyanpi, taku wanyakapi un kin hena taku tanin kin etanhan kagapi sñi.

4 Wacinyanpi kin eciyatanhan Abel Qain kape ça, wošnapi iyotan wašte wan Wakantanka wakiyušna qon he on owotanna e hduotanin; Wakantanka nakun hecen yaotanin, taku qu kin heon, qa he eciyatanhan řa keš nahahin ia ece.

5 Wacinyanpi kin eciyatanhan Henok wiconťe wanyake kte sñi e tokan ayapi, qa tuktedan iye-yapi sñi, Wakantanka tokan aye cin heon. Tokan ayapi sñi itokam Wakantanka iyokipiye cin he okiyakapi.

6 Tuka wacinyanpi codan tuwedan iyokipiye kta okihi sñi. Tuwe en u kinhan he Wakantanka ni un, qa tona aiciciya akitapi kin hena iyunwin wicagu ece kin he wicada kta.

7 Wacinyanpi kin eciyatanhan Nowa Wakantanka ihamna, taku nahahin wanyakapi sñi kin hena, qa itonkipa un kin heon tiyohnaka tawa ni kte cin on wata tanka wan kaga; qa iye ohan kin on oyate kin wicayaco, qa hecen woowotanna wacinyanpi eciyatanhan un kin he tawa kta e icaga.

8 Wacinyanpi kin eciyatanhan Abraham, makece wan yuhe kte

cin he ekta ye šipi qehan, anagoptan, qa tokiya ye kte cin tanyan sdonkiye sñi iyaya.

9 Wacinyanpi kin eciyatanhan makece iwahoyapi qon he en ounyan, makece tawa sñi kin en iyececa, Isaak qa Jakob taku iwahoyapi qon om tawaye kte cin hena om wakeya ohna ti ece.

10 Otonwe wan taku ahde kin ahe cin he ape yanka, ticage ça icahye cin he Wakantanka kin ee.

11 Wacinyanpi kin eciyatanhan, Sara iye qe cinca yuhe kta e wowašake icu, qa wanna waniyetu ece kin sanpa hiyu tuka cinca ton, tuwe iwahoye ciqon he wicaka e awacin yanke cin heon.

12 Heon wanjidán etanhan, qa he řa nun seca, tuka he etanhan wicota icaga, mahpiya wicanhipi kin iyenaka, qa miniwanca kahda wiyaka sukaza kin iyecen yawapica sñi.

13 Dena owasin wacinyan řapi, taku iwahowicayapi qon nahahin icupi sñi, tuka tehan tanhan wanyakapi, qa wicadapi, qa adoksohan icupi, qa maka akan oyate tokeca qa unhdaka unpi kin heca ihdaotaninpi.

14 Tona taku hececa eyapi kin hena makece wanji akitapi e taninyan ohdakapi.

15 Ünkan awicakehan makece kin etanhan hiyupi qon he wacin en yuzapi unkanš, heciya ake ekta hdapi kta okihipi tuka.

16 Tuka nakaha wanji iyotan wašte mahpiya ekta wanke cin hee akitapi. Heon etanhan Wakantanka hena Wakantanka tawapi kin eciyapi kta ištece sñi, qa otonwe wan wiyeya ewicaki-cihnaka.

17 Wacinyanpi kin eciyatan-

han, Abraham, iyutanyanpi qe-
han, Isaak wahdušna, qa tuwe
taku iwahoyapi qon wicada kin
he cinhintku ecedan kin wahdu-
šna.

18 Isaak etanhan wicoicage ni-
tawa kin cajeyatapi kta ce, eci-
yapi tuka qon.

19 Wiconŧe ee kaeš etanhan
Wakantanka ekicetuya okihi he
wicada ; qa hetanhan nakun wi-
yacinpi on ehdaku.

20 Wacinyanpi kin eciyatan-
han Isaak, Jakob qa Esa wica-
hdawašte, taku u kte cin heon.

21 Wacinyanpi kin eciyatan-
han Jakob, wanna ŧe kta hehan,
Joseph cinhintku napin wicahda-
wašte, qa cansagye oinkpa kin
akan wocekiye eya.

22 Wacinyanpi kin eciyatan-
han Joseph, wanna ŧe kta hehan,
Israel cincapi kin hetanhan hda-
pi kte cin he caje yate ɕa, iye
huhu kin aye wicaši.

23 Wacinyanpi kin eciyatan-
han, Moses tonpi kin, hehan
hunkakepi kin wi yamni hehan-
yan anakihmanpi, hokšidan wa-
šte e wanhdakapi, qa wicaštaya-
tapi toope kin kokipapi šni.

24 Wacinyanpi kin eciyatan-
han Moses wanna tanka icage
ɕehan, Pharo cunwintku cinca
eciyapi kta wicada šni ;

25 Wakantanka taoyate kin
om kakija un kte cin he hda-
liniga, qa woahŧani woiyokipi
kin he ptenyedān yuhe kta e cin
šni ;

26 Messiya on aiapi kin he,
woyuha Egupta en un kin sam
iyeya wowijice tanka daka ; wo-
kajuju iyunwin kin he awacin
kin heon etanhan.

27 Wacinyanpi kin eciyatan-
han Egupta makoce kin ayu-
štan, qa wicaštayatapi tocanniye
kin kokipe šni. Tuwe wanyag-

pica šni kin he wanyaka se ape
yanka.

28 Wacinyanpi kin eciyatan-
han wošnapi wohduze, qa we
amnimpipi kin hena kaga, tuwe
cinca tokapapi kin ihangwicaye
cin he iye owicayutan kte šni
heon.

29 Wacinyanpi kin on Mde-ša
kin he opta iyayapi, puze cin
iyecen. Unkan Egupta oyate
kin hecon utapi qehan, minin
ŧapi.

30 Wacinyanpi kin eciyatan-
han Jeriko conkaške kin makata
ihpaya, anpetu šakowin ohomni
unpi qehan.

31 Wacinyanpi kin on, Rahab
witkowinna kin, toŧa anagoptan-
pi šni kin om ihangyapi šni, ma-
koce iwanyag hipi kin hena wo-
okiyē on iyowinwicakiye ɕehan.

32 Qa taku sanpa epe kta he ;
Gideon, qa Barak, qa Samson,
qa Jephtha, qa Dawid, qa Samuel,
qa wicašta wokcanpi kin owasin
owicamdake kta anpetu kin iye-
hankeca šni.

33 Hena wacinyanpi kin eciya-
tanhan wokiconze kin ohiyapi,
wicohan owotanna ohanyanpi,
wahoyapi kin icupi, mnaja kin
iohmusyapi ;

34 Peta wohitike cin kasnipi,
maza sagye ope kin nakicipapi,
wowašake šni etanhan wašagiɕi-
yapi, okicize en waditaka icica-
gapi, qa Ikcewicašta ozuye kin
napewicayapi.

35 Winohinca kin cinca kiŧapi
kin ekicetuyapi ewicahdakupi.
Qa wanjikji nina kakišyapi, tuka
etanhan ehdakupi kta cinpi šni,
woekicetu iyotan wašte kin yu-
hapi kte cin heon etanhan.

36 Qa wanjikji waiapi, qa ni-
na wicakaštakapi kin on iyutan-
pi, qa nakun maza icicašihŧa, ka-
ška wicahnakapi ko on.

37 Inyan on wicakininpi, can-ibakse on bawicaksapi, iyutan-wicayapi, mazasagye on wica-ktepi; tahirca ha qa tatokadan ha koyag manin unpi; taku owasin icakijapi, kakijapi un qa sicaya wicakuwapi.

38 Hena maka kin de iyewi-cakicihantu šni; hewoskan ma-nin unpi, he kin akan, taku itu unpi otipi, qa makohidoka kin ohna.

39 Hena owasin wacinyanpi kin eciyatanhan tanyan ihdu-taninpi, qa taku wahoyapi kin ocowasin icupi šni.

40 Wakantanka taku sam iye-ya wašte unkiyepi on ehna, hecen hena e'unkicunonpa tan-han wicahduštanpi kte šni.

WICOWOYAKE 12.

1 Heon etanhan waayataninpi mahpiya šoka wan hinsko tanka aohdute unyanpi kin, hecen taku tkeya qinpi kin owasin eunhna-kapi kta, woahitani ohlunyanpi ece kin he koya, qa oinyanke unkitokam wanke cin he wacin tankaya unkiyankapi kta.

2 Qa Jesus wacinunyanpi kin toka kage ça hduštan kin hee ekta euntonwanpi kta. He iye, wowiyuškin itokam ehdepi qon he on, can susbeca kin hee kaeš iyowinkiyce ça, wowištece kin he taku da šni, qa Wakantanka oiyotanke etapa kin eciyatanhan kiyotanka.

3 Tuwe walitanipi sa taku i en hiyeyapi kin he iye en waliba-yedan iyowinye ciqon he awacin po, hecen nitawacinpi kin ekta iconimnpi kte šni, qa wacin ibo-yašakapi kte šni.

4 Woahitani kici yecizapi kin en nahahin we kin ekta aiyahde-ya ecanonpi šni.

5 Qa wowahokonkiye cinca iyecen oniciyapi kin he ayekton-japi he; Micinksi, Itancan wica-kapsinsinte cin he šice dake šni wo, qa iyopeniye cinhan wacin ibošake šni wo, eye cin.

6 Itancan kin wicašta wašte-kida kinhan, he iyopekiye ça, cinca iyowinwicakiye cin otol-yohi hdapsinsinta ece.

7 Wiyopeniyanpi kinhan, cinca kin iyecen Wakantanka ecani-conpi; tukte cinca kin he atku-ku iyopekiye šni he.

8 Tuka owasin en opapi ece kin iyecen iyopeniyanpi šni kinhan, tuwe cinca tanin šni kin henicapi, qa cinhintkuyapi un kin henicapi šni.

9 Unkan, wicacehpi eciyatanhan atewicunyanpi kin hena iyo-peunkiyapi ece, unkan wicun-hduonihanpi hecinhan, sam iye-ya wicanagi Ateyapi kin he ana-ungoptanpi kte ça on unnipi kta.

10 Hena e anpetu tonana hehanyan, token iyokipipi kin hecen iyopeunkiyapi; tuka he qe unwaštepi kte cin he on, hecen iye towakan kin en ounpapi kta.

11 Wiyopewicayapi kin owa-sin en icunhan woiyokipi šni, tuka woiyokišice; tuka ihakam tona hecawicakiconpi kin en wicoowotanna waskuyeca woo-kiye kin icahwicakiya ece.

12 Heon etanhan wicanape kaozezeya un kin hena yuwan-kan icu po, qa hupahu wašake šni kin hena koya;

13 Qa nisihapi canku mdaya kicaga po, taku hušte kin he icunonpa iyeyapi kte šni, tuka okiziyapi kte cin heon.

14 Owasin en wookiye akita po, qa nakun wowakan kin, he tuwe yuhe šni kinhan Itancan kin wanyake kte šni.

15 Qa tuwe Wakantanka to-

waonsida kin iyohi kte sni naceca, heon aiciciya iwanihdaka po, okinni can hute paza icage ca, nagiyeniyampi kta, qa hecen wicota asamyapi kta.

16 Okinni wicawihomni wan yuke kta, qa taku wakan ohoda sni, Esa iyececa, he watokapa kin taku yutapi onspadan iyopekiya.

17 Qa iyohakam woyawašte kin hduhe kta, tuka heyata iye-yapi, he sonyayapi, qa token tawacin yutokeca kte cin he iye-ye sni, istamnihanpe on nina akita tuka.

18 Paha oyutanpica, qa peta on ide qon he ekta yahipi sni, qa taku iyotan samya wanke cin, qa otpaza, qa nina icamna kin;

19 Qa nakun mazayahotonpi tanka hoton, wicoie ho kin hena koya; he tona nahonpi qon wicoie kin he akta owicakiyakapi kte sni e icekiyapi.

20 Taku econ wicasipi qon he okitpanipi; Woteka wan hee kaeš paha kin yutan kinhan he inyan on kininpi kta, qa is wanhinkpe on katpa iyeyapi kta ce.

21 Unkan he wanyakapi kin nina wowinihan, qa heon Moses, Nina mahniyanyan qa macancan ce, eya.

22 Tuka Zion Paha kin ekta yahipi, Wakantanka ni un otonwe tawa kin, Jerusalem mahpiya tanhan u kin, qa ohnihde unpi kin kektopawinge ota e kta;

23 Omniciye tanka, qa tokaheya wicatonpi okodakiciye kin, mahpiya ekta caje owicawapi kin hena, qa Wakantanka owasin wicayaco kin he, qa wicašta owotanna yuštampi nagipi kin hena ekta;

24 Qa Jesus wicotakuye teca kin en iyotahedan un kin hee ekta, qa ye amnimnipi kte cin, Abel sam iyeya taku waste eye cin he ekta.

25 Ihnuhan tuwe ie cin anaya-goptanpi sni kinhan; tona tuwe maka akan ie ciqon he anagoptanpi sni qon hena najicapi sni hecinhan, sam iyeya unkiye nanujicapi kte sni, tuwe mahpiya tanhan ie cin ihaunktapi sni kinhan.

26 Iye ho kin he eban maka kin yahuhuza, tuka nakaha wahounyanpi qa heya, Ake wancadan maka ecedan mdahuhuza kte sni, tuka nakun mahpiya kin.

27 Unkan, Ake wancadan, eye cin he taku tona yahuhuzapi kte cin hena taku kagapi kin iyecen yutokan iyeyapi kta, hecen taku tona yahuhuzapica sni kin hena ecen he kta, he kapi.

28 Heon etanhan wokiconze yuhohopica sni kin unki cupi, wowaonsida unhapi kta, hecen woyuonihan, wokokipe ko yuha Wakantanka iyokipiya ohoundapi kta.

29 Wakantanka unkitawapi kin he peta wahulinahye cin heca.

WICOWOYAKE 13.

1 Hunkawanjinkiciyapi waste-kicidapi kin he ecen un nunwe.

2 Oicimani kin wonwicaya akiktonjapi sni po; heconpi kin on wanjiksi mahpiya ohnihde kin sdonwicaye sni won wicayapi.

3 Tona kaška wicahnakapi kin hena om nicaškapi kin iyecen wicakiksuya po; qa tona kakišyapi un kin hena koya, wicatan can kin ohna dukanpi kin heon.

4 Owasin en wakan kiciyuza pi kin he woyuonihan, qa ohe hdepi asamyapi sñi kin; tuka wicawihomnipi qa wawicihahapi econpi kin hena Wakantanka wicayaco kta.

5 Waicucupikte cin wanin oyahandapi kta, qa taku duhapi kin hena on iyonicipi nunwe. Tohinni aciyustan kte sñi qa icimana ehpeciye kte sñi, eye ciqon heon etanhan.

6 Heon, Itancan kin omakiye cin hee, qa he etanhan taku wicasta akantu ecamiconpi kte cin kowakipe kte sñi ce, waditagya unkeyapi kta.

7 Tona awannihdakapi, Wakantanka oie kin oniciyakapi kin hena wicakiksuya po, hena wicohan ihanke kin he awacin po, qa wacinyanpi qon he en opa po :

8 Jesus Messiya, htanihan qa nakaha okonwanjidan, qa owihanke wanice kta.

9 Ihnuhan woonspe otakiya qa toktokeca on yutokan iyenianpi kinhan; woyute tona he awacinpi qon takudan okihiwicaye sñi kin he wicacante kin yusuta sñi, tuka wowaonsida kin on yusutapi kin he waste.

10 Wahna wošnapi wan unhapi kin he etanhan tona wakeya qon ohna ohanyanpi kin hena yutapi kta iyececapi sñi.

11 Woteca, tona we kin woahtani on, wawayusna itancan kin tipi wakan kin timahen ai qon, hena tancanpi kin tihocoka kin itankan hulinahyapi ece.

12 Heon Jesus is eya, iye we kin on oyate kin wicayuecedan kta e otonwe tiyopa kin itankan kakisypa qon.

13 Hecen iye on aiapi qon aipeunyanpi kin yuha ekta wicoti kin tankan unyanpi kta.

14 Deciya otonwe ohinniyan eecen he cin unhapi sñi, tuka wanji u kte cin he unkakitapi.

15 Heon etanhan, iye caje on, ohinniyan Wakantanka en wowitan wošnapi kin unkaupi kta, unkihapi etanhan waskuyeca, iye caje kin on, wounhdakapi kin hee.

16 Taku waste econpi, qa wacantkiyapi kin hena akiktonjapi sñi po, hena wošnapi kin Wakantanka iyokipi ece.

17 Tona wahokonniciyapi kin hena anawicakigoptan po, qa wicihukuya yeiciya po, hena ninagipi kin on awanniyakapi, ohdakapi kte cin he iyecen; hecen wowiyuskinyan econpi kta, qa woiyokisinya econpi kte sñi; he niyepi kin on waste.

18 Wocekiye unkekiciya po; wicanagi waste unhapi unkecinpi, taku owasin en owotanna unkohanyanpi kta uncinpi.

19 Tuka hecanonpi kta e iyo-tan ceciciyapi, kohanna niyepi ekta u mayanpi kte cin heon.

20 Unkan, Wookiye Wakan-tanka kin, Jesus Itancan unkiyapi, tahinca awanwicahdake tanka kin he, wiconte etanhan ake hiyuye ciqon he wicotakuye owihanke wanica we kin eciya-tanhan,

21 Iye tawacin kin eecen ecanonpi kta e, wicohan waste owasin en niyusutapi kte, qa taku iye ista kin en oiyoiki kin ecaniconpi kta, Jesus Messiya eciyatanhan; he wowitan owihanke wanica kicihan nunwe.

22 Mihunkawanji, ceciciyapi ce, wowahokonkiye wicoie kin iyowinkiya po, wicoie tonana on wowapi cicagapi.

23 Timotheos hunkawanjin unyanpi kin wanna kiyuskapi e

sdonya po, he ecadan u kinhan kici wanciyakapi kta.

24 Tona niyepi en itancanpi kin hena owasin, qa tona owotanna un kin owasin nape wica-

yuza po. Italia etanhanpi kin hena nape niyuzapi.

25 Wowaonšida kin niyepi owasin en nicipi un nunwe. Amen.

J A K O B

T A W O W A P I K I N .

WICOWOYAKE 1.

1 Jakob, Wakantanka taokiye, qa Jesus Messiya Itancan tawa kin he, wicowazi akenonpapi enanakiya eyaye cin hena *wowapi wicakicaga*; wookiye.

2 Mihunkawanji, taku wawiyutanyan un kin ota ayakipapi kinhan, he wowiyuŝkin ocowasin hdawa po:

3 Wacinyayapi iyutanpi kin he wacintankapi kaga e sdonyayapi.

4 Tuka wacintankapi kin he tohan kin tanyan hduŝtan kte; hecen niyuŝtanpi qa ocowasin yaunpi kta, qa takudan iyoniptanipi kte ŝni.

5 Niyepi etanhan tuwe woksape nice cinhan, Wakantanka kida kta, iye owasin iyakiçuya wicaqu ece, qa iyopewicaye ŝni; unkan qupi kta.

6 Tuka takudan ceŝunhda ŝni wacinyan kida kta; tuwe waceŝunhda kin he miniwanca taja kin iyececa, tateyanpa kaŝkanŝkan qa kaŝoya ehpaye cin.

7 Wicaŝta kin he Itancan kin etanhan taku icu kta kecin kta iyecece ŝni.

8 Wicaŝta tawacin nonpa kin he tacanku owasin ohna kaktihanhan un ece.

9 Hunkawanjinkiciyapi walpa-

nica kin yuwankan iyeyapi kinhan, heon iyuŝkin kta.

10 Tuka wijica un kin yuwaŝpanicapi kinhan, on iyuŝkin kta; peji hca kin he iyecen tokan aye kte cin heon.

11 Anpetu wi kin hinanpe ça kata aya eca, wato kin ŝniŝya ece, qa walca ihpaye ça owanyake waŝte kin he atakuni ŝni ece: he iyecen wicaŝta wijica kin iye tohan kin en awihnuni kta.

12 Wicaŝta iyutanyanpi kin he yawaŝtepi ece; tohan tanyan yukcanpi kinhan, hehan wiconi wateŝdake, Itancan kin tona waŝtedakapi iwahowicaye ciqon, hee icu kta.

13 Tuwe iyutanyanpi kinhan, Wakantanka iyutanmayan ce, eye kte ŝni: Wakantanka taku ŝica on iyutanyanpi kta okihi ŝni, qa nakun tuwedan iyutanye ŝni.

14 Tuka wicaŝta otoiyoŝi iye cantiheye ŝice cin on iyutanpi qa iyakaŝepayapi ece.

15 Hehan wocantiheye ŝice cin icage cinhan woahtani kaga; qa woahtani yuŝtanpi eca, wiçonçe icalya ece.

16 Mihunkawanji waŝte, içihnayanpi ŝni po.

17 Taku wicaqupi waŝte qa yuŝtanpi kin owasin wankantan-

han un, qa iyoyanpa Ateyapi kin eciyatanhan kun u ece; iye qe tokeca šni, qa yuhomnipica šni hinca.

18 Iye tawacin kin eciyatanhan, wowicake oie kin on cinca unkagapi, hecen taku kage cin ehna unkiye waskuyeca tokaheya iyeuncecapi kta.

19 Heon etanhan, mihunkawanji wašte, wicašta otoiyo hi wanañon oñanko kta, ie kapin kta, qa wacintanka kte:

20 Wicašta šinhdapi kin he Wakantanka toowotanna kin icañye šni.

21 Heon etanhan, wicowañte-šni kin owasin, qa taku šica iya-tahdepi kin ehpeya po; qa wicoie ninagipi niye kta okihi kin he onšičiya icu po.

22 Tuka wicoie kin ecen econ po, qa iye içihnayanpi, nañonpi ecedan, unpi šni po.

23 Tuwe wicoie nañon ešta ecen econ šni kinhan, he wicašta wan ihdiyomdasin on ite iwanihdake cin iyececa;

24 Iwanihdake ça tankan iya-ya, unkan hehan hinnakaha ite tokeca kin he akiktonja ece.

25 Tuka tuwe wicoope on tawaiçiyapi yuštampi kin he opañta yanke ça, en un kinhan, tuwe nañon qa akiktonje cin heca šni, tuka wicoñan econ kin heca, hee e taku econ kin en yawaštepi kta.

26 Tuwe niyepi kin etanhan woohodapi kin en opa se ececa hecinhan, qa ceji hdaške šni, tuka iye cante içihnaye cinhan, he woohodapi ope cin he taku šni.

27 Wakantanka qa Ateyapi kin itokam woohodapi opapi ecedan qa ašape šni kin he dee; Wamdenica qa wiwazica kaki-japi eca en wicahipi, qa wicoi-

cage kin en taku iyaonpepica šni ihduhapi kin hee.

WICOWOYAKE 2.

1 Mihunkawanji, Jesus Messiya, wowitan Itancan wacinyanpi kin, on wicašta iwandakapi kte cin he yuhapi šni po.

2 Nitomniciyepi kin en, wicašta wan mazaskazi napcupe yuhe ça wokoyake wašte kiçun kin en hi kinhan; qa nakun wicašta wañpanica wan heyake šica un kin en hi kinhan;

3 Qa tuwe wokoyake wašte kiçun kin he tanyan ayatonwanpi, qa heyakiyapi, Oiyotanke wašte kin de en hiyotanka wo; qa wicašta wañpanica qon, Hen najin wo, qa iš, siha wahde kin ihukuya hiyotanka wo, eyakiyapi kinhan;

4 Otoiyo hi tanyan canteyeci-yuzapi šni, qa wicotawacin šica eciyatanhan widukeanpi šni he.

5 Nañon po, mihunkawanji wašte; Wakantanka maka akan wañpanicapi kin hena wicakahniga he, wacinyanpi on wiji-capi, qa tona iye waštadakapi wokiconze iwahowicaye ciqon he tawayapi kte cin.

6 Tuka niye wañpanicapi kin wañtewicayadapi šni. Wijicapi kin hena iyotanhan iyenici-yapi šni, qa woyaco oiyotanke kin en aniyampi šni he.

7 Wicacaje wašte on cajiñiyatapi ece kin he yašicapi šni he.

8 Wowapi kin eciyatanhan, woope iyotan wašte, Nikiyedani kin niye inihdacin waštaya-dake kta ce, eyapi kin he ecen ecanonpi kinhan, tanyan ecanonpi kta.

9 Tuka wicašta token ihduze cin ekta eyatonwanpi kinhan, woañtani ecanonpi, qa woope

kin on -sicaya econ oniyakapi ece.

10 Tuwe woahope owasin yuha ésta, wanjidan kicakse cinhan, he ocowasin on yacopi.

11 Tuwe, Wawicihahapi ecanon kte sni ce, eye cigon he is nakun, Wamayanon kte sni ce, eya. Unkan wawicihahapi takudan ecanon sni ésta, wamayanon kinhan, wanna woope kin kiyecaksa.

12 Tona woope on tawaiçiyapi kin on wicayacopi kte cin hena iyecen iapi, qa econ po.

13 Tuwe waonsida sni kin he wowaonsida wanin woyaco ecedan qupi kta; qa wowaonsida woyaco kin kapeya iyuşkin ece.

14 Mihunkawanji, tuwe wacinyan keya ésta, iyecen wicohan yuhe sni kinhan, he taku iyokihi kta he. Wacinyan un kin he niyan okihi he.

15 Nihunkawanji qa nitawinohitin tancokapidan. qa anpetu iyohi woyute nicapi kinhan;

16 Qa wanji hewicayakiyapi, Wookiye on hdapo, cosiciyapi qa wipiçiya po; tuka taku wicatancañ icakije cin hena wicayaqupi sni ehantanhan, taku iwaştepi kta he.

17 He iyecen wacinyanpi kin, wicohan codan kinhan, he wana ta, isnana un kin heon.

18 Han, tuwe heye kta; Niye wacinyan yaun, qa miye wicohan mduba; hecen wacinyaye cin he niohan codan makipazo wo. kinhan miohan kin on wacinyaye cin he cicipazo kta ce.

19 Taku Wakan kin wanjidan he wicayada; he tanyan ecanon; taku wakan sicapi kin is eya wicadapi qa cancanpi ece.

20 Tuka, wicašta wacinton sni kin. wacinyanpi wicohan codan kin he ta e sdonyaye kta he.

21 Abraham ateunyanpi kin he, cinhintku Isaak wahna woşnapi akan wahduşna qon he ehan, wicohan on yaowotanpi sni he.

22 Qa iye ohan kin kici wacinye cin token ohanye ça, wicohan on wacinye cigon he yuştanpi e wandaka he.

23 Unkan hecen wowapi kin, Abraham Wakantanka wicada, unkan he woowotanna kiciyawapi, qa he Wakantanka takicuwa eciyapi ce, eyapi qon he yuecetupi.

24 Heon, wacinyanpi ecedan on etanhan sni, tuka wicohan kin on wicašta owotanna yawapi ece he wandakapi.

25 Nakun Rahab witkowinna kin ohnihde unpi qon hena iyo-winwicakiye ça canku tokeca ohna hde wicaşı qehan, is eya wicohan on owotanna yawapi sni he.

26 Wicatancañ kin woniya codan un kin he ta ece, he iyecen wacinyanpi kin wicohan codan kinhan, he nakun ta ece.

WICOWOYAKE 3.

1 Mihunkawanji, wicota waon-spekiya unpi sni po; woyaco iyotan tanka unkicupi kta e sdonyayapi.

2 Owasin taku ota on waunhtanipi ece. Tuwe oie on wahitani sni kinhan, he wicašta yuştanpi qa tancan ocowasin hdaşke kta okihi.

3 Wanyaka po, şuktanka ana-ungoptanpi kta e heon iikiyuwi i kin en iyewicunkiciyapi; qa tancanpi ocowasin wicunyuhomnipi ece.

4 Wita wata kin hena nakun wanyaka po, tankinkinyan qa tate ohitika on kaba iyeyapi ésta, iyupse yuza cistinna on

token itancan kin cin eca, yu-homnipi ece.

5 He iyecen wicaceji kin taku cistinna, tuka tanka içida ece. Iho, peta cistinna keş can tanka ideya ece.

6 Wicaceji kin he peta, qa wo-ahtani iyatahdepi; hecen wicaceji unhuhapi kin ehna un, wicatan-can kin ocowasin aşamya, qa wicoicage ohomniyan aideye ça, is eya wakanşica ti kin etanhan ideiciya.

7 Woteca ocaje owasin, qa taku kinyan unpi, taku sdohan unpi. qa miniwanca mahen unpi kin, henakiya etanhan wicaşta wanunyanpi wicakage ça wicayuha :

8 Tuka wicaceji kin he tuwedan yuwahbaka okihi şni; he woşice wicaşta şni, pejihuta şica on wicaşa ece kin he ojudan.

9 He on Wakantanka Ateyapi kin unyawaştepi; qa he on wicaşta akantu, Wakantanka oun-cage iyecen kagapi kin hena wicunyaşicapi ece.

10 Wicai wanjidan etanhan wayawaştepi qa wayaşicapi kin hinanpa ece. Mihunkawanji, hena hecetu şni.

11 Miniyowe wan oenape wanjidan etanhan, mini waşte qa nakun mini pa hinca hiyuya he.

12 Mihunkawanji, suken can wan Oliwe waskuyeca aicaga, qa is hastanyanka iyuwi wan suken waskuyeca okihi he; he iyecen miniyowe wan mini waşte qa nakun mini pa hinca hiyuye şni ece.

13 Enitanhanpi tuwe wicaşta ksape ça wiyukean un he; woksape wowahbadan on tanyan ahduhe cin eciyatanhan iye ohan waşte hdutanin kte.

14 Tuka winawizipi pa hinca,

qa wakinicapi nicantepi kin en duhapi kinhan, ihnuhan widuşkinpi qa wowicake kin on iya-tonpi şni kin.

15 Wicoksape kin he wankantanhan u şni; tuka maka kin etanhan, wicacehi etanhan, qa wakanşica iyececa.

16 Tukten winawizipi qa wakinicapi yuke cinhan, wicotoke-tu tanin şni qa wicohan şica owasin hen un ece.

17 Tuka woksape wankantanhan un kin he tokaheya ecedan, hehan wokiyapi kaga, wahbadan, waanagoptan, wowaonşida qa waskuyeca waşte on ojudan, owotanna wiyukean qa owotan-na wohdaka ece.

18 Unkan tona wookiye kagapi kin hena woowotanna waskuyeca kin wookiye en owicakicijupi ece.

WICOWOYAKE 4.

1 Niyepi ekta wicokicize qa wakinicapi kin tokiyatanhan u he; cantiheyayapi şica nihuhapi en wakis un kin hena eciyatanhan şni he.

2 Cantiheyayapi tuka duhapi şni; wicayaktepi qa yuhe wacannipi, tuka icu oyakihipi şni; wicayakizapi qa zuya dapi, tuka taku duhapi şni, yadapi şni kin heon etanhan.

3 Yadapi tuka iyacupi şni ece, ecinşniyan yadapi kin on, cantiheyayapi şica on dusotapi kte cin heon.

4 Wiinayahmanpi qa wawici-hahapi ecanonpi kin, wicoicage kin de waştedapi kin he Wakantanka şicedaka e sdonyayapi şni he. Heon tuwe wicoicage kin de wotakuye wacin kinhan, he Wakantanka tokaya.

5 Wowapi wakan kin, Woniya en unyakonpi kin he winawizipi

cantiheya ce, ituya eya idukcan-pi he.

6 Tuka sanpa wowaonsida wicaqu ece; heon heya, Wakan-tanka wahaniçidapi kin wicakipajin, tuka tona onsikihanpi kin hena wowaonsida wicaqu ece.

7 Heon etanhan, Wakantanka ihukuya iyeiçiya po. Wakan-sica kipajin po, kinhan nanicipa-pi kta.

8 Wakantanka ikiyedan u po, hecen is nikiyepidan u kta. Wahitanipi sa, nape hdujaja po; qa wacin ninonpapi kin, cante hducepidan po.

9 lyokisiçapi, waşıhdapi qa ce-ya po; iyahapi kin he wicaceya ee kta, qa widuskinpi kin he woiyokişice kta.

10 Itancan kin itokam makata elpeiçiya po, kinhan yuwankan inicupi kta.

11 Mihunkawanji, otioyohi akiçiiapi şni po. Tuwe hunkawan-jitku aie ça hunkawanjitku hda-co kinhan, he woope kin aie ça woope kin yaco; tuka woope kin daco kinhan, woope kin ecen econpi kin henica şni, tuka wa-yaco kin henica.

12 Woope kage cin he Wanji-dan, he wanikiye ça nakun waihangya okihi. Wicaşta tokeca daco kin niş nituwe he.

13 Iho po, nakaha tona hehapi; Dehan, qa is heyakecinhan, otowwe kin kae ekta unyanpi qa waniyetu wanji en unyakon-pi kta, wopeuntonpi qa wiyope-unyanpi qa taku unkamnanpi kta ce.

14 Tuka heyakecinhan taku u kte cin sonyayapi şni; yanipi kin he taku he, opo wan cistiye-dan tanin qa hehan atanin şni kin he heca.

15 Kaken ehapi kta iyececa; Itancan kin iyowinunkiyapi qa

unnipi kinhan, decen qa is ka-ken econkupi kta ce.

16 Tuka nakaha wahanniçida-pi kin on iduskinpi; hecen wi-yuskinpi kin owasin şica.

17 Heon etanhan, tuwe taku waşte econ kta sdonkiya tuka econ şni eca, he woahitani içica-ga ece.

WICOWOYAKE 5.

1 Iho po, tona wijica yaunpi kin, wokakije nihiyahdepi kte cin hena on ceyapi qa şicahowa-ya po.

2 Woyuha nitawapi kin kuka, qa nitawokoyake kin wamduşkadan yapotapi.

3 Mazaskazi qa mazaska nita-wapi kin gigi aya; qa gigi kin he niyutaninpi kta, qa nicehipipi kin ihangye kta, peta iyececa. Woyuha anpetu ehake kin amna-niçiyapi.

4 Wanyaka po, tona maga nita-wapi abaksapi wokajuju hnaye ayanicapi kin he howaya; qa tona aguyapi baniciksapi qon hoyeyapi kin he Sabaoth Itan-can noge kin en hiyohipaya.

5 Maka akan woiyokipi imna-han yaunpi qa tanyan wayatapi ece; wapatapi anpetu kin en iyecen cante cemyakiyapi.

6 Wicaşta owotanna kin he dacopi qa yaktepi; tuka nicipa-jinpi şni.

7 Heon etanhan, mihunkawan-ji, Itancan kin hi kte cin behan-yan wacintanka po. Wanyaka po, wicaşta woju ece kin he ma-ka waskuyeca waşte aicage cin hena ape yanke ça, on tehan wa-cintanka, magaju tokaheya qa nakun ehake kin ahinhe kte cin hehanyan.

8 Niş eya wacintanka po; can-te hdusuta po; Itancan kin u kte cin he wanna kiyedan ihan.

I. INYAN.

9 Mihunkawanji, otoiyohi okicihinyanpi šni po, okinni niyacopi kta. Wanyaka po, Wayaco kin he tiyopa kin itokam inajin.

10 Mihunkawanji, wicašta wokean Itancan caje kin on iapi qon hena kakijapi qa wacintankapi on waonspekiya wicayuha po.

11 Wanyaka po, tona wacintankaya unpi kin hena wašte kecanwicunkinpi ece. Job token wacintanka qon he nayahonpi, qa Itancan owihankeye cin he wandakapi; Itancan kin waonšida qa wawacinkta yuza tanka.

12 Tuka mihunkawanji, taku owasin isanpa, Taku namahon ce, eyapi šni po, mahpiya kin he, qa maka kin de, qa taku tokeca cajeyatapi ece kin nakun; tuka, han, ehapi kin he han ecedan kta, qa, hiya, ehapi kin he hiya ecedan kta; okinni woyaco kin en iyoyašpadapi nun ce.

13 Niyepi kin etanhan wanji kakija he; wocekiye eye kta. Wanji wiyuškin he; odowan ahियaye kta.

14 Niyepi kin ekta wanji wawazanka he; okodakiciye kin en hunkawicayapi kin wicakico

cta; on cekiyapi qa Itancan caje kin on wihdi on sdayapi kta.

15 Unkan wacinyan cekiyapi kin he wayazanke cin asniye kta; qa Itancan kin he najinkiyekta; qa woahťani econ hecinhan, hena kicicajujupi kta.

16 Wayahťanipi kin otoiyohi okiciciyakapi qa otoiyohi wocekiye ekiciciya po, hecen anisnipi kta. Wicašta owotanna nina wašagya cekiyekcin he taku tanka okihi ece.

17 Elijah wicašta wacinyuza iyeuncecapı, qa wocekiye on magaju kte šni e icekiya; unkan waniyetu yamni sanpa wi šakpe behanyan maka kin ahinhe šni.

18 Hehan ake wocekiye eya, unkan mahpiya kin magaju hiyuye ęa, maka kin waskuyeca icaħya.

19 Mihunkawanji, wanji enitanhanpi wowicake kin etanhan nuni, qa tuwe he ake ekta yuhomni kinhan,

20 Tuwe wicašta wahťani sa wan canku onuni kin etanhan yuhomni kinhan, he wicanagi wan wiconťe etanhan eyaku kta, qa woahťani ota akaħpe kta e he sdonkiye kta.

IN YAN

TAWOWAPI TOKAHEYA KIN.

WICOWOYAKE 1.

1 Inyan, Jesus Messiya yeši qon, wicašta toktokeca enana-kiya unpi, Pontus, Galatia, Kapadokia, Asia qa Bithunia ekta,

2 Wakantanka Ateyapi kin otokaheya tanhan sdonwicaye cin

eciyatanhan, qa Woniya wicayuecedan kta on wicakaħniga, anagoptanpi kta, qa Jesus we kin awicamnimni kta e on, hena wovapi wicakicaga: Wowaonšida en niunpi, qa wookiye niciyuotapi nunwe.

3 Wakantanka, Jesus Messiya

Itancan unyanpi Atkuku kin he yawaste pi nunwe ; iye towaonsida ota eciyatanhan Jesus Messiya wicate cin etanhan kinikiye ciquon he on wowacinyan ni un kin en piya ica hunyanpi ;

4 Woaihpeye wan fiwinpica sne, asapapi sne, qa ohinniyan un kta, mahpiya ekta enicihnakapi kin on ;

5 Wacinyanpi eciyatanhan Wakantanka towasake kin on wiconi anikpatanpi, ege anpetu ehake kin en yuotaninpi kta.

6 Heon nina iduskinpi ece, tuka nakaha ptenyedana, he hecetu naceca, taku wawiyutanyan un kin ota on iyonici sicapi :

7 Hecen wacinyayapi iyutanpi kin, he mazaskazi peta ece on sdoyapi kes atakuni sne ece, sam iyeya nina tehike cin he woyao-nihan, wicakinihanpi qa wowitan on tanin kta, tohan Jesus Messiya ihdutanin kinhan.

8 He wandakapi sne esta wasteyadakapi ; qa nakaha wanyake sne yaunpi kes wacinyayapi kin on iduskinpi, wowiyuskin oyagpica sne qa wowitan ojudan kin on :

9 Wacinyayapi ihanke kin iyacupi, ninagipi ni kte cin hee.

10 Wiconi kin he on, wicasta wokcan wowaonsida en niunpi kin he oyakapi qehan, aiciciya akitapi qa wiwangapi ;

11 Messiya Taniya iyepi en un kin, tohantu qa anpetu kin tukte eka eiwangapi, Messiya kakije kte ca wowitan ihakam un kte cin hena itokam oyake ciquon he ehan.

12 Unkan, is iyepi kte sne, tuka tona wotanin waste, Woniya Wakan mahpiya eciyatanhan kun u sipi kin iyahna sdonyenianpi kin ege nakaha taku oniciyakapi kin hena unkiyepi on yuhapi e owicakiyakapi ; taku

kin hena mahpiya ohnihde kin en eyokasin wacinpi.

13 Heon etanhan, nitawacin nisehu kin opta ipiyagkiton po, waktaya un po, qa Jesus Messiya ihdutanin kinhan wowašte nicaupi kte cin he ape yukan po, owihanke kin hehanyan.

14 Wicacinca waanagoptanpi kin iyenicecapi kta, qa ehanna wasdonye sne yaunpi qehan cantihayayapi sica ake iyecen nicicagapi kte sne.

15 Tuka tuwe nicopi kin he wakan, he iyecen nis eya oyahandapi kin ocowasin en niwakanpi nunwe.

16 Heon hecen owapi qon, Wakanyan un po, miye mawakan kin heon etanhan.

17 Qa Ateyapi kin wicasta itohake iwanyake sne wicasta otioyohi iye ohan kin eciyatanhan wicayukcan ece kin he hoyeyakiyapi kinhan, tohanyan den unhdaka yaunpi kin kokipeyahan un po.

18 Witkotkoya oyahandapi kin, nihunkakepi wohdakapi eciyatanhan duhapi qon he etanhan, taku atakuni sne ece, mazaskazi qa mazaska on openicitonpi sne e sdonyakiyapi ;

19 Tuka Messiya we tehike cin he on, tahn wanunyanpi cincadan, taku iyaonpepica sne qa ecedan un kin iyececa.

20 Iye qe maka kin de kagapi sne itokam wakiconzapi, tuka anpetu ihankeya kin dena en yutaninpi, niyepi kin on ;

21 Wakantanka wicate cin etanhan najinkiyeye ca wowitan qu qon he wicayadapi, iye eciyatanhan ; hecen wicayadapi qa wacinyayapi kin he Wakan-tanka en un kta.

22 Woniya kin eciyatanhan wowicake anayagoptanpi kin

heon nagi nihduskapi, hunka-
wanjinkiciyapi kin awicakehan
waštewicayadakapi kta, heon
cante ecedan on otoiyo hi nina
waštেকicidaka po.

23 Piya icañniyanpi, oicage
kuke kte cin etanhan šni, tuka
kukepica šni kin on, Wakantanka
oie kin ni un qa owihanke wani-
ce kte cin hee on.

24 Wicaceñpi owasin peji iye-
ceca, qa wicašta towitan kin
owasin peji hea kin iyececa.
Peji kin he šniš aye ça wañca
kin hinłpaya ece ;

25 Tuka Itancan oie kin he
owihanke wanin un kta. Unkan
wotanin wašte oniciyakapi kin
wicoie kin he hee.

WICOWOYAKE 2.

1 Heon etanhan, wocanniye
owasin, qa wohñaye ocowasin,
qa woanakiñbe, qa wowinawizi,
qa iapi šica iyuhpa ehpeya po ;

2 Qa hoksiyoqopa nakaha ton-
pi kin iyecen, wicoie asanpi
wohñaye wanin un kin he cin
po, hecen on inicagapi kta :

3 Itancan kin wacantkiya e
uyatapi hecinhan.

4 He en yahipi, inyan wan ni
un kin iyececa, wicašta akantu
ehpeyapi, tuka Wakantanka e
kañnige ça teñike daka ;

5 Unkan niš eya, inyan ni un
kin iyececa, tipi wakan wan en
icañniyanpi, wawayuñnapi wa-
kan kin, hecen woñnapi wakan
qa Jesus Messiya eciyatanhan
Wakantanka iyokipi kin wadu-
ñnapi kta.

6 Heon etanhan nakun wowa-
pi en kagapi qon, Wanyaka po,
Zion en inyan wan oise pa hin-
ca ewahde, kañnigapi, teñika ;
unkan tuwe he wacinye cinhan
wištece kte šni ce.

7 Niye wacinyayapi kin he te-
ñike yadapi ; tuka tona waanago-
ptanpi šni kin hena, inyan tipi
kagapi ehpeyapi qon he oise pa
hinca icaga, inyan on siha iboto-
pi qa imñija on šinhdapi ece kin
hee ;

8 Tona wicoie kin on šinhdapi
qa waanagoptan šni unpi kin he-
na on ; heon hecen ewicahdepi.

9 Tuka wicoicage kañnigapi,
wawayuñnapi wicaštayatapi, wi-
coun wakan, qa oyate opewica-
kitonpi kin he niyepi ; hecen tu-
we otpaza etanhan, iye iyoyan-
pa wakan tawa kin en nicopi
kin he oñan wašte kin odakapi
kta.

10 Ehanna oyate henicapi šni,
tuka nakaha Wakantanka tao-
yate yaunpi ; he ehan onšinida-
pi šni, tuka wanna wowaonšida
iyoyahipi.

11 Waštেকicidapi, ceciciyapice,
oyate tokeca qa unhdaka unpi
kin iyecen wicaceñpi cantiheya-
pi kin, wicanagi kin kiei kieiže
cin, hena ayuñtan po :

12 Qa Ikcewicašta ehna owo-
tanna oñanyan po ; hecen šica-
ya econ keniciyapi keš, wiwica-
wangapi anpetu kin en, nioñan-
pi wašte wanyakapi kte cin he-
na on Wakantanka yaonihanpi
kta.

13 Itancan kin on etanhan, wi-
cašta akantu wakonzapi kin owa-
sin anagoptan po ; wicaštayata-
pi kin he iyotan tanka ;

14 Qa wicašta itancanpi kin iš
tona šicaya oñanyanpi šitkihda-
wicayapi kta, qa tona tanyan
econpi wicayaonihanpi kta e on
u wicaši kin hena.

15 Hecen Wakantanka tawa-
cin, tanyan oyahandapi kin on
wicašta witkotkoka wiyukcan
šni kin hena inina yankewicaya-
kiyapi kta.

16 Nihduhapi, tuka tawaniçiyapi kin he wocanniye onhöhda iyecen yecunpi kte şni, tuka Wakantanka tawowidake kin iyececa.

17 Owasin wicayuonihan po. Hunkawanjinkiciyapi kin waşte-kida po. Wakantanka kokipa po. Wicaştayatapi, kin yuonihan po.

18 Wowidake yaunpi kin, tona niyuhapi kin ocowasin kokipeyahan anawicagoptan po, tona waşte qa wahbadan kin hecedan şni, tuka tona ksizece cin hena nakun.

19 Tuwe Wakantanka awacin un kin on, hecetu şni ešta kakisıyapi qa woiyokişice yuha un kinhan, he wowaşte.

20 Wayahtanipi kin on anipapi, qa wacinnitankapi kinhan taku iyokihi kta he; tuka tanyan ecanonpi kin on kakisınyanpi kinhan, wacinnitankapi hecinhan, he Wakantanka iyokipi.

21 Unkan he on nicopi; Messiya unkiyepi on kakiçe qa wonspe ahpēunkiyapi kin he iyecen niş eya iye owe kin en opa dapi kta.

22 Iye qe woahţani takudan econ şni, qa i kin ohna wohnaye takudan iyeyapi şni;

23 Kigepi qehan itkom wicakige şni; kakisıyapi he ehan owa-wicakiye şni; tuka tuwe owotanna wiyukcan ece kin he en ihdoya.

24 Iye hinca can akan un qehan, iye tancan kin en waunhtanipi kin yuha; hecen unkiye woahţani ehpeunyanpi woowotanna en unnipi kta: Iye apapi qon on asniniyanpi ce.

25 Tahin wanunyanpi nunipi kin iyenicecapi; tuka wanna tuwe wonniyanpi qa nagi awan-yiakapi kin he ekta yahdipi.

WICOWOYAKE 3.

1 He iyecen, winohincapi kin, nihihnapi wicihukun un po; hecen tona wicoie kin anagoptanpi şni kin hena, wicoie codan ešta, iye tawicupi ohanpi kin on iya-kapewicayapi kta;

2 Niohanpi waşte wokokipe iyahna wanyakapi kin icunhan.

3 Ihduzapi kin he akantanhan, paha kisonpi, qa mazaskazi oinpi, qa wokoyake unpi kin hee kte şni:

4 Tuka wicašta mahentanhan cante kin ekta, taku hwinpica şni kin, tawacin wahbadan qa inina un, he Wakantanka itokam taku tehike cin ee.

5 Is eya, wanakaja, winohinca waşteşte Wakantanka wacin-yampi qon hena e hecen kiçunpi, qa hihnakupi kin wicihukun unpi.

6 Hecen Sara Abraham anakigoptan, qa, Itancan, eciya ece; he cunkşıwicaye cin hena niyepi, tanyan ecanonpi qa wokokipe takudan on niyusınyayapi şni kinhan.

7 Nakun wicašta yaunpi kin, wosdonye eciyatanhan om yukkan po, nitawinpi waksıca wankadan iyececa, qa om wiconi wowaşte kin tawaniçiyapi kta iyecen wicahduonihan po; hecen wocekiye nitawapi kin kagipi kte şni.

8 Ehake, owasin cante wanjidan hduwitaya onşikicida po; hunkawanjinkiciyapi kin iyecen waştekcida po, waonsıdapi qa wacantkiya po.

9 Taku şica on itkom taku şica econpi şni po; qa nicigepi ešta wicakigepi şni po; tuka itkopatanhan wayawaşte po; heon nicopi, hecen woyawaşte tawaya-yapi kta e sdonya po.

I. INYAN.

10 Tuwe wiconi waštedake ça anpetu wašte wanyaka cin kinhan, iye ceji kin taku śica en yeye kte śni, qa iha kin wohnaye takudan ie kte śni.

11 Taku śice cin okamna kta, qa taku wašte e econ kta; wokiye akite ça kuwa aye kta ce.

12 Jehowa išta kin wicašta owotanna awicatonwan, qa wocekiye eyapi kin he anoliwicakiciya; tuka tona śicaya econpi kin Jehowa itohnake kin itkowicakipa ece.

13 Unkan taku wašte kin pasi yaunpi kinhan, tuwe e kiunniniyanpi kta he.

14 Tuka owotanna ohanyanpi kin on śicaya nicuwapi kinhan, he wowašte; hecen wokokipe tawapi kin kokiapi śni, qa cante hahayedan yankapi śni po:

15 Tuka nicantepi kin en Wakantanka Itancan kin wakanda po; qa tuwe wowacinye en niunpi kin on iniwangapi kinhan, wahbayedan kokipecahan adu-ptapi kta e ohinniyan wiyeya yanka po;

16 Wawiyukcan wašte hduha po; hecen śicaya ohanyanpi iyecen tona aniapi kin hena ištecapi kta, Messiya on niohanpi wašte kin itonśniyan oniyakapi kin.

17 Wakantanka hecen tawacin hecinhan, taku śica econpi kin hee śni, tuka taku wašte econpi kin on kakiśniyanpi kinhan hee wašte kta.

18 Messiya iś eya wancadan woahitani on kakiya, owotanna un kin owotanpidan śni kin hena on, Wakantanka ekta unkauppi kta e heon, wicacehpi kiçun ktepi, tuka Woniya kin on kiniyanpi.

19 Nakun he on ekta ye ça wi-

canagi wicakaška tipi ohna unpi kin hena wowicakiyaka;

20 Hena e ehanna waanagoptanpi śni, Wakantanka wawacinkta yuza tanka tehan awicape, Nowa taanpetu kin en, wita wata kagapi kin icunhan, he ohna tonana, wicanagi śahdoganna mini on nipi.

21 Qa wiyacinpi kin he iyececa, baptem nakaha niunyanpi ece; wicacehpi aśape cin yutokan iyeyapi kin hee śni, tuka Wakantanka ekta wawiyukcan wašte waayupte cin hee, Jesus Messiya ihduekicetu kin heon etanhan;

22 Iye qe malipiya kin ekta kihde ça Wakantanka etapa kin eciyatanhan yanka; malipiya ohnihde, qa wicookihi, qa wowaśake kin owasin iye ihukun iyewicayapi.

WICOWOYAKE 4.

1 Heon etanhan, Messiya wicacehpi en unkiyepi on kakiye cin heon, niś eya iyecen tawacin kiçun po: tuwe wicacehpi kin en kakiye cin he wanna woahitani ayuştan:

2 Hecen, hetanhan icimana wicacehpi eciyatanhan ni kte śni, wicašta taku śica cantiheyapi kin en, tuka Wakantanka tawacin kin eciyatanhan.

3 Hekta unnipi kin, Ikœewicašta tawacinpi kin ecen econkupi kin he ota, wicohan śica, wocantiheyeye śica, miniśa ota, wakan wacipi, witkopi, qa wakagapi wakandapi śice cin hena omaunnipi qehan.

4 He en iś iye witkoya śkanpi kin on iyecen iyatahdeniçiyapi śni kin heon tognihdapi qa niyaśicapi ece;

5 Hena e tuwe ni unpi tapi ko-

ya wicayaco kta wiyeya yanke cin hee itokam wohdakapi kta.

6 Heon etanhan, nakun tona tapi kin hena wotanin wašte owicakiyakapi qon, hecen wicašta wicacehpi en un kin iyecen wicayacopi ešta woniya en Wakantanka eciyatanhan nipi kta.

7 Tuka taku owasin ecadan owihanke kta. Heon etanhan wacinksapa po, qa wocekiye on waktaya un po.

8 Qa taku owasin isanpa niye iyakitedan nina cantekiciya po; wacantkiyapi kin he woahitani ota akahpe kta.

9 Iapi šica wanin otoiyohi wonkiciya po.

10 Taku wicakupi kin wicašta otoiyohi icu kin he iyecen iyakitedan okinikiciciya po, tona Wakantanka towaonsida ocaje ota tanyan yuhapi kin iyececa.

11 Tuwe ie cinhan Wakantanka oie kin iyecece kta; qa tuwe waokiya hecinhan wookihi Wakantanka qu kin he eciyatanhan kte; hecen taku owasin on Wakantanka yatanpi kta, Jesus Messiya eciyatanhan; iye qe woyatan qa wookihi owihanke wanin kiciun nunwe. Amen.

12 Waštecidapi kin, peta on iyutanpi kin on iniyutanpi kte cin he on yušinyayapi šni po, taku tokeca ayakipapi iyececa.

13 Tuka Messiya kakije ciqon en oyapapi kin heon iyuškin po; hecen tohan towitan tanin kinhan nina iduškinpi kta.

14 Messiya caje kin on niyašicapi kinhan, niyuwaštepi ece; wowitan qa Wakantanka Taniya kin en niunpi kin heon. Hena e eciyatanhan oštehdapi, tuka niye eciyatanhan yatanpi ece.

15 Tuka ihnuhan wanji tin wicakte sa, qa wamanon sa, qa taku šica econ sa, qa tokan tawa i

en iyewicakiciciye cin iyecen kakišniyanpi kinhan.

16 Hececa ešta tuwe Messiya tawa kin on kakišyapi kinhan ištece kte šni; tuka heon Wakantanka yatan kta.

17 Wakantanka tiyohnaka tawa kin wicayukanpi kte cin wanna iyehantu. Unkan he unkiyepi etanhan aye cinhan, tona Wakantanka tawootanin wašte wicadapi šni kin hena token owihankepi kta he.

18 Qa wicašta owotanna kin kitan se ni kinhan, tuwe šicaya econ qa wahtani sa kin hena tukten yakonpi kta he.

19 Heon etanhan, tona Wakantanka eciyatanhan kakijapi kin hena, wašte ece econpi kin en, Wawicaliye wacinyepica kin iyecen iye nagipi kin yuhekiyapi kte.

WICOWOYAKE 5.

1 Miye hunkayapi kin hemaca, qa Messiya kakije ciqon wammdake ça, wowitan yutaninpi kte cin he en owapa, tona hunkayapi yaunpi kin ceciciyapi ce;

2 Wakantanka optaye tawa ehna yaunpi kin he wonwicaya po; econ niciyapi kin iyecece šni, tuka iyokipiya awanwicadakapi kta; woyuha šica kin on etanhan šni, tuka tawacin wašte on ecanonpi kta:

3 Wakantanka taku tawa hince cin en itancanpi kin iyenicecapi kte šni, tuka optaye kin en wonspekiya yaunpi kta.

4 Hecen Waawanhake Itancan kin tohan ihdutanin kinhan, hehan wowitan watešdake wan šnije kte šni kin he iyacupi kta.

5 Nakun, tona aškatudan yaunpi kin, hunkawicayapi kin anawicagoptan po: Han, owasin

II. INYAN.

otoiyohi anakicigoptan po, qa wowalibadan koyaka po. Tona wahanicidapi kin hena Wakantanka wicakipajin, tuka tona onsikihanpi kin hena wowaonsida wicaqu ece.

6 Heon etanhan, Wakantanka nape wasake cin ihukuya onsikihan po; hecen tohan iyehantu kinhan yuwankan inicupi kta:

7 Wacin akipam duzapi kin owasin iye en aihpeya po; iye qe awanicinpi ece.

8 Witkopi sni po, waktaya un po; Wakanšica tokaniyanpi kin he mnaja hoton ece kin iyecen omani un, tuwe yapote kte cin he akita ece.

9 Sutaya wacinyayapi kin on he kipajin po; nihunkawanjipi maka akan unpi kin hena en wokakiye kin dena iyececa yušanpi ece e sdoniyayapi.

10 Tuka Wakantanka wowaonsida ocowasin hduhe cin, Je-

sus Messiya eciyatanhan, wowitan owihanke wanica iye tawa kin en unkcipi kin he, tohan cistiyedan nicakijapi kinhan, niyušanpi kte, pahohošni enihnakapi, niyuwasakapi, qa sutaya nihdepi nunwe.

11 Iye qe wowitan qa wokiconze kin owihanke wanin tawa nunwe. Amen.

12 Siluanos nihunkawanjipi wan wacinyepica wadake cin on wowapi ptecedan cicagapi; wahokonciyiyapi qa wociyiyakapi. Wakantanka towašte wicakapi en nayajinpi kin he dee ce.

13 Babulon ekta tona om nicahnigapi kin hena nape niyuza-pi, qa nakun Markos micinkši kin.

14 Wacantkiyapi iiputakapi kin on otoiyohi nape kiciyuza po. Tona Jesus Messiya en yaunpi kin owasin wookiye nicipi un nunwe. Amen.

IN Y A N

TAWOWAPI INONPA KIN.

WICOWOYAKE 1.

1 Simon Inyan, Jesus Messiya tawowidake qa yeši qon he, tona Wakantanka unkitawapi toowotanna kin on, qa Jesus Messiya Wanikiye cin eciyatanhan, unkiye unhapi kin iyecen wowa-cinye tehika yuhapi kin hena *wowapi wicakicaga*.

2 Wowaonsida, wookiye ko, Wakantanka sdoniyapi kin en, qa Jesus Itancan unkiyapi kin on niciyuotapi nunwe.

3 Iye towašake wakan kin he taku on wiconi qa woohodapi

kte cin owasin unqupi kin he iyececa, tuwe wowitan qa wookihi on unkcipi kin he sdoniyapi kin eciyatanhan.

4 Hena on taku tanka hinca, qa taku tehike hinca iwahounyanpi; hecen hena on Taku Wakan ouncage kin en oyapapi kta, wiconi kin de en wocantiheye šica on wicošice nayecipapi kin.

5 Qa nakun he on nina mniheiciya po, wacinyayapi kin en waditakapi kin ikoyagya po; qa waditakapi kin en wosdonye;

6 Qa wosdonye kin en iyatahdeiciyapi sni; qa iyatahdeici-

yapi. ūni kin en .wacintankapi ;
qa wacintankapi kin en taku
wakan iyececapī ;

7 Qa taku wakan iyececapī kin
en waštekičidapi ; qa waštekičidapi
kin en wacantkiyapi *iko-
yagya po.*

8 Hena taku kin en niunpi qa
niciyuotapi kinhan, Jesus Messi-
ya Itancan unkiyapi sdonyapi
kin en taku icaŋye ɕa waskuye-
ca aicage cin henicapi kta e ni-
cagapi.

9 Tuka tuwe dena yuhe ūni
kinhan, he ištagonge ɕa tehan
wawanyaka okihi ūni, qa wahta-
ni qon hena kipakintapi kin he
akiktonja.

10 Heon etanhan, mihunka-
wanji, nicopi qa nicaŋnigapi kin
aičiciya hduſuta po ; hena he-
cen ecanonpi kinhan icimana
nihinŋpayapi kte ūni.

11 Qa nakun heon Jesus Messi-
ya Itancan qa Wanikiya unki-
tawapi tokiconze owihanke wa-
nice cin en yaipi kte cin wijinya
ničupi kta.

12 Heon etanhan taku hececa
ohinniyan kiksuyeciciyapi kta
awektonje kte ūni, hena niye
hinca sdonyayapi, qa nakaha
wowicake kin de en ſutaya ni-
hdepi ešta.

13 Tohanyan wakeya kin de
ohna waun kin hehanyan kiksuyeciciyapi
kin on iyocipaštakapi
kte cin he hecetu wadake :

14 Wakeya mitawa kin de
aškađan wehnake kta sdonwa-
kiya, Jesus Messiya Itancan un-
kiyapi omakiyake ciqon iyececa.

15 Tuka nakun detanhan imda-
mde cin iyohakam, taku kin
dena ohinniyan yeksuya oya-
kihipi kta e awakite kta.

16 Jesus Messiya Itancan un-
kiyapi towaſake qa hi kte cin
hena unkoniciyakapi qehan, hi-

tunkakanpi ksamya kagapi kin
unkunpi ūni, tuka iye tanka
hince cin he išta on wanunya-
kapi.

17 Wakantanka Ateye cin eci-
yatanhan woyuonihan wowitan
ko icu, wowitan wašte kin etan-
han wicaho kin de hiyu qehan,
Micinkſi waštewakidake cin he
dee, on iyomakipi hinca ce.

18 Unkan wicaho kin he ma-
ŋpiya eciyatanhan u kin he na-
unŋonpi, paha wakan kin akan
kici unyakonpi qehan.

19 Tuka wokcanpi oie iyotan
suta wan unŋapi ; he qe anaya-
goptanpi kinhan tanyan ecanon-
pi kta, petijanjan tukten otpaze
cin en ijanjan kin iyececa, ni-
cantepi kin ekta anpao kamdeze
ɕa, en anpao wicanŋpi kin hi-
nanpe kte cin hehanyan.

20 Qa de tokaheya sdonya po,
wowapi wakan kin en wokcanpi
kin owasin tuwedan iye cinka
oyake ūni.

21 Wokcanpi kin wanakajatan-
han wicašta tawacin kin eciya-
tanhan u ūni ; tuka wicašta wa-
kan Wakantanka tawa Woniya
Wakan kin token iewicakiye ci-
qon hena hecen eyapi ece.

WICOWOYAKE 2.

1 Tuka he ehan oyate kin ehna
wicašta wokcan itonpi ūni yu-
kan qon, he iyecen niyepi kin
ehna waonspekiya itonpi ūni kin
beca yuke kta, naŋmana wo-
hnuni woihangye kin en aupi
kta, Itancan opewicakiton qon
he eŋpeyapi, qa wicotakuniſni
ohanko amnaičiyapi kta.

2 Qa wicohan ſica econpi kin
en wicota opapi kta ; hena on
wowicake canku kin yaſicapi
ece e kta.

3 Qa waicu wacinpi kin eciya-

tanhan wicoie skuya on wiyopeniyanpi kta ; hena e wicayacopi kin wanakajatanhan en awicau, qa ihangwicayapi kte cin he liba šni.

4 Wakantanka mahpiya ohnihde wahtanipi qon hena wicapatan šni, tuka wakanšica ti kin ekta iyayewicaya, qa woyaco kte cin hehanyan wicayuhapi kta e otpaza maza icicahiha on wicakaška hecinhan ;

5 Qa maka tannike cin kpatan šni, tuka Nowa wicašta wicišahdogan wicoowotanna oyake cin he kpatan, qa wicoicage wahtanipi sa amnitanwicaya ;

6 Qa Sodom qa Gomorra otonwe kin cahota kaliya ehpewicaye, woihangye on wicayaco, qa tona tokata wahtani sa unpi kte cin hena woonspe wicakicaga ;

7 Qa Lot owotanna un, wicašta wahtepi šni ohan šicapi kin wacin iyowicakišica ece kin he ehdaku :

8 Wicašta owotanna kin he hena wicehna ti, qa taku wanayake ça nahon kin on, anpetu eca iye nagi owotanna ekta wacin iyowicakišica ece, šicaya oħanyanpi kin on :

9 Itancan kin wicašta wašte wowiyutanye kin etanhan token ewicahdaku kta sdonya, qa nakun wicašta owotanna šni kin woyaco anpetu kin hehanyan wicayuhe kta, šitkihdawicayapi kta e heon :

10 Tuka tona woasamyē cantihayapi kin en wicacehpi cciyatanhan manipi, qa wokiconze wahtedapi šni kin hena iyotan : hena wahanicidapi qa wamnaičidapi ece ; qa tona tankapi kin wicayašicapi kokipapi šni.

11 Mahpiya ohnihde kin, woo-kihi qa wowašake on iyotanpi qeyaš, Itancan kin itokam wa-

yašicapi woyaco kin en awicayapi šni ece.

12 Tuka dena iš, woteca iyececa, wicayuzapi qa ihangwicayapi kta e on wicakagapi kin, taku okaħnigapi šni keš he yašicapi ece ; qa wicotakunišni tawapi kin en ihangciyapi kta ;

13 Qa anpetu icunhan tanyan wotapi kin he woiyokipi dakapi kin heon woahitani iyunwin kin icupi kta. Hena om wayatapi icunhan wohnayeiciyapi kin on iyuškinpi, woasape qa taku samya wanke cin hecapi ;

14 Išta yukanpi wiinaħmanpi kin on ojudan qa woahitani ayuštānpica šni ; wicanagi kacegya unpi kin hena wicahnayanpi ece ; cante wawicakipi e ecewakta kin heca yuhapi, wicotakunišni cincapi kin :

15 Canku owotanna kin ayuštānpi, qa onuniyata unpi, Balaam Bosor cinhintku woahitani iyunwin waštedake ciqon he tancanku kin en opapi :

16 Iye taku šica econ qon on iyoheyapi ; šonšonna kin ia okiptani ece wicaho on ie ça, wicašta wokcan witkotkoya oħanye cin he kišica.

17 Miniyowe mini wanica, mahpiya šapa tate iyumni on toke cincin eyaye cin hena hecapi ; hena on otpaza sape hinca owihanke wanica wicakicihnakapi.

18 Wahanhānicidaya takušnišni eyapi eca, wicacehpi cantihayapi kin eciyatanhan, witkoya oħanyanpi kin on, tona wohnaye en ounyanpi kin kitan ecinyan nawicakicipapi qon hena iyakapewicayapi ece.

19 Tawaiciyapi kin wicakupi kta keyapi, tuka iyepi kaeš wicotakunišni iwicadaka. Taku on tuwe iyakapayapi kinhan, he on wowidagayapi ece.

20 Itancan qa Wanikiya Jesus Messiya sdonyapi kin eciyatanhan, wicoicage kin de en woasape kin nakipapi ešta, ake hena on iyakaheyapi qa en ihdaškapi kinhan, hena otokahe ekta wašte qa owihankepi kin he šica ece.

21 Woowotanna canku kin he sdonyapi šni unkanš he wašte kta tuka, qa he sdonyapi qa woahope wakan wicaqupi kin ayuštampi kin he šice hinca.

22 Tuka wiyacinpi eyapi wicakapi kin he iyecen waakipapi; Šunka taku hiyuye cin he ake hduta ce; qa, Kukuše yujajapi qon he ake upšija en iwanka ce.

WICOWOYAKE 3.

1 Waštecicidapi kin, de naka-ha wowapi inonpa cicagapi; hena en nitawacinpi mdesahan kiksuyapi on iyocipaštakapi.

2 Hecen wicašta wokcan wakan token oieyapi qon, qa nakun unkiye Itancan qa Wanikiya yeunšipi qon token econ unnišipi kin hena yeksuyapi kta.

3 Qa de tokaheya sdonya po, anpetu ehake kin en waihałapi, iye cantiheyapi šica eciyatanhan manipi kin heca hipi kta;

4 Qa heyapi kta; Hi kta ke-yapi qon he tukte e he; wicahunkake ištınma ilipayapi ehan-tanhan otokaheya tanhan taku owasin tokeca šni wanka ce.

5 Tuka he de sdonyapi šni, Wakantanka oie kin eciyatanhan małpiya kin ehanna un, qa maka kin mini mahen qa nakun mini akan han;

6 Qa nakun he eciyatanhan, maka ehanna un qon he mini apašbog hiyaye a ihangya.

7 Tuka małpiya qa maka nakaha un kin hena iye oie kin on kihnakapi, peta on ayuhapi, wo-

yaco anpetu qa wicašta šica šitkihdawicayapi kte cin hehan-tu.

8 Tuka, waštecicidapi kin, he de sdonye šni yukanpi šni po, Itancan kin ekta anpetu wanji-dan waniyetu kektopawinge iye-ceca, qa waniyetu kektopawinge anpetu wanjidan iyececa ece.

9 Itancan kin taku wahowicaye cin yutehan šni, wicašta wanjikši yutehanpi eyapi kin iyececa; tuka unkiyepi on wawacinkta yuza tanka, tuwedan awihnuničiye kte šni, tuka owasin woiyopeičiye en ihdoui kta cin.

10 Tuka Itancan taanpetu kin wamanon sa wan hanyen hi ece kin he iyecen u kta, hehan małpiya kin ģmunģmunģan hinħda on tokan iyaye kta, qa taku kin peta hinca on skan kta; qa maka kin wicoħan ohna un kin he-na ģuħnage kta.

11 Hena taku kin owasin hecen skan kta hecinhan, wicoħan wašte qa Taku Wakan iyececapi kin en taku wicašta yaunpi kta iyececa he:

12 Wakantanka taanpetu u kte cin he ayapepi qa on inayalıni pi kta; he en małpiya kin aide ecen atakuni kte šni, qa taku kin peta tanka hinca on skan kta.

13 Hececa ešta, unkiye, iye wahounyanpi kin eciyatanhan, małpiya teca qa maka teca en woowotanna ounye cin he wan-unyakapi kta e unkapepi.

14 Heon etanhan, waštecici-dapi kin, taku hececa ayapepi kin heon aiči-ciya po, hecen iye wookiye en asape šni qa iyaon-pepicašni iyenianpi kta.

15 Qa Itancan wawacinkta yuza tanka kin he wiconi kecan-kin po; Palos, hunkawanjinun-

I. JOHANNES.

yanpi wašte kin, is eya woksape qupi kin eciyatanhan, wowapi nicagapi kin iyececa;

16 He wowapi kage cin owasin en taku hececa cajeyata ece; hena wanjiksi okahnik tehika, tona onspepi sni qa kaktihanhan unpi kin yatokecapi, wowapi unma kin iyececa, iye ihdutakunipi kte sni heon.

17 Heon etanhan, waštecici-

dapi kin, nis niyepi hena itokam sdonyayapi, heon ihnuhan wicašta sica wohname kagapi kin nihnyanpi, qa sutaya nihdepi kin etanhan nihinlipayapi kinhan.

18 Tuka wowaste kin en, qa nakun Itancan unyanpi Wani-kiya Jesus Messiya sdonyapi kin en icaga po. Iye kin wowitan nakaha qa owihanke wanica kiciun nunwe. Amen.

JOHANNES

TAWOWAPI TOKAHEYA KIN.

WICOWOYAKE 1.

1 Taku otokaheya tanhan un, taku naunhonpi, qa ista on wanunyakapi, opaunhtapi qa nape on unzapi, Wiconi Oie kin hee.

2 Wiconi kin he ihdutanin; unkan Wiconi Owihanke Wani-ca Ateyapi kin kici un, qa unkiyepi kin en ihdutanin qon he wanunyakapi, qa unyaotaninpi qa unkoniciyakapi.

3 Taku wanunyakapi qa naunhonpi kin he unkoniciyakapi, hecen niye unyecicapi kta; unkan awicakehan Ateyapi kin kici okiciciya unyakonpi, qa nakun iye Cinhintku Jesus Messiya kici.

4 Unkan nitowiyuskinpi kin yucopi kta e heon dena decen wowapi unnicagapi.

5 Hehan wotanin wašte iye eciyatanhan naunhonpi qa unkoniciyakapi kin, Wakantanka he iyoyanpa, qa otpaza takudan en un sni kin he hee.

6 Iye kici okiciciya unyakonpi ce, unkeyapi qa otpaza kin oma-

unnipi kinhan, unkitonpišni qa wowicake kin econkupi sni ece.

7 Tuka iye iyoyanpa en un kin he iyecen iyoyanpa kin en maunnipi kinhan, otioyohi okiciciya unyakonpi, qa iye Cinhintku Jesus Messiya we kin he woahitani owasin unkipakintapi kta.

8 Woahitani unnicapi ce, unkeyapi kinhan, unkičihnyanpi qa wowicake kin unkiyepi en un sni.

9 Tuka waunhtanipi kin unkohtakapi kinhan, iye kin wacinyepica qa owotanna un, hecen woahitani yutokan iyeunkiciciyapi kta, qa taku sica owasin unkipakintapi kta.

10 Eca waunhtanipi sni ce, unkeyapi kinhan, iye itonšni undakapi, qa iye oie kin unkiyepi en un sni ece.

WICOWOYAKE 2.

1 Micinca cikcistinpidan, wa-yahtanipi kte sni e heon dena decen wowapi cicagapi. Unkan tuwe wahtani kinhan Ateyapi kin ekta Wawiciya wan unhapi,

Jesus Messiya owotanna kin hee.

2 Unkan waunhtanipi wokajuju kin he iye; qa unkiye unkita-wapi kin hecedan šni, tuka maka kin owancaya woahntani econ-pi kin hena.

3 Unkan deciyatanhan iye kin wanna sdonunyanpi e sdonunkiyapi, tawoahope unkokicipapi kinhan.

4 Tuwe, He sdonwaya ce, eye ça tawoahope okicipe šni kin he itonšni, qa wowicake kin en un šni.

5 Tuka tuwe iye oie kin okicipe cinhan, awicakehan he en Wakantanka waštedake cin yuecetupi. Heciyatanhan iye kin en unyakonpi kin sdonunkiyapi ece.

6 Tuwe he kici un keye cinhan, iye token omani qon is iye-cen omani kta iyececa.

7 Mihunkawanji, woahope teca wan cicagapi šni, tuka woahope tanina, otokaheya tanhan duhap qon hee. Woahope tanina kin wicoie otokahe ekta nayahonpi qon he hee.

8 Hehan akeš woahope teca wan cicagapi; he iye kin en wowicake, qa nakun niyepi kin en; otpaze cin he wanna hena-keca, qa iyoyanpa wicake cin he wanna tanin kin heon etanhan.

9 Tuwe iyoyanpa kin en un keiciye ça, hunkawanjitku kin šicekidake cin he dehantu otpaza kin en un.

10 Tuwe hunkawanjitku waštekidake cin he iyoyanpa kin en un ece, qa wokašeye takudan en un šni.

11 Tuka tuwe hunkawanjitku šicekidake cin he otpaza en un, qa otpaza omani, qa tokiya ye cin sdonkiye šni, išta kin otpaza kašeya, heon etanhan.

12 Hokšiyopa cikeistinpidan, iye caje kin on wayahtanipi kin nicicajupipi kin heon wowapi cicagapi.

13 Hunkakeniyanpi kin, tuwe otokaheya tanhan un kin he sdonyayapi kin heon wowapi cicagapi. Koškapi kin, tuwe šice cin he ohiyayapi kin heon wowapi cicagapi.

14 Hokšiyopa cikeistinpidan, Ateyapi kin sdonyayapi kin he etanhan wowapi cicagapi. Hunkakeyapi kin tuwe otokaheya tanhan kin he iye sdonyayapi kin heon wowapi cicagapi. Koškapi kin, wanišakapi, qa Wakantanka oie kin en niunpi, qa tuwe šice cin he yaktepidan kin he etanhan wowapi cicagapi.

15 Wicoicage kin de waštedapi šni po, qa taku wicoicage kin ekta un kin hena nakun. Tuwe wicoicage kin de waštedake cinhan, Ateyapi kin waštedake cin en un šni.

16 Taku wicoicage en un kin owasin, wicacehpi cantiheye cin, wicaišta cantiheye cin, qa wiconi kin den waħaničidapi kin, hena Ateyapi kin etanhan šni, tuka wicoicage kin de etanhan.

17 Unkan wicoicage kin de atakuni kte šni, qa wocantiheye kin nakun; tuka tuwe Wakan-tanka tawacin kin yuhe cinhan, he owihanke wanin ounye kta.

18 Hokšiyopa cikeistinpidan, anpetu ihankeya kin wanna hi-yohi; unkan, Messiya kipajin kin he u kta ce, nayahonpi qon he iyecen Messiya kipajinpi kin ota wanna hipi; heon de anpetu ehake kin sdonunyanpi.

19 Unkiyepi kin etanhan inan-papi, tuka hena unkicicapi šni. Hena unkicicapi unkanš, unkici,

I. JOHANNES.

pi un wacinpi kta : tuka owasin unketanhanpi šni tanin kta e heon etanhan hececa.

20 Tuka Wanji Wakan kin he niye sdaniyanpi, qa heon taku owasin sdonyayapi.

21 Wowicake kin sdonyayapi šni kin heon wowapi cicagapi šni ; tuka he sdonyayapi, qa woi-tonšni takudan wowicake kin eciyatanhan u šni, heon etanhan.

22 Tuwe itonšni he ; tuwe Jesus he Messiya kin ee šni, keye cin hee ; Messiya kipajin kin hee, Ateyapi qa nakun Cinhintku kin anawicakihbe cin hee.

23 Tuwe Cinhintkuyapi kin wicada šni kin he Ateyapi kin yuhe šni : tuka tuwe Cinhintkuyapi kin oyake cinhan, he Ateyapi kin nakun yuha ece.

24 Taku otokaheya tanhan nayañonpi qon he yuha po. Taku otokahe ehta nayañonpi qon en niunpi kinhan, Cinhintkuyapi kin en yaunpi kta, qa nakun Ateyapi kin en.

25 Unkan wahoyapi qon taku iwahounyanpi kin, owihanke wanin wiconi kin hee.

26 Tona nihnayanpi kta cinpi kin hena on decen wowapi cicagapi.

27 Tuka sdaniyanpi, iye eciyatanhan duhapi kin he nicipi un ; qa tuwe waonspeniciyapi kta iyenicecapi šni ; tuka sdaniyanpi kin he taku owasin onspeniciyapi, he wowicake qa woi-tonšni wanica ; he taku onspeniciyapi kin iyecen, iye kin en un po.

28 Unkan dehan, hokšiyopa cikcistinpidan, iye kici un po ; hecen tohan iye ihdutanin kinhan wacinunyanpi kta, qa taninyan hinajin kinhan, itokam unkištecapi kte šni.

29 Iye owotanna un sdonyaya-

pi kinhan, tuwe woowotanna econ kin he iye kin eciyatanhan wanna teca nien tonpi e nakun sdonya po.

WICOWOYAKE 3.

1 Wanyaka po, Ateyapi kin wocantekiye hinsko tanka unqupi kin, Wakantanka cinca unke-kiciyapi kta : heon etanhan wicoicage kin sdonunyanpi šni, iye kin sdonyapi šni qon iyececa.

2 Waštecicidapi kin, wanna Wakantanka cinca kin heunca-pi ; qa tounkecapi kte cin hinahin tanin šni : tuka iye kin ihdutanin kinhan, iyeunccecapi kta e sdonunkiyapi ; he token un kin wanunyakapi kta nakaes.

3 Unkan tuwe hecen wacinyan canteyuze cinhan ihducedan ece, iye kin ecedan un kin iye-cen.

4 Tuwe woahitani econ kin he woope kin kicaksa ece ; woahitani he woope kicaksapi kin hee.

5 Unkan iye ihdutanin qon, waunhitanipi kin yutokan iyeye kta e heon, he sdonyayapi ; qa iye kin woahitani takudan en un šni.

6 Tuwe iye en un kin he wahtani šni ; tuwe wahtani ece kin he iye kin tohinni wanyake šni, qa nakun sdonye šni.

7 Hokšiyopa cikcistinpidan, ihnuhan tuwe nihnayanpi kinhan ; tuwe taku owotanna econ ece kin he owotanna, iye kin owotanna un kin iyececa.

8 Tuwe woahitani econ ece kin he wakanšica eciyatanhan un ; otokaheya tanhan wakanšica kin wahtani ece. Heon etanhan Wakantanka Cinhintku kin ihdutanin, wakanšica oñan kin ihangye kte cin heon.

9 Tuwe Wakantanka eciyatan-

han teca nien tonpi kin he woahtani econ sni, taku on icalye cin he en un kin heon; unkan wahtani okihi sni, Wakantanka eciyatanhan teca nien tonpi kin he etanhan.

10 Detanhan Wakantanka cinca kin sdonwicayapi, qa nakun wakanšica cinca kin; tuwe taku owotanna ece econ sni kin he Wakantanka eciyatanhan sni, qa nakun tuwe hunkawanjitku tanyan cante kiyuze sni kin.

11 Otokaheya tanhan taku iwahokonunkiciyapi nayahonpi qon he dee, otoiyohe wašteunkicidakapi kte cin.

12 Qain taku šice cin eciyatanhan un, qa iye sunkaku kikte qon iyecece sni. Unkan taku on kikte he. Iye kin ohan šica, qa sunkaku kin wašte kin heon etanhan.

13 Mihunkawanji, wicoicage kin šicenidapi ešta inihanpi sni po.

14 Hunkawanjinkiciyapi waštewicunkidapi kin heon wiconšte etanhan wiconi e ekta unkiyohipi sdonunkiyapi; tuwe hunkawanjitku waštekidada sni kin he wiconšte ehna un.

15 Tuwe hunkawanjitku šicekidake cin he tinwicakte kin heca; unkan tuwe tinwicakte kin he wiconi owihanke wanica aihduhe sni e sdonyayapi.

16 Deciyatanhan wacantkiyapi kin sdonunyanpi; iye kin unkiyepi on wiconi ehpekiye cin heon; hecen unkiš eya hunkawanjinkiciyapi kin on wiconi ehpeunkiyapi kta iyececa.

17 Tuka tuwe maka akan woyuha ton, qa hunkawanjitku wahpanica wanhdake ca, cantekiye cin anakipte cinhan, token Wakantanka wašteditake cin en un kta he.

18 Micinca cikcistinpidan, wicoie qa wicaceji ecedan on wacanunkiyapi kte sni, tuka wicohan qa wowicake kin on.

19 Unkan deciyatanhan wowicake eciyatanhan unyakonpi, qa iye itohnake kin en cante unhdutinzapi kta e sdonunkiyapi.

20 Uncantepi kin unhdacopi kinhan, Wakantanka uncantepi kin sam iyeya tanka, qa taku owasin sdonya un.

21 Wašteticidapi kin, uncantepi kin unhdacopi sni kinhan, Wakantanka ekta wowaditake kin unhapi:

22 Qa taku unkidapi kin owasin unkipi ece, tawoahope kin unkiyuhapi, qa taku iye išta kin en iyokipi kin he econkupi, heon etanhan.

23 Unkan tawoahope kin he dee, Iye Cinhintku Jesus Messiya caje kin wacinunyanpi, qa otoiyohe wašteunkicidapi kta, econ unšipi qon iyececa.

24 Tuwe tawoahope kin opecinhan, he *Wakantanka* kici un, qa is iye kin en un; unkan Woniya unqupi kin he eciyatanhan iye unkipi un kin he sdonunyanpi ece.

WICOWOYAKE 4.

1 Wašteticidapi kin, ihnuhan woniya owasin wicayadapi kinhan; tuka woniya kin wicayukean po, Wakantanka etanhan unpi kinhan; wicašta wokcan itonpišni ota wanna wicoicage kin ehna iyayapi.

2 Deciyatanhan Wakantanka Taniya kin sdonyayapi kta; woniya kin tona Jesus Messiya wicacehpi un hi oyake cin hena Wakantanka eciyatanhanpi ece.

3 Qa woniya kin tona Jesus Messiya wicacehpi un hi oyake sni kin hena Wakantanka eciya-

I. JOHANNES.

tanhanpi šni; tuka Messiya kipajin u kta nayañonpi qon he dee, wanna wicoicage kin en un.

4 Hokšiyopa cikcistinpidan, Wakantanka eciyatanhan yaunpi, qa hena ohiwicayayapi; tuwe en niunpi kin he tuwe wicoicage en un kin isanpa tanka.

5 Hena e-wicoicage kin etanhanpi; heon wicoicage kin iyeccen iapi. unkan wicoicage kin anawicagoptan ece.

6 Unkiye Wakantanka unketanhanpi; tuwe Wakantanka sdonye cin he unkiye anaungoptanpi ece; qa tuwe Wakantanka eciyatanhan šni kin he anaungoptanpi šni. Deciyatanhan wowicake woniya qa wohnaye woniya kin napin sdonunyanpi.

7 Waštēcicidapi kin, otoiyo hi canteunkiciyapi kte; wacantkiyapi kin he Wakantanka eciyatanhan un; qa tuwe wacantkiye cin he Wakantanka eciyatanhan tonpi, qa Wakantanka sdonya.

8 Tuwe wacantkiye šni kin he Wakantanka sdonye šni; Wakantanka he wacantkiyapi kin hee.

9 Wakantanka canteunkiyapi kin he deciyatanhan tanin, Wakantanka iye Cinhintku isnana icage cin he makata u ši, heciyatanhan unnipi kta e heon.

10 Wacantkiyapi kin he deciyatanhan. unkiye Wakantanka wašteundakapi kin hee šni. tuka iye canteunkiyapi. qa Cinhintku waunhtanipi yutokan iyeye kta e on u ši qon hee.

11 Waštēcicidapi kin, Wakantanka hecen canteunkiyapi kinhan, unkiš eya otoiyo hi canteunkiciyapi kta iyececa.

12 Tuwedan tohinni Wakantanka wanyake šni. Otoiyo hi canteunkiciyapi kinhan Wa-

kantanka unkicipi. un, qa iye canteunkiyapi kin unkiyepi en tanyan yuštanpi ece.

13 Heciyatanhan unkiye kici unyakonpi, qa iye unkicipi un kin sdonunyanpi ece, iye Taniya unqupi kin heon.

14 Unkan wanunyakapi, qa Ateyapi kin Cinhintku ukiya, wicoicage kin ekta, Wanikiya hee kta e he unyaotaninpi.

15 Tuwe Jesus he Wakantanka Cinhintku kin hee e oyake cin he kici Wakantanka un, qa is eya Wakantanka en un ece.

16 Wakantanka canteunkiyapi kin he sdonunyanpi qa wicaundapi. Wakantanka wacantkiyapi kin hee; qa tuwe wacantkiyapi en un kin he Wakantanka kici un, qa Wakantanka is nakun iye en un ece.

17 Deciyatanhan wocantekiye unkiyepi en unkiciyuštanpi ece, hecen woyaco anpetu kin en wowaditake unhapi kta: iye un kin unkiš iyecen wicoicage kin den unyakonpi ece.

18 Wacantkiyapi kin en wokokipe wanica, tuka wacantkiyapi yuštanpi kin he wokokipe tankan elpeya ece; wokokipe kin he wicocante šica yuha ece; tuwe wakokipe cin he nahanhin wacantkiyapi kin en yuštanpi šni.

19 Iye tokaheya canteunkiyapi kin heon unkiye Wakantanka wašteundakapi.

20 Tuwe, Wakantanka waštewadaka ce, eye qa hunkawanjitku šicekidake cinhan, he itonšni. Tuwe hunkawanjitku wanhake cin he waštēkidake šni kinhan, token ecin Wakantanka wanyake šni kin waštēdaka okihi kta he.

21 Unkan iye etanhan woahope kin de unhapi; tuwe Wakan-

tanka waštedake cin he hunka-
wanjitku kin is nakun wašteki-
dake kta ce.

WICOWOYAKE 5.

1 Tuwe Jesus he Messiya kin
ee e wicada kin he Wakantanka
eciyanhan tonpi; qa tuwe wa-
icaŋiye cin waštedake cinhan,
he tuwe iye eciyanhan teca
ni en tonpi kin he nakun wašte-
daka ece.

2 Deciyatanhan Wakantanka
cinca kin wašewicundakapi kin
sdonunkiyapi, Wakantanka wa-
šteundakapi qa tawoahope kin
tanyan unkiciyuhapi kinhan.

3 Wakantanka waštedakapi kin
he dee, tawoahope kin tanyan
ounpapi kin he; unkan tawoa-
hope kin wošitkihda ŋni.

4 Tuwe Wakantanka eciyan-
han tonpi kin he wicoicage kin
ohiya ece; unkan woohiye wi-
coicage ohiye cin he dee, wa-
cinunyanpi kin hee.

5 Wicoicage ohiya ece kin he
tuwe he; tuwe Jesus he Wa-
kantanka Cinhintku kin ee e
wicada kin hee.

6 Tuwe mini qa we eciyan-
han hi qon he Jesus Messiya ee;
mini ecedan on hi ŋni, tuka mini
we ahna. Unkan wayaotanin
kin he Woniya kin hee; Woniya
kin he wowicake, heon etanhan.

7 Maŋpiya kin ekta yamni wa-
yaotaninpi ece, Ateyapi kin, Wi-
coie kin, qa Woniya Wakan kin;
unkan hena yamni wanjipidan.

8 Nakun maka akan taku ya-
mni wayaotanin ece, Woniya
kin, qa mini kin, qa we kin; un-
kan hena yamni wanjidan en un.

9 Wicašta akantu taku yaotan-
inpi kin he unkiŋi kinhan,
Wakantanka taku yaotanin kin
he iyotan tanka; Wakantanka

taku yaotanin kin he dee, iye
Cinhintku hdaotanin qon hee.

10 Tuwe Wakantanka Cinhin-
tku kin wicada kin he wayaotan-
in iye atayedan yuha un. Tu-
we Wakantanka wicada ŋni kin
he itonŋni daka ece; wayaotan-
in kin on Wakantanka iye Cin-
hintku hdaotanin qon he wicada
ŋni kin heon.

11 Unkan wayaotanin qon he
dee, Wakantanka wiconi owi-
hanke wanica unqupi kin he;
unkan wiconi kin he iye Cinhin-
tku kin en un.

12 Tuwe Cinhintkuyapi kin
yuhe cin he wiconi yuha; qa tu-
we Wakantanka Cinhintku kin
yuhe ŋni kin he wiconi yuhe ŋni.

13 Wakantanka Cinhintku ca-
je kin wacinyayapi kin dena wo-
wapi cicagapi kin; wiconi owi-
hanke wanica duhapi e sdonya-
kiyapi kta, qa Wakantanka Cin-
hintku caje kin wacinyayapi kta
e heon.

14 Unkan iye ekta wowadita-
ke unhapi kin he dee, iye tawa-
cin kin eciyanhan taku unki-
dapi eca naunkihonpi ece:

15 Qa taku unkiŋi eca naun-
kihonpi ece e sdonunkiyapi kin-
han, taku tona unkiŋi kin he-
na unhapi e nakun sdonunkiya-
pi ece.

16 Tuwe hunkawanjitku wa-
htani wanhdake cinhan, woah-
tani kin he wiconte ekta ŋni kin-
han, wocekiye ekiciye kta, un-
kan Wakantanka wiconi qu kta,
tona wahtanipi wiconte ekta
iyahde ŋni hena on. Woah-
tani wanji wiconte ekta; he on wo-
cekiye eye kta epe ŋni.

17 Taku ŋica econpi kin owasin
woah-
tani; unkan woah-
tani wi-
conte iyohi ŋni kin heca yukan.

18 Tuwe Wakantanka eciya-
tanhan tonpi kin he wahtani ŋni

II. JOHANNES.

ece e sdonunyanpi; tuka tuwe Wakantanka eciyatanhan icage cin he tanyeli ihduhe ça hecen taku síce cin he oyutan šni ece.

19 Wakantanka eciyatanhan unyakonpi kin he sdonunkiyapi; qa wicoicage kin ocowasin woahitani en wanka.

20 Unkan Wakantanka Cinhintku kin he hi, qa wicoksape

unqupi, on tuwe wicake cin iye-unkiyapi kta e sdonunyanpi; unkan tuwe wicake cin he en unyakonpi, iye Cinhintku Jesus Messiya hee. Wowicake Wakantanka qa owihanke wanin wiconi kin hee.

21 Hokšiyopa cikeistinpidan, taku wakagapi kin itehan ihduha po. Amen.

JOHANNES

TAWOWAPI INONPA KIN.

1 Hunkayapi un kin, Kuria kañigapi qon *wowapi kicaga*; iye cinca kin, wowicake eciyatanhan waštewicawadake cin hena om, qa mišnana šni, tuka nakun tona wowicake sdonyapi kin hena owasin;

2 Wowicake kin en unyakonpi, qa owihanke wanin unkicipi un kte cin heon etanhan.

3 Wowaste, wowaonsida, wookiye ko, Wakantanka Ateyapi kin eciyatanhan, qa nakun Jesus Messiya Itancan, Ateyapi kin he Cinhintku kin eciyatanhan, wowicake wacantkiyapi ko en, nicipi un nunwe.

4 Ateyapi kin woahope unqupi qon iyecen, nicinca wowicake eciyatanhan manipi iyewicawakiye cehan nina imduškin.

5 Unkan nakaha, Kuria, ceciya ce, woahope teca wan cicaage cin iyecece šni, tuka wanji otokahe ekta unhapi qon, otoiyohi canteunkiciciyapi kte cin hee.

6 Qa wacantkiyapi kin he dee, tawoahope kin eciyatanhan mannipi kte cin hee. Woahope kin he dee, Otokahe ekta taku nayahonpi qon he ohna mayanipi kte cin.

7 Wanna wicahnaye sa ota wicoicage kin ehna iyayapi, hena Jesus Messiya wicacehpi un hi qon oyakapi šni. He wicahnaye sa qa Messiya kipajin kin heca.

8 Iwanihdaka po, hecen taku unkamnanpi kin toki ehpeunyanpi kte šni, tuka wokajuju iyakicuya unkicipi kta.

9 Tuwe wahtani qa Messiya tawoonspe kin en un šni kin he Wakantanka yuhe šni. Tuwe Messiya tawoonspe kin en un kin he Ateyapi kin yuhe ça nakun Cinhintku kin.

10 Tuwe en niipi qa woonspe kin de yuhe šni kinhan, tin u šipi šni po, qa wookiye eciyapi šni po.

11 Tuwe wookiye eciye cin he iye ohan síce cin en opa.

12 Taku ota wowapi cicagapi kta mduha esta, minihuha minisapa ko on ecamon kte šni: tuka en ciupi qa i eciyatanhan ociciyakapi kta e ecin cante mduza; hecen wowiyuškin unkitawapi kin ojudan kta.

13 Nitanka kañigapi qon cincawicaye cin hena nape niyuza-pi. Amen.

JOHANNES

TAWOWAPI IYAMNI KIN.

1 Hunkayapi *waun* kin, Gayos waštedakapi kin, wowicake en waštewadake cin he, *wowapi cicaga*.

2 Waštecicida, taku owasin isanpa, tanyan iyoopte de kta qa zaniyan yaun kta e cewakitya ece, ninagi iyoopta ye cin iyececa.

3 Hunkawanjinkiciyapi kin den hipi, qa wowicake en niun kin he oyakapi qehan, wowicake eciyatanhan mayani kin heon nina imduškin.

4 Micinca wowicake kin eciyatanhan manipi nawahon kin heon wowiyuškin iyotan tanka mduha, takudan kape šni.

5 Waštecicida, taku hunkawanjinkiciyapi kin, qa nakun wicašta toktokeca ecawicayecon kin he tanyeh ecanon :

6 Hena e okodakiciye kin en wacanyakiye cin tanyan oyakapi : hena icimanipi en, Taku Wakan iyecen, owicayakiye cinhan, tanyan ecanon kta.

7 Iye caje kin on iyayapi, qa Ikecwicašta kin etanhan takudan icupi šni, heon etanhan.

8 Heon tona hececapi kin hena iyowinwicunkiapi kta iyececa ; hecen wowicake kin ounkiyapi kta.

9 Okodakiciye kin wowapi

wicawecaga ; tuka hena ehna Diotrephes itancan içida kin he iyowinunkiapi šni.

10 Heon etanhan wau kinhan, iye ohan kin, oie šica on unakaiapi ece kin hena weksuye kta. Unkan he on imnan šni, tuka iye hinca hunkawanjinkiciyapi kin iyowinwicakiye šni, qa tona hecon wacinpi kin iyowicaki šni, qa okodakiciye kin etanhan tankan iyayewicaya ece.

11 Waštecicida, taku šice cin he en ope šni wo, tuka taku wašte kin. Tuwe taku wašte econ kin he Wakantanka eciyatanhan un, tuka tuwe taku šica econ kin he Wakantanka wanyake šni.

12 Demetrios owasin on tanyan oyakapi, qa wowicake kin nakun eciyatanhan ; unkan unkiš eya he unyaotaninpi, qa waunyaotaninpi kin he wowicake e sdoniyayapi.

13 Taku ota ociciwa kta mduha tuka, tuka minisapa wiyaka ko on hena wowapi cicage kte šni :

14 Tuka ecadan wanciyake kta, qa i eciyatanhan unkokiciye kta wacin.

15 Wookiye niye en niciun nunwe. Takukiciyapi kin hena nape niyuzapi. Takukiciyapi kin cajeyan nape wicayuza wo.

JUDAS

TAWOWAPI KIN.

1 Judas, Jesus Messiya tawowidake kin, qa Jakob sunkaku kin, tona Wakantanka Ateyapi kin en wicayuecepidan, qa Jesus Messiya en wicakpatanpi, qa wicakicopi kin hena *wowapi wicakicaga*.

2 Wowaońsida, qa wookiye, wacantkiyapi ko niyepi, en niciyotapi nunwe.

3 Wańtecicidapi kin, wiconi ptaya unhapi kin on ańciciya wowapi cicagapi eca, wowacinye ehanna wicańta wakan wicaqupi qon he nina yakitanpi kta e on wowapi cicagapi, qa wahokonciyapi kta iyececa.

4 Wicańta wanjikńi nahmana en opapi, wanakajatanhan woyaco kin de on owicawapi ; hena Taku Wakan iyececapi ńni, qa Wakantanka unkitawapi towaońsida kin he wicowicańtańni kagapi, qa Wakantanka ecedan Itancan kin he anahmanpi; qa nakun Jesus Messiya Itancan unyanpi kin.

5 Heon etanhan, taku, ehanna sdonayapi eńta, he ake kiksuyeciciyapi kta wacin, Itancan kin oyate kin Egipta etanhan ehda-ku, qa iyohakam tona wicadapi ńni kin hena ihangwicaye cin.

6 Qa nakun mahpiya ohnihde otokahe unpi kin kpatanpi ńni, tuka iye tipi ehpekiyapi qon, hena otpaza ihukuya, owihanke wanin mazaicicahia kin on, anpetu tanka woyaco kin he en awicayuha.

7 Sodom qa Gomorra iyececa,

qa otonwe hena ihduksan wanke cin, hena is eya iyecen wiinahmanpi kin en icicupi, qa wicacehpi toktokeca akitapi ece qon hena e woonspe on ehdepi, qa peta owihanke wanica on wońtkihda en unpi.

8 He iyececa, wihamnanpi sa kin dena wicacehpi kin asamyapi, qa wokiconze wahtedapi ńni, qa taku tanka yańicapi ece.

9 Hececa, tuka Mikael mahpiya ohnihde itancan kin he wakanńica kin kici econ, qa Moses tancan kin on akinicapi qehan, woństehda woiaonpe wan en aya tawańenye ńni, tuka, Itancan kin iyopeniyan nunwe, eciya.

10 Tuka dena e qe taku sdonayapi ńni kin hena yańicapi ece : tuka iye icagapi kin eciyatanhan taku sdonayapi kin hena on ihduńicapi, woteca ia okitpanipi kin iyececa.

11 Wotehi wicakiciun nunwe ; Qain tancanku kin ohna yapi, qa wokajuju on, Balaam tawohnaye kin nina ainyankapi, qa Kore wicakipajin qon en ihangiciyapi.

12 Hena woasape kin heca, wacantkiya wayatapi kin en opeya wotapi, qa wikopeńniyan cemiciyapi ; mahpiya ńapa mini wanicata tate on ayapi ece kin ; can kin ptanyetu eca ńeca aya, waskuyeca codan, inonpa ńeca, qa hute eciyatanhan yujunpi kin hena *hececapi*.

13 Miniwanca taja ohitika, iye wowistece tawapi kin minitaga

WICOWOYAKE 1.

iyecen hiyuyapi ece; wicanhpi onuniyata unpi, on otpaza sape hınca owihanke wanin wicakicihnakapi.

14 Henok Adam etanhan wicašta isákwon qon he itokam hena owicayake ça heya; Wanyaka po, Itancan kin wicašta wašte wicayuhe cin woyawa tanka om u ce;

15 Owasin wicayaco kta, qa tona Taku Wakan ohodašni kin hena wicohan šiksica owasin ohodašniyan econpi qon hena sdonkiyewicaye kta, qa wicoie canksiksi owasin walitanipi sa Taku Wakan ohodapi šni oie kicatonpi ece qon hena nakun.

16 Hena e wihnupi sa, wawiyaonpapi sa, iye cantiheyapi kin eciyatanhan manipi ece; qa i eciyatanhan wahanhaničidayapi, qa taku on etanhan wicašta itohnake kin waštedakapi ece.

17 Tuka waštecicidapi kin, niyepi, Jesus Messiya Itancan unyanpi yewicaši qon hena oiepi ehanna oyakapi qon hena kiksuya po;

18 Anpetu ihankeya kin en wicašta wawihahapi kin yuke kta, iye cantiheyapi šice cin eciya-

tanhan manipi kin, he oniciyakapi qon.

19 Ihdutokanpi kin dena eepi, witantanpi, qa Woniya kin yuhapi šni.

20 Tuka waštecicidapi kin, niš niyepi wowacinye iyotan wakan nitawapi kin he ohna icaličiyapi, qa Woniya Wakan kin eciyatanhan wocekiye eya po;

21 Wakantanka waštedakapi kin en ihduha po; qa Jesus Messiya Itancan unyanpi towaonšida wiconi owihanke wanica iya hde kte cin he ape yukan po.

22 Unkan hunh wicayukeanyan onšiwicada po;

23 Qa hunh is wokokipe on niwicaya po, peta etanhan iwicacupi kin iyececa; qa wokoyake wicacehpi on ašapapi kin hena ee kaeš šicedaka po.

24 Unkan tuwe woahitani econ šni niyuhapi kta okihi, qa wowiųskin yuha iye towitan kin en iyaonpepica šni enihdepi kte cin,

25 Wakantanka ecedan ksapa, Wanikiya unkitawapi kin hee, Jesus Messiya Itancan unyanpi kin eciyatanhan, wowitan, wo yaonihan, wookihi qa wokiconze, dehantu qa wicoicage owasin hehanyan, tawa nunwe. Amen.

JOHANNES

WAYUOTANIN TAWA KIN.

WICOWOYAKE 1.

1 Jesus Messiya wayuotanin tawa, taku ecanan u kta e he tawowidake kin sdonyewicakiye kta Wakantanka qu qon he dee; unkan taohnihde wan u ši,

qa tawowidake Johannes he okiyaka:

2 He Wakantanka oie kin, qa Jesus Messiya wohdake cin, taku tona wanyake cin hena yuotanin.

3 Tuwe wokcan oie kin de ya-

wa, qa tona nahonpi, qa taku en kagapi kin anagoptanpi kin, hena wowašte yuhapi. Wanna kiya-dan ihan.

4 Johannes, Asia ekta okodaki-ciye šakowinpi kin *wowapi wicakicaga*. Wowanšida, woo-kiye ko, tuwe un, qa un qon, u kte cin hetanhan niyepi en nici-pi un nunwe; qa Woniya šako-winpi oiyotanke tawa kin ito-kam unpi kin hena eciyatanhan;

5 Qa Jesus Messiya etanhan, he waayatanin wicaka, wiconțe etanhan tokaheya tonpi, qa ma-ka wicaštayatapi kin Itancan kin hee. Tuwe wašte unkidapi, qa waunhtanipi kin etanhan iye we kin en unyujajapi,

6 Qa Atkuku Wakantanka ekta wicaštayatapi, wošna kagapi ko unkagapi kin hee, wowitan, wo-wašake ko owihanke, wanin tawa nunwe. Amen.

7 Wanyaka po, mahpiya šapa kin akan u; unkan wicišta owa-sin wanyakapi kta, qa tona he capapi qon hena nakun, qa iye on oyate maka ohnaka kin owa-sin aicipapi kta. Hecetu nun-we. Amen.

8 Alpha qa Omega, otokahe qa owihanke kin he miye ce; Itan-can un, qa un qon, u kta, iyo-tan wašake cin he hena hecen eya.

9 Johannes hunkawanjinyaya-pi, wokakije, qa wokiconze, wo-wahbadan ko, Jesus Messiya ta-wa kin en, tawaši yayapi kin he miye; Wakantanka oie qa Jesus Messiya wohdake cin on etan-han, wita wan, Patmos eciyapi, hen waun.

10 Itancan taanpetu kin en Woniya kin kici waun; unkan mihektapa tanhan wicaho wan tanka, maza yahotonpi tanka wan iyececa, nawahon;

11 He kaken eya, Alpha qa Omega, tokaheya qa ehake kin he miye ce. Taku wandake cin wowapi ecen kage ca, Asia ekta okodakiciye kin iwahowicaya wo; Ephesos, qa Smurna, qa Pergamos, qa Thuatira, qa Sar-dis, qa Philadelphia, qa Laodikia.

12 Unkan wicaho omakiye cin he wanmdake kta e ekta mihdam-na. Unkan mihdamna qehan mazaskazi petijanjan ihupa ša-kowin wanmdaka.

13 Qa petijanjan ihupa šako-win kin cokaya Wanji Wicašta Cinhintku kin iyececa, tawo-koyake kin siha kin ekta iyahde-ya, qa maku kin opta mazaskazi ihduskita.

14 Qa pa kin paha ko ska, ta-hinca wanuyanpi hin kin iyecen ska, qa wa iyececa, qa išta kin peta ide kin iyececa;

15 Qa siha kin iš mazazi ece-dan iyececa, peta tanka en itkon-yahe seca; qa ho kin he mini ota ihaša kin iyececa.

16 Qa nape etapa kin ohna wi-canhipi šakowin hduhe ca, i kin eciyatanhan maza sagye anog ope kin heca wan hiyu, qa ito-hnake kin he anpetu wi nina iyege cin iyececa.

17 He wanmdaka, unkan ta wanke cin iyecen siha hde kin en mahinhpaya. Hehan iye na-pe etapa kin on omayutan qa, Ihnuhan koyakipe cin, emaki-ya; Tokaheya qa ehake kin he miye;

18 Tuwe te ca ake kini, qa ito owihanke wanin ni waun; Amen; qa Wakanšica ti kin wi-conțe ko tiyopa iyuhdoke kin yuha manka ce.

19 Taku wandake cin he wo-wapi ecen kaga wo, taku naka-ha un qa dena iyohakam taku u kte cin hena.

WICOWOYAKE 2.

20 Wicanlipi šakowin minape etapa kin ohna wandake cion wowiyukan kin hee, qa maza-skazi petijanjan ihupa kin hena nakun. Wicanlipi šakowin qon okodakiciye šakowinpi ohnihde yuhapi kin hena eepi; qa petijanjan ihupa šakowin wandake cin okodakiciye šakowinpi kin hena eepi.

WICOWOYAKE 2.

1 Ephesos ekta okodakiciye ohnihde yuhapi kin he ecen wowapi kicaga wo; Tuwe wicanlipi šakowin nape etapa kin ohna hduhe ça, mazaskazi petijanjan ihupa šakowin cokaya omani kin he hecen eya;

2 Niohan, qa nitohani, qa wacinnitanka kin he sdonwaya; qa tona šicapi kin hena iyowinwicakiya oyakihi šni; qa tona yewicašipi kin hecapi keičiyapi kin hena wicadukan qa itonpi-šni kin heca iyewicayaya.

3 Wacinnitanka, qa ayape, qa micaje kin on htayani, qa oyakite šni.

4 Tuka taku cistinna iyacionpa, tokaheya wašteyadake cin he adušan.

5 Heon tokiya tanhan nihinlipaye cin he kiksuye, ça ihdu-ecetu, qa niohan tokaheya kin hdušan wo. Hecanon šni kinhan kohanna ekta ciu, qa petijanjan nitawa kin yutokan iye-
ciciye kta, nihduecetu šni kinhan.

6 Tuka he duha, Nikoleton wicohan kin šiceyadake cin, hena miš eya šicewadaka.

7 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he can wiconi, Wakantanka tamaga co-

kaya he cin, hetanhan yun wakiye kta.

8 Unkan Smurna ekta okodakiciye ohnihde yuhapi kin he ecen wowapi kicaga wo; Tuwe tokaheya qa ehake un kin, te ça ake kini kin hee hecen eya;

9 Niohan kin sdonwaya, wokakije wowałpanica ko nitawa kin, (tuka winijica;) qa tona Juda wicašta keičiyapi qa hecapi šni, tuka Satan omniciye tawa kin etanhanpi, hena waaiapi kin *nakun sdonwaya*.

10 Token nicakije kte cin ihnuhan taku koyakipe cin. Ibo, Wakanšica niyepi wanjikji wicakaška tipi kin en iyenianpi kta, iniyukanpi kta e heon; unkan anpetu wikcemna hehanyan wokakije duhapi kta; tuka wicate cin hehanyan wicaka wo, kinhan wiconi watešdake wan ciu kta.

11 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he wiconte icinonpa kin on kiunianpi kte šni.

12 Unkan Pergamos ekta okodakiciye ohnihde yuhapi kin he ecen wowapi kicaga wo; Tuwe maza sagye anog ope kin hduhe cin hee hecen eya;

13 Niohan kin sdonwaya, qa tukten Satan oiyotanke tawa yanke cin hen yati; qa micaje kin yuha yaun, qa wacinmayanpi kin adušan šni, anpetu kin Antipas waayatanin wicaka mitawa kin niyepi kin en, tukten Satan ti kin, hen ktepi qon he ehan.

14 Tuka taku wanjikjidan iyacionpa; Balaam hee Balak Israel cinca kin taku on wałtani ičiyapi kte cin wicitokam ehde

kin he onspekiye ça, taku wakagapi wakiyušnapi kin yutapi, qa wiinahmanpi econpi kta, he tawoonspe tona yuhapi kin hena wicaduha ;

15 Qa nakun Nikoleton tawoonspe yuhapi kin hena wicaduha, he sicewadaka tuka.

16 Ihduecetu wo ; *hecanon* šni kinhan kohanna ekta ciu, qa mii maza sagye kin on hena kici wecize kta.

17 Tuwe noge yukan hecinhan, taku Woniya kin okodakiciye kin ewicakiye cin he nahon kta. Tuwe ohiye cinhan he manna kihnakapi qon he etanhan yunwakiye ça inyan ska wan waqu kta, inyan kin he en wicacaje teca wan kagapi kin he tuwedan sdonye šni, tuka tuwe icu kte cin hecedan.

18 Unkan Thuatira ekta okodakiciye ohnihde yuhapi kin he ecen wowapi kicaga wo ; Wakantanka Cinhintku, išta peta ide kin iyecen hduhe ça, siha kin mazazi ecedan iyececa hee hecen eya ;

19 Niohan kin sdonwaya, wacanyakiye, ça htayani, qa wicayada, qa ayape, qa niohan kin, qa ehake kin hena tokaheya kin sam iyeya ota.

20 Tuka taku tonana iyacionpa, winohinca wan Jezebel ecipyapi, winohinca wokcanka keiciye cin he mitaokiye kin wicahnyaye ça, wiinahmanpi econpi, qa taku wakagapi wakiyušnapi kin yutapi kta e onspe wicakiye cin hee iyowinyakiya.

21 Unkan he wawicihahapi econ kin on iyopeiciye kta e anpetu waqu, tuka iyopeiciye šni.

22 Ito, owinja wan akan ewaonpe kta, qa tona kici wawicihahapi econpi kin hena nakun, wo-

kakije tanka en ; wicohan kin on iyopeiciyapi šni kinhan.

23 Qa iye cinca kin wiconŧe on wicawakte kta ; qa okodakiciye kin owasin, tuwe wicapakšin wicacante ko iyukcan kin he miye e sdonyapi kta. Qa niyepi kin otoiyohi niohanpi kin eciyatanhan ciŧupi kta.

24 Tuka niyepi, qa tona Thuatira ekta woonspe kin he yuhapi šni, qa Satan ošbe tawa eyapi kin sdonye šni yaunpi kin kaken eciciyapi ; Waŧinpi tokeca acihnakapi kte šni ;

25 Tuka taku duhapi kin he ŧinsa hduha po, hibu kte cin hehanyan.

26 Qa tuwe ohiye ça owihanke kin iyahdeya miohan kin yuha un kinhan, oyate kin en wowašake waqu kta.

27 Qa maza icapsinte wan on wicayuhe ça maka wakšica iyeccen wicakamdece kta ce ; heccen Ate etanhan hduha waun.

28 Qa anpao wicanhpi kin he waqu kta.

29 Tuwe noge yukan hecinhan taku Woniya kin okodakiciye kin ewicakiye cin he nahon kta.

WICOWOYAKE 3.

1 Unkan Sardis ekta okodakiciye ohnihde yuhapi kin he ecen wowapi kicaga wo ; Tuwe Wakantanka Taniya šakowin kin hena, qa wicanhpi šakowin hduhe cin he hecen eya ; Niohan kin sdonwaya, caje wan duha, yani kin hee, tuka niŧa.

2 Kiktahan un, qa taku tona nahalin en un qa ŧe kte cin hena hduwašaka wo ; Wakantanka itokam niohan kin owotanna e iyewaye šni.

3 Heon token iyacu, qa nayahon kin kiksuye ça, ŧinsa yuze

ça, ihduecetu wo. Kiktahan yaun sni kinhan wamanon sa iyecen ekta ciu kta, qa tohan ekta cihi kte cin he sdonyakiye kte sni.

4 Tuka Sardis ekta wicacaje tonana duha, hena e tawokoyake kin hduşapapi sni; qa ska ihduzapi ecen mici manipi kta; he iyehantupi nakaes.

5 Tuwe ohiye cinhan he wokoyake ska koyake kta, qa iye caje kin wiconi wowapi kin etanhan wapajuju kte sni, tuka he caje kin Ate itokam, qa ohni-hde wicaye cin hena wicitokam omdake kta.

6 Tuwe noge yukan hecinhan taku Woniya kin okodakiciye kin ewicakiye cin he nañon kta.

7 Unkan Philadelphia ekta okodakiciye ohnihde yuhapi kin he ecen wowapi kicaga wo; Tuwe wakan qa wicaka un, qa Dawid tiyopa iyuhdoke kin yuhe ça, yuhdoka eca tuwedan ecen iyeye sni, qa ecen icu eca tuwedan yuhdoke sni ece kin hee hecen eya;

8 Niohan kin sdonwaya, tiyopa wan yuhdokapi ecen he cin he nitokam ewahde, qa tuwedan ecen iyeya okihi sni; wowaşake eistinna duhe ça mioie kin yuha yaun, qa micaje kin elipemayaye sni.

9 Ito, Satan omniciye tawa kin etanhanpi Juda wicaşta keiciyapi, tuka hecapi sni, qa itonpi sni kin, hena iho, upi, qa nishi kin itokam canpeşka makehde inajin wicawakiye kta, qa waşte-cicida e sdonyapi kta.

10 Woape oie mitawa kin he awandake cin, heon tohan taku wawiyutanyan un kin tona maka owancaya unpi kin iyutanwicaye kta u kinhan, hehan awanciyake kta.

Dak.

11 Iho ecadan wau kta; taku duhe cin he tinsa yuza wo, hecen wateşdake nitawa kin tuwedan nici kte sni.

12 Tuwe ohiye cinhan, he tipi wakan mita Wakantanka tawa kin ohna can ihupa wan wakage kta, qa icimana tankan ye kte sni; qa he akan mita Wakantanka caje kin owawa kta, qa mita Wakantanka otonwe tawa caje kin, Jerusalem teca kin hee, maşpiya kin etanhan Wakantanka mitawa kin eciyatanhan u kin hee, qa nakun micaje teca kin.

13 Tuwe noge yukan hecinhan, taku Woniya kin okodakiciye kin ewicakiye cin he nañon kta.

14 Unkan Laodikia ekta okodakiciye ohnihde yuhapi kin he ecen wowapi kicaga wo; Tuwe Amen eciyapi, waayatanin owotanna, qa wicaka, Wakantanka woicage tawa otokahe kin hee hecen eya;

15 Niohan kin sdonwaya, sni qa ipiga unmana ecen yaun sni, sni qa ipiga unma tukte e ecen yaun kta wacin;

16 Tuka inişeca, qa sni ipiga kici unmana ecen yaun sni, heon mii kin etanhan icihdepe kta.

17 Wimajica, qa woyuha ota waton, qa takudan imakakije sni, keha ce; qa inicakije ça, onnişike ça, niwaşpanica, qa iştá nigonge ça, tanconikadan e sdon-yakiye sni.

18 Kaken wahokonciya ce, mazaskazi peta on yuecedan kagapi kin he opemicaton wo, winijica kta ce; qa wokoyake ska, kodake kta e heon, hecen tanconikadan on winištece cin he tanin kte sni; qa wiciştá wihdi kin, niştá iyakiun kta, hecen wawandake kta.

19 Tona cantewicawakiye cin

hena wahokonwicawakiye ça, iyopewicawakiya ece. Heon niniheiciye ça ihduacetu wo.

20 Ito, tiyopa kin en nawajin qa wakabubu ece; tuwe miho kin nahon, qa tiyopa hduhdoke cinhan, he ekta tin hibu, qa kici wawate kta, qa is eya mici wote kta.

21 Tuwe ohiye cinhan he oiyotanke mitawa kin akan mici iyotanke wakiye kta, miye ohiwaye ça Ate oiyotanke tawa kin akan weci imdotanke cin he iyeceen.

22 Tuwe noge yukan hecinhan, taku Woniya kin okodakiye kin ewicakiye cin he nahon kta.

WICOWOYAKE 4.

1 Hena iyohakam wanmdake ça ito mahpiya kin ekta tiyopa wan yuhdokapi; qa wicaho tokaheya nawahon kin he maza yahotonpi tanka kin iyececa, he omakiye ça heya, Deciya u wo, dena iyohakam taku u kte cin hena wanyagciciye kta ce.

2 Unkan kohanna Woniya kin en waun; qa ito, mahpiya kin ekta oiyotanke wan ecen hdepi, qa tuwe akan iyotankehan yan-ka.

3 Tuwe akan iyotanke cin he iwanyakapi kin inyan tehika, iyaspis qa salidinos iyececa; qa oiyotanke kin ihduksan wi-hmunke wan hmihbeya yanka, smahagdos inyan kin iyececa.

4 Qa oiyotanke kin ihduksan oyanke wikcemna nonpa sam topa wanka; qa oyanke kin hena en hunkawicayapi wikcemna nonpa sam topa iyotankapi, qa wokoyake ska koyakapi e wanmdaka; qa pa kin en mazaskazi tesdakapi.

5 Unkan oiyotanke kin etanhan wakanhdi qa wakinyan hotonpi qa wicaho hiyu; qa oiyotanke kin itokam petijanjan sakowin peta ece ideyapi, hena Wakantanka taniya sakowin kin heepi.

6 Unkan oiyotanke kin itokam mde wan wanka janjan seca, cahowata iyeceen kohdi; qa oiyotanke kin cokaya, qa oiyotanke kin ihduksan, taku ni un topa kin yukanpi, hena e tokapatanhan qa hektapatanhan ko ista ojupidan.

7 Unkan taku ni un tokaheya kin he mnaja ouncage kin iyececa; qa taku ni un iyokihe kin he tatanka ouncage kin iyececa; qa taku ni un iciyamni kin he wicasta itohnake kin iyeceen yuha; qa taku ni un icitopa kin he wanmdi kinyan un ouncage kin iyececa.

8 Qa taku ni un topa kin otoi-yohi hupahu sakpekpe yuhapi, qa ihduksan, qa mahen tanhan ista ojupidan; qa anpetu hanyetu ko ayaстан sni hecen eyapi, Wakan, Wakan, Wakan, Itancan Wakantanka Iyotan wasaka, tuwe un, qa un qon, u kte cin hee ce.

9 Qa tohan taku ni un topa kin, tuwe oiyotanke kin akan kiyotanke ça owihanke wanin ni un kin he wowitan, qa wootanin, qa wopida qupi kinhan;

10 Hehan hunkawicayapi wikcemna nonpa sam topa kin hena, tuwe oiyotanke kin akan kiyotanke cin he itokam makata ehpeiçiyapi, qa tuwe ohinniyan ni un kin ohodapi, qa watesdake tawapi kin oiyotanke kin itokam ehpekiyapi, qa hecen eyapi;

11 Itancan, wowitan, qa wootanin, qa wowasake iyacu kta e iyenihantu, taku owasin yaka-

ge ça nitoyokipi kin on owasin kagapi qa ecen han.

WICOWOYAKE 5.

1 Unkan tuwe oiyotanke kin akan kiyotanke cin he etapa kin eciyatanhan wowapi wan mahen tanhan qa akapatadhan owapi, qa ipuspe šakowin on apuspapi kin he wanmdaka.

2 Qa malhipiya ohnihde wašaka wan wanmdaka, he hotankakiya hotanin qa, Wowapi kin he tuwe yumdaye ça ipuspe šakowin kin yuhdoke kta okihi he, *eya*.

3 Unkan malhipiya kin ekta, qa maka kin akan, qa maka kin ihukuya tanhan tuwedan wowapi kin he yumdaye ça, en wanyaka okihi šni.

4 Hehan nina waceya, tuwe wowapi kin yumdaye ça yawa, qa en wanyake kta iyekicihantu kin tuwedan iyeyapi šni kin he on etanhan.

5 Unkan hunkawicayapi kin wanji hemakiya; Ceye šni wo, ito Juda wicoun kin etanhan, mnaja kin, Dawid hutkan kin hee wowapi kin yumdaye ça, ipuspe šakowin kin yuhdoke kta okihi.

6 Hehan wanmdake ça, iho, oiyotanke kin cokaya, qa taku ni un topa, hunkawicayapi ko wicacokaya Amnos wan najin, wošnapi iyececa, he šakowin išta šakowin ko yukan, Wakantanka taniya šakowin maka kin owancaya ye wicayapi kin hena eepi.

7 He en hi, qa tuwe oiyotanke kin akan kiyotanke cin nape etapa kin etanhan wowapi qon icu.

8 Unkan wowapi kin he icu qehan, taku ni un topa kin, qa hunkawicayapi wikcemna nonpa sam topa kin hena Amnos

kin itokam makata elpeiciyapi, otoiyo hi candowankiyapi ludhapi, qa nakun mazaskazi wiyatke taku waštemna on ojudan, wicašta wašte wocekiye tawapi kin hee:

9 Qa odowan teca wan ahiiyayapi, qa heyapi; Wowapi kin iyacu, qa ipuspe kin duhdoke kta e iyenihantu ce, waniyušnapi qa Wakantanka ekta niwe kin on opeunyakitonpi, wicoun otoiyo hi etanhan, qa iapi kin, qa wicowazi kin, qa oyate kin otoiyo hi etanhan;

10 Qa Wakantanka ekta wicaštayatapi wawayušnapi ko unyakagapi; unkan maka kin onunyanpi kta ce.

11 Unkan wanmdake ça, oiyotanke kin ihdukšan, qa taku ni unpi kin hunkawicayapi ko wicihdukšan, malhipiya ohnihde woyawa tanka ota, qa kektopawinge ece kektopawinge, hena hopi kin nawašon;

12 Hotankakiya heyapi, Amnos wošnapi qon he wowašake, qa woyuha, qa woksape, qa wicookihi, qa wootanin, qa wowitan, qa wowašte *henakiya* icu kta okihi ce.

13 Unkan taku malhipiya ekta un, qa taku maka akan un, qa taku maka ihukuya tanhan un, qa taku miniwanca mahen un, hena taku ohnaka ko owasin kaken eyapi nawašon; Tuwe oiyotanke kin akan kiyotanke cin Amnos kin kici wowašte kin, wootanin kin, wowitan kin, qa wowašake kin *henakiya* owihanke wanin tawapi nunwe.

14 Unkan taku ni un topa kin hena, Hecetu nunwe, eyapi; qa hunkawicayapi wikcemna nonpa sam topa kin hena makata elpeiciyapi, qa tuwe ohinniyan ni un kin he ohodapi.

WICOWOYAKE 6.

1 Unkan Amnos kin ipuspe tokaheya yuhdoke cehan wanmdaka; unkan taku ni un topa kin wanji, wakinyan hotonpi kin iyecen hotanin qa, U qa wanyaka wo, eya nawahon.

2 Unkan wanmdake ça, ito, suktanka ska wan tuwe akan iyotanke cin he itazipa wan yuha; qa wateśdake wan qupi; unkan ohiye ça, ohiye kta e iyaya.

3 Unkan ipuspe inonpa yuhdoke cehan, taku ni un icinonpa kin he, U qa wanyaka wo, eya nawahon.

4 Unkan suktanka wan tokeca hin śa kin he hinanpa; unkan tuwe akan iyotanke cin he maka kin etanhan wookiye icu kta e qupi, hecen otoiyohi kiciktepi kta; qa nakun maza sagye wan tanka qupi.

5 Unkan ipuspe iyamni kin yuhdoke cehan, taku ni un wiciyamni kin he, U qa wanyaka wo, eya nawahon. Unkan wanmdake ça ito suktanka sapa wan; qa tuwe akan iyotanke cin he nape ohna taku on tke utapi wanji yuha.

6 Unkan taku ni un topa kin cokaya tanhan wicaho wan nawahon, Aguyapi iyutapi wanji he kaśpapidan wanjidan, qa suktanka tawote iyutapi nonpa he kaśpapidan wanjidan kta; qa wihdi miniśa ko ihnuhan kiuniyaye cin, eya.

7 Unkan ipuspe itopa kin yuhdoke cehan, taku ni un icitopa kin he ho kin nawahon; U qa wanyaka wo, eya.

8 Unkan wanmdake ça ito suktanka wan hin san; tuwe akan iyotanke cin he Wiconṭe eciyapi, qa Wicalīapi kin he ihakam iyaya. Unkan maka hanke ito-

pa kin hehanyan maza sagye, qa wicaakihan, qa wiconṭe, qa wamanica maka akan un kin hena on wicaśta wicakte kta e wowaśake qupi.

9 Unkan ipuspe izaptan kin yuhdoke cehan, wahna wośnapi kin ihukuya tona Wakantanka oie, qa iye waayataninpi kin he on wicaktepi qon hena nagipi kin wanwicamdaka.

10 Hena hotankakiya hotaninpi qa heyapi, Itancan wakan, qa wicaka, tohanyan tona maka kin akan yukanpi kin wicadaco śni qa we unkitawapi kin on toyecon śni he.

11 Unkan hena otoiyohi wokoyake ska wicaqupi, qa ptecedan ape yukanpi kta, tona om taokiye unpi qon, qa iye hunkawanjiktupi kin, iś iyepi iyecen wicaktepi kte cin he yuśtanpi kta hehanyan, kewicakiyapi.

12 Unkan ipuspe iśakpe kin yuhdoke cehan, wanmdake ça ito maka śkanśkan tanka, qa anpetu wi kin sapa aya, wahinske ojuha kin iyececa, qa hanyetu wi kin iś we iyecen icaga.

13 Qa maḥpiya wicanḥpi kin makata hinḥpayapi, witanśna hu wan tateyanpa tanka kahuhuza eca waskuyeca śtunkadan keś paḥpa ece kin he iyececa.

14 Qa wowapi pehan ehnakapi kin he iyecen maḥpiya kin tanin śni iyaye ça, he otoiyohi, wita otoiyohi ko yutokan iyeyapi.

15 Qa maka wicaśtayatapi, qa wicaśta tankinkinyanpi, qa wicaśta watonpika, qa wicaśta itancanpi, qa wicaśta waśakśakapi, qa wicaśta wowidake unpi kin otoiyohi, qa ihduhapi kin otoiyohi, makohdoka qa he imnija kin ehna naiçiḥmanpi;

16 Qa inyan he imnija ko hena heciyapi, Unkahinḥpayapi, qa tu-

WICOWOYAKE 7.

we oiyotanke kin akan kiyotanke cin itohnake kin etanhan, qa Amnos kin wocanniye tawa kin etanhan anaunhman po :

17 He wosihda tawa anpetu tanka kin wanna hi ; unkan tuwe najin okihi kta he.

WICOWOYAKE 7.

1 Unkan hena iyohakam mahpiya ohnihde topa maka oise topa kin en inajinpi kin wanwicamdaka, maka tate ouye topa kin yuhapi, hecen maka qa miniwanca qa can hiyeye cin wanjidatateyanpa kte sni.

2 Hehan mahpiya ohnihde tokeca wan wiyohiyanpa tanhan wankantkiya u kin wanmdaka, he Wakantanka ni un ipuspe tawa kin yuhe ca mahpiya ohnihde topa maka miniwanca ko kiuniyanpi kta e wicaqupi qon hena hotankakiya hoyewicakiye ;

3 Qa heya, Maka, qa miniwanca, qa can hiyeye cin kiuniyanpi sni po, Wakantanka unkitawapi taokiye wicaye cin itepi kin en wapetog wicuntonpi sni kin hehanyan.

4 Unkan tona wapetog wicatonpi wicayawapi kin nawahon, Israel cincapi wicoun owasin etanhan kektopawinge opawinge sam kektopawinge wikcemna topa sanpa kektopawinge topa wapetog wicatonpi.

5 Juda wicoun kin etanhan kektopawinge ake nom wapetog wicatonpi ; qa Ruben wicoun kin etanhan kektopawinge ake nom wapetog wicatonpi ; qa Gad wicoun kin etanhan kektopawinge ake nom wapetog wicatonpi ;

6 Aser wicoun kin etanhan kektopawinge ake nom wapetog

wicatonpi ; qa Nepthalim wicoun kin etanhan kektopawinge akenonpa wapetog wicatonpi ; qa Manasse wicoun kin etanhan kektopawinge ake nom wapetog wicatonpi ;

7 Sumeon wicoun kin etanhan kektopawinge ake nom wapetog wicatonpi ; qa Lewi wicoun kin etanhan kektopawinge ake nom wapetog wicatonpi ; qa Isakar wicoun kin etanhan kektopawinge ake nom wapetog wicatonpi ;

8 Zabulon wicoun kin etanhan kektopawinge ake nom wapetog wicatonpi ; qa Joseph wicoun kin etanhan kektopawinge ake nom wapetog wicatonpi ; qa Benjamin wicoun kin etanhan kektopawinge ake nom wapetog wicatonpi.

9 Hena taku kin iyohakam wanmdake ca, iho, wicota hınca, wicayawa kta tuwedan okihi sni, oyate hiyeye cin, qa wicoun kin, wicowazi kin, iapi ko owasin otoiyo hi etanhanpi, oiyotanke kin itokam, qa Amnos kin itokam najinpi, wokoyake ska ece koyakapi, qa can wapa nape ohna yuhapi ;

10 Qa hotankakiya hotaninpi qa heyapi, Wakantanka unkitawapi oiyotanke kin akan kiyotanke cin hee, Amnos kin kici, niwicaye yuha nunwe.

11 Unkan mahpiya ohnihde owasin oiyotanke kin oksan, qa hunkawicayapi taku ni un topa kin hena ko wicihduksan inajinpi, qa oiyotanke kin itokam ite makipusdiya ehpeiçiyapi, qa Wakantanka ohodapi ;

12 Qa heyapi, Amen ; Wowaste, qa wowitan, qa woksape, qa wopida, qa woyuonihan, qa wowaşake, qa wicookihi henakiya Wakantanka unkitawapi kin

owihanke wanin yuha nunwe. Amen.

13 Hehan hunkawicayapi kin etanhan wanji waayupte ça, Wokoyake ska koyakapi kin hena tuwepi, qa tokiya tanhan upi he, emakiya.

14 Unkan Itancan, niye sdon-yaya ce, epa. Unkan hemakiya; Wicokakije tanka etanhan upi qon dena eepi, unkan wokoyake hdujajapi, qa Amnos we kin on hduskapi.

15 Heon etanhan Wakantanka oiyotanke kin itokam yakonpi, qa tipi wakan iye tawa kin ohna anpetu hanyetu ko ohodapi ece; qa tuwe oiyotanke kin akan kiyotanke cin he hena wicacokaya ounye kta.

16 Qa tohinini wotektehdapi kte šni, qa ipuzapi kte šni, qa anpetu wi kin qa taku kata ašpanwicaye kte šni.

17 Tuka Amnos kin, oiyotanke cokaya un kin he, hena wonwicaye ça, minihdoka ni un kin icahda yus awicaye kta: qa hena istapi kin etanhan Wakantanka istamnihanpe kin owasin wicakipakinte kta.

WICOWOYAKE 8.

1 Unkan ipuspe isakowin kin yuhdoke cehan, małpiya ekta wihiyayedan wancadan ape cin hanke hehanyan inina yukanpi.

2 Unkan małpiya ohnihde šakowin Wakantanka itokam najinpi kin wanwicamdaka; qa maza yahotonpi tanka šakowin wicacupi.

3 Hehan małpiya ohnihde wan tokeca u qa wahna wošnapı kin ekta hinajin, mazaskazi oizinye wan yuha: Unkan taku waštemna ota qupi kin he, tona owotanna un kin owasin wocekiye

tawapi kin ahna, mazaskazi wahna wošnapı kin oiyotanke kin itokam wanke cin he akan wošna kta e heon.

4 Unkan małpiya ohnihde nape kin etanhan šota izite cin, tona owotanna un wocekiye tawapi kin hena ko, Wakantanka itokam wankantkiya aya.

5 Unkan małpiya ohnihde kin he oizinye kin icu, qa wahna wošnapı peta kin etanhan oju, qa maka kin ekta ehpeya; unkan iho, wicaho, qa wakinyan hotonpi, qa wakanhdi, qa maka škanškan.

6 Unkan małpiya ohnihde šakowinpi maza yahotonpi tanka yuhapi kin hena yahotonpi kta e hduwiyeypı.

7 Unkan małpiya ohnihde tokaheya kin yahoton, qa wasu peta ko we icicahiyapi maka kin ahinhe: Qa can iyamnımi kin hułnaga, qa wato kin iyuhpa hułnaga.

8 Unkan małpiya ohnihde iyo-kihe kin he yahoton, qa taku he wan tanka iyececa peta on itkon-yahe cin he miniwanca kin en iyohpeyapi: Qa miniwanca kin hanke iyamni we icaga:

9 Qa taku miniwanca oicage ni un kin hanke iyamni ɽapi, qa wita wata kin iyamnımi kin owihanke yapi.

10 Unkan małpiya ohnihde iciyamni kin he yahoton, qa wicanłpi wan tanka ideyapi petijanjan iyececa, małpiya kin ecıyatanhan hinłpaye ça wakpa iyamnımi kin ahinłpaye ça minihdoka kin en.

11 Wicanłpi kin he, Yatkepicanı, ecıyapi. Unkan mini yatkepica šni icage ça wicašta ota mini kin on ɽapi, pa icage cin heon.

12 Unkan małpiya ohnihde

WICOWOYAKE 9.

icitopa kin he yahoton; unkan anpetu wi hanke iyamni, qa hanyetu wi hanke iyamni, qa wicanhpi iyamnimni kin apapi, qa hecen hanke iyamni otpaza icu, qa anpetu kin hanke iyamni behanyan iyoyanpa šni un, qa hanyetu kin nakun iyececa.

13 Hehan wanmdake ça nawahon, małhiya ohnihde wan małhiya cokaya tanhan kinyan iyaye ça hotankakiya heya, Wicokakije, wicokakije, wicokakije, tona maka ounyanpi kin hena en, maza yahotonpi tanka hotonpi kin małhiya ohnihde yamni yahotonpi kte cin heon etanhan.

WICOWOYAKE 9.

1 Unkan małhiya ohnihde icizaptan kin he yahoton, qa iho, wacanłpi małhiya kin eciyatanhan maka kin ahinłpaya wanmdaka; unkan he makohdoka ceteta wanica tiyopa iyuhdoke kin qupi.

2 Qa makohdoka ceteta wanica he tiyopa kin yuhdoka, unkan makohdoka kin etanhan šota hiyu, peta on maza šdoyapi tanka hinca etanhan šota uye cin iyececa; qa wošbe etanhan šota kin he on anpetu wi kin okotonyan kici aotpaza.

3 Unkan šota kin etanhan psipicadan au, maka kin ekta, qa wicowašake wicaqupi, wamduška maka akan un kin wicowašake yuhe cin he iyececa.

4 Qa wato maka aicage cin, taku toya un, qa can kin owasin kiuniye šni wicašipi, tuka wicašta kin tona itepi kin en Wakan-tanka tawowapetogton yuhapi šni kin henana.

5 Qa hena wicaktepi kta e wicaqupi šni, tuka wi zaptan hehanyan kakišwicaye kta e wi-

caqupi. Unkan kakišyapi kin he wamduška wicašta cawica-pe cinhan kiuniyanpi kin he iyececa.

6 Unkan anpetu kin hena en wicašta wiconęte akitapi kta, tuka iyeyapi kte šni, qa łapi cinpi kta, tuka wiconęte e nawicakicipe kta.

7 Psipicadan kin hena ounca-ge kin šuktanka ozuye on wiye-ye ehnag najinpi kin he iyececa; qa pa akan mazaskazi watešdake iyececa wapaha kitonpi, qa itepi kin wicašta ite kin iyececa.

8 Qa paha kin he winohinca paha iyecen yuhapi, qa hi kin hena mnaja hi kin iyececa.

9 Qa maza sapa maku akałpe iyececa maku akałpe tonpi; qa łupahu łimufimunyan he ozuye canpahmihma, qa šuktanka ota ozuye ekta nawang yapi kin he iyececa.

10 Wamduška kin iyecen sinte yuhapi, qa sinte kin en icape yuke ça, wi zaptan hehanyan wicašta kin kiuniwicaye kta okihipi.

11 Unkan wicaštayatapi wan yuhapi, wošbe ceteta wanica etanhan ohnihde, Hebrew iapi kin eciyatanhan Abaddon eciyapi, qa Helenes iapi kin eciyatanhan Apoluon eciyapi kin hee.

12 Wicokakije kin wanji wana henakeca, qa ito he iyohakam wicokakije nom u kta ce.

13 Unkan hehan małhiya ohnihde icišakpe kin yahoton, qa mazaskazi wahna wošnapı Wakan-tanka itokam wanke cin he he topa kin etanhan wicaho wan taninyan nawahon :

14 He małhiya ohnihde iciša-kpe maza yahotonpi tanka yuhe cin he heciya; Małhiya ohnihde

topa wakpa tanka Yuphrate kin ekta wicakaškapi kin hena wicakiyuška wo.

15 Hehan małpiya ohnihde topa kin wicakiyuškapi; hena e wancadan ape cin, qa anpetu wanji, qa wi wanji, qa omaka wanjidan hehanyan wiyeya ehnağ unpi, wicašta iciyamnimni kin wicaktepi kta e heon.

16 Unkan ozuye kin šuktanka akan iyotankapi kin hena kektopawinge kektopawinge opawinge nonpa; hena wicayawapi kin nawaħon.

17 Qa wowanyake kin en šuktanka kin hecen wanwicamda-ka, qa wicašta akan iyotankapi kin hena maku akaħpe šaša, toto, qa zizi yuhapi. Unkan šuktanka pa kin he mnaja pa kin iyececa, qa ipi kin etanhan peta, qa šota, qa caħdi on kagapi kin hiyu.

18 Unkan hena yamni, peta, qa šota, qa caħdi on kagapi, hena ipi kin etanhan hiyu qon he on wicašta iciyamnimni kin wicaktepi.

19 Wowasake yuhapi kin he ipi kin ohna qa sintepi kin ohna; sintepi kin hena wamduška kin iyececa, qa pa yukan ece, qa hena on wakiuniyapi ece.

20 Unkan wicašta tona wicokakije kin hena on wicaktepi šni kin hena iye napapi wicoħan kin on iyopeiciyapi šni, hecen taku wakan šicapi kin ohowicadapi, qa mazaskazi, qa mazaska, qa mazazi, qa inyan, qa can wakagapi ohodapi ece kin ayuštampi šni; hena wawanyake šni, qa winahon šni qa mani okihi šni.

21 Qa nakun tinwicaktepi, qa wapiyapi, qa wiinaħmanpi, qa wamanonpi econpi kin on iyopeiciyapi šni.

WICOWOYAKE 10.

1 Unkan hehan małpiya ohnihde wan tokeca wašake linca małpiya kin eciyatanhan kuntkiya u, małpiya šapa hdowin kin he wanmdaka; wihmunke wan wapaha kiye a, ite kin he anpetu wi kin iyececa, qa siha kin peta wankantkiya ide kin iyececa.

2 Qa nape kin on wowapi wan cistinna yumdayeya yuha. Qa siha etapa kin miniwanca ahekiye a, sicatka kin iš maka kin akan.

3 Qa hotankakiya hotanin, mnaja wan hoton kin iyececa. Unkan hotanin hehan wakinyan šakowin hotonpi.

4 Unkan wakinyan šakowin kin hotonpi hehan wowapi wakage kta, tuka wicaho wan nawaħon, małpiya kin eciyatanhan hema-kiya, Taku wakinyan šakowin eyapi kin he sutaya apuspa wo, qa wowapi en kage šni wo.

5 Unkan małpiya ohnihde miniwanca maka ko akan najin wanmdake ciqon he nape kin małpiya kin ekta hdugate;

6 Qa tuwe ohinniyan ni un, qa małpiya kage a, taku ohnaka ko, maka qa taku ohnaka ko, miniwanca qa taku ohnaka ko kage cin hee on konza, Anpetu kin wanna henakeca kta;

7 Tuka małpiya ohnihde iciša-kowin yahoton kinhan, anpetu kin hena en Wakantanka tawowiyukcan henakeca kte cin hehanyan, iye taokiye, wicašta wokcan kin owicakiyake ciqon he iyecetu ce.

8 Unkan wicaho małpiya kin eciyatanhan tanin qon he ake hoyemakiye a heya, Małpiya ohnihde miniwanca maka ko akan najin kin he ekta ye a,

wowapi cistinna yumdayapi kin nape en un kin he icu wo.

9 Hehan mahpiya ohnihde kin he en wai qa hewakiya, Wowapi cistinna kin he maqu wo. Unkan, Icu qa yuta wo, tezi kin pa niye kta, tuka nii kin ohna tulumaga canhanpi kin iyecen skuye kta ce, emakiya.

10 Unkan wowapi cistinna kin mahpiya ohnihde nape kin etanhan iwacu, qa temwaya; qa mii kin en tulumaga canhanpi kin iyecen skuya, tuka nawapca hehan tezi kin pa mayan.

11 Hehan, Oyate, qa Ikcewicašta, qa iapi kin, qa wicaštaya-tapi ota en wicayakidukcan kta ce, emakiya.

WICOWOYAKE 11.

1 Unkan cedi wan cansakadan iyececa he maqupi; unkan mahpiya ohnihde kin najinhan najin qa heya; Najin, qa tipi wakan Wakantanka tawa kin iyuta wo, qa wahna wošnap, qa tona en cekiyapi ece kin hena nakun.

2 Tuka hocoka kin, tipi wakan itankan, he tankan iyeye ca iyute šni wo; he Ikcewicašta kin wicaqupi; unkan otonwe wakan kin amanipi kta, wi wikcemna topa sam nonpa hehanyan.

3 Unkan waayataniŋpi nom mitawa kin wahinske ojuha oihdugepi waayatapi kta e wicawaqu kta, anpetu kektopawinge sanpa opawinge nonpa sanpa wikcemna šakpe hehanyan.

4 Hena e Oliwe can nonpa qa petijanjan nom, Wakantanka maka yuhe cin itokam he cin hena eepi.

5 Unkan tuwe hena kiuniwicaye kta cin kinhan, ipi kin etanhan peta hiyu, qa toka wi-

cayapi kin ihang wicaye kta: Tuwe kiuniwicaya cin kinhan he hecen ktepi kta.

6 Hena e mahpiya kin onataka okihipi, hecen magaju kte šni, waayatapi anpetu kin icunhan, qa mini kin we icaŋyapi kta okihipi, qa tohan cinpi eca wokakiŋe owasin on maka kin kakišyapi ece.

7 Unkan taku yaotaninpi kin wanna yušanpi kta hehan, wošbe kin etanhan wamanica wan wankantkiya hiyu, qa hena azuwicaye kta, qa ohiwicaye ca wicakte kta.

8 Unkan hena tancan tapi kin otonwe tanka canku kin ohna wanke kta, he iapi wakan kin eciyatanhan Sodom qa Egipta eciyapi, qa tukten Itancan unkitawapi kin icipaweŋ okatanpi qon.

9 Unkan wicašta kin, qa wicowazi kin, qa iapi kin, qa oyate kin, hena tancan tapi kin wanwicayakapi kta, anpetu yamni qa wanji hanke hehanyan, qa tancan tapi kin maka mahen wicaŋapi kte cin iyowinwicakiyapi kte šni.

10 Unkan hena on etanhan tona makoce kin en onyanpi kin magagaičiyapi, qa wiyuškinpi kta, qa taku kicičupi kta, waayatapi nom tona maka akan ni un kin kakišwicayapi qon hena on etanhan.

11 Unkan anpetu yamni qa wanji hanke iyohakam, wiconi oniya kin Wakantanka eciyatanhan hena mahen iwicayaya; qa siha on najinpi, unkan tona wanwicayakapi kin nina yušin-yayapi.

12 Unkan hena wicaho wan tanka naŋonpi, mahpiya kin eciyatanhan hewicakiya; Deciya wankan u po, *eya*. Unkan ma-

hpiya šapa wan akan maḥpiya kin ekta iyayapi, qa tona toka wicayapi qon hena wanwicayakapi.

13 Unkan wihiyayedan ape cin he icunhan maka škanškan wan tanka, qa otonwe kin hankedan iwicemnamna kin hinhpaya, qa maka škanškan kin on tona ṭapi kin hena wicašta kektopawinge šakowin. Qa unmapi kin yušinyayapi qa maḥpiya Wakan-tanka kin wowitan qupi.

14 Wicokakije inonpa kin wana henakeca, qa ito wicokakije iyamni kin kohanna u kta ce.

15 Hehan maḥpiya ohnihde icišakowin kin yahoton, qa maḥpiya kin ekta wicaho tanka hotaninpi, qa heyapi, Itancan unkitawapi qa Messiya tawa kin, maka wokiconze kin tawaye ça, ohinniyan en wicaštayatapi un kta ce.

16 Hehan hunkawicayapi wickemna nonpa sanpa topa, Wakantanka itokam oiyotanke kin akan kiyotankapi kin, hena makata ehpeiçiyapi, qa Wakantanka ohodapi ;

17 Qa heyapi, Itancan Wakan-tanka lyotan wašake cin, tuwe un, qa un qon, u kte cin he niye ce, pidaunyayapi, nitowašake tanka kin iyekcu, qa wicayeconza ce.

18 Qa oyate kin šinhdapi, qa wocantiyahde nitawa kin wana hi ; qa tohan wicaṭe cin wicayacopi kta, qa ookiye wicaya-ye cin wicašta wokcan, qa owotanna, qa tona nicaje kin koki-papi, cistinpidan tankinkinyan ko, taku wicayaqu kta, qa tona maka napištanyanpi kin hena napištanwicayaye kte cin.

19 Hehan maḥpiya kin ekta tipi wakan Wakantanka tawa kin yuhdokapi, qa tipi wakan

kin en wicotakuye can koka kin wanyakapi. Unkan ito wakan-hdi, qa wicaho, qa wakinyan hotonpi, qa maka škanškan, qa wasu tanka.

WICOWOYAKE 12.

1 Unkan maḥpiya kin ekta wowapetokeca tanka wan tanin : Winohinca wan anpetu wi kin koyake ça, hanyetu wi kin siha kin ihukuya, qa pa kin en wicanhpi ake nonpa wapaha kiya.

2 He ihdušake ça, hokšiksuye ça howaya, cinca ton kta e wazanka.

3 Unkan hehan maḥpiya kin ekta wowapetokeca tokeca wan tanin; wamduška duta tanka wan, he pa šakowin, qa he wickemna yuha, qa pa šakowin kin en watešdake šakowin tešdaka.

4 Qa sinte kin on maḥpiya wicanhpi iyamnimni kin iwicacu, qa maka kin ekta ehpewicaya. Unkan wamduška kin he winohinca hokšiksuye cin itokam najin, cinca-ton kinhan temye kta.

5 Hehan cinca ton, wica kin, oyate hiyeye cin owasin maza icapsinte wan on wicayuhe kte cin hee. Unkan hokšiyəqopa kin he Wakantanka, qa iye oiyotanke kin ekta eyakupi.

6 Unkan winohinca kin he hewoskan makoce kin ekta napa, heciya Wakantanka taku wiyeya ekicihnaka, qa hen anpetu kektopawinge sanpa opawinge nonpa sam wickemna šakpe hehanyan wonyapi kta.

7 Hehan maḥpiya kin ekta ozuye kagapi; Mikael qa iye taokiye kin wamduška kin kici kicizapi. Unkan wamduška kin qa iye taokiye kin kicizapi ;

8 Qa ohiwicayapi šni ; hecen

hetanhan mahpiya kin ekta tuktedan wicakiyukanpi šni.

9 Unkan wamduška tanka kin, wamduška wanakaja tanhan un kin hee, Wakansica qa Satan eciyapi, wicašta hiyeye cin owasin wicahnaye cin hee, makata ehpeyapi, qa tona ookiye wicaye cin hena nakun kici tanhan iyewicayapi.

10 Unkan mahpiya kin eciyatanhan wicaho wan tanka nawahon, hecen eya, Wanna unkita Wakantankapi wiconi tawa, qa towašake qa tokiconze kin u; qa Messiya wicookihi tawa kin nakun; tuwe hunkawanjin wicunkiyapi kin taku iyawicaonpe cin, Wakantanka unkitawapi kin itokam, anpetu hanyetu ko awicaie cin hee kun ehpeyapi kin heon etanhan.

11 Unkan hena Amnos we kin he on, qa waayataninpi oie tawapi kin he on ohiyapi, qa wiconte hehanyan wiconi tawapi kin wašte kidapi šni.

12 Heon etanhan, mahpiya kin iyuskin po, qa tona ohna tipi kin. Tuka tona maka kin miniwanca ko ekta yakonpi kin hena wicokakije yuhapi kta; niyepi kin ekta Wakansica kun iyaye qa wošihda tanka yuha, askayedan kta e sdonkiye cin heon etanhan.

13 Unkan wamduška kin maka kin ekta ehpeyapi kin he wanhdaka, hehan winohinca cinca ton qon he šicaya kuwa.

14 Unkan winohinca kin he wanmdi tanka hupahu tawa nom qupi, on hewoskan makoce tukten ti kte cin heci kinyan iyaye kta, heciya waniyetu yamni qa wanji hanke hehanyan wonyapi kta, wamduška itohnake kin itehanyan.

15 Unkan wamduška kin iye i

kin etanhan mini hiyuya, wakpa wan iyececa, qa winohinca kin ihakam hiyayeya, minin teye kta e heon.

16 Unkan maka kin winohinca kin he okiye qa, i hdukawa, qa wakpa wamduška i kin etanhan hiyuye cin he yahepa.

17 Unkan wamduška kin he winohinca kin on šinhda, qa winohinca cinca wicaye cin, tona Wakantanka tawoahope kin ahopapi, qa Jesus Messiya wootanin tawa yuhapi kin hena azuwicaya.

WICOWOYAKE 13.

1 Unkan hehani miniwanca kahda wiyaka kin en nawajin. Qa miniwanca kin etanhan wamanica wan hiyu wanmdaka, pa šakowin, qa he wikcemna yuha, qa he kin akan wacinhe wikcemna, qa pa kin akan waoštehdapi caje kin.

2 Unkan wamanica wanmdake cin he inmu tanka iyececa, qa siha kin hena wahanksica siha kin iyececa, qa i kin mnaja i kin iyececa. Unkan wamduška qon towašake kin he qu, qa oiyotanke tawa kin, qa wicookihi tanka.

3 Unkan wanmdake qa, ito pa kin wanji kiuniyanpi, on te kta tuka; unkan kiuniyanpi kin on te kte cin he okizi, qa wicašta kin owasin wamanica kin on yušinyayapi.

4 Qa wamduška kin towašake kin wamanica qu qon he ohodapi, qa wamanica kin he nakun ohodapi, qa heyapi, Tuwe wamanica kin iyececa he, qa tuwe he kici kicize kta okihi he.

5 Unkan i wan qupi, he on taku tanka, qa iapi šice cin eye kta, qa wowašake qupi, wi wikcemna topa sanpa nonpa he-

hanyan, ozuye econ kte cin he-on.

6 Unkan i hdukawa qa Wakantanka yašica, caje, qa wakeya tawa kin, qa tona maḥpiya kin ekta etipi kin hena taku awicakicaga.

7 Qa tona owotanna un kin hena azuwicaye ça wicaktedan kta e qupi, qa wicowazi, qa iapi kin, qa oyate kin owasin wicayuhe kta e wowašake qupi.

8 Unkan tona maka akan unpi cajepi kin wiconi wowapi Amnos, maka kagapi kin hehan-tanhan wošnapi qon, he tawa kin en owapi šni kin hena owasin wamanica kin ohodapi.

9 Tuwe noge yukan hecinhan, he naḥon kta.

10 Tuwe wayaka awicahdi kinhan he wayaka ayapi kta, qa tuwe maza sagye on wicakte kin he maza sagye on ktepi kta ce. He en wicašta owotanna aepi qa wacinyanpi kin tanin.

11 Unkan wamanica wan tokeca maka kin etanhan hiyu kin he wanmdaka; he he nom yuha tahiŋ wanuyanpi cinčadan iyececa, qa wamduška iyecen ia.

12 Unkan wamanica tokaheya kin he towašake kin ocowasin yuha, qa maka kin, tona akan un kin hena ko wamanica tokaheya kin kiuniyanpi, qa on ɽe kta, tuka okizi kin he ohodawicakiya.

13 Qa wowapetokeca tanka econ, wicašta wicitokam maḥpiya kin eciyatanhan peta maka kin ahinḥpaye ya.

14 Qa tona maka akan unpi kin wicahnayan, wowapetokeca wamanica kin itokam econ kta e qupi qon hena on. Qa tona maka akan unpi kin wamanica maza sagye on capapi tuka kini

qon he iyacinpi wan kagapi kta e iwahokonwicakiya.

15 Qa wamanica iyacinpi kin he oniya qu okihi, hecen on wamanica iyacinpi kin ie kta, qa tona iyacinpi kin ohodapi šni kin hena wicakte kta okihi.

16 Unkan owasin, cistinpidan tankinkinyanpi ko, wijicapi qa waḥpanicapi, tona ihduhapi, wowidake unpi kin hena ko, nape etapa kin en, qa is itepi kin en wowapetogton tawa kin yuhe wicakiya.

17 Unkan tuwedan wopeton kte šni, tuka tona wamanica towapetogton, caje kin, qa caje ihdawa kin he wanji tukte e yuhe cin henana.

18 De en woksape yukan. Tuwe ksape cin he wamanica tona ihdawa kin he yawa kta. He wicašta iyawapi kin hee, ihdawa kin he opawinge šakpe sanpa wikcemna šakpe sanpa šakpe.

WICOWOYAKE 14.

1 Hehan wanmdake ça, iho, Amnos wan Zion Paha kin akan najin, qa kektopawinge opawinge sanpa kektopawinge wikcemna topa sam kektopawinge topa kici najinpi, iye Atkuku caje kin itepi kin en owapi qon.

2 Unkan maḥpiya kin eciyatanhan wicaho wan nawahon, mini ota ihaḥa kin iyececa, qa wakinyan tanka hoton kin iyececa. Qa dowankiyapi sa candowankiyapi on dowanpi wicahotanin nawahon.

3 Qa oiyotanke kin itokam, qa taku ni un topa kin, qa hunkawicayapi kin wicitokam odowan teca se ahiyayapi. Odowan kin he tuwedan onspe kta okihi šni, tuka kektopawinge opawinge sam kektopawinge wikcemna

topa sam kektopawinge topa maka kin etanhan opewicatonpi qon hena.

4 Winohinca on ašamwicayapi šni kin hena eepi, tanšna unpi nakaes. Tona Amnos kin tokiya ye cinhan iyahna yapi kin hena eepi. Wicašta kin etanhan Wakantanka qa Amnos kin ekta opewicatonpi tokaheya kin hena eepi

5 Qa hena ipi kin en wohnaye takudan iyeyapi šni; qa Wakantanka oiyotanke kin itokam takudan iyaonpepica šni unpi.

6 Hehan małpiya ohnihde tokeca wan małpiya cokaya kinyan iyaye cin he wanmdaka, wotanin wašte owihanke wanin un kin, tona maka akan unpi kin, wicašta kin, qa wicowazi, qa iapi, qa oyate hiye cin owasin ieyanpaha owicakiyake kta yuha iyaya.

7 Qa hotankakiya heya, Wakantanka kinihanpi qa wowitan qu po; woyaco anpetu kin wana hi ce; qa tuwe małpiya, maka, miniwanca, qa wakoniya kin kage cin he itokam canpeška makehde inajin po.

8 Unkan małpiya ohnihde ici-nonpa kin he ihakam ye ça heya, Hinłpaya ce, Babulon otowe tanka kin he hinłpaya; wawicihahapi wocantiyahde miniša tawa kin etanhan oyate hiye cin owasin yatke wicakiye cin he dee.

9 Unkan małpiya ohnihde iciyamni kin he hena wicihakam ye ça hotankakiya heya, Tuwe wamanica, qa iyacinpi kin ohoda, qa wowapetogton tawa kin ite, qa is nape kin en yuhe cinhan;

10 He Wakantanka wocantiyahde miniša tawa kin wocanteptanye miniyatke tawa kin en

okaštan kin hetanhan yatke kta, qa małpiya ohnihde owotanna un kin hena wicitokam, qa Amnos kin itokam, peta, calidi ko en kakisypapi kta.

11 Qa kakiswiczayapi šota kin owihanke wanin wankan iyaya ece; qa tona wamanica iye iyacinpi ko ohodapi, qa tuwe he caje wapetogtonpi yuhe cin hena anpetu hanyetu ko oziyapi wanin unpi.

12 Wicašta owotanna aepi kin he de en un, qa tona Wakantanka tawoahope opapi qa Jesus wacinyanpi kin hena.

13 Hehan małpiya kin eciyatanhan wicaho wan nawahon, hecen emakiya, Wowapi ecen kaga wo; Detanhan wicate cin tona Itancan kin en tapi kin hena wicayawaštepi ece. Han, Woniya kin eya, Wicohtani kin ayuštanpi kta, qa wicohan kin wiciyahna iyaya ece.

14 Hehan wanmdake ça, iho, małpiya ska wan, qa wanji Wicašta Cinhintku kin iyecceca akan iyotanka, he mazaskazi wapaha wan wapaha kiye ça, nape etapa kin on isan škopa pe linca yuha.

15 Unkan małpiya ohnihde tokeca wan tipi wakan kin etanhan u, qa tuwe małpiya ska kin akan iyotanke cin he panyanhan heciya; Isan škopa nitawa kin en iyekiye ça *aguyapi* baksa wo. Mnayanpi kte cin wanna iyehantu; maka woksapi kin wanna šeca ce.

16 Unkan małpiya ska akan iyotanke cin he isan škopa tawa kin maka ekta yekiya, unkan maka kin bašdapi.

17 Hehan małpiya ohnihde wan tokeca tipi wakan małpiya kin ekta he cin hetanhan u, he nakun isan škopa pe linca yuha.

18 Unkan mah̄piya ohnihde tokeca wan wahna wośnapi kin etanhan u, he peta on wowaśake yuha. Qa he tuwe isan śkopa pe hinca yuhe cin he panyanhan hoyekiye ça heya, Isan śkopa pe hinca nitawa kin ekta yekiye ça maka hastanhanka kin mnayan wo; hastanhanka iyage kin wanna sapa ce.

19 Unkan mah̄piya ohnihde kin he isan śkopa tawa kin maka ekta yekiye ça, maka hastanhanka iyuwi kin mnaye ça, Wakan-tanka wocantiyahde miniśa iyuśkice tawa tanka kin he en iyo-lpeya.

20 Unkan otonwe kin itankan mini śa iyuśkice kin napanpi, qa mini śa iyuśkice kin etanhan we hiyu, ūktanka i iyuwi kin hehanyan, stadiya kektopawinge sam opawinge śakpe hehanyan.

WICOWOYAKE 15.

1 Unkan mah̄piya kin ekta wowapetokeca tanka, qa wowinihan wanmdaka; mah̄piya ohnihde śakowin wicokakije śakowin ehake kin yuhapi, hena en Wakantanka wocantiyahde tawa kin henakeca kta.

2 Unkan mde wan janjan peta kici icicahiyapi seca wanmdaka, qa tona ohiya, wamanica qon, iye iyacinpi kin qa wowapetogton kin, qa tona caje iyawapi kin, ohiye ciqon hena janjan mde kin akan najinpi, qa Wakantanka candowankiyapi tawa kin heca yuhapi.

3 Qa Moses Wakantanka tao-kiye tadowan, qa Amnos kin tadowan kin ahīyayapi, qa he-yapi, Itancan, Wakantanka I-yotan waśake cin niohan kin tanka, qa wowinihan, tona owotanna un kin en Wicaśtayatapi

kin *he niye ce*, nitacanku kin owotanna qa wicaka.

4 Itancan, tuwe konicipe kte śni, qa nicaje kin inidowan kte śni he; niśnana oniowotanna; qa oyate hiyeye cin owasin upi, qa nitokam canpeśka makehde enajin kta; woyaco nitawa kin wanna tanin kin heon etanhan.

5 Unkan he iyohakam wam-dake ça, iho, mah̄piya kin ekta waayataninpi wakeya wakan kin he yuzamni han.

6 Qa mah̄piya ohnihde śakowin wicokakije śakowin yuhapi kin hena tipi wakan kin etanhan inanpapi, miniħuha ska wiyatpa kin heca koyakapi, qa mazaskazi on maku opta iħduskitapi.

7 Unkan taku ni un topa kin wanji mah̄piya ohnihde śakowin kin mazaskazi wiyatke kin heca śakowin wicaqu; hena Wakantanka ohinniyān ni un wocantiyahde tawa kin on ojudan.

8 Unkan Wakantanka towitan, qa towaśake kin ecīyatanhan tipi wakan kin śota ojudan. Qa tipi wakan kin tuwedan timahen ye kta okihi śni, wicokakije śakowin mah̄piya ohnihde śakowin yuhapi kin henakeca kte śni hehanyan.

WICOWOYAKE 16.

1 Unkan tipi wakan kin etanhan wicaho wan tanka nawahon, mah̄piya ohnihde śakowinpi qon hewicakiya, Yapi, qa wiyatke Wakantanka wocantiyahde tawa kin hena maka kin en akaśtan po, *eya*.

2 Hehan mah̄piya ohnihde tokaheya kin u, qa wiyatke tawa kin maka kin en akaśtan. Unkan wicaśta tona wamanica wowapetogton tawa kin yuhapi, qa iyacinpi kin ohodapi kin he-

na en šíyaka o tanka qa síca awicahinhpaya.

3 Unkan mahpiya ohnihde icononpa kin wiyatke tawa kin miniwanca kin en akaştan; unkan he we icaga, wicaşte cin we kin iyececa, qa miniwanca kin en taku niyake un kin owasiu  tapi.

4 Unkan mahpiya ohnihde icyamni kin wiyatke tawa kin wakpa qa wakoniya kin hena en akaştan; unkan hena we icaga.

5 Hehan mahpiya ohnihde wan mini kin yuhe cin he kaken eya, nawahon; Itancan, tuwe un, qa un qon, u kte cin he niye, oniwotanna, hecen wicadaco:

6 Wicašta owotanna, qa wokcanpi kin hena we kin wicakipapsonpi; qa hecen we yatke wicayakiya, he iyekicihantupi nakae .

7 Unkan wanji tokeca wahna wo napi kin eciyatanhan kaken eya, nawahon; Itancan, Wakan-tanka Iyotan wa aka, wadaco kin he ohinniyan owotanna qa wicaka ce.

8 Hehan mahpiya ohnihde icitopa kin wiyatke tawa kin anpetu wi kin en akaştan. Unkan he wicašta kin peta on wicagu kta e qupi.

9 Qa iyokatapi tanka kin wicašta wicagu, qa hecen Wakan-tanka wicokakije hena yuhe cin he caje kin o tehdapi, qa wowitan qupi kta on ihduacetupi  ni.

10 Unkan mahpiya ohnihde icizaptan kin wiyatke tawa kin wamanica oyanke tawa kin en akaştan; unkan wokiconze tawa kin otpaza ojudan, qa wayazanpi on cejipi kin hdahtalitakapi.

11 Qa wicokakije qa šíyaka o kin on etanhan mahpiya Wakan-tanka kin ya icapi, qa iye ohanpi kin on iyopeiciyapi  ni.

12 Unkan mahpiya ohnihde

ici akpe kin wiyatke tawa wakpa tanka kin Y phrate, he en akaştan; unkan mini kin puza aya, hecen wicaştayatapi wiyohiyanpa tanhan au kin canku kin wicakiciyumdayapi kta.

13 Unkan wamdu ka i kin etanhan, qa wamanica i kin etanhan, qa woiton ni wokcan kin he i kin etanhan, taku wakan  ica yamni, hna ka iyececa, hena hiyu wanmdaka.

14 Hena taku wakan  ica taniyapi kin hecapi, wowapetokeca econpi, qa maka sitomniyan wicaştayatapi kin, qa wicoicage ocowasin ekta yapi, Wakantanka Iyotan wa ake cin anpetu tawa tanka kin en zuya awicaupi kta e heon.

15 Iho, wamanon sa wan iyeceen wau ce. Tuwe kiktahan un, qa wokoyake kpatan kin he yawa tepi ece, hecen tancodan mani kte  ni, qa wi tece cin wanyakapi kte  ni.

16 Unkan Hebrew iapi kin eciyatanhan tukten Armagedon eciyapi, hen witaya u wicaya.

17 Hehan mahpiya ohnihde ici akowin kin wiyatke tawa kin okaduze cin en akaştan. Unkan mahpiya kin ekta tipi wakan kin etanhan, qa oiyotanke kin etanhan, wicaho tanka wan tanin, qa heya, Wanna henakeca.

18 Unkan iho wicaho taninpi, qa wakinyan hotonpi, qa wakanhdi tanin, qa maka  kan kan wan tanka, wicašta kin maka akan iwicacage cin ehantanhan maka  kan kan iyecen tanka wanica.

19 Qa otonwe tanka kin he yamni kiyu papi; qa otonwe lkecwicašta tawapi kin hena hinhpayapi. Qa Babulon tanka kin he Wakantanka itokam kiksuyapi, wocanniye ohitike cin

miniša wiyatke kin qu kta heon.

20 Unkan wita kin owasin najica, qa he kin hena tuktedan iyeyapi šni.

21 Unkan maḥpiya kin eciya-tanhan wasu tanka wicašta kin awicahinhe, otoiyoḥi taku tke utapi opawinge wanjidan insko-keca. Unkan wasu wicokakije kin on wicašta kin Wakantanka yašicapi ece, he wokakije iyotan tanka kin heon.

WICOWOYAKE 17.

1 Hehan maḥpiya ohnihde šakowin wiyatke šakowin yuhapi qon etanhan wanji u, qa omakiye ɕa hemakiya, Deciya u wo, wawicihahapi econ sa tanka mini ota akan iyotanke cin he token yacopi kin cicipazo kta ce.

2 He kici wicaštayatapi maka akan unpi kin wawicihahapi econpi ece, qa tona maka akan unpi kin wawicihahapi tawa miniša kin on witkopi ce.

3 Hehan Woniya kin on he-woskan makoce ekta amayan. Unkan winohinca wan wamanica duta wan akan iyotanke cin he wanmdaka; he waoštehdapi wicacaje kin ojudan, qa pa šakowin, he wikcemna ko ikoyaka.

4 Unkan winohinca kin he taku stan duta ko koyake ɕa, mazaskazi, inyan tehika, oinpidan ko hena on wiyatpa un, qa nape kin ohna mazaskazi wiyatke wan yuha waoštehdapi, wawicihahapi ko ašamyapi kin on ojudan.

5 Qa ite kin en caje wan owapi, Woanahbe kin, Babulon tanka, maka kin akan wawicihahapi, qa wayašicapi hunku kin hee.

6 Unkan wicašta owotanna we kin winohinca kin he iwitko

wanmdaka, qa tona Jesus yao-taninpi kin hena we kin on. He wanmdake ɕa nina imanihan waun.

7 Hehan maḥpiya ohnihde kin he, Tokeca e ininihan he, emakiya; Winohinca woanahbe kin he ociciyake kta, qa wamanica akan iyotanke cin, pa šakowin, qa he wikcemna hduhe cin he nakun.

8 Wamanica wandake cin he un qon, qa un šni kin; qa wošbe cetete wanica etanhan hiyu kta, qa wicotakuni šni ekta hde kta. Qa tona maka akan unpi, maka kagapi kin ehantanhan, cajepi kin wiconi wowapi kin en owapi šni, hena wamanica kin wanyakapi kinhan yušinyayapi kta, he un qon, qa un šni, qa hinahin un kin heon etanhan.

9 Unkan wicotawacin wico-ksape yuhe cin he den un. Pa šakowin kin hena paha šakowin winohinca kin akan iyotanke cin hee:

10 Qa wicaštayatapi šakowin kin heepi, zaptan wanna hinḥapayapi, qa wanji nahahin en yanka, qa wanji iš hinahin hi šni; he hi kinhan ptecedan he kta.

11 Qa wamanica wandake ciquon he un qon, qa un šni kin, he ičisahdogan kin ee, šakowinpi kin he etanhan, qa wicotakuni šni ekta hde kta.

12 Qa he wikcemna wandake ciquon hena wicaštayatapi wikcemna kin eepi, nahahin wokiconze yuhapi šni, tuka wihiyayedan wancadan ape cin wicaštayatapi iyecen wamanica kin kici wicowašake icupi kta.

13 Hena wicotawacin wanjidan yuhapi, qa wicowašake wicookihi ko tawapi kin wamanica kin qupi.

14 Qa hena Amnos kin kici ki-

eizapi kta, tuka Amnos kin wicaktedan kta, he itancanpi kin Itancan, qa wicaštayatapi kin en Wicaštayatapi kin hee, qa tona om un kin hena wicakicopi, qa wicakañnigapi, qa wicakapi.

15 Hehan hecen emakiya, Mini wandake ciqon tukten wawicihañhapi econ sa iyotanke cin he oyate, qa wicota, qa wicašta, qa iapi kin eepi.

16 Qa he wikcemna wandake ciqon, wamanica ikoyake cin hena, wawicihañhapi econ sa kin šice kidakapi kta, qa hewoskantuya tancodan iyaye yapi kta, celhipi kin temyapi, qa peta on ħuñnañyapi kta.

17 Hena e Wakantanka tawacin kin ecen econpi kta, qa wicotawacin wanjidan unpi kta, qa wokiconze tawapi kin wamanica qupi kta e wacin yus wicakiya, Wakantanka oie kin yuecetu kte cin hehanyan.

18 Qa winoñinca wandake ciqon he otonwe tanka kin makata wicaštayatapi kin iwicadake cin hee.

WICOWOYAKE 18.

1 Unkan hena taku kin iyohakam mañpiya ohñihde wan mañpiya kin eciyatanhan kutkiya u wanmdaka, wicowaśake tanka yuha; qa he towitan kin on maka kin iyoyanpa.

2 Unkan he waśagya hotankakiya hotanin, qa heya. Hinñpaya ce, Babulon tanka kin he hinñpaya; qa taku wakan šicapi en ounyanpi, qa wanagi aśape cin owasin he otipi, qa zitkadan šice cin šicedapi kin owasin he holipi yapi ce.

3 Wawicihañhapi wocantiyahde miniša tawa kin hetanhan oyate hiyeye cin owasin yatkanpi; qa

he kici wicaštayatapi maka akan unpi kin wawicihañhapi econpi, qa taku tehika ota yuhe cin on wopeton maka akan unpi kin wijiniçiyapi ce.

4 Hehan mañpiya eciyatanhan wicaho wan tokeca nawahon, kaken eya, Mitaoyate kin tankata inanpa po, hecen woahñtani tawa kin ehna yaunpi kte šni, qa wicokakije tawa kin en oyapapi kte šni.

5 He wañtani kin mañpiya kin ekta iyahdeya, qa taku šica econ kin hena Wakantanka kiksuya un.

6 Token ecaniconpi qon he iyecen ecakicon po, qa iye oñan kin etanhan nonpa akihde kieu po, wiyaťke ojudan ye cin he ohna nonpa akihde okicicaštan po.

7 Token wañaniçida qa takudan icakije šni un qon he iyecen wicokakije, qa iyokišicapi kin qu po. Iye cante kin ekta kaken eya; Wicaštayatapi winoñinca heca iyotankehan waun, qa wiwazica hemaca šni. qa iyokišicapi kin icimana wanmdake kte šni ce.

8 Heon etanhan anpetu wanjidan en wicokakije tawa kin hiyahde kta. wiconťe, qa iyokišicapi, qa wicaakiñan, qa ocowasin peta on ħuñnage kta; tuwe yaco kin Itancan kin Wakantanka hee waśaka ce, heon etanhan.

9 Unkan wicaštayatapi maka ohnaka kin kici wawicihañhapi econpi, qa takudan icakije šni unpi kin hena he aceyapi kta, qa nihinciçiyapi kta, he ħuñnage cin šota kin wanyakapi kinhan;

10 Wicokakije kin ikopapi kin on itehanyan inajinpi, qa heyapi kta, Hehehe, hehehe, Babulon otonwe tanka kin, otonwe waśake cin, ihnuhanna niyacopi kin anihinñpaya ce.

11 Qa heon wopeton maka akan unpi kin nihinci-yapi, qa ceyapi kta, hetanhan maza tawapi kin tuwedan opewicakica-ton kte śni :

12 Maza kin he mazaskazi, qa mazaska, qa inyan telika, qa oinpidan, qa minihuha wašte, qa śina to, qa minihuha zipzipe-dan, qa śina śa, qa can wašte-mna ocaje owasin, qa huhu wa-ksica owasin, qa can tehika, qa mazazi, qa mazasapa, qa inyan ska waksica ;

13 Qa canha śa, qa taku wašte-mna, qa pejihuta pa, qa cansin, qa minisa, qa wihdi, qa aguyapi mdu, qa woteca, qa tahn wanu-yanpi, qa šuktanka, qa canpa-hmihma, qa wicatan-can, wica-nagi ko henakiya.

14 Waskuyeca kin ninagi wašte dake cin he wanna henake-ca, qa woyute napin qa taku wi-cimdeza, hena owasin aniyu-šan, qa hena ake tohinni iyeya-ye kte śni.

15 Unkan wopeton tona taku hececa wiyopeyapi ece, qa on wijiničiyapi kin hena itehanyan inajinpi kta, he wokakije kin ikopapi, nihinci-yapi, qa ceyapi ;

16 Qa heyapi ; Hehehe, hehe-he, otonwe tanka kin minihuha wašte, śa stan, śa ko koyake ça, mazaskazi, inyan telika oinpi-dan ko kohdaka ; qa ihnuhanna wiwicajica tanka kin he yuta-kuni śni.

17 Unkan tona wita wata iyu-pse yuzapi, qa tona ohna yapi, qa tona watopapi, qa tona mini-wanca ohna wopetonpi ece kin hena owasin itehanyan inajinpi ;

18 Qa he hufnage cin šota kin wanyakapi qehan, hotaninpi qa heyapi ; Otonwe kin tukte wan-ji e otonwe tanka kin he iyececa he.

19 Qa pa kin akan maka ahda-tapi, qa hotaninyan nihinci-yapi, qa ceyapi, qa heyapi ; Hehehe, hehehe, otonwe tanka kin he eciyatanhan tona miniwanca kin ohna wita wata yuhapi kin hena owasin watonpika, taku tehika opeton qon heon, he ihnuhanna hewoskan kagapi ce.

20 Heon, mahpiya kin, iyuškin wo, qa ohnihde owotanna yaun-pi, qa wokcanpi kin nakun, ni-yepi kin on Wakantanka toki-čon kin he etanhan.

21 Hehan mahpiya ohnihde wašake hinca wan, inyan wan, inyan wiyutpan tanka iyececa, he icu, qa miniwanca kin en ehpeye ça heya, Hecen wowa-šake on Babulon otonwe tanka kin jujuwahan ehpeyapi kta, qa tohinni iyeyapi kte śni ce.

22 Unkan niye kin en cando-wankiyapi sa, qa dowanpi sa, qa cotanka yajopi sa, qa maza ya-hotonpi sa wicaho kin tohinni nahonpi kte śni ; qa taku kage sa, ocaje owasin, niye kin en iyeyapi kte śni, qa wiyutpan fimun kin niye en hetanhan to-hinni nahonpi kte śni.

23 Qa petijanjan ojanjan kin icimana iyoyamniye kte śni, qa niye en hihnyanpi qa tawicuyapi wicaho kin tohinni nahonpi kte śni. Wicašta wope-ton nitawa kin hena maka akan wicašta itancanpi kin hecapi ; qa wicayahmunge cin on oyate kin owasin wicayahnayen.

24 Unkan he ohna wicašta wokcan wicašta owotanna ko we kin iyeyapi, qa tona maka akan ktepi kin hena nakun.

WICOWOYAKE 19.

1 Unkan hena iyohakam mahpiya kin ekta wicota hotanka-

kiya hotaninpi nawahon, kaken eyapi, Jehowa yatan po, niwicaye ça, wowitan, qa wootanin, qa wowaśake, Itancan Wakantanka unkitawapi kin he tawa nune.

2 Wayaco kin owotanna qa wicaka; witkowin tanka, wawicihalapi econ kin on maka kin yuśice cin he yaco, qa taokiye kin hena we kin he nape kin en tokicon.

3 Hehan inonpa heyapi, Jehowa yatan po. Unkan he śota kin owihanke wanin wankantkiya iyaya.

4 Hehan hunkawicayapi wikcemna nonpa sanpa topa, qa taku ni un topa kin hena makata ehpeiciyapi, qa Wakantanka oiyotanke kin akan kiyotanke cin he ohodapi, qa heyapi, Amen, Jehowa yatan po.

5 Hehan oiyotanke kin etanhan wicaho wan taninyan heya, Taokiye niyanpi kin owasin, qa tona cekiyapi ece, cistinpidan tankinkinyanpi ko, Wakantanka nitawapi kin yatan po.

6 Unkan nawahon, wicota hotaninpi kin iyececa, qa mini ota ihaħa kin iyececa, qa wakinyan tanka hotonpi kin iyececa, kaken eyapi, Jehowa yatan po; Itancan Wakantanka Iyotan Waśake cin he Wicaśtayatapi un.

7 Heon etanhan piundapi, qa unkiyuśkinpi kta, qa wowitan unqupi kta; Amnos kin tohan tawicu ton kte cin wanna iyeħantu, qa winohinca kin taku owasin wiyeya ekihnaka.

8 Unkan he minihuha ska wiyatpa kin heca koyake kta e qupi; minihuha ska kin he tona waśte woowotanna yuhapi kin hee.

9 Hehan hecen emakiya, Ka-

ken wowapi kaga wo, Tona Amnos kin winohinca yuze kta omniciye kin en wicakicopi kin hena wicayawaśtepi ce. Hehan ake hecen emakiya, Wakantanka oie wicake cin hena ee.

10 Unkan hehan he siha hdepi kin en makata ehpeiciye ça ohowada kta; tuka iye hema-kiya, Ihnuhan hecanon kin, miś cici ookiye waun, qa nihunkawanji Jesus yaotanin yuhapi kin hemaca; Wakantanka ohoda wo. Jesus yaotanin kin he wokcanpi woniya kin hee.

11 Unkan mahpiya kin yuzamnipi e wanmdaka, qa ito śuktanka ska wan, qa tuwe akan iyo- tanke cin he Wicake ça Owotanna eciyapi, he owotanna wicayaco qa ozuye econ ece.

12 Iśta kin peta ide kin iyececa, qa pa kin akan wateśdake ota yukan; qa caje kin owapi, tuka he tuwedan sdonye śni, iye iśna- na sdonkiya.

13 Qa wokoyake we en opu- tkanpi kin heca koyaka: Qa Wakantanka Oie kin eciyapi.

14 Unkan mahpiya wicobe kin owasin he ihakam yapi, śuktanka ska akan iyotankapi qa minihuha waśte, ska, qa wakaśote śni kin heca koyakapi.

15 Qa iye i kin etanhan maza sagye anog ope kin hiyu, heon oyate kin awicape kta, qa maza icapsinte wan on wicayuhe kta; qa Wakantanka Iyotan Waśake cin he wocantiyahde ohitike cin miniśa iyuśkice kin he naśkica.

16 Qa onhoħida ceca sani ko akan caje kin owapi, Wicaśtayatapi kin en Wicaśtayatapi, qa itancanpi kin Itancan kin he dee.

17 Hehan mahpiya ohnihde wan anpetu wi kin en najin kin he wanmdaka; he hotankakiya

hotanin, qa taku kinyanpi kin owasin, okotonyan kin en kinyan unpi kin hena hewicakiya; Upi qa Wakantanka he wotapi tanka tawa kin en mniciya po;

18 Wicaštayatapi cel̄pi kin yatapi kta, qa wicašta itancanpi cel̄pi kin, qa tona waśakśakapi cel̄pi kin he, qa śuktanka cel̄pi, qa tona akan iyotankapi kin, wicacełpi ocaje owasin, wowidake unpi, qa ihduhapi kin, cistinpidan tankinkinyanpi koya.

19 Unkan wamanica kin wanmdaka, qa wicaštayatapi maka akan unpi kin akicita wicayuhapi ko witaya mniciyapi, qa tuwe śuktanka akan iyotanke cin akicita wicayuhe cin ko, kici kicizapi kte cin heon.

20 Hehan wamanica kin he niyake yuzapi, qa woitonśni wokcan kin he nakun, he wamanica kin itokam wowapetokeca econ, qa on tona wamanica wowapetogton tawa yuhapi, qa iya-cinpi kin ohodapi kin hena wicahnaye cin hee. Unkan hena napin niyake peta mde waninyan zi on itkonyahe cin he en iyohpewicayapi.

21 Unkan unmanpi kin owasin tuwe śuktanka akan iyotanke cin he maza sagye tawa kin on wicaktepi, maza sagye he i kin etanhan hiyu qon hee on. Unkan hena cel̄pi kin on taku kinyan un kin owasin imnanpi.

WICOWOYAKE 20.

1 Hehan mal̄piya ohnihde wan mal̄piya kin eciyatanhan kun u wanmdaka, he wośbe ceteta wanica tiyopa iyuhdoke kin yuhe a, nape ohna maza icicahiha wan tanka:

2 Qa he wamduška kin iyal̄paya, sintehda wanakaja tanhan

un kin, Wakanśica qa Satan hee, qa kaška ehna, waniyetu kektopawinge hehanyan;

3 Qa wośbe ceteta wanica he en ehpeye a onataka, qa ipuspe wan on apuspa, hecen oyate kin wicahnaye kte śni, waniyetu kektopawinge kin ihuniyanpi śni kin hehanyan. Unkan he iyo-hakam ptenyedan kiyuškapi kta.

4 Unkan oiyotanke kin heca wanmdaka, qa tona akan iyotankapi kin hena woyaco yuhapi. Unkan tona Jesus oyakapi kin on, qa Wakantanka oie kin on pa bawicaksapi qon, wamanica kin wakagapi ko ohodapi śni, qa wowapetogton tawa kin itepi, qa napepi kin en yuhapi śni, hena nagipi kin wanwicamdaka, ake kinipi qa Messiya kin kici ounyanpi, waniyetu kektopawinge hehanyan.

5 Tuka wicate cin unmanpi kin ake kinipi śni, waniyetu kektopawinge kin henakeca śni kin hehanyan. Piya iwicacage tokaheya kin hee.

6 Tuwe piya iwicacage tokaheya kin en ope cinhan he ya-waštepi qa owotanna un. Hena wiconte inonpa kin iyowicahi kte śni, tuka Wakantanka qa Messiya kin ehta wawayuśnapi kin heca wicayawapi kta, qa kici ounyanpi kta, waniyetu kektopawinge hehanyan.

7 Unkan waniyetu kektopawinge kin henakeca kinhan, Satan wicakaška tipi kin etanhan kiyuškapi kta.

8 Qa oyate kin wicahnaye kta e makata tate ouye topa kin ektakiya ye kta, qa Gog Magog kici zuya u wicaśi kta; hena miniwanca wiyaka sukaza kin iyecen wicota.

9 Unkan maka ohdakinyan ohna yapi, qa wicašta owotanna

ewanke cin ihdukšan hinajinpi, qa otonwe wakan kin nakun. Unkan malipiya kin etanhan Wakantanka eciyatanhan peta hiyu, qa hulinahwicaya.

10 Unkan Wakanšica, hena wicahnaye cin he peta qa inyanzi mde kin en iyohpeyapi, heciya wamanica qa woitonšni wokcan kin unpi, qa anpetu hanyetu ko owihanke wanin kakijapi kta.

11 Hehan oiyotanke ska tanka wan wanmdaka, qa tuwe akan iyotanke cin he ite kin etanhan maka malipiya ko najicapi; qa tukten wanke kte cin iyeyapi šni.

12 Qa wicaŧe ciqon, cistinpidan tankinkinyanpi ko, hena Wakantanka itokam najinpi, wanmdaka. Unkan wowapi kin yumdayapi; qa wowapi tokeca wan yumdayapi, wiconi wowapi kin hee: Qa wicaŧe ciqon token wowapi kin en kagapi kin he iyecen wicayacopi, iye wicoŧan kin eciyatanhan.

13 Unkan miniwanca kin wicaŧe cin tona en un kin hena hiyuwicaya, qa wiconŧe Hades ko wicaŧe cin tona en unpi kin hena hiyuwicayapi. Qa iye wicoŧan kin eciyatanhan otoiyoŧi wicayacopi.

14 Unkan wiconŧe qa Hades kin hena peta mde kin en iyohpewicayapi. Wiconŧe inonpa kin hee.

15 Unkan tuwe wiconi wowapi kin en owapi iyeyapi šni kin he peta mde kin en iyohpeyapi ece.

WICOWOYAKE 21.

1 Hehan malipiya teca qa maka teca wan wanmdaka. Malipiya tokaheya qa maka tokaheya kin hena yutokan iyeyapi, qa miniwanca wanica.

2 Unkan Johannes he miye e otonwe wakan kin wamdaka, Jerusalem teca kin hee malipiya kin etanhan, Wakantanka eciyatanhan kun u, winohinca wan wicaŧa hihna ton kte cin on wiyeya un kin he iyececa.

3 Unkan malipiya kin eciyatanhan wicaho wan tanka nawahon, kaken eya, Wanyaka wo, Wakantanka wakeya tawa kin wicaŧa kin ehna han, qa iye hena om ti kta, qa hena e oyate tawawicaye kta, qa Wakantanka hince cin hena om un kta, qa Wakantanka tawapi kta.

4 Qa wiciŧa kin etanhan Wakantanka iŧamnihanpe owasin wicakipakinte kta, qa hetanhan wiconŧe wanice kta, wicocante šica, wicaceya, wicokakije ko wanice kta, taku tokaheya un kin wanna henakeca.

5 Unkan tuwe oiyotanke kin akan kiyotanke cin he, Ito taku owasin teca wakaga ce, eya. Hehan, Wowapi ecen kaga wo, hena oie kin wicake ɸa owotan-na, emakiya.

6 Qa ake kaken emakiya, Wanna henakeca. Alpha qa Omega, otokahe qa owihanke kin he miye ce. Tuwe ipuza kinhan he wiconi mini hɸoka kin etanhan iyunwin codan yatke wakiye kta.

7 Tuwe ohiye cinhan he taku owasin tawaye kta, qa iye Wakantanka maye kta, qa miŧ he cinkšiwaye kta.

8 Tuka tona wikopapi, qa wicadapi šni, qa wahŧepi šni, qa tin wicaktepi, qa wawiciahapi econpi sa, qa wapiyapi, qa wakagapi ohodapi sa, qa oitonpišni kin hena owasin mde wan peta qa inyan zi on itkonyahe cin he ohna taku tawapi kta, wiconŧe inonpa kin hee.

9 Hehan mahpiya ohnihde šakowin wiyatke šakowin wicokakije ehake šakowin kin on ojudan yuhapi qon hena etanhan wanji hi, qa omakiye ça heya, U wo, winohinca wan Amnos kin tawicuye kte cin he cicipazo kta ce.

10 Unkan Woniya kin on paba wan tanka tehan wankantuya kin ekta amaye ça, otonwe tanka kin, Jerusalem wakan, mahpiya kin etanhan Wakantanka eciyatanhan kutkiya u kin he makipazo;

11 Wakantanka wowitan tawa kin yuha, qa wiyatpa kin he inyan tehika iyececa, inyan wan acališdaya iyececa:

12 Qa ihdukšan aconkaškapi tanka qa tehan wankantu kin, qa tiyopa ake nonpa yukan, qa tiyopa kin hena en mahpiya ohnihde ake nonpa yukanpi, qa akan wicacaje owapi, Israel cin-capi wicoun ake nonpa kin hena eepi.

13 Wiyohiyanpa tanhan tiyopa yamni; qa waziyapa tanhan tiyopa yamni; qa itokaga tanhan tiyopa yamni; qa wiyohpeya tanhan tiyopa yamni.

14 Qa otonwe conkaške kin taku akan he cin hena ake nonpa, qa Amnos kin yewicaši ake nonpa cajepi kin hena en un.

15 Unkan tuwe omakiye cin he mazaskazi cedihu wan yuha, on otonwe, qa tiyopa kin, conkaške ko iyute kta.

16 Otonwe kin oise tom yukan, qa ohdakinyan kin ohanske cin kici akidehankeca. Unkan cedihu kin on otonwe kin iyuta, wiyutapi kektopawinge ake nom; ohdakinyan ohanske cin obosdattu ko akidecen han.

17 Qa conkaške kin he iyuta, wicišpa opawinge sanpa wikce-

mna topa sam topa, wicašta ihduta, mahpiya ohnihde ihdute cin hee.

18 Conkaške kin he iyaspis inyan tehika on kagapi, qa otonwe kin he mazaskazi ecedan, janjan ecedan iyececa.

19 Qa otonwe conkaške kin taku akan he cin he inyan tehika ocaje owasin en un. Taku akan he cin tokaheya kin he iyaspis; inonpa kin he saphiros; iyamni kin he kalkedon; itopa kin he smaragdós;

20 Qa izaptan kin he sardonis; isakpe kin he sardius; isakowin kin he krusolitos; isahdogan kin he berulos; inapcinwanka kin he topaz; iwikcemna kin he krusophrasos; iakewanji kin he huakinthos; qa iakenonpa kin he amathustos.

21 Tiyopa ake nonpa kin hena inyan tehika ocaje ake nom, tiyopa otoiyohi inyan tehika wanjidan; qa otonwe ocanku kin he mazaskazi ecedan janjan kin iyecen wiyatpa.

22 Qa he en tipi wakan wani-ca; Itancan Wakantanka Iyotan Wašake cin, qa Amnos kin hena tipi wakan kin eepi.

23 Qa otonwe kin he anpetu wi, hanyetu wi ko en iyoyanpapi kta cinpi šni; Wakantanka wowitan tawa kin iyoyanpa, qa Amnos kin he petijanjan kin hee.

24 Qa oyate kin tona ni wicayapi kin hena iyoyanpa kin he en manipi kta; qa wicaštaya-tapi maka akan unpi kin hena wowitan qa wootanin tawapi kin en ahipi kta.

25 Qa tiyopa kin hena anpetu icunhan ecen iyeyapi kte šni; qa heciya hanyetu wanica.

26 Oyate hiyeye cin wowitan, qa wootanin kin en ahipi kta.

27 Qa taku wiśamye aśamye cin he en i kte śni, qa taku śica-ya econ, qa itonśni kin; tuka tona cajepi kin wiconi wowapi Amnos tawa kin en owicawapi kin henanapidan.

WICOWOYAKE 22.

1 Hehan wakpa wan wiconi mini ska kin, cahtowata iyecen ska, he makipazo, he Wakan-tanka qa Amnos oiyotanke tawa kin etanhan kaduza.

2 Unkan canku cokaya, qa wakpa kin anokatanhan wiconi can kin icaga, he waskuyeca ocaje ake nonpa aicaga, wi otoi-yohi waskuyeca aicaliya ece; qa can wapa kin hena oyate kin okizi wicaya ece.

3 Unkan heciya wicayusice wanice kta; tuka Wakantan-ka oiyotanke tawa kin he, qa Amnos tawa kin hen he kta, qa taokiye kin hena tawoahope kin ecen econpi kta:

4 Qa itohnake kin wanyakapi kta, qa caje kin iye itepi kin en yuhapi kta.

5 Qa heciya hanyetu wanice kta; qa petijanjan qa anpetu wi iyoyanpa kin he cinpi śni; Itan-can Wakantanka iyoyamwica-ya ece; qa ohinniyan owihanke wanin wicaštayatapi ounyanpi kta.

6 Hehan hecen emakiya, Wi-coie kin dena wacinyepica qa wicakapi. Qa Itancan Wakan-tanka wicašta wokcan wakan tawapi kin hee, taku ecadan u kte cin hena taokiye kin owica-kiyake kta e on ohnihde tawa kin u śi.

7 Iho ecadan wau kta. Tuwe wowapi kin de wowiyukcan oie kin tanyan yuhe cinhan he ya-waštepi ce.

8 Unkan Johannes he miye e hena wanmdake ca nawahon. Hena nawahon, qa wanmdaka; unkan mahipiya ohnihde hena wanyagmakiye cin he siha kin en makata elipemičiye, ohowada kta tuka.

9 Hehan hemakiya, Ihnuhan hecanon kin; miś eya ookiye cici waun, qa nihunkawanji wi-cašta wokcanpi kin etanhan wa-un, qa tona wowapi kin de oie yuhapi kin hena owicawapa; Wakantanka ohoda wo.

10 Hehan ake hemakiya, Wo-wapi kin de wowiyukcan oie kin hena sutaya apuspe śni wo. Wanna ecadan kta ce.

11 Tuwe owotanna śni kin o-hinniyan owotanna kte śni, qa tuwe aśape cin he ohinniyan aśapa un nunwe; qa tuwe owo-tanna kin he ohinniyan owotan-na kta, qa tuwe ecadan kin he ohinniyan ecadan un nunwe.

12 Unkan iho, kohanna wau kta, qa taku mitawa kin hduha waun, otoi-yohi iye wicoħan kin eciyatanhan wicawaqu kta.

13 Alpha qa Omega, tokapa qa hakakta, otokahe qa owihanke kin he miye ce.

14 Tona tawoahope kin ecen econpi kin hena wicayawaštepi, hecen wiconi can kin en ya oki-hipi kta, qa tiyopa kin ohna o-tonwe kin timahen yapi kta.

15 Tuka śunka, qa tona wapi-yapi sa, qa wiinalimanpi sa, qa wawiciliħahiapi econpi sa, qa wa-kagapi ohodapi sa, qa tuwe iton-śni waštedake ca econ kin hena tankan yakonpi ece.

16 Jesus he miye ce, okodaki-kiye kin ekta niyepi kin en hena oniciyakapi kta e heon ohnihde mitawa kin u waši. Dawid can hutkan adetka ko he miye, qa anpao wicanħpi nina iyege cin.

17 Unkan Woniya kin tawicu-
yapi kin kici, Kuwa, eyapi. Qa
tuwe nahon kinhan he, Kuwa,
eye kta. Qa tuwe ipuza kinhan,
he u kta. Qa tuwe cin kinhan
he iyunwin codan wiconi mini
kin icu nunwe.

18 Tona wowapi kin de wowi-
yukcan oie kin nahonpi kin hena
kaken ewicawakiya ; Tuwe wi-
coie kin dena en taku sanpa ka-
ge cinhan, he wicokakije wowa-
pi kin de en cajeyatapi kin Wa-
kantanka qu kta :

19 Qa tuwe wowiyukcan wo-
408

wapi oie kin dena yuaoptetu
kinhan, he taku tawa kte cin wi-
coni wowapi kin etanhan Wa-
kantanka icu kta, qa otonwe
wakan kin etanhan, qa taku to-
na wowapi kin de en kagapi kin
he etanhan.

20 Tuwe hena yaotanin kin he
kaken eya, Iho, kohanna wau
kta ce. Amen. Itancan Jesus
hecen yau nunwe.

21 Jesus Messiya Itancan un-
kitawapi kin he towaonsida kin
niyepi owasin en nicipi un kta.
Amen.

JESUS' ITANCAN KIN YATANPI NUNWE.

